

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部

第三三七冊



責任編輯：孫言誠 賀 偉

ISBN 7-5333-0615-5



9 787533 306151 >

EB50/01

四庫全書存目叢書·集部三三七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 50.125印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第三二七冊目次

集部·總集類

唐詩所四十七卷(二)

〔明〕臧懋循編
北京大學圖書館藏明萬曆刻本

..... 一

詞致錄十六卷

〔明〕李天麟編
北京師範大學圖書館藏明萬曆十五年刻本

..... 一七〇

江皋小築集三卷

〔明〕李元弼編
天津圖書館藏明萬曆四十年自刻本

..... 四七五

韓文杜律二卷

〔明〕郭正域輯評
故宮博物院圖書館藏明閔齊伋刻朱墨套印本

..... 六二一

頻陽集四卷

〔明〕劉兌編
南京圖書館藏明萬曆四十二年刻本

..... 六九三

唐詩所四十七卷(二)

〔明〕臧懋循編

北京大學圖書館藏明萬曆刻本

附《四庫全書總目·唐詩所四

十七卷》提要

唐詩所第三十八卷 排律

宴中山

前集
太宗

驅馬出遼陽萬里轉旂常對敵六奇舉臨戎八陣張斬
鯨澄碧海卷霧掃扶桑昔去蘭綈翠今來桂染芳雲枝
浮碎葉冰鏡上朝光回首長安道方歡宴栢梁

奉和

許敬宗

飛雲旋碧海解網宥青丘養賢停八駿觀風駐五牛張
樂臨堯野揚麾歷舜州中山獻仙酤趙媛發清謳塞門
朱鴈入郊藪紫麟遊一舉氛霓靜千齡德化流

春日玄武門宴羣臣

太宗

排律五言 卷三十八

一

韶光開令序淑氣動芳年駐輦華林側高宴栢梁前紫
庭文珮^{一作}滿丹墀袞絨連九夷遙瑤席五狄列瓊筵
娛賓歌湛露廣樂奏鈞天清樽浮綠醕雅曲韻朱弦粵
余君^{一作}萬國還慙撫八埏庶幾保貞固虛已厲求賢

玄武門侍宴

杜正倫

大君端展暇廣賞狎林泉開軒臨禁籞藉野列芳筵參
差歌管颺容裔羽旗懸玉池流若醴雲閣聚非煙湛露
晞堯日薰風入舜絃大德侔玄造微物荷陶甄謬陪瑤
水宴仍廁栢梁篇闕名徒上月鄒辯詎談天既喜光華
旦還傷遲暮年猶冀升中日簪裾奉肅然

奉和天樞成宴夷夏羣寮

李嶠

轍迹光

一作西嶠

勳庸紀北燕何如萬方

會頌

德九門前灼灼

一作臨黃道

迢迢入紫煙仙盤正下

露高柱欲承天山類叢雲起珠疑大火懸聲流塵作劫

業固海成田帝

一作澤傾堯酒宸歌掩

風入

舜絃欣

逢下生

一作上皇年

侍宴莎冊宮

應制得情字

許敬宗

三星希曙景萬騎翊天行葆羽翻風隊騰吹掩山楹暖

日晨光淺飛煙旦彩輕塞寒桃變色水斷箭流聲漸奏

長安道神臯動睿情

排律

卷三十八

二

奉和幸上陽宮侍宴

應制

宗楚客

紫庭金鳳闕丹禁玉雞川似立蓬瀛上疑遊崑閬前鳥

將歌合轉花共錦爭鮮湛露飛堯酒薰風入舜絃水光

搖落日樹色帶晴煙向夕迴瑯葦佳氣滿巖泉

春晚宴兩相及禮官麗正殿學士

探得風字

歷數正天柱之將傾紉地維之已絕故得永奉

宗廟垂拱崇廊居海內之尊處域中之人然後

宗廟垂拱崇廊居海內之尊處域中之人然後

宗廟垂拱崇廊居海內之尊處域中之人然後

宗廟垂拱崇廊居海內之尊處域中之人然後

使遠寓返紛倫之業或狹稱藩屏之臣神祇
其禮就序序闢其經術既家六合時巡兩京
素則委輸斯遠鼎邑則朝宗所刊封畿四塞從
未測景之都城闕干門自昔交風之地陰陽代
謝日月相推豈可使春色虛捐韶華並歇乃置
旨酒命英賢如有文苑之高才有掖垣之良佐舉
杯稱慶何樂如之同吟湛露之篇宜振凌雲之
藻于時歲在乙丑開元十三年三月二十七日

玄宗

乾道運無窮恒將人代工陰陽調曆象禮樂報玄穹介

胄清荒外衣冠佐域中言談延國輔詞賦引文雄野霽

伊川綠郊明鞏樹紅冕旒多暇景詩酒會春風

奉和

探得開字

張說

聖政惟稽古賓門引上才坊因購書立殿為集賢開髦

排律

卷三十八

三

彥星辰下儼章日月迴字如龍負出韻是鳳銜來庭枰

餘春駐宮櫻早宴催喜承芸閣宴幸奉柏梁杯

首夏花萼樓觀羣臣宴寧王山亭迴樓下又申之

以賞樂賦詩序曰萬物莫不氣兆乎上而形視乎

來咸喜故聖人弘道先王法天酒星土氣開之

義需卦陳飲食之象近命羣官欣時樂宴盡九

春之麗景正三旬之暇日暢飲佳山佳水佳賓

亦朝廷多慶軍國餘閑者也前月之賜賜成良

雨繁絃中止列席半醉佳辰易大絕興難追良

可憫也今年帶雨初筵初筵被暑暑氣猶清芳草未

歌申布雅意復敘初筵被暑暑氣猶清芳草未

春餘之盛歡朕登覽上宮俯臨長陌暢衆心之

恬愉歡歸騎之逶迤鼓之以琴瑟俯之詩奏君臣

衢樽意洽場藿思苗賦我有嘉賓之詩奏君臣

相悅之樂如聞西日吟詠乘風不
知衷情發於翰墨也 玄宗

今年通閏月入夏展春輝樓下風光一作花晚城隅宴賞

歸九歌揚政要六舞散朝正群衣天喜時相合人和事

不違禮中推意厚樂處感心微別賞陽臺樂前旬暮雨

飛

奉和

張說

萬心翹樂宴三舍緩昌時山接夏雲險臺留春日遲節

移芳未歇與隔賞仍追醉後傳嘉惠樓前舞聖慈皇恩

與時合天意若人期故發前旬雨新垂湛露詩

白蓮花亭侍宴應制

沈佺期

排律五言

卷三十八

四

九日陪天仗三秋幸禁林霜威變綠樹雲氣落青岑水

殿黃花合山亭絳葉深朱旗夾小徑寶馬駐清漪苑吏

收寒果饗人膳野禽承歡不覺暝遙響素秋砧

仙萼池亭侍宴應制

步輦尋丹嶂行宮在翠微川長看鳥滅谷轉聽猿啼天

磴扶階迴雲泉透戶飛閒花開石竹幽葉吐薔薇徑狹

難畱騎亭寒欲進衣白龜來獻壽仙吹返形闌

集賢書院成送張說上集賢學士賜宴

得珍字源

集賢殿者本集仙殿也上不以惟容作聖而倫
垂意好學用相必本於經術國王亦始於師臣
及乎鴻生碩儒博聞多識之士自開元肇建以
迄于今大用徵集煥乎廣內而聽政餘暇賦式燕

思

在茲忠臣嘉賓得盡心之所聰明文思有光彼
之德故下以道親上亦歡甚即於御座後發
音以爲候彼神人亦歡甚即於御座後發
經遂改仙爲賢去華務實且有後命增其學
是以集賢之庭更爲論思之室矣中書令燕
公外所撰命之曰華嚴師長翰林惟帝用成
天所賴拜命之曰華嚴師長翰林惟帝用成
厨之膳食以樂脩人斯得飽時則有侍中安
公等承恩預焉學士右散騎常侍東海公等
職在焉或高授大賢或潤雲諸彦文王多士
室以寧武帝得人漢家爲盛而高視前古獨
在於今乎咸可賦詩以光鴻烈 玄宗

廣學開書院崇儒引席珍集賢招袞職論道命台臣禮

樂沿今古文章革舊新獻酬樽俎列賓主位班陳節變

雲初夏時移氣尚春所希光史冊千載仰茲晨

排律五言

卷三十八

五

奉和得迎字

源乾曜

盛業光書府徵人盡國英司綸賢得相羣俊學爲名寵

命垂天錫崇恩發睿情薰風清禁籞文殿述皇明日霽

庭陰出池曛水氣生歡娛此無限詩酒自相迎

奉和得茲字

蘇頌

肅肅金殿裏招賢固在茲鏘鏘石渠內序拜亦同時宴

錫歡一作談道文成貴說詩用儒今作相敦學舊爲師

下濟一作天光近中來帝渥滋國朝良史載能事日論

思

奉和得虛字

徐堅

崇文德化洽新殿集賢初庸非參高一作嘉選首濫承明
廬殊私光輔弼榮送列簪裾座引中厨饌杯錫上尊餘
翠葉濃丹苑晴空卷碧虛忝同文史地願草登封書

奉和得蓮字

趙冬曦

淺術方觀海深思忽見天學開丹殿籍名與石渠賢良
輔膺休命微生謬采甄春餘仍嘒鳥夏近未舒蓮棧札
來宸禁衣冠集詔筵史臣知醉德欲記升中一作年

奉和得登字

蕭嵩

帝曰簡才能旌賢在股肱文章體一變禮樂道逾弘芸
閣英華入賓門鵷鷺登恩筵過所望聖澤實超恒夏葉
排律五言卷三十八 六

開紅藥一作餘花發紫藤微臣亦何幸叨此預文朋

奉和得筵字

王翰

東堂起集賢貴得從神仙首命台階老將崇御府員送
人鏘玉佩中使拂瓊筵和樂薰風解湛恩時雨連長材
成磊落短翮強翮翺徒仰蓬萊地一作峻何階不讓緣

奉和得昇字

裴漼

問道圖書盛尊儒禮教興石渠因學廣金殿爲賢昇日
月恩光照風雲寵命膺謀謨言可範舟楫事斯憑宴喜
明時洽光輝湛露凝大哉堯作主天下頌歌稱

奉和得催字

李嵩

偃武堯風接崇文漢道恢集賢更內殿清選自中台佐
命畱侯業詞華博物才天厨千品降御酒百壺催鵷鷺
方成列神仙喜暫陪復欣同拜首叨此頌良哉

奉和得私字

李元紘

碩儒延鳳詔金馬被鴻私饌玉趨丹禁棧花降紫墀銜
恩傾旨酒鼓舞舞詠康時暫覲羣書緝逾昭盛業丕接筵
欣有命擗管愧無詞自驚一何幸太陽還及葵

奉和得華字

韋述

修文中禁啓改字令名加台座徵人傑書坊應國華賦
詩開廣宴賜酒酌流霞雲散明金闕池開照玉沙掖垣
排律五言卷三十八 七

畱宿鳥溫樹落餘花謬此天光及銜恩醉日斜

奉和得西字

韋抗

廣庭臨壁沼多士侍金閨英宰文儒協明君日月齊集
賢光首拜改殿發新題早夏初移律餘花尚拂蹊壺觴
接雲上經術引關西聖德鴻名遠將陪玉檢泥

奉和得題字

程行誼

聖主崇文化鏘鏘得盛才相因歸募立殿以集賢開象
繫微言闡詩書至道該堯樽承帝澤禹膳自天來禮洽
歡逾長風恬暑更迴國朝將舜頌同是一康哉

奉和得謨字

賀知章

西學垂玄覽東堂發聖謨天光燭武殿時宰集鴻都枯
朽霑皇澤翔飛舞帝梧跡同遊汗漫榮是出一作泥塗

奉和得風字

褚秀

講習延東觀趨陪盛北宮惟師恢帝則敷教協天工宣
室恩嘗異金華禮更崇洞門清永日華綬接微一作風
蕙降堯厨翠榴開舜酒紅文思光萬宇高議待升中

奉和得今字

陸堅

聖主崇文教層霄降德音尊賢澤既厚式宴寵逾深復
有夔龍相良哉簡帝心得人惟邁昔多士諒推今書殿
排律五言 卷三十八 八

榮光滿儒門喜氣臨顧惟誠濫吹一作徒此接衣簪

奉和得賓字

劉昇

圖書應明主策府宴嘉賓台耀臨東壁乾光自北辰網
羅窮象繫述作究天人聖酒千鍾洽仙厨百味陳成山
徒可仰涉海詎知津幸逢文教盛還親須聲新

赴集賢院學士賜宴

應制得輝字

張說

侍帝金華講千齡道固稀位一作將賢士設書共學徒

歸首命深燕隗通經淺漢韋列筵榮賜食送客愧儒衣
賀燕窺簷下遷鶯入殿飛欲知朝野慶文教日光輝

左丞相說右丞相璟太子少傅乾曜同日上官命

宴東一作都堂賜詩蘇晉序曰惟聖賢以齊皇極

平公太子少傅安陽侯皆生人碩德皇公左右丞相
道著廊廟績宣華戎由是懋其成功錫以元主
容日于朔擇時于秋俾對命王庭受職公府見
輦獻蒸六卿拜下以成儀三事自天而來賀秩
秩宣筵輝輝旌下以成儀三事自天而來賀秩
金紫降醴雲天光飲酌之宜宰德貴和盡莊敬
具瞻之範羣情尚洽預周旋宴語之歡方將一
雨賢才水火菽粟日詠魚藻歲陳由庚願殷趙
之年留魯陽之景爰命在宴乃廢 玄宗

赤帝收三傑黃軒舉二臣由來丞相重分掌國之鈞我

有握中璧雙飛席上珍子房推道要仲子訝風神復輟

台衡老將為調護人鵷鸞同拜日車騎擁行塵樂聚南

排律五言 卷三十八 九

宮宴鵬連北斗醇俾余成百揆垂拱問舜倫

奉和

宇文融

申甫生周日宣慈舉舜年何如偶昌運比德邁前賢寵

護元良密榮瞻端揆遷職優三事老位在百僚先北極

迴宸渥南宮飾御筵飛文瑤札降賜酒玉杯傳謬列台

衡重俱承雨露偏誓將同竭力相與效塵涓

奉和

蕭嵩

審官思共理多士屬惟唐歷選台庭舊來熙帝業昌入

朝師百辟論道協三光垂拱資一作元老親賢輔少陽

登庸崇禮送寵德耀宸章御酒飛鵬洽仙閣雅樂張荷

恩思有報陳力愧無良願罄公忠節同心奉我皇

奉和

裴光庭

樂賢聞往詰褒德偶茲辰端揆升元老師謀擇累仁紫
庭崇讓畢粉署禮容陳既荷恩榮舊俱承寵命新天文
懸瑞色聖酒泛華茵雜遝喧一作簫鼓歡娛洽縉紳掖
垣招近侍虛薄廁清塵共保堅貞節常期雨露均

與宋璟源乾曜同日上官賜宴

應制張說

大塊鎔羣品經一作生偶聖時猥承三事命虛忝百僚
師右揆謀華碩前星傳重資連騫求舊禮濫典樂賢詩
賜金同榮拜擬金宴宰司菊花吹御酒蘭葉捧天詞寶

排律

五言

卷三十八

十一

歷休明盛頽年晷漏衰少畱青史筆未敢赤松期

與張說源乾曜同日上官賜宴

應制宋璟

承相邦之重非賢諒不居老臣慵且憊何德以當諸厚
秩先爲忝崇班復此除太常陳禮樂中掖降簪裾聖酒
山河潤仙文象緯舒冒恩懷寵錫陳力省空虛郭隗慙
無駿馮諼愧有魚不知周勃者榮幸定何如

與張說宋璟同日上官賜宴

應制

源乾曜

睿作超千古湛恩育萬人遞遷俱荷澤同拜忽爲隣道
合徽音暢芳馳景命新鼓鍾崇享禮鸞鷟集朝倫竊位
思官謫周容謝木春慙多無以敘拙備實難陳進綬作

懷三少承光盡百身自當歸第日何幸列宮臣

同二相已下羣官樂遊園宴

玄宗

撰一作日巖廊暇需雲宴樂初萬方朝玉帛千品會簪
裾地入南山近城分北斗餘池一作塘垂柳密原隰野
野一作花疎帝幕看逾暗歌鐘聽自虛興闌歸騎轉還奏
弼違書

奉和

張說

漢苑佳遊地軒庭近侍臣共持榮幸日來賞艷陽春饌
玉頒王篚捲金下帝釣池臺草色徧官觀柳條新花綬
光連榻朱顏暢飲醇聖朝多樂事天意每隨人

排律

五言

卷三十八

十一

奉和

宋璟

侍飲終酺會承恩續勝遊戴天惟慶幸選地卽殊尤北
向低雙闕南臨賞一丘曲江新溜暖上苑雜花稠疊疊
韶絃屢菱菱賁帛周醉歸填畛陌榮耀接軒裘

奉和

胡皓

五酺終宴集三錫又歡娛仙臯崇高異神州眺覽殊南
山臨皓雪北闕對明珠廣座鵷鴻滿昌庭駟馬趨綺羅
含草樹一作絲竹吐郊衢銜杯不能罷歌舞樂唐虞

奉和

趙冬曦

爽塏三秦地芳華二月初酺承莫壁罷宴是合錢餘柳

翠垂堪結桃紅卷欲舒從容會鷓鴣延蔓戲龍魚喜氣
流雲物歡聲浹里閭聖恩將報厚一作厚意請述記言書

奉和

崔沔

五日醑纔畢千年樂未央復承天所錫一作終宴國作
之陽地勝春逾好恩深樂更張落花飛廣座垂柳拂
行觴庶尹陪三史諸侯具萬方酒酣同并躍歌舞詠時
康

奉和

崔尚

春日照長安皇恩寵庶官合錢承罷宴賜帛復追歡供
帳憑高列城池入迴寬花催相國醉一作飲鳥和樂人彈
排律五言 卷三十八 十二

北闕雲中見南山樹杪看樂遊宜締賞舞詠惜將闌

奉和

蘇頌

樂遊光地選醑飲慶天從座客千官盛場開百戲容綠
塍際山盡緹一作翠幕倚雲重下上花齊發周迴柳遍濃
奪睛紛劒履喧聽雜歌鐘日晚銜恩散堯人併可封

奉和

張九齡

實筐延厚一作錫命供帳序羣公形勝宜春接威儀一作儀文
建禮同睎陽人似露解慍物從風朝慶千齡始年華二
月中輝光遍草木和氣發絲桐歲歲長無事徒知樂九
功

奉和

王翰

未極人心暢何如帝道明仍嫌醑宴促復寵樂遊行陸
海披珍藏天河直斗城四關青靄合數處白雲生一作力
鼎鍊調元氣歌鐘溢雅聲空慚堯舜日一作力至德香一作
眷難名

詔宴樂游園賦得風字

張說

樂游形勝地表裏望郊官北闕連天一作雲頂南山對掌
中皇恩一作情貸芳月旬宴美成功魚戲芙蓉水鶯啼楊
柳風春花看欲暮天澤戀無窮長袖招斜日留光待曲
終

排律五言

卷三十八

十三

奉和宴小山池應制賦得豁字

武三思

年光開碧沼雲色歛青谿凍解魚方戲風暄鳥欲啼巖
泉飛野鶴石鏡舞山雞柳發龍鱗上一作出松新慶尾齊
九韶從此驗三月定應迷

昆明池侍宴應制

沈佺期

武帝伐昆明穿池習五兵水同河漢在館有豫章名我
后光天德垂衣文教成黷兵非帝念勞物豈皇情春仗
過鯨沼雲旗出鳳城靈魚銜寶躍仙女廢機迎柳拂旌
門暗蘭依帳殿生還如流水曲日晚棹歌聲一作清
恩制尚書省察宴昆明池同用堯字蘇頌

露渥灑雲霄天官次斗杓昆明四十里空水極晴朝鴈
似銜紅葉鯨疑噴海潮翠山來徹底白日去迴標泳廣
漁叔溢浮深妓舫搖飽恩皆醉止合舞共歌堯

前題

張嘉貞

靈沼初開漢神池舊浴堯昔人徒習武明代此聞韶地
脉山川勝天恩雨露饒時光牽利舸春淑覆柔條芳醞
醒千日華賤落九霄幸承歡賚重不覺醉歸遙

宴安樂公主宅

得空字

宋之問

英藩築外館愛主出王宮賓至星槎落仙來月宇空玳
梁翻賀燕金埒倚晴虹簫奏秦臺裏書聞魯壁中短歌

排律

五言 卷三十八

十四

能駐日艷舞欲嬌風聞有淹留處山阿滿桂叢

同李舍人冬日宴安樂公主山池

沈佺期

常聞天女貴家郎帝官連亭插宜春果山銜太液泉橋
低鳥鵲夜臺起鳳凰年故事猶如此新圖更可憐紫巖
妝閣透青嶂妓樓懸峯奪香鑪巧池偷明鏡圓梅花寒
待雪桂葉晚留煙興盡方投轄金聲還復傳

扈從幸韋嗣立山莊

應制序曰却寄張說而為門斜枕詞意能起

四宅贊臣作相舊詩集

張說

寒灰飛玉琯湯井駐金輿既得方明相還尋大隗居懸
泉珠貫下列帳錦屏舒騎遠林逾密筵繁谷自虛門旗

暫複磴殿幕裏通渠舞鳳迎一作隨公主雕龍賦婕妤地
幽天賞洽酒樂御筵初菲才叨侍從連藻媚應徐

前題

李嶠

南洛師臣契東巖玉倂居幽情遺綬冕宸眷屬樵漁制
下峒山蹕恩迴灞米輿松闕駐旌蓋薜幄引簪裾石磴
平黃陸煙樓半紫虛雲霞仙路近琴酒俗塵疎喬木千
齡外懸泉百丈一作尺餘崖深經鍊藥穴古舊藏書樹宿
搏風鳥池潛一作遊縱壑魚寧知天子貴尚憶武侯廬

前題

一作徐彥伯

沈佺期

鼎臣休淦隙方外結遐一作遙心別業青霞境孤潭碧樹

排律

五言 卷三十八

十五

林每遷東墅策遙弄北谿琴帝眷一作幸行時豫台園賞
歲陰移鑿明月沼張樂白雲岑御席一作酒瑤觥一作落
仙壇竹徑深三光一作章懸聖藻五等冠朝簪自愧承恩
盛咸言獨在今

前題

宋之問

樞掖調梅暇林園藝槿初入朝榮劍履退食偶一作樂琴
書地隱東巖室天迴北斗車旌門臨窅窳輦一作閣道屬
扶疎雲罕明丹壑一作谷霜笳徹紫虛水疑投石處谿似
釣璜餘帝澤頒卮酒人歡頌里閭一承黃竹詠長奉白
茅居

前題

李义

台階好赤松別業對青峯茅室一作承三顧花源接九

重龍一作虹旂紫秀木鳳輦拂疎筇徑狹一作直千官擁谿

長萬騎容水塘一作堂開禹膳山閣獻堯鍾皇鑒清居遠

天文睿獎濃巖泉他日一作夢漁釣往年逢共榮丞相

府偏降逸人封

前題

崔湜

丞相登前府尚書啓舊林式間明主眷一作榮族聖嬪

心川狹旌門抵巖高黼帳臨閒牕憑柳暗小徑入松深

雲卷千峯色泉和萬籟吟蘭迎天女珮竹礙侍臣簪宸

排律 五言 卷三十八 十六

翰三光燭朝榮四海欽還嗟絕機叟白首漢川陰

前題

武平一

三光迴斗極萬騎肅鈞陳地若遊汾水畋疑歷渭濱圓

塘水寫鏡遙樹雪成春絃奏魚聽曲機忘鳥狎人築巖

思感夢磻石想垂綸落景搖紅壁層陰結翠筠素風紛

可尚玄澤藹無垠薄暮清笳動天文煥紫宸一作北宸

前題

蘇頌

縱金塞野霽步玉堯山幽帝幄期松子臣廬訪葛侯百

工徵往夢七聖扈來遊斗柄乘時轉台階捧日畱樹重

巖籟合泉迸水光浮石徑喧朝履瑣谿擁釣舟恩如犯

星夜歡擬濟河秋不學堯年隱空令傲許由

前題

趙彥昭

賢族唯題里儒門但署鄉何如表巖洞宸翰發輝光地

在茲山曲家臨郤永陽六龍駐旌竿四牡耀旂常北斗

臨台座東山入廟堂天高羽翼近主聖股肱良野竹池

亭氣村花澗谷香縱然懷豹隱空愧躡鵷行

前題

劉憲

東山有謝安枉道降鳴鑾縱騎分初日霓旌度曉寒雲

蹕巖間下虹橋澗底盤幽棲俄以屆聖矚宛餘歡崖懸

飛溜直岸轉綠潭寬桂華堯酒泛松響舜琴彈明主恩

排律 五言 卷三十八 十七

斯極賢臣節更殫不才叨侍從詠德以濡翰

安德山池宴集

安德公楊師道也

岑文本

甲第多清賞芳辰命羽扈書帷通竹徑琴臺枕檀籬池

疑夜壑徙山似鬱洲移雕楹網羅薜激瀨合墳篋鳥戲

翻新葉魚躍動清漪自得淹留趣寧勞攀桂枝

前題

劉垺

平陽擅歌舞金谷盛招携何如兼往烈會一作賞叶幽

栖已均朝野致還欣物我齊春晚花方落蘭深逕漸迷

蒲新節尚短荷小蓋猶低無勞拂長袖直待夜烏啼

前題

李百藥

朝宰論思暇高宴臨方塘雲飛鳳臺管風動令君香細
草開金埒流霞泛羽觴虹橋分水態鏡石引菱光上才
同振藻小伎謬連章懷音自蘭室徐步返山莊

前題

楊績

狹斜通鳳闕上路抵青樓簪紱啓賓館軒蓋臨御溝西
城多妙舞主第出名謳列峯疑宿霧疏壑擬藏舟花蝶
亂風影蘋藻含春流酒闌高宴畢自反山之幽

前題

許敬宗

戚里歡娛地園林矚望新山庭帶芳杜歌吹叶陽春臺
榭疑巫峽荷葉似洛濱風花縈少女虹梁聚美人宴遊

排律

五言 卷三十八

十八

窮至樂談笑畢良辰獨歎高陽晚歸路不知津

前題

褚遂良

伏檻丹霞外遮園煥景舒行雲泛層阜蔽月下清渠亭
中奏趙瑟席上舞燕裾花落春鶯晚風光夏葉初良朋
比蘭蕙雕藻邁瓊瑤獨有狂歌客來承歡宴餘

前題

上官儀

上路抵平津後堂羅薦陳締交開狎賞麗席展芳辰密
樹風煙積迴塘荷芰新雨霽虹橋晚花落鳳臺春翠釵
低舞席文杏散歌塵方惜流觴滿夕鳥已城闔

秋日遇荊州府崔兵曹使宴

序曰若夫尊卑位隔榮賤途分使卿上大夫

夫倚軒裳而傲物山棲木食負林壑而騁人未
有能屈富貴於沈冥雜華靡於簪笏天人生莫
相從雲霧之遊風雨不疲高縱琴樽之賞崔兵
曹紫庭公清雲雲貴人以鍾鼎不足以致奇才
煙霞可以交名士皇華昭國懷鳳綽而高才
佳追遊逸興存此日披懷千載之風期生合支道
而交遊遂免置而下顧大矣哉生平未識一見
林之雅論妙理沈微崔子王之雄才斯文未喪
屬乎金龍掌氣石鴈驚秋天沈寥而煙日無光
野寂寞而山川變色芸其黃矣悲白露於蒼葭
木葉落兮慘紅霜於綠野爾其高興洽芳酒闌
頰頰和而不留顧華堂而欲晚長歌何託思傳
藉古之文爰命小人率記當時之陳子昂

輶軒鳳凰使林藪鵲雞冠江湖一相許雲霧坐交歡興

盡崔亭伯言忘釋道安林光稍欲暮歲物已將闌古樹
蒼煙斷虛庭白露寒瑤琴山水曲今日爲君彈

排律

五言 卷三十八

十九

岳州宴姚紹之

序曰姚司馬往在桓臺每飲骨鯁及茲荒服偶得官聯復有令弟美

童冠是集歡言賦詩

張說

杞梓滯江濱光華向日新難兄金作友媚子玉爲人山
水含秋興池亭借善鄰簷松風送靜院竹鳥來馴翠竿
吹黃菊瑯盤鱸紫鱗緩歌將醉舞爲拂繡衣塵

同劉給事城南宴集

一作宋之問

水竹幽閒地簪纓近侍臣雍容乘暇日瀟灑出羣塵樹
對一思朋鳥池深入養鱗管弦高逐入一作吹歌舞妙
含春老子叨專席歡邀遊一作隔縉紳此中情不淺遙寄

賞心人

陪諸公上白帝城樓宴越公堂之作

越公楊素也
堂上畫像猶存

存

杜甫

此堂存古製城上俯江郊落構垂雲雨荒階蔓草芽柱
穿蜂溜蜜棧缺燕添巢坐接春杯氣心傷豔藻捐英靈
如過隙宴衍願投醪一作膠莫問東流水生涯未即拋

陪章留後侍御宴南樓

得風字

絕域長夏晚茲樓清宴同朝廷燒棧北鼓角漏一作天
東屢食將軍第仍騎御史驄本無丹竈術那免白頭翁
寇盜狂歌外形骸痛飲中野雲低渡水管雨細隨風出
號江城黑題詩蠟炬紅此身醒復醉不擬哭途窮

排律

五言

卷三十八

二十

鄭駙馬池臺喜遇鄭廣文同宴

不謂生戎馬何知共酒杯燃臍郢塢敗握節漢臣回白
髮千莖雪丹心一寸灰別離經死地披寫忽登臺重對
秦簫發俱過阮宅來醉留一作留連春夜舞舞淚落強徘徊

奉先張明府休沐還鄉海亭宴集

探得皆字

孟浩然

自君理畿甸予亦經江淮萬里音信斷數年雲雨乖歸
來休澣日始得賞心諧朱紱思雖重滄洲趣每懷樹低
新舞閣山對舊書齋何以發秋一作佳興陰蟲鳴夜埕

宴梓州南亭

得池字

盧照隣

二條開勝跡大隱叶冲規亭閣分危岫樓臺遠曲池長
薄秋煙起飛梁古蔓垂水鳥翻荷葉山蟲咬一作桂枝

遊人惜將晚公子愛忘疲願得迴三舍琴樽長若斯

陪竇侍御靈雲南亭宴詩

得雷字序曰涼州近胡

落也幕府董帥雄勇徑踐戎庭自陽關而西猶
枕席矣軍中無事君子飲食宴樂宜哉白簡在
邊清秋多興况水具舟楫山兼亭臺始臨而
寫煩俄登陟以寄傲絲桐徐奏林木更爽
雨蕭蕭而牧馬聲斷風嫋嫋而遊歌幾處又足
悲矣員外李公曰七口者何牛女之夕也夫賢
者何得謹其時請賦南亭詩列之於後

高適

人幽宜眺聽目極喜亭臺風景知愁在關山憶夢迴

排律

五言

卷三十八

二十一

言殊語默何意忝遊陪連唱波瀾動冥搜物象開新秋
歸遠樹殘雨擁一作應輕雷簷外長天盡樽前獨鳥來常
吟塞下曲多謝幕中才河漢徒相望嘉期安在哉

和李右相宴會昌林亭

孫逖

賢相初陪蹕靈山本降神作京雄近縣開閣寵平津地
勝林亭好時清宴賞頻百泉榮草木萬井布郊畛德與
春和盛功將造化隣還啗渭濱叟歲晚獨垂綸

宴張記室宅

孟浩然

甲第金張館門庭車一作軒騎過家封漢陽郡文會楚材
多曲島浮觴酌前山入詠歌妓堂花映發書閣柳逶迤

玉指調箏柱金泥飾舞羅寧一作誰知書劍客歲月一作年歲獨蹉跎

濟州過趙叟家宴

王維

雖與人境接閉門成隱居道言莊叟事儒行魯人餘深巷斜暉靜開門高柳疎荷鋤修藥圃散帙曝農書上客搖芳翰中厨饋野蔬夫君第高飲景晏出林閭

夜集張諲所居

劉希夷

江南成久客門館日蕭條惟有圖書在多傷鬢髮凋諸生陪講誦稚子給漁樵隱室寒燈淨空階落葉飄滄洲自有趣誰道隱須招

排律 五言 卷三十八

二十二

故園置酒

酒熟人須飲春還鬢已秋願逢千日醉得緩百年憂舊里多青草新知盡白頭風前燈易滅川上月難留卒卒周姬旦栖栖魯孔丘平生能幾日不及且遨遊

遊嵩山

則天皇后

陪鑾遊柰苑侍賞出蘭闈雲掩攢峯蓋霞低捶浪旂日宮疏澗戶月殿啓巖扉金輪轉金地香閣曳香衣鐸吟輕吹發幡搖薄霧霏昔遇焚芝火山紅迎野飛花臺無半影蓮塔有全輝寔賴能仁力攸資善世威慈緣興福緒於此 皈依風枝不可靜泣血竟何追

早登太行山

玄宗

清蹕度河陽凝笳上太行火龍明鳥道鐵騎繞羊腸白霧埋陰壑丹霞助曉光澗泉含宿凍山木帶餘霜野老茅爲屋樵人薜作裳宣風問耆艾敦俗勸耕桑涼德慙先哲微猷慕昔皇不因今展義何以冒垂堂

奉和

張說

六龍鳴玉鑾九折步雲端河絡南浮近山經北上難羽儀映松雪戈甲帶春寒百谷晨笳動千巖曉仗攢皇心感韶節敷藻念人安旣立省方館復建禮神壇扈蹕參天老承榮忝夏官長勤百年意思見一勝殘

排律 五言 卷三十八

二十三

奉和

苗晉卿

金吾戒道清羽騎動天聲砥路方南絕重巖始北征閣樓前望遠河邑下觀平喜氣迴輿合祥風入旆輕祝堯三老至會禹百神迎月令農先急春蒐禮後行仍親后土祭更理晉陽兵不似勞車轍空留八駿名

奉和

張嘉貞

明發扈山巔飛龍高在天山南平對鞏山北遠通燕瞻彼岡巒峻憑茲士馬妍九圻行若砥萬谷輟如川羅網開三面閭閻問百年澤將春雪比文共曉星連後后今聖登台謝曩賢唯餘事君節不謬古人先

奉和

蘇頌

北山東入海馳道上連天順動三光注登臨萬象懸
觀河內邑平指洛陽川按蹕夷關險張旆亘井泉
曉巖中警柝春事下蒐田德重周王問歌輕漢魏
一作后傳宸遊鋪令典睿思起芳年願以封書奏
迴鑾禪肅然

奉和

張九齡

孟月攝提貞乘時我后征晨嚴九折度暮戒六軍行
日御馳中道風師卷太清戈鋌林表出組練雪間
明動植希皇豫高深奉睿情陪遊七聖列望幸百
神迎氣色煙猶喜恩光草尚榮之采稱萬歲今此
復同聲

排律五言卷三十八

二十四

途經華嶽

玄宗

飭駕去京邑鳴鸞指洛川循一作途經太華迴蹕周
旋翠嶠畱斜影懸嚴一作疑夕煙四方皆石壁五位配
金天彷彿看高掌依稀聽子先終當銘歲月從此
記靈仙

奉和

張說

西嶽鎮皇京中峯入太清玉鑾重嶺應縱綺薄雲
迎響日懸高掌寒空類一作映削成軒遊會神處漢
幸宅仙情舊廟青林古新碑綠字生羣臣願封岱
還駕勒鴻名

奉和

蘇頌

朝望蓮花嶽神心就日來晴觀五千仞仙掌拓山
間受命金符叶過祥玉瑞陪霧披乘鹿見雲起馭
龍迴假樹枝封雪殘碑石冒苔聖皇惟道契文字
勒巖隈

奉和

張九齡

萬乘華山下千巖雲漢中靈居雖宵密睿覽忽玄
同日月臨高掌神仙仰大風攢峯勢岌岌翊輦
氣雄雄揆物知幽贊銘勳表聖衷會應陪檢玉來
此告成功

度石門山

杜審言

石門千仞斷迸水落遙空道束懸崖半橋欹絕澗
中仰攀人屢息直下騎繞通泥擁奔地徑雲埋伏
獸叢星躔

排律五言

卷三十八

二十五

牛斗北地脉象牙東開塞隨行變高深觸望同江
聲連驟雨日氣抱殘虹未改朱明律先含白露風
堅貞深不憚險澀諒難窮有異登臨賞徒爲造化
功

望黃頰山

王績

別有青谿道斜亘碧巖隈崩榛橫古蔓荒石擁寒
苔野心長寂寞山徑本幽迴步步攀藤上朝朝負
藥來幾看松葉秀頻值菊花開無人堪作伴歲晚
獨悠哉

大明朝堂雨後望終南山

和崔尚書

蘇頌

奕奕輕車至清晨朝未央未央在霄極中路視咸
陽委曲漢京近周迴秦塞長日華動涇渭天翠合
岐梁五丈

旌旗色百層粉檄光東連歸馬地南指鬪雞場晴照
金肥秋雲合壁璫由余窺霸國蕭相奉興王功役隱不
見頌聲存復揚權宜珍構絕聖作寶圖昌在德期巢燧
居安法禹湯冢卿才順美多士賦成章價重三臺一作台
俊名超百郡良焉知掖垣下陳力自迷方

前題

張九齡

迢遞終南頂朝朝閭闔前竭來青綺外高在翠微先雙
鳳寒爲闕羣龍儼若仙還知到玄圃更是謁甘泉夜雨
塵初滅秋空月正懸詭容紛入望霽色宛成妍東極華
陰踐西彌嶓冢連奔峯出嶺外瀑水落雲邊漢帝宮將
排律五言卷三十八 二十六

秋日山行

簡梁大官

駱賓王

乘馬陟層阜迴首睇山川攢峯銜宿霧疊嶂架寒煙百
重含翠色一道落飛泉香吹分巖桂鮮雲抱石蓮地偏
心易遠致默體逾玄得性寧遊刃忘言已棄筌彈冠勞
巧拙結綬倦牽纏不如從四皓丘中鳴一弦

赴彭州山行

高適

峭壁連崆峒攢峯疊翠微鳥聲堪駐馬林色可忘機一作作

怪石時侵徑輕蘿乍拂衣路長愁作客年老更思歸
且悅巖巒勝寧嗟意緒違山行應未盡誰與玩芳菲

從崇山向越當

序曰按九真圖崇山至越當四里杉谷宛古崇山竹谿從道明國來於崇山北二十五里合水軟缺藤竹明味有三十峯夾水直上千餘仞諸仙窟宅在焉

沈佺期

朝發崇山下暮坐越當陰西從杉谷度北上竹谿溪竹
谿道明水杉谷古崇岑差池將一作疑不合繚繞復相尋
桂葉藏金嶼藤花閉石林天牕虛的的雲竇下沈沈浩
化功偏厚真仙跡每臨豈徒探怪異聊欲緩歸心

自始興谿夜上赴嶺

張九齡

排律五言卷三十八 二十七
嘗蓄名山意茲爲世網牽征途屢及此初服已非然日
落青巖際谿行綠篠邊去舟乘月後歸鳥息人前數曲
迷幽嶂連圻觸閭泉深林風緒結遙夜客情懸非梗胡
爲泛無膏亦自煎不知于役者相樂在何年

喜度嶺

張說

東漢興唐曆南河復禹謀寧知瘴癘地生入帝皇州雷
雨蘇蟲蟄春陽放鸞鳩沿炎海畔登降閩山陬嶺路
分中夏川源得上流見花便獨笑看草卽忘憂自始居
重譯天星已再周鄉關絕歸望親戚不相求棄杖枯還
植窮鱗涸更浮道清黃鶴去運啓白駒臨江妾晨炊黍

津童夜濯舟盛明良可遇莫後洛城遊

早度分水嶺

盧照隣

丁年遊蜀道斑鬢向長安徒費周王粟空彈漢吏冠馬
蹄穿欲盡貂裘故畝一作轉寒層冰橫九折積石凌七盤
重溪既下湫峻峯亦上千隴頭聞戍鼓嶺外咽飛湍瑟
瑟松風急蒼蒼山月團傳語後來者斯路誠獨難

扈從南出雀鼠谷

張說

豫動三靈贊時巡四海威陝一作關凌曙出平路半春
歸霍鎮迎雲罕一作蓋汾河送羽旂山南柳半密谷北草
全稀遲日宜華蓋和風入袷一作彩衣上林千里近應見

排律 五言

卷三十八

二十八

百花飛

答張說

玄宗

雷出應一作騰

乾象風行順國人川途猶在晉車馬漸歸

秦背陝關山險橫汾鼓吹頻一作震

草依陽谷變花待北

巖春聞有鴈鸞客清詞雅調新求音思欲報心跡竟難

陳

奉和

徐安貞

兩臣初入夢二月扈巡邊澗北寒猶在山南春半傳頌
聲先奉御辰象復回天雲日明千里旌旗照一川柳陰
低輦路草色變新田還望汾陽近宸遊自窅然

奉和

席豫

鳴鑾初幸代旋蓋欲橫汾山一作嶺盡千旗直一作出郊平
五枝分前林已暝景後壑尚寒氛風吹一作送簫韶曲花
迎鋪一作繡黻文鹽梅推上宰禮樂統中軍獻賦紆天札
飄飄一作飄飛白雲

奉和

王光庭

省俗恩將遍巡方路稍迴寒隨汾谷盡春逐晉郊來雲
騎傳行漏煙旄引從臺惠風初應律和氣正調梅雅頌
通宸詠天文接曙台灞陵一作城桃李色應待日華開

奉和

梁昇卿

排律 五言

卷三十八

二十九

何意重關道千年過一作遇

聖皇幽林承睿一作惠澤開谷

見清光日御先一作途遠山靈獻壽一作壽域

長寒雲入晉

薄春樹隔汾香國佐同時雨天文屬歲陽從來漢家盛

未若此巡方

奉和

袁暉

魏國山河險周王警蹕迴九旗雲際出萬騎谷中來石
路行將盡煙郊望忽開賞矜垂柳報一作拂春畏落花催

興逸橫汾體恩褒作頌才小臣瞻日月延首詠康哉

奉和

蘇頌

雨施巡方罷雲從訓俗迴密途汾水衛清蹕晉郊陪

著山邊盡一作春當日下來御祠玄鳥應仙仗綠楊開
作頌音傳雅觀文色動台更知西向樂宸藻協一作鹽梅

奉和

趙冬曦

軒轅應順動力牧正趨陪道合殷為礪時行楚有材省
方西禮設振旅北京迴地理分中壤天文照上台寒依
汾谷去春入晉郊來竊比康衢者長歌仰大哉

奉和

王丘

襟帶三秦接旂常萬乘過陽原淑氣早陰谷沍寒多花
縹前茅仗霜嚴後殿戈代雲開晉嶺江鴈入汾河北土
排律五言卷三十八 三十一

奉和

宋璟

秦地雄西夏并州近北胡禹行山啓路舜在邑為都忽
視寒暄隔深思險易殊四時宗伯敘六義宰臣鋪徵作
宮常應星環日每紆盛哉逢一作隆合道良以致亨衢

奉和

崔翹

硤路繞河汾晴光掃一作掃曙氣笳吟中嶺樹仗入半峯
雲頓覺山原盡平看邑里分早行芳草遠晚憩好風薰
嘉頌推英宰春遊扈聖君共欣承睿渥日月照天文

奉和

張九齡

設險諸侯地承平聖主巡東君朝二月南旆擁三辰寒
出重關盡年隨行漏新瑞雲叢捧日芳樹曲迎春舞詠
先馳道恩華及從臣汾川花鳥意併奉屬車塵

過東山谷口

盧照隣

不知名利險辛苦滯皇州始覺風塵倦歸來事綠疇桃
源迷處所桂樹可淹畱跡異人間俗禽同海上鷗古苔
依井被新乳傍崖流野老堪成鶴山神或化鳩泉鳴碧
澗底花落紫巖幽日暮餐龜殼天寒御鹿裘不辨秦將
漢寧知春與秋多謝青谿客去去赤松遊

春日望海

太宗

排律五言卷三十八 三十一

披襟眺滄海憑軾翫春芳積流橫地紀一作軸疏派引天
潢仙氣疑三嶺和風扇八荒拂潮雲布色穿浪日舒光
照岸花分彩迷雲鴈斷行懷早運深廣持滿守靈長有
形非易測無源詎可量洪濤經變野翠島屢成桑之采
思漢帝碣石想秦皇霓裳非本意端拱且圖王

奉和

楊師道

春山臨渤海征旅輟晨裝迴瞰盧龍塞斜瞻肅慎鄉洪
波迴地軸孤嶼映雲光落日驚濤上浮天駭浪長仙臺
隱螭駕水府汎龍梁碣石朝煙滅之采歸鴈翔北巡非
漢后東幸異秦皇舉旗羽林客跋扈少年塲一作塲龍

驅逐水鵬飛出帶方將舉青丘繳安訪白霓裳

奉和

許敬宗

韓夷憊奉費憑險亂天常乃神弘廟略橫海剪吞航霄

一作野清玄菟騰笳振白狼連雲飛巨艦編石架浮梁

周遊臨大壑降望極遐荒桃門通岳抃蓬渚降霓裳驚

濤含蜃闕駭浪掩晨光青丘絢春組丹谷耀華桑長驅

七萃卒成功百戰場俄且旋戎路飲至肅巖廊

度安海入龍編

沈佺期

我來嘗聞一作交趾郡南與貫胷連四氣分寒少三光置日

偏尉佗曾馭國翁仲久遊泉邑屋遺氓在魚鹽舊產傳

排律

五言

卷三十八

越人遙捧翟漢將下看鸛北斗崇山挂南風漲海牽別

離頻破月容鬢驟催年昆弟推由命妻孥割付綠夢來

魂尚擾愁委疾空纏虛道崩城淚明心不應天

海曲書情

駱賓王

薄遊倦千里勞生負百年未能槎上漢詎肯劍遊燕白

雲照春海青山橫曙天江濤讓雙壁渭水擲三錢坐惜

風光晚長歌獨魂然

春日江津遊望

杜審言

旅客搖邊思春江弄晚晴煙銷垂柳弱霧捲落花輕飛

棹乘空下迴流向日平鳥啼移幾處蝶舞亂相迎忽歎

人皆濁隄防水至清谷王常不讓深可戒一作戒日中盈

行次古城店泛江作不揆鄙拙奉呈江陵幕府諸

公

杜甫

老年常道路遲日復山川白屋花開裏孤城麥秀邊濟

江元自闊下水不勞牽風蝶勤依槳春鷗懶避船王門

高德業幕府盛材賢行色兼多病蒼茫泛愛前

九江口濟北接蘄春南與潯陽岸 蘇味道

江路一悠哉滔滔九派來遠潭昏似霧前浦沸成雷鱗

介多潛育漁商幾沂洄風搖蜀桺一作桺下日照楚萍開

近湫湮城曲斜吹蠡澤隈錫龜猶入貢浮獸罷爲災津

排律

五言

卷三十八

吏揮撓疾郵童整傳催歸心詎可問爲視落潮迴

發端州初入西江

宋之問

問我將何去清晨沂越谿翠微懸宿雨丹壑飲晴霓樹

影梢雲密藤陰覆水低潮回出浦駛洲轉望鄉迷人意

長懷北江行日向西破顏看鵲喜拭淚聽猿啼骨肉初

分受親朋忽解携路遙魂欲斷身辱理能齊疇日三山

意于茲萬緒睽金陵有仙館卽事尋

一作覓丹梯

西江夜行

張九齡

遙夜人何在澄潭月裏行悠悠天宇曠切切故鄉情外

物寂無擾中流澹自清念歸林葉一作春換愁坐露華生

猶有汀洲鶴宵分乍一鳴

入龍州江

宋之問

孤舟泛盈盈江流日縱橫夜雜蛟螭寢晨披瘴癘行潭
蒸水沫起山熱火雲生猿躩時能嘯鳶飛莫敢鳴海窮
南徼盡鄉遠北魂驚泣向文身國悲看鑿齒地偏多
育蠱風惡好相鯨余本巖棲客悠哉慕玉京厚恩常顧
答薄宦不祈成違隱乖求志披荒爲近名鏡愁玄髮改
心負紫芝榮運啓中興曆時逢外域清祗應保忠信延
促付神明

下桂江龍目灘

排律 五言

卷三十八

三十四

停午出灘險輕舟容易前峰攢入雲樹崖噴落江泉巨
石潛山怪深篁隱洞仙鳥遊谿寂寂猿嘯嶺娟娟揮袂
日凡幾我行途已千暝投蒼梧郡愁枕白雲眠

江行有懷

孫逖

秋水明川路輕舟轉石圻霜多山橘熟寒至浦禽稀飛
席乘風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

旅泊江津言懷

賈琮

征途幾迢遞客子倦西東乘流如泛梗逐吹似驚蓬飄
飄萬里外辛苦百年中異縣心期阻他鄉風月同雲歸

全嶺暗日落半江紅自然堪迸淚非是泣塗窮

晚渡黃河

駱賓王

千里尋歸路一葦亂平源通波連馬頰迸水急龍門照
日榮光淨驚風瑞浪翻棹唱依聞斷樵謳入聽喧岸迴
秋霞落潭深夕霧繁誰堪逝川上日暮不歸他鄉魂

晚泊河曲

三秋倦行役千里泛歸潮通波竹箭水輕舸木蘭橈金
堤連曲岸貝闕影浮橋水淨千年近星飛五老遙疊花
開宿浪浮葉下涼颿浦荷疎晚蒨津柳清寒條恓惶勞
梗泛悽斷倦蓬飄仙槎不可託河上獨長謠

排律 五言

卷三十八

三十五

行出東山望漢川

孟浩然

異縣非吾土連山盡綠篁平田出郭少盤坂入雲
長萬壑歸於漢千峯劃彼蒼猿聲亂楚峽人語帶巴鄉
石上攢椒樹藤間綴^{一作}蜜房雪餘春未暖嵐解晝初

陽征馬疲登頓歸帆愛渺茫坐欣沿溜下信宿見維桑

渡漢江

丘爲

漾舟漢江上挂席候風生臨汎何容與愛此江水清蘆
洲隱遙嶂露日映孤城自顧疎野性難忘鷗鳥情聊復
於時 暫欲解塵纓跋涉^{一作}驅馳非吾願虛懷浩已盈

渡漢水經襄陽

李百藥

導漾疏源遠歸海會流長延波接荆夢通望邇沮漳高
岸沉碑影曲激麗珠光雲昏翠島沒水廣素濤揚閩川
已多歎遐睎幾增傷臨溪猶駐馬望峴欲沾裳喬木下
寒葉亭林落曉霜山公不可遇誰與訪高陽

扈從溫泉同紫微黃門羣公汎渭川

得齊字

蘇頌

虹旗映綠萐春仗漢豐西侍蹕浮清渭揚舲降紫泥近
臨釣石地遙指釣璜谿岸轉帆飛疾川平棹舉齊傳舟
來是用軒馭往應迷興闕一作發菱歌動沙洲亂夕鷺

洞庭湖

宋之問

排律

卷三十八

三十六

地盡天水合朝及洞庭湖初日常中涌莫辨東西隅晶
耀目何在澄熒心欲無靈光宴海若游氣耿天吳張樂
軒皇至征苗憂禹徂楚臣悲落葉堯女泣蒼梧野積九
江潤山通五岳圖風恬魚自躍雲夕鴈相呼獨此臨泛
漾浩將人代殊永言洗氛濁卒歲爲清娛要使功成退
徒勞越大夫

遊洞庭湖

張說

平湖曉望分仙嶠氣氤氳鼓枻乘清渚尋峯弄白雲江
寒天一色日靜水重紋樹坐衆猿嘯沙行入鷺羣綠源
斑條密胃徑綠蘿紛洞穴傳虛應楓一作林覺自薰雙

童有靈藥願取獻明君

過南嶽入洞庭湖

杜甫

洪波忽爭道岸轉異江湖鄂渚分雲樹衡山引舳艫翠
牙穿裊蔣碧節吐寒蒲病渴身何去春生力更無壞童
犁雨雪漁屋架泥塗欹側風帆滿微冥水驛孤悠悠迴
赤壁浩浩略蒼梧帝子畱遺恨曹公屈壯圖聖朝光御
極殘孽駐艱虞才淑隨廝養名賢隱鍛鑪邵平元入漢
張翰後歸吳莫怪啼痕數危檣逐夜烏

別泄湖

張說

念別泄湖去浮舟更一臨千峯出浪險萬木抱煙深南

排律

卷三十八

三十七

郡延恩渥東山戀宿心露花香欲醉時鳥轉餘音涉趣
皆畱賞無奇不遍尋莫言山水間幽意在鳴琴

和燕公

趙冬曦

南湖美泉石君子翫幽奇灣澳陪臨泛巖崕共踐窺秋
風頰桂竦春景綠楊垂郢路委分竹湘濱擁去麾枉帆
懷勝賞畱景惜差池水木且不棄情遊良可知

曉行巴峽

王維

際曉投巴峽餘春憶帝京晴江一女浣朝日衆雞一作禽
鳴水國舟中市山橋樹杪行登高萬井出眺迴二流明
人作殊方語鶯爲故一作舊國聲賴多一作山水趣稍解

別離情

大曆三年春白帝城放船出瞿塘峽久居夔府將

適江陵漂泊有詩凡四十韻

杜甫

老向巴人裏今辭楚塞隅入舟翻不樂解纜獨長吁窄

轉深啼欲虛隨亂浴鳬石苔凌几杖空翠撲肌膚疊壁

排霜劒奔泉濺水珠杳冥藤上下濃淡樹榮枯神女峯

娟妙昭君宅有無曲畱明怨惜夢盡失歡娛擺闌盤渦

沸欹斜激浪輪風雷纏地脉冰雪曜天衢鹿角真走險

狼頭如跋胡鹿角狼頭惡灘寧變色高臥負微軀書史

全傾撓裝囊半壓濡生涯臨臬兀死地脫斯湏一作不

排律 五言

卷三十八

三十八

有平川決焉知衆壑趨乾坤霾漲海雨露洗春蕪鷗鳥

牽絲颺驪龍濯錦紆落霞沈綠綺殘月壞金樞泥笋苞

初荻沙茸出小蒲鴈兒爭水馬燕子逐橋烏絕島容煙

霧環洲納曉晡前聞辨陶牧轉眄拂宜都縣郭南畿好

津亭北望孤勞心依憩息朗詠劃昭蘇意遣樂還笑衰

迷賢與愚飄蕭將素髮汨沒聽洪鑪丘壑曾忘返文章

敢自誣此生遭聖代誰分哭窮途臥疾淹爲客蒙恩早

廁儒廷爭酬造化機直乞江湖濫瀕險相迫滄浪深可

逾浮名尋已已嬾計却區區喜近天皇寺先披古畫圖

寺有晉王右軍書張僧繇畫孔子十哲形像應經帝子渚同泣舜蒼梧朝士

兼戎服君王按湛盧旄頭初傲擾驍首麗泥塗甲卒身

雖貴誓生道固殊出塵皆野鶴歷塊匪韓駒伊呂終難

降韓彭不易呼五雲高太甲六月曠搏扶回首黎元病

爭權將帥誅山林託疲爾未必免崎嶇

宿空舸峽青樹村浦

陳子昂

的的明月水啾啾寒夜猿客思浩方亂洲浦寂無喧憶

作千金子寧知九逝魂虛聞事朱闕結綬驚華軒委別

高堂愛窺覲明主恩今成轉蓬去嘆息復何言

早入清遠峽

宋之問

傳聞峽山好旭日棹前沂雨色搖丹嶂泉聲聒翠微兩

排律 五言

卷三十八

三十九

巖天作帶萬壑樹披衣秋菊迎霜序春藤礙日輝翳潭

花似織綠嶺竹成圍寂歷環沙浦葱蘢轉石圻露餘江

未熱風落瘴初稀猿飲排虛上禽驚掠水飛榜童夷唱

合樵女越吟歸良候斯爲美邊愁自有違誰言望鄉國

流涕失芳菲

入東陽峽與李明府舟前後不相及

陳子昂

東巖初解纜南浦遂離羣出沒同洲島沿洞異渚濱一作

接泊異風煙猶可望歌笑浩難聞路轉青山合峯迴白

日曛奔濤上漫漫積水下云云倏忽猶疑及差池復兩

分離離間遠樹藹藹沒遙氛地入巴陵道星連牛斗文
孤狄啼寒月哀鴻叫斷雲仙舟不可見搖思坐氛氲

遊禹穴廻出若邪谿

宋之問

禹穴今朝到邪溪此路通著書聞太史鍊藥有仙翁鶴
往籠猶挂龍飛劍已空石帆揺海上天鏡落湖中水底
寒雲白山邊墜葉紅歸舟何慮晚日暮使樵風

入峭峽安居谿伐木谿源幽邃林嶺相映有奇致
焉 陳子昂

肅徒歌伐木驚檝漾輕舟靡迤隨迴水潺湲沂淺流煙
沙分兩岸露一作霧島夾雙洲古樹連雲密交一作文峯入

排律

卷三十八

四十

浪浮巖潭相映媚谿谷屢環周路迴光逾逼一作出山深
興轉幽厖廳寒思晚援鳥暮聲秋簫息蘭臺策將從桂
樹遊因書謝親愛千歲覓蓬丘

舟行入剡谿

崔顥

鳴棹下東陽回舟入剡鄉青山行不盡綠水去何長地
氣秋仍濕江風晚漸涼山梅猶作雨谿橋未知霜謝客
文逾盛林公未可忘多慙越中好流恨閱時芳

泥谿

王勃

弭棹凌奔壑低鞭躡峻岐江濤出岸險峯磴入雲危湍
急船文亂巖斜騎影移水煙籠翠渚山照落丹崖風生

蘋浦葉露滋一作流竹潭枝泛水雖云美勞歌誰復知

過溫湯

高宗

溫渚停仙蹕豐郊駐曉旌路曲迴輪影巖虛傳漏聲暖
溜驚湍駛寒空碧霧輕林黃疎葉下野白曙霜明眺聽
良無已煙霞斷續生

奉和

越王貞

鳳輦騰宸駕驪籞次乾遊坎德疏溫液山隈派暖流寒
氛空外擁蒸氣沼中浮林凋帷影散雲歛葢陰收霜郊
暢玄覽參差落景遒

奉和

王德貞

排律

卷三十八

四十一

握圖開萬寓屬聖啓千年驪阜疏緹騎驚鴻映綵旂玉
霜明鳳野金陣藻龍川祥烟聚危岫德水溢飛泉停輿
與睿覽還舉大風篇

奉和

鄭義真

洛川方駐蹕豐野暫停鑾湯泉恒獨涌溫谷豈知寒漏
鼓依巖畔相風出樹端嶺煙遙聚草山月迴臨鞍日用
誠多幸天文遂仰觀

奉和

楊思玄

豐城觀漢迹溫谷幸秦餘地接幽王壘塗分鄭國渠風
威肅文衛日彩鏡雕輿遠岫凝氛重寒叢對影疎迴瞻

漢章闕佳氣滿宸居

和僕射晉公扈從溫湯

王維

天子幸新豐旌旗渭水東寒山天仗外一作溫谷慢城

中奠玉羣仙座焚香太乙官出遊逢牧馬罷獵見一作

非熊上宰無爲化明時太古同靈芝三秀紫陳粟萬箱

紅王禮尊儒教天兵小戰功謀猷歸哲匠詞賦屬文雄

司諫方無闕陳詩且未工長吟吉甫頌朝夕仰清風

幸鳳湯泉

玄宗

西狩觀周俗南山歷漢官薦鮮知路近省飲覺年豐陰

谷含神變湯泉養聖功益齡仙井合愈疾醴源通不重

排律五言卷三十八

四十二

鳴岐鳳誰矜一作陳寶雄願將無限澤霑沐衆心同

奉和

張說

周狩聞岐禮秦都辨雍名獻禽天子孝存老聖皇情溫

潤宜冬幸遊畋樂歲成湯雲出水殿暖氣入山營坎意

無私潔乾心稱物平帝歌流樂府谿谷也增榮

樟亭觀濤

宋昱

濤來勢轉雄獵獵駕長風雷震雲霓裏山飛霜雪中激

流起平地吹滂上侵空翕關乾坤異盈虛日月同餘艘

從陸度州浦隔阡通跳沫噴巖翠翻波帶景紅怒湍初

抵北却浪復歸東寂聽堪增勇晴看自發蒙伍生傳或

謬枚叟說難窮來信應無已申威亦匪躬衝騰如決勝

迴合似相攻委質任平視誰能見始終

與黃侍御泛北津

孟浩然

津無蛟龍患日夕常安流本欲避驄馬何知同鷁舟豈

伊今日幸曾是昔年遊莫奏琴中鶴且隨波上鷗堤綠

九里郭山面百層樓自顧躬耕者才非管樂儔聞君薦

草澤從此泛滄洲

排律五言卷三十八

四十三

鳴岐鳳誰矜一作陳寶雄願將無限澤霑沐衆心同

奉和

張說

周狩聞岐禮秦都辨雍名獻禽天子孝存老聖皇情溫

潤宜冬幸遊畋樂歲成湯雲出水殿暖氣入山營坎意

無私潔乾心稱物平帝歌流樂府谿谷也增榮

樟亭觀濤

宋昱

濤來勢轉雄獵獵駕長風雷震雲霓裏山飛霜雪中激

流起平地吹滂上侵空翕關乾坤異盈虛日月同餘艘

從陸度州浦隔阡通跳沫噴巖翠翻波帶景紅怒湍初

抵北却浪復歸東寂聽堪增勇晴看自發蒙伍生傳或

唐詩所第三十八卷終

唐詩所第三十九卷

排律

前集

扈從出長安城應制

杜審言

分野都畿列時乘六御均京師舊西幸洛道此東巡文
物驅三統聲明走百神龍旗繁漏夕鳳輦拂鈞陳撫迹
地靈古游情皇鑒新山追散馬日水憶釣魚人禹食傳
中使堯樽遍下臣省方稱國阜問道識風淳歲晚天行
吉年豐景從親歡娛包歷代宇宙忽疑春

前題

沈佺期

漢宅規模壯周都景命隆西賓讓東主法駕幸天中太
史占星應春官奏日同旌門起長樂帳殿出新豐翕習
排律 五言 卷三十九

黃山下紆徐清渭東金塵張畫月珠幘戴相風是節嚴
陰始寒郊散野蓬薄霜沾上路殘雪繞離宮賜帛矜耆
老塞旒問小童復除恩載洽望秩禮新崇臣忝承明召
多慙獻賦雄

春日離長安城作

駱賓王

年華開早律霽色蕩芳晨城闕千門曉山河四望春御
溝通太液戚里對平津寶瑟調中婦金疊引上賓劇談
推曼倩驚坐揖陳遵意氣一言合風期萬里親自惟安
直道守拙忌因人談器非先木圖榮異後薪抑榆慙路
鬼樵悴切波臣玄草終疲漢鳥裘幾滯秦生涯無歲月

岐路有風塵還嗟太行道處處白頭新

登岳州西城

張均

水國何遼曠風波遂極天西江三汜合南浦二湖連危
堞臨清境煩憂暫豁然九圍觀掌內萬象閱眸前日去
長沙渚一作浦山橫雲夢田汀葭變秋色津樹入寒煙潛
穴探靈詭浮山揖聖仙至人今不見迹滅事空傳

登越州城

孫逖

越嶂繞層城登臨萬象清封圻滄海合鄜市碧湖明曉
日漁歌滿芳春棹唱行山風吹一作搖美箭田雨潤香秔
代閱英靈盡人間吏隱并贈言王逸少已見曲池平

排律 五言 卷三十九

二

上白帝城

杜甫

江城含變態一上一迴新天欲今朝雨山歸萬里一作
春英雄餘事業衰邁久風塵取醉他鄉客相逢故國人
兵戈猶擁蜀賦飲尚一作強輸秦不是煩形勝深慙畏損
神

白帝空祠廟孤雲自往來江山城宛轉棟宇客徘徊勇
略今何在當年亦壯哉後人將酒肉虛殿日塵埃谷鳥
鳴還過林花落又開多慙病無力騎馬入青苔

秋晚登古城

李百藥

日落征途遠悵然臨古城頽墉寒雀集荒堞晚鳥驚蕭

森灌木上迢遞孤煙生霞景煥餘照露氣澄晚清秋風轉搖落此志安可平

西城晚眺 和嚴中丞

杜甫

汲黯匡君切廉頗出將頻直詞才不世雄略動如神政簡移風速詩清立意新層城臨媚景絕域望餘春旗尾蛟龍會樓頭燕雀馴地平江動蜀天開樹浮秦帝念深分閭軍須遠算緡花羅封蛺蝶瑞錦送麒麟辭第輸高義觀圖憶古人征南多與緒事業闇相親

潼關

太宗

崑函稱地險襟帶壯西京霜峯直臨道水河曲繞城古排律五言 卷三十九 三

木參差影寒猿斷續聲冠蓋往來合風塵朝夕驚高談先馬度偽曉預雞鳴棄繻懷遠志封泥負壯情別有真人氣安知名不名

奉和

許敬宗

曠馭循黃道星陳引翠旂濟潼紆萬乘臨河耀六師前旌彌陸海後騎發通伊勢踰迴地軸威盛轉天機是節歲窮紀關樹蕩涼颼仙露含靈掌瑞鼎照川湄沖襟賞臨眺高詠入京畿

早度蒲關

玄宗

鐘鼓嚴更曙山河野望通鳴鑾下蒲坂飛旆入秦中地

險關逾壯天平鎮尚雄春來一作津樹合月落成樓空馬色分朝景雞聲逐曉風所希常道泰非復候繻同

奉和

徐安貞

仙掌臨秦甸虹橋關晉關兩都分地險一曲渡河灣路得津門要時稱古戍開城花春正發岸柳曙堪攀後乘猶臨水前旌欲換山長安迴望日宸御六龍還

奉和

張說

蒲坂橫臨晉華芝曉望秦關城雄地險橋路扼天津樓映行宮日隄含輦樹春黃雲隨寶鼎紫氣逐真人東詠唐虞跡西觀周漢塵山河非國寶明主愛忠臣

排律五言 卷三十九 四

奉和

張九齡

魏武中流處軒皇問道迴長堤春樹發高掌曙雲開龍負王舟渡人占仙氣來河津會日月天仗役風雷東顧重關盡西馳萬國陪還聞股肱郡元首詠康哉

奉和

宋璟

回鑾下蒲坂飛旆指秦京雒上黃雲送關中紫氣迎霞朝看馬色月曉聽雞鳴防拒連山險長橋壓水平省方知化洽察俗覺時清天下長無事空餘襟帶名

秋晚度廢關

李行言

秦郊平舊險周德眷遺黎始聞清夜柝俄見落封泥物

色來無限津途去不迷空庭誰問馬問成但鳴雞山月
寒彌淨河風曉更淒贈言楊伯起非復是關西

度鬼門關

沈佺期

昔傳瘴江路今到鬼門關土地無人老流移幾客還自
從別京洛顏鬢與衰顏夕宿含沙裏晨行岡路間馬危
千仞谷舟險萬重灣問我投何地西南盡百蠻

蓬萊鎮

駱賓王

旅客春心斷邊城夜望高野樓疑海氣白鷺似江濤結
綬疲三入承冠泣二毛將飛憐弱羽欲濟乏輕舸賴有
陽春曲窮愁且代勞

排律

卷三十九

五

江鎮

四運移陰律三翼泛陽侯荷香銷晚夏菊氣入新秋夜
烏喧粉堞宿鴈下蘆洲海霧籠邊徼江風繞戍樓轉蓬
驚別渚徙橘愴離憂魂飛灞陵岸淚盡洞庭流振影希
鴻陸逃名謝蟻丘還嗟帝鄉遠空望白雲浮

南陽館

劉希夷

旅館何年廢征夫此日過途窮人自哭春至鳥還歌行
路新知少荒田古邇多池篁覆丹谷墳樹遶清波日照
蓬陰轉風微野氣和傷心不可去回首怨如何

讓河驛

陳子昂

沿流辭北渚結纜宿南洲合岸昏初夕迴塘暗不流臥
聞塞鴻斷坐聽峽猿愁沙浦明如月汀葭晦若秋不及
能鳴鴈徒思海上鷗天河殊未曉滄海信悠悠

發藤州

宋之問

朝夕苦遄征孤鴻長自驚泛舟依鴈渚投館聽猿鳴石
髮綠谿蔓林衣掃拂一作地輕雲峯刻不似苔蘚一作畫
難成露衰千花氣泉和萬籟聲攀幽紅處歇躋險綠中
行戀切芝蘭砌悲纏松栢塋丹心江北死白髮嶺南生
魑魅天邊國窮愁海上城勞歌意無限今日爲誰明

初發江陵

張九齡

排律

卷三十九

六

極望涪陽浦江天渺不分扁舟從此去鷗鳥自爲羣他
日懷真賞中年負俗紛適來果微尚候爾會斯文復想
金閨籍何如夢渚雲我行多勝寄浩思獨氛氲

早發韶州

宋之問

炎微行應盡迴瞻鄉路遙珠厓天外郡銅柱海南標日
夜清明少春冬霧雨饒身經大火熱顏入瘴江清觸影
含沙怒逢人女草搖露濃看莽一作濕風颭覺船飄直
禦魑將魅寧論鴟與鴞虞翻思報國許靖願
歸朝綠樹秦京道青雲洛水橋故園長在目魂去不須
招女一作奇

早發諸暨

駱賓王

征夫懷遠路，風駕上危巒。
薄煙橫絕壑，輕凍澁迴湍。
野霧連空暗，山風入曙寒。
帝城臨灞水，禹穴枕江干。
橘性行應化，蓬心去不安。
獨掩窮途淚，長歌行路難。

曉發興州入陳平路

蘇頌

旌節指巴岷，年年行且巡。
暮來青嶂宿，朝去綠江春。
魚貫梁緣馬，猿奔樹息人。
邑祠猶是漢，谿道卽名陳。
舊史饒遷謫，恒情厭苦辛。
寧知報恩者，天子一忠臣。

早發始興江口至虛氏村作

宋之問

候曉踰閩嶠，乘春望越臺。
宿雲鵬際落，殘月蚌中開。
薛

排律 五言 卷三十九

七

荔搖青氣桃，榔翳碧苔桂。
香多露裊石，響細泉回抱。
葉玄猿嘯銜花，翡翠來南中。
雖可悅北思，日悠哉鬢髮俄成素。
丹心已作灰，何當首歸路。
行剪故園萊。

早發淮口望盱眙

駱賓王

養蒙分四瀆，習坎奠三荆。
徙帝畱餘地，封王表舊城。
岸昏涵蜃氣，潮滿應雞聲。
洲迴連沙靜，川虛積溜明。
一朝從捧檄，千里倦懸旌。
背流桐柏遠，逗浦木蘭輕。
小山迷隱路，大塊切勞生。
唯有貞心在，獨映寒潭清。

早入榮陽界

王維

汎舟入榮澤，茲邑乃雄藩。
河曲閭閻隘，川中煙火繁。
因

人見風俗入境，聞方言秋野。
一作田疇盛朝光，市井喧漁商。
波上客雞犬，岸傍村前路白雲。
外孤帆安可論。

早行

楊炯

啟明東方微，闌干北斗斜。
地氣俄成霧，天雲漸作霞。
河流纔辨馬，巖路不容車。
阡陌經三歲，閭閻對五家。
露文沾細草，風影轉高花。
日月從來惜，關山猶自賒。

晚度天山有懷京邑

駱賓王

忽上天山路，依然想物華。
雲疑上苑葉，雪似御溝花。
行歎戎麾遠，坐憐令一作衣帶賒。
交河浮絕塞，弱水浸一作流沙。
旅思徒漂梗，歸期未及瓜。
寧知心斷絕，夜夜泣胡笳。

排律 五言 卷三十九

八

晚渡渭橋 寄示京邑遊好 盧照隣
我行背城闕，驅馬獨悠悠。
寥落百年事，徘徊萬里途。
途遙日向夕，時晚鬢將秋。
滔滔俯東逝，耿耿泣西浮。
浮虬拖釣浦，落鴈下星洲。
草變黃山曲，花飛清渭流。
遊不愁驚騰沙起，狎鷗一赴清泥道。
空思玄灞遊。

登舟將適漢陽

杜甫

春宅棄汝去，秋帆催客歸。
庭蔬尚在眼，浦浪已吹衣。
生理飄蕩拙，有心遲暮違。
中原戎馬盛，遠道素書稀。
寒鴈與時集，檣烏終歲飛。
鹿門自此往，永息漢陰機。

赴健爲經龍閣道

岑參

側徑搏一作轉

青壁危梁透滄波汗流出鳥道膽碎窺龍

渦驟雨暗溪谷歸雲網松蘿屢聞羌兒笛厭聽巴童歌

江路險復永夢魂愁更多聖朝幸典郡不敢嫌岷峨

下瀨石

孟浩然

瀨石三百里沿洞千嶂間沸聲常浩浩洄勢亦潺潺跳

沫魚龍沸垂藤猿狖攀榜人苦奔峭而我忘險艱放湏

情深愜

彌遠

登艫目

一作

自閒瞑帆何處宿一作遙指

落星灣

次蒲類津

駱賓王

排律

五言

卷三十九

九

二庭歸望斷萬里客心愁山路猶南屬河源自北流晚

風連朔氣新月照邊秋竈火通軍壁烽煙上戍樓龍庭

恒苦戰燕頷會封侯莫作蘭山下空令漢國羞

陪張丞相自松滋江東汭渚宮

孟浩然

放溜下松滋登舟命檝師詎忘經濟日不憚沍寒

時洗幘豈獨古濯纓良在茲政成人自理機息鳥無疑

雲物疑孤嶼江山辨四維晚來風稍急一作冬至日行

巡獵響一作驚雲夢漁歌激楚辭渚宮何處是川暝欲

安之

泊宣城界

西塞沿江島南陵問驛樓湖平津濟闊風止客帆收去

去懷前事

一作

茫茫泛夕流石逢羅剎礙山泊敬亭幽

火識

一作

梅根冶煙迷楊葉洲離家復水宿相伴賴沙

鷗

途中作

楊炯

悠悠辭鼎邑去去指金墉途路盈千里山川亘百重風

行常有地雲出本多峯鬱鬱園中柳亭亭山上松客心

殊不樂鄉淚獨無從

襄陽作

崔湜

廟堂初解印郡邸忽腰章按節巡河右鳴騶入漢陽城

排律

五言

卷三十九

十

臨南岷出樹繞北津長好學風猶扇誇才俗未忘江山

距七澤煙雨接三湘蛟浦菱荷淨漁舟橘柚香醉中求

習氏夢裏憶襄王宅壞

一作

仍思鳳碑存更憶羊下車

慙政美閉閣幸時康多謝征南術于今尚不亡

相州

冬日早衙作

張說

城外宵鍾歛閨中曙火殘朝光曜庭雪宿凍聚池寒正

色臨廳事疑詞定筆端除苛囹圄息伐枳吏人寬河內

功猶淺淮陽疾未安鏡中星髮變頓使世情闌

岳州作

水國生秋草離居再及瓜山川臨洞穴風日望長沙物

土南州異關河北信賒日昏聞怪鳥地熱見脩蛇遠人
夢歸路疲馬嘶去家正有江潭月裴徊戀九華

遼西作

崔顥

燕郊芳歲晚殘雪凍邊城四月青草合遼陽春水生胡
人正牧馬漢將日徵兵露重寶刀濕沙虛金鼓鳴寒衣
着已盡春服與誰成寄語洛陽使爲傳邊塞一作情

桃林塞作

崔湜

去國未千里離家已再旬丹心恒戀闕白首更辭親懷
壁常貽訓捐金詎得鄰抱冤非忤物罹謫豈尤人不濫
辭終辨無瑕理竟伸敵還中省舊符與外臺新塞上同
排律五言卷三十九 十一

塞北二首

沈佺期

虜嶂天驕起秦城地脉分柏壇飛五將梅吹動三軍鋒
刃奔濤色旌旗焰火文朔風吹汗漫飄灑灑輜輶海氣
如秋雨邊烽似夏雲二庭無歲月百戰有功勲形影隨
魚貫音書在鴈羣歸來拜天子凱樂助南薰
胡騎犯邊埃風從丑上來五原烽火急六郡羽書催冰
壯飛狐冷霜濃候鴈哀將軍朝授鉞戰士夜銜枚紫塞
金河裏蔥山鐵勒隈蓮花秋劒發桂葉曉旗開秘略三

軍動妖氛百戰摧何言投筆去終作勒銘回

塞外三首

鄭愔

塞外蕭條望征人此路賒邊聲亂朔馬秋色引一作胡
笳遙嶂侵歸日長城帶晚霞斷蓬飛古戍連鴈聚寒沙
海暗雲無葉山春雪作花丈夫期報主萬里獨辭家
荒壘三秋夕窮郊萬里平海陰凝獨樹日氣下連營戎
旆霜旋一作疑重邊裘夜更輕將軍猶轉戰都尉不成名
折柳悲春曲吹笳斷夜聲明年漢使返須築受降城
陽鳥南飛夜陰山北地寒漢家征戍客年歲在樓蘭玉
塞一作關朔風起金河秋月團邊聲入鼓吹霜氣下旌竿
排律五言卷三十九 十二

海外歸書斷天涯旅鬢殘子卿猶奉使恒向節旄看

早秋出塞

寄東臺詳正學士

駱賓王

促駕踰三水長驅望五原天階一作街分斗極地理接樓
煩谿月明關隴戎一作胡雲聚塞垣山川殊物候風壤異
涼暄一作溫戊古秋塵冷一作合沙寒宿霧繁昔余迷學步
投跡忝詞源蘭渚浮延閣蓬山欵禁園影纓陪綬冕載
筆偶輿播汲塚寧詳蠹秦牢詎辨冤一朝從篚一作匪服
千里驚輕軒鄉夢隨魂斷邊聲入聽喧南圖終綴一作敏
翻北上遽摧轅弔影慙連茹浮生倦一作旅數奇何以託
桃李自無言

秋日荆南述懷

杜甫

昔承推獎分規匪挺生材遲暮官臣忝艱危衮職陪楊
鑣隨日馭折檻出雲臺罪戾寬猶活干戈塞未開星霜
玄鳥變身世白駒催伏枕因超忽扁舟任往來九鑽巴
嚙火三螯楚祠雷望帝傳應實昭王問一作去不回蛟螭
深作橫豺虎亂雄猜素業行已矣浮名安在哉琴鳥曲
怨憤庭鶴舞摧頽秋水漫湘竹陰風過嶺梅苦搖求食
尾常暴報恩腮結舌防讒柄探腸有禍胎蒼茫步兵哭
展轉仲宣哀饑藉家家米愁徵處處杯休爲貧士歎任
受衆人咤得喪初難識榮枯劃易該差池分組冕合沓
排律五言 卷三十九 十三

起蒿萊不必伊周地皆登屈宋才漢庭和異域晉史圻
中台霸業尋常體宗臣忌諱災羣公紛戮力聖慮宵徘徊
數見銘鍾鼎真宜法斗魁願聞鋒鏑鑄莫使棟梁摧
磐石圭多剪凶門轂少推垂旒資穆穆祝網但恢恢赤
雀翻然至黃龍不假媒賢非夢傳野隱類鑿顏坯自古
江湖客冥心若死灰

秋日夔府詠懷

奇鄭監李賓客

絕塞鳥蠻北孤城白帝邊飄零仍百里消渴已三年雄
劒鳴開匣羣書滿繫船亂離心不展衰謝日蕭然筋力
妻孥問菁華歲月遷登臨多物色陶冶賴詩篇峽東滄

江起巖排石樹圓拂雲霾楚氣潮海蹴吳天煮井爲鹽
速燒畬度地偏有時驚疊嶂何處覓平川鷄鶩雙雙舞
獼猴壘壘一作疊懸碧蘿長似帶錦石小如錢春草何曾
歇一作綠寒花亦可憐獵人吹戍火野店引山泉喚起搔
頭急扶行幾屐穿兩京猶薄產四海絕隨肩幕府初交
辟郎官幸備員瓜時猶旅寓萍泛若黃絲藥餌虛狼藉
秋風洒靜便開襟驅瘴癘明目掃雲煙高宴諸侯禮佳
人上客前哀箏傷老大華屋艷神仙南內開元曲常時
弟子傳法歌聲變轉滿座淚潺湲弔影夔州僻回腸杜
曲煎卽今龍廐水莫帶犬戎羶耿賈扶王室蕭曹拱御
排律五言 卷三十九 十四

筵乘威滅蜂蠆戮力效鷹鷂舊物森猶在凶徒惡未悛
國須行戰伐人憶止戈鋌奴僕何知禮恩榮錯與權胡
星一彗字黔首遂拘攣哀痛絲綸切煩苛法令蠲業成
陳始王兆喜出于畋官禁經綸密台階胡戴全熊羆載
呂望鴻鴈美周宣側聽中興主長吟不世賢音徽一柱
數道里下牢千鄭李光時論文章並我先陰何尚清省
沈宋歛聯翩律比崑崙竹音知燥濕絃風流俱善價慙
當久忘筌置驛常如此登龍蓋有焉雖云隔禮數不敢
墜周旋高視收人表虛心味道玄馬來皆汗血鶴唳必
青田羽翼商山起蓬萊漢閣連管寧紗帽淨江令錦袍

鮮東郡時題壁南湖日扣舷遠遊凌一作絕境佳句染

華賤每欲孤飛去徒爲百慮牽生涯已寥落國步尚屯

遭衾枕成蕪沒池塘作棄捐別離憂但但伏臘涕漣漣

露菊斑豐鎬秋菰影澗瀝共誰論昔事幾處有新阡富

貴空回首喧爭懶著鞭兵戈塵漠漠江漢月娟娟局促

看秋燕蕭疎聽晚蟬彫蟲蒙記憶烹鯉問沈綿卜羨君

平杖偷存子敬瓊囊空一作把釵釧米盡折花鈿甘子

陰涼葉茅齋八九椽陣圖沙北岸市暨漢西巔羈絆心

常折棲遲病卽痊紫收岷嶺芋白種陸家一作蓮色好

梨勝頗穰多栗過拳勑厨唯一味求飽或三鱸兒去看

排律五言 卷三十九 十五

魚笥人來坐馬羈縛柴門窄窄通竹溜涓涓塹抵公畦

稜一作村依野廟孺缺籬將棘拒倒石賴藤纏借問煩

朝謁何如穩晝眠誰云行不逮自覺坐能堅霧雨銀章

澀馨香粉署妍紫鸞無遠近黃雀任翩翾困學違從衆

明公各勉旃聲華夾宸極早晚到星躔懇諫留一作報諸

儒引服虔不逢輸鯁直會是正陶甄宵旰憂虞軫黎元

疾苦駢雲臺終日畫青簡爲誰編行路難何有招尋興

已專由來具飛檄暫擬控鳴絃身許雙峯寺門求七祖

禪落帆追宿昔衣褐向真詮安石名高晉昭王客赴燕

途中非阮藉查上似張騫披拂雲寧在淹留景不延風

期終破浪水怪莫飛涎他日辭神女傷春怯杜鵑淡交

隨聚散澤國遶迴旋本自依伽葉何曾藉倥傯鱸峯生

轉眄橘井尚高褰東走窮歸鶴南征盡跼蹐晚聞多妙

教卒踐塞前愆顧凱丹青列頭陀琬琰鑄衆香深黯黯

幾地蕭茅芋勇猛爲心極清羸任體孱金篦空刮眼鏡

象未離銓

夔府書懷

昔罷河西尉初興薊北師不才名位晚敢恨省郎遲尾

聖崆峒日端居滌瀕時萍流仍汲引檇散尚恩慈遂阻

雲臺宿常懷湛露詩翠華森遠矣白首颯其拙被林

排律五言 卷三十九 十六

泉滯生逢酒賦欺文園終寂寞漢閣自磷緇病隔君臣

議慚紆德澤私揚鑣驚主辱拔劍撥年衰社稷經綸地

風雲際會期血流紛在眼涕泗亂交頤四瀆樓船泛中

原鼓角悲賊壕連白翟戰瓦落丹墀先帝嚴靈寢守臣

切受遺恒山猶突騎遼海競張旗田父嗟膠漆行人避

疾黎總戎存大體降將飾卑詞楚賁何年絕堯封舊俗

疑長吁翻北寇一望卷西夷不必陪玄圃超然待具茨

凶兵鑄農器講殿闢書帷廟筭高難測天憂實在茲彤

容眞潦倒荅效莫支持使者分王命羣公各典司恐乖

均賦歛不似問瘡痍萬里煩供給孤城最怨思綠林寧

小患雲夢欲難追卽事須嘗膽蒼生可察眉議堂猶集
鳳貞觀是元龜處處喧飛檄家家急競雖蕭車安不定
蜀使下何之釣瀨疎墳籍耕巖進奕基地蒸餘破扇冬
煖更纖絺紵遺哀登楚麟傷泣象尼衣冠迷適越藻繪
憶遊睢賞月延秋桂傾陽逐露葵大庭終反樸京觀且
僵尸高枕虛眠晝哀歌欲和誰南宮載勳業凡百慎交
綏

蜀中言懷

王適

獨坐年將暮常懷志不通有時須問影無事則書空棄
置如天外平生似夢中蓬心猶是客華髮欲成翁跡滯
排律五言 卷三十九 十七

魂逾窮情乖路轉窮別離同夜月愁思隔秋風老少悲
顏駟盈虛悟翟公時來不可問何用求童蒙

久戍邊城言懷

駱賓王

擾擾風塵地遑遑名利途盈虛一易舛心迹兩難俱弱
齡小山志寧期大丈夫九微光青玉千仞忽彈珠
棘寺遊三禮蓬山遙八儒懷鉛慙後進投筆願前驅北
走非通趙西之似化胡錦車朝促候刁斗夜傳呼戰士
青絲絡將軍黃石符連星入寶劍半月上雕弧拜井開
疎勒鳴桴動密須戎機習短蔗祿祿靜長榆季月炎初
盡遠亭草早枯層陰籠古木窮色變寒蕪海鶴聲嘹唳

城烏尾畢逋葭繁秋引色桂滿夕輪虛行役風雨久鄉
園夢想孤瀟池遙夏國秦海望陽紆沙塞三千里京城
十二衢楊溝連鳳闕槐路擬鴻都璧殿規宸象金泥法
斗樞雲浮西北益月照東南隅寶帳垂連理銀牀轉轆
轤廣庭留上客豐饌引中廚漏緩金徒箭嬌繁玉女壺
秋濤飛喻馬春水泛仙艫意氣風雲合言忘道術趨共
矜名已泰詎肯沫相濡有志慙雕朽無庸類散樗關山
暫一超忽形影歎艱虞結網空知羨圖榮豈自誣忘
情同塞馬比德類猿駒隴阪肝腸絕陽關亭堠一作迂
迷魂驚落鴈離恨斷飛鳧春去榮一作華盡年來歲月
排律五言 卷三十九 十八

無邊愁傷郢調鄉思繞吳歛河氣通中國山途限外區
相思若可寄冰泮有街蘆

題長安主人壁

孟浩然

久廢南山田謬陪東閣賢欲隨平子去猶未獻甘
泉枕籍一作琴書滿寒寨帷遠岫連我來如昨日庭樹忽
鳴蟬促織驚寒女秋風思感長年授衣當九月無褐
竟誰憐

還陝述懷

太宗

慨然撫長劍濟世豈邀名星旗紛電舉日月肅天行徧
野屯萬騎臨原駐五營登山麾武節背水縱神兵在昔

戎戈動今來宇宙平

南還湘水言懷

張九齡

拙宦今何有勞歌念不成十年乖夙志一別悔前行
去田園老儻來軒冕輕江間稻正熟林裏桂初榮魚意
思在藻鹿心懷食苹時哉苟不達取樂遂吾情

早春邊城還歸

崔湜

大漠羽書飛長城未解圍山川凌玉障旌節下金微路
向南庭遠書因北鴈稀鄉關搖別思風雪故_{一作戎衣}
歲盡仍爲客春還尚未歸明年征騎返歌舞及芳菲

還山宅

楊師道

排律五言 卷三十九 十九
暮春還舊嶺徙倚玩年華遙逕無芳草空山正落花垂
藤掃幽石卧柳礙浮槎鳥散茅簷靜雲披澗戶斜依然
此泉路猶是昔煙霞

酬故人還山

宋鼎

舉棹乘春水歸山撫歲華碧潭宵見月紅樹晚開花蕭
穆輕風度依微隱徑斜危亭暗松石幽澗落雲霞思鳥
鳴高樹遊魚戲淺沙安知餘興盡相望紫煙賒

幸武功慶善宮

太宗

高丘惟舊跡豐邑乃前基粵予承累聖懸弧亦在茲弱
齡逢運改提劍鬱匡時指麾八荒定懷柔萬國夷梯山

盛成_{一作}入欵駕海亦來思單于陪武帳日逐衛文

端_{一作}端晨朝四嶽無爲任百司霜節明秋景輕冰結水

涓_{一作}涓黃遍原隰禾穎積_{一作}積京坻共樂還鄉

宴歡此大風詩

重幸慶善宮

代馬依弮吹驚禽愁昔叢况茲承睿_{一作}睿德懷舊感深
衷積善忻餘慶暢武閱神_{一作}神功垂衣天下治端拱車
書同白水巡前跡丹陵幸舊宮列筵懽故老高宴聚新

豐駐蹕撫田畯迴輿訪牧童瑞_{一作}瑞氣縈丹闕祥煙散

碧空孤嶼含霜白遙山帶日紅於焉歡擊筑聊以詠南

風

過舊宮

金輿巡白水玉輦駐新豐紐落藤披架花殘_{一作}破叢葉
鋪荒草蔓流竭半池空綉珮蘭凋_{一作}凋徑舒圭景剪桐
昔地一番內今宅九圍中架海波澄鏡韜戈器反農八
表文同軌無勞歌大風

奉和

許敬宗

飛雲臨紫極出震表青光自爾家寰海今茲返帝鄉情
深感代國樂甚讌譙方白水浮佳氣黃星聚太常岐鳳
鳴層閣鄩雀賀雕梁桂山猶總翠蘅薄尚流芳

遺皓沐德并稱觴

奉和

上官儀

石關清晚夏璇輿御早秋神麾颺珠雨仙吹響飛流沛
水祥雲泛宛郊瑞氣浮大風凝一作漢筑萊烟入舜球

翠梧臨鳳邸滋蘭帶鶴舟偃伯歌玄化扈蹕頌王遊遺
簪謬昭獎珥筆荷恩休

遊興慶宮

序曰暇日與兄弟同遊興慶宮登勤政
務本及華萼相輝之樓所以觀風俗而
勸人崇友于而敦睦詩以言志歌
以未言情終於表率題此什玄宗

代邸青門右離宮紫陌陞庭如過沛日水若渡江時綺
觀連雞岫朱樓接鴈池從來敦棣萼今此茂荆枝萬葉

排律

五言

卷三十九

二十一

傳餘慶千年志不移凭軒聊屬目輕輦共追隨務本方

崇訓相輝保羽儀時康俗易漸德薄政難施鼓吹迎飛
蓋絃歌送羽卮所希覃率土孝弟一同規

奉和

張說

漢武橫汾日周王宴鎬年何如造區夏復此睦親賢集
鳳新成閣飛龍舊躍泉棣華歌尚在桐葉戲仍傳禁籞
氛埃隔平臺景物連聖慈良有裕王道固無偏問俗兆
人阜觀風五教宣獻圖開益地張樂奏鈞天侍酒一作酌

衢樽滿詢芻諫鼓懸永言彤友愛萬國共周旋

巡省途次上黨舊宮

序曰朕昔在初九位武此州
未遇扶搖之力空候海沂之

詠洎大橫入北出處斯易一揮寶劍應機
承歷數而順經緯著人衣而御區夏嗟乎
沈默駕四馬而朝京師今道遙乘六龍而
風俗爰因巡省途次舊居山川宛然人事
忽其昇華周遊館宇觸目依然雖迹異漢
地如豐邑擊筑慷慨酌桂留連空想大風
題茲短什玄宗

三千初擊浪九萬欲搏空天地猶驚否陰陽始遇蒙存

貞身一作期

歷試佐貳佇昭融多謝時康理良慙寶劍一作

賴功長懷問鼎氣夙負拔山雄不學劉琨舞先歌漢祖

風英髦既包括豪傑自牢籠人事一朝異謳歌四海同

如何昔朱邸今此作離宮鴈沼澄瀾翠猿巖落照紅小

山秋餘一作桂

馥長坂舊蘭叢卽是淹留處乘歡樂未窮

排律

五言

卷三十九

二十二

奉和

張說

蔥鬱興王郡殷憂啓聖圖周成會西土漢武幸南都歲
卜鑒輿邁農祠馬政敷武威稜外域文教靡中區警蹕

千戈捧朝宗萬玉趨舊藩人事革新化一作國豐一作

殊壁有真龍畫庭餘鳴鳳梧叢觴祝堯壽合鼎獻湯一作

陽樂寒初變春恩螯更蘇三耆頒命服五稔復田輸君

賦大風起人歌湛露濡從臣觀玉葉方願紀靈符

奉和

蘇頌

路國臨淄邸天王別駕輿出潛離隱際小往大來初東

陸行春典南陽卽舊居約川星罕駐扶道日旂舒雲覆

連行在風迴助掃除太行城邑望畢落土田疏昔試
興后今過俗侯予示威寧校獵崇讓不陳魚府吏趨
辰卿耆捧帝車帳傾三飲處閑整六飛餘盛業銘汾鼎
昌期應洛書願陪歌賦末畱比蜀相如

奉和幸新豐溫泉宮

應制 武平一

秦王登碣石周后襲龍嵒何必在遐遠方稱萬寓尊我
皇順時像星駕動軒轅雄戟交馳道清笳度國門迴輿
長樂觀校獵上林園行漏移三象連管總八屯旌搖鸚
鵡谷騎轉鳳凰原絕壁蒼苔古靈泉碧溜溫參差開水
殿竊窳敞巖軒一作豐邑模蹤猶在驪宮迹尚存煙

排律五言

卷三十九

二十三

松銜翠幄雪逕遶花源侍從推玄草文章召虎賁深仁
浹夷夏洪造溢乾坤謬忝王枚列多慚雨露恩

前題

徐彥伯

姬典歌時邁虞編記省方何如黑帝月玄覽一作白雲
鄉翠仗紫船岸明旌應蒼陽風搖花眊彩雪豔寶戈芒
御陌開雨一作次離宮夾樹行桂枝籠驤裏松葉覆
堂皇仙石一作含珠液溫池孕璧房湧疑神漢溫澄
若帝臺漿獨沸流常熱潛蒸氣轉香青璽一作
玉甃紅礎一作鏤金光藻曜凝芳潔歲蕤獻淑祥五
歸寶筭九鴈一作叶時康同預華封老中衢祝聖皇

奉和長春宮登樓觀稼穡之作

應制 蘇頌

帝迹奚其遠皇符之所崇敬時堯務作盡力禹稱功赫
赫惟元后經營自左馮變蕪秔稻實流惡水泉通國阜
猶前豹人疲詎昔能黃圖巡沃野清吹入離宮是閱京
坻富仍觀都邑雄憑軒一何綺積溜寫晴空禮節家安
外和平俗在中見龍垂渭北辭鴈指河東睿思方居鎬
宸遊若飲豐寧誇子雲從祗爲獵扶風

同崔員外溫泉宮卽事

郭汭

輦輅移雙闕宸遊整六師天迴紫微座日轉羽林旗霜
氣寒戈戟軍容壯虎貔弓鳴射鴈處泉暖躍龍時惠化

排律五言

卷三十九

二十四

成觀俗謳謠入賦詩同歡王道盛相與詠雍熙

從駕萬年宮

賈許左丞

盧照隣

聞道上之回詔蹕下蓬萊中樞移北斗左轄去南臺黃
山聞鳳笛清蹕侍龍媒曳日朱旗捲參雲金障開朝參
五城柳夕宴栢梁杯漢時光如月秦祠聽似雷寂寂芸
香閣離思獨悠哉

春日登陝州城樓俯眺原野迴丹碧綴煙霞密翠

斑紅芳菲花柳卽目川岫聊以命篇

太宗

碧原開霧縠綺嶺峻霞城煙峯高下翠日深茂深明斑

紅粧蒨樹圓青壓溜荆迹巖勞傳想窺野訪莘情巨川
何以濟舟楫佇時英

奉和

許敬宗

挹河激綠宇御溝映朱宮辰旂翻麗景星蓋一作曳雕
虹學嘖齊柳嫩妍笑發春叢錦鱗文碧浪繡羽絢青空
眷念三階靜遐想二南風

登蒲州逍遙樓

玄宗

長榆息烽火高柳淨風塵卜征巡九洛展豫出三秦昔
是潛龍地今爲上里晨時平兼一作乘道泰聊賞遇年春
黃河分地脉一作絡飛觀接天津一覽遺芳翰千載肅如

排律

五言 卷三十九

二十五

神

奉和

蘇頌

在昔堯舜禹遺塵成典謨聖皇東巡狩况乃經此都樓
觀紛迤邐河山幾縈紆緬懷祖宗業相繼文武圖尚一作
特德既無險觀風諒有孚豈如汾水上簫鼓事遊娛

登荊州城樓

張九齡

天宇何其曠江城坐自拘層樓百餘尺迢遞在西隅暇
日時登眺荒郊臨故都纍纍見陳迹寂寂想雄圖古往
山川在今來郡邑殊北疆雖入鄭東距豈防吳幾代傳
荆國當時敵陝邠上流空有處中土復何虞枕席夷三

峽關梁豁五湖承平無異境守隘莫論夫自罷金門籍
來參竹使符端居向林藪微尚在桑榆直似王陵慙非
如甯武愚今茲對南浦乘鴈與雙鳬

登城樓望西山作

城樓枕南浦日夕顧西山宛宛鸞鶴處高高煙霧間仙
井今猶在洪厓久不還金編莫我授羽駕亦難攀簷際
千峯出一作遠雲中一鳥閒縱觀窮水國游思徧人寰勿

復塵埃事歸來且閉關

登石頭驛樓作

山檻憑高南一作望川途眇北流遠林天翠合前浦日華
析律五言 卷三十九 二十六

浮萬井綠津渚千艘咽渡頭漁商多未事耕稼少良疇
自守陳蕃榻嘗登王粲樓徒然騁目處豈是獲心遊向
跡雖愚谷求名異盜丘息陰芳木所空復越鄉憂

登臨沮樓

高深不可厭巡屬復來過本與衆山絕况茲韶景和危
樓入水倒飛檻向空摩雜樹綠青壁樛枝挂綠蘿潭清
能徹底魚樂好跳波有象言雖一作難具無端思轉多同
懷不在此孤賞欲如何

夜登孔伯昭南樓時沈太清朱昇在座

孟浩然

誰家無風月此地有琴樽山水會稽郡詩書孔氏門再
來值秋杪高閣夜無喧華燭罷然蠟清絃方奏鵬沈生
隱侯胤朱子買臣孫好我意不淺登茲共話言

登瀛州南樓寄遠

沈佺期

層城起麗譙憑覽出重霄茲地多形勝中天宛寂寥四
榮摩鶴鶴百拱厲風颺北際一作燕王館東連秦帝橋
晴光七郡滿春色兩河遙傲睨非吾土躊躇適遠翬離
居欲有贈春草寄長謠

陪張丞相登荆城樓因寄荊州張使君及浪泊戍

孟浩然

排律

卷三十九

二十七

薊門天北畔銅柱日南端出守聲彌遠投荒法未寬側
身聊倚望携手莫同歡白壁無瑕玷青松有歲寒府中
丞相閣江上使君灘興盡迴舟去方知茲一作路難

晚憩王少府東閣

張九齡

披軒肆流覽雲壑見深重空水秋彌淨林煙晚更濃坐
隅分洞府簷際列羣峯窈窕生幽意參差多異容還慙
大隱跡空想列仙蹤賴此昇攀處蕭條得所從

登三臺作

太宗

未央初壯漢阿房昔侈泰在危猶騁麗居奢遂役人豈
如家四海日宇罄一作朝倫輪一作扇天裁戶舊砌地剪

基新引月擎一作宵桂飄雲逼曙鱗露除光炫玉霜闕
吹雕銀舞接花梁燕歌迎鳥路塵鏡池波太液莊苑麗
宜春作異甘泉日停非路寢辰念勞慙逸已居曠返勞
神所欣成大厦宏材佇一作渭濱

奉和

許敬宗

中天表雲榭載極輦崑樓聖作規玄造軒阿復聿修高
門符令節形勝總神州企翼搏禽萃飛薨燕雀遊綴星
羅百拱緣漢轉三休旦雲生玉舄初月上銀鈞妙管含
秦鳳仙姿麗斗牛形言防處逸粹藻發嘉猷荷生無以
謝盡瘁竟何酬

排律

卷三十九

二十八

奉和幸神臯亭應制

宋之問

清蹕喧黃道乘輿降紫宸霜戈凝曉日雲管發陽春臺
古全疑一作漢林餘半識秦宴酣詩布澤節改令行仁
昔恃山河險今依道德淳多慚獻嘉頌空累屬車塵

早秋與諸子登號州西亭觀眺

岑參

亭高出鳥外客到與雲齊樹點千家小天圍萬嶺低殘
照挂陝北急雨過關西酒榼緣青壁瓜田傍綠谿微官
道愛客且相攜唯有鄉園處依依望不迷

北樓新亭

和宋太史

孟浩然

返耕意未遂日夕登城隅誰謂山林近坐爲符竹拘

誰非改作軒檻是新圖遠水自嶠家長雲吞具區願爲
江燕一作賀羞逐府僚趨欲識狂歌者一作客丘園
一豎儒

鄭郎中山亭

崔翹

篆筆飛章暇園亭染翰遊地奇入境別事遠俗塵收書
閣山雲起琴齋澗月留泉清鱗影見樹密鳥聲幽杜馥
熏梅雨荷香送麥秋無勞置驛騎文酒可相求

王屋山第之側雜構小亭暇日與羣公同遊

李嶠

桂亭依絕巘蘭榭俯迴谿綺棟魚鱗出雕甍鳳羽栖引
排律五言卷三十九 二十九

泉聊漲沼鑿磴且通蹊席上山花落簾前野樹低弋林
開曙景釣渚發晴霓狎水驚梁鴈臨風聽楚雞復看題

柳葉彌喜蔭桐圭

奉和幸皇太子新院

應制

盧僊

佳氣曉蔥蔥乾行入震宮前星迎北極少海被南風視
膳銅樓下吹笙玉座中訓深家以正義舉俗爲公父子
成釗合君臣禹啓同仰天歌聖道猶愧乏雕蟲

奉和過梁王宅卽目

應制

武三思

巖居多水石野宅滿風煙本謂開三徑俄欣降九天穿
林移步輦拂岸轉行旃鳳竹初垂籜龜河未吐蓮願持

山作壽恒用切爲年

奉和幸禮部尚書寶希玠宅

應制

沈佺期

北闕垂旒暇南宮聽禮

一作履

迴天臨翔鳳轉思向濯

龍開蘭氣承

一作薰

仙帳擣花引御杯水一作從金穴

吐雲是玉衣來池影搖歌席林香散舞臺不知行漏晚
清蹕尚徘徊

前題

李乂

家住千門側亭臨二水傍貴遊開北第宸眷幸西鄉曳
履迎中谷鳴絲出後堂浦疑觀萬象峯似駐三光草向

排律

卷三十九

三十

瓊筵樂花承繡展香聖情思舊重畱飲賦雕章

前題

蘇頌

尚書列侯第外戚近臣家飛棟臨青綺迴輿轉翠華日
交當戶樹泉漾滿池花圓頂圖嵩石方流植魏沙豫遊
今聽履侍從昔鳴笳自有天文降無勞訪海槎

前題

劉憲

北斗樞機任西京肺腑親疇昔王門下今茲御
辰恩光山水被聖作管絃新遠坐薰紅藥當軒暗綠筠
摘荷纔早夏聽鳥尚餘春行漏今徒晚風煙起觀津
陪燕公行郡舍竹籬

趙冬曦

良臣乃國楨一作麾守去承明外戶人無閒浮江賦已
行隨來晉盜逸民化蜀風清郭郭從彝典州閭荷一作德

同郭十題楊主簿新聽

高適

華館曙沈沈惟良正在今用材兼柱石開物象高深更
得芝蘭地兼管枳棘林向風扇戟戶當署近棠陰勿改
安卑節聊閒理劇心多君有知己一和郢中吟

郡內閒齋

張九齡

郡閣書常掩庭蕪日復滋簷風落鳥毳窻葉挂蟲絲拙
病宦情少羈閒秋氣悲理人無異績爲郡但經時唯有

排律

卷三十九

三十一

江湖意沈冥空在茲

高齋閒望

高齋復晴景延眺屬清秋風物動歸思煙林生遠愁紛
吾目窮海溥宦此中州取路無高足隨波適下流歲華
空冉冉心曲且悠悠坐惜芳時歇一作胡然久滯留

同獨孤使君東齋作

孟浩然

舊華省天子命分憂襄土歲頻旱隨車雨再流雲
陰日南楚河潤及東周廨宇宜新霽田家賀有秋竹間
殘照入池上夕陽浮寄謝東陽守何如八詠樓

同熊少府題盧主簿茅齋

高適

虛院野情在茅齋秋興存孝廉趨下位才子出高門乃
繼幽人靜能令學者尊江山歸謝客神鬼下劉根階樹
時攀折牕書任討論自堪成獨往何必武陵源

秋日與張少府楚城韋公藏書高齋作

李白

日下空庭暮城荒古跡餘地形連海盡天影落江虛舊
賞人雖隔新知樂未疎彩雲思作賦丹壁間藏書查擁
隨流葉萍開出水魚夕來秋興滿回首意何如

奉和李令扈從溫泉宮賜遊驪山韋侍郎別業

盧僊

排律

卷三十九

三十二

風后軒皇佐雲峯謝客居承恩來翠嶺締賞出丹除飛
蓋松雙谿寂清笳玉洞虛窺巖詳霧豹過水略泉魚
鄉入無何有時還上古初伊皇蓋過狹觀丙服蠶吐白
雪緣情降青霞落卷舒多慙郎署在輒繼國風餘

春半與羣公同遊元處士別業

岑參

郭南處士宅門外羅羣峯勝槩忽相引春華今正濃山
厨竹裏爨野確藤間春對酒雲數片捲簾花萬重巖泉
嗟到晚州縣欲歸慵草色帶朝雨灘聲兼夜鐘愛茲清
俗慮何事老塵容況有林下約轉懷方外蹤

冬至後過吳張二子檀谿別業

孟浩然

卜築因依一作自然檀谿更不一作更穿園廬二友接水竹
數家連直與一作取南山對非關選地偏依此下
上宣曾是歌三樂仍開誦五篇四句草堂時偃曝蘭柅日周旋外事情都
遠中流性所便閒垂太公釣興發子猷船余亦幽棲者
經過竊慕馬梅花殘臘月一作日柳色半春天鳥泊隨陽
鴈魚藏縮項編停杯問山簡何事習池邊

題崔山人別業

儲光義

南陽隱居者築室丹溪源溪冷懼秋晏室寒欣景暎山
雞鳴菌閣水霧入衡門東嶺或舒嘯北牕時討論封君
渭川竹逸士漢陰園何必空同上獨爲堯所尊

排律 五言

卷三十九

三十三

偶遊龍門北谿忽懷驪山別業因以言志下事叔

人傳

韋嗣立

幽谷杜陵邊風煙別幾年偶來伊水曲谿嶂各依然傷
浦憐芳樹一作尋崖愛綠泉嶺雲隨馬足山鳥向人前
地合心俱靜言因理自玄短才叨重寄尸祿愧妨賢每
挹挂冠侶思從初服旋稻梁仍欲報歲月坐空捐助岳
無纖嵬輸渙謝未涓還悟北轅失方求南澗田

酬韋祭酒

張說

石澗泉虛落松崖路曲迴聞君北谿下想像南山隈近
念鼎湖別遙思雲嶂陪不同奇觀往空觀斯文來歲後

寒初變春前芳未開黃蕤裊岸柳紫萼一作折村梅盡
室茲遊甌盈門幾樂哉嗟留洛陽陌夢詣建章臺野失
巢由性朝非元凱才布懷欽遠迹幽意日塵埃

酬韋祭酒

魏奉古

有美朝爲貴幽尋地自偏踐臨伊水泊想望灞池邊是
遇皆新賞茲遊若舊年藤蘿隱路接楊柳御溝聯道愜
神情王機忘俗理捐逐初誠已重兼濟實爲賢跡是東
山戀心仍北闕懸顧慙經拾紫多謝賦思玄未躡一作
中林步空承上一作藻傳陽春和已寡扣一作寂竟

排律 五言

卷三十九

三十四

酬韋祭酒

崔日知

夙齡秉微尚中年忽有鄰以茲山水癖遂得狎通人迨
我咸一作南京道聞君別一作業新巖前窺石鏡河畔踏
芳茵既憐伊浦綠復憶灞池春連詞謝家子同歡冀野
賓趣閒魚共樂情洽鳥來馴詎一作念昔遊者低命獨
留秦蕭條賴陽戀沖漠漠陰真無由陪勝躅空此阮書
筠

酬韋祭酒

崔泰之

關塞臨伊水驪山枕灞川俱臨隱路側同在帝城邊謝
公兼出處携妓翫林泉鳴鶴噴梅雪飛蓋曳松煙聞琴

幽谷裏看奕古巖前落日低幃帳歸雲繞管絃叨榮新
北闕微尚愛東田寂寞灰心盡蕭條塵事捐朝思登一作絕夜夢弄潺湲宿懷南澗意况觀北谿一作篇

不調歸東川別業

李頎

寸祿言可取託身將見遺慙無匹夫志悔與名山辭絃
見謝知已林園多後時葛巾方濯足蔬食且垂帷十室
對河岸漁樵祗在茲青郊香杜若白水映茅茨晝景微
雲樹夕陰澄古達渚花獨開晚田鶴靜飛遲且復樂生
事前賢爲我師閒歌聊鼓楫永日望佳期

天池

杜甫

排律 五言

卷三十九

三十五

天池馬不到嵐壁鳥纔通百頃青雲杪層波白石中鬱
紆騰秀氣蕭瑟浸寒空直對巫山出兼疑夏禹功魚龍
開闢有菱芡古今同聞道奔雷黑初看浴日紅飄零神
女雨斷續楚王風欲問支機石如臨獻寶宮九秋驚鴈
序萬里狎漁翁更是無人處誅茅任薄躬

陪竇侍御泛靈雲池

高適

白露時先降清川思不窮江湖仍塞上舟楫在軍中舞
輿臨津樹歌饒向迴風夕陽連積水邊色滿秋空
乘興宜投轄邀歡莫避驄誰憐持弱羽猶欲伴鷗鴻

陪鄭公秋晚北池臨眺

杜甫

北池雲水闊華館闌秋風獨鶴元依渚衰荷且映空采
菱寒刺上踏藕野泥中素節一作分曹往金盤小徑通
萋萋露草碧片片晚旗紅林酒露津吏衣裳與釣翁異
方初豔菊散里亦高桐摘落關山思淹留戰伐功嚴城
殊未掩清宴已知終何補參卿事一作歡娛到薄躬

和侍郎遊昆明池

李百藥

神池望不極滄波接遠天儀星似河漢落景類虞泉年
深平館宇道泰偃戈船差池下鳬鴈掩映生雲煙浪花
開已合風文直且連稅馬金堤外橫舟石岸前羽觴傾
綠蟻飛日落紅鮮積水浮深智明珠曜雅篇大鯨方遠

排律 五言

卷三十九

三十六

擊泥灰獨未然知君嘯儔侶短翮徒聯翩

城南隅山池春中田袁二公盛稱其美夏首獲賞

果會夙言故有此詠

張九齡

憶昨聞佳境駕言尋昔蹊非唯初物變亦與舊遊際幽
渚爲君說清晨卽我携逢深獨睥睨歷險共攀躋林筍
苞青穉津楊委綠萸荷香初出浦草色復綠堤樂處將
臨狎譚端用馬齊且言臨海郡兼話武陵谿異壤風煙
絕空山巖徑迷如何際朝野從此待金閨

題少府監李丞山池

李頎

能向府亭內置茲山與林他人驕驕馬而我薜蘿心

止禁門肅鶯啼官柳深長廊闕軍器積水背城除曉外
王孫草牀頭中散琴清風多仰慕吾亦爾知音

嘗與大理丞袁公太府丞田公偶詣一所林沼尤
勝因並坐其次相得甚歡遂賦詩焉以詠其事

張九齡

方駕與吾友同懷不異尋偶逢池竹處便會江湖心夏
近林方密春餘水更深清華兩輝映閒步一窺臨蘋藻
復佳色鳬鷺亦好音韶芳媚洲渚蕙氣襲衣襟蕭散皆
爲樂徘徊從所欽謂予成夙志歲晚共抽簪

奉和幸玉真公主山莊因題石壁十韻之作應制

排律

卷三十九

三十七

王維

碧落風煙外瑤臺道路賒如何連帝苑別自有仙家比
地迴鸞駕綠谿轉翠華洞中開日月牕裏發雲霞庭養
冲天鶴谿流上漢查種田生白玉泥竈化丹砂谷靜泉
逾響山深日易斜御羹和石髓香飯進胡麻大道今無
外長生詎有涯還瞻九霄上來往五雲車

和石侍御山莊

楊炯

煙霞非俗宇一作巖壑只幽居水浸何曾畝荒郊不復
鋤影濃山樹密香淺澤花疎闊塹防斜徑平堤夾小渠
蓮房若箇實竹節幾重竿一作虛蕭然隔城市酌醴焚枯

宿山莊

駱賓王

夕陵一起忽玉燭幾環周露積吳臺草風入郢門楸林
虛宿斷霧磴險挂懸流拾青非漢策緇化類秦裘牽迹
猶多蹇勞生未寡尤獨此他鄉夢空山明月秋

別之望後獨宿藍田山莊

宋之問

鵲鴿有舊曲調苦不成歌自嘆兄弟少常嗟離別多爾
尋北京路予臥南山阿泉晚更幽咽雲秋尚嗟峨藥欄
聽蟬噪書幌見禽過愁至願甘寢其如鄉夢何

山莊月夜作

蕭穎士

排律

卷三十九

三十八

獻書嗟棄置疲拙歸田園且事計然策將符公冶言桑
榆清一作暮景雞犬應遙村蠶罷里間晏麥秋田野喧
澗聲連枕簟一作峯勢入堦軒未奏東山妓先傾北海
樽隴瓜香早熟庭果落初繁更愜野人意農談朝竟昏
初夏日幽莊

盧照隣

聞有高蹤客耿介坐幽莊林壑人事少風煙鳥路長瀑
水含秋氣垂藤引夏涼苗深全覆隴荷上半侵塘釣渚
青鳬沒村田白鷺翔知君振奇藻還嗣海隅芳

韋侍郎山居

王維

幸忝君子顧遂陪塵外蹤閒花滿巖谷瀑水映杉松啼

鳥忽臨澗歸雲時抱峯良遊盛簪紱繼跡多夔龍詎枉
青門道胡聞長樂鐘清晨去朝謁車馬何從容

題東溪山居

李白

秋色有佳興况君池上閒悠悠西林下自識門前山千
里橫岱色數峯去雲間嵯峨對秦國合沓藏荆關殘雨
斜日照夕嵐飛鳥還故人今尚爾歎息此顏顏
賀給事嘗詣蔡起居郊居有詩因命同作

張九齡

記言聞直史築室面層阿豈不承明入終云幽意多沈
冥高士致休澣故人過前嶺游氛滅中林芳氣和茲辰
排律五言 卷三十九 三十九

阻佳趣望美獨如何

與李十二白同尋范十隱居

杜甫

李侯有佳句往往似陰鏗余亦東蒙客憐君如弟兄醉
眠秋共被攜手月一作同行更想幽奇期一作處還尋北
郭生入門高興發侍立小童清落景聞寒杵屯雲對古
城向來吟橘頌誰欲討專美不願論簪笏悠悠滄海情

南山下舊居閒放

張九齡

祗役已云久乘閒返服初塊然屏塵事幽獨坐林間清
曠前山遠紛喧此地疎喬木凌青霤脩篁媚綠渠耳和
繡翼鳥目暢錦鱗魚寂寞心還閒一作飄飄體自虛與

來命旨酒臨罷開仙書但樂多幽意寧知有毀譽尚想
爭名者誰云要路居都忘下流嘆傾奪竟何如

山林休日田家

盧照隣

歸休乘暇日饁稼返秋塲徑草疏王篁巖枝落帝桑耕
田虞訟寢鑿井漢機忘戎葵朝委露齊聚夜含霜南澗
泉初冽東籬菊正芳還思北窓下高臥偃羲皇

晚憩田家

駱賓王

轉蓬勞遠役披薜下田家山形類九折水一作勢急三
巴懸梁接斷岸蒞路擁崩崖霧巖淪曉魄風激漲寒沙
心迹一朝舛關山萬里賒龍章徒表越閩俗本殊一作
排律五言 卷三十九 四十

華旅行悲泛梗離贈折疎麻唯有寒潭菊獨似故園花

田家

王維

舊穀行將盡良苗未可希老年方愛粥卒歲且無衣雀
乳青苔井雞鳴白板扉柴車駕羸犢草屨牧豪穉夕雨
紅榴拆新秋綠芋肥餉田桑下憩旁舍草中歸仕處名
愚谷何煩問是非

春過賀遂員外藥園

王維

前年槿籬故新作藥欄成香草爲君子名花是長卿水
穿盤石透藤繫古松生畫畏開廚走來蒙倒屣迎蔗漿
菰米飯茹醬露葵羹頗識灌園意於陵不自輕

同張侍御鼎和京兆蕭兵曹華歲晚南園

儲光義

公府傳休沐私庭效陸沈方知從大隱非復在幽林
閣下忠貞志人間孝友心既將冠蓋雅仍與薜蘿深
寒變中園柳春歸上苑禽池涵青草色山帶白雲陰
潘岳閒居賦鍾期流水琴一經當自足何用遺黃金

與弟遊家園

張九齡

定省榮君賜來歸是晝遊林鳥飛舊里園果釀新

秋枝長南庭樹池臨連一作北澗流星霜屢爾別蘭麝爲

誰幽善積家方慶恩深國未酬棲棲將義動安得久情

排律 五言 卷三十九

四十一

留

唐詩所第三十九卷 終

唐詩所第四十卷 排律

前集

正日臨朝

太宗

條風開獻節灰律動初陽百蠻奉遐賁萬國朝未央
雖無舜禹蹟幸欣天地康車軌同八表書文混四方
赫奕儼冠蓋紛綸盛服章羽旄飛馳道鍾鼓震巖廊
組練輝霞色霜戟耀朝光晨宵懷至理終愧撫遐荒

奉和

魏徵

百靈侍軒后萬國會塗山豈如今睿哲邁古獨光前
聲教溢四海朝宗引百川鏘洋鳴玉珮灼爍耀金蟬
淑景輝雕輦高旌揚翠煙庭實超王會廣樂盛鈞天
既欣東排律 五言 卷四十

日戶復詠南風篇願奉光華慶從斯萬億年

奉和

岑文本

時雍表昌運日正叶靈符德兼三代體功包四海圖
踰沙紛在列執玉儼相趨清蹕喧梵道張樂駭天
前拂蜺九旗映儀鳳八音殊佳氣浮仙掌熏風繞帝
人文光七政皇恩被九區方陪瘞玉禮珥筆岱山隅

元日

太宗

高軒暖春色邃閣媚朝光彤庭飛綵旆一作翠幌曜明
璫恭已臨四極垂衣馭八荒霜戟列丹陛綵竹韻長
廊穆矣薰風茂康哉帝道昌繼文遵後軌循古鑒前王
草

秀故春色梅豔昔年粧巨川思欲濟終以寄舟航

奉和

許敬宗

天正開初節日觀上重輪百靈滋景祚萬玉慶惟新待
旦敷玄造韜旒御紫宸武帳臨光宅文衛象鈎陳廣庭
揚九奏大帛麗三辰發生同化育播物體陶鈎霜空澄
曉氣霞景瑩芳春德輝覃率土相賀奉還淳

元日觀百僚朝會

一作包信

李舒

萬國賀唐堯清晨會百僚華簪一作冠蕭相府繡服霍嫔
姚壽色凝雙闕歡聲徹九霄御爐分獸炭仙管弄雲韶
日照金觴動風吹玉佩搖都城獻賦者不得共趨朝

律言

卷四十

二

元日示宗武

杜甫

汝啼吾手戰吾笑汝身長處處逢正月迢迢滯遠方飄
零遠栢酒衰病只藜牀訓諭青衿子名慚白首郎賦詩
猶落筆獻壽更稱觴不見江東弟高歌淚數行

太歲日

楚岸行將老巫山坐復春病多猶是客謀拙竟何人間

黃道衣冠拜紫宸榮光懸日月賜予出金銀愁寂

行斷參差虎穴鄰西江元下蜀北斗故臨秦散地逾

生涯脫要津天邊梅柳樹相見幾迴新

人日登高

喬侃

僕本多悲者年來不悟春登高一遊目始覺柳條新社
陵猶識漢桃源不避秦暫若昇雲霧還似出囂塵賴得
煙霞氣淹留攀桂人

十五夜然燈繼以酬宴

奉和聖製

王維

上路笙歌滿春城刻漏長遊人多晝日明月讓燈光魚
鑰通翔鳳龍輿出建章九衢陳廣樂百福透名香仙伎
來金殿都人遶玉堂定應偷妙舞從此學新妝奉
引迎三事司儀列萬方願將天地壽同以獻君王

十五夜

一作舊味道

沈佺期

今夕重門啓遊春得夜芳月華連晝色燈影雜星光南
陌青絲騎東鄰紅粉妝管絃遙辨曲羅綺暗聞香人擁
行歌路車攢闔舞場經過猶未已鐘鼓出長楊

律言

卷四十

三

晦日幸昆明池

原注

宋之問

春豫靈池會滄波帳殿開舟凌石鯨度槎拂斗牛迴節
晦莫全落春遲柳暗催象溟看浴景燒劫辨沈灰鎬飲
周文樂汾歌漢武才不愁明月盡自有夜珠來

前題

沈佺期

法駕乘春轉神池象漢迴雙星移一作舊石孤月隱殘
灰戰鵲逢時去恩魚望幸來岸上花緹騎遠堤柳慢
城開思逸橫汾唱歡流宴鎬杯微臣彫朽質羞觀豫章

村

前題

李义

玉輅尋春賞金堤重晦遊川通黑水浸地派紫泉流晃
朗扶桑出絲聯杞樹周烏疑填海處人似隔河秋劫盡
灰猶識年移石故畱汀洲歸棹晚簫鼓雜汾謳

前題

蘇頌

炎曆事邊陲昆明始鑿池豫遊光後聖征戰罷前規霽
色清珍宇年芳入錦陂御杯蘭薦葉仙仗柳交枝二石
分河瀉雙珠代月移微臣比翔泳恩廣自無涯

奉和中節賜百官宴集因示所懷

排律

卷四十

四

王季友

皇心不向晦改節號中和淑氣同風景嘉名別詠歌滿
裾移舊俗賜尺下新科曆象千年正酺錢四姓多花隨
春令發鴻度歲陽過天地齊休慶懽聲欲蕩波

奉和三日與太子諸王龍池春禊

王維

故事修春禊新官展豫遊明君移鳳輦太子出龍樓賦
掩陳王作杯如洛水流金人來捧劍肅鶴去迴舟苑樹
浮宮闕天池照冕旒宸章在雲表

重象滿皇州

前題

陳希烈

上巳迂龍駕中流泛羽觴酒因朝太子詩為樂賢上錦

縱方舟渡瓊筵太樂張風搖垂柳色花發異林香
歌無事一作無朝臣飲歲芳一作無情被羣物中外洽恩光

奉和上巳於望春亭觀禊飲

王維

長樂青門外宜春小苑東樓開萬井一作上輦過人
百花中畫鷁移仙仗一作金貂列上公清歌邀落日妙
舞向春風渭水明秦甸黃山入漢宮君王來袂褰灞滻

亦朝宗

前題

崔國輔

元巳秦中節吾君灞上游鳴鑾通禁苑別館遠芳洲鵲
鷺千官列魚龍百戲浮桃花春欲盡穀雨夜來收慶向

排律

卷四十

五

堯樽祝歡從楚棹謳逸詩何足對容作掩東周

三日曲江侍宴

王維

萬乘親齋祭千官喜豫遊奉迎從上苑袂褰向中流草
樹連容衛山河對冕旒畫旗搖浦淑春服滿汀洲仙樂
龍媒下神臯鳳蹕畱從今億萬歲天寶紀春秋

前題

趙良器

聖祖發神謀靈符叶帝求一人光錫命萬國荷時休雷
聲園丘畢雲霓曲水遊岸花迎步輦仙仗擁行舟摩藻
天中降恩波海外流小臣同品物陪此樂皇猷

三日勤政樓侍宴

王維

綵仗連宵合瓊樓拂曙通年光三月裏宮殿百花中
數泰王日誰將洛水同酒筵嫌落絮舞袖怯春風天
無爲德人歡不戰功仍臨九衢宴更達四門聰

三日曲水宴

王勃

彭澤官初去河陽賦始傳田園歸舊國詩酒間長筵列
室窺丹洞分樓瞰紫煙縈迴巨津渡出沒控郊鄧鳳琴
調上客龍轡儼羣仙松石偏宜古藤蘿不記年重簷交
密樹復磴擁危泉抗石睇南嶺乘沙眇北川傳巖來築
處磻溪入釣前日斜真趣遠幽思夢涼蟬

前題

盧照隣

排律 卷四十

六

風煙彭澤里山水仲長園由來棄銅墨本自重更持高
情逸不嗣雅道今復存有美光時彥養德坐山樊門開
芳杜逕室距桃花源公子黃金勒仙人紫氣軒長懷去
城市高詠仰蘭蓀連沙飛白鷺孤嶼嘯玄猿日影巖前
落雲花江上翻興闌車馬散林塘夕鳥喧

于長史山池三日曲水宴

陳子昂

摘蘭藉芳月祓宴坐迴汀汎灩清流滿葳蕤白芷生金
絃揮趙瑟玉柱弄秦箏巖榭風光媚郊園一作春樹平
煙花飛御道羅綺照昆明日落紅塵合車馬亂縱橫

上巳日澗南園期王山人陳七諸公不至

孟浩然

插艇候明發花源弄晚春在山還綺季臨漢憶荷陳上
巳期三月浮杯興十旬坐歌空有待行樂恨無鄰日晚
蘭亭北煙開曲水濱浴蠶逢姪女采艾值幽人石壁堪
題序沙場好解神一作羣公望不至虛擲此芳晨

寒食

張說

寒食春過半花穠鳥復嬌從來禁火日會接清明朝關
敵雞殊勝爭毬馬絕調晴空數雲點香樹百風搖改火
迎新燧封田表舊燒皇情愛嘉節傳曲與簫韶

詠寒食聞雞應泰王教

杜淹

排律 卷四十

七

寒食東郊道揚韞競出籠花冠初一作照日芥羽正生
風顧敵知心勇先鳴覺氣雄長翹頻掃陣利爪一作屢
通中飛毛遍綠野灑血漬芳藂雖然百戰勝會自不論
功

清明日詔宴寧王池

張說

今日清明宴佳境惜芳菲搖揚花雜下嬌嚙鶯亂飛絲
渚傳歌榜虹橋渡舞圻和風偏應律細雨不沾衣承恩
如改火春去春來歸

清明宴司勳劉郎中別業

祖詠

田家復近臣行樂不違親霽日園林好清明煙火新以

文長會友唯德自成鄰池照一作作
味春簷前花覆地竹外鳥窺人何必桃源裏深居作隱淪

端午

玄宗

端午臨中夏時清日復長鹽梅已佐鼎麴蘖且傳觴事
古人留迹年深縷績長當軒知槿茂向水覺蘆香億兆
同歸壽羣公共保昌忠貞如不替貽厥後昆芳

端午三殿宴羣臣

序曰律中蕤賓獻酬之象著火
陳詩上和下暢者也朕宵衣旰食輟聲教於萬
方上戰行師總兵鈴於四海勤食日給憂忘心
勞聞彈聲而悟物變見挫花而驚候改所賴濟
濟朝廷視成鴻鸞恒恒邊塞責辦熊羆喜麥秋

排律

卷四十

八

之有登玩梅夏之無事時雨近西郊
一色炎雲作峯南山紫雲而興勢正當召儒雅
宴高明廣殿肅而清氣生列樹深而長風正
人嘗散熱之饌酒正行遠暑之飲適指慈
獻肥龜新荷裏練香蘆前泰之飲適指慈
惠之意清治風味黃老致息心於直外柳得游
夏憐頌想於詩書超然玄覽自足為樂河正
枕挑門驗方術於經記綠花命纓觀明道於風
俗感婆娑於孝女憫枯槁之忠臣而巳哉嘆
氣之循環美君臣之相樂凡石在會咸可賦詩
五言紀其日端七韻成其火數豈獨漢武之殿
盛朝土之連章魏文之臺壯辭人之進作六爾
五月符天數五音調夏鈞舊來傳五日無事不稱神穴
枕通靈氣長絲續命人四時花競巧九子粽爭新方殿
臨華節圓宮宴雅臣進對一言重適文六義陳股肱良
足詠風化可還淳

奉和一作探得魚字

張說

小暑夏絃應徵音一作商管初願齋一作長命縷來續
大恩餘三殿寒珠箔羣官上玉除助陽嘗麥稊順節進
龜魚甘露垂天酒芝花一作捧御書合丹同蠅蜺灰骨
共蟾蜍今日傷她意銜珠遂闕如

凝碧池侍宴看競渡應制

李懷遠

上苑清鑒路高居重豫遊前對芙蓉沼傍臨杜若洲地
如玄扈望波似洞庭秋列筵飛翠竿分曹戲鷁舟湍高
棹影沒岸近榜歌道舞曲依鸞殿簫聲下鳳樓忽聞天
上樂疑逐海查流

排律

卷四十

九

岳州觀競渡

張說

畫作飛鳬艇雙雙競拂流炫裝山色變急棹水華浮土
尚三閭俗江傳二女遊齊歌迎孟姥獨舞送陽侯鼓發
南湖滢標爭西驛樓並驅恒詫速非畏日光道

觀競渡

儲光義

大夫沈楚水千祀國人哀習棹江流長迎神雨霧開標
隨綠雲動船逆清波來下怖魚龍起上驚鳬鴈迴能令
秋大有鼓吹遠相催

五絲

褚朝陽

越人傳楚俗截竹競繁絲水底深休也日中還賀之章

施文勝質列匹美於姬錦繡俾新段羔羊寢舊詩但誇
端午節誰薦屈原祠把酒時伸奠汨羅空遠而

伏日苦熱 和長孫秘監

任奉古

玉署三時曉金羈五日歸北林開逸徑東閣敞閒扉池
鏡分天色雲峯減日輝游鱗映荷聚驚翰遶林飛披襟
揚子宅舒嘯仰重闈

七夕 作張文琮

張文恭

鳳律驚秋氣龍梭靜夜機星橋百枝動雲路七香飛映
月迴雕扇凌霞曳綺衣含情向華幄流態入重闈歡餘
夕漏盡怨結曉驂歸誰念分河漢還憶兩心違

排律 五言 卷四十

十

和東觀羣賢七日臨泛昆明池 任奉古

秋風始搖落秋水正澄鮮飛眺牽牛渚激賞鏤鯨川岸
珠淪曉魄池灰歛曙煙泛查分寫真漢儀星別構

天雲光波處動日影浪中懸驚鴻絳蒲弋遊鯉入莊

筌萍葉疑江上菱花似鏡前長林代輕幄細草即芳楚
文華開翠潏筆海控清漣不挹蘭樽聖空仰挂舟仙

九日

高宗

端居臨玉辰初 律啟金商鳳闕澄秋色龍闈引夕
涼野靜山氛欽林疎風露長砌蘭虧半影巖桂發全香
滿葢荷凋翠圓花菊散黃揮鞭爭電烈飛羽亂星光柳

空穿石碎弦虛側月張怯猿啼落岫驚鴈斷分行斜輪
低夕景歸旆擁通莊

奉和

賀敬

商飈凝素籥玄覽育黃圖曉霜驚斷鴈晨吹結相 一作

烏寒花低岸菊涼葉下庭梧澤宮申舊典相圃叶前模

玉砌分雕戟金溝轉鏤獸帶星飛夏箭映月上軒弧慶

展簪裾洽恩融雨露濡天文發丹篆寶思掩玄珠承權

徒聳扈負施竊忘軀

九日侍宴 應制

崔國輔

運偶千年聖時傳九日神堯樽列鐘鼓漢闕闢鉤陳金
排律 五言 卷四十

十一

錄三清降瓊筵五老巡始驚蘭佩出復詠栢梁新雪鴈

樓前晚霜花酒裏春歡娛無限極書劔太平人

奉和重陽節宰臣及羣官上壽 王維

四海方無事三秋大有年百生逢此日萬壽願齊天

藥和金鼎茱萸插玳筵玉堂開右个天樂動宮懸御柳

疎秋景城鴉拂曙煙無窮菊花節長奉柏梁篇

九日陪樊尚書龍山宴集

楊衡

孟嘉從宴地千乘復登臨綠危降高步憑曠寫幽謀黃
花說初馥綠蟻喜盈斟雲雜組繡色樂知山水音旃搖
秋吹急筵卷夕光沈都人瞻騎火猶知隱寺深

九日陪潤州邵使君登北固山 張子容

五馬向山椒重陽坐麗譙徐州帶綠水楚國在青霄張

幕連江樹開筵接海潮凌雲詞客語迴雪舞人嬌一作

梅福慙仙吏羊公賞下僚新豐酒舊美况是菊花朝

盧明府九日峴山宴表使君張郎中崔員外

孟浩然

宇宙誰開闢江山此鬱盤登臨今古用風俗歲時觀地

理荆州分天涯楚塞寬百城今刺史華省舊郎官共美

重陽節俱懷落帽歡酒邀彭澤載琴輟武城彈獻壽先

浮菊尋幽或藉坐一作蘭煙缸鋪藻翰一作松竹挂衣冠

律律五言 卷四十 十二

叔子神如在山公興欲一作蘭傳聞騎馬醉還向習池

看

九日 杜甫

故里樊川菊登高素滙源他時一笑後今日幾人存巫

峽蟠江路終南對國門繫舟身萬里伏枕淚雙痕爲客

感烏帽從兒具綠樽佳辰對羣盜愁絕更堪論

宣州九日聞崔四侍御與宇文太守遊敬亭余時

登響山不同此賞 李白

九卿天上落五馬道傍來列戟朱門曉褰帷碧嶂開登

高望遠海召客得英才紫綬歡情洽黃花逸興催山從

圖上見谿卽一作鏡中迴遙美重陽作應過馬

臺

秦中守歲 儲光義

衆星已窮次青帝方行春永感易成戚離居難重陳闔

門守初夜燎火到清晨或念無生法多傷未出塵廣庭

日將宴虛室自爲賓願以桑榆末常逢甲子新

長安早春 孟浩然

開國維一作東井城池起一作北辰咸歌太平日共樂

建寅春雪盡黃一作山樹水開黑水津一作草迎金埒

馬花伴一作玉樓人鴻漸看無數鶯歌一作聽欲頻何

律律五言 卷四十 十三

當桂枝擢還及柳條新

前題 張子容

杳靄三春色先從帝里芳折楊猶恨短測景已忻長

和紅樓樂花連紫禁香躍魚驚太液佳氣接溫湯風送

飛珂響塵蒙翠輦光熙熙晴煦遠徒欲奉堯觴

初春登樓卽目 太宗

憑軒俯蘭閣眺矚散靈襟綺峯含翠霧照日藥紅林鏤

丹霞錦一作岫殘素雪斑岑拂浪低垂柳嬌花鳥續吟

連甍豈一拱衆幹如千尋明非獨材力終藉棟梁深彌

懷衿樂志更懼戒盈心愧制勞居逸方規十產金

奉和

許敬宗

旭日臨重壁天眷極中京春暉發芳甸佳氣滿層城去
鳥隨看沒來雲逐望生歌裏非一作煙颺琴上凱風清
文波浮鏤檻摘景煥雕楹璇璣體寬政隆棟象端衡創
規雖有作凝拱遂無營沐恩空改鬢將何謝夏成

巴丘春日

一作張說

張均

日出洞庭水春山挂斷霞江濔相映發卉木共紛華湘
戍南浮濶荆關北望賒湖陰窺魍魎丘勢辨巴蛇島戶
巢爲館漁人艇作家自憐心問影三歲客長沙

春朝閒步

楊師道

排律

五言 卷四十

十四

休沐乘閒豫清晨步北林池塘藉芳草蘭芷襲幽衿霧
中分曉日花裏弄春禽野逕香恒滿山階筍屨侵何須
命輕蓋桃李自成陰

樂遊原春望

張九齡

城隅有樂遊表裏見皇州策馬旣長遠一作雲山亦悠
悠萬壑清光滿千門喜氣浮花間直城路草際曲江流
憑眺茲爲美離居方獨愁已驚玄髮換空度綠萸柔奮
翼籠中鳥歸心海上鷗旣傷日月逝且欲桑榆收豹變
焉能及鸞鳴非可求願言從所好初服返林丘

詠春色

楊衡

霏靄復濛濛非霧滿晴空密添宮柳翠暗泄露桃紅紫
絳光乍失緣隙影纔通夕迷鴛枕上朝漫綺絃中促駟
馳香陌勞鶯轉豔叢可憐腸斷望併在洛城東

春歸

杜甫

昔逕臨江竹茅簷覆地花別來頻甲子歸到忽春華倚
杖看孤石傾壺就淺沙遠鷗浮水靜輕燕受風斜世路
雖多梗吾生亦有涯此身醒復醉乘興卽歸家

賦得夏首啓節

太宗

北闕三春晚南榮九夏初黃鶯啼漸變翠林花落餘瀑
流還響谷一作猿啼自應虛早荷向心卷長楊就影舒
此時歡不極調軫坐相於

初夏

一朝春夏改隔夜鳥花遷陰陽深淺葉曉夕重輕煙
鶯猶響殿橫綵正網天珮高蘭影接綬細草紋連碧鱗
鷺棹側玄燕舞簷前何必汾陽處始復有山泉

夏晚九成宮

呈同寮

李嶠

碣館分襄野平臺架射峯英藩信煒燁勝地本從容林
引梧庭鳳泉歸竹沼龍小軒恒共處長坂屬相從野席
蘭琴奏山臺桂酒釀一枰移晝景六著盡宵鐘枚藻清
詞律鄒譚耀辯鋒結歡良有裕聯案愧無庸暨悅丘中

賞還希物外蹤風煙遠近至魚鳥去來逢月澗橫千丈
雲崖列萬重樹紅山果熟崖綠水苔濃願以西園柳長
間北巖松

夏日晚景 應詔

楊師道

輦路夾垂楊離宮通建章日落橫峯影雲歸起夕涼雕
軒動流吹羽蓋息迴塘雜草生還綠殘花落 一作尚香
青巖類姑射碧澗似汾陽幸屬無爲日歡娛方未央

南山家園林木交映盛夏五月幽然清涼獨坐思

遠率成十韻

陳子昂

寂寥守窮巷幽獨臥空林松竹生虛白階庭懷 一作古

排律 五言 卷四十

十六

今鬱蒸炎夏晚涼 一作 宇闕清陰軒牕交紫靄簷戶對

蒼岑鳳蘊仙人錄鸞歌素女琴忘機委人代閉牖察天

心蛺蝶憐紅藥蜻蜓愛碧澗坐觀萬象化方見百年侵

擾擾將何息青青長苦吟願隨白雲駕龍鶴相招尋

追涼歷下古城西北隅 川地有清泉

盧象

謝朓出華省王祥貽佩刀前賢真可慕衰疾意空勞貞
悔不自上遊隨共爾曹未能齊得喪時復誦離騷閒陰

七賢地醉餐二士桃蒼苔虞舜井喬木古城壕漁父偏

相狎堯年不可逃蟬鳴秋雨霽雲白曉山高咫尺傳雙

鯉吹噓落一毛故人皆得路誰肯念同袍

九成宮秋初 應詔

劉禕之

帝圃疏金闕仙臺駐玉鑾野分鳴鶯岫路接寶雞壇林
樹千霜積山官四序寒蟬急知秋早鶯疎覺夏闌怡神
紫氣外凝睇白雲端舜海詞波發空驚遊聖難

秋暮書懷

太宗

朝光浮燒野霜華淨碧空結浪水初鏡在徑菊方叢約
嶺煙深翠分旗霞散紅抽思滋泉側飛想傳巖中已獲
千箱慶何以繼薰風

奉和

許敬宗

秋深桂始發寒總菊餘菲波擁羣鳧至秋飄朔鴈歸月

排律 五言 卷四十

十七

英生還落雲枝似復非凝宸闕栖畝觀文佇少微聖敎

韜前哲先天諒不違

秋日卽目

太宗

爽氣浮丹闕秋光澹紫宮衣碎荷疎影花明菊點叢袍
輕低草露蓋側舞松風散岫飄雲葉迷路飛煙鴻砌冷
蘭凋佩閨寒樹殞桐別鶴悽琴裏離猿啼峽中落野飛
星箭弦虛半月弓芳菲夕霧起暮色滿房櫳

奉和

許敬宗

玉露交珠網金風度綺錢昆明秋景淡岐岫落霞然辭
燕歸寒海來鴻出遠天葉動羅帷颺花映繡衣鮮規空

昇聞魄籠野散輕煙鵲度林光起鳬沒水文圓無機絡
秋緯如管奏寒蟬乃瞻情何極宸襟豫有旃

奉和

上官儀

上苑通平樂神池邇建章樓臺相掩映城闕互相望綈
油泛行幔簫吹轉浮梁晚雲含朔氣斜照蕩秋光落葉
飄蟬影平流寫鴈行槿散凌風縹荷銷裊露香仙歌臨
杳詣玄豫歷長楊歸路乘明月千門開未央

秋日

高適

端居值秋節此日更愁辛寂寞無一事蒿萊通四鄰閉
門生白髮回首憶青春歲月不相待交游隨衆人雲霄
排律 五言 卷四十 十八

何處託愚直有誰親舉酒聊自勸窮通信爾身

始安秋日

宋之問

桂林風景異秋似洛陽春
雲山鰲織碎石水磷磷世
臥滄海何物貴吾身

越江秋曙

蕭穎士

扁舟東路遠曉月下江濱
聲寒動葉水氣曙連雲
常去國安道惜離羣延首
刻綵近詠言懷數君

秋夜獨坐懷故山作

李白

小隱慕安石遠遊學子平天書訪江海雲臥起咸京入
侍瑤池宴出陪玉輦行誇胡新賦作諫獵短書成但奉
紫霄顧非邀青史名莊周空說劍墨翟耻論兵拙薄遂
疎絕歸閒事耦耕顧無蒼生望空愛紫芝榮寥落
暝霞色微茫舊壑情秋山綠蘿月今夕爲誰明

冬日野望

駱賓王

故人無與晤安步陟山椒野靜連雲捲川明斷霧銷靈
巖聞曉籟洞浦漲秋潮三江歸望杳千里故鄉遙勞歌
徒自奏客魂誰爲招

寒夜獨坐遊子多懷簡知已

排律 五言 卷四十

十九

故鄉渺千里離憂積萬端鵲服長悲碎蝸廬未卜安富
鉤徒有想貧缺爲誰彈柳秋風葉脆荷曉露文團晚金
叢岸菊餘佩下幽蘭伐木傷心易維桑歸去難獨有孤
明月時照客庭寒

邊城落日

紫塞流沙北黃圖灞水東一朝辭俎豆萬里逐沙蓬候
月恒持滿尋源屢鑿空野昏邊氣合烽迴戍煙通督力
風塵倦疆場歲月窮河流控積石山路遠崆峒壯志凌
蒼兕精誠貫白虹君恩如一作可報龍劍有雌雄

岳州夜坐

張說

炎州苦三伏永日臥孤城賴此閒庭夜蕭條夜月明獨
歌還太息幽感見餘聲江近鶴時叫山深猿屢鳴息心
觀有欲棄智返無名五十知天命吾其達此生

邊夜有懷

駱賓王

漢地行逾遠燕山去不窮城荒猶築怨碣毀尚銘功古
戍煙塵滿邊庭人事空夜闌明朧月秋塞急胡風倚伏
良難定榮枯豈易通旅魂勞泛梗離恨斷征蓬蘇武封
猶薄崔駰官不工惟餘北叟意欲寄南飛鴻

省試夏日可畏

一作張籍

丘爲

赫赫溫風扇炎炎夏日徂火威馳迥野畏景燥遙途勢

排律五言

卷四十

二十

矯翔陽翰功分造化鑪禁城千品燭黃道一輪孤落照
頻空簾餘暉卷夕梧如何倦遊子中路獨踟躕

壁池望秋月

張子容

涼夜窺清沼池空水月秋滿輪沈玉鏡半魄落銀鈎蟾
影搖輕浪菱花渡淺流漏移光漸潔雲歛色偏浮似璧
悲三獻疑珠怯再投能持一作將千里意來照楚鄉愁

望月有所思

駱賓王

九秋涼氣肅千里月華開圓光隨露湛碎影逐波來似
霜明玉砌如鏡寫珠胎曉色依關近邊聲雜吹哀離居
分照耀怨緒共徘徊自繞南飛羽空忝北堂才

秋山望月

謝李翰曹

李嶠

愁客坐山隈懷抱自悠哉况復高秋夕明月正徘徊亭
亭出迴岫皎皎映層臺色帶銀河滿光含玉露開澹雲
籠影度虛暈抱輪迴谷遠涼陰靜山空夜響哀寒催數
鴈急風送一螢來獨軫離居恨遙想故人杯

秋夜望月憶韓席等諸侍郎因以投贈吏部侍郎

張九齡

李林甫

秋天碧雲夜明月懸東方皓皓庭際色稍稍林下光桂
華澄遠近璧綵散池塘鴻鴈飛難度關山曲易長揆予
秉孤直虛薄忝文章握鏡慚先照持衡愧後行多才衆

排律五言

卷四十

二十一

君子執筆久詞場作賦推潘岳題詩許謝康當時陪宴
語今夕恨相望願欲接高論清晨朝建章

和李吏部見示秋夜望月憶諸侍郎之什其卒章

有先後行之戲因命僕繼作

清秋發高興涼月復閒宵光逐露華滿情因水鏡搖同
持亦所見異路無相招美景向空盡歡言隨事銷忽聽
金華作誠如玉律調南宮尚爲後東觀何其遠名數雖
云隔風期幸未遙今來重餘論懷此更終朝

和元舍人臨池觀月戲爲新體

沈佺期

春風搖碧樹秋霧卷丹臺復有相宜夕池清月正開玉

流含吹動金魄度雲來烟燭光如沸翩翹景若摧半一作
環投積草碎壁聚流杯夜久平無煥天晴皎未隕鏡
將池作匣珠以岸爲胎有美司言暇高興獨悠哉揮翰
初難擬飛名豈易陪夜光殊在握了了見沈灰

東谿翫月一作王維

王昌齡

月從斷山口遙吐柴門端萬木分一作空霽流陰中夜
攢光連虛象白氣與風露寒谷靜秋泉響巖深青靄殘
澄清入幽夢破影抱空甕恍惚琴瑟裏松谿曉思難

東屯月夜

杜甫

抱疾漂萍老防邊舊穀屯春農親異俗歲月在衡門青
排律五言 卷四十 二十二

女霜楓重黃牛峽水喧泥留虎鬬跡月挂客愁村喬木
澄稀影輕雲倚細根數驚聞鵲噪暫睡想猿蹲日轉東
方白風來北斗昏天寒不成寐無夢寄歸魂

月夜啜茶聯句

泛花邀坐客代飲引情言陸士醒酒宜華席留僧想獨
園薦不須攀月桂何假樹庭萱李御史秋風勁尚書北
斗尊崔萬流華淨肌骨疏淪滌心源柳真不似春醪醉
何辭綠葢繁書素餐傳靜夜芳氣滿閒軒士脩

省試七月流火

敬括

前庭一葉下言念忽悲秋變節金初至分寒一作火正

流氣含涼夜早光拂夏雲收助月微明散沿河麗景浮
禮標時令爽詩興與國風幽自此觀邦正深知王業休

旅次淮口阻風和杜學士

李嶠

夕吹生寒浦清淮上暝潮迎風欲舉棹觸浪反停橈森
漫煙波闊參差林岸遙日沈丹氣歛天敞白雲銷水鴈
銜蘆葉沙鳬隱荻苗客行殊未已川路幾迢迢

春雨早雷

張說

東北春風至飄飄帶雨來拂黃先變柳點素早驚梅樹
藹懸書閣煙合作賦臺河魚未上凍江蟄已聞雷美人
宵夢著金屏曙不開無緣一啓齒空酌萬年杯

排律五言 卷四十 二十三

春日途中喜雨奉和聖製

魏知古

皇輿一作向洛城時雨應天行麗日登巖送陰雲出野
迎濯枝林杏發潤葉渚蒲生絲入綸言喜花依錦字明
微臣忝東觀載筆佇西成

晚秋喜雨

序曰咸亨元年四月雨至九月川

也天子慮深求瘼念在責躬雖寢思於窮之至
誠斯盛靈昭有融爰降甘澤大拯炎元朝廷公
卿相趨動色里閭底謳吟成響年俗阜於
焉可致撫事形言孰云能已

李嶠

積陽纏首夏隆早屆徂秋炎威振皇服歆景暴神州氣
滌朝川朗光澄夕照浮草木委林甸禾黍悴原疇國懼

流金青人深懸磬憂紫宸兢履薄丹晨念推溝望肅壇
場祀究申因囹囚御車遷玉殿薦菲撤瓊羞濟窘邦儲
發燭窮井賦優服聞雲驥屏冗術土龍修睿感通三極
天誠貫六幽夏祈良未擬商禱詎爲儔穴蟻禎符應山
蛇毒影收騰雲入際滿飛雨四溟周聚霽籠仙闕連霏
繞畫樓早陂仍積水澗沼更通流晚穗萎還結寒苗瘁
復抽九農歡歲阜萬寓慶時休野洽如坻詠途喧擊壤
謳幸聞東李道欣奉北場遊

喜雨

和崔尚書

張九齡

積陽雖有晦經月未爲災上念人天重先祈雲漢回仁
排律五言 卷四十 二十四

心及草木號令起風雷照爛陰霞止交紛瑞雨來三辰
破黍稷四達屏氛埃池溜因添滿林芳爲灑開聽中聲
滴瀝望處影徘徊惠澤成豐歲昌言發上才無論驗石
鼓不是御雲臺直頌皇恩浹崇朝遍九垓

立秋日雨院中有作

杜甫

山雲行絕塞大火復西流飛雨動華屋蕭蕭梁棟秋窮
途愧知已暮齒借前籌已費清晨謁那成長者謀解衣
開北戶高枕對南樓樹濕風涼進江喧水氣浮禮寬心
有適節爽病微瘳主將歸調鼎吾還訪舊丘

和陳監四郎秋雨思從弟據

王維

嫋嫋秋風動淒淒煙雨繁聲連鵲鵲觀色暗鳳凰原細
柳疎高閣輕槐落洞門九衢行欲斷萬井寂無喧忽有
愁霖唱更陳多露言平原思令弟康樂謝賢昆逸興方
三接衰顏強七奔相如今老病歸守茂陵園

聞雨

張說

窮冬萬化匝永夜百憂攢危戍臨江火空齋入雨寒斷
猿知屢別嘶鴈覺虛彈心對爐灰死顏隨庭樹殘舊恩
懷未報傾膽鏡中看

和左衛武倉曹衛中對雨創韻贈右衛李騎曹人

同任校書

孫逖

排律五言 卷四十 二十五

林父同官意宣尼久敬交文場刊玉策武事掌金鏡道
合宜連茹時清豈繫匏克勤居薄領多暇屏譴謫美酒
懷公讌玄談俟客嘲薄雲生北闕飛山自西郊院署便
清曠庭蕪覺漸苞高門關詎閉逸韻柱難膠枳棘驚無
歡椅梧一作桐鳳必巢忽聞微並作觀海媿堂坳

中書寓直詠雨 簡諸起居上官學士楊師道

雲暗蒼龍闕沈沈殊未開窻臨鳳凰沼颯颯雨聲來電
影入飛閣風威凌吹臺長簷響奔溜清簟肅浮埃早荷
葉稍沒新篁枝半摧茲晨悵多緒懷友自難裁况復重
城內日暮獨徘徊玉階良史筆金馬揆天才高甍通散

騎復道駕蓬萊思君贈桃李於此冀瓊環

秦中苦雨思歸

贈表左丞賀侍郎

孟浩然

爲學三十載閉門江漢陰用賢遭聖日

一作明敷達聖代

羈旅

屬秋霖豈直昏墊苦亦爲權勢沈二毛催白髮百鎰罄

黃金淚憶峴山墮愁懷湘水深謝公積憤憑莊鳥空謠

吟躍馬非吾事狎鷗宜

一作真

我心寄言當路者去矣北

山岑

臨邑舍弟書至苦雨黃河泛濫隄防之患簿領所

憂因寄此詩用寬其意

杜甫

二儀積風雨百谷漏波濤聞道洪河圻遙連滄海高職

排律

五言

卷四十

二十六

司憂悄悄郡國訴嗷嗷舍弟卑棲邑防川領簿曹尺書

前日至版築不時操難假龍鼉力空瞻烏鵲毛燕南吹

畎畝濟上沒蓬蒿螺蚌滿近郭蛟螭成九阜徐關深水

府碣石小秋毫白屋留孤樹青天失萬艘吾哀同泛梗

利涉想蟠桃倚賴天涯釣猶能掣巨鰲

洪州西山祈雨是日輒應因賦詩言事

張九齡

茲山蘊靈異走望良有歸丘禱雖

一作亦

已久心難重

違遲明申藻薦先夕旅巖扉獨宿雲峯下蕭條人吏稀

我來不外適幽抱自中微靜入風泉奏涼生松栝圍窮

年滯遠想寸晷閱清暉虛美悵無屬素情絨所依詭隨

嫌弱操羈束謝貞肥義濟亦吾道誠存爲物祈靈心倏

已應甘液幸而飛閉閣且無責隨車安敢希多慙德不

感知復是耶非

幽山雨後

應令

虞世南

肅城隣上苑黃山邇桂宮雨歇連峰翠煙開竟野通排

虛翔戲鳥跨水落長虹日下林全暗雲收嶺半空山泉

鳴石澗地籟響巖風

和御史韋大夫喜霽之作

褚亮

晴天度旅鴈斜影照殘虹野淨餘煙盡山明

一作遠色開

排律

五言

卷四十

二十七

同沙平寒水落葉脆晚枝空白簡光朝慙形騶出禁中

息駕遊蘭坂雕文折桂叢無因輕羽扇徒自仰仁風

和蘇侍郎小園夕霽寄諸弟

張九齡

清風閭闔至軒蓋承明歸雲月愛秋景林堂閑夜扉何

言兼濟日尚與宴私違興逐兼段變文因棠棣飛人倫

用忠孝帝德已光輝贈弟今爲貴方知陸氏微

夕霽杜陵登樓寄韋錄

李白

浮雲

一作陽

滅霽景

一作浮霽滅陽景

萬物生秋容登樓送遠目

伏檻觀羣峯原野曠超絕關河紛錯

一作雜

重清輝映竹

日

一作水

翠色明雲松蹈海寄遐想還山迷舊蹤徒然迫

晚暮未果諸心曾結桂空佇立折麻恨莫從一作莫從

喜雪

玄宗

日觀卜先征時巡順物情風行未備禮雲密遽飄霙委
樹寒花發繁空落絮輕朝如玉已會庭似月猶明既觀
膚先合還欣只有盈登封何以報因此謝功成

奉和

張說

聖德與天同封巒欲報功詔書期日下靈感應時通觸
石雲呈瑞含花雪告豐積如沙照月散似麵從風舞集
仙臺上歌流帝樂中遙知百神喜灑路待行宮

寓居洛濱對雪

憶謝二

駱賓王

旅思眇難裁衝飈恨易哀曠望洛川晚飄飄瑞雪來積
彩明書幌流韻繞琴臺色奪迎仙羽花避一作犯靈
梅謝庭賞方逸袁扉掩未開高人儻有訪興盡詎須
迴

積雪爲小山

劉脊虛

飛雪伴春還春庭曉自閒虛心應任道遇賞遂成山峯
小形全秀巖虛勢莫攀以幽能皎潔謂近可循環孤影
臨水鏡寒光對玉顏不隨遲日盡留顧歲華間

唐詩所第四十卷

唐詩所第四十一卷

前集

扈從登封告成頌

應制

宋之問

御路迴中嶽天管接下都百靈無後至萬國競前驅文
衛嚴清蹕幽仙讀寶符貝花明漢果芝草入堯厨濟濟
衣冠會喧喧夷夏俱宗裡仰神理刊木望川途撫已貧
非病時來本不愚願陪丹鳳輦率舞白雲衢

在雋州遙敘封禪

李義府

天齊標巨鎮日觀啟崇期岩峩臨渤澥隱嶙控河湄眺
迴分吳乘凌高屬漢祠建岳誠爲長升功諒在茲帝猷
符廣運玄範暢文思飛聲總地絡騰一作化撫乾維瑞

策開珍鳳禎圖薦寶龜創封超昔夏修禪掩前姬東后

方肆觀西都導六師肅一作駕移星苑揚平馭風司沸

鼓喧平陸凝蹕靜通達汶陽馳月羽蒙陰警電麾一作

嵩花飄曙輦峰葉蕩春旗石間環藻衛金壇映黼帷仙

階溢秘一作靈檢耀祥芝張樂分韶濩觀禮縱華夷

佳氣浮丹谷榮光泛綠坻三始貽遐貺萬歲受重藎菲

質陶思一作越迹奉軒墀觸網淪幽裔乘微限明時周南

昔已歎叩西今復悲

奉和展禮岱宗塗經濮濟

蕭楚材

拂漢星旗轉分霄日羽明將追會阜跡更勒岱宗銘林

戈咽濟岬獸鼓震河庭葉箭凌寒矯烏弓望曉驚已昨
汾水作仍深迎渭情

前題

薛克構

龍圖冠胥陸鳳駕指云章非煙泛濟浦綠字啟河汀
常晨應月文戟曙分星四田巡揖禮三驅道契經行欣
奉萬歲竊抃偶千齡

皇帝上

一作禮撫事述懷 應制

陳子昂

大君忘自物

一作我應

一作運居紫宸揖讓期明辟謳歌

且順人軒宮帝圖盛皇極禮容申南面朝萬國東堂會
百神雲陛旂常滿天庭玉帛陳鐘石和睿思雷雨被深
排律 五言 卷四十一 三

仁承平信娛樂王業本艱辛願罷瑤池宴來觀農扈春
早宮昭夏德尊老睦堯親微臣敢拜手歌 舞頌維新

前題

李嶠

配極輝光遠承天顧託隆負圖濟多難脫屣歸成功聖
昭永錫邕言讓在躬還推萬方重咸仰四門聰恭已
逸因人體至公垂旒滄海晏解網法星空雲散天
已春還 一作日再中稱觴合纓弁率舞應絲桐凱樂
後 鑄傳歌盛飲豐小臣濫簪筆無以頌唐風
奉和受圖溫洛 應制 蘇味道

綠綺膺河檢青壇俯洛濱天旋俄制蹕孝享屬嚴禋
配光三祖懷柔洎 一作百神霧開中道日雲歛屬車塵
預奉咸英奏長歌億萬春

前題

李嶠

七萃鑾輿動千年瑞檢開文如龜負出圖似鳳銜來殷
薦三神享明祠 一作萬國陪周旗黃鳥集漢幄紫雲迴
日暮鈞陳轉清歌上帝臺

前題

牛鳳及

八神扶 一作玉輦六羽警瑤谿戒道伊川北通津 一作
澗水西御圖開 一作置刻石與天齊瑞日波中上仙禽霧
排律 五言 卷四十一 三

裏低微臣矯弱翻抃舞接鸞鷟

玄元皇帝應見賀聖祚無疆

殷寅

應曆生周日修祠表漢年復茲泰嶺上更似霍山前昔
贊神功啟今符聖祚延已題金簡字仍訪玉堂仙睿祖
光元始曾孫體又玄言因六夢接慶叶九齡傳北闕心
超矣南山壽固然無由同拜慶竊抃賀陶甄

前題

趙驥

聖主今司契神功格上玄豈惟求傳野更有叶鈞天審
夢南山下焚香北闕前道光尊聖日福應策靈年咫尺
真容近巍我大像懸觴從百僚獻形爲萬方傳聲教惟

皇矣英威固邈然慚無美周頌徒上祝堯篇

前題

李岑

皇網歸有道帝系祖玄元運表南山祚神通北極尊大
同齊日月興廢應乾坤聖后越庭禮宗臣稽首言千官
欣肆觀萬國賀深恩錫宴雲天接飛聲雷地喧祥光浮
紫閣喜氣繞皇軒未預承天命空勤望帝門

慶玄元皇帝玉像之作

奉和聖制

王維

明君夢帝先寶命上齊天秦后徒聞樂周王耻卜年玉
京移大像金籙會羣仙承露調天供臨空敞御筵斗迴
迎壽酒山近起鑪煙願奉無爲化齋心學自然

排律

五言

四

一

送特進李嶠入都祈禱

徐彥伯

特進三公下台臣百揆先孝圖開寢石祠主卜牲筵恩
級青綸賜徂裝紫橐懸綢繆金鼎席宴饒王潢川北十
分征路東山起贈篇樂池歌綠藻梁苑藉紅荃騎轉商
巖日旌搖關塞煙廟堂須鯁議錦節佇來旋

奉酬中書相公至日圓丘攝事合於中書後閣宿

齋移止於集賢院叙懷見寄之作

崔曙

典藉開書府恩榮避鼎司郊丘資有事齋戒守無爲宿
雲蒙瓊樹餘香覆玉墀進經逢乙夜展禮值明時動共
山河列名同竹帛垂年年佐堯舜相與致雍熙

州城西園入齋祠社

陳叔達

升壇預潔祀詰旦肅分司達氣風霜積登光日色遲農
教先八政陽和秩四時祈年服垂冕告幣動褰帷瘞地
尊餘奠人天庶有資椒蘭卒清酌簋豆徹香其折俎分
歸胙克庭降受釐方憑知禮節况奉化雍熙

千秋節宴

序曰令節肇開情兼感慶
率題八韻以示羣臣

玄宗

蘭殿千秋節稱名

一作萬壽

一作萬壽

鴈風傳率土慶日表

繼天祥玉宇開花萼官

一作金

一作縣

勳會昌衣冠白鷺下布

幕翠雲長獻遺成新俗朝儀入舊章月銜花綬鏡露綴
綵絲囊處處祠田祖年年宴杖鄉深思一德事小獲萬

排律

五言

五

人康

奉和

張說

五德生王者千齡啟聖人赤光來照夜黃雲上覆晨海
縣銜恩久朝章獻壽新高居帝座出夾道衆官陳杖
洗清景磐管凝秋旻珠囊含瑞露金鏡抱仙輪何歲無
鄉飲何田不報神薰歌與名節傳代幸羣臣

千秋節有感

二首

杜甫

自罷千秋節頻傷八月來先朝當宴會壯觀已塵埃鳳
紀編生日龍池聖劫灰湘川新涕淚秦樹遠樓臺寶鏡
羣臣得金吾萬國廻衢樽不重飲白首獨餘哀

御氣雲樓敞含風綵仗高仙人張內樂王母獻宮桃羅
襪紅藻豔金羈白雪毛舞階街壽酒走索背秋毫聖主
他年貴邊心此日勞桂江流向北滿眼送波濤

登封禮畢洛城酬宴 奉和聖製 張九齡

大君卑能事端展樂成功運與千齡合歡將萬國同漢
酺歌聖酒韶樂舞薰風河洛榮光遍雲煙喜氣通春華
頓覺早天澤倍知崇草木皆沾被猶言不在躬

南郊禮畢酺宴 奉和聖製

配天昭聖業率土慶輝光春發三條路酺開百戲場流
恩均庶品縱觀聚康莊妙舞來平樂新聲出建章分曹
排律 五言 卷四十一 六

日抱戴赴節鳳歸昌幸奏承雲樂同晞湛露陽氣和皆
有感澤厚自無疆飽德羣臣醉連歌奉柏梁

春日興慶宮酺宴 序曰大抱器懷才含仁蓄德可

門以納之作扞四方折衝萬里可運籌帷幄者
我於是乎懸重祿以待之是故外無金革之虞
朝有綰紳之盛所以嚴廊多暇垂拱無爲不言
而海外知歸不教而衆中自肅元亨之道其在
茲乎况乎天地交而萬物通陰陽和而四時序
所寶者粟所貴者賢故以宵旰爲懷黎元在念
盡力溝洫不知宮室之已甲致敬鬼神不知飲
食之斯薄往以仲冬建子南至初陽矣詔司存
式陳郊祀挹夷夏之誠請答人神之厚禮燿歸
太乙禮備上玄足以昭報之情足以極嚴禋
之道然心融萬類歸雷雨之先春慶洽白位象
雲天而高宴歲二月地三泰水凡汎而龍池滿
日遲遲而鳳樓曙青門左右軒庭映樹柳之春
紫陌東西布幕動煙霞之色檀欖代鼓雲之

飛歌一臂而酒一杯舞一曲而人一醉請以詩
志思吟湛露之篇樂以忘憂懸運臨汾之筆

玄宗

九達長安道三陽別館春還將聽朝暇廻作豫遊晨不
戰要荒服無刑禮樂新合酺覃土宇歡宴接羣臣玉竿
飛千日瓊筵薦八珍舞衣雲裏影歌扇月開輪伐鼓魚
龍雜撞鐘角觝陳曲終酣興晚須有醉歸人

奉和

張說

千齡逢啟聖萬域共來威慶接郊禋後酺承農事稀御
樓橫廣路天樂下重闌鸞鳳調歌曲虹霓動舞衣合聲
雲上聚連步月中歸物覩恩無外神和道入微鎬京陪
排律 五言 卷四十一 七

樂飲柏殿奉文飛徒竭秋雲影何資春日暉

夏日花萼樓酺宴 應制

王昌齡

上德三元正堯心萬國同汾陰備冬禮長樂應和風賜
慶垂天澤流歡舊渚宮樓臺生海上簫鼓出天中霧曉
筵初接宵長曲未終雨隨青幕合月照一作舞羅空玉
陛分朝列文章發聖聰愚臣忝書詩賦歌詠頌絲桐

東都酺宴

張說

堯舜傳天下同心致太平吾君內舉聖遠合至公情錫
命承丕業崇親享大名二天資廣運兩曜益齊明道暢
昆蟲樂思深朽蠹榮皇興久西幸留鎮在東京合宴千

官入分曹百戲呈樂來嫌景遽酒著訝寒輕喜氣連雲
閑歡呼動洛城人間知幾代今日見河清

洛城觀酺應制

陳子昂

聖人信恭已天命允昭囑蒼極神功被青雲秘籙開垂
衣受金冊張樂宴瑤臺鳳休微滿魚龍雜戲來崇恩
踰五日惠澤暢三才玉帛羣臣醉微章繹禮該方觀升
中禪言觀拜洛迴微臣固多幸敢上萬年杯

大酺

得長字時任安宜尉

儲光義

大道啟元命時人居太康中朝發玄澤下國被天光明
詔始端午初筵當履霜鼓鼙迎開一作爽氣羽籥映新陽
排律五言 卷四十一 八

太守卽玄圃淮夷成葆疆小臣慙下位拜手頌靈長

前題

獻高使君

肅穆郊禋畢工歌賞事并三朝遵湛露一道洽仁明布
德音皆應無爲物自成花添羅綺色鶯亂管絃聲獨有
同高唱空陪樂太平

奉和同太子監守違戀

薛元超

儲禁銅扉啟宸行玉輅一作遙空懷壽街吏尚隔寢門
朝地首瞻龍戟塵外一作想鸞一作鑣飛文映仙勝灝
思叶神飈帝念紆蒼璧一作陸乾文煥紫霄歸一作塘
橫筆海平圃振詞條欲應重輪曲鏘洋韻九韶

前題

韓王元嘉

乾象開層構離明啟少陽卜征從獻吉守器屬元良
矣凌周誦遙哉掩漢莊好士傾南洛多才盛北場地分
丹鷲嶺途開白雲鄉儲誠虔曉夕宸愛積炎涼珠璧連
霄漢萬物仰重光

觀大駕出叙事寄懷

釋法輪

紫臺宵漏竭青門曙鼓通輕霞照複道徐吹轉相風玉
鑾光萬騎金輿鬱五戎鳴笳猶度闕清蹕尚喧宮雲旗
亂陌紫羽旄雜塵紅百城歸北麗兩漢久慙雄吾曹陋
薄技餘慶洽微躬平原已起洛印手亦還豐得奉衣冠
排律五言 卷四十一 九

盛仍觀書軌同猶言待封告未忍向華嵩

天門街西觀榮王聘妃

張光朝

仙媛來朱邸名王出紫微三周初展義百兩遂言歸鄭
國通梁苑天津接帝畿橋成烏鵲助蓋轉鳳凰飛霜仗
迎秋色星缸滿夜輝從茲磐石固應爲得賢妃

前題

梁鉉

帝子乘龍夜三星照戶前兩行宮火出十里道鋪筵羅
綺明中識簫韶暗裏傳燈檣九華扇帳撒五銖錢交頸
文鴛合和鳴彩鳳連欲知來日美雙拜紫微天

宗武生曰

杜甫

小子何時見高秋此日生自從都邑語已作老夫名詩
是吾家事人傳世上情熟精文選理休覓綵衣輕凋瘵
筵初秩欹斜坐不成流霞飛一作片片涓滴就徐傾

平胡序曰戎羯不虔竊我荒服命偏師之俘剪彼聊以言志

玄宗

雜虜忽猖狂無何敢亂常羽書朝繼入烽火夜相望將
出凶門勇兵因死地強蒙輪皆突騎按劍盡鷹揚鼓角
雄山野龍蛇入戰場流膏潤沙漠濺血染鋒鏑霧掃清
玄塞雲開靜朔方武功今已立文德愧前王

奉和

韓休

排律五言

卷四十一

十

南牧正紛紛長河起塞氛玉兵徵選士金鉞拜將軍疊
鼓搖邊吹連旌暗朔雲妖星乘夜落害一作氣入朝分
始見幽烽警俄看烈火焚功成奏凱樂戰罷策歸勳盛
德陳清廟神謨屬大君叨榮逢偃羽率舞詠時文

奉和

裴淮

玄漠聖恩通由來書軌同忽聞窺月滿相聚冠雲中廟
略沾黃氣神兵出絳宮將軍行逐虜使者亦和戎一舉
輜輜滅再麾沙漠空直將威禁暴非用武爲雄飲至明
軍禮騰勳錫武功于戈還載戰文德在唐風

還至張掖古城聞東軍告捷贈韋五陳子昂

孟秋首歸路仲月旅邊亭聞道蘭山戰相邀在井陘屢
關關月滿三捷虜雲平漢軍追北地胡騎走南庭君爲
幙中士疇昔好言兵白虎鋒應出青龍陣幾成披一作
圖見丞相按節入咸京寧知玉門道翻作隴西行北海
朱旄落東歸白露生縱橫未得意寂寞相迎負劍空
嘆息蒼茫登古城

賀哥舒大夫破九曲同李員外作高適

遙傳副丞相昨日破西蕃作氣羣山動揚軍大旆翻奇
兵邀轉戰連弩絕歸奔泉噴諸戎血風驅死虜魂頭飛
橫萬戟面縛聚轅門鬼哭黃埃暮天愁白日昏石城與

排律五言

卷四十一

十一

巖險鐵騎皆一作若雲屯長策一言決高蹤百代存威稜
懾沙漠忠義感乾坤老將黯無色儒生安敢論解圍憑
廟筭止殺報君恩唯有關河渺蒼茫空樹墩

軍師凱旋自邕州順流舟中

李嶠

鳴鞞入嶂口汎舸歷川湄尚想江陵陣猶疑下瀨師岍
迴帆影疾風逆鼓聲遲萍葉沾蘭槳林花拂桂旗弓鳴
於隼落劒動白猿悲芳樹吟羌管幽篴入楚詞全軍多
勝策無戰在明時寄謝山東妙長纓徒自期

宿溫城望軍營

駱賓王

虜地寒膠折邊城夜柝聞兵符關帝闕天策勳將軍塞

一作 靜胡笳徹沙明楚練分風旗翻翼影霜劍轉龍文
白羽搖如月青山斷若雲煙疎疑卷幔塵滅似銷氛校
筆懷班業臨戎想顧勳還應雪漢耻持此報明君

扈從鳳泉和崔黃閣喜恩旨解嚴罷圍之作

蘇頌

輦路岐山曲儲胥渭水湄教成提將鼓禮備植虞旗不
取從吹樂先流去殺慈舜韶同舞日湯祝盡飛時物應
陽和施人知雨露私何如穆天子七萃幾勞師

冬狩

太宗

烈烈寒風起慘慘飛雲浮霜濃凝廣隰水厚結清流金
排律五言 卷四十一 十二

較移上苑玉勒騁平疇旌旗四望合且羅一面求楚路
爭兕殪秦亡角一作 鹿愁禽忙投密樹鴻驚起礫洲騎
敏原塵靜戈迴嶺日收心悲洛汭逸意在渭濱遊禽荒
非所樂撫轡更招憂

出獵

楚王雲夢澤漢帝長楊宮豈若因農暇閱武出轡高
驅陳銳卒七萃列材雄寒夜霜氛白平原燒火紅朔戈
夏服箭羽騎綠沈弓怖獸潛幽壑驚禽散翠空長煙晦
落景灌木振一作 嚴風所爲除民瘼非是悅林秋 作 叢

從獵渭川獻詩

魏知古

嘗聞夏太康五弟訓禽荒我后來一作 冬狩三驅盛禮

張順時鷹隼擊講事武功揚奔走未成一作 去翮飛豈

暇翔非能從渭水瑞雉一作 想陳倉此欲誠難縱茲遊

不可常子雲陳羽獵僖伯諫魚棠得失鑒齊楚仁思念

禹湯雍熙亮在宥亭毒匪多傷辛一作 甲今爲史虞箴

遂孔彰

扈從教閱 和杜員外

李嶠

杪冬嚴殺氣窮紀送頽光薄符三農隙大閱五戎場萊

田初起燒蘭野正開防夾岍虹旗轉分朋獸畧張燕弧

帶曉月吳劍動秋霜原啟前禽路山縈後騎行雲區墜

排律五言 卷四十一 十三

十三

日羽星苑斃天狼禮振軍容肅威宣武節揚神心體殷

祝靈兆叶姬祥幸陪仙駕末欣採翰林芳

玄武門侍射

序曰開元之初季冬其望天子幸武門

命紫微黃門九卿六事以器備其射禮
合宴焉侍以純錦領以珍器爾其射禮
侯既設繫仗林立帷帳露布衆官半
中屬羽連飛孤矢以除唐弓在手夏
道生辰驚儀端視和客內正外直自
輝威而觀德無不通神無不極用是
聖人乎于時繁雲覆城大雪飛苑天
下交歡退食懷恩賦詩頌義凡若
張說

射觀通玄闕兵欄闕御筵雕弧月半上壽的暈重圓并

后神幽贊靈王法暗傳貫心精四返飲羽妙三聯雪鶴

來銜箭星麟下集弦一逢軍宴洽萬慶武功宣

春日直門下省早朝

王維

騎省直明光雞鳴謁建章遙聞侍中珮聞識令君香玉
漏隨一作銅吏天書拜一作夕郎旌旗映闥闔歌吹滿
昭陽官舍梅初紫官門柳欲黃願將遲日意同與聖恩
長

早朝

韋元旦

震維芳月季宸極衆星尊珮玉朝三陛鳴珂度九門挈
壺分早漏伏檻耀初曦北倚蒼龍闕西臨紫鳳垣詞庭
草欲奏一作溫室樹無言鱗翰空爲忝長懷聖主恩

排律五言

卷四十一

十四

和韋舍人

鄭愔

瑞闕龍居峻宸庭鳳掖深才良寄天綍趨拜侶朝簪飛
鴈看成序一作喧車識駐音重軒輕霧入洞戶落花侵
聞有題新翰依然想舊林同聲慚下玉謬此托韋金

和韋舍人

徐彥伯

夕轉清壺漏晨驚長樂鐘逶迤綸禁客假寐守銅龍予
亦趨三殿肩隨謁九重繁珂接曙響華劒比春容相聞
若光歇彌憐芳意濃願言乘日軒攜手卽雲峰

和韋舍人

沈佺期

閭闔連雲起巖廊拂霧開玉珂龍影度珠履鴈行來長

樂宵鐘盡明光曉奏催一經推一作舊德五字擢英才
儼若神仙去紛從霄漢迴千春奉休曆分禁喜趨陪

宿直溫泉宮羽林獻詩

張說

冬狩美秦正新豐樂漢行星陳玄武閣月對羽林管寒
木羅霜仗空山響夜更思深靈液暖節效一作古松貞
文武皆王事輸心不爲名

夏晚初霽南省寓直

時兼尚書郎節度判官

庫狄履溫

薄宦因時泰涼宵寓直初沈沈仙閣閉的的暗更徐霽
色連空上炎氛入夜除星迴南斗落月度北窓虛待漏
殘燈照含芳襲氣餘寐來冠不解奏罷草仍書幕府懸

排律五言

卷四十一

十五

良策明曹魏散樗命輕徒有報義重更難踈燕厦欣成
託鵠行濫所如晨趨當及早復此戒朝車

和庫狄貞外

寇坦

黃綬歸休日仙郎復奏餘宴居當夏晚寓直會時初露
散星文發雲披水鏡虛高才推獨唱嘉會喜連月色
移春閣香煙霽暝廬千門傳夜警萬像照階除少儒喜
能賦文強閱賜書兼曹謀未展入幕志方據爲奉靈臺
帛恭先待漏車貞標不可仰空此樂樵漁

直中書省

韋承慶

清切鳳凰池扶疎雞樹枝唯應集鸞鷟何爲宿鸛雌大

造乾坤闢深恩雨露垂昆蚊一作既含養驚駘亦驅馳
木偶翻爲用芝泥忽濫竽九思空自勉五字本無施徒
喜逢千載何偕荅二儀螢光向日盡蚊力負山疲禁宇
庭除闢閒宵鐘箭移暗花臨戶發殘月下簾欹白髮隨
年改丹心爲主披命將時並泰言與行俱危寄謝登巢
客堯年復一作在斯

同徐員外除太子舍人寓直之作 郭元振

太子擅元良官臣命偉長除榮辭會府直宿總一作書

坊露濕幽巘桂風吹便坐桑閣連雲一色池帶月重光

葉死蘭無氣荷枯水不香遙聞秋興作言是晉中郎

排律五言 卷四十一 十六

秋夜寓直中書呈黃門司

蘇頌

簾櫳上夜鈎清切聽更籌忽共雞枝老還如騎省秋循

庭喜三人對渚憶雙遊紫綬名初拜黃繅迹尚留月舒

當北幌雲賦直東樓恩渥迷天施童蒙慰我求近石台

鼎節聞義一承流

秋夜寓直卽事懷贈蕭令公裴侍郎兼通簡南省

諸友人 王灣

聖主萬年興賢臣數載升古靈傳嶽秀宏量京川澄畿
甸舉長策風霜秉直繩出車遙俗震登閣滿朝稱賦簡
流亡輯農安政理憑還家新長幼巡壠舊溝塍忠梗大

勳立寰瀛墮葉懲焚香兼御史懸鏡委中丞旗集當朝
立臺驄發郡一作乘司徒漢家重國典賴川徵雲路俄

平入台階忽上凌秉鈞調造化宣綽慰黎烝金省方秋

作瑤軒直夜凭中書贈陳準右相簡王陵三傑賢更穆

百僚歡且兢搖懷及賓友計曲辨滯澠閭闔陰散鈎

陳爽氣疑月深宮樹轉河近禁樓水早吏風驅策微消

效十升望麾宵繼火書檄一作板曙懷蒸彼此雖流吟

規模轉服膺惠將霄漢隔勞或歲時矜位重恩寧濫才

輕懾不勝林巒甘獨往疵賤苦相仍敢忘銜花雀思同

附驥蠅平生逐烏雀何日嗣蒼鷹

排律五言 卷四十一 十七

酬蘇員外味道夏晚寓直省中見贈

沈佺期

並命登仙閣分曹一作直禮闈大官供宿膳侍史設朝

衣卷幔天河入開牕月露微小池殘暑退高樹早

涼歸冠劍無時釋軒車待漏飛明朝題漢柱一作署有光

輝

酬楊給事廉省中見贈

子雲推辨博公理擅詞雄始自尚書省旋聞給事中言
從溫室秘書向瑣闥通顧我叨郎署慙無草奏工分曹
八舍斷解袂五時空宿昔陪餘論平生賴擊蒙神仙應

東掖雲霧限南宮忽枉瓊瑤贈長歌蘭渚風

酬通事舍人寓直見示篇中兼起居陸舍人景獻

張九齡

軒掖殊清秘才華固在斯與因膏澤灑情與惠風吹所
美應人譽何私亦我儀同聲感喬木比翼謝長離價以
陸生減賢慙鮑叔知薄遊嘗獨愧芳訊乃兼施此夜金
閨籍伊人瓊樹枝飛鳴復何遠相顧幸媿媿

和騫右丞省中暮望

楊炯

故事問臺閣仙門謁已深舊章窺復道雲幌肅重陰玄
律葭灰變青陽斗柄臨年光搖樹色春氣繞蘭心風響
排律五言 卷四十一 十八

高窓度流痕曲岸侵天明一作總樞轄人鏡辨衣簪日
暮南宮靜瑤華振雅音

和蘇員外寓直

喬知之

自昔重爲郎伊人練國章三旬登建禮五夜直明光墨
草尚書奏衣飄侍御香開軒竹氣靜拂簾蕙風涼曉漏
離間闕鳴鐘出未央從來宿臺上天子貴文強

和姚給事寓直

宋之問

清論滿朝陽高才拜夕郎還從避馬路來接珥貂行龍
就黃扉日威回白簡霜栢臺遷鳥茂蘭署得人芳禁靜
鐘初徹更疎漏漸長曉河低武庫流火度文昌寓直恩

徹一作輝重乘秋藻翰揚暗投空欲報下調不戍章

和庫部李員外秋夜寓直

相庭貽慶遠才子拜郎初起草後一作儀仙閣焚香卧直
廬更深河欲斷節勁柳偏疎氣耿凌雲筆心搖待漏車
叨榮廁儔侶省已慙空虛徒斐陽春和難參麗曲餘

和刑部員外秋夜寓直寄臺省知己

岑參

列宿光三署仙郎直五宵時衣天子賜厨膳大官調長
樂鐘應近明光漏不遙黃門持被覆侍女捧香燒筆爲
題詩點燈緣起草挑竹喧交砌葉柳韞拂窓條粉署榮

新命霜臺憶舊臺名香播蘭蕙重價蘊瓊瑤一作水胡洽
海博風透赤霄微才喜同舍何幸忽聞韶

和計給事中直夜簡諸公

張九齡

未央鐘漏晚仙宇謁沈沈武衛十廬合嚴扃萬戶深左
掖知天近南窓見月臨樹搖金掌露庭徙玉樓陰他日
開更直中宵屬所欽聲華大國寶夙夜近臣心逸興乘
高閣雄飛在禁林寧思竊抃者情發爲知音

前題

崔嶺

西掖黃樞近東曹紫禁連地因才子拜人用省郎選夜
直千門靜河明萬象懸建章宵漏急閭闔曉鐘傳龍列

貂蟬位恩深侍從年九重初起草五夜即成篇顧已無
官次循涯但自憐遠陪蘭署一作作空此仰神僊

和苑舍人宿直曉翫新池寄南省友

沈東美

傳聞閭闔裏寓直有神仙史爲三墳博郎因五字遷晨
臨翔鳳沼春注躍龍泉去似登天上來如看鏡前影搖
宸翰發波淨列星懸既濟仍懷友流謙欲進賢彈冠聲
實貴覆被渥恩偏溫室言雖阻文場契獨全玉珂光赫
奕朱綬氣蟬聯興逸潘仁賦名高謝朓篇青雲仰不逮
白雪和難牽再再胡爲此甘心老歲年

排律五言

卷四十一

二十一

和中書常舍人晚秋集賢院卽事寄徐薛二侍御

獨孤及

漢家金馬署帝座紫微郎圖籍凌羣玉歌詩冠柏梁陰
陰萬年樹肅肅五經堂揮翰忘朝食研精待夕陽晴空
露盤迴秋月瑣牕涼遠興生斑髮高情寄縹緲歲稔雙
鷺驚夙昔並朝翔汲冢同刊謬蓬山共補亡差池推羽
翮流落限江湘禁省一分袂旻天三雨霜石渠遺跡滿
水國暮雪長早晚朝宣室歸時道路光

和鄭警校內省眺矚思鄉懷友

楊炯

銅門初下辟石館始沈研遊霧千金字飛雲五色牋樓

臺橫紫極城闕俯青田暄入瑤房裏春迴玉宇前霞文
埋落照風物澹歸煙翰墨三餘隙關山四望懸顚峰睽
酌羽流水曠鳴弦離欣承白雪終恨隔青天

聞漏

王岳靈

建禮含香處重城待漏臣徐聞傳鳳詔曉唱辨雞人銀
箭殘將盡銅壺漏更新催籌當午夜移刻及三辰杳杳
從天遠冷冷出禁頻直疑殘漏曙肅肅對鈞陳

山莊休沐

盧照鄰

蘭署乘閒日蓬扉狎遁棲龍柯疎玉井鳳葉下金堤川
光搖水箭山氣上雲梯亭幽聞唳鶴窓曉聽鳴雞玉軫

排律五言

卷四十一

二十一

臨風奏瓊漿映月攜田家自有樂誰肯謝青谿

奉使自藍田玉山南行

張九齡

征騶入雲壑始憶步金門通籍微軀幸歸途明主恩匪
唯徇行役兼得慰晨昏是節暑云熾紛吾心所尊海縣
且悠緬山郵日駿奔徒知惡囂事未暇息陰論曉武經
陳迹衡湘指故園水聞南澗險煙望北林繁遠靄千巘
合幽聲百籟喧陰泉夏猶凍陽景晝方暝懿此高深極
徒令夢想存盛明期有報長往復奚言

使至三姓咽麪

張宣明

昔聞班家子筆硯忽然投一朝撫長劍萬里入荒陬豈

不服艱險只思清國警山川去何歲霜露幾逢秋玉塞已遐廓鐵關方阻脩東都日宵宵西海此悠悠卒使功名建長封萬里侯

奉使巡檢兩京路種果樹事畢入秦因詠

鄭審

聖德周天壤韶華滿帝畿九重承渙汗千里樹芳菲陝塞餘陰薄關河舊色微發生和氣動封植衆心歸春露條應弱秋霜果定肥影移行子蓋香撲使臣衣入逕迷馳道分行接禁闌何當覩仙驪攀折奉恩輝

街命使日本國

胡衡

排律五言

卷四十一

二十二

街命將辭國非才忝侍臣天中戀明主海外憶慈親伏奏達金闕駢駢去玉津蓬萊鄉路遠若水故園鄰西望懷恩日東歸感義辰平生一寶劍留贈結交人

遠使海曲春夜多懷

駱賓王

長嘯三春晚端居百慮盈未安胡蝶夢遽切魯禽情別島連寰海離魂斷戍城流星疑伴使徂_{一作}月似依營懷祿寧期達牽時匪徇名艱虞行已遠昧迹自相驚

西使兼送孟學士南遊

盧照鄰

地道巴陵北天山弱水東相看萬餘里共倚一征蓬客雨悲王粲清樽別孔融徘徊聞夜鶴悵望待秋鴻骨肉

胡秦外風塵關塞中唯餘劍鋒在耿耿氣成虹

和李大夫嗣真奉使存撫河東

杜審言

六位乾坤動三微曆數遷謳歌移火德圖識在金天子月開階統房星受命年禎符龍馬出寶籙鳳皇傳地卽交風雨都仍卜潤灑明堂唯御極清廟乃尊先不宰神功運無爲大象懸八荒平物土四海接人煙已屬羣生泰猶言至道偏璽書傷問俗旌節近推賢秩比司空位官臨御史員雄詞執刀筆直諫罷樓船國有大臣器朝加小會筵將行備禮樂送別仰神仙城闕周京轉關河陝服連稍觀汾水曲俄指絳臺前姑射聊長望平陽遂

排律五言

卷四十一

二十三

宛然舜耕餘草木禹鑿舊山川昔出諸侯上_{一作}無何霸業全中軍歸戰敵外府絕兵權隱隱帝鄉遠瞻瞻肅命虔西河偃風俗東壁掛星躔井邑紛榆社陵園松栢田榮光晴_{一作}掩代佳氣曉_{一作}侵燕雨霏鴻私滌風行唐旨宣憚發訪疾苦屠釣採貞堅人樂逢刑措時康洽賞延賜踰秦氏級恩倍漢家錢擁傳咸翹首稱觴競比肩拜迎彌道路舞詠溢郊鄺殺氣西衡白窮陰北暝玄飛霜遙渡海殘月迴臨邊緬邈朝廷問周流朔塞旋興_{一作}怒馬策駿發抱龍泉學總八千卷文傾三百篇澄清得使者作頌有人焉莫以崇班閎而云勝託拍偉材

何磊落陋質幾翩翾江海寧爲讓巴渝轉自牽一聞歌
聖道助曲荷陶甄

岳州入朝 別梁六

張說

遠莅長沙渚欣逢賈誼才江山疲應接風日復晴開江
樹雲間斷湘山水上來近洲朝鷺集古戍夜猿哀岸
含蒼 河蒲秀紫臺月餘偏地賞心盡故人杯自我違
京洛嗟君此泝洞容華因別老交舊與年顏夢見長安
陌朝宗實盛哉

自考功員外授給事中

序曰長安三年自考功郎中拜給事中非不職任意縱未及盡此詞被放南荒行至安海五月二十

排律

卷四十一

二十四

西日遇此使因寄鄭規

沈佺期

南省推丹地東曹拜瑣闥惠移雙管筆恩降五時衣出
入宜真選遭逢每濫飛器慙公理拙才謝子雲微案牘
遺常禮朋僚隔等威上台行揖讓中禁動光輝旭日千
門起初春八舍歸贈蘭聞宿昔談樹隱芳菲何幸鹽梅
處惟憂對問機省躬知任重寧止冒榮非

賀陽城郡王太夫人恩命加鄧國太夫人

杜甫

衛幕銜恩重潘輿送喜頻濟時瞻上將錫號戴慈親富
貴當如此尊榮邁等倫郡依封土舊國與大名新紫誥

鸞迴紙清朝燕賀人遠傳冬笋味更覺綵衣春奕葉班
姑史芬芳孟母鄰義方兼有訓詞翰兩如神委曲承顏
體騫飛報主身可憐忠與孝雙美盡一作麒麟

和戶部岑尚書參迹樞揆

沈佺期

大君制六合良佐參萬機大業永開泰臣道日光輝鹽
梅和鼎食家聲衆所歸漢章題楚劍鄭武襲緇衣理識
當朝遠文華振古稀風雲神契合舟楫道心微廟堂喜
賓與時物遶芳菲御柳垂仙掖公槐覆禮闈昔陪鵷鷺
後今望鵬鵬飛徒御清風頌巴歌聊自揮

和張使君宴加朝散

盧象

排律

卷四十一

二十五

佐理星辰貴分榮渙汗深言從大夫後用荅聖人心騎
擁軒裳客鸞驚翰墨林停杯歌麥秀秉燭醉棠陰爽氣
凌秋笛輕寒散暝砧祗應將四子詩德謝知音

和裴侍中承恩拜掃旋轡途中有懷寄州縣官寮

鄉國親故

張九齡

嵩嶽神惟降汾川鼎氣雄生才作霖雨繼代有清通天
下翁賢相朝端挹至公自家來佐國移孝入爲忠霜露
多前感丘園想舊風扈巡過晉北問俗到河東便道恩
華降還鄉禮教崇野樽延故老朝服見兒童

春闈

徐彥伯

戊客成清波幽闌幽思多暗梁聞語燕夜燭見飛蛾寶
匣藏脂粉金屏綴綺羅裁衣卷紋素織錦度鳴梭有使
通西極紙書寄北河年光只恐盡征戰莫蹉跎

前題 同李員外作

崔湜

落日啼連夜孤燈坐微明捲簾雙燕入披幌百花驚隴
上寒應晚閨中織未成管絃愁不意一作記梳洗懶無情
去歲聞西伐今年送北征容顏離別盡流恨滿長城

代答閨夢還

張若虛

關塞年華早樓臺別望遠試衫着煖氣開鏡覓春暉燕
入窺羅幙蜂來上畫衣情催桃李豔心寄管絃飛妝洗
排律 五言 卷四十一 二十六

朝相待風花暝不歸夢覓何處入寂寂掩重扉

李員外秦媛宅觀妓

沈佺期

盈盈粉署郎五日宴春光選客虛前館微聲偏後堂玉
釵翠羽飾羅袖鬱金香拂黛隨時廣挑鬟出意長轉歌
遙合態度舞暗成行巧落梅庭裏斜光映曉妝

溫泉馮劉二監客舍觀妓

張說

溫泉寒林薄一作暮羣遊樂事多佳人蹀駿馬乘月夜相
過秀色然紅黛嬌香發綺羅鏡前鸞對舞琴裏鳳傳歌
妬寵傾新意銜恩奈老何爲君留上客歡笑歛雙蛾

宴崔明府宅夜觀妓

孟浩然

畫堂觀妙妓長夜正留賓燭吐蓮花豔妝成桃李春髻
鬟低舞席衫袖掩歌肩汗濕偏宜粉羅輕詎着身調移
箏柱促歡會酒杯頻傾使曹王見應嫌洛浦神

同張明府碧谿贈答

別業聞新製同聲和一作應者多還看碧谿蒼不羨綠珠
歌自有陽臺女朝朝拾翠過綺筵一作舞筵鋪錦繡妝牖閉
藤蘿秩滿休閒日春餘景氣一作色和仙鳬能作伴羅襪
共凌波曲一作別島尋花藥迴潭折芰荷更憐斜日照紅
粉豔青蛾

聽鄰人琵琶

陳叔達

排律 五言 卷四十一 二十七
本是龍門桐因妍入漢宮香緣羅袖裏聲逐朱弦中雖
有相思韻翻將入塞同關山臨却月花蕊散迴風爲將
金谷引添令曲未終

琵琶

太宗

半月無雙影全花有四時摧藏千里態掩抑幾重悲促
節繁紅袖清音滿翠帷駛彈風響急緩曲釧聲遲空餘
關隴恨因此代相思

和詠解署有櫻桃

孫逖

上林天禁裏芳樹有紅櫻江國今來見君門春意香
從花綬轉色繞佩珠明海鳥銜初實吳姬掃落英切將

稀取貴羞與衆同榮爲此堪攀折芳蹊處處成

庭摘

孟浩然

明發覽羣物萬木何陰森凝霜漸水庭橋似懸金女
伴爭攀摘窺礙葉深並生憐共蒂相示感同心骨刺
紅羅帔香粘翠羽簪擎來玉盤裏全勝在幽林

沈十四拾遺新竹生讀經處

同諸公作

王維

閒居日清靜脩竹自檀欒嫩節留餘籜新叢出舊櫟細
枝風響亂疎影月光寒樂府裁龍笛漁家伐釣竿何如
道門裏青翠拂仙壇

當軒石竹

魏倉曹宅各賦一物

李頎

排律

卷四十一

二十八

羅生殊衆色獨爲表華滋雖雜蕙蘭處無爭桃李時同
人趨府暇落日後庭期密葉散紅點靈條驚紫艸芳菲
看不厭采摘願來茲

採芙蓉

太宗

結伴戲方塘一作塘携手上雕航船移分細浪風散動浮
香遊鷺無定曲驚鳬有亂行蓮稀釧聲斷水廣棹吹長
棲鳥還密樹泛流歸建章

尚書都堂瓦松

李華

幸省秘仙蹤高堂露瓦松華不因春後長花爲雨來濃影
混鴛鴦色光含翡翠容天孫斯所寄地勢太無從接棟

臨雙闕連甍近九重寧知深澗底霜雪歲兼封

方士進恒春草

省試

梁鎰

東吳有靈草生彼剡谿傍旣亂莓苔色仍連菌蔕香撥
之稱遠士持以奉明王北闕顏彌駐南山壽更長金膏
徒騁妙石髓莫矜良儻使露涓滴還遊不死方

郡中每晨輒輒見羣鶴東飛至暮又行列而返嘆
唳雲路甚和樂焉予愧獨處江城常目送此意有
所美遂賦以詩

張九齡

雲間有數鶴撫翼意無違曉日東田去宵烟北渚歸
呼良自適羅列好相依遠集長江靜高翔衆鳥稀豈煩

排律

卷四十一

二十九

僊子馭何畏野人機却念乘軒者拘留不得飛

月夜聞鴈

同李母學士作

棲宿豈無意飛飛更遠尋長途未及半中夜有遺音月
思關山笛風號流水琴空聲兩相應幽感一何深避繳
歸南浦離羣叫北林聯翩俱不定憐爾越鄉心

孤鴈

臨津紀明府作

盧照隣

三秋遠北地萬里向南翔河洲花稍白關塞葉初黃避
繳風霜勁懷書道路長水流疑箭動月照似弓傷橫天
無有陣度海不成行會刷能鳴羽還赴上林鄉

詠巢鳥

應詔

楊師道

桂樹春暉滿巢鳥刷羽儀朝飛麗城上夜宿碧林脰背
風藏密葉向日逐疎枝仰德還能哺依仁遂可窺驚鳴
雕翬側王吉自相知

柳陌聽早鶯

陶翰

忽來枝上轉還似谷中聲乍使香閨靜偏傷遠客情間
關難辨處斷續若頻驚玉勒留將久青樓夢不成千門
候曉發萬井報春生徒有知音賞慙非臯鶴鳴

汝墳秋聞百舌鳥

同王長史翰作

祖詠

秋天聞好鳥驚起出簾帷却念殊方月能鳴已後時還
喬誠可早出谷此何遲顧影慙無對懷羣空所思淒涼
排律五言 卷四十一 三十一

歲欲晚蕭索燕路將辭留聽未終曲彌令心獨悲高
飛憑力致巧轉任天姿返覆知而靜聞關斷若遺花繁

上林路霜落汝川湄且長凌風翻乘春自有期

越裳貢白雉

王若昂

素翟宛昭彰遙遙目越裳冰晴朝映日玉羽夜含霜歲
月三年遠山川九澤長來從碧海路入見白雲鄉作瑞
興周后登歌笑漢皇朝天資孝理惠化且無疆

前題

一作孫昌胤

丁仙芝

聖哲承^{一作}休運伊夔列上台覃恩丹微遠入貢素羣
來北闕欣初見南枝顧未迴歛容殘雪淨矯翼片霜^{一作}

開馴擾將無懼翻飛幸不^{一作}猜其從上林苑^{一作}裏
飲啄自徘徊

賦得秋日懸清光

賜房玄齡

太宗

秋露凝高掌朝光上翠微參差麗雙闕照耀滿重闌仙
馭隨輪轉靈鳥帶影飛臨^{一作}波無定彩入隙有圓暉
還當葵藿志傾葉自相依

前題

王維

寥廓涼天靜晶明白日秋圓光含萬象碎影入閑流迴
與青冥合遙同江甸浮晝陰殊衆木斜影下危樓宋玉
登高怨張衡望遠愁餘輝如可託雲路豈悠悠
排律五言 卷四十一 三十一

前題

陶拱

秋至雲容斂天中日景清懸空寒色淨委照曙光盈
法看彌上輝輝望最明煙霞輪乍透葵藿影初生鑒下
應無極升高自有程何當迴盛彩一爲表精誠

賦得白雲起封中

陳希烈

千年泰山頂雲起漢王封不作奇峯狀寧分觸石容爲
霖雖易得表聖自難逢冉冉排空上依依疊影重素光
非曳練靈脫是從龍豈學無心出東西任所從

賦得清如玉壺水

王維

玉壺何用好偏許素水居^{一作}歲水玉壺^{一作}未共銷丹日
裏冰水嶺方諸

還同照綺疏抱明中不隱含淨外疑虛氣似庭霜積光
言砌月餘曉凌飛鵲鏡宵映聚螢書若向夫君比清心
尚不如

前題

王季友

玉壺知素結止水復中澄堅白能虛受清寒得自凝分
形同曉鏡照物掩宵燈壁映圓光入人驚爽氣凌金壘
何足貴瑤席幾回升正值求珪瓚提攜共飲水

賦得直如朱絲絃

楊衡

寂寞瑤琴上深知直者情幸傳朱鷺曲那止素絲名瑞
草人空仰王言世久行大方聞正位樂府動清聲文武

排律五言

卷四十一

三十二

音初合宮商調屢更誰能向機杼終日泣無成

賦得策杖尋隱士

王績

策杖尋隱士行行路漸賒石梁橫澗斷土室映山斜孝
然縱一作有舍威輦遂無家置酒燒枯葉披書坐落花

新垂滋水釣舊結茂陵置歲歲長如此方知輕世華

賦得北方有佳人

徐賢妃

已來稱獨立本自號傾城柳葉眉間發桃花臉上生腕
金鋪響步轉玉環鳴纖腰宜寶袂紅衫艷織成懸知

一顧重別覺舞腰輕

秋日臥病

和孫長史

駱賓王

霍地疎天府藩園近帝臺調弦三婦至置驛五侯來尚
想歡娛洽吁嗟歲月催金壇分上將玉帳引環材決勝
鯨波靜騰謀鳥谷開白雲淮水外紫陌蕭陵隈節變驚
衰柳笳繁思落梅調神和玉燭挾藻握珠胎悵矣欣懷
土居然欲死灰還因承雅曲暫喜躍沈鰓

羈臥山中

盧照隣

臥壑迷時代行歌任死生紅顏意氣盡白壁故交輕澗
戶無人跡山窻聽鳥聲春色綠巖上寒光入溜平雪盡
松帷暗雲開石路明夜伴饑腸宿朝隨馴雉行度谿猶
憶處尋洞不知名紫書常日閱丹藥幾年成扣鐘鳴天

排律五言

卷四十一

三十三

鼓燒香厭地精倘遇浮丘鶴飄飄凌太清

初年樂城館中臥疾懷歸作

孟浩然

異縣天隅僻孤帆海畔過往來鄉信斷留滯客情多臘
月聞雷震東風感歲和蟄蟲驚戶穴巢鵲眄庭柯徒對
芳樽酒其如伏枕何歸歟一作理舟楫江海正無波

臥病家園

陳子昂

世上無名子人間歲月賒縱橫策已棄寂寞道爲家臥
病一作誰能問閒居空物華猶憶靈臺友棲真隱太霞
還丹奔日御却老餌雲芽寧知白社客不厭青門瓜
已假限疾不獲還莊載想田園兼思親友贈杜幽

素

李翥

游宦勞牽網風塵久化衣迹馳東苑路望阻北巖扉及
此承休告聊將狎遁肥十旬俄委疾三徑且殊歸茂陵
官難卽靈臺暫可依疲痼旅城寺延想屬郊畿夕夢園
林是晨瞻邑里非綠疇良已穢清濠曠不追野花何處
落山月幾秋輝彼美符商政優游絕漢機高情物累遣
逸氣煙霞飛樂道方無悶懷賢獨有違樽虛舊園酒琴
靜故人徽夏沼蓮初發秋田麥稍稀何當携手去歲作
暮採芳菲

臥病寄彭州高三十五使君適虢州岑二十七長
排律五言 卷四十一 三十四

史參

杜甫

故人何寂寞今我獨淒涼老去才難盡秋來興甚長物
情尤可見詞客未能忘海內知名士雲端各異方高岑
殊緩步沈鮑得同行意慙關飛動篇終接混茫舉天悲
富駱近代惜盧王似爾官仍貴前賢事一作命可傷諸侯
非棄擲半刺已翱翔詩好幾時見書成無使將男兒行
處是客子關身強羈旅推賢聖沈綿抵咎殃三年猶瘡
疾一鬼不銷亡隔日搜脂髓增寒抱雪霜徒然潛隙地
有覩屢鮮妝何太龍鍾極于今出處妨無錢居帝里盡
室在邊疆劉表雖遺恨龐公至死藏心微傷魚鳥肉瘦

怯豺狼隴草蕭蕭白洩雲片片黃彭門劒閣外號畧號
湖傍荆玉簪頭冷已照染翰光烏麻蒸續曬丹橘露應
嘗豈異神仙宅俱兼山水鄉竹齋燒藥竈花嶼讀書林
更得清新否遙知對屬忙舊官寧改漢淳俗本歸一作不離
唐濟世宜公等安貧亦士常蚩尤終戮辱胡羯謾猖狂
會待秋氣靜論文暫裹糧

風疾舟中伏枕書懷呈湖南親友

軒轅休製律虞舜罷彈琴尚錯雄鳴管猶傷半死心聖
賢名古邈羈旅病年侵舟泊常依震湖平早見參如聞
馬融笛若倚仲宣襟故國悲寒望羣雲慘歲陰水鄉靈
排律五言 卷四十一 三十五

白蜃蜃岸疊青岑鬱鬱冬炎瘴濛濛雨滯淫鼓迎方祭
鬼彈落似鴉禽興盡纔無悶愁來遽不禁生涯相汨沒
時物自蕭森疑惑樽中弩淹留冠上簪牽裾驚魏帝投
閣爲劉歆狂走終奚適微才謝所欽吾安藜不糝女貴
玉爲琛烏几重重縛鴉衣寸寸鍼哀傷同庾信迷作異
陳琳十暑岷山葛三霜楚戶砧叨陪錦帳坐久放白頭
吟反樸時難遇忘機陸易沈應過數粒食得近四知金
草封歸恨源花費獨尋轉蓬憂悄悄行藥病泔泔瘞
天追潘岳持危覓鄧林蹉跎翻學步感激在知音却假
蘄張舌高談周末鐔納流迷浩汗峻址得嶽峯城府開

清旭松筠起碧潯披顏爭倩倩一作逸足競駸駸則存思直皇天實照臨公孫仍恃險侯景未生謫書信中原關干戈北斗深畏人千里并問俗九州箴戰血流依舊軍聲動至今葛洪尸定解許靖力還任家事丹砂訣無成涕作霖

賦得慎罰

虞世南

帝圖光往冊上德表鴻名道冠二儀始風高三代英樂和知化洽訟息表刑清罰輕猶在念勿喜尚留情明慎全無枉哀矜在好生五疵過亦察二辟理彌精幃巾示廉耻嘉石務詳平每削繁苛性常深惻隱誠政寬思濟

律五言

卷四十一

三十六

猛疑罪必從輕于張懲不濫陳郭憲無傾刑措涼斯在歡然仰頌聲

賦得蜀都

褚亮

列宿光參井分芒跨梁岷沈犀對江浦駟馬入城闔英圖多霸跡歷選有名臣連騎簪纓滿含章詞賦新得上仙槎路無待訪嚴遵

賦得魏都

李百藥

交運精華歇清都寶命開帝里三方盛王庭萬國來玄武疏遙墜金鳳上層臺乍進仙童藥時傾避暑杯南館招奇士西園引上才還惜劉公幹疲病清漳隈

賦得吳都

虞世南

畫野通淮泗星躔應斗牛玉牒宏圖表黃旗美氣浮三分開霸業萬里宅神州高臺臨茂苑飛閣跨澄流江濤如素蓋海氣似朱樓吳趨自有樂還似鏡中遊

和李右相書壁畫山水

孫逖

廟堂多暇日山水契中情欲寫高深趣還因藻繪成九江臨戶牖三峽繞檐楹花柳窮年發煙雲逐意生能令萬里近不覺四時行氣染荀香馥光含樂鏡清詠歌齊出處圖畫表冲盈自保千年遇何論八載榮

奉觀嚴鄭公廳事岷山沱江畫圖十韻

杜甫

律五言

卷四十一

三十七

沱水臨中坐岷山到北堂一作北堂白波吹粉壁青嶂挿雕梁直訝杉松冷兼疑菱荇香雪雲虛點綴沙草得微茫額鴈隨毫末川蜺飲練光霏紅洲藥亂拂黛石蘿長暗谷非關雨丹楓不爲霜秋成一作城玄圃外景物洞庭傍綰事功殊絕幽襟興激昂從來謝太傅丘壑道難忘

詠澄水如鑑

崔顥

聖賢將立喻上善貯情深潔白依全德澄清有片心澆浮知不撓濫濁固難侵方寸懸高鑑生涯詎陸沈對泉能自誠如鏡靜相臨庶慎傳家政流芳合古今

同朱五題盧使君義井

高適

高義唯良牧深仁自下車寧知鑿井處還是飲水餘地
卽泉源久人當汲引初體清能鑒物色洞一作每令虛

詠臨風舒錦

蕭昕

麗錦疋云終襜褕展向風花開翻覆翠色亂動搖紅縷
散悠揚裏文迴照灼中低垂疑步障吹起作晴虹旣與
丘遲夢深知卓氏功還鄉將製服從此表亨通

夜宴詠燈聯句

桂酒牽詩興蘭缸照客情

士脩

詎慙珠乘朗不讓月輪

排律

五言

卷四十一

三十八

明

張薦

破暗光初白浮雲色轉清

顏真卿

帶花疑在樹

比燎欲分庭

畫

顧已慙微照開簾識近汀

前卿

陪盧明府泛舟迴作

孟浩然

百里行春返清流逸興多鷁舟隨鴈泊

一作江火共星

羅已救田家旱仍醫

一作俗化訛文章推後輩風雅激

頽波高岸迷陵谷新聲滿棹歌猶憐不才子白首未登

科

浮槎

序曰遊目川上觀一浮槎之泛然若木偶之

扶疎大則有棟梁舟楫之材小則有輪軸機杼

之用非夫稟乾坤之秀氣含宇宙之淳精孰能

自凌雲曄日之姿抱積雪月霜之骨向使懷材

幽藪藏穎重巖絕望於巖廊之榮遺形於斤斧

之患固可垂鑒萬載懸映九霄與建木較其恒
長將大椿齊其年壽者而委根除岸託其
基由壞括勢以地危豈盛衰之理與乎
時道存乎我一墜泉谷萬里飄淪與波
難離然而遇良工逢仙客牛機可託五
非遙匠石先談萬乘之器何遠故材用與不用
同氣而已哉感而賦詩時諸同疾云爾

駱賓王

昔負千尋質高臨九仞峯貞心凌晚桂勁節掩寒松忽
值風飈折坐爲波浪衝摧殘空有恨擁腫遂無庸渤海
三千里泥沙幾萬重似舟飄不定如梗泛何從仙客終
難託良工豈易逢徒懷萬乘器誰爲一先容

排律

五言

卷四十一

三十九

唐詩所第四十一卷終

唐詩所第四十二卷

排律

前集

晚年敘志

示翟處士正師

王績

弱齡暮奇調無事不兼修望氣登重閣占星上小樓明
經思待詔學劔寬封侯棄繻煩北上懷刺幾西遊中年
逢喪亂非復昔追求失路青門隱藏名白社遊風雲私
所愛屠博暗爲儔解紛曾霸越釋難頗存周晚歲聊長
想生涯太若浮歸來南畝上更坐北谿頭古岸多磐石
春泉足細流東隅誠已謝西景懼難收無謂退耕近伏
念已經秋庚桑逢處跪陶潛見人羞三晨寧舉火五月
鎮披裘自有居常樂誰知身世憂

排律

五言

一

駱賓王

書懷

駱賓王

少年識事淺不知交道難一言芬若桂四海臭如蘭寶
劍思存楚金鎚許報韓虛心徒有託循迹諒無端太息
關山險吁嗟歲月闌忘機殊會俗守拙異懷安阮籍空
長嘯劉琨獨未懽十步庭芳歛三秋隴月圓槐疎非盡
意松晚夜凌寒悲調弦中急窮愁醉裏寬莫將流水引
空向俗人彈

書懷

呈嚴鄭公

杜甫

白水漁竿客清秋鶴髮翁胡爲來幕下祇合在舟中黃
卷真如律青袍也自公老妻憂坐痺幼女問頭風平地

專歌倒分曹失異同禮甘衰力就義忝上官通時肯論
詩早光輝仗鉞雄寬容存性拙剪拂念途窮露衰思藤
架煙霏想桂叢信然龜觸網直作鳥窺籠嶺紆村北
南江繞舍東竹皮寒舊翠椒實雨新紅浪簸船應圻杯
乾甕卽空藩籬生野徑斤斧任樵童束縛酬知己蹉跎
効小忠周防期稍稍太簡遂忽忽曉入朱扉啓昏歸畫
角終不成尋別業未敢息微躬烏鵲愁銀漢驚駘怕錦
幃會希全物色時放倚梧桐

遣悶

地闊平沙岸舟虛小洞房使塵來驛道城日避

一作鳥

排律

五言

二

卷四十二

檐暑雨雷蒸濕江風借夕涼行雲星隱見疊浪月光芒
螢鑒綠帷徹蛛絲罨鬢長哀箏隨凭几鳴笛竟霑裳倚
著如秦贅過逢類楚狂氣衝看劔匣穎脫撫雄蜺妖孽
關東臭兵戈隴右瘡時清疑武畧世亂踟文場餘力浮
于海端憂問彼蒼百年從萬事故國耿難忘

遣興

驥子好男兒前年學語時問知人客姓誦得老夫詩世
亂憐渠小家貧仰母慈鹿門攜不遂鴈足繫難無期
天地軍麾滿山河戰角悲儻歸免相失見日爾敢辭
遲

偶題

文章千古事得失寸心知作者皆殊列名聲豈浪垂騷
人嗟不見漢道盛於斯前輩飛騰入餘波綺麗爲後賢
兼舊例一作歷代各清規法自儒家有心從弱歲疲永
懷江左逸多病鄴中奇驂驥皆良馬麒麟帶好兒車輪
徒已斲堂構肯一作仍虧謾作潛夫論虛傳幼婦碑緣
情慰漂蕩抱疾屢遷移經濟慙長策飛棲假一枝塵沙
傍蜂蠆江峽繞蛟螭蕭瑟唐虞遠聯翩楚漢危聖朝兼
盜賊異俗更喧卑鬱鬱星辰劒蒼蒼雲雨池兩都開幕
府萬寓挿軍麾南海殘銅柱東風避月支音書恨烏鵲
排律五言卷四十二 三

守睢陽作

張巡

接戰春來苦孤城日漸危合圍倖月暈分守名魚麗
厭黃塵起時將白羽揮裏瘡猶出陣飲血更登呬忠信
應難敵堅貞諒不移無人報天子心計欲何施

江陵致幸

杜甫

雄都元壯麗望幸歛威神地利一作西通蜀天文北照
秦風煙含越鳥舟揖控吳人未枉周王駕終期漢武巡
甲兵分聖旨守付宗臣早發雲臺仗恩波起涸鱗

建都

蒼生未蘇息胡馬半乾坤議在雲臺上誰扶黃屋尊建
都分魏闕下詔開荆門恐失東人望其如西極存時危
當雪耻計大豈輕論雖倚三階正終愁萬國翻牽裾恨
不死漏網辱殊恩承負漢庭哭遙憐湘水冤窮冬客江
劍隨事有田園風斷青蒲節霜埋翠竹根衣冠空穰穰
關輔久昏昏願枉長安日光輝照北原

喜聞官軍已臨賊境

胡虜潛京縣官軍擁賊壕鼎魚猶假息穴蟻欲何逃帳
殿羅玄冕轅門照白袍秦山當警蹕漢苑入旌旄路失
排律五言卷四十二 四

羊腸險雲橫雉尾高五原空壁壘八水散風濤今
日看天意遊魂貸爾曹乞降那更得尚詐莫徒勞元帥
歸龍種司空握豹韜前軍蘇武節左將呂虔刀兵氣回
飛鳥威聲沒巨鼇戈鋌開雪色弓矢向秋毫天步艱方
盡時和運更遭誰云遺毒螫已是沃腥臊府想丹墀近
神行羽衛牢花門騰絕漠拓羯渡臨洮此輩感恩至羸
俘何足操鋒先衣染血騎突劒吹毛喜覺都城動悲連
子母號家家賣釵一作釧只待一作獻香一作醪

南極

南極青山衆西江白谷分古城疎落木荒戍密寒雲威

月蛇常見風颯虎或一作忽聞近身皆鳥道殊俗白人掌
驀睨登哀柝蚤一作子孤照夕照亂離多醉尉愁殺李將軍

北風

春生南國瘴氣待北風蘇向晚靈殘日初宵鼓大鑪爽
攜卑濕地聲拔洞庭湖萬里魚龍伏三更鳥獸呼滌除
貪破浪愁絕付摧枯執熱沈沈在凌寒往往須且知寬
疾肺不敢恨危塗再宿煩舟子衰容問僕夫今晨非盛
怒便道卽長驅隱几看帆席雲山湧坐隅

傷春

王首巴閬僻遠傷春罷始知春前已收宮闕

律五言

卷四十二

五

天下兵雖滿春光日自濃西京疲百戰北關任草兒關
塞三千里煙花一萬重蒙塵清露急御宿且誰供殷復
前王道周遷舊國容蓬萊足雲氣應合總從龍
驚入新年語花開滿故枝天青風卷慢草碧水通池牢
落官軍速蕭條萬事危鬢毛元自白淚點向來垂不是
無兄弟其如有別離巴山春色靜北望轉逶迤
日月還相闕星辰屢合圖不成誅執法焉得變危機大
魚鱗兵氣鈞陳出帝畿煙塵昏御道耆舊把天衣行在
諸軍闕來朝大將稀賢多隱屠釣王肯載同歸
再有朝廷亂難知消息真近傳一作聞王在洛復道使歸

秦奪馬悲公主登車泣貴嬪蕭關迷北上滄海欲東巡
敢料安危體猶多老大臣豈無嵒紹血霑灑屬車座
聞說初東幸孤兒却走多難分太倉粟競棄魯陽戈胡
虜登前殿王公出御河得無中夜舞誰憶大風歌春色
生烽燧幽人泣薜蘿君臣重修德猶足見時和

傷秋

村僻來人少山長去鳥微高秋收畫扇久客掩柴扉懶
慢頭時櫛艱難帶減圍將軍猶一作思汗馬天子尚戎衣
白蔣風颯脆殷璉曉夜稀何年減豺虎似有故園歸

西閣

二首

律五言

卷四十二

六

巫山小搖落碧色見松林百鳥各相命孤雲無自心曾
軒俯江壁要路亦高深朱紱猶紗帽新詩近王粲功名
不早立衰疾謝知音哀世非一作無王粲終朝學越吟
懶心似江水日夜向滄洲不道含香賤其如鑷白休經
過湖碧柳蕭索一作悲倚朱樓畢娶何時竟消中得自山
豪華看古往服食寄冥搜詩盡人間興一作意兼須入海
求

到村

碧澗雖多雨秋沙先少泥蛟龍引子過荷芰逐花低老
去參戎幕歸來散馬蹄稻梁須就列榛草卽相迷一作似

思江漢頑疎感町畦暫酬知己分還入故林栖

回棹

宿昔試安命自私猶畏天勞生繫一物爲客費多年衡
嶽江湖大蒸池疫癘偏散才嬰薄俗有跡負前賢巾拂
那開眼餅疊易滿船火雲遊垢賦凍雨裏沈綿強飯蕪
添滑端居茗續煎清思漢水上涼憶峴山巔順浪翻堪
倚回帆又省牽吾家碑不昧王氏井依然几杖將衰齒
茅茨寄短椽灌園曾取適遊寺可終焉遂性同漁父成
功一作異魯連高師煩爾送朱夏及寒泉

水宿呈韋公

排律 五言

卷四十二

七

魯鈍仍多病逢迎遠復迷耳聾須畫字髮短不勝篋澤
國雖勤雨炎天竟淺泥小江還積浪弱纜且長堤歸路
非關北行舟却向西暮年漂泊恨今夕亂離童稚頻
書札盤殮詎糝熬我行何到此物理直難齊高枕翻星
月嚴城疊鼓聲風號聞虎豹水宿伴鳬鷖異縣驚虛往
同人惜解攜蹉跎長泛鷁展轉屢聞雞疑疑瑚璉器陰
陰桃李蹊餘波期救涸費日苦輕齋杖策門闌遂肩輿
羽翮低自傷甘賤役誰慙強幽棲巨海能無釣浮雲亦
有梯勳庸思樹立語默可端倪贈粟困應指登橋柱必
題丹心老未折時訪武陵谿

左遷至西虢官舍南池呈左右省及南宮諸故人

岑參

黜官自西掖待罪歸下陽空積犬馬戀豈思駕鶴行素
多江湖意偶佐山水鄉滿院池月靜卷簾溪雨涼軒窓
竹翠濕案牘荷花香白鳥上衣桁青苔生筆牀數公不
可見一別盡相忘敢恨青瑣客無情華省郎早年迷進
退晚節悟行藏他日能相訪嵩南舊草堂

貶降至汝州廣城驛

鄭愔

近郊憑汝海遐服指江干尚憶趨朝貴方知失路難曙
宮平樂遠秋澤廣城寒岸葦新花白山梨晚葉丹鄉關
排律 五言 卷四十二 八

千里暮歲序四時關函塞雲間別旋門霧裏看夙年追
騷驥暮節仰鵷鷺疲駕勞垂耳騫騰詎矯翰將調梅鉉
實不正李園冠荆玉終無玷隨珠忽已彈曉裝違輦洛
夕夢在長安北上頻傷阮西征未學潘傾車無共轍同
派有殊瀾去去懷知己何由報一餐

從驩州解移住山間水亭贈蘇使君

沈佺期

遇坎卽乘流西南到火洲鬼門應苦夜瘴浦不宜秋歲
貸曾穿老朝飛鼻飲頭死生離骨肉榮辱見朋遊棄置
一身在平生萬事休鷹鷂遭誤逐豺虎怯真投憶昨京

華子傷今邊地囚願陪鸚鵡樂希並鷓鴣留日月渝鄉
思煙花換客愁幸逢蘇伯玉回借水亭幽山柏張青蓋
江蕉卷綠油乘閒無火宅因放有虛舟一作舟適越心當
是居夷迹可求古來堯禪舜何必罪驩兜

答魑魅代書寄家人

魑魅來相問君何失帝鄉龍鐘辭北闕蹭蹬守南荒覽
鏡憐雙鬢沾衣惜萬行抱愁那去國將老更垂堂影荅
余他歲恩思宦洛陽三春給事省五載尚書郎黃閣遊
驚曙青縑御史香扈巡行太液陪宴坐明光渭北昇高
苑河南被袂場煙花恒獻賦泉石每稱觴暇日從休澣

排律 五言

卷四十二

九

高車映道旁迎賓就丞相選士謁昭王侍寵言猶得承
歡謂不忘一朝貽厚譴五宅竟同防兇豎曾驅策權豪
豈易當款顏因侍從接武在文章且懼威非贊寧知心
是狼身猶納履誤情爲覆盆傷可歎緣成業非關行昧
藏喜逢今改旦正朔復歸唐河讖隨龍馬天書逐鳳凰
朝容欣舊則宸化美初綱告善雕旌建收寬錦旆張幸
臣更獻納郡守各明揚禮樂移三統舟車會八方雲沙
降日逐一作秦隴獻燒當三赦重天造千推極國詳大
招思復楚千役限維桑漲海緣真臘崇山壓古棠雕題
飛棟宇儋耳間衣裳伏枕神餘劣加餐力未強空庭遊

翡翠窮巷倚枕柳綠體分殊昔回眸宛異常吉凶恒委
鄭年壽會詢唐家本傳清白官移重挂牀上京無薄產
故里絕窮莊碧玉先時費蒼頭此自將興言歎家口何
處待贏糧計吏從都出傳聞大小康降除沾二弟離折
已三房劒外懸銷骨荆南預斷腸音塵黃耳間夢想白
眉良復此單棲鶴銜雛願遠翔何堪萬里外雲海已漠
茫戚屬甘胡越聲名任糝糠由來休憤命命也信蒼蒼
獨坐尋周易清晨詠老莊此中因悟道無問入猖狂

移禁司刑

疇昔參鄉賦中年忝吏途丹唇曾學史白首不成儒天

排律 五言

卷四十二

十

子開昌籙羣生偶一作遇大爐散材仍葺夏弱羽遽搏扶
寵邁乘軒鶴榮過食稻鳬何功遊畫省何德理黃樞弔
影慙非據傾心事遠圖盜泉寧止渴惡木匪投軀任直
翻多毀安身遂少徒一朝逢紕謬三省竟無虞白簡初
心屈黃紗一作沙始望孤患平終不怒持劾每相驅埋劍
誰當辨偷金以自誣誘言雖委荅流議亦真符首夏方
憂園高秋獨向隅嚴城看熠燿圍戶對蜘蛛累餉唯妻
子披冤是友于物情牽倚伏人事限榮枯門客心誰在
鄰交迹儻無撫襟雙涕落危坐百憂趨聖旨垂明德冤
囚豈濫誅會希恩免理終望罪矜愚司寇宜哀獄台庭

幸恤辜漢皇虛詔上容有報恩珠

幽繫書情通簡知已

駱賓王

昔歲逢揚意

一作陽

一作觀

一作貴

楚材穴疑丹鳳起場似

白駒來一命淪

一作淪

一作淪

一作淪

三緘慎禍胎不言勞倚伏忽此違

逋迴馳馬刑章峻

一作峻

一作峻

一作峻

鷹獄吏猜絕一縑非易辨疑壁

果難裁揆畫

一作拙

一作拙

一作拙

慙周道里端憂滯夏臺生涯一滅

裂岐路幾徘徊

一作陸

一作陸

一作陸

春芳動黃沙旅思催圓扉長寂寂

疎網尚恢恢

一作入

一作入

一作入

穿先方搖尾迷津正曝顯覆盆徒望

日蟄戶未驚雷

一作雷

一作雷

一作雷

歇蘭猶敗風多木屢摧地幽蠶室閉

門靜雀羅開

一作自

一作自

一作自

憫秦冤痛誰憐楚奏哀漢陽窮鳥客梁

排律 五言 卷四十二 十一

甫臥龍才有氣還衝斗無時會鑿坏莫言韓長孺長作

不然灰

赦歸在道中作

張說

陳焦心息盡死意不期生何幸光華旦流入歸上京愁

將網共解眼與代俱明復是三階正還逢四海平誰能

定禮樂爲國著功成

赦到不得歸題江上石

沈佺期

家住東京裏身投南海西風煙萬里隔朝夕幾行啼聖

主謳歌洽賢臣法令齊忽聞銅柱使走馬報金雞棄市

沾皇渥投荒漏紫泥魂疲山鶴路心醉站鳶谿天鑒誅

元惡宸慈恤遠黎五方思寄刃萬姓喜然臍自幼輪丹

懇何嘗玷白圭承言竄遐魅雪往間深徃墳壠無由謁

京華豈重躋炎方誰謂廣地盡覺天低百卉雜殊恠昆

蟲理賴際閉藏元不蟄搖落反生莠瘡瘡因茲苦窮愁

益復迷火雲蒸毒霧陽雨濯陰霓周乘安交趾王恭輯

畫題少寬窮涸鮒猶慙觸藩抵配宅鄰州解斑苗接野

畦山空聞闕象江靜見游犀翰墨思諸季裁縫憶老妻

小兒應離祿幼女未攀笄夢蝶翻無定著龜詎有倪誰

能竟此曲曲盡氣酸嘶

奉和幸長安故城未央宮

宋之問

排律 五言 卷四十二 十二

漢王未息戰蕭相乃營宮壯麗一朝盡威靈千載空皇

明悵前跡置酒宴羣公寒輕綵仗外春發幔城中樂思

迴斜日歌詞繼大風今朝天子貴不假叔孫通

前題

李嶠

舊宮賢相築新苑聖君來運改城隍變年深棟宇摧後

池無復水前殿久成灰莫辯祈風觀空傳承露杯宸心

千載合睿律九韶開今日聯章處猶疑上柏臺

前題

趙彥昭

鳳駕移天暉憑軒覽漢都寒煙收紫禁春色繞黃圖舊

史遺陳迹前王失霸符山河寸土盡宮觀尺椽無崇高

惟在德壯麗豈爲謨茨室留皇鑒薰歌盛有虞

前題

劉憲

漢宮千祀外軒駕一來遊夷蕩長如此威靈不復留憑
高睿賞發懷古聖情周寒向南山歛春過北渭浮土功
昔云盛人英今所求幸聽薰風曲方知霸道羞

前題

李义

鳳輦乘春陌龍山訪故臺北宮纔盡處南斗獨昭回肆
覽飛宸札稱觴引御杯已觀蓬海變誰厭柏梁災代挹
孫通禮朝稱賈誼才忝儕文雅地先後各時來

初冬從幸漢故青門

應制

沈佺期

排律

五言 卷四十二

十三

漢王建都邑渭水對青門朝市俱東逝墳陵共北原荒
涼蕭相闕蕪沒邵平園全盛今何在英雄難重論故基
仍嶽立遺堞尚雲屯當極土功壯安知人力煩天遊戒
東首懷昔駐龍軒何必金湯固無如道德藩微臣諒多
幸參乘偶殊恩預此陳古事敢奏興亡言

過故宋

駱賓王

舊國千年盡荒城四望通雲浮非隱帝日舉類遊童綺
琴朝化洽祥石夜論雄馬去遙奔鄭蛇分近帶豐池文
歛束水竹影漏寒叢園兔承行月川禽避斷風故宋誠
難定從梁事未工唯當過周客獨愧吳臺空

次舊吳

維舟背楚服振策下吳畿盛德弘三讓雄圖枕九圍黃
池通霸迹一作赤壁暢戎威文物俄遷謝英靈有盛衰
行歎鴟夷沒遽惜湛盧飛地古煙塵暗年深館宇稀山
川四望是人事一朝非懸劒空留信亡珠尚識機鄭風
遙可託關月眇難依西北雲逾滯東風氣轉微徒懷伯
通隱多謝買臣歸唯有荒臺露薄暮濕征衣

新豐懷古

貽殷四校書

儲光義

漢皇思舊邑秦地作新豐南出華陽路西分長樂宮安
知天地久不與昔年同雞犬暮聲合城池秋霽空紛吾

排律

五言 卷四十二

十四

從此去望極咸陽中不見芸香閣徒思文雅雄

商洛山行懷古

張九齡

園綺值秦末嘉遁此山阿陳迹向千古荒途始一過碩
人久淪謝喬木自森羅故事昔嘗覽遺風今豈訛泌泉
空活活樵叟獨瞻瞻是處清暉滿從中幽興多長懷赤
松意復憶紫芝歌避世辭軒冕逢時解薜蘿盛明今在
運吾道竟如何

峴山懷古

陳子昂

秣馬臨荒甸登高覽舊都猶悲墮淚碣尚想臥龍圖城
邑遙分楚山川半入吳丘陵徒自出賢聖幾凋枯野樹

吳松江懷古

宋之問

宿帆震澤口曉渡松江潰糧發魚龍氣舟衝鴻鴈羣寒
潮頓覺滿暗浦稍將分氣出一作赤海生日光清湖起雲
水鄉盡天衛嘆息爲吳君謀士伏劍死至今悲所聞

襄陽懷古

望峴山作

張九齡

昔年亟攀踐征馬復來過信若山川舊誰如歲月何蜀
相吟安在辛公碣已磨令圖猶寂寞嘉會亦蹉跎宛宛
樊城岸悠悠漢水波逶迤春日遠感寄客情多地本原
林秀朝來烟景和同心不同賞留歎此巘阿

排律 五言

卷四十二

十五

白帝懷古

陳子昂

日落滄江晚停橈問土風城臨巴子國臺沒漢王宮荒
服仍周甸深山尚禹功巘懸青壁斷地險碧流通古木
生雲際孤帆出霧中川途去無限客思坐何窮

長洲懷古

孫逖

吳王初鼎峙羽獵騁雄才輦道閭門出軍容茂苑來山
從列嶂轉江自繞林迴劒騎緣汀入旌門隔嶼開合離
紛若電馳逐溢成雷勝地虞人守歸舟漢女陪可憐夷
漫處猶在洞庭隈山靜吟猿父城空應雉媒戎行委喬
木馬跡盡黃埃攬涕問遺老繁華安在哉

江寧懷古

玄武湖作

張九齡

南國更數世北湖方十洲天清華林苑日晏景陽樓果

下迴仙騎津傍駐綵旂

墟一作

鳬鷺喧鳳管荷菱闌一作暗

龍舟七子陪詩賦千人和棹謳應言在錦樂不讓橫汾

秋風俗因紆慢江山成易由駒王信不武孫叔是無謀

運爭三國康時劣九州山雖幕府在館豈豫章留水淀

還相閱菱歌亦故道雄圖不足問唯想事風流

金陵懷古

月夜作

李白

蒼蒼金陵月空懸帝王州天文列宿在霸鼎一作業大江

排律 五言

卷四十二

集

鼎一作業大江

流淥水絕馳道青松摧古丘臺傾圯觀宮沒鳳凰樓
別殿悲清暑芳園罷樂遊一聞歌下樹蕭瑟後庭秋

登輿王臺

宋之問

江上粵王臺登高望幾回南溟天外合北戶日邊開
濕烟常起山晴雨半來冬花採盧橘夏果摘楊梅跡
類虞翻枉人非賣誼才歸心不可見白髮重相催

陪王司馬登薛公逍遙臺

雖層宇落構而遺制不泯

然臣主相雋英則薛公通辭之所願也
客奪季出守女隅宣作臺榭以崇賓蓋因江
下遠心有以清將孤憤舒曠售辰寄文翰
杜宣卿蛋流而未泯今司馬公英達好古清興

滿時亦有作于貴臣道未行于明主以長其
國同賈誼之謫居六安遠却無恒譚之不來
不異遠必數政以愛人瞻當益堅已用懷而樂
地屬府庭開殿江浦清明南土陽和覺寒秋之
向盡東郊候暖愛春色之先來于足命輕騎以
乘流趣高臺而四望楚荒煙披古道蹟隱崎嶇
三休俯仰綿綿而四極其遠則烟連井城指顧
以南馳雲合山川拒荆吳而北走其近則深谿
見底鍾介之所出也意神期之可接生波渡闊
悠哉薛公無不寄也意神期之可接生波渡闊
想風景之不殊剪為茂草可馬公又以馬見山
故事感羊祜以興言相水遺風懷屈原而可作
况登高能賦得無述焉其實小人受教君子雖
義之美會稽之士自與許詢而主學禮學童之
人復裕徐孺是也也雙天在焉俱惟正才希哲
下列祇命為序請各言詩

張九齡

常聞薛公淚非直雍門琴竄逐留遺跡悲涼見此心府

排律

卷四十二

十七

中因暇豫江上幸招尋人事已成古風流獨至今閒情
多感歎清景覽登臨無復甘棠在空餘蔓草深晴光送
遠目勝氣入幽襟水去朝滄海春來換翠碧林賦懷
湘浦弔碑想漢川沈曾是陪遊日徒為梁父吟

登辟陽城

高適

荒城在高岸凌眺俯清淇傳道漢天子而封審食其奸
淫且不戮芋土孰云宜何得英雄主返令兒女欺毋儀
良已失臣節豈如斯太息一朝事乃今人所嗤

入彭蠡經松門觀石鏡緬懷謝康樂題詩書遊覽

之志

李白

謝公之彭蠡因此遊松門余方窺石鏡兼得窮江源欲
將繼風雅豈徒清心魂前賞逾所見後來道空存况屬
臨汎美而無洲渚喧漾水向東去漳流直南奔空濛三
川夕迴合千里昏青桂隱遙月綠楓鳴愁猿水碧或可
采金精秘莫論吾將學仙去冀與琴高言一作謝公入
松門余方窺石鏡兼得窮江源前賞逾所見後來道空
存而欲繼風雅豈徒清心魂雲海方助與波濤何足論
附振衣去羽化出羣煩

經河上公廟

玄宗

昔聞有耆叟河上獨遺榮跡與塵囂隔心將道德并詎
以天地累寧為寵辱驚矯然翔寥廓如何屈堅貞玄玄

排律

卷四十二

十八

妙門啓肅肅祠宇清冥漠無先後那能紀姓名

奉和

張說

河上無名老知非漢代人先探道德要留待聖明晨玄
妙為天下清虛用谷神化將和氣一風與太初隣靈廟
觀遺像山歌入至真皇心齊萬物何處不同塵一作春

奉和

蘇頌

河流無日夜河上有神仙輦路曾經此壇場即宛然下
凝成洞穴高若在空中煙善物遺方外和允遶道邊事因
周史得言與一作漢王傳喜屬膺期聖邦家業又玄

奉和

張九齡

昔者河邊叟誰知隱與仙姓名終不識章句此空傳跡
爲坐忘晦言由強著詮精靈竟何所祠宇獨依然道在
紆宸睠風行動膚篇從茲化天下清淨復何先

冬日洛城北謁玄元皇帝廟

廟在吳道子畫像之西
唐天寶初玄元皇帝
降于丹鳳門之通衢告錫靈符在尹喜之故宅
上遣使得之乃置廟于大寧坊五聖圖即高祖

太宗高宗中宗睿宗也

杜甫

配極玄都闕憑高禁籙長守祧嚴具禮掌節鎮非常碧
瓦初寒外金莖一氣旁山河扶繡戶日月近雕梁仙李
盤根大倚蘭奕葉光世家遺舊史道德付金王畫手看
前輩吳生遠擅場森羅移地軸妙絕動宮牆五聖聯龍
排律五言卷四十二 十九

桂州黃潭謁舜祠

宋之問

虞世巡百越相傳葬九疑精靈遊此地祠宇一作日光
輝禋祭忽羣望丹青圖二妃神來獸率舞仙去鳳還飛
日暝山氣落江空潭靄微帝鄉三萬里乘彼白雲歸

謁禹廟

夏王乘四載茲地發金符峻命終不易報功疇敢渝先
驅總昌會後至伏靈誅玉帛空天下衣冠照海隅旋聞

厭黃屋更道出蒼梧林表祠轉茂山阿井詎枯舟遷龍
負壑田變鳥耘蕪舊物森如在天威肅未殊玄夷屆瑤
席玉女侍清都奕奕局闔一作閭遠軒軒仗衛趨氣青連
曙海雲白洗春湖猿嘯有時答一作禽言常自呼靈歆
異蒸精至樂匪笙竿萊殿今文襲梅梁古製無運逢日
崇麗業盛荅昭蘇伊昔力云盡而今功尚敷揆材非美
箭精享愧生芻郡職昧爲理邦空寧自誣下車霰已積
攝事露行濡人隱冀多祐曷唯霑薄軀

前題

徐浩

畝澮敷四海川源滌九州旣膺九

錫乃建洪範疇鼎

排律五言卷四十二

二十

革固天啓運興匪人謀肇開宅土業永庇昏墊憂山足
靈廟在門前清鏡流象筵陳玉帛容衛儼戈矛探穴圖
書朽卑宮堂殿脩梅梁今不壞松栢古仍留負責故鄉
近竭來申俎羞爲魚知造化歎鳳仰徽猷不復聞夏樂
唯餘奏楚幽婆娑非舞羽鏜鞳異鳴球盛德吾無間高
功誰與儔災淫破凶慝祚聖擁神休出谷罵初語空山
猿獨愁春暉生草樹柳色嘯汀洲恩貸題輿重榮殊衣
錦遊宦情同械繫生理任桴浮地極臨滄海天遙過斗
牛精誠如可諒他日寄冥搜

謁先主廟

杜甫

慘淡風雲會乘時各有人力侔分社稷志屈偃經綸復
漢留長策中原仗老臣雜耕心未已歐血事酸辛霸氣
西南歇雄圖層數屯錦江元過楚劍閣復通秦舊俗存
祠廟空山泣鬼神虛簷交鳥道枯木半龍鱗竹送清谿
月苔移玉座春間闔兒女換歌舞歲時新絕域歸舟遠
荒城繫馬頻如何對搖落況乃久風塵孰與關張並功
臨耿鄧親應天才不小得士契無鄰遲暮堪帷幄飄零
且釣繆向來憂國淚寂寞灑衣巾

諸葛廟

久遊巴子國屢入武侯祠竹日斜虛寢谿風滿薄帷君
排律 五言 卷四十二 二十二

臣當共濟賢聖亦同時翊戴歸先主并吞更出師蟲蛇
穿畫壁巫覡醉蛛絲歛憶吟梁甫躬耕起未遲

行次昭陵

太宗陵在醴泉縣西

舊俗疲庸主羣雄問獨夫識歸龍鳳質威定虎狼都天
屬尊堯典神功協禹謨風雲隨絕足日月繼高衢文物
多師古朝廷半老儒直詞寧戮辱賢路不崎嶇往者災
猶降蒼生喘未蘇指麾安率土蕩滌撫洪爐壯士悲陵
邑幽人拜鼎湖玉衣晨自舉鐵馬汗常趨松柏瞻虛作
靈殿塵沙立噴途寂寥開國日流恨滿山隅

重經昭陵

草昧英雄起謳歌曆數歸風塵三尺劍社稷一戎衣翼
亮貞文德丕承哉武威聖圖天廣大宗祀日光輝陵寢
盤空曲熊羆守翠微再窺松柏路還見五雲飛

過楚妃墓

序曰郢城西北有古塚數十觀其封域多是楚時諸王而年代久遠不復可識唯直西有樊妃塚因後人為植松柏故行路盡知之

張九齡

蘋藻生南澗蕙蘭秀中林嘉名有所在芳氣無幽深楚
子初逞志樊妃嘗獻箴能令更擇士非直罷從禽舊國
皆湮滅先王亦莫尋唯傳賢媛隴猶結後人心牢落山
川意蕭疎松柏陰破墻時直上荒徑或斜侵惠問終不
絕風流獨至今千春思窈窕黃鳥復哀音

排律 五言

卷四十二

二十二

過四皓墓

李白

我行至商洛幽獨訪神仙園綺復安在雲蘿尚宛然荒
涼千古跡蕪沒四墳連伊昔鍊金鼎何年閉玉泉隴寒
惟有月松古漸無烟木魅風號去山精雨嘯旋紫芝高
詠罷青史舊名傳今日併如此哀哉信可憐

過王濬墓

奉和聖製

張說

牛斗三分國龍驤一統年智高寧受制風急肯迴船有
策擒吳謁一作無言讓范宣援孤因勢屈功重為讒偏
舊迹灰塵散枯墳故老傳百代逢明主何辭死道邊

前題

張九齡

漢王思鉅鹿晉將在弘農入蜀舉長筭平吳成大功與
渾雖不協歸皓實爲雄孤績淪千載流名感聖衷萬乘
度荒隴一顧凜生風古節猶不棄今人爭効忠

過張平子墓

駱賓王

西鄂該通理南陽擅德音厄浮藻麗銅渾積思深忽
懷今日昔非復昔時今日落豐碑暗風來古木吟惟歎
窮泉下終鬱美魚心

登水門樓見亡友張貞期題望黃河詩因以感興

崔曙

吾友東南美昔聞登此樓人從一作川上逝書向一作

排律五言卷四十二

二十三

壁中留嚴子好真隱謝公躋遠遊清風初作頌暇日復

銷憂

一作時與文字古跡隨

一作山水幽已孤

蒼生望

空

一作見黃河流流落年

一作落春

將晚悲涼物已一作

秋天高不可問掩泣赴行舟

過沈居士山居哭之

王維

楊朱來此哭桑扈返於真獨自成千古依然舊四鄰間
簷喧鳥鵲故榻滿埃塵曙月孤鶯囀空山五柳春野花
愁對客泉水咽迎人善卷明時隱黔婁在日貧逝川嗟
爾命丘井歎吾身前後徒言隔相悲詎幾晨

夜聞故梓州韋使君明當引紼感而成章

蘇頌

惻矣南鄰問冥然東岱幽里聞寧相杵朝歎忽遷舟君
心惟伯仲吾人復款遊對連時亦早交喜歲纔周序發
扶陽贈文因司寇酬詎期危露盡相續逝川流卧疾無
三弔居間有百憂振風吟一作鼓夕明月照誰秋辭駁
題詩館楊疎奏伎樓共將歌哭歎轉爲弟兄留感物存
如夢觀生去若浮余非忘情者雪涕報林丘

送盧十四弟侍御護韋尚書靈輓歸上都

杜甫

素幕渡江遠朱幡登陸微悲鳴駟馬顧失涕萬人揮參

排律五言

卷四十二

二十四

佐哭辭卑門闌誰送歸從公伏事久之子俊才稀長路

更執紼此心猶倒衣感恩義不小懷舊禮無違慕待龍

驥詔臺迎獬豸威深衷見士則雅論在兵機戎狄乘妖

氣塵沙落禁闈往年朝謁斷他日掃除非但促銅壺箭

休添玉帳旂動詢黃閣老肯慮白登圍萬姓瘡痍合羣

兒嗜慾肥刺規多諫諍端拱自光輝儉約前王體風流

後代希對歎期特達衰朽再芳非空裏愁書字山中疾

採薇撥杯要忽罷抱被宿何依眼冷看征蓋兒扶立釣

磯清霜洞庭葉故就別時飛

和姚令公哭李尚書又

張九齡

貴賤雖殊等平生竊下風雲泥勢已絕山海納還通忽
歎登龍者翻將弔鶴同琴詩猶可託劍履獨成空時昔
嘗論禮興言每匪躬人思崔琰議朝掩祭遵公作善神
何酷依仁命不融天文虛北斗人事罷南宮上宰既傷
舊下流彌感衷無恩報國士徒欲問玄穹

哭李尚書

杜甫

漳濱與蒿里逝水竟同年欲挂留徐劍猶迴憶戴船相
知成白首此別間黃泉風雨嗟何及江湖涕泫然修文
將管輅奉使失張騫史閣行人在詩家秀句傳客亭鞍
馬絕旅櫬網蟲懸復魄昭丘遠歸魂素瀟偏樵蘇封塋
排律五言 卷四十二 二十五

哭韋大夫之晉

悽愴郇瑕邑差池弱冠年士人叨禮數文律早周旋臺
閣黃圖裏簪裾紫蓋邊尊榮真不忝端雅獨翛然貢喜
音容間馮招疾病纏南過駭倉卒北思怕聯綿鵬鳥長
沙諱犀牛蜀郡憐素車猶慟哭寶劍欲高懸漢道中興
盛韋經亞相傳冲融標世業磊落映時賢城府深朱夏
江湖眇霽天綺樓高一作樹頂飛旒泛堂前帝幕旋風
燕笳簫急暮蟬興殘虛白室跡斷孝廉船童孺交遊盡
喧卑俗事牽老來多涕淚情在強詩篇誰繼方隅理朝

難將帥權春秋褒貶例名器重雙全

哭金部韋郎中

盧照鄰

金曹初受拜玉地始含香翻同五日尹遽見一星亡賀
客猶扶路哀人遂上堂歌筵長寂寂哭位自蒼蒼歲時
賓徑斷朝暮雀羅張書留魏主閣魂掩漢家牀徒令永
平帝千載罷撞郎

同崔錄事哭鄭員外

文學秋天遠郎官星位尊伊人表時彥飛譽滿司存楚
席光文雅瑤山侍討論鳳詞凌漢閣龜辯罩周圍已陪
東嶽駕將逝北溟鯢如何萬化盡空嘆九飛魂白馬西
京驛青松北海門夜臺無曉箭朝莫有虛樽一代儒風
沒千年隴霧昏梁山送夫子湘水弔王孫僕本多悲淚
沾裳不待猿聞君絕弦曲吞恨更無言

哭蔣詹事儼

崔融

江上有長離從容盛羽儀一鳴自獸舞一舉羣鳥隨應
我聖明代巢君阿閣垂鈞陳侍帷展環衛奉旌麾雅量
洽海納光才廟廊施養親光孝道事主竭忠規貞節既
已固殊榮良不訾朝遊雲漢省夕宴芙蓉池汲黯言當
直陳平智本奇功成喜身退時往惜年馳鎮國山基毀
中天柱石頽將軍空有頌刺史獨留碑蕪漫藏書壁荒

涼懸劍枝昔余參下位數載忝牽羈置榻恩逾重迎門
禮自卑竹林常接興黍谷每逢吹逸翰金相發清談玉
柄撫不輕文舉少深嘆子雲疲遺愛猶如在殘編尚可
窺卽今流水曲何處俗人知

哭補闕亡友某母學士

王灣

明代資多士儒林得異才書從金殿出人向玉墀來詞
學張平子風儀褚彥回崇儀希上德近侍接元台曩契
心期早今遊宴賞陪屢遷君擢桂分尉我從梅忽遇乘
輶客云傾構厦材泣爲洹水化歎作泰山頽冀善初將
慰尋言半始猜位聯情易感交密痛難裁遠日寒旌暗
排律 五言 卷四十二 二十七

長風古挽哀寰中無舊業行處有新苔反哭魂猶寄終
喪子尚孩墓田門吏給墳木路人栽遽洩悲成往俄傳
寵令迴玄經貽石室朱紱耀泉臺地古春長閉天明夜
不開登山一臨哭揮淚滿蒿萊

傷王七秘書監寄呈揚州陸長史通簡府僚廣陵

好事

宋之問

王氏貴先宗衡門樓道風傳一作得心晤有物秉化遊無
窮學與九流異機玄三語同書乃墨場絕文稱詞伯雄
白屋藩魏主蒼生期謝公一紙賢良詔遂謁承明宮補
袞望奚塞尊儒位未充罷官七門裏歸老一丘中嘗忝

長者轍微言私謂通我行會稽郡路出廣陵東物在人
已矣都疑淮海空

哭郎著作

鄭愔

詩禮康成學文章賈誼才已年人得夢庚日鳥爲災書
草藏天閣琴聲入夜臺荒階羅駭薛虛座網一作浮埃
白馬賓從散青烏隴隧開空憐門下客一作悲涼懷舊
幾遲迴

哭蘇眉州崔司業二公

序曰同時郎裴懷古者作牧潭府神龍三年秋八月

使君承恩北歸途中觀止訪及故舊知眉州蘇
往任鳳閣侍郎崔司業融馳旋間相次而逝蘇
舍人任期又還給事並街衢昔之眷俱荷提獎
之恩前年負譴南荒二公先後官守迤邐內閣
情理何堪所歎遂窺有期行邁在遠哀不展舊
禮不申卑流慟斯文冀通幽路

排律

五言 卷四十二

二十八

沈佺期

渙汗天中發伶俜海外旋長沙遇太守問舊幾人全國
寶亡雙傑天才喪兩賢大名齊弱歲高德並中年禮樂
羊叔子文章王仲宣一作風鑑王夷甫文章謝惠連相看尚玄鬢相次
入黃泉流放蠻陬闊鄉關帝里偏親朋雲霧擁生死歲
時傳崔君揮宸翰蘇嘗濟巨川絳衣陪下列黃閣謬差
肩及此俱冥昧云誰叙播遷隼興懷舊轍鱣館想虛筵
家受方休梓里慈更撤縣銘旌西蜀路騎吹北邙田隴
樹應秋矣江帆故杳然罷琴明月夜留劒白雲天涕泗

湘潭水淒涼衡嶠煙古來脩短分神理竟難筌

哭王彭州掄

杜甫

執友驚淪沒斯人已寂寥新文生沈謝異骨降松喬北
部初高選東堂早見招蛟龍纏倚劍鸞鳳夾吹簫歷職
漢庭久中年胡馬驕兵戈聞一作兩觀寵辱事三朝蜀
路江干窄彭門地里遙解龜生碧草諫獵阻青霄頃壯
戎麾出叨陪幕府要將軍臨氣候猛一作士塞風颶井
渫泉誰汲烽疎火不燒前籌多自暇隱几接終朝翠石
俄雙表寒松竟後凋贈詩焉敢墜染翰欲無聊再哭經
過罷離魂去住銷之官方玉折寄葬與萍漂曠望渥洼

排律五言

卷四十二

二十九

道霏微河漢橋夫人先卽世令子各清標巫峽長雲雨
秦城近斗杓馮唐毛髮白歸興日蕭蕭

哭台州鄭司戶蘇少監

故舊誰憐我平生鄭與蘇存亡不重見喪亂獨前途豪
俊何人一作誰在文章掃地無羈遊萬里闊凶問一年俱
白日中原上清秋大海隅夜臺當北斗泉路宵一作東
吳得罪台州去時危棄碩儒移官蓬閣後穀貴沒潛夫
流慟嗟何及銜冤有是夫道消詩發興心息酒爲徒許
與才雖薄追隨跡未拘班揚名甚盛嵇阮逸相須會取
君臣合寧詮品命殊賢良不必展廊廟偶然趨勝決風

塵際功安一作名造化鑪從容諮詢舊學慘淡閱陰符擺落

嫌疑久哀傷志力輸俗依綿谷異客對雪山孤童稚思

諸子交期列友于情垂清酒送望絕撫墳呼瘡病餐巴

水瘡痍老蜀都飄零迷哭處天地日榛蕪

傷祝阿王明府

序曰夫心之悲矣非關春秋之氣

感則萬緒動輒端情應則百憂交輪是以宣尼舊
館流涕動激楚之悲孟嘗高臺水榭下聞琴之
淚祝阿王明府輒德丹穴襲古黃裳靈臺基峙金
闕之峰層閣原秋上輪之坂既而鴻飛新陸將騁
平輿之龍鶴鳴在陰爰絳朝歌之驪乃當名懸
關月德貫陳星豈徒遽切夢瓊奄沈連石嗟乎
輪銷桂魄驪珠毀貝闕之前斗散紫氣龍劍沒
延平之水某昔承嘉惠曲荷恩光留連嘯歌從
容風月撫心陳迹泣血連然而始終者萬物
之大歸生死者百年之常分雖則知理之可有

排律五言

卷四十二

三十

而未時情之可無聊終悲歌最賤司好諸君或
締交三益列宰一司或叶契至歸投心契深如
比肩於千里遠傷魂於九原既切之焚彌深過
數盡言四始共賦七哀中蘭室流薰蕙道芳而
化德故蓬心申拙效庸音於起子駱賓王

洛川真氣上重泉惠政融含章光後烈繼武嗣前雄與

善一作契良難驗生涯忽易窮翔鳬猶化履狎雉尚馴童

錢滿荒階綠塵浮虛帳紅夏餘將宿草秋近未驚蓬煙

晦泉門閉日盡一作遠夜臺空誰堪孤隴外獨聽白楊風

傷始平李少府正已

褚亮

勞息本相循悲歡理自均誰能免玄夜惜爾正青春邁
德惟家寶生才諒國珍高文綴翡翠茂學掩麒麟述作

紛無已言談妙入神斷腸雖累月分手未盈旬輔嗣俄
長往顏生卽短辰聲華滿昭代形影委窮塵禪草廻中
使生芻引弔賓同遊祕府日方駕直城闈並拜黃圖右
分曹清渭濱風期嵇呂好存歿張親虛座憐懷王
述遺篇慟景純精靈與毫翰千祀壽何人

同旻上人傷壽安傅少府

陳子昂

生涯良浩浩天命固諄諄聞道神仙尉懷德遂爲隣疇
昔逢堯日衣冠仕漢辰交遊紛若鳳詞翰宛如麟
太息勞黃綬長思謁紫宸金蘭徒有契玉樹已埋塵把
臂雖無託平生固亦親援琴一流涕舊館幾霑巾杳杳
排律五言卷四十二 三十一

泉中夜悠悠世上春幽明長隔此歌哭爲何人

哭明堂裴簿

盧照隣

締歡三十載通家數百年潘楊稱代穆秦晉忝姻連風
雲洛陽道花月茂陵田相悲共相樂交騎復交筵始謂
調金鼎如何掩玉泉黃公酒壚處青竹林前故琴無
復雪新樹但生煙遽痛蘭襟斷徒令寶劍懸客散同秋
葉人亡似夜川送君一長慟松臺路幾千

哭稽司馬

王維

妄識皆心累浮生定死媒誰言老龍吉未免伯牛災故
有求仙藥仍餘遜俗杯山川秋樹苦牕戶夜泉哀尚憶

青螺去寧知白馬來漢臣修史記莫藏諸生十

哭祖六自虛

石極嘗聞泰嗟君獨不然憫凶纔稚齒羸疾上
年餘力文章秀生知禮樂全翰留天帳覽詞入帝宮傳
國訐終軍少人知賈誼賢公卿盡虛左朋識共推先不
恨依窮轍終期濟巨川才雄望羔鴈壽促背韶蟬福善
聞前錄殲良昧上玄何辜鍛鸞駟底事碎龍泉鶴起長
沙賦麟終曲阜編域中君道廣海內我情偏乍失疑猶
見沈思悟絕緣生前不忍別死後向誰宣爲此情難盡
彌令憶更纏本家清渭曲歸葬舊塋邊永去長安道徒
排律五言卷四十二 三十二

開京兆阡旌車出郊甸鄉國隱雲天定作無期別寧同
舊日旋候門家屬苦行路國人憐送客哀難進征途泥
復前贈言爲挽曲奠席是離筵念昔同攜手風期不暫
捐南山俱隱逸東洛類神仙未省音容間那堪生死遷
花時金谷飲月夜竹林眠滿地傳都賦傾朝看藥船羣
公咸屬目微物敢齊肩謬合同人旨而將玉樹連不期
先掛劍長恐後施鞭爲善吾無矣知音子絕焉琴聲縱
不沒終亦斷悲絃

哭故人

喬知之

生死久離居淒涼歷舊廬歎茲三徑斷不踐十年餘古

木巢禽合荒庭愛客疎匣留彈罷劍牀積讀殘書王淡
終無像蘭言強問虛平生不得意泉路復何如

和崔司空傷姬人

楊炯

昔時南浦別鶴怨寶琴弦今日東方至驚銷珠鏡前水
流銜砌咽月影向窓懸粧匣悵餘粉薰爐滅舊煙晚庭
摧玉樹寒帳委金蓮佳入不再得雲日幾千年

排律五言

卷四十二

三十三

唐詩所第四十二卷

唐詩所第四十三卷

排律

前集

謁并州興國寺

太宗

迴鑾遊福地極目翫芳晨梵鍾交二響法日轉雙輪寶
刹遙承露天花近足春未佩蘭猶小無絲柳尚新圓光
低月殿碎影亂風筠對此留餘想超然離俗塵

奉和幸大薦福寺

寺即中宗舊宅

李嶠

鴈沼開香城鸚鵡林降綵旃還窺圖鳳宇更坐濯龍川桂
舉朝羣辟蘭宮列四禪半空銀閣斷分砌寶繩連甘雨
蕪焦一作中澤慈雲動沛篇獨慙賢作礪空喜福成田

前題

趙彥昭

排律五言

卷四十三

一

寶刹

地龍飛後金一作今

身佛現時千花開國界萬善

累皇基北闕承行幸西園屬住持天衣拂舊石王舍起
新祠刹鳳迎瑠輦幡虹駐綵旗同沾小雨潤竊仰一作詠

大風詩

前題

劉憲

地靈傳景福天駕儼鈞陳佳哉藩邸舊赫矣梵宮新香
塔魚山下禪堂鴈水濱珠幡映白日鏡殿寫青春甚歡
延故吏大覺拯生人幸承歌頌末長奉屬車塵

前題

一作宋之問

沈佺期

梵筵光聖邸遊豫覽宏規不改靈光殿因開功德池蓮

生新步葉桂長昔攀枝湧塔庭中見飛樓海上移聞韶
三月幸觀象七星危欲識龍歸處朝朝一作雲氣隨

前題

宋之問

香刹中天起宸遊滿路輝乘龍太子去駕象法王歸殿
飾金人影牕搖玉女扉稍迷新草木遍識舊庭闌水入
禪心定雲從寶思飛欲知皇劫遂初拂六銖衣

前題

鄭愔

舊邸三乘闢佳辰萬騎留蘭圖奉葉偁芝蓋拂花樓國
會人王法宮還天帝遊紫雲成寶界白水作禪流鴈塔
昌基遠鸚鵡林睿藻一作抽欣承大風曲竊預小童謳

排律 五言

卷四十三

二

前題

李义

象設隆新宇龍潛想舊居碧樓披玉額丹仗導金輿代
日興光近周星掩曜初空歌清沛筑梵樂美河書帝造
環三界天文貴六虛康哉孝理日崇德在真如

奉和幸三會寺

寺傳云昔金嶺建書臺

李嶠

故臺倉頡里新邑紫泉居歲在開金寺時來降玉輿龍
形雖起剎鳥跡尚留書竹是蒸青外池仍點墨餘天文
光聖草寶思合真如謬奉千齡日欣陪十地初

前題

劉憲

岩巖倉史臺敞明紺園開戒日壺人集

一作翻霜羽騎

來下輦登三襲褰旒望九垓林披館陶勝水浸昆明灰
網戶飛花綴幡竿度鳥迴豫遊仙唱動瀟灑出塵埃

前題

李义

睿德總無邊神臯擇勝緣二儀齊法駕三會禮香筵漢
闕中黃近泰山太白連臺疑觀一作鳥日池似刻鯨年
滿月臨真境一作鏡秋風入御絃小臣叨下列持管謬窺

天

前題

宋之問

六飛迴玉輦雙樹謁金仙瑞鳥呈書字神龍吐浴泉淨
心遙証果睿想獨超禪塔湧香花地山圍日月天梵音
排律 五言

卷四十三

三

迎漏一作徹空樂倚雲懸今日登仁壽長看法鏡圓

前題

鄭愔

鳥籀遺新閣龍旂訪古臺造書臣頡往觀跡一作帝義
來睿覽一作法界山川匝宸心宇宙該梵音隨駐輦天步接
乘杯舊苑經寒露殘池問却灰散花將捧日俱喜聖慈

一作開

前題

上官昭容

釋子談經處軒臣刻字留故臺遺老識殘簡聖皇一作
求駐驂懷千古開襟望九州四山緣塞合二水夾城流
宸翰陪瞻仰天杯接獻酬太平詞藻盛長願紀鴻休

奉和春日遊龍門寺

武三思

鳳駕臨香地龍輿上翠微星宮含雨氣月殿抱春輝碧
澗長虹下雕梁早燕歸雲凝浮寶蓋石似拂天衣露草
侵堦長風花遶席飛日斜宸賞洽清吹入重闈

登天竺寺

綦毋潛

郡有化城最西窮疊嶂深松門當澗口石路在峰心幽
見夕陽霽高逢暮雨陰佛身瞻紺髮寶地踐黃金雲向
竹谿盡月從花洞臨因物成真悟遺世在茲一作岑

登稱心寺

和崔司馬

孫逖

郡府乘休日王城訪道初覺花迎步履香草藉行車倚
排律五言 卷四十三 四

閣觀無際尋山坐一作太虛巖空迷禹跡海靜望秦餘

翡翠巢珠網鷗鷺間綺疎地靈資淨土水若護真如寶
樹誰攀折禪雲自卷舒晴分五湖勢煙合九夷居生滅

紛無象窺臨已得魚嘗聞寶刀贈今日奉瓊琚

遊稱心寺

宋之問

釋事懷三隱清襟謁四禪江鳴潮未落林曉日初懸寶

葉交香雨金沙吐細泉望諸舟客趣思餐海人煙顧櫪

仍留馬乘杯久棄船未憂龜負岳且識鳥耘田理契都

無象心冥不寄筌安期庶可揖天地得齊年

遊法華寺

高岫擬青閣真乘引妙車空中結樓殿意表出雲霞後

果纏三足前因感六牙冥林薰寶樹水滴滴金沙寒谷

梅猶淺溫庭橘未華臺香紅藥亂塔影綠篁遮果漸輪

王族緣超梵帝家晨行踏忍草夜誦得靈花江郡將何

匹天都亦未加朝來沿汎所應是逐仙差

遊雲門寺

維舟採靜域作禮事尊經投跡一蕭散爲心自杳冥龕
依大禹穴樓倚少微星沓嶂圍蘭若迴谿抱竹庭覺花

塗砌白甘露洗山青鴈塔鶯金地虹橋轉翠屏人天宵

現景神鬼畫潛形理勝常虛寂緣空自感靈入禪從鶴

排律五言 卷四十三 五

繞說法有龍聽劫累終期滅塵躬且未寧搖搖不安寐

待月詠巖局

遊靈隱寺

鷲嶺鬱岩嵒龍宮鎖寂寥樓觀滄海日門對一作浙江

潮桂子月中落天香雲外飄捫蘿登塔遠剡水取泉進

霜薄花更發水輕葉互凋夙齡尚遐異搜對滌煩囂待

入天台路看余度石橋

遊清遠江峽山寺

張說

流落經荒外逍遙此梵宮雲峯吐日月石壁淡煙虹寶

塔靈仙湧懸龕造化功一作天香涵竹氣虛唄引松風

簷牖飛花入廊房激水通猿鳴知谷靜魚戲辨江空靜
默將何貴所貴心境同

遊化感寺

王維

翡翠香煙合琉璃寶地平龍宮連棟宇虎穴傍櫓楹谷

靜唯松響山深無鳥聲瓊峯當戶拆金澗透林鳴一作明

郢路雲端迴秦川雨外晴鴈王銜果獻鹿女踏花行抖

擻辭貧里歸依宿化城繞籬生野蕨空館發山櫻香飯

青菰米嘉蔬綠笋莖一作紫芋羹誓陪清梵卡端坐學無生

遊悟真寺

一作王籍

聞道黃金地仍開白蓮田擲山移巨石吼額出飛泉猛

排律

五言 卷四十三

太

虎同三逕愁猿學四禪買香然綠桂乞火踏紅一作青蓮

草色搖霞上松聲汎月邊山河窮百二世界接一作滿三

千梵宇聊憑視一作覽王城遂渺然灞陵纔出樹渭水欲

連天遠縣分諸一作卡郭孤村起白煙望雲思聖王披霧

隱一作隱羣賢薄宦慚尸素一作祿終身擬尚玄誰知草菴

客曾和柏梁篇

同諸公遊雲公禪寺

張謂

共許尋難足誰能惜馬蹄長空淨雲雨斜日半虹霓簷

下千峯轉惣前萬木低看花尋徑遠聽鳥入林迷地與

喧聞一作耳隔人將物我齊不知樵客意何事武陵谿

和王記室從趙王春日遊陀山寺 駱賓王

鳥旗陪訪道鷺額狎棲真四禪明靜業三空廣勝因祥

河疏疊澗慧日皎重輪葉暗龍宮密花明鹿苑春雕談

筌奧旨妙辯漱玄津雅曲終難和徒自奏巴人

慈恩寺 二月半寓言

蘓頌

二月韶春半三空霽景初獻來應有受滅盡竟無餘化

迹傳官寺歸誠謁梵居殿堂花覆席觀閣柳垂疏共命

枝間鳥長生水上魚問津窺彼岸一作注鏡迷路得真車行

密幽開靜談精俗態祛稻麻欣所遇一作寓蓬轉愴焉如

不駐秦京陌還題蜀郡輿愛離方自此迴望獨躊躇

排律

五言 卷四十三

七

祠紫蓋山經玉泉山寺

張九齡

指塗躋楚望策馬傍荆岑稍稍松篁入泠泠嘯谷深觀

奇逐幽膜歷險忘嶇嶽上界投佛影中天揚梵音梵香

懺在昔禮足誓來今靈異若有對神仙其可尋高僧聞

逝者遠一作俗俗是初心薜駁經行處猿啼燕坐林歸真

已寂滅留迹豈湮沈法地自茲廣何云千萬金

和張丞相

孟浩然

望秩宣王命齋心待漏行青衿列胃子從事有參卿五

馬尋歸路雙林指化城聞鐘度門近照膽玉泉清且蓋

依松憩緇徒擁錫迎天宮上一作近兜率沙界豁迷明欲

就終焉志先一作聞智者名人隨逝水沒一作波
逐覆舟傾想像若在眼周流空復情謝公還欲臥誰與
濟蒼生

和鄭少府祭中嶽寺因訪蕭居士之作

孫昌胤

肅事祠靈境尋真到隱居
簷緣幽谷遠蕭散白雲餘
晚節持僧律他年著道書
海邊曾狎鳥涼上正觀魚
寂靜求無相淳和覩太初
一峯縣歲月萬象任盈虛
門掩林鍾度窻臨澗水疎
謝公懷舊壑迴駕復何如

宿晉安寺

盧照隣

排律

卷四十三

八

聞有弦歌地穿鑿本多奇
遊人試一覽臨甌果忘疲
窻橫暮捲一作葉簷臥古生枝
舊石開紅蘚新荷覆綠池
孤猿稍斷絕宿一作鳥復參差
汎灩月華曉徘徊星鬢
垂今日刪書客悽惶君詎知

題石竈寺

宋昱

梵宇開金地香龕鑿鐵圍
影中羣象動空裏衆靈飛
簷牖籠朱旭房廊挹翠微
瑞蓮生佛步寶樹挂天衣
邀福功雖在興王代久非誰
知雲朔外更覩化胡歸

登總持寺浮圖

孟浩然

半空躋寶塔晴望盡京華
竹遶渭川遍山連上苑斜
四

門一作開帝宅阡陌俯人家
累劫從初地爲童憶聚沙
一窺功德見彌益道心加
坐覺諸天近空香送一作落
花

登涼州七級浮圖和竇侍御

高適

化塔屹中起孤高宜上躋
鐵冠雄賞眺金界籠招攜
空色在軒戶邊聲連鼓鼙
天寒萬里北地豁九州西
清興揖才彥峻風和端倪
始知陽春後具物皆筌蹄

秋日登揚州西靈塔

李白

寶塔凌蒼蒼登攀覽四荒
頂高元氣合標出海雲長
萬象分空界三天接畫梁
水搖金刹影日動火珠光
鳥拂瓊簾度霞連繡栱張
目隨征路斷心逐去帆揚
露浴一作濯梧楸白霜催橘柚黃
玉毫如可見於此照迷方

四月八日題七級

駱賓王

化城分鳥堞香閣俯龍川
複棟侵黃道重簷架紫煙
銘書非晉代壁畫是梁年
霸畧今何在王宮尚岿然
二帝曾遊聖三卿是偶一作賢
因茲遊勝侶超彼託良緣
我出有爲界君登非想天
悠悠青曠裏蕩蕩白雲前
今日經行處曲音號蓋煙

宿香山寺石樓

李頎

夜宿翠微半高樓聞暗泉
漁舟帶遠火山磬發孤煙衣

拂一作雲松外門清河漢邊峯巒低枕席世界接人天
雷靄花出霧輝輝星映川東林曙鶯滿惆悵欲言旋

登鳳林寺閣使過襄陽作 宋之問

香閣臨清漢丹梯隱翠微林篁天際密人世谷中違
石街仙洞連舟泊釣磯山雲浮棟起江雨入庭飛信美
雖南國嚴程限北歸幽尋不可再留步惜芳菲

登總持寺閣 崔湜

宿雨清龍界晨暉滿鳳城昇攀重閣迴憑覽四郊明井
邑周秦地山河今古情紆餘二水合寥落五陵平處處
風煙起欣欣草木榮故人不可見冠蓋滿東京

排律 五言 卷四十三 十

前題 張九齡

香閣起崔嵬高高沙版開攀躋千仞上紛詭萬形來草
間商君陌雲重漢后臺山從山谷斷川向斗城迴林裏
春容變天邊客思催登臨信爲美懷遠獨悠哉

登龍興寺閣 孟浩然

閣道乘空出披軒遠目開逶迤見江勢客至屢緣迴茲
郡何填委遙山復幾哉蒼蒼皆草木處處盡樓臺驟雨
一陽散行舟四海來鳥歸餘興遠一作周覽更徘徊

登瓦官閣 李白

晨登瓦官閣極眺金陵城鍾山對北戶淮水入南榮漫

漫雨花落嘈嘈天樂鳴兩廊振法鼓四角吟一作風箏

杳出霄漢上仰攀日月行山空霸氣滅地古寒陰生寥

廓雲海晚蒼茫宮觀平門餘闔闔字樓識鳳凰名雷作

百川一作動神扶萬拱傾靈光何足貴長此鎮吳京

立秋日題安昌寺北山亭 孫逖

樓觀倚長霄登攀及簫朝高如石門頂勝擬赤城標天
路雲虹近人寰氣象遙山圍伯禹廟江落五胥潮徂暑
迎秋薄涼風是日飄果林餘苦李萍水覆甘蕉覽古嗟
夷漫陵空愛沱一作寥更聞金刹下鐘梵晚蕭蕭

來開黎新亭作 孟浩然

排律 五言 卷四十三 十一

八解禪林秀三明給苑才地偏香界遠心淨水亭開傍
險山查立尋幽石逕迴瑞花長自下靈藥豈須栽碧網
交紅樹清泉盡綠苔戲魚聞法聚閒鳥誦經來棄象玄
應悟忘言理必該靜中何所得吟詠也徒哉

青龍寺曇壁上人兄院集 王維

惠用解嚴深居僧坊傍人里高樹入極深
芙蓉之池竹林果園中秀苦提之樹入極深
萬葉塵息太虛寥廓南山爲之瑞倪皇州蒼茫
渭水貫於天地經行之後映坐而開升堂梵筵
餽客香飯不起而遊覽不風而清涼得世界於
蓮花寄文章於貝葉時江寧大兄持片石命維
序之詩五韻重上成

高處敞招提虛空詎有倪坐看南陌騎下聽秦城難眇

眇孤煙起芊芊遠樹齊青山萬井外落日五陵西眼界
今無染心空安可迷

前題

王昌齡

本來清淨所竹樹引幽陰簷外含山翠人間出世心圓
通無有象聖境不能侵真是吾兄法何妨友弟深天香
自然會靈異識鐘音

和兄維

王綰

林中空寂舍階下終南山高臥一牀地內一作迴看六合
間浮雲幾處滅飛鳥何時還問義天人接無心世界閒
誰知大隱者一作客兄弟自追攀

排律

卷四十三

十二

投道一師蘭若宿

王維

一公栖太白高頂出風煙梵流諸壑遍花雨一峰偏迹
爲無心隱名因立教傳鳥來還語法客去更安禪黃涉
松路盡暮投蘭若邊洞房隱深竹清夜聞遙泉向是雲
霞裏今成枕席前豈唯暫留宿服事將窮年

襄州景空寺題融上人蘭若

張說

高名出漢陰禪閣跨香岑衆山皆圍繞長川復迴臨雲
峰曉空一作變風木夜虛吟碧甃龍池滿蒼松虎徑深
舊知青巖意一作憶偏入杳冥心何由侶飛錫從此脫朝
簪

和薦福寺英公新構禪堂

丁仙芝

上人久棄世中道自忘筌寂照出羣有了心清衆緣所
以於此地築館開青蓮果藥羅砌下煙虹垂戶前呪中
灑甘露指處流香泉神遠日無事體清宵不眠枳閣廬
山法松入漢陽禪一枕西山外虛舟常浩然

謁慈恩寺題焚法師房

太宗

停軒觀福殿遊目眺皇畿法輪含日轉花蓋接雲飛翠
煙香綺閣丹霞光寶衣幡虹遙合彩空外迴分暉蕭然
登十地自得會三歸

同王九題就師山房

孟浩然

排律

卷四十三

十三

晚憩支公室故人逢右軍軒窗避炎暑翰墨動斯行
文竹蔽簷前日雨隨堦下雲周旋清陰偏吟臥夕陽懸
江靜棹歌歇谿深樵語聞歸途未忍去攜手戀清芬

利州比佛龕前重於去歲題處作

蘇頌

重巖載看一作戴美分塔起層標蜀守經塗處一作人作禮
朝地疑三界出空是六塵銷卧石鋪蒼蘚行蹤覆綠條
一作歲年書有記非爲學題橋

長壽寺祭公院新甃井

李頎

僧房來往久露井每同觀白石抱新甃蒼苔依舊欄空
瓶宛轉下長綆轆轤盤境界因心淨泉源見底寒鐘鳴

時灌頂對此日開安

春晚從李長史遊開道林故山 駱賓王

幽尋極幽壑春望陟春臺雲光棲斷樹靈影入仙杯古
藤依格上野徑約山隈落藥翻風去流鶯滿樹來興闌
荷御動歸路起浮埃

聖善寺閣送裴迪入京 李頎

雲一作華滿華滿一作高閣苔色上鈎欄藥草空堦靜梧桐
返照寒清吟可愈疾攜手暫同歡墜葉和金磬饑鳥鳴
露盤伊流一作惜東別漸水向西看舊託含香署雲霄
何足難

排律 卷四十三 十四

送新羅法師還國 孫逖

異域今無外高僧代一作世所稀苦心歸一作寂滅
宴坐得精微持鉢何年至傳燈是日歸上卿揮別藻中
禁下禪衣海闊杯還度雲遙錫更飛此行迷處所何以
慰虔祈

送僧 張謂

童子學脩道誦經求出家手持貝多葉心念優曇花得
度北州近隨緣東路賒一身求清淨百衲納袈裟鍾額
更飛錫爐峰期結跏趺深心大海水廣願恒河沙此去不
堪別彼行安可涯殷勤結香火來世上牛車

遊龍門寺寄越府 孟浩然

我行適諸越夢寐懷所懽久負獨往願今來恣遊盤台
額踐苔石耶溪泝林巒捨舟入香界登閣憩旃檀青山
秦望近春水鏡湖寬遠懷佇應接卑位徒勞安白雲日
夕滯滄海去來觀故國渺天末良朋在朝端遲爾同攜
手何時方挂冠

秋日天中寺尋復禮上人 武三思

妙域三時殿香巖七寶宮金繩先界道玉柄卽談空喻
筏知何極傳燈竟不窮彌天高義遠初地勝因通理詣
歸一處心行不二中有無雙惑遣真俗兩緣同摘葉疑

排律 卷四十三 十五

焚翠投花若散紅網珠遙映日簷鐸近吟風定沼寒光
素禪枝暝色葱蔥願隨方便力長與釋塵籠

和武三思 蘓味道

藩戚三雍暇禪居二室隈忽聞從桂苑移步踐花臺敏
學推多藝高談屬辯才是非寧滯着空有掠嫌猜五術
幽機暢三番妙鍵開味同甘露灑香似逆風來砌古留
方石池清辨燒灰人尋鶴洲返月逐虎谿迴企一作躡
瞻飛蓋攀遊想渡杯願陪爲善樂從此去塵埃

遊九真山淨居寺謁無礙上人 沈佺期

大士生天竺分身化日南人中出煩惱山下卽伽藍小

澗香爲利危峰石作龕候禪青鵠乳窺講白猿參藤愛
雲間壁花憐石下潭泉行幽供好林挂浴衣堪第子哀
無識醫王惜未談機疑聞不二蒙昧卽朝三欲究因緣
理聊寬放棄慙超然虎谿夕雙樹下虛嵐

與蘓盧二員外期遊方丈寺而蘓不至因有是作

一作王昌齡

王維

共仰頭陀行能忘世諦情迴看雙鳳闕相去一牛鳴法
向空林說心隨寶地平手巾花氎淨香帔道畦成聞道
邀同舍相期宿化城安知不來往翻得似一作得無生

韓大使東齋會岳上人諸學士 孟浩然

排律 五言 卷四十三

十六

郡守虛陳榻林間召楚材山川祈雨畢品一作雲物喜晴

開抗禮尊縫掖臨流揖渡杯徒攀朱仲李更一作誰薦和

羹梅翰墨緣情製高深以意裁滄洲趣不遠何必問蓬萊

和馬常侍寺中之作

蘇頌

怨暑時云謝愆陽澤暫偏鼎陳從祀日鑰動問刑年絳
服龍雩寢玄冠馬使旋作霖期傳說爲早聽周宣河嶽
陰符啟星辰暗檄傳浮涼吹景氣飛動灑空煙颯颯將
秋近沈沈與暝連分湍涇水石合潁雍州田德施超三
五文雄賦十千及斯何以樂明主敬人天

哭護國上人

張謂

昔喜三身淨今悲萬劫長不應歸北斗應是向西方舍
利衆生得袈裟弟子將鼠行殘藥梳蟲網舊繩牀別起
千花塔空留一草堂支公何處在神理竟茫茫

和旻上人傷果禪師

楊炯

淨業初中日浮生大小年無人本無我非後亦非前簫
鼓旁喧地龍蛇直映一作應天法門摧棟宇覺海破舟船
書鎮秦王餉經文宋國傳聲華周百億風烈被三千蕪
沒青園寺荒涼紫陌田德音殊未遠拱木已生煙

臘月八日於剡縣石城寺禮拜

孟浩然

排律 五言 卷四十三

十七

石壁開金像香山倚一作鏡鐵圍下生彌勒見回向一心

歸竹一作松栢禪庭古樓臺世界稀夕嵐增氣色餘照發

光輝講席邀談栢泉堂施浴衣願承功德水從此濯塵機

過盧四員外宅看飯僧共題七韻

王維

三賢異七賢青眼慕青蓮乞飯從香積裁衣學水田上
人飛錫杖檀越施金錢趺坐檐前日焚香竹下煙寒空
法雲地秋色淨居天身逐因緣法心過次第禪不須愁
日暮自有一燈然

和宋中丞夏日遊福賢觀天長寺 卽陳相宅所施

已相殷王國空餘尚父谿釣磯開月殿築道出雲梯積
水浮香象深山鳴白雞虛空陳伎樂衣服製虹霓墨點
三千界丹飛六一泥桃源勿遠返再訪恐君迷

和劉侍郎入隆唐觀

楊炯

福地陰陽合仙都日月開山川臨四險城樹隱三臺伏
檻排雲出飛軒遠瀾參差凌倒影瀟灑軼浮埃百果
珠爲寶羣峰錦作苔懸蘿暗疑霧瀑布響成雷方士燒
丹液真人泛玉杯還如問桃水更似得蓬萊漢帝求仙
日相如作賦才自然金石奏何必上天台

和輔先人昊天觀

排律七言

卷四十三

十八

通甲爰皇里星占太乙宮天門開奕奕佳氣鬱葱葱碧
落三乾外黃圖四海中邑居環若水城闕抵新豐玉檻
崑崙側金樞地軸東上真朝北斗元始詠南風漢君祠
五帝淮王禮八公道書編一作竹簡靈液藥灌梧桐
草茂瓊堦綠花繁寶樹紅石樓紛似畫池鏡森如空桑
海年應積桃源路不窮黃軒若有問三月駐崆峒

遊廢觀

青嶂倚丹田荒涼數百年猶知小山桂尚識大羅天藥
敗金爐火苦昏玉女泉歲時無壁畫朝夕有階煙花柳
三春節江山四望懸悠然出塵網從此狎神仙

題應聖觀應一作降

儲光羲

一山盡天苑一峰開道官道花飛羽衛天鳥遊雲空玉
殿俯玄水春旗搖素風夾門小松栢覆井新梧桐自昔
大仙下乃知元化功神皇作桂館此意與天通

岳州九日宴道觀西閣

張說

搖落長年歎蹉跎遠宦心北風嘶代馬南浦宿陽禽佳
此黃花酌醑餘白首吟涼雲羣楚望濛雨蔽荆岑登眺
思清景誰將眷濁陰釣歌出江霧樵唱入山林魚以嘉
名米木爲美材侵大道由中悟逍遙匪外尋參佐多若
子詞華妙賞音留題洞庭觀望古意何深

排律五言

卷四十三

十九

爲趙法師別造精院過院賦詩序曰秋九月聽政
朝之後歷西上陽入清虛院則法師所居之地
也法師得玄元之法養浩然之氣故法此仙家
特建真宇紫房對聲靈竹籥生既觀重其人每
經過其地以怡神先雪進德修業何必齊心累
月遠在順風因而賦詩用適其意玄宗

宗師心物外爲道運虛舟不戀巖泉賞來從官禁遊探
玄幻幾歲習靜更宜秋煙樹辨朝色風湍聞夜流坐朝
繁聽覽尋勝在清幽欲廣無爲化因茲庶可求

題隨州紫陽先生壁

李白

神農好長生風俗久已成復聞紫陽客早署丹臺名喘
息餐妙氣步虛吟真聲道與古仙合心將元化并樓疑

出蓬海鶴似飛玉京松雪牕外曉池水階下明忽耽笙歌樂頗失軒冕情終願惠金液提携凌太清

出境遊山 二首

王勃

源水終無路山阿若有人驅羊先動石走兔欲投巾洞晚秋泉冷巖朝古樹新峰斜連鳥翅磴疊上魚鱗化鶴千齡早元龜六代春浮雲今可駕滄海自成塵

振翻凌霜吹正月佇天濤迴鑣凌翠壑飛軫控青岑巖深靈龜沒澗毀石渠沈官闕雲間近江山物外臨玉壇棲暮夜珠洞結秋陰蕭蕭離俗影擾擾望鄉心誰意山遊好屢傷人事侵

排律 五言

卷四十三

二十

送暨道士還玉清觀

李頎

仙宮一作官有名籍度世吳江濱大道本無我青春長與君中州俄已至至理得而聞明主降黃屋時人看白雲空山何窈窕三秀日氛氲遂此留書客超遙煙駕分

王屋山途道士司馬承禎還天台 玄宗

紫府求賢士清谿祖逸人江湖與城闕異跡且殊倫間有幽棲者居然厭俗塵林泉先得性芝一作松桂欲調神地踰稽一作雞嶺天台接海濱一作瀕音徽從此間萬古

一芳春

贈李榮道士

盧昭隣

錦節衝天使瓊仙駕羽君投金翠山曲奠壁清江漬圓洞開丹鼎方壇聚絳雲寶一作資祝幽難識空歌迴易分風搖十洲影日亂九江文敷誠歸上帝應詔佐一作賜應在明君獨有南冠客耿耿泣離羣遙看八會所真氣曉氲氲

贈焦道士

王維

海上遊三島淮南遇八公坐知千里外眺向一壺中縮地朝珠闕行天使玉童飲人聊割酒送客乍分風天老能行氣吾師不養空謝君徒雀躍無可問鴻濛

贈東嶽焦鍊師

排律 五言

卷四十三

二十一

先生千歲餘五嶽遍會居遙識齊侯鼎新過王母廬不能師孔墨何事問長沮玉管時來鳳銅盤卽釣魚鍊身空裏語明目夜中書自有還丹術時論太素初頻蒙露版詔時降軟輪車山靜泉逾響松高枝轉疎一作支順問樵客世上復何如

前題

李頎

得道凡百歲燒丹唯一身悠悠孤峰頂日見三花春白鶴翠微裏黃精幽澗濱始知世上客不及山中仙人仙境若在夢朝雲如可親何由覩顏色揮手謝風塵

秋日仙遊觀贈道士

王勃

石圖分帝宇銀牒洞靈宮迴丹縈岫室複翠上巖攏霧
濃金竈靜雲暗玉壇空野花香捧露山葉自吟風林泉
明月在詩酒故人同待余逢石髓從爾命飛鴻

贈學仙者

王績

採藥層城遠尋師海路賒玉壺橫日月金闕斷煙霞仙
人何處在道士未還家誰知彭澤意更覓一作步兵那
一作春釀煎松葉秋杯浸菊花相逢寧可醉定不學丹
砂

遊清都觀尋沈道士

得清字

許敬宗

幽人蹈箕穎方士訪蓬瀛豈若逢真氣齊契體無名既
排律五言卷四十三 二十二

詮衆妙理聊暢遠遊情縱心馳貝闕怡神想玉京或命
餘杭酒時聽洛濱笙風衢通閬苑星使下府城蔥嶺晨
飈動芝房夕露清方叶棲遲趣於此聽鐘聲

前題

得芳字

趙中虛

青谿阻千仞姑射藐汾陽未若遊茲境探玄衆妙場
來疑羽客雲汎似霓裳寓目雖靈宇遊神乃帝鄉道存
真理得心灰俗累忘煙霞擬抗殿松桂肅長廊早蟬清
暮響崇蘭散晚芳卽此翔寥廓非復控榆枋

前題

得仙字

劉孝孫

紛吾因暇豫行樂極留連尋真謁紫府披霧覩青天緬

懷金闕外遐想玉京前飛軒俯松栢抗殿接雲煙滔滔
清夏景嘒嘒早秋蟬橫琴對危石酌醴臨寒泉聊祛塵
俗累寧希龜鶴年無勞生羽翼自可狎神仙

前題

得都字

凌敬

聊排靈璫闥徐步入清都青谿冥寂士思玄徇道樞十
芒生藥笥七焰發丹爐縹緲秦桐君錄朱書王母符宮槐
散綠穗日槿落青跗矯去一作雷門鶴飛來葉縣鳬凌
風自可御安事迫中區方追羽化侶從此得玄珠

寄司馬道士

杜甫

關內昔分秋天邊今轉蓬驅馳不可說談笑偶然同道
排律五言卷四十三 二十三

術曾留意先生早擊蒙家家迎薊子處處識壺公長嘯
峨眉北潛行玉壘東有時騎猛虎虛室使仙童髮少何
勞白顏衰肯更紅望雲悲轡軻畢景羨冲融喪亂形仍
役淒涼信不通懸旌要路口倚劒短亭中永作殊方客
殘生一老翁相哀骨可換亦遣馭清風

過太乙觀賈生房

王維

昔余栖遯日之子煙霞鄰共攜松葉酒俱簪竹皮巾攀
林遍巖洞采藥無冬春謬以道門子徵爲驂御臣常恐
丹液就先我紫陽賓天促萬塗盡哀傷百慮新跡峻不
容俗才多反累真泣對雙泉水還山無主人

刻清遠道士詩因而繼作

顏真卿

不到東山寺于今五十春
謁來從舊賞林壑宛相親
吳子多藏日秦王厭勝辰
劔池穿萬仞盤石坐千人
金氣騰爲虎琴臺化若神
登壇仰生一捨宅歎珣珉
中額分雙樹迴巒絕四鄰
窺臨江海接崇飾四時新
客有神仙者於茲雅麗陳
名高清遠峽文聚斗牛津
跡異心寧間聲同質豈均
悠然千載後知我揖光塵

奉漢中王札報韋侍御蕭尊師亡 杜甫

秋日蕭韋逝淮王報峽中少年疑柱史多術怪仙公
不
但時人惜祗應吾道窮一哀侵疾病相識自兒童處處

排律 五言 卷四十三 二十四

鄰家笛飄飄客子蓬強吟懷舊賦已作白頭翁

哭道士劉無得 沈佺期

聞有玄都客成仙不易祈蓬萊向清淺桃杏欲芳菲
縮地黃泉出昇天白日飛少微星夜落高掌露朝晞吐
甲龍應去銜符鳥自歸國人思負局天子惜被衣花月留
丹洞琴笙下翠微嗟來子桑扈爾獨運於幾

懷仙 序曰客有自幽山來者起予以林壑之事而
爲形滯故書其事焉

王勃

鶴岑有奇徑麟洲富仙家
紫泉漱珠液玄巖列丹葩
常希披塵網眇然登雲車
驚情極霄漢鳳想疲烟霞
道存

蓬瀛近意愜朝市賒無爲坐惆悵虛此江上華

排律 五言 卷四十三 二十五

唐詩所第四十三卷終

唐詩所第四十四卷

排律

前集

七言

關題

楊師道

漢家伊洛九重城御路浮橋萬里平
桂戶雕梁連綺翼虹梁繡柱映丹楹
朝光欲動千門曙麗日初照百花明
燕趙蛾眉舊傾國楚宮腰細本傳名
二月桑津期結伴三春淇水逐關情
蘭叢有意飛雙蝶柳葉無趣隱啼鶯
扇裏細粧將夜並風前獨舞共花榮
兩鬟百萬誰論價一笑千金判是輕
不爲披圖來侍寢非因主第奉身迎
羊車詎與青門閉兔月今宵照後庭

排律

卷四十四

送鄭十八著作丈

杜甫

台州地闊一作海冥冥雲水長和島嶼青
亂後故人雙別淚春深逐客一浮萍
酒酣懶舞誰相拽詩罷能吟不復聽
第五橋東流恨水皇陂岸北結愁亭
賈生對鵬傷王傳蘇武看羊陷賊庭
可念此公懷直道也霑新國用輕刑
禍衡實恐遭江夏方朔虛傳是歲星
窮巷悄然作車馬絕案頭乾死讀書螢

寄岑嘉州

不見故人十年餘不道故人無
素書願逢顏色關塞遠豈意出守江城居
外江三峽且相接斗酒新詩終自疎

謝朓每篇堪諷誦馮唐已老聽吹嗑
泊船秋夜經春草一作伏枕青楓限玉除
眼前所寄選何物贈子雲安雙鯉魚

寄宿田家

高適

田家老翁住東陂說道平生隱在茲
鬢白未曾記日月山青每到識春時
門前種柳深成巷野谷流泉添入池
牛壯日耕十畝地人閒常掃一茆茨
客來蒲酌清樽酒感興平吟才子詩
巖際窟中藏麝鼠潭邊竹裏隱鷓鴣
村墟日落行人少醉後無心怯路岐
今夜只應還寄宿明朝拂曙與君辭

排律

卷四十四

清明

杜甫

朝來新火起新煙湖色春光淨客船
繡羽銜花他自得紅顏騎竹我無緣
胡童結束還難有楚女腰肢亦可憐
不見定王城舊處常懷賈傅井依然
虛霑焦一作舉爲寒食實藉君平賣卜錢
鍾鼎山林各天性濁醪麤飯任吾年

此身飄泊苦西東右臂偏枯半耳聾
寂寂繫舟雙淚下悠悠伏枕左書空
十年蹴鞠將雛遠萬里鞦韆習俗同
旅鴈上雲歸紫塞家人鑽火用青楓
秦城樓閣煙花裏漢主山河錦繡中
風一作水春來洞庭濶白蘋愁殺白

頭翁

寒雨朝行視園樹

柴門雜一作樹向千株丹橘黃甘此地無江上今朝寒

雲一作雨歇籬中秀色畫屏紆挑蹊李徑年雖古梔子紅

椒豔復殊鑲石藤梢元自落倚天松骨見來枯林香出

實垂將盡葉蓊穉枝不重蘇愛日恩光蒙借貧清霜殺

氣得憂虞衰頽動覓藜牀坐緩步仍須竹杖扶散騎未

知雲閣處啼猿僻在楚山隅

岳麓山道林寺

玉泉之南麓山殊道林林壑爭盤紆寺門高開洞庭野

排律七言 卷四十四

殿脚插入赤沙湖五月寒風冷佛骨六時天樂朝香爐

地靈步步雪山草僧寶人人滄海珠塔劫宮牆壯麗敞

香厨松道清涼俱蓮花交響共命鳥金榜雙迴二足鳥

方丈涉海費時節玄圃尋河知有無暮年且喜經行近

春日兼蒙暄煖扶飄然斑白身奚適旁此煙霞茅可誅

桃源人家易制度橘州田土仍膏腴潭府邑中甚淳古

太守庭內不喧呼昔遭衰世皆晦迹今幸樂國養微軀

依止老宿亦未晚富貴功名焉足圖久爲謝一作客尋

幽慣細學何順免興孤一重一掩吾肺腑山鳥山花吾

友于宋公放逐曾題壁物色分畱與老夫宋之問之敗也

有詩尚在壁間

別山僧

李白

何處名僧到水西乘舟一作弄月宿涇谿平明別我上

山去手攜金策踏雲梯騰身轉覺三天近舉足迴看萬

嶺低謔浪肯居支遁下風流還與遠公齊此度別離何

日見相思一夜暝猿啼

排律七言 卷四十四

四

唐詩所第四十四卷終

唐詩所第四十五卷 絕句

前集

五言

古意 二首

崔國輔

玉籠薰繡袋着罷眠洞房不能春風裏吹却蘭麝香

種棘遮靡無畏人來采一作摘殺比至狂夫還看看幾花

發

古意

淨掃黃金階飛霜皎如月下簾彈箜篌不忍見秋月

古意

辛卯智

君爲河邊草逢春心剉生妾如臺上鏡得照始一作分

絕句 五言 卷四十五

明

古意 題徐令壁

陳子昂

白雲蒼梧來氣氤萬里色聞君太平世棲泊靈臺側

古興

薛據

投珠恐見疑抱玉但垂泣道在君不舉功成歎何及

古思

楊衡

蘇武節旄盡李陵音信稀花當隴上發人向隴頭歸

雜詩

王維

家住孟津河門對孟津口常有江南船寄書家中否

君自故鄉來應知故鄉事來日綺牕前寒梅着花未

已見寒梅發復聞啼鳥聲心心視春草畏向堦前生

詠史

高適

尚有綈袍贈應憐范叔寒不知天下士猶作布衣看

北伐雖全趙東歸不主秦空歌拔山力羞作渡江人

詠漢高祖

百戰方夷項三章且代秦功歸蕭相國氣盡戚夫人

觀永樂公主入蕃 同洛陽李少府作 孫逖

邊地鶯花少年來未覺新美人天上落龍塞始應春

嶺南送使 二首

張說

絕句 五言 卷四十五

獄中生白髮嶺外罷紅顏古來相送處凡得幾人還

萬里投荒裔來時不見親一朝成白首看取報家人

送蘇尚書赴益州

宋璟

我望風煙接君行霰雪飛園亭若有送楊柳最依依

前題

鄭惟忠

離憂將歲盡歸望逐春來庭花如有意留豔待人

開

送張郎中還京

孟浩然

碧谿常共賞朱邸忽遷榮豫有相思意聞君琴上聲

送劉十五之郡

王昌齡

平明江霧寒客馬江上發扁舟事洛陽宵宵含楚月

送郭司倉

映門淮水綠留騎王人心明月隨良掾春潮夜夜深

武陵田太守席送司馬盧谿

諸侯分楚郡飲餞五谿春山水清暉遠俱憐一逐臣

送陸判官往琵琶峽

李白

水國秋風夜殊非遠別時長安如夢裏何日是歸期

送友人之京

孟浩然

君登青雲去予望青山歸雲山從此別淚濕薜蘿衣

送譚八之桂林

王昌齡

絕句 五言 卷四十五 三

客心仍在楚江館復臨湘別意猿鳥外天寒桂水長

醉裏送裴子赴鎮西

岑參

醉後未能別待醒一作醒時方送君看君走馬去直上天山

雲

送朱大人秦

孟浩然

遊人五陵去寶劍直千金分手脫相贈平生一片心

送二兄入蜀

盧照隣

關山客子路花柳帝王城此中一分手相顧憐無聲

送梁知微渡海東

張說

今日此相送明年此相待天上客星廻知君渡東海

送張四

王昌齡

楓林已愁暮楚水復堪悲別後冷山月清猿無斷時

送李十五

怨別秦楚深江中秋雲起天長杳無隔月影在寒水

送胡大

荆門不堪別况乃瀟湘秋何處遙相望江邊明月樓

送殷淑

李白

痛飲龍節下燈青月復寒醉歌驚白鷺半夜起沙灘

夜送趙縱

楊炯

趙氏連城壁由來天下傳送君還舊府明月滿前川

絕句 五言 卷四十五 四

對雨送鄭陵

崔曙

別愁復經一作兼雨別淚還如霰寄心海上雲千里常相

見

送五叔入京兼寄綦母三

李頎

雲陰帶殘日悵別此何時欲望黃山道無由見所思

送別

駱賓王

寒更承夜永涼夕向秋澄離心何以贈自有玉壺冰

送別

王維

山中相送罷日暮掩柴扉春草明年綠王孫歸不

歸

送別 二首

王之渙

楊柳東風樹青青，夾御河近來攀折苦。應爲別離多，相看
不忍發慘淡。暮潮平語罷，更攜手月明洲渚生。

江亭月夜送別 二首

王勃

江送巴南水，山橫塞北雲。津亭秋月夜，誰見泣離羣。
亂煙籠碧砌，飛月向南端。寂寂離亭掩，江山此夜寒。

臨川送別

盧僎

秋郊日半隱，野樹煙初映。風水正蕭條，那堪動離詠。

崔九弟欲往南山馬口號與別 王維

城隅一分手，幾日還相見。山中有桂花，莫待花如霰。

絕句 五言 卷四十五

五

前題

裴迪

歸山深淺去須盡，丘壑美惡莫學武陵人。暫遊桃李源，果

留別王維

崔興宗

駐馬欲分襟，清寒御溝上。前山景氣佳，獨往還惆悵。

別章叟

吳筠

平昔同邑里，經年不相思。今日成遠別，相對心淒其。

別人 二首

王勃

久客逢餘閨，他鄉別故人。自然堪下淚，誰忍望征塵。
江上風煙積，山幽雲霧多。送君南浦外，還望迢迢何。
桂軺初離一作不駐蘭筵，幸未開林塘風月賞。應待

故人來

霜華淨，天末霧色籠江際。客子常畏人，何爲久留滯。

別兄

七歲女子

別路雲初起，離亭葉正稀。一作所嗟人異鴈，不作一行

飛一作歸

山中別李處士

王績

爲向東谿道人來，路漸賒。山中春酒熟，何處得停家。

渭水西別李崧

崔國輔

隴右一作外，長亭堠。山陰古塞秋，不知鳴咽水何事向西

流

絕句 五言 卷四十五

五

南行別弟

韋承慶

澹澹長江水，悠悠遠客情。落花相與恨，到地一無聲。

口號留別金陵諸公

李白

食出野田美，酒臨遠水傾。東流若未盡，應見別離情。

贈別戴侍御崔司議

序曰：朝其歡娛，止於高第。志

三樂進，不忘匡救。於國退，不慚無問。在休翼侍
御崔司議，至公至平，許我以語。默于是，天戈遠
致。負古人哉。蜀國酒醺，無以娛客。至於快清晏
遊高山，白雲在天。清江涵月，可以散孤憤。不謂
於離離，二公矣。斯恨酒未醒，琴方清。上事外溢
之歡，雲山悠悠，數不及也。載房陸單子爲軒
昆之人，不知蜀山有雲。巴水可興，睽關良會。我

山別引也 陳子昂

有道君匡國無悶一作機余在林白雲峨眉一作岷峨上歲晚

來相尋

賜房玄齡

太宗

太液仙舟迴西園隱上才未曉征車度雞鳴關早開

賜蕭瑀

疾風知勁草板蕩識一作昏誠臣勇夫安一作寧識義智

者必懷仁

賜魏證

證善治酒有名曰醺醺翠濤漢武蘭生隋

醺醺勝蘭生翠濤過玉薤千里醉不醒十年味不敗

絕句

卷四十五

七

贈嚴侍御

宋之問

受脤清邊服乘驄歷塞塵當聞漢雪耻羞共虜和親

贈喬十二侍御

陳子昂

漢庭榮巧宦雲閣薄邊功可憐驄馬使白首爲誰雄

贈李十四

王勃

野客思茅宇山人愛竹林琴尊唯待處風月自相尋

小徑偏宜草空庭不厭花平生詩與酒自得會仙家

亂竹開三逕飛花滿四鄰從來楊子宅別有尚玄人

風筵調桂軫月徑引藤杯直當花院裏書齋望曉開

贈韋穆十八

王維

與君青眼客共有白雲心不向東山去日今春草深

贈王九

孟浩然

日暮田家遠山中勿久淹歸人須早去稚子望商潛

贈李中華

果臝

莫向嵩山去神仙多誤人不如朝魏闕天子重賢臣

醉後贈馬四

孟浩然

四海重然諾吾嘗聞白眉秦城遊俠窟一作客相得一作待

半酣時

流所贈張錫

章玄同

黃葉因風下甘從洛浦隈白雲何所爲還出帝鄉來

絕句

卷四十五

八

贈擊磬老人

王昌齡

雙峰褐衣久一磬白眉長誰識野人意徒看春草芳

贈內

李白

三百六十日日醉如泥雖爲李白婦何異太常妻

戲贈趙諫光

諫光頭果毅使拜崇品有似長征兵士便

授邊遠果毅諫光自彭州司馬入賀遂涉

爲大理正遷戶部郎中故戲贈云

答賀遂涉

趙諫光

錦帳隨情設金爐任意薰唯愁員外置不應列星文

戲贈邵使君張郎

盧象

少婦石榴裙新粧白玉面能迷張公子不許時相見

戲贈主人

孟浩然

客醉眠未起主人呼解醒已言難黍熟復道一作甕頭

清

聞裴秀才迪吟詩因戲贈

王維

猿吟一何苦愁朝復悲夕莫作巫峽聲腸斷秋江客

聞謝楊兒吟猛虎詞因戲贈

李白

同州隔秋浦聞吟猛虎詞晨朝來借問知是謝楊兒

奉寄彭城公

李華

公子三千客人人願報恩應憐抱關者貧病老夷門

絕句

五言

卷四十五

九

寄蕭穎士補正字

鄒象先

六月度關雲三峰翫山翠爾時黃綬屈別後青雲致

寄王長史

祖詠

汝頓俱宿好往來託層巒終日何寂寞繞籬生蕙蘭

因崔五侍御寄高彭州適

杜甫

百年已過半秋至轉饑寒爲問彭州牧何時救急難

登峴山亭寄晉陵張少府

孟浩然

峴首風湍急雲帆若鳥飛憑軒試一問張翰欲來歸

寄韓樽

岑參

夫子素多疾別來未得書北庭苦寒地體內今何如

寄從弟

李華

眼病身亦病浮生已半空迢迢千里月應與惠連同

寄廬山隱者

楊衡

風鳴雲外鍾鶴宿千年松相思杳不見月出山重重

晚日湖上寄所思

李華

與君爲近別不啻遠相思落日平湖上看山對此時

山中寄諸弟妹

王維

山中多法侶禪誦自爲羣城郭遙相望唯應見白雲

塞上寄內

崔融

旅魂驚塞北歸望斷河西春風若可寄暫爲遶蘭闥

絕句

五言

卷四十五

十

寄夫

郭紹蘭

我壻去重湖臨窓泣血書慙慙憑燕翼寄與薄情夫

寄上吳王

李白

坐嘯廬江靜閒聞進玉觴去時無一物東壁挂胡牀

進太宗詩

徐賢妃

朝來臨鏡臺妝罷暫徘徊千金始一笑一召詎能來

重憶賀監

李白

欲向江東去定將誰舉杯稽山無賀老却棹酒船迴

寒夜思友

三首

王勃

久別侵懷抱他鄉變容色月下調鳴琴相思此何極

雲間征思斷月下歸愁切鴻鴈西南飛如何故人別
朝朝翠山下夜夜蒼江曲復此遙相思清樽湛芳綠

林塘懷友

芳屏畫春草仙杼織朝霞何如山水路對面即飛花

檀谿尋故人

孟浩然

花伴成龍竹池分躍馬谿田園人不見疑向洞中棲一作武陵迷

尋菊花潭主人不遇

行至菊花潭村西日已斜主人登高去雞犬空在家

洛中訪袁拾遺不遇

絕句 五言

卷四十五

十一

洛陽訪才子江嶺作流人間一作說梅花早何如北

此地春

灞橋待李將軍

長孫無忌

颯颯風葉下遙遙煙景曛霸陵無醉尉誰滯李將軍

逢謝偃

高適

紅顏一作劍爲別白髮始相逢唯餘昔時慮無復舊時容

容

秋夜喜遇王處士

王績

北場芸藿罷東臯刈黍歸相逢秋月滿更值夜螢飛

江中遇黃領子劉隆

張說

危石江中起孤雲嶺上還相逢皆得意何處是鄉關

見京兆韋參軍量移東陽

李白

潮水還歸海流人却到吳相逢問愁苦淚盡日南珠

問舟子

孟浩然

向夕問舟子前程復一作無幾多灣頭正堪一作泊淮裏

足風波

王錄事許修草堂賢不到聊小詒

杜甫

爲與王錄事不寄草堂賢昨屬愁春雨能忘欲漏時

答武陵田太守

王昌齡

伏一作按劍行千里微軀敢一言曾爲大梁客不負信陵

恩

絕句 五言

卷四十五

十二

答田徵君

宋之問

出遊杳何處遲回伊洛間歸寢忽成夢宛在嵩丘山

答鄭十七郎

杜甫

雨後過畦潤花殘步履遲把文驚小陸愛客見當時

答人

太上隱者

偶來松樹下高枕石頭眠山中無曆日寒盡不知年

答太常靳博士見贈

張九齡

上苑春先入中園花盡開唯餘幽徑草尚待日光催

續薛令之

玄宗

啄木嘴距長鳳凰毛羽短苦嫌松桂寒任逐桑榆暖

賜宴東堂詩 二首

張說

樂奏天恩滿杯來秋興高更蒙蕭相國對席飲醕醪奉右

西掖恩華降南宮命席闌詎知雞樹後更接鳳池歡奉右

聖德垂甘露天章下大風又承黃閣賞願作黑頭公奉右

九月十日宴

李白

昨日登高罷今朝再舉觴菊花何太苦遭此作兩重

絕句 五言 卷四十五

十三

九隴津集

盧照隣

落落樹陰紫澄澄水華碧復有翻飛禽徘徊疑曳易

夜集聯句

寒花護月色墜葉占風音書茲夕無塵慮高雲共片心

登驪山 奉和聖製

門朝隱

龍行踏絳氣天半語相聞混沌疑初判洪荒若始分

銅官山 醉後作山在銅官

李白

我愛銅官樂千年未擬還要須迴舞袖拂盡五松山

獨坐敬亭山

衆鳥高飛盡孤雲獨去閒相看兩不厭只有敬亭山

望木瓜山

早起見日出暮看棲鳥還客心自酸楚况對木瓜山

臨江 二首

王勃

泛泛東流水飛飛北上塵歸驂將別棹俱是倦遊人去驂嘶別路歸棹隱寒洲江臯木葉下應想故城秋

登荊州城望江 二首

張九齡

滔滔大江水天地相終始經閱幾世人復歎誰家子

東望何悠悠西來晝夜流歲月既如此爲心那不愁

絕句 五言 卷四十五

十四

楊子江望京口

孟浩然

北固臨京口夷山近一作海濱江風白浪起愁殺渡頭人

渡漢江

宋之問

嶺外音書斷經冬復歷春近鄉情更怯不敢問來人

初下浙江舟中口號

孟浩然

八月觀湖一作罷三江越海濤回瞻魏闕路空無一作復

子牟心

宿建德江

移舟泊煙渚日暮客愁新野曠天低樹江清月近人

廣州江中作

張說

去國歲

一作年

方宴愁心轉

一作獨

不堪離人與

一作共江水

終日向西南

西過渭州見渭水思秦川

岑參

渭水東流去何時到雍州憑添兩行淚寄向故園流

葭川獨泛

盧照隣

倚棹春江上橫舟石岸前山暝行人斷迢迢獨泛仙

同武平一負外遊湖

儲光義

竹吹留歌扇蓮香入舞衣前谿多曲淑乘興莫先歸

陪侍郎叔遊洞庭湖

三首醉後作

李白

絕句

五言

卷四十五

十五

今日竹林宴我家賢侍郎三杯客小阮醉後發清狂

船上齊橈樂湖心泛月歸白鷗閒不去爭拂酒筵飛

剡却君山好平鋪湘水流巴陵無限酒醉殺洞庭秋

陪從祖濟南太守泛鵲山湖

三首

初謂鵲山近寧知湖水遙此行殊訪戴自可緩歸橈

湖闊數千里湖光搖碧山湖西正有月獨送李膺還

水入北湖去舟從南浦迴遙看鵲山轉却似送人來

滄浪峽

儲光義

滄浪臨古道道上若成塵自有滄浪峽誰爲無事人

遊涇川琴谿

武平一

環潭澄晚色疊嶂照秋影幽致欣所逢紛慮自茲屏

前題

邢巨

靈谿非人迹仙意素所秉鱗嶺森翠微澄潭照秋景

清谿泛舟

張旭

旅人倚征棹薄暮起勞歌笑攬清谿月清輝不厭多

北澗泛舟

孟浩然

北澗流恒滿浮舟觸處通沿洄自有趣何必五湖中

經慈恩澗題

鄭繇

岸與恩同廣波將慈共深涓涓勞日夜長似下流心

題玉潭

獨孤及

絕句

五言

卷四十五

十六

碧玉徒強名水壺難比德唯當寂照心可並翕淪色

遊長寧公主流杯池

九首

上官昭容

攀藤招逸客偃桂協幽情水中看樹影風裏聽松聲

攜琴待叔夜負局訪安期不應題

一作留

石壁爲記賞山

時

泉石多仙趣巖壑寫奇形欲知堪悅耳唯聽水冷冷

巖壑恣登臨瑩目復怡心風篁類長笛流水當鳴琴

懶步天台路惟登地肺山幽巖仙桂滿今日恣情攀

暫遊仁智所蕭然松桂情寄言棲遯客勿復訪蓬瀛

瀑溜晴疑雨叢篁晝似昏山中真可翫暫請報王孫

傍池聊試筆倚石旋題詩豫彈山水調終擬從鍾期

橫鋪豹皮褥側戴鹿胎巾借問何爲者山中有逸人

題灞池二首

王昌齡

腰鎌欲何之東園刈秋韭世事不復論悲歌和樵叟

開門望長川薄暮見漁者借問白頭翁垂綸幾年也

喜入長安城

崔湜

雲日能催曉風光不借一作年賴逢征路盡歸在落花

前

潼關口號

玄宗

河曲迴千里關門限二京所嗟非特德設險到天平

絕句五言

卷四十五

十七

奉和

張九齡

嶙嶙故城壘荒涼空戍樓在德不在險方知王道休

奉和

張說

天德平無外關門東復西不將千里隔何用一九泥

奉和

蘇頌

在德何夷險觀風復往還自能同善閉中路可無關

奉和經函谷關作

應制

張九齡

函谷雖云險黃河已復清聖心無所隔空此置關城

出玉關

來濟

斂轡遵龍漢銜悽度玉關今日流沙外垂涕念生還

戲題關門

岑參

來亦一布衣去亦一布衣羞見關城吏還從舊路歸

山驛閒卧卽事

蘇頌

息燕歸簷靜飛花落院閒不愁愁自着誰道憶鄉關

曉發

賀知章

故鄉杳無際江臯聞曙鐘始見沙上鳥猶埋雲外峯

扶風晝屈離京浸遠

王勃

帝里金莖去扶風石柱來山川殊未已行路方悠哉

晚屈鳳州

寶雞辭舊城仙鳳歷遺墟去此近城闕青山明月初

絕句五言

卷四十五

十八

始平晚息

觀關長安近江山蜀道賒客行朝復夕無處是鄉家

宿玄武二首

盧照隣

方池開曉色圓月下秋陰已乘千里興還撫一弦琴

庭搖北風柳院繞南漢禽累宿思方重窮秋歎更深

在荊州重赴嶺南

宋之問

夢澤三秋日蒼梧一片雲還將流落羽重入鷓鴣羣

途中口號

一作盧僊

郭向

抱玉三朝楚懷書十上秦年年洛陽陌花鳥弄歸人

蜀道後期

張說

客心爭日月來往預期程秋風不相待先至洛陽城

封丘作

高適

州縣才難適雲山道欲窮揣摩點點吏棲隱謝愚公

賀延嶺作

岑參

沙上見日出沙上見日沒悔向萬里來功名是何物

他鄉敘興

王勃

綴葉歸煙晚乘花落照春邊城琴酒處俱是越鄉人

夜還東谿

王績

石苔應可踐叢枝幸易攀青谿歸路直乘月夜歌還

嵩山夜還

宋之問

絕句

五言 卷四十五

十九

家住一作嵩山下好采舊山薇自自遊泉石何曾不夜

歸

在軍登城樓

駱賓王

城上風威冷江中水氣寒戎衣何日定歌舞入長安

魯中都東樓醉起作

李白

昨日一作東城飲樓一作還應一作倒接離阿誰扶上馬

不省下樓時

江樓

韋承慶

獨酌芳春酒登樓已半曛誰驚一行鴈衝斷過江雲

登鶴鵲樓 一作王之渙

朱斌

白日依山盡黃河入海流欲窮千里目更上一重

一作樓

南樓望

盧僊

去國三巴遠登樓萬里春傷心江上客不是故鄉人

勞勞亭

李白

天下傷心處勞勞送客亭春風知別苦不遣柳條青

夜下征虜亭

船下廣陵去月明征虜亭山花如繡頰江火似流螢

醉題王漢陽廳

我似鷓鴣鳥南遷懶北飛時尋漢陽令取醉月中歸

絕句

五言 卷四十五

二十一

昔安建陰題壁

王勃

江漢深無極梁岷不可攀山川雲霧裏遊子幾時還

玉真公主宅

儲光義

山北天泉苑山西鳳女家不言沁園好獨隱武陵花

題袁氏別業

賀知章

主人不相識偶坐爲林泉莫謾愁沽酒囊中自有錢

題皇甫嶽雲谿別業

五言

王維

人間桂花落夜靜春山空月出驚山鳥時鳴春澗中

鳴磬

日日采蓮去洲長多暮歸弄篙莫澗水良濕紅蓮衣

花塢

乍向紅蓮沒復出清蒲颺獨立何難徙銜魚古查上右

鵝塢

朝耕上平田暮耕上平田借問問津者寧知沮溺賢右

平田

春池深且廣會待輕舟迴靡靡綠萍合垂楊掃復開右

題輞川別業

二十一首序曰余別業在輞川山谷其地止有孟城坳輞川亭南坨款

胡柳柴木蘭柴柴黃汭宮槐陌北坨竹里館辛夷塢漆園板園等與裴迪同暇各賦絕句云

絕句

五言

卷四十五

二十一

新家孟城口古木餘衰柳來者復為誰空悲昔人有

飛鳥去不窮連山復秋色上下華子岡惆悵情何極

文杏裁為梁香茅結為宇不知棟裏雲去作人間山

檀欒

映空曲青翠漾漣漪暗入南山路樵人不可知

空山不見人但聞人語響返景入深林復照青苔上

秋山歛餘照飛鳥逐前侶彩翠時分明夕嵐無處所

蘭柴

結實紅且綠復如花更開山中儻留客置此芙蓉杯右

黃泥

仄逕蔭宮槐幽陰多綠苔應門但迎掃畏有山僧來右

槐雨

輕舸迎上客悠悠湖上來當軒對樽酒四面芙蓉

開右臨湖亭

輕舟南坨去北坨森難即隔浦望人家遙遙不相識

絕句

五言

卷四十五

二十二

吹簫凌極浦日暮送夫君湖上一迴首青山卷白雲右

湖

分行接綺樹倒影入清漪不學御溝上春風傷別離右

風

颯颯秋雨中淺淺石溜瀉跳波自相濺白鷺驚復下右

寒湖

日飲金屑泉少當千餘歲翠鳳翊文螭羽節朝玉帝右

屑泉

清淺白石灘綠蒲向堪把家住水東西浣紗明月下右

石灘

北垞湖水北雜樹映朱欄逶迤南川水明滅青林端

右

獨坐幽篁裏彈琴復長嘯深林人不知明月來相照

右

木末芙蓉花山中發紅萼澗戶寂無人紛紛開且落

右

古人非傲吏自關經世務偶寄一微官婆娑數株樹

右

桂尊迎帝子杜若贈佳人椒漿奠瑤席欲下雲中君

右

絕句

五言 卷四十五

二十三

和王維

二十首

裴迪

結廬古城下時登古城上古城非疇昔今人自來往

右

落日松風起還家草露晞雲光侵履跡山翠拂人衣

右

迢迢文杏館躋攀日已屢南嶺與北湖前看復迴顧

右

明流紆且直綠篠密復深一逕通山路行歌望舊岑

右

日夕見寒山便爲獨往客不知深林事但有麝麝跡

右

紫

蒼蒼落日時鳥聲亂谿水緣谿路轉深幽興何時已

右

飄香亂椒桂布葉間檀藥雲日雖迴照森沈猶自寒

右

門前宮槐陌是向歆湖道秋來山雨多落葉無人掃

右

當軒彌淥淥孤月正徘徊谷雨猿聲發風傳入戶來

右

孤舟信一泊南垞湖水岸落日下崦嵫清波殊淼漫

右

空闊湖水廣青熒天色同艤舟一長嘯四面來清風

右

映池同一色逐吹散如絲結陰旣得地何謝陶家時

右

瀨聲喧極浦沿涉向南津汎汎鷗鳬渡時時欲近人

右

紫渚澹不流金碧如可拾迎晨含素華獨往事朝汲

右

跂石復臨水弄波情未極日下川上寒浮雲澹無色

右

石灘

南山北坨下結宇臨歆湖每欲采樵去扁舟出菰蒲北

來過竹里館日與道相親出入唯山鳥幽深無世人右

綠堤春草合王孫自留翫況有辛夷花色與芙蓉亂右

好間早成性果此諸宿諾今日漆園遊還同莊叟樂右

丹刺冒人衣芳香留過客幸堪調鼎用願君垂采摘右

絕句

卷四十五

二十五

別輞川別業

王維

依遲動車馬惆悵出松蘿忍別青山去其如綠水何

奉和

王維

山月曉仍在林風涼不絕殷勤如有情惆悵令人別

張郎中梅園中

孟浩然

綺席鋪蘭杜珠盤折菱荷故園留不住應是戀茲歌

同羣公題張處士萊園

一作公參

高適

畔地桑柘間地肥菜常熟爲問葵藿資何如廟堂肉

春園

王勃

山泉兩處晚花柳一園春還持千日醉共作百年人

田園言懷

李白

賈誼三年謫班超萬里侯何如牽白犢飲水對清流

將赴益州題小園壁

蘓頌

歲窮惟益老春至却辭家可惜東園樹無人也作花

春莊

王勃

山中蘭葉徑城外李桃園直知人事靜不覺鳥聲喧

題梁鎰城中高居

岑參

高居一作住最高處千家恒眼前題詩飲酒後只對諸峯

眠

絕句

卷四十五

二十六

題華山人幽居

吳筠

故人住南郭邀我對芳樽歡暢日亦暮不知城市喧

閒居

高適

柳色驚心事春風厭索居方知一杯酒猶勝百家書

山中

王勃

長江悲已滯萬里念將歸兄屬高風晚山山黃葉飛

山中書事

王維

輕陰閣小雨深院晝慵開坐看蒼苔色欲上人衣來

荆谿白石出天寒紅葉稀山路元無雨空翠濕人衣

憶東山

李白

不向東山久薺薇幾度花白雲他一作還自散明月落誰家

我今攜謝妓長嘯絕人羣欲報東山客開關掃白雲

田家春望

高適

出門何所見春色滿平蕪可歎無知己高陽一酒徒

正日臨朝

奉和聖製

楊師道

皇猷被寰宇端扈屬元辰九重麗天邑千門臨上春

奉和正旦賜宰臣柏葉

應制

武平一

綠葉迎春綠寒枝歷歲寒願持一作將柏葉壽長奉萬年

歡

絕句

五言 卷四十五

二十七

奉和

李义

勁節臨冬勁芳心待歲芳偏一作能令人益壽非止麝香

香

奉和

趙彦昭

器乏雕梁器材非構厦材但將千載葉常奉萬年杯

元朝

張說

今歲元日一作元日樂不謝往年春知向來心道誰爲昨夜人

夜人

正朝上左相張燕公

楊重玄

歲去愁終在春還命不來長吁問丞相東閣幾時開

十五夜觀燈

陳子昂

三五月華新遨遊逐上春芳宵殊未極隨意守燈輪

同張將薊門觀燈

孟浩然

異俗非鄉俗新年改故年薊門看火樹疑是燭龍然

耗磨日飲

二首

張說

耗磨傳茲日縱橫道未宜但令不忘醉翻是樂無爲

春來半月度俗忌一朝閒不酌他鄉酒無堪對楚山

和張燕公

趙冬曦

上月今朝減流傳耗磨辰還將不事事同醉俗中人

寒食

一作李崇嗣

沈佺期

絕句

五言 卷四十五

二十八

普天皆滅焰匝地盡藏煙不知何處火來就客心然

閏月七日織女

王灣

耿耿曙河微神仙此夜一作會稀今年七月閏應得兩迴歸

歸

中秋月

二首

李嶠

盈缺青冥外東風萬古吹何人種丹桂不長出輪枝

圓魄上寒空皆言四海同安知千里外不有雨兼風

九日進茱萸山詩

五首

張說

家居洛陽下舉目見嵩山刻作茱萸節情生造化間

黃花宜汎酒青嶽好登高稽首明廷內心爲天下勞

菊酒携山客，萸囊繫牧童。路疑隨大隗，心似問鴻蒙。

九日重陽數三秋，萬實成時來調軒。后罷去坐蓬瀛，

晚節歡重九。高山上五千，醉中知遇聖。夢裏見尋仙，

九日

王勃

九日重陽節，開門有菊花。不知來送酒，若箇是陶家。

九日龍山飲

李白

九日龍山飲黃花，笑逐臣醉看風落。帽舞愛月留人，

擬江令於長安歸揚州九日

二首

許敬宗

本逐征鴻去，還隨落葉來。菊花應未滿，請待詩人開。

遊人倦蓬轉，鄉思逐鴻來。徧想臨潭菊，芳藥對誰開。

絕句

五言

卷四十五

二十九

九日陪元魯山登北城留別

七首

蕭穎士

山縣遶古堞，悠悠快登望。雨餘秋天高，目盡無隱狀。

綿連澗川迥，杳渺鴉路深。彭澤興不淺，臨風動歸心。

賴茲琴堂暇，傲睨傾菊酒。人知歲已登，從政復何有。

遠山十里碧，一道銜長雲。青霞半落日，混合疑暗暉。

漸聞棲林羽，坐歎清夜月。中歡愴有違，行子念明發。

僅能泯寵辱，未免傷別離。江湖不可忘，風雨勞相思。

明時當盛才，短技安所試。何日謝百里，從君漢之滋。

行軍九日思長安故園

岑參

強欲登高去，無人送酒來。遙憐故園菊，應傷戰場開。

臘日宣詔幸上苑

則天皇后

明朝遊上苑，火急

一作速

報春知。花須連夜發，莫待曉風吹。

吹

於太原召侍臣賜宴守歲

太宗

四時運灰琯，一夕變冬春。送寒餘雪盡，迎歲早梅新。

嶺外守歲

李福業

冬去更籌盡，春隨斗柄迴。寒暄一夜隔，容鬢兩年催。

欽州守歲

張說

故歲今宵盡，新年明旦來。愁心隨斗柄，東北望春迴。

岳州守歲

二首

絕句

五言

卷四十五

三十

夜風吹醉舞，庭戶對酣歌。愁逐前年少，歡迎今歲多。

桃枝堪辟惡，爆竹

一作竹爆

好驚眠。歌舞留今夕，猶言惜惜年。

年

初年

陳叔達

和風起天路

一作表

嚴氣消冰井，索索枝未柔。厭厭蒲猶

永

初春

王績

春來日漸長，醉客喜年光。稍覺池亭

一作塘

好，偏宜酒甕

香

春首

陳叔達

雪花聯玉樹水彩散瑤池翔禽遙出沒積翠

早春野望

王勃

江曠春潮白山長曉岫青他鄉臨眺一作極花柳映邊

春日二首

杜甫

遲日江山麗春風花草香泥融飛燕子沙暖睡鴛鴦
江碧鳥逾白山青花欲然今春看又過何日是歸年

春日池臺

元萬頃

日影飛花殿風文積草池鳳樓通夜敞虬輦望春移

春夜

虞世南

絕句

五言 卷四十五

三十一

春花月徘徊竹堂侵夜開驚鳥排林度風花隔水來

春遊

王勃

客念紛無極春淚倍成行今朝花樹下不覺戀年光

春眺

李百藥

疲病荷拙患淪躓合幽襟栖息在何處丘中鳴素琴

登城春望

王勃

物外山川近晴初景靄新芳郊花柳徧何處不宜春

羈春

客心千里倦春事一朝歸還傷北園裏重見落花飛

夏日山中

李白

懶搖白羽扇裸體一作袒青林中脫巾挂石壁露頂灑松風

汾上驚秋

北風吹白雲萬里渡河汾心緒逢搖落秋聲不可聞

遼東山夜臨秋

太宗

煙生遙岸隱月落半崖陰連山驚鳥亂隔岫斷猿吟

秋思

岑參

那知芳歲晚坐見寒葉墮吾不如腐草翻飛作螢火

冬郊行望

王勃

桂密巖花白梨疎林葉紅江皋寒望盡歸念斷征蓬

絕句

五言 卷四十五

三十二

夜興

野煙含夕渚山月照秋林還將中散興來偶步兵琴

山扉夜坐

抱琴開野室攜酒對情人林塘花月下別是一作似一家

春

詠初月

一作沈佺期

駱賓王

忌滿光先一作相缺乘昏影暫流既一作自能明似鏡何用

曲如鉤

入朝洛堤步月

上官儀

脉脉廣川流驅馬歷長洲鵲飛山月曙蟬噪野風秋

初入峽苦風

寄故鄉親友

陳子昂

故鄉今日友歡會坐應同寧知巴峽路辛苦石尤風

詠風

應魏王教

虞世南

逐舞飄輕袖傳歌共繞梁動枝生亂影吹花送遠香

輞口遇雨憶終南山

獻王維

裴迪

積雨晦空曲平沙滅浮彩輞水去悠悠南山復何在

答裴迪

王維

淼淼寒流廣蒼蒼秋雨晦君問終南山心知白雲外

初晴

應教

虞世南

初日明燕館新溜滿梁池歸雲半入嶺殘滴尚懸枝

絕句

五言

三十三

對雪

獻從兄虞城宰

李白

昨夜梁園雪一作第寒兄不知庭前看玉樹腸斷憶連枝

枝

春雪

東方虬

春雪滿空來觸處似花開不知園裏樹若箇是真梅

前題

杜甫

三月雪連夜未應傷物華只緣春欲盡留著伴梨花

終南望雪

祖詠

終南陰嶺秀積雪浮雲端林表明霽色城中增暮寒

咏山火

李白

野火燒山上人歸火不歸烟隨紅日去煙逐暮雲飛

送兵到薊北

高適

積雪與天迥屯軍連塞愁誰知此行邁不為覓封侯

朝退

李適之

朱門長不開親友恣相過年今將半百不樂復一作如

何

被使在蜀

張說

卽今三伏盡尚自在臨邛歸途千里外秋月定相逢

幽情

李收

幽人惜春暮潭上折芳草佳期何時還欲寄千里道

絕句

五言

三十四

閨情

鄭虔

銀鑰開香閣金臺點夜燈長征君自慣獨卧安何曾

三月閨情

袁曄

三月時將盡空房妾獨居蛾眉愁自結鬢髮沒情梳

春曉

孟浩然

春眠不覺曉處處聞啼鳥夜來風雨聲花落知多少一作

欲知昨夜風花落無多少

代閨人寄遠

五首

王維

花明綺陌春柳拂御溝新爲報遼陽客流芳不待人

遠成功名薄幽閨年貌傷粧成對春樹不語淚千行

啼鴛綠樹深語燕雕梁晚不省出門行沙場知近遠
形影一朝別烟波千里分君看望君處祇是起行雲
洞房今夜月如練復如霜爲照離人恨亭亭到曉光

春夜裁縫

薛維翰

珠箔因風起飛蛾入最能不教人夜作方便殺明燈

贈薛瑤英

賈至

舞怯銖衣重笑疑桃臉開方知漢成帝虛築避風臺

題情人藥欄

萬楚

歛眉語芳草何許太無情正見離人別春心相向生

佳人照鏡

張文恭

絕句

卷四十五

三十五

倦米靡蕪葉貪憐照膽明兩邊俱拭淚一處有啼聲

見美人聞琴不聽

李播

洛浦風流雪陽臺朝暮雲聞琴不肯聽似妬卓文君

見佳人負錢出路

鄭世翼

獨負千金價應從買笑來祇持難發口經爲幾人開

廣州朱長史坐觀妓

宋之問

歌舞須連夜神仙莫放歸參差隨暮雨前路濕人衣

姪良攜二妓赴會稽戲有此贈

李白

攜妓東山去春光半道催遙看若桃李雙入鏡中開

出妓金陵子

二首呈盧六

南國新豐酒東山小妓歌對君君不樂花月奈愁何
東道煙霞主西江詩酒筵相逢不覺醉日墮歷陽川

贈妓

一作卽事

杜甫

百寶裝腰帶眞珠絡臂鞵笑時花近眼舞罷錦纏頭

詠舞

虞世南

繁弦奏淥水長袖轉回鸞一雙俱應節還似鏡中看

前題

楊希道

二八如迴雪三春類早花分行向燭轉一種逐風斜

前題

蕭德言

低身鑄玉珮舉袖拂羅衣對簷疑燕起映雪似花飛

絕句

卷四十五

三十六

山夜調琴

王績

促軫乘明月抽絃對白雲從來山水韻不使俗人聞

清谿半夜聞笛

李白

羌笛梅花引吳谿隴水清一作寒山秋浦月
一作寒山秋浦月

腸斷玉關情

一作聲

賦得臨池柳

太宗

岸曲絲陰聚波移一作帶影疎還將眉裏翠來就鏡中

舒

題平陽郡汾橋邊柳樹

岑參

此地曾居住今來死似歸可憐汾上柳相見也依依

左掖梨花

王維

閒灑堦邊草輕隨箔外風黃鸝弄不足衙人未央宮

前題

丘爲

冷艷全欺雪餘香乍入衣春風且莫定吹向玉階飛

探得李

太宗

盤根直盈渚交幹橫倚天舒華光四海卷葉蔭三川

侍宴詠石榴

孔紹安

可惜庭中樹移根逐漢臣只爲時來晚花開不及春

題殿前桂葉

盧僊

桂樹生南海芳香隔楚^{一作遠}山今朝天上見疑是月中

絕句

五言 卷四十五

三十七

攀

正朝摘梅

張說

蜀地寒猶暖正朝發早梅偏驚萬里客已復一年來

江濱梅

王適

忽見寒梅樹開花漢水濱不知春色早疑是弄珠人

詠木槿樹

題武進文明府廳

劉庭琦

物情良可見人事不勝悲莫恃朝榮好君看暮落時

紫藤樹

李白

紫藤挂雲木花蔓宜陽春密葉隱歌鳥香風留美人

賦得臨池竹

太宗

貞條遶曲砌翠葉貫^{一作負}寒霜拂牖分龍影臨池待鳳翔

臨階竹

盧照隣

封霜連錦砌防露拂瑤堦聊將儀鳳質暫與俗人諧

詠院中蓼竹

呂太一

擢擢當軒竹青青重歲寒心貞徒見賞籜小未成竿

和呂御史

張洵

聞君庭竹詠幽意歲寒多歎息爲冠小良工將柰何

紅牡丹

王維

綠豔閒且靜紅衣淺復深花心愁欲斷春色豈知心

絕句

五言 卷四十五

三十八

曲池荷

盧照隣

浮香繞曲岸圓影覆華池常恐秋風早飄零君不知

詠菊

一作陳叔達

陳叔達

霜間開紫蒂露下發金英但令逢採摘寧辭獨晚榮

山茶萸

王維

朱實山下開清香寒更發幸與叢桂花應前向秋月

詠相思子

一作紅豈

紅豈生南國秋來發故^{一作枝願}又^{一作勤}君多^{一作采}採

擷此物最相思

流夜郎題葵葉

李白

慙君能衛足歎我遠移根白日如分照還歸守故園

感巫州齊菜

高力士

兩京作勛賣五谿無人采夷夏雖有殊氣味終一作不
改一作因常在

入長安詠秋蓬

示辛學士

王績

遇坎聊知止逢風或一作忽未歸孤根何處斷輕葉強能
飛

答王無功

辛學士

托根雖異所飄葉早相依因風若有便更共入雲飛

題花樹

楊衡

絕句

五言 卷四十五

三十九

都無看花地偶到樹邊來可憐枝上色一一為愁開

河上逢落花

萬楚

河水浮落花花流東不息應見浣紗人為道長相憶

岳州看黃葉

張說

白首看黃葉徂顏復幾何空慙棠樹下不見政成歌

南中詠鴈

一作揚師道又作章永慶 于季子

萬里人南去三春鴈北飛不知何歲月得與爾同歸

秋鴈

一作諸亮

虞世南

日暮霜風急羽翮轉難任為有傳書意聯翩入上林

歸鴈

杜甫

春一作來萬里客亂定幾年歸腸斷江城鴈高高向一作

正北飛

詠鳥

李義府

日裏颺朝彩琴中伴夜啼上林如許一作多少樹不借一枝

栖

詠禮部尚書廳後鵲

時將重入蜀

蘓頌

懷印喜將歸窺巢戀且依自知棲不定還欲向南飛

夜飛鵲

蔣冽

北林夜方久南月影頻移何啻飛三匝猶言未得枝

詠黃鸝

一作鄭愔又作鄭絳

孫處玄

絕句

五言 卷四十五

四十

欲嘯聲猶澁將飛羽未調高風不借便何處得還喬

燕巢軍幕

宋之問

非關憐翠幕不是厭朱樓故來呈燕領報道欲封侯

詠燕

張鷟

變石身猶重銜泥力尚微從來赴甲第兩起一雙飛

初出金門尋王侍御不遇詠壁上鸚鵡

一作教放 李白

落羽辭金殿

一作孤鳴託 繡衣能言終見棄還向

隴山

一作飛

觀放白鷹

八月邊風高胡鷹白錦毛孤飛一片雪百一作里見

賦得白鷺鷥送宋少府入三峽

白鷺拳一足月明秋水寒人驚遠飛去直向使君灘

白鷺鷥

白鷺下秋水孤飛如墜霜心閒且未去獨立沙洲傍

浴浪鳥

盧照隣

獨舞依盤石羣飛動輕浪奮迅碧沙前長懷白雲上

白馬

賈至

白馬紫連乾嘶鳴丹闕前聞珂自蹀躞不要下金鞭

絕句五言

卷四十五

四十一

從駕閭山詠馬

上官儀

桂香塵處滅練影月前空定惑由關吏徒嗟塞上翁

詠死兔

蘓頌

兔于死蘭彈持來挂竹竿試將明鏡照何異月中看

含風蟬

盧照隣

高情臨爽月急響送秋風獨有危冠意還憐一作哀衰髮

同

詠蟬

虞世南

垂綏飲清露流響出疎桐居高聲自遠非是藉秋風

前題

李百藥

清心自飲露哀響乍吟風未上華冠側先驚翳葉中

詠螢火示情人

詠螢

虞世南

的歷流光小飄颻弱翅輕恐畏無人識獨自暗中明

賦得御製句朔野陣雲飛

何象

塞日穿痕斷邊鴻背影飛縹渺浮黃屋陰沈護御衣

賦得下山逢故夫

徐之才

踟躕下山婦共申別離久爲問織縑人何必長相守

賦得早鴈出雲鳴

太宗

絕句五言

卷四十五

四十二

初秋玉露清早鴈出空鳴隔雲時亂影因風乍合聲

賦得弱柳鳴秋蟬

散影玉階柳含翠隱鳴蟬微形藏葉裏亂響出風前

獨愁

李崇嗣

聞道成都酒無錢亦可求不知將幾斗一作銷得此來

愁

照鏡見白髮

張九齡

宿昔青雲志蹉跎白髮年誰知明鏡裏形影自相憐

歎白髮

岑參

白髮生偏一作太速交人不奈何今朝兩鬢上更較數莖

多

崔興宗寫真詠

王維

畫君年少時如今君已老今時新識人知君舊時好

詠省壁畫鶴

宋之問

粉壁圖仙鶴昂藏真氣多鸞飛竟不去當是戀恩波

林泉獨飲

王勃

丘壑經塗賞花柳遇時春相逢今不醉物色自輕人

獨酌

王績

在一作生知幾日無狀遂空名不如多釀酒時向竹林

傾

絕句五言

卷四十五

四十三

嘗春酒

野觴浮鄭酌山酒漉陶巾但令千日醉何惜兩三春

清夜酌

張說

秋陰士多感用息夜無塵清樽宜明月復有平生人

醉中作

醉後樂無極

一作無窮樂又作方知樂

彌一作全

勝未醉時動容皆是

舞出語總成詩

醉後

王績

阮籍醒時少陶潛醉日多百年何足度乘興且長歌

過酒家

五言

洛陽無大宅長安乏主人黃金銷未盡祇爲酒家貧

此日長昏飲非關養性靈眼看人盡醉何忍獨爲醒

竹葉連糟翠蒲葑帶翅紅相逢不令盡別後爲誰空

對酒但知飲逢人莫強牽倚爐便得睡橫甕足堪眠

有客須教飲無錢可別沽來時長道賁慚愧酒家胡

題酒店壁

昨夜餞始盡今朝甕卽開夢中占夢罷還向酒家來

看釀酒

六月調神麴正朝汲美泉從來作春酒未省不經年

詠小山

太宗

絕句五言

卷四十五

四十四

近谷交榮藥遙峯對出蓮徑細無全磴松小未含煙

戲題卜鋪壁

王績

旦逐劉伶去宵隨畢卓眠不應長賣卜須得杖頭錢

詠塵

駱賓王

淩波起羅襪含風染素衣別有知音調聞歌應自飛

詠硯

楊師道

圓池類壁水輕翰染煙華將軍欲定遠見棄不應除

詠弓

一作董思恭

太宗

上弦明月半激箭流星遠落鴈帶書驚啼猿映枝轉

奉和

楊師道

霜重麟膠勁風高月影圓烏飛隨帝輦鴈落逐鳴弦

荅友人贈烏紗帽

李白

領得烏紗帽全勝白接離山人不照鏡稚子道相宜

尚書念舊垂賜袍衣率題絕句獻上以申感謝

岑參

富貴情還在相逢豈間然綈袍更有贈猶荷故人憐

題田洗馬遊巖桔槔

陳子昂

望苑長爲客商山遂不歸誰憐北陵井未息漢陰機

千秋節賜羣臣鏡

玄宗

瑞露垂花綵寒氷澈寶輪對茲臺上月聊以慶佳辰

絕句

五言

卷四十五

秋朝覽鏡

薛稷

客心驚落木夜坐聽秋風朝日看容鬢生涯在鏡中

途中覽鏡

徐九臯

四海遊長倦百年行一作愁半侵賴窺明鏡裏時兄丈夫

心

覽鏡

李崇嗣

歲去紅顏盡愁來白髮新今朝開鏡匣疑是別逢人

詠鏡

駱賓王

寫月無芳桂照日有花菱不持光謝水翻將影學氷

詠破簾

喬氏

已漏風聲罷繩持也不禁一從經落節無復有貞心

題友人雲母障子

王維

君家雲母障時一作特向野庭開自有山泉入非因一作開彩畫來

挑燈杖

駱賓王

稟質非貪熱焦心豈憚熬終知不自潤何處用脂膏

詠燭寄情人

潘求仁

燭與人相似通宵遽白煎不應須下淚祗是爲人然

詠燭

二首

太宗

焰聽一作畏風來動花開不待春鎮下千行淚非是爲

絕句

五言

卷四十五

四十六

思人

九龍蟠焰動四照逐花生卽此流高殿堪持代月明

詠破扇

唐怡

輪如明月盡羅似薄雲穿無由重掩笑分在秋風前

詠山樽

李白

擁腫寒山木嵌空成酒樽愧無江海量假寒在君門

述懷

唐怡

萬事皆零落平生不可思惟餘酒中趣不減少年時

書懷

劉幽求

心爲明時盡君門尚不容田園迷徑路歸去欲何從

遣懷

張暈

茫茫煙水上日暮陰雲飛孤坐正愁緒湖南誰擣衣

自遣

李白

對酒不覺暝落花盈我衣醉起步谿月鳥還人亦稀

絕句 十首

杜甫

聞道巴山裏春船正好行都將百年與一望九江城

水檻溫江口茅堂石筍西移船先主廟洗藥浣花谿

謾道春來好狂風大放顛吹花隨水去翻却釣魚船

江邊踏青罷回首見旌旗風起春城暮高樓鼓角悲

日出籬東水雲生舍北泥竹高鳴翡翠沙僻一作暖舞鷗

絕句 五言

卷四十五

四十七

雞

藹藹花藥

亂飛飛蜂蝶多幽棲身懶動客至欲如

何

急雨捎谿足斜暉轉樹腰隔巢黃鳥並翻藻白魚跳

繫井交櫻葉開渠斷竹根扁舟輕褭纜小逕曲通村

舍下筍穿壁庭中藤刺簷地晴絲冉冉江白草纖纖

江動月移石谿虛雲倚花鳥棲知故道帆過宿誰家

奔亡道中 三首

李白

蘓武天上田橫海島邊萬重關塞斷何日是歸年

亭伯去安在李陵降未歸愁容變海色短服改胡衣

談笑三軍却交遊七貴疎仍留一隻箭未射魯連書

罷相作

李適之

避賢初罷相樂聖且銜杯借一作爲問門前客今朝幾箇

來

復愁 十二首

杜甫

人煙生僻處虎跡過新蹄野鶻翻窺草村船逆上谿

釣艇收縵盡昏鴉接翅稀月生初學扇雲細不成衣

萬國尚防寇故園今若何昔歸相識少早已戰場多

身覺省郎在家須農事歸年深荒草徑老恐失柴扉

金絲縷箭鏃皂尾掣旗竿一自風塵起猶嗟行路難

絕句 五言

卷四十五

四十八

貞觀銅牙弩開元錦獸張花門小箭好此物棄沙場

胡虜何曾盛干戈不肯休閭閻聽小子談笑覓封侯

今日翔麟一作鱗馬先宜駕鼓車無勞問河北諸將角

榮華

任轉江淮粟休添苑囿兵由來貌虎士不滿鳳凰城

江上亦秋色火雲終不移巫山猶錦樹南國且黃鸝

每恨陶彭澤無錢對酒華如今九日至自覺酒須賒

病減詩仍拙吟多意有餘莫看江總老猶被賞時魚

聞詔流夜郎作 一作經鄴街谷

燕谷無暖氣窮巖閉嚴陰鄒子一吹律能迴天地心

韓十四被魯王推遷往濟南府 崔國輔

西候情何極南冠怨有餘梁王雖好事不察獄中書

菩提寺禁口號 示裴迪 王維

安得釋一作捨羅網拂衣辭世喧悠然策藜杖歸向桃花

源

繫尋陽上崔相渙 李白

邯鄲四十萬同日陷長平能迴造化筆或冀一人生

易水懷古 駱賓王

此地別燕丹壯髮上衝冠昔時人已沒今日水猶寒

杜陵懷古 李白

絕句 五言 卷四十五 四十九

南登杜陵上北望五陵間秋水明落日流光滅遠山

謁二妃廟 宋之問

送以金屋貴留茲寶席尊江鳬嘯風雨山鬼泣朝昏

武侯廟 杜甫

遺廟丹青落一作古空山草木長猶聞辭後主不復卧南

陽

八陣圖

功蓋三分國名成八陣圖江流石不轉遺恨失吞吳

哭孟浩然 王維

故人不可見漢水日一作自東流借問襄陽老江山空蔡

州

哭宣城善釀紀叟 李白

紀叟一作戴老黃泉裡一作下還應釀老一作大春夜臺無曉日

李白一作沽酒與何人

悼亡妻張氏 唐珣

暉陽桐半死延津劍一沈如何宿昔內空負百年心

傷曹娘 三首 宋之問

昔日河陽縣氛氲香氣多曹娘嬌態盡春樹不堪過

鳳飛樓伎絕鸞死鏡臺空獨憐脂粉氣猶著舞衣中

河伯憐嬌態馮夷要姝妓寄言遊戲人莫弄黃河水

絕句 五言 卷四十五 五十

傷妓人董氏 四首 張說

董氏嬌嬈性多爲窈窕名人隨秋月落韻入擣衣聲

粉蕊粘粧鹿金花竭翠條夜臺無戲伴魂影向誰嬌

舊庭紅粉閣宿處白雲關春日雙飛去秋風獨不還

舞席沾殘粉歌梁委舊塵獨傷恁裏月不見帳中人

傷奴奴 劉夷道

丹籍生涯淺黃泉歸路深不及江陵樹千秋長作林

見道邊人 劉元濟

淒涼徒見日冥冥詎知年竟今不可問應爲直如弦

則天皇后挽詩 宋之問

象物行周禮衣冠集漢都誰憐事虞舜下里泣蒼梧

楊將軍挽詩

亭寒照苦月隴暗積愁雲今日山門樹何處有將軍

鄧國太夫人挽詩

鸞死鉛粧歇人亡錦字空悲端若能減渭水亦應窮

題奉國寺

陸海

新秋夜何爽露下風轉淒一磬竹林

一作外

千燈花塔

西

題龍門寺

懸燈林霽裏門磬水聲中更與龍華

一作更

會爐煙滿

絕句

五言 卷四十五

五十一

夕風

題慈恩塔

荊叔

漢園山河在秦陵草樹深暮雲千里色無處不傷心

題三會寺蒼頡造字臺

岑參

野寺荒臺晚寒天古木悲空塔有鳥跡猶似造書時

題雲際南峯眼上人讀經堂

眼公不下此堂十五年矣

結宇題三藏焚香老一峯雲間獨坐臥祗是對山杉

松

遊昌化山精舍

盧照隣

寶地乘峯出香臺接漢高稍覺真途近方知人事勞

題鑒上人房

二首

宋之問

落花雙樹積芳草一庭春玩之堪興異何必見幽人

晚入應真理經行尚未回房中無俗物林下有青苔

蒲公房

慕母潛

世界蓮花藏行人香火緣燈王照不盡中夜寂相傳

題僧房

王昌齡

棕櫚花滿院苔蘚入閒房彼此名言絕空中聞異香

別東林寺僧

李白

東林送客處月出白猿啼笑別廬山遠何煩過虎谿

湖中別鑒上人

宋之問

絕句 五言 卷四十五

五十二

願與道林近在意逍遙篇自有靈佳寺何用沃洲禪

與琳法師

貞觀十一年法師幽繫故致詩焉

毛明素

治長倦繆繼韓安歎死灰始驗山中木方知貴不材

答香能和尚塔

張說

大師捐世去空餘法力在遠寄無礙香心隨到南海

題情深樹寄象公

李白

腸斷枝上猿淚添山下樽白雪見我去亦爲我飛翻

江中誦經

張說

實相歸懸解虛心暗在通澄江明月內應是色成空

登玉清觀

盧照隣

絕頂橫臨日孤峯半倚天徘徊拜真老萬里見風烟

奉真觀

儲光義

真門迴向北馳道直向西爲與天光近雲色成虹霓

題井陘雙谿李道士所居

岑參

五粒松花酒雙谿道士家唯一作欲求縮却地鄉路莫教

賒

寄劉道士

張說

真人降紫氣邀我丹田宮遠一作遙寄雙飛鳥一作飛

不礙空

過阮客舊居

李陽冰

絕句五言

卷四十五

五十三

阮客身何在仙雲洞口橫人間不到處今日此中行

唐詩所第四十五卷終

唐詩所第四十六卷絕句

前集

七言

送賈侍御使江外

岑參

新騎驄馬復承恩使出金陵過海門荆南渭北難相見
莫惜衫襟着酒痕

送元二使安西

王維

渭城朝雨裊輕塵客舍青青柳色新一作柳色新勸君更盡

一杯酒西出陽關無故人

送人使河源

張謂

故人行役向邊州匹馬今朝不少留長路關山何日盡

絕句七言

卷四十六

一百四十五

滿堂絲竹爲君愁

送李侍郎赴常州

賈至

雪晴雲散北風寒楚水吳山道路難今日送君須盡醉

明朝相憶路漫漫

惠義寺園送辛員外

杜甫

朱櫻此日垂朱實郭外誰家負郭田萬里相逢食掾手

高才仰望足離筵

送柴侍御

王昌齡

沅水通波接武岡送君不覺有離傷青山一道同雲雨

明月何曾是兩鄉

原頭送范侍御

得山字

岑參

百尺原頭酒色殷
路傍驄馬汗斑斑
別君祇有相思夢
遮莫千山與萬山

號州西山亭子送范端公

得農字

百尺紅亭對萬峯
平明相送到齋鍾
驄馬勸君皆卸却
使君家醞舊來濃

江南送李卿

賈至

雙鶴南飛度楚山
楚南相見憶秦關
願值迴風吹羽翼
早隨陽鴈及春還

送韋評事

王維

絕句

卷四十六

二

二百六十三

欲逐將軍取右賢
沙場走馬向居延
遙知漢使蕭關外
愁見孤城落日邊

餞唐永昌赴任東都

詩書郎

李適

聞道飛鳧向洛陽
翩翩矯翮度文昌
因聲寄意三花樹
少室巖前幾過香

前題

徐彥伯

金谿碧水玉潭沙
鳧鳥翩翩弄日華
關雞香陌行春倦
爲摘東園桃李花

前題

劉憲

始見郎官拜洛陽
旋聞近侍發雕章
緒言已勗期年政

綺字當

一作生

滿路光

前題

崔日用

洛陽桴鼓今不鳴
朝野咸推重
太平冬至水霜俱
怨別春來花鳥若爲情

前題

徐堅

郎官出宰赴伊瀍
征傳駸駸漸水前
此時悵

一作望新

前題

沈佺期

洛陽舊有神明宰
輦轂由來天地中
餘邑政成何足貴
因君取則四方同

絕句

卷四十六

三

前題

李乂

田郎才貌出咸京
潘子文華向洛城
願以深心留善政
當令強項謝

一作高名

前題

馬懷素

聞君出宰洛陽隅
賓友稱觴餞路衢
別後相思在何處
祇應闕下望仙鳧

前題

武平一

聞君墨綬出丹墀
雙鳧飛來佇有期
寄謝銅街攀柳日
無忘粉署握蘭時

前題

閔朝隱

洛陽難理若勞絲椎破連環定不疑鸚鵡休言秦地樂
一作鳥道長安樂回頭一顧一相思

前題

薛稷

河洛風煙壯市朝送君飛鳬去漸遙更思明年桃李月
花紅柳綠宴浮橋

送韓侍御之廣德令

李白

昔日繡衣何足榮今宵貰酒與君傾暫就東山賒月色
酣歌一夜送淵明

送崔嬰赴漢陽令

李頎

中外相連弟與兄新加小縣子男名纔年三十佩銅印
絕句 七言 卷四十六 四

知爾弦歌漢水清

送李少府

時在客舍作

高適

相逢旅館意多違暮雪初晴候鴈飛主人酒盡君未醉
薄暮途遙歸不歸

送荆南張判官

獨孤及

輜車駱 一作馬往從誰夢清 蘭臺日更遊欲識桃
花最多 一作處 前程問取武陵兒

送鄭判官

王昌齡

東楚吳山驛樹微輶車銜命奉恩輝英僚拂出新豐酒
半道遙看驄馬歸

號州後亭送李判官赴晉絳 得秋字 岑參

西原驛路挂城頭客散紅亭雨未收君去試看汾水上
白雲猶似漢時秋

武威送劉判官赴磧西行軍

火山五月行人少看君馬去疾如鳥都護行營太白西
角聲一動胡天曉

崔倉曹席上送殷寅充石相判官赴淮南

清淮無底綠江深宿處津亭楓樹林駟馬欲辭丞相府
一樽 一作杯 須盡故人心

送崔參軍往龍谿

王昌齡

絕句 七言 卷四十六 五

龍谿只在龍標上秋月孤山兩相向謫謫離心是丈夫

鴻恩共待春江漲

送崔子還京

岑參

匹馬西從天外歸揚鞭只共鳥爭飛送君九月交河北
雪裏題詩淚滿衣

送薛大赴安陸

王昌齡

津頭雲雨暗湘山遷客離憂楚地顏遙送扁舟安陸郡
天邊何處穆陵關

洞庭送李十二赴零陵

賈至

今日相逢落葉前洞庭秋水遠連天共說京華舊游處

回看北斗欲潸然

送杜十四之江南一作送杜晃進士 孟浩然

荆吳相接水爲鄉君去春江正淼茫日暮征帆何處泊

一作泊 天涯一望斷人腸

送高三之桂林 王昌齡

留君夜飲對瀟湘從此歸舟客夢長嶺上梅花侵雪暗歸時還拂桂枝香

黃鶴樓送孟浩然之廣陵 李白

故人西辭黃鶴樓煙花三月下揚州孤帆遠影碧空作

一作 盡唯見長江天際流

絕句 七言 卷四十六 六

送吳十九往沅陵 王昌齡

沅江流水到辰陽谿口逢君驛路長遠謫誰知望雷山明年春水共還鄉

送李明府赴睦州便拜覲太夫人 岑參

手把銅章望海雲夫人江上泣羅裙嚴灘一點舟中月萬里煙波也夢君

送南給事貶崖州 賈至

疇昔丹墀與鳳池即今相見兩相悲朱崖雲夢三千里欲別俱爲慟哭時

岳陽樓宴送王八員外貶長沙

江路東連千里潮青雲北望紫微遙莫道巴陵湖水闊長沙南畔更蕭條

送賀賓客歸越 李白

鏡湖流水漾清波一作春始 波狂客歸舟逸興多山陰道士如

相見應寫黃庭換白鷺

送姚司法歸吳 王昌齡

吳掾留觴楚郡心洞庭秋雨海門陰但今意遠扁舟近

一作 不道滄江百丈深

送新安張少府歸秦中 孟浩然

試登秦嶺望秦川遙憶青門春一作更 可憐仲月送君從

絕句 七言 卷四十六 七

此去瓜時須及邵平田

五月四日送王少府歸華陰 得聞字 岑參

仙掌分明引馬頭西看一點是關樓五月也須應

到舍知君不肯更淹留

送沈子歸江東 王維

楊柳渡頭行客稀呂師盪漿向臨圻唯有相思似春色

江南江北送春歸

送萬大歸長沙 王昌齡

桂陽秋水長沙縣楚竹離聲爲君變青山隱隱孤舟微

白鶴雙飛忽相見

送人歸江夏

寒江綠水楚雲深莫道離憂遷遠心曉夕雙帆歸鄂渚
愁將孤月夢中尋

維揚送友還蘇州

崔顥

長安南下幾程途得到邗溝弔綠蕪渚畔鱸魚舟上釣
羨君歸老向東吳

送外甥鄭灌從軍

三首

李白

六博爭雄好彩來金盤一擲萬人開丈夫賭命報天子
當斬胡頭衣錦迴

丈人蛇矛出隴西彎弧拂箭白猿啼破胡必用龍韜策
絕句 七言 卷四十六 入

積甲應將熊耳齊

月蝕西方破敵時及瓜歸日未應遲斬胡血變黃河水
梟首當懸白鵲旗

重送舒公

蘇頲

散騎金貂服綠衣桃花水上逐春歸懸知邑里遙相望
事主榮親一作榮業代所稀

送桂陽孝廉

高適

桂陽少年西入秦數經甲科猶白身卽今江海一歸客
他日雲霄萬里人

送狄宗亨

王昌齡

秋在水清山暮蟬洛陽樹色鳴皋煙送君歸去愁不盡
又惜空度涼風天

送裴圖南

黃河渡頭歸問津離家幾日茱萸新漫道閨中飛破鏡
猶看陌上別行人

送朱越

遠別丹中蔣山暮君行舉首燕城路薊門秋月隱黃雲
期向金陵醉江樹

送魏二

醉別江樓橘柚香江風引雨入船涼憶君遙在瀟湘月
絕句 七言 卷四十六 九

愁聽清猿夢裏長

送李五

玉盤金盞傾送君江西日入起黃雲扁舟乘月暫來去
誰道滄浪吳楚分

送竇七

清江月色傍林秋波上熒熒望一舟鄂渚輕帆須早發
江邊明月爲君留

送程六

冬夜傷離在五谿青魚雪落鱸橙葦武岡前路看斜月
片片舟中雲向西

送宇文六

常建

花映垂楊漢水清，微風林裏一枝輕。
即今江北還如此，愁殺江南離別情。

送十五舅

王昌齡

深林秋水近，日空歸棹。
演漾清陰中，夕浦離觴意何已。
草根寒露悲鳴蟲。

送梁六自洞庭山作

張說

巴陵一望洞庭秋，日見孤峯水上浮。
聞道神仙不可接，心隨湖水共悠悠。

靈雲池送從弟

王維

絕句

七言 卷四十六

十

金杯緩酌清歌轉，畫舸輕移豔舞迴。
自歎鵝鴒臨水別，不同鴻鴈向池來。

齊州送祖二

送君南浦淚如絲，君向東州使我悲。
爲報故人顚顚盡，如今不似洛陽時。

巴陵送李十二

王昌齡

搖曳巴陵洲渚分，清江傳語便風聞。
山長不見秋城色，日暮兼葭空水雲。

芙蓉樓送辛漸

二首

寒雨連天夜入湖，平明送客楚山孤。
洛陽親友如相問，

一片冰心在玉壺

丹陽城南秋海陰，丹陽城北楚雲深。
高樓送客不能醉，寂寂寒江明月心。

送五叔入京兼寄綦母三

李頎

吏部明年拜官後，西城必與故人期。
寄書春草年年色，莫道相逢玉女祠。

秋江送別

二首

王勃

早是他鄉值早秋，江亭明月帶江流。
已覺逝川傷別念，復看津樹隱離舟。

歸舟歸騎儼成行，江南江北互相望。
誰謂波瀾纔一水，絕句 七言 卷四十六 十一

已覺山川是兩鄉

盧谿送別

王昌齡

武陵谿口駐扁舟，谿水隨君向北流。
行到荊門上三峽，莫將孤月對猿愁。

武陽送別

沈宇

菊黃蘆白鴈初飛，羌笛胡笳^{一作琴}淚滿衣。
送君腸斷秋江水，一去東流何日歸。

送別

劉方平

華亭霽色滿今朝，雲裏橫橋^{一作棹}去轉遙。
莫怪山前深復淺，清淮一日兩迴潮。

辭房相公

張僊

秋風颯颯雨霏霏愁殺恹恹一布衣
辭君且作隨陽鴈海內無家何處歸

巴陵夜別王八員外一作蕭靜三湘有懷賈至

柳絮飛時別洛陽梅花發後到一作在三湘
世情已逐浮雲散離恨空隨江水長

重別南給事

謫宦三年尚未回故人今日又重來
聞道崖州一萬里今朝須盡數千杯

重別李評事

王昌齡

絕句 七言 卷四十六

十二

莫道秋江離別難舟船明日是長安
吳姬緩舞留君醉隨意青楓白露寒

別李浦之京

故園今在灞陵西江畔逢君醉不迷
小弟鄰莊尚漁獵一封書寄數行啼

別陶副使歸南海

南越歸人夢海樓廣陵新月海亭秋
寶刀留贈長相憶當取戈船萬戶侯

別辛漸

別館蕭條風雨寒扁舟月色渡江看
酒酣不識關西道

却望春江雲尚殘

別皇甫五

淑浦潭陽隔楚山離樽不用起愁顏
明祠靈響期昭應天澤俱從此路還

別裴九弟

賈至

西江萬里向東流今夜江邊駐客舟
月色更添春色好蘆風似勝竹風幽

別董大 二首

高適

千里黃雲白日曛北風吹鴈雪紛紛
莫愁前路無知己天下誰人不識君

絕句 七言 卷四十六

十三

六翮飄飄私自憐一離京洛十餘年
丈夫貧賤應未足今日相逢無酒錢

別內赴徵 三首

李白

王命三徵去未還明朝離別出吳關
白玉高樓看不見相思須上望夫山

出門妻子強牽衣問我西行幾日歸
來時儻佩黃金印莫學蘇秦不下機

翡翠高樓金作梯卷簾愁坐待鳴雞
一作誰人獨夜泣寒燈連曉月行行淚盡楚關西

留別司馬太守

王昌齡

辰陽太守念王孫遠謫沉谿何可論黃鶴青雲當一舉
明珠吐着報君恩

留別郭八

長亭駐馬未能前井邑蒼茫含暮煙醉別何須更惆悵
回頭不語但一作垂鞭

將還越留別豫章諸公

獨孤及

客鳥倦飛思舊林徘徊戀衆花陰他時相憶雙航草
莫問吳江深不深

贈花卿

杜甫

錦城絲管日紛紛半入江風半入雲此曲祇應天上有
絕句七言 卷四十六 十四

人間能得幾回聞

巴陵贈賈舍人

李白

賈生西望憶京華湘浦南遷莫怨嗟聖主恩深漢文帝
憐君不遣到長沙

贈華州王司士

淮水不絕濤瀾高盛德未泯生英髦知君先負廟堂器
今日還須贈寶刀

贈張敬微

蔡希寂

大河東北望桃林雜樹冥冥結翠陰不知君作神仙尉
特訝行來雲霧深

贈陝掾梁宏

賈至

梁子工文四十年詩題名過草書顛白頭仍作功曹掾
祿一作薄難供沽酒錢

贈裴旻將軍

王維

腰間寶劒七星文臂上瑯弓百戰勲見說雲中擒黠虜
始知天上有將軍

贈蕲綰書記

杜審言

知君書記本翩翩爲許從戎赴朔邊紅粉樓中應計日
燕支山下莫經年

贈汪倫

李白

絕句七言 卷四十六 十五
一作桃花潭別汪倫

李白乘舟將欲行忽聞岸上踏歌聲桃花潭水深千尺
不及汪倫送我情

贈李十二白

崔成甫

我是瀟湘放逐臣君辭明主漢江濱天外常求太白老
金陵捉得酒仙人

酬崔成甫

李白

侍御來詩以余爲醉仙人余意自有所適在酒也故有此答

嚴陵不從萬乘遊歸卧空山釣碧流自是客星辭帝座
元非太白醉揚州

贈李白

杜甫

秋來相顧尚飄蓬未就丹砂愧葛洪痛飲狂歌宜一作空
度日飛揚跋扈爲誰雄

重贈鄭鍊

鄭子將行罷使臣囊無一物獻尊親江山路遠羈離日
裘馬誰爲感激人

春興戲題贈李侯

岑參

黃雀始欲銜花來君家種桃花未開長安二月眼看盡
寄報春風早爲催

寄穆侍御出幽州

王昌齡

一從恩譴度瀟湘塞北江南萬里長莫道薊門書信少
絕句七言 卷四十六 十六

鴈飛猶得到衡陽

寄韓明府鵬

李頎

爲政心閒物自閒朝看飛鳥暮飛還寄書河上神明宰
羨爾城頭姑射山

海上懷洛中舊遊寄鄭縣劉少府造渭南王少府

筌

獨孤及

涼風臺上三峰月不夜城邊萬里沙離別莫言關塞遠
夢覓長在子真家

玉關寄長安李主簿

岑參

東去長安萬里餘故人何惜一行書玉關西望堪腸斷

况復明朝是歲除

寄陶副使

王昌齡

聞道將軍破海門如何遠謫渡湘沅春來明王封西嶽
自有還君紫綬恩

寄孫山人

儲光義

新林二月孤舟還水滿清江花滿山借問故園隱君子
時時來往在一作任人間

寄河上段十六

一作王維

盧象

與君相識一作見即相親聞道君家住一作在孟津爲見行
舟試借問客中時有洛陽人

絕句七言 卷四十六 十七

過燕支寄杜位

岑參

燕支山西酒泉道北風吹沙卷白草長安遙在日光邊
憶君不見令人老

題苜蓿峯寄家人

苜蓿峯邊逢立春胡蘆河上淚沾巾閨中只是空相憶
不見沙場愁殺人

入蒲關先寄秦中故人

秦山數點似青黛渭水一條如白練京師故人不可期
一作見寄將兩眼看飛燕

西江寄越弟

王昌齡

南浦逢君嶺外還，沅絡更遠洞庭山。堯時恩澤如春雨，夢裡相逢同入關。

聞王昌齡左遷龍標尉遙有此寄 李白

揚州花落一作落盡，子規啼聞。道龍標過五谿，我寄愁心與明月隨君一作風直到夜郎西。

投梓州幕府兼簡韋十郎

杜甫

幕下郎官安穩無從來，不奉一行書。因知貧病人須棄，

一作關能使韋郎跡也疎。

戲作寄上漢中王 二首時王新誦明珠

雲裏不聞雙鴈過，掌中食見一作看一珠新。秋風嫋嫋吹絕句 七言 卷四十六 十八

江漢只在他鄉何處人

謝安舟楫風還起，梁苑池臺雪欲飛。杳杳東山攜妓去，泠泠修竹待王歸。

奉上徐中書

褚朝陽

中禁仙池越鳳凰，池邊詞客紫薇郎。既能作頌雄風起，何不時吹蘭蕙香。

上崔卿請修武侯廟遺像缺落 時卿罷夔州

杜甫

大賢爲政卽多聞，刺史真符不必分。尚有西郊諸葛廟，卧龍無首對江濱。

劇嘲史憲 王維
清風細雨濕梅花，驟馬先過碧玉家。正值楚王宮裏，門前初下七香車。

草堂村尋羅生不遇 岑參
數株谿柳色依依，深巷斜陽暮鳥飛。門前雪滿無人迹，應是先生出未歸。

和虞部韋郎中尋楊駙馬不遇 獨孤及
金屋瓊臺蕭史家，暮春三月渭州花。到君仙洞不相見，謂已吹簫乘早霞。

絕句 七言 卷四十六 十九
與盧員外象過崔處士興宗林亭 王維
綠樹重陰蓋四鄰，青苔日厚自無塵。月頭黃鸝長

松 一作下 白眼看他世上人 一作其人

前題 王維
身名不問十年餘，老大誰能更讀書。林中獨酌鄰家酒，門外時聞長者車。

前題 裴迪
喬柯門裏自成陰，散髮窓中曾不簪。道遙且喜從吾事，榮寵從來非我心。

同王維過崔處士林亭 盧象昇
映竹時聞轉轆轤，當牕只見網蜘蛛。王人非病常高卧，

環堵蒙籠一老儒

酬王維盧象見過林亭

崔興宗

窮巷空林常閉關
悠然獨卧對前山
今朝忽枉嵇生駕
倒徙開門遙解顏

遇劉五

李頎

洛陽一別梨花新
黃鳥飛飛逢故人
攜手當年共爲樂
無驚蕙草惜殘春

江南逢李龜年

杜甫

岐王宅裏尋常見
崔九堂前幾度聞
正是江南好風景
落花時節又逢君

絕句

卷四十六

二十

逢入京使

岑參

故園東望路漫漫
雙袖龍鍾淚不乾
馬上相逢無紙筆
憑君傳語報平安

李司馬橋了承高使君自成都迴

杜甫

向來江上手紛紛
三日成功事出羣
已傳童子騎青竹
總擬橋東待使君

東魯見狄博通

李白

去年別我向何處
有人傳道遊江東
謂言挂席渡滄海
却來應是無長風

憑韋少府班覓松樹栽

杜甫

落落出羣非樺柳
青青不朽豈楊梅
欲存老蓋千年意
爲覓霜根數寸栽

憑何十一少府邕覓橙木數百栽

草堂墜西無樹林
非子誰復見幽心
飽聞橙木三年大
與致谿邊十畝陰

蕭八明府寔處覓桃栽

奉乞桃栽一百根
春前爲送浣花村
河陽縣裏雖無數
濯錦江邊未滿園

詣徐卿覓果子栽

草堂少花今欲栽
不問綠李與黃梅
石笋街中却歸去
絕句

卷四十六

二十一

果園坊裏爲求來

從韋二明府續處覓綿竹三數叢

華軒藹藹他年到
綿竹亭亭出縣高
江上舍前無此物
幸分蒼翠拂波濤

又於韋處乞大邑瓷碗

大邑在臨邛

大邑燒瓷輕且堅
扣如哀玉錦城傳
君家白盃勝霜雪
急送茅齋也可憐

謝賜珍珠

江妃

桂葉雙眉久不描
殘粧和淚汚
一作紅綃長門盡日無
梳洗何必珍珠慰寂寥

謝嚴中丞送青城山道士乳酒一餅之作

杜甫

山餅乳酒下青雲氣味濃香幸見分鳴鞭走送憐漁父
洗盞開嘗對馬軍

戲問花門酒家翁

岑參

老人七十仍沽酒千壺百甕花門口道傍榆莢仍似錢
摘來沽酒君肯否

答嚴大夫

賈至

今夕秦天一鴈來梧桐墜葉搗衣催思君獨步華亭月
舊館秋陰生綠苔

絕句 七言 卷四十六

二十二

答楊梓州

杜甫

悶到房楊一作公池水頭坐逢楊子鎮東州却向青谿不
相見回船應載阿戎遊

至南陵答皇甫岳

王昌齡

與君同病復漂淪昨夜宣城別故人明主恩深一作非
歲久長江還共五谿濱

答朝士

賀知章

銀鏤銀盤盛蛤蜊鏡湖尊菜亂如絲鄉曲近來佳此味
遮渠不道是吳兒

李張皇甫閻權等數公並有送別之作見寄因答

獨孤及

洞庭正波蘋葉衰豈是秦吳遠別時謝君篋中端綺贈
何以報之長相思

答湖州迦葉司馬問白是何人 李白

青蓮居士謫仙人酒肆藏名三十春湖州司馬何須問
金粟如來是後身

夜宴安樂公主新宅

字曰言客有曲緝奴性之柔
又曰鳴鶴節珮登繡軸之獨軒花
綴香綬帶澤壺之青瑣

鳳樓開闔引明光花酌一作連添醉益香欲知帝女薰

天貴金柯一作玉柱夜成行

絕句 七言 卷四十六

二十三

前題

薛稷

秦樓宴喜月徘徊妓筵銀燭滿庭開坐中香氣排花出
扇後歌聲逐酒來

前題

劉憲

層軒洞戶旦新披度曲飛觴夜不疲綺綴玲瓏河色曉
一作珠簾隱映月華窺

前題

盧藏用

侯家主第一時新上席華年不惜春珠釭綴日一作那
知夜玉竿流霞畏抵一作晨

前題

韋元旦

主第新成銀作榜賓筵廣宴玉爲樓壺觴既卜仙人夜歌舞疑停織女秋

前題

崔日用

銀燭金屏坐碧堂只言河漢動神光主家盛時一作明歡不極才子能歌夜未央

前題

岑義

金榜重樓開夜扉瓊筵愛客未言歸銜歡不覺銀河曙一作曉盡醉那知玉漏稀一作露曉

前題

李迥秀

金榜岩巒雲裏開玉簫參差天際迴莫驚側弁還歸路絕句七言卷四十六二十四

抵爲平陽歌舞催

前題

沈佺期

濯龍門外主家親鳴鳳樓中天上人自有金杯迎甲夜還將綺席代陽春

前題

李义

牽牛南渡象昭回學鳳樓成帝女來平旦鷓鴣歌舞席方宵鸚鵡獻酬杯

前題

李適

銀河半倚鳳凰臺玉酒相傳鸚鵡杯若見君平一作借問仙槎一去幾時來

前題

馬懷素

鳳樓辟窳凌三襲翠幌玲瓏瞰九衢復道中宵留宴衍彌令上客想踟躕

前題

武平一

王孫帝女下仙臺金榜珠簾入夜開遽惜瓊筵歡正洽唯愁銀箭曉相催

前題

閔朝隱

鳳凰鳴舞樂昌年蠟炬開花夜管絃半醉徐擊珊瑚樹已聞鐘漏曉聲傳

前題

蔣頴

絕句七言卷四十六二十五

車如流水馬如龍仙史高臺十二重天上初移衡漢匹可憐歌舞夜相從一作逢

宴春源

王昌齡

源向春城花一作春幾重江明深翠引諸峯與君醉失松谿路山館寥寥傳暝鍾

前題

王之渙

長堤春水綠悠悠畎入漳河一道流莫聽聲聲催去棹桃谿一作花淺處不勝舟

龍標野宴

王昌齡

沅谿夏晚足涼風春酒相携就竹叢莫道絃歌愁遠謫

山明月不曾空

洛陽客舍逢祖詠留宴

蔡希寂

縣縣鍾漏洛陽城客舍貧居絕送迎逢君貰酒因成醉
醉後焉知世上情

宴城東莊

崔惠童

一月人生一作主人笑幾回相逢相識一作值且銜杯眼看春
色如流水今日殘花昨日開

前題

崔敏童

一年始有一作又過一年春百歲曾無百歲人能向花中幾
回醉十千沽酒莫辭貧一作煩

絕句

七言 卷四十六

二十六

酒泉太守宅夜飲

醉後作

岑參

酒泉太守能劒舞高堂置酒夜擊鼓胡笳一曲斷人腸
座上相看淚如雨

李四倉曹宅夜飲

王昌齡

霜天留飲故情歡銀燭金爐夜不寒欲問吳江別來意
青山明月夢中看

山中與幽人對酌

李白

兩人對酌山花開一杯一杯復一杯我醉欲眠卿且去
明朝有意抱琴來

垂花塢集

序曰莊周臺南十許步有丘一成上有
穆藤垂花而蔓草荒之且隔大溝路不

可陟道士張太和伐薪為堰封土以壅冷余亦
命維氏治蕪穢而刻宿莽遂闢為登賦之位
廣二席席間足以由尊酒二盞三月戊子及羣
英由堰而升焉諸花倒垂下拂杯案紫葩綉
如釵如旒衆君子瞻弄之不足故秉燭進酒以
繼落日欲稍醉而不能也因命其地曰垂花塢
堰曰緣花堰亦飾之以詩云 獨孤及

紫萸青條拂酒壺落花時與竹風俱歸時白負花前醉
笑向鯨魚問樂無

登廬山五老峯

李白

廬山東南五老峯青天削出金芙蓉九江秀色可攬結
吾將此地巢雲松

望天門山

絕句

七言 卷四十六

二十七

天門中斷楚江開碧水東流直北迴兩岸青山相對出
孤帆一片日邊來

邛山

沈佺期

北邛山上列墳塋萬古千秋對洛城城中日夕歌鐘起
山上唯聞松柏聲

巫山

張子容

巫嶺岩峩天際重佳期宿昔願相從朝雲暮雨連天暗
神女知來第幾峯

題茅山華陽洞

儲光義

華陽洞口片雲飛細細濛濛欲濕衣玉簫徧滿仙壇上

應是茅家兄弟歸

山行留客

張旭

山光物態弄春輝莫爲輕陰便擬歸縱使晴明無雨色
入雲深處亦沾衣

宿青牛谷

楊衡

隨雲步入青牛谷青牛道士留我宿可憐夜久月明中
唯有壇邊一枝竹

望韓公堆

崔滌

韓公堆上望秦川渺渺關山西接連孤客一身千里外
未知歸日是何年

絕句 七言

卷四十六

二十八

望廬山瀑布水

李白

日照香爐生紫煙遙看瀑布挂長川一作廬山山與星
斗連日照香爐生紫煙
飛流直下三千尺一作天疑是銀河落九天

渡湘江

杜審言

遲日園林悲昔遊今春花鳥作邊愁獨憐京國人南窺
不似湘江水北流

渡浙江

閩舟中人

孟浩然

潮落江平未有風扁舟共濟與君同時時引領望天末
何處青山是越中

初至巴陵與李十二白裴九同泛洞庭湖

三首

賈至

江上相逢皆舊遊湘山未望不堪愁明月秋風洞庭水
孤鴻落葉一扁舟

楓岸紛紛落葉多洞庭秋水晚來波乘興輕舟無近遠

白雲明月弔湘娥

江畔楓葉初帶霜渚邊菊花亦已黃輕舟落日興不盡
三湘五湖意何長

陪中書賈舍人作

五首

李白

洞庭西望楚江分水盡南天不見雲日落長沙秋色遠
不知何處弔湘君

絕句 七言

卷四十六

二十九

南湖秋水夜無煙耐可乘流直上天且就洞庭賸月色

將船買酒白雲邊

洛陽才子謫湘川元禮同舟月下仙記得長安還欲笑

不知何處是西天

洞庭西湖秋月輝瀟湘江北早鴻飛醉客滿船歌白紵
不知霜露入秋衣

帝子瀟湘去不還空餘秋草洞庭閒淡掃明湖開玉鏡

丹青畫出是君山

汎洞庭

尹恣

風光浙浙草中飄日彩煒煒水上搖幸奉瀟湘雲壑意

山傍客與動仙槎

和尹從事

張說

平湖一望上連天
林景千尋下洞泉
忽驚水面光華滿
疑是乘舟到口邊

同武平一員外遊湖

儲光義

紅荷碧篠夜相鮮
孔蓋蘭橈浮翠筵
舟中對舞耶郢曲
月下雙彈盧女絃

青林碧嶼暗相期
緩楫揮航欲賦詩
借問高歌凡幾轉
河低月落五更時

朝來仙閣聽絃歌
暝入花亭見綺羅
池邊命酒憐風月
絕句 七言 卷四十六 三十

浦口迴船惜芰荷

朦朧竹影蔽巖扉
淡蕩荷風飄舞衣
舟尋綠水官將上
月隱青林人未歸

花潭竹嶼傍幽溪
畫楫浮空入夜谿
菱荷覆水船難進
歌舞留人月易低

戲題湖上

常建

湖上老人坐磯石
頭湖裏桃花水
却流竹竿嫋嫋白
波 一作 際不知何者吞吾釣

桃花谿

張旭

隱隱飛橋隔野煙
石磯西畔問漁船
桃花盡日隨流水

洞在清谿何處邊

過大哥山池

題石壁

玄宗

澄潭皎鏡石崔嵬
萬壑千巖暗綠苔
林亭自有幽貞趣
況復秋深爽氣來

奉和

張說

池如明鏡月華開
山學香爐雲氣來
神藻飛為鵲鳥賦
仙聲颺出鳳皇臺

遊長寧公主流杯池

三首

上官昭容

沁水田園先自多
齊城樓觀更無過
倩語張騫莫
辛苦人今從此識天河

絕句 七言 卷四十六 三十一

參差碧岫聳蓮花
潺湲綠水瑩金沙
何須遠訪三山路
人今已到九仙家

憑高瞰險 一作 足怡心
菌閣桃源不暇尋
餘雪依林成
玉樹殘雲點岫即瑤岑

魯東門汎舟

二首

李白

日落沙明天倒開
波搖石動水縈迴
輕舟泛月尋谿轉
疑是山陰雪後來

水作青龍盤石堤
桃花夾岸魯門西
若教月下乘舟去
何啻風流到剡谿

春水生

二首

杜甫

二月六夜春水生門前小灘渾欲平
鴈鵝鵝鵝莫漫喜
吾與汝曹俱眼明

一夜水高二尺強數日不可更禁當
南市津頭有船賣
無錢即買繫離傍

早發白帝城

李白

朝辭白帝彩雲間千里江陵一日還
兩岸猿聲啼不盡
輕舟已過萬重山

秋下荊門

霜落荊門江樹空布帆無恙挂秋風
此行不爲鱸魚膾
自愛名山入剡中

絕句

卷四十六

三十二

過磧

岑參

黃沙磧裏客行迷四望雲天直下低
爲言地盡天還盡
行到安西更向西

磧中作

走馬西來欲到天辭家見月兩回圓
今夜不知何處宿
平沙萬里絕人煙

初至封丘作

高適

可憐薄暮宦遊子獨卧虛齋思無已
去家百里不得歸
到官數日秋風起

衛中作

沈頌

衛風愉豔宜春色淇水清冷增暮愁
總使榴花能一醉
終須萱草暫忘憂

赴北庭度隴思家

岑參

西向輪臺萬里餘也知鄉信日應疎
隴山鸚鵡能言語
爲報家人數寄書

南中感懷

樊晃

南路蹉跎客未回常嗟物候暗相催
四時不變江頭草
十月先開嶺上梅

客中作

杜儼

書劍催人不暫閒洛陽羈旅復秦關
客顏歲歲愁邊改
絕句

卷四十六

三十三

鄉國時時夢裏還

題長安客舍

張謂

世人結交須黃金黃金不多交不深
縱令然諾暫相許
終是悠悠行路心

春日思歸

王翰

楊柳青青杏發花年光誤客轉思家
不知湖上菱歌女
幾箇春舟在若耶

回鄉偶書

賀知章

少小離鄉老大回鄉音無改鬢毛衰
兒童相見不相識
笑借一作問客從何處來

離別家鄉歲月多近來人事半銷磨唯有門前鏡湖水
春風不改舊時波

駕幸新豐溫泉宮獻詩 三首

上官昭容

三冬季月景龍一作隆年萬葉觀風出灞川遙看電躍龍
爲馬起羈霜原玉作田

鸞旂掣曳拂空迴羽騎驂驪躡景來隱隱驪山雲外聳
迢迢御帳日邊開

翠幕珠帷敞月營金疊玉竿泛蘭英歲歲年年常扈蹕
長恨久久樂昇一作平

登逍遙樓

朱之問

絕句 七言

卷四十六

三十四

逍遙樓上望鄉關綠水泓澄雲霧間北去衡陽二千里
無因鴈足繫一作寄書還

戲題輞川別業

王維

柳條拂地不須折松樹披雲從更長藤花欲暗藏猿子
柏葉初齊養麝香

奉和幸韋嗣立山莊

序曰兵部尚書同中書門下
三品修文館大學士韋嗣立

含真靜思協幽曠雖胡亮稱朝而緬懷林樾東
山之曲有別業焉嵐氣入野榛烟出谷石磽
岸松蘿藥晚紅泉電射雲木虛吟恍惚疑夢間
關忘術茲所謂丘壑變龍衣冠棄金吾溫泉之
歲也皇上聞而賞之過命掌舍設帝金吾於
太官載酒奉常抱樂停輿輦於青鸞竹竿餘
紫雲百神朝於谷口千官飲乎池上綏騎環山
朱旂煥野縱觀空巷歌途傳壑是日即席拜公

道遙公名其居清虛原幽懷谷修築極口天行
賦詩王后帝女宮嬪那媛歌馬和馬以龍德也
加以中宮教序謂我諸凡引內子於重帷見兒
童於行殿家人之禮優崇懷之詩作於是實其
筐筥下以昭忠信之獻資其束帛上以示慈惠
之恩朝野歡并君臣義洽夫乘翠華歷具茨至
時對乎此遇故兩離合舍衆星聚德雅道光華
高風允塞寒谷煦景窮崖潤色荷慶盛事於古
未有象之玄石貽厥後代

張說

西京上相出扶陽東郊別業好池塘自非仁智符天賞
安能日月共迴光

前題

李嶠

萬騎千官擁帝車八龍三鳥訪仙家鳳凰原上窺青壁
絕句 七言 卷四十六 三十五

鸚鵡杯中弄紫霞

前題

劉憲

非吏非隱晉尚書一丘一壑降乘輿天藻綠情兩曜合

山巖獻壽萬年餘

前題

趙彥昭

廊廟心存巖壑中鑾輿矚在灞城東逍遙自有蒙莊子

漢主徒言河上公

前題

沈佺期

東山朝日翠屏開北闕晴空綠綵仗來喜遇天文七曜動
少微今夜近三台

前題

李义

曲榭迴廊繞澗幽飛泉噴水溢池流祇應感發明王夢
遂得邀迎聖帝一作遊

前題

崔湜

竹徑桃源本出塵松軒茅棟別驚新御蹕何須林下駐
山公不是俗中人

前題

蘇頌

樹色參差隱翠微泉流百尺向空飛傳聞此處投竿住
遂使茲辰扈蹕歸

前題

武平一

絕句 七言

卷四十六

三十六

鳴鑾赫奕下重樓羽蓋逍遙向一丘漢日唯聞白衣寵
唐年更覩赤松遊

山房春事 二首

岑參

風恬日暖蕩春光戲蝶遊蜂亂入房數枝門柳低衣桁
一片山花落筆床

梁園日暮亂飛鴉極目蕭條三兩家庭樹不知人去盡
春來還發舊時花

山中問答

李白

問余何事一作意栖碧山笑而不荅心自閒桃花流水窅
然去別有天地非人間

上巳祓禊渭濱 應制

沈佺期

寶馬香車清渭濱紅桃碧柳禊堂春皇情尚憶垂竿佐
天祚先呈捧劍人

前題

李义

中園一作林花柳一作鳥暮春時元已陪遊樂在茲此日欣
逢臨渭賞昔年空道濟汾詞

前題

劉憲

桃花欲落柳條長沙頭水色足風光此時御蹕來遊處
願奉年年祓禊觴

前題

韋嗣立

絕句 七言

卷四十六

三十七

乘春祓禊逐風光扈蹕陪鸞渭渚傷還笑當時水濱老
衰年八十待文王

前題

徐彥伯

晴風麗日滿芳洲柳色一作御幕春庭祓禊錦流皆言侍蹕橫
汾一作曲燕一作輕飛暫似乘槎一作天漢遊

前題

張說

青郊上巳艷陽年紫禁皇遊禊渭川幸得歡娛承湛露
心同草樹樂春天

三日定昆池宴 和蕭令得潭字

暮春三月日重三春水桃花滿禊潭廣樂逶迤天上下

仙舟搖衍鏡中酣

三日尋李九莊

常建

雨歇陽林東渡頭永和望目盡輕舟故人家在桃花岸
直到門前溪水流

寒食

孟雲卿

二月江南花滿枝他鄉寒食遠堪悲貧居往往無煙火
不獨明朝爲子推

襄陽路逢寒食

張說

去年寒食洞庭波今年寒食襄陽路不辭著處尋山水
祇畏還家落春暮

絕句七言 卷四十六

三十人

寒食汜上作

王維

廣武城邊逢暮春汶陽歸客淚沾巾落花寂寂啼山鳥
楊柳青青渡水人

寒食野望

僧雲表

寒食悲看郭外春野田無處不傷神平原墨壘皆新塚
半是去年來哭人

九日

崔國輔

江邊楓落菊花黃少長登高一望鄉九日陶家雖載酒
三年楚客已沾裳

前題

王縉

莫將邊地比京都八月嚴霜草已枯今日登高樽酒裏
不知能有菊花無

前題

張諤

秋葉風吹黃颯颯晴雲日照白鱗鱗歸來得問茱萸女
今日登高醉幾人

九日登玄武山旅眺

王勃

九月九日望鄉臺他日他鄉送客杯人情一作今已厭南
中苦鴻鴈那從北地來

前題

盧照隣

九月九日眺山川歸心歸望積風煙他鄉共酌金花一作
絕句七言 卷四十六 三十九

酒萬里同悲鴻鴈天

前題

邵大震

九月九日望遙空秋水秋天生夕風寒鴈一向南飛遠
游人幾度菊花叢

九日送別

王之渙

蘭庭蕭瑟故人稀何處登高且送歸今日暫同芳菊酒
明朝應作斷蓬飛

九日憶山東兄弟

王維

獨在異鄉爲異客每逢嘉節倍思親遙知兄弟登高處
遍插茱萸少一人

除夜作

高適

旅館寒燈獨不眠客心何事轉悽然故鄉今夜思千里

霜一作曉明朝又一作更一作一年

奉和春日

上官儀

花輕蝶亂仙人杏葉密鶯喧一作帝女桑飛雲閣上春

應至明月樓中夜未央

前題

元萬頃

鳳輦迎風乘紫閣鸞車避日轉彤闈中堂促管淹春望

後殿清歌開夜扉

西亭春望

賈至

絕句七言卷四十六

四十一

日長風暖柳青青北鴈歸飛入窅冥岳陽城上聞吹笛

能使春心滿洞庭

春行寄興

李華

宜陽城下草萋萋澗水東流復向西芳樹無人花自落

春山一路鳥空啼

春興

君山父老

湘中老人讀黃老手援紫藟坐碧草春至不知湖水深

日暮忘却巴陵道

春夢

岑參

洞庭昨夜春風起遙憶美人湘江水枕上片時春夢中

行盡江南數千里

初秋

孟浩然

不覺初秋夜漸長清風習習重淒涼炎暑退茅齋靜

階下叢莎著一作露光

軍城早秋

嚴武

昨夜秋風入漢關朔雲邊月一作滿西山更催飛將追

驍虜莫遣沙場匹馬還

和嚴武

杜甫

秋風嫋嫋動高旌玉帳分弓射虜營已收滴博雲間戍

欲奪蓬婆雪外城

絕句七言卷四十六

四十一

秋思二首

王維

網軒涼吹動輕衣夜聽更生玉漏稀月度天河光轉濕

鵲驚秋樹葉頻飛

官連太液見滄波暑氣微消秋意多一夜輕風蘋未起

露珠飜盡滿池荷

冬夕

岑參

浩汗霜風刮天地溫泉火井無生意澤國龍蛇凍不伸

南山瘦柏消殘翠

陪王員外北樓宴待月

獨孤及

勸酒論心夜不疲含情有待問誰思佇看晴一作月澄

澄影來照江樓酩酊時

書堂飲既夜復邀李尚書下馬月下賦

杜甫

湖水上一作林風相與清
燐尊下馬復同傾
久排野鶴如
雙鬢遊莫鄰雞下五更

夜月

劉方平

更深月色半人家
北斗闌干南斗斜
今夜偏知春氣暖
蟲聲新透綠窗紗

春遊值雨

張旭

欲尋軒檻列清樽
江上煙雲向晚昏
須倩東風吹散雨
絕句七言 卷四十六 四十二

明朝却待入華園

中丞嚴公雨中垂寄見憶奉荅二絕 杜甫

雨映行宮一作辱贈詩元戎肯赴野人期
江邊老病踈無力強擬晴天理釣絲

何日雨晴雲出谿
白沙青石洗一作無泥只須伐竹開

荒徑拄杖穿花聽馬嘶

苑中遇雪應制

沈佺期

北闕彤雲掩曙霞
東風吹雪舞仙山一作家
瓊章定少千人和銀樹長芳六出花

前題

宋之問

紫禁仙輿詔旦來
青旂遙倚望春臺
不知庭霰今朝落
疑是林花昨夜開

前題

劉憲

龍驤曉入望春宮
正逢瑞一作雪舞東風
花光併灑一作在天文上寒氣行消御酒中

前題

李乂

勝日登臨雲葉起
芳風搖蕩雪花飛
呈輝幸得承金鏡
殿影還將奉玉衣

前題

趙彦昭

始見青雲干律呂
俄逢瑞雪應陽春
今日迴看上林樹
絕句七言 卷四十六 四十三

梅花柳絮一時新

前題

一作徐彦伯

趙彦伯

千鍾聖酒御筵披
六出祥英亂遠枝
卽此神仙對瓊圃
何煩轍跡向瑤池

前題

李嶠

散漫祥雲逐聖迴
飄飄瑞雪繞天來
不能落後爭飛絮

故欲迎前一作早梅

勤政樓觀樂

賈至

銀河帝女下三清
紫禁笙歌出九城
爲報延州來聽樂
須知天下欲昇平

涼州賽神

王維

涼州城外少行人百尺峯頭望虜塵健兒擊鼓吹羌笛
共賽城東越騎神

蕭駙馬宅花燭

王昌齡

青鸞飛入合歡宮紫鳳銜花出禁中可憐今夜千門裏
銀漢星回一作一道通

催妝

徐安期

傳聞燭下調紅粉明鏡臺前別作一作春不須面上作
清一作渾妝却留着雙眉待畫人

行軍

李白

絕句七言 卷四十六 四十四

驕馬新誇白玉鞍戰罷沙場月色寒城頭鐵鼓聲猶振
匣裏金刀血未乾

觀獵

王昌齡

角鷹初下秋草稀鐵騎拋輕去如飛少年獵得平原兔
馬後一作橫稍意氣歸

贈遠

王維

常年只是守空帷夢見關山覺別離不見鄉書傳鴈足
唯看新月挂蛾眉
厭攀楊柳臨青閣閒採芙蓉傍碧潭走馬臺邊人不見
拂雲堆畔戰初酣

述懷

崔氏

不怨盧郎年紀大不怨盧郎官職卑自恨妾身生較晚
不及盧郎年少時

代閨人

沈宇

楊柳青青鳥亂吟春花香露洞房深百花簾下朝窺鏡
明月窗前夜理琴

河陽橋代竇郎中佳人答楊中舍

王勃

披風聽鳥長河路臨津織女遙相妬判知秋夕帶啼還
那及春朝携手度

戲贈趙使君美人

杜審言

絕句七言 卷四十六 四十五

紅粉青蛾映楚雲桃花馬上石榴裙羅敷獨向東方去
謾學他家作使君

醉戲竇子美人

岑參

朱唇一點桃花殷宿妝嬌羞偏髻鬟細看只似陽臺女
醉著莫許歸巫山

贈段七娘

李白

羅襪凌波生網塵那能得計訪情親千杯綠酒何辭醉
一面紅妝惱殺人
陌上贈美人
駿馬驕行踏落花垂鞭直拂五雲車美人一笑褰珠箔

遙指紅樓是妾家

憶蜀地佳人

駱賓王

東西吳蜀關山遠魚來鴈去兩難聞莫怪常有千行淚
只爲陽臺一片雲

出妓金陵子

二首呈盧六

李白

安石東山三十春傲然携妓出風塵樓中見我金陵子
何似陽臺雲雨人

小妓金陵歌楚聲家種丹砂學鳳鳴我亦爲君飲清酒
君心不肯向人傾

聽張立本女吟

高適

絕句

七言 卷四十六

四十六

危冠廣袖楚宮妝獨步閒庭逐夜涼自把玉釵敲
砌竹清歌一曲月如霜

贈張雲容舞

楊貴妃

羅袖動香香不已紅渠裊裊秋煙裏輕雲嶺上乍搖風
嫩柳池邊初拂水

口號吳王舞人半醉

李白

風動荷花水殿香姑蘓臺上宴吳王西施醉舞嬌無力
笑倚東牕白玉牀

詠王大娘戴竿

劉晏

樓前百戲競爭新唯有長竿妙入神誰謂綺羅番有力

猶自嫌輕更著人

觀蠻童爲伎

王翰

長裾錦帶還留客廣額青蛾亦效顰共惜不成金谷妓
虛令看殺玉車人

聽流人水調子

王昌齡

孤舟微月對楓林分付鳴箏與客心嶺色千重萬重雨
斷絃收與淚痕深

春夜洛城聞笛

李白

誰家玉笛暗飛聲散入春風滿洛城此夜曲中聞折柳
何人不起故園情

絕句

七言 卷四十六

四十七

秋夜聞笛

岑參

天門街西聞搗帛一夜愁殺湘南客長安城中百萬家
不知何人夜吹笛

與史郎中欽聽黃鶴樓上吹笛

李白

一爲遷客去長沙西望長安不見家黃鶴樓中吹玉笛
江城五月落梅花

和王七玉門關聽吹笛

高適

胡人吹笛戍樓間樓上蕭條海一作月間借問落梅凡
幾曲從風一夜滿關山

吹一夜滿關山

一作雪淨胡天牧馬遠月明羌
笛戍樓間借問梅花何處落風

春曉太平公主小樓聞吟雙管 沈佺期

主家天上鳳樓人傳得仙音到客新未省落梅和折柳
風吹散作萬家春

詠柳

張旭

濯濯煙條拂地垂城邊樓畔結春思請君細看風流意
未減靈和殿裏時

前題

賀知章

碧玉妝成一樹高萬條垂下綠絲絲不知細葉誰裁出
二月春風似剪刀

桃花園侍宴詠桃花

應制

張說

絕句

七言

卷四十六

四十八

林間艷色嬌天馬花裏穠粧一作華伴麗人願逐南風飛
帝席年年含笑舞青春

前題

李嶠

歲去無言忽顚顚時來含笑吐氛氲不能擁路一作棹逃
仙客故欲開蹊待聖君

前題

趙彥伯

紅萼競然春苑曙一作粉茸新色一作吐御筵開長年願
奉西王讌近侍慚無東朔才

前題

蘇頌

桃花一作天灼灼有光輝無數成蹊點更飛爲見芳林含

笑待遂同溫樹不言歸

前題

李義

綺萼成蹊遍苑一作芳紅英撲地滿筵香莫將秋宴傳
王母來比春華望一作聖皇

前題

趙彥伯

源水叢花無數開丹艸紅萼間青梅從今結子三千歲
預喜仙遊復摘來

秋朝木芙蓉

趙彥昭

水面芙蓉秋已衰繁條偏是着花遲平明露滴垂紅臉
似有朝愁暮落時

絕句

七言

卷四十六

四十九

早梅

一作戎昱

張謂

一樹寒梅白玉條迴臨村路傍谿橋不知近水花先發
疑是經春一作冬雪未銷

裴給事宅白牡丹

開元名公

長安豪貴惜春殘爭賞新開紫牡丹別有玉盤承露冷
無人起就月中看

宣城見杜鵑花

李白

蜀國曾聞子規鳥宣城還見杜鵑花一叫一迴腸一斷
三春三月憶三巴

白胡桃

紅羅袖裏分明見白玉盤中看却無疑是老僧休念誦
腕前推下水晶珠

江畔獨步尋花

七首

杜甫

江上被花惱不徹無處告訴只顛狂走覓南鄰愛酒伴
經旬出飲獨空牀

稠花亂蕊裏

一作衆

江濱行步歎危實怕春詩酒尚堪驅

使在未須料理白頭人

江深竹靜兩三家多是紅花映白花報答春光知有處

應須美酒送生涯

東望少城花滿煙百花高樓更可憐誰能載酒開金盞

絕句

七言

卷四十六

五十一

喚取佳人舞繡筵

黃師塔前江水東春光懶困倚微風桃花一簇開無主

可愛深紅間

一作映

淺紅

黃四娘家花滿蹊千朵萬朵壓枝低留連戲蝶時時舞

自在嬌鶯恰恰啼

不是愛花即欲死只恐花盡老相催繁枝容易紛紛落

嫩藥商量細細開

官池春鴈

自古稻粱多不足至今鴻鵠亂爲羣且休悵望看春水
更恐歸飛隔暮雲

青春欲盡意還鄉紫塞寧論尚有霜翅在雲天終不遠
力微繒繳絕須防

得房公池鷺

房相西亭鷺一羣眠沙泛浦白於雪鳳凰池上應回首
爲報龍隨王右軍

嶺猿

常建

裏裏裏

一作香

清且切鷓鴣飛處又斜陽相思嶺上

相思淚不到三聲合斷腸

解悶

十二首

杜甫

一辭故國十經秋每見秋瓜憶故丘今日南

一作東

絕句

七言

卷四十六

五十一

薇蕨何人爲覓鄭瓜州

先帝貴妃俱

一作今

寂寞荔枝還復入長安炎方每續朱

櫻獻玉座應悲白露團

憶過瀘戎摘荔枝青楓隱映石逶迤京華

一作中

顏色紅顏酸甜只自知

翠瓜碧李沈玉甃赤梨蒲萄寒露成可憐先不異枝蔓

此物娟娟長遠生

側生野岸及江蒲不熟丹宮滿玉壺雲壑布衣鮐背死

勞生

一作重馬羣眉須

沈范早知何水部曹劉不待薛郎中獨當省署開文苑

兼泛滄浪學釣翁

李陵蘇武是吾師孟子論文更不疑一飯未嘗留一作延

俗客數篇今見古人詩

復憶襄陽孟浩然清詩句句盡堪傳即今耆舊無新語

謾釣槎頭縮項鱸

陶冶性靈存底物新詩改罷自長吟熟知二謝將能事

頗學陰何苦用心

不見高人王右丞藍田丘壑蔓寒藤最傳秀句寒區滿

朱盡一作絕風流相國能

草閣柴扉星散居浪翻江黑雨飛初山禽引子哺紅果

絕句七言卷四十六

五十二

黔友一作女得錢留白魚

商胡離別下揚州憶上西陵故驛樓為問淮南米貴賤

老夫乘興欲東遊

歎白髮

王維

宿昔朱顏成暮齒須臾白髮變垂髫一生幾許傷心事

不向空門何處銷

題懷素上人草書

竇冀

粉壁長廊數十間興來小豁胸中氣忽然絕叫三五聲

滿壁縱橫千萬字

前題

許瑤

志在新奇無定則古瘦癯癯半無墨醉來信手兩三行

醒後却書書不得

一日書

張旭

春草青青萬里餘邊城落日見離居情知海上三年別

不寄雲間一紙書

詠張謐山水

李頎

小山破體閒支策落日梨花照空壁詩堪記室妬風流

畫與將軍作勍敵

巫山枕障

李白

巫山枕障畫高丘白帝城邊樹色秋朝雲夜入無行處

絕句七言卷四十六

五十三

巴水橫天更不流

畫松

釋景雲

畫松一似真松樹且待尋思記得無曾在天台山見

石橋南畔第三株

野老曝背

李頎

百歲老翁不種田惟知曝背樂殘年有時捫虱獨搔首

目送歸鴻籬下眠

戲題盤石

王維

可憐盤石臨泉水復有垂楊拂酒杯若道春風不解意

何因吹送落花來

同趙侍御望歸舟

張說

山亭迴迴面長川江樹重重極遠煙形影相追一作高

蕭鳥心腸併斷北風一作飛

承聞河北諸道節度入朝歡喜口號十二首

杜甫

祿山作逆降天誅更有思明亦已無洵洵人寰猶不定
時時戰鬪欲何須

社稷蒼生計必一作不安蠻夷雜種錯相干周宣漢武今

王是孝子忠臣後代看

喧喧道路多歌謠河北將軍盡入朝始是乾坤王室正

絕句七言 卷四十六 五十四

却教江漢客魂銷

北一作不道諸公無表來茫然庶事遣人猜擁兵相學干

戈銳使者徒勞萬里廻

鳴玉鏘金盡正臣修文偃武不無人興王會靜一作甚妖

氛氣聖壽宜過一萬春

英雄見事若通神聖哲爲心小一身燕趙休衿出佳麗

宮闈不擬選才人

抱病江天白首郎空山樓閣暮春光衣冠是日朝天子

草奏何人入帝鄉

澶漫山東一百州削成如案抱青丘包荒盡入歸關內

王祭還供盡海頭

東逾遼水北滹沱星象風雲喜共一作色和紫氣關臨天

地澗黃金臺貯俊賢多

漁陽突騎邯鄲兒酒酣並轡金鞭垂意氣卽歸雙闕舞

雄豪復遣五陵知

李相將軍擁薊門白頭惟有赤心存竟能盡說諸侯人

知有從來天子尊

十二年來多戰場天威已息陣堂堂神靈漢代中興主

功業汾陽異姓王

喜聞盜賊蕃寇總退口號五首

絕句七言 卷四十六 五十五

蕭關隴水入官軍青海黃河卷塞雲北極轉愁龍虎氣

西戎休縱犬羊羣

贊普多教使入秦數通和好止煙塵朝廷忽用哥舒將

殺伐虛悲公主親

崆峒西極過崑崙駝馬由來擁國門逆氣數年吹路斷

蕃人聞道漸星奔

勃律天西采玉河堅昆碧碗最來多舊隨漢使千堆寶

少荅胡王萬匹羅

今春喜氣滿乾坤南北東西拱至尊大曆三年調玉燭

玄元皇帝聖雲孫

菩提寺禁裴迪來相看說逆賊等凝碧池上作音
樂供奉人等舉聲便一時淚下私成口號誦示裴

迪

王維

萬戶傷心生野煙百官

一作僚

何日更朝天秋槐葉落空

一作

官裏凝碧池頭奏管絃

毀天樞

李休烈

天門街上倒天樞火急先須卸火珠計合一條麻線挽
何勞兩縣索人夫

黃河 二首

杜甫

黃河北岸海西軍椎鼓鳴鐘天下聞鐵馬長鳴不知數
絕句 七言 卷四十六 五十六

胡人高鼻動成羣

黃河西岸是吾蜀欲須供給家無粟願驅衆庶戴君王
混一車書棄金玉

闕題

張陵

今日漢家探使迴蟻疊胡兵來未歇春風渭水不敢流
總作六軍心上血

失題

李頎

紫極殿前朝伏奏龍花會裏日相望別離歲歲如流水
誰辨他鄉與故鄉

書事 三首

杜甫

前年渝州殺刺史今年開州殺刺史羣盜相隨劇虎狼
食人更肯留妻子

二十一家同入蜀唯殘一人出駱谷自說二女醫臂時
迴頭却看秦雲哭

殿前兵馬雖驍雄縱暴畧與羌渾同間道殺人漢水上
婦女多在官軍中

漫興 九首

眼見客愁愁不醒無賴春色到江亭卽遣花開深造次
便教鶯語太丁寧

熟知茅齋絕低小江上燕子故來頻銜泥點污琴書內
絕句 七言 卷四十六 五十七

更接飛蟲打着人

手種桃李非無主野老墻低還是家却似春風相欺得
夜來吹折數枝花

二月已破三月來漸老逢春能幾迴莫思身外無窮事
且盡生前有限杯

腸斷春江欲盡頭杖藜徐步立芳洲顛狂柳絮隨風舞
去 一作 輕薄桃花逐水流

懶慢無堪不出村呼兒自 一作 在掩柴門蒼苔濁酒林
中靜碧水春風野外昏

糝徑楊花鋪白氈點路荷葉 一作 青錢笋根稚子無

人見沙上鳬雛傷母眠

舍西柔桑葉可拈江上一作邊細麥復纖纖人生幾何春

已夏不放香一作酒醪如蜜甜

隔戶楊柳弱嫋嫋恰似十五女兒腰誰謂朝來不作意

狂風挽斷最長條

漫成

江月去人只數尺風燈照夜欲三更沙頭宿鷺聯拳靜
船尾跳魚撥刺鳴

戲爲六首

庾信文章老更成凌雲健筆意縱橫今人嗤點流傳賦

絕句七言

卷四十六

五十八

不覺前賢畏後生

王楊盧駱當時體輕薄爲文哂未休爾曹身與名俱滅

不廢江河萬古流

縱使盧王操翰墨劣於漢魏近風騷龍文虎脊皆君馭

歷塊過都見爾曹

才力應難跨數公凡今誰是出羣雄或看翡翠蘭若上

未掣鯨魚碧海中

不薄今人愛古人清詞麗句必爲鄰竊攀屈宋宜方駕

恐與齊梁作一作絕後塵

未及前賢更勿疑遞相祖述復先誰別裁僞體親風雅

轉益多師是汝師

絕句七首

堂西長筍別開門塹北行椒却背村梅熟許同朱老喫
松高擬對阮生論

欲作魚梁雲覆湍因驚四月雨聲寒清谿先有蛟龍窟

竹石如山不敢安

兩箇黃鸝鳴翠柳一行白鷺上青天牕含西嶺千秋雪

門泊東吳萬里船

藥條藥甲潤青青色過棕亭入草亭苗滿空山慙取譽

根居隙地怯成形

絕句七言

卷四十六

五十九

秋樹馨香倚釣磯斬新花蘂未應飛不如醉裏風

吹一作春風盡何可忍醒時雨打稀

門外鷓鴣久不來沙頭忽見眼相猜自今已後知人意

一日須來一百迴

無數春筍滿林生柴門密掩斷人行會須上番看成竹

客至從嗔不出迎

落第長安

常建

家園好一作在尚上一作留秦耻作明時失路人恐逢故

里鶯花笑且向長安度一春

落第後口號

薛據

十五能文西入秦三十無家作路人時命不將明主合

布一作素

木空惹一作洛陽塵

落第歸鄉

留別長安主人

豆盧復

客裏愁多不記春聞鶯始歎柳條新年年下第東歸去
羞見長安舊主人

獄中聞駕幸長安

二首

沈佺期

傳聞聖旨向秦京誰念羈囚滯洛城扈從由來是方朔
爲申冤氣在長平

無事今朝來下獄誰期十月是

一作見

橫河君看鷹隼俱

堪擊爲報蜘蛛收網羅

絕句

七言

卷四十六

六十

流合浦嶺外作

張均

瘴江西去火爲山炎徼南窮鬼作關從此更投人境外
生涯應在有無間

南流夜郎

寄內

李白

夜郎天外怨離居明月樓中音信疎北鴈春歸看欲盡
南來不得豫章書

流夜郎聞酺不預

北闕聖人歌太康南冠君子竄遐荒漢酺聞奏鈞天樂
願得風吹到夜郎

梁苑懷古

王昌齡

梁園秋竹古時煙城外風悲欲暮天萬乘旌旗何處在
平臺賓客有誰憐

鄴城懷古

孫逖

鄴城東北望陵臺珠翠繁華去不迴無復新妝豔紅粉
空餘故龍滿青苔

薊臺覽古

李白

舊苑荒臺楊柳新菱歌清唱一作采菱歌曲不勝春只今惟有
西江月曾照吳王宮裏人

吳故宮

常建

越女歌長君且聽芙蓉香浦水邊城豈知一日終非王

絕句

七言

卷四十六

六十一

猶自如今有怨聲

越中覽古

李白

越王句踐破吳歸義士還家盡錦衣宮女如花滿春殿
只今惟有鷓鴣飛

西施石

西施昔日浣紗津石上青苔思殺人一去姑蘇不復返
岸傍桃李爲誰春

過故人舊宅

王喬

故人軒騎罷歸來舊園園林閉不開唯餘挾瑟樓中婦
哭向平生歌舞臺

題梅妃畫真

玄宗

憶昔嬌妃在紫宸鉛華不御得天真
霜綃雖似當時態爭奈嬌波不顧人

存歿口號

杜甫

席謙不見近彈棋畢曜仍傳舊
小詩玉局他年無限笑白楊今日幾人悲

鄭公粉繪隨長夜曹霸丹青已白頭
天下何曾有山水人間不解重驂騑

哭晁卿衡

李白

日本晁卿辭帝都征帆一片繞蓬壺
明月不歸沈碧海絕句 卷四十六 六十二

白雲秋色滿蒼梧

傷曹娘

宋之問

可憐冥漠去何之獨立丰茸無見期
君看水上芙蓉色恰似生前歌舞時

前谿妙舞今應盡子夜新歌遂不傳
無復綺羅嬌白日直將珠玉閉黃泉

送殷四葬

王維

送君返葬石樓山松柏蒼蒼賔馭還
埋骨白雲長已矣空餘流水向人間

與謝良輔遊涇川陵巖寺

李白

乘君素舸泛涇西宛似雲門對若谿
且從康樂尋山水何必東遊入會稽

長沙失火後戲題蓮花寺

張謂

金園寶刹半長沙燒劫旁延一萬家
樓殿總隨煙燄去火中何處出蓮花

題法院

常建

勝景門開對遠山竹深松老半含煙
皎皎一作皓月殿中三度磬水晶宮裏一僧禪

過融上人蘭若

綦毋潛

山頭禪室挂僧衣
窓外無人谿鳥飛黃昏半在絕句 卷四十六 六十三

下山路却聽鐘聲

翠微

題觀樓

岑參

荒樓荒井閉空山關令乘雲去不還
羽蓋霓旌何處在空留藥臼向人間

武陵開元觀黃鍊師院

王昌齡

松間白髮黃尊師童子燒香禹步時
欲訪桃源入谿路忽聞雞犬使人疑

先賢盛說桃花源塵忒何堪武陵郡
聞道秦時避地人至今不與人通問

山觀空虛清靜門從官役吏擾塵喧
暫因問俗到真境

便欲投誠依道源

題朱鍊師山房

叩齒焚香出世塵，齋壇鳴磬步虛人。
百花仙醞能留客，一飯胡麻度幾春。

送王道士還京

賈至

一片仙雲入帝鄉，數聲秋鴈至衡陽。
借問清都舊花月，豈知還客泣瀟湘。

送司馬道士遊天台

朱之問

羽客笙歌此地違，離筵數處白雲飛。
蓬萊閣下長相憶，桐栢山頭去不歸。

絕句

卷四十六

六十四

送司馬先生

李嶠

蓬閣桃源兩處分，人間海上不相聞。
一朝琴裏悲黃鶴，何日山頭望白雲。

送王尊師歸蜀中拜掃

王維

大羅天上神仙客，濯錦江頭花柳春。
不為碧雞稱使者，唯令白鶴報鄉人。

嵩山尋馮鍊師不遇

崔曙

青谿訪道凌煙曙，王子仙成已飛去。
更值空山雷雨時，雲林薄暮歸何處。

武陵龍興觀黃道士房間易因題

王昌齡

齋心問易太陽宮，八卦真形一氣中。
仙老言餘鶴飛去，玉清壇上雨濛濛。

絕句

卷四十六

六十五

唐詩所第四十六卷

唐詩所第四十七卷 闕文

前集

五言

幸靈州破薛延陀叙事

太宗

恥雪酬百王除兇報千古

薛王疾瘳置酒更爲初生之歡

玄宗

昔見漳濱臥言將人事違今逢慶誕日猶謂學仙歸棠
棣花重發鵲原鳥再飛

錢裴寬尹太原

德比代雲布心如晉水清

後苑雙頭牡丹

上官昭容

闕文

卷四十七

一

勢如連壁友心似臭蘭人

過楊玄感墓

李百藥

劍有萬人敵文爲一代英除昏志不遂僭亂道難平

闕題

崔信明

楓落吳江冷

九日

王勃

蘭氣添新酌花香染別衣

咏月

李嶠

願陪北堂宴長賦西園詩

詠霧

別有丹山霧矐矐映水明

咏桐

忽被夜風激遂逢霜雪侵

詠梨

春暮條應紫紫秋來葉早紅

咏萱

葉舒春夏綠花吐淺深紅

闕題

張說

桂華秋皎潔

春遊

蘇頌

闕文

卷四十七

二

飛埃結紅霧遊蓋飄青雲

送上蔡令潘好禮

趙仁獎

令乘驄馬去丞脫繡衣來

闕題

徐安貞

暮雨衣猶濕春風帆正開

闕題

王維

人家在仙掌雲氣欲生衣

闕題

王昌齡

長亭酒未醒千里風動地

上陳左相

高適

卿才傳世業相府盛嘉謀	闕題	杜甫
寒食少天氣東風多柳花	闕題	
小桃知客意春盡始開花	宴集詩	杜鴻漸
常願追禪理安能挹化源	闕題	丁仙芝
窮巷常閉戶秋城聞搗衣	闕題	
關文 卷四十七	三	
樹迥 秋色川長遲落暉	闕題	沈如筠
嘶酸寒鴈斷浙歷秋樹空	闕題	
漁陽燕舊都美女花不如	闕題	崔成甫
眠澗花白落步林鳥不飛	闕題	
谿谷何蕭條日入人獨行	闕題	

落日下平楚孤烟生洞庭	闕題	蔡希寂
象筵列虛白幽偈清心育	河陽居家女	李康成
因緣苟會合萬里猶同鄉運命儻不諧隔壁無津梁	哭陳子昂	郭廷謂
冤逐東流水墳依獨坐山	闕題	韋青
三代掌綸誥一身能唱歌	闕題	鄭居中
關文 卷四十七	四	
雲山遊已徧	答哥舒翰求劍	李廣琛
刻舟尋已化彈鋏未酬恩	闕題	李昂
耳臨清渭洗心向白雲閒	闕題	亡名氏
見他桃李發思憶後園春	七言	
擣衣篇	王灣	
月華照杵空悲妾風響傳砧不到見一作君		

贈武平一歌

崔日用

彼名流兮左氏癖意玄遠兮冠今昔

安樂公主館第成賜宴

李日知

所願但知居者逸無使時稱作者勞

闕題

王昌齡

天仗森森練雪擬身騎駿馬白鷹臂

闕文

卷四十七

五

唐詩所四十七卷終

唐詩所四十七卷通行本

明臧懋循編凡十有四門曰古樂府曰樂府系曰
三言四言古詩曰五言古詩曰七言古詩曰雜體
古詩曰風體騷體古詩曰五言律詩曰七言律詩
曰五言排律曰七言排律曰五言絕句曰七言絕
句曰闕文每門之內又各以題目類從餽釘割裂
亦張之象唐詩類死之流也每卷之首皆註前集
二字則當有後集今未之見然大槩可睹矣

詞致錄十六卷

〔明〕李天麟編

北京師範大學圖書館藏明萬曆十五年刻

本

附《四庫全書總目·詞致錄十

六卷》提要

詞致錄序

蓋孔子有言詞達而已矣解者曰詞取達意而止不以富麗為工嗟乎此脩詞之指南也即無論五帝三王之時嗣及兩漢去古未遠其制誥書啟大都渾簡沉鬱絕無穠郁艷冶之態庶幾所謂達者焉自漢以下抑何靡靡也乃四六之興富麗為甚風雲月露出入華端錦繡玄黃鋪張毫末支離乎篇章駢拇于字句嗜其不已過哉雖然昔之富麗也尚因本根而生枝葉今之富麗也遂徇枝葉而忘本根至於本根忘而四六滋病余竊悼

之輒裒集唐宋諸名家稍為詮次
題曰詞致錄命之梓以示當世以
為世道江河愈趨愈下夫既不能
使天下盡無雕鏤其枝葉與三五
比隆但使之少存本根不失四六
之初意則末流之濫觴猶或可維
十一于千百乎不佞間嘗取而讀

詞致錄

八序

二

之凡上之所為宣諭德音下之所
為敷陳忠赤交游以之叙款隣敵
以之馳詰莫不鞏繡其文丹青其
色比事則牽連月露諧聲則比合
宮商至其收功定績亦於春穠秦
漢諸詞矣讓焉且如奉天一詔叛
卒為之解甲賓王一檄賊后忽焉

改容鍾簏不移廟貌如故唐宗所
以洒泣也舉族北轅敷天左袒宋
士所以歸心也此皆案頭常物童
子習聞而當時感人如是以釋大
疑以聲大義以悔大眚以恢大業
孰謂詞而致也于世道無補哉嗟
乎孔子之言詞達也將歆復乎三

詞致錄

八序

三

五之舊而余之刻詞致錄也至欲
復乎四六之舊豈不重可嗟乎若
曰余之茲刻為教天下以富麗則
孔氏之志益荒矣

萬曆丁亥午月古燕李天麟書



詞致錄序

今

國家文明郁郁士習彬彬自經疏
史傳及方伎稗官雖佛偈道詮
與巷謠里曲無難充棟寧俟殺
青此文之備也獨四六則無有
品析而彙集之者侍御李君仲

詞致錄

序

一

仁心懷絡辟囊累連珠謂四六
胡可無集也乃命二三掌故檢
羅珍筭萃拔瑤編肇晉魏之原
芳逮唐宋之嗣彥取長棄短鱗
次門分首制詞次進奏次啟劄
次祈告次襍著錄成以詞致名
取古致詞之遺也且付剞劂屬

序于予或謂四六始徐庾氏支

蔓于兩晉浸淫于六朝僻構幽
溪猥臻綺縠風雲月露魚鳥烟
花繪象而闢一字之奇駢偶而
侈三冬之富點綴已甚氣骨無
存此文之靡也好古者斥焉胡
集為而又胡以序為予曰不然

詞致錄

序

二

對偶音律自天地剖判以來有
之山峙水流日晝月夕八埏度
剖列宿躔分非對偶乎水樂蟲
絲松濤竹韻萬籟隱發空谷互
應非音律乎四六之靡者自靡
耳若取材于經叶律以雅境與
興遠抽黃白而曲中其微意與

韻借切宮商而妙成其響別

綸縛進奏宣達莊嚴歌詠恣嗟悲

動神鬼豈只五色之紅紫六經

之鼓吹而已哉故徐庾氏後代

不之人無論諸家試評著者一

杯六尺讀者汗顏秋水落霞觀

者動色或改容於推誠任數之

詞教錄

序

疏或閣筆於朱耶赤子之聯饑

寒疾病控告而忌者腐心漂杵

燎原應聲而爭者結舌所謂取

材于經叶律以雅非與四六又

何可少之大都善相馬者惟求

筋骨善評文者惟貴神情神情

內會而意與各有寄託其體裁

以時易之要未可槩其世代生

平也宋廣平玉性金腸賦梅花

不免婉媚晏元獻清標澹質祖

西崑止見便儂王濬仲嗜進納

汙持論每超玄致柳子厚甘諛

溺詭立言輒附經常如以其文

而已廣平元獻咕咕漫漫者耳

詞教錄

序

四

而濬仲子厚不庶幾哉軒黃姬

孔之間乎故四六誠靡矣倘能

寄駱丞之慨採子安之華攄敬

興之忠博盧弼之典瀉子瞻之

赤捷冠豹之鋒允矣作述無前

訖云四六非古若夫參造化自

然之機收景物無窮之趣變而

不失其正亦變風之餘也則有	廣平元獻在蓋文猶兵也奇正	惟吾所用之其神情固自有所	着矣不然存葩去實語怪志詆	或涉說鈴終成畫餅雅道傷矣	文體謂何皆是錄之所不取也	予知侍御君之意不在文又知	詞致錄 序 五	侍御君觀風維俗所崇尚亦與	此類故書之首簡以貽四方同	好者	萬曆丁亥端陽日奉	勅提督軍務巡撫浙江等處地方	兵部右侍郎兼都察院右僉都	御史關西溫純撰
--------------	--------------	--------------	--------------	--------------	--------------	--------------	---------------	--------------	--------------	----	----------	---------------	--------------	---------

詞致錄目錄	
巡按浙江監察御史古燕李天麟彙輯	
杭州府知府豫章余良樞	
兩浙都轉運鹽使司同知蕭陽唐守欽	
杭州府同知南郡姜奇方同校	
卷之一	
制詞門一	
冊文類	
開元皇帝受禪制	唐內制
冊代王為皇太子文	唐王言會最
詞致錄 目錄	乙
冊遂王為皇太子文	唐內制
立皇太子制	宋鄧潤甫
詔冊周王為并州都督文	唐上官儀
立皇后孟氏制	宋梁燾
邢氏進號賢妃制	宋孫洙
詔令類	
求賢詔	陳宣帝
令百官舉士詔	陳後主
舉賢良詔	宋周茂振
舉廉吏詔	四六會編末

議減鹽價詔

唐陸贄

伐金詔

宋李燾

宣德皇后令

梁任昉

制誥類上

爵封

封張嘉貞河東縣男制

唐韓休

馬燧李臯實封制

唐陸贄

除王德用同中書門下平章事兼河陽節

度使特加食邑實封制

宋胡宿

封太宗正東平郡王制

宋洪遵

詞教錄

目錄

二

宰執

授李抱玉開府儀同三司制

唐常袞

除趙普門下侍郎同中書門下平章事集

賢殿大學士制

宋文鑑

除呂蒙正中書侍郎兼戶部尚書平章事

制

宋李沆

除文彥博平章軍國重事制

宋鄧潤甫

除呂公弼樞密使檢校太傅制

除曾公亮檢校太尉充樞密使制

宋張方平

三司使禮部侍郎田況可樞密副使誥

宋胡宿

宋王珪

宮僚

吏部侍郎兼太子詹事制

宋樞芳大全

八座

授李入刑部尚書制

唐蘇頌

授建昌郡王攸寧冬官尚書制

詞教錄

目錄

三

唐李嶠

授田神功右僕射制

唐常袞

除呂公著右僕射制

宋鄧潤甫

授盧藏用檢校吏部侍郎制

唐蘇頌

授楊綰禮部侍郎制

唐賈至

館殿

授蕭寘翰林學士制

唐崔瑤

中書舍人除翰林學士制

宋呂祖謙

卷之二

制詞門二

制誥類下

臺諫

授尹思貞御史大夫制

唐蘇頲

授裴諗中書舍人制

文苑英華唐文

中書舍人除給事中制

宋播芳大全

帥臣

授駙馬鄭和右衛將軍制

唐白居易

宮觀使

除富弼充觀文殿大學士集禧觀使制

詞致錄

目錄

四

宋呂公著

節使

授劉悟檢校司空幽州節度使制

唐元稹

授韋博淄青節度使制

唐沈珣

除韓琦守司徒兼鎮安武勝軍節度使制

宋張方平

呂惠卿責授建寧節度副使本州安置不

得簽書公事詔

宋蘇軾

勅類

慶分朝集使勅

唐張九齡

幸新豐及同州勅

唐蘇頲

麻類

除右僕射麻

宋汪藻

除張浚兩鎮節度使麻

宋播芳大全

除韓世忠兩鎮節度使麻

宋汪藻

韓世忠加恩麻

宋播芳大全

赦文類

奉天改元大赦

唐陸贄

冬至大禮赦

唐陸贄

詞致錄

目錄

五

南郊赦

唐孫逖

建隆登極赦文

宋播芳大全

批荅類

荅王綰詔

唐代宗皇帝

鐵券文類

賜陳敬瑄太尉鐵券

唐樂明龜

德音類

戒勵風俗德音

唐元稹

賜書類

皇太后告天下手書

宋汪藻

策問類	策秀才文	齊王融
又	齊王融	
卷之三		
進奏門一		
表類		
賀表		
登極		
代鄭尚書賀登極表	唐令狐楚	
賀登極表	宋楊芳大全	
詞致錄	又	六
又	宋陳耆卿	
臨御		
為汝南公賀元旦御正殿受朝賀表	文苑英華	塘
賀皇帝御殿表	宋洪邁	
賀皇帝御福寧殿表	宋李劉	
上尊號		
為崔使君賀皇帝加尊號表		
聖壽	唐李嶠	

賀太上皇壽七十表	宋宋養晦	
聖節		
賀聖節表	宋史文昌	
賀天寧節表	宋邵博	
賀會慶節表	宋朱嘉	
賀天基節表	宋李劉	
賀會慶節表	宋陸游	
賀瑞慶節表	宋陸游	
誕儲		
賀生皇子表	宋王安石	
詞致錄	又	七
賀皇帝誕太子表	宋李劉	
賀誕皇嫡孫表	宋沈清臣	
封建		
賀皇子進封表	宋曾文肅	
寶冊		
賀冊皇后表	宋晁之道	
譜牒		
仙源類譜賀太上皇帝表	宋呂祖謙	
冠婚		
賀皇太子冠禮表	宋邵澤民	

祭祝	賀明堂表	賀明堂禮成表	肆赦	賀明堂禮成肆赦表	賀北郊禮成肆赦表	賀南郊大赦表	改元	賀改元表	元旦	賀元會表	賀正旦表	冬至	賀冬至表	駕幸	賀車駕幸太學表	賀車駕幸秘書省表	籍田	賀耕籍表	祥瑞
	宋陸游	宋李劉		宋魯鞏	宋孫覲	宋宋祁		宋鄭厚		宋秦觀	宋趙德莊		宋播芳大全		宋蘇軾	宋呂祖謙		宋播芳大全	

齊為百官賀甘露表	隋盧思道
賀太陽不虧表	宋播芳大全
賀老人星見表	唐李商隱
賀甘露表	唐柳宗元
為百寮賀雪表	唐李嶠
賀河清表	宋播芳大全
賀古樂器表	唐王維
禮部賀白龍并青蓮花合歡蓮子黃瓜等表	唐柳宗元
皇太子賀天后殿中芝草生表代	九
詞致錄	唐崔融
目錄	
講好	
賀講和好表	宋岳飛
奏捷	
賀平鄴都表	梁庾信
為李揆訪賀收西京表	唐常袞
賀靈武破吐蕃表	唐令狐楚
賀斬夔離不表	宋播芳大全
賀瀘南班師表	宋播芳大全
起居表	

建平王慶明帝疾和禮上表	齊江淹
車駕親征起居表	宋趙德莊
車駕迴鑾起居表	宋趙德莊
北郊清城起居表	宋汪藻
請表	
為齊州父老請陪封禪表	唐駱賓王
左神都留守請車駕還洛表	唐李嶠
請車駕幸洛表	宋趙鼎
請車駕西祀表	宋邵澤民
請車駕東封表	宋趙鼎
請皇帝御正殿表	宋汪藻
請皇帝御正殿復常膳表	宋播芳大全
代蕭侍中教勸表	齊江淹
勸進元帝表	梁徐陵
求撰昭明太子集表	梁蕭子範
為趙長史請為亡父度人表	唐王勃
薦表	

為第五倫薦夷吾表	漢班固
薦譙元彥表	晉桓溫
薦陽翟郭翻表	晉庾亮
薦周續之表	南宋劉柳
刺史廣州薦從事朱萬嗣表	南宋陸徽
薦賀瑒表	南宋劉孝儀
為蕭揚州作薦士表	梁任昉
薦鮑幾表	梁元帝
表之四	
詞致錄	目録
進奏門二	士
表類	
進表	
進九成宮頌表	唐王勃
進漢文選表	唐李善
代百寮進農書表	唐呂溫
史館王相公進和詩表	唐錢珣
為陳御史進奉和秋景觀競渡詩表	文苑英華
進承天節頌表	宋楊億

進家集表	宋王仲巖
進御筭表	宋張舜民
進郊祀慶成詩表	宋蘇轍
進稽古編表	宋司馬光
進先文定公文集表	宋胡寅
進建炎紹興詔旨表	宋呂祖謙
進嘉泰頌詩表	宋翰苑新書
上白鳩表	南宋沈演之
齊王進白兔表	梁庾信
進歲貢綾并藥物表	宋邵博
詞致錄 合錄	十三
進瑞木嘉禾表	宋崔鷗
為留守奏嘉禾表	唐張說
榮州進貢紬斑布表	宋李劉
進畫松竹圖表	唐于邵
諫表	
諫改獵表	唐褚亮
慰表	
為于侍中請赴山陵表	唐上官儀
慰國哀上皇帝表	宋司馬光
又	宋劉克莊

辭免表	
辭升儲表	代
辭免進封郡王表	代
讓封燕國公表	宋曾鞏
辭免左相表	唐張說
辭左丞相進封許國公表	宋方岳
為王尚書讓宰相表	宋周必大
為何尚書辭表	唐蘇頌
辭免刑部尚書表	宋李劉
辭免尚書右丞表	宋播芳大金
詞致錄 合錄	十一
為魏王讓知政事第二表	宋蘇轍
辭免參知政事表	宋歐陽修
辭免樞副表	宋歐陽修
督視辭免樞副表	宋方岳
為王方慶讓鳳閣侍郎表	宋方岳
讓鸞臺侍郎表	唐李嶠
為臨川王讓千牛將軍表	唐李嶠
辭免明堂陪位表	宋歐陽修
辭免都督江淮軍馬表	宋張浚
為鄱陽嗣王讓雍州表	梁劉孝綽

為鄭資州讓官表	唐陳子昂
為道士馮道力讓官封表	唐李嶠
陳情表	
過通天臺思歸奉親表	陳沈炯
為水潦災異陳情表	唐李嶠
卷之五	
進奏門三	
表類	
謝表上	
儲貳	
詞教錄	八目錄
謝為皇太子表	梁簡文帝
宰執侍從	
為兵部尚書王峻謝平章事表	唐張九齡
除樞使兼參知督師表	宋播芳大全
謝除參知政事表	宋王之望
八厘	
權戶部尚書謝表	宋播芳大全
謝除禮部尚書表	宋王簡
謝除禮部尚書兼學士表	宋周必大

除兵部尚書謝表	宋播芳大全
除刑部尚書謝表	宋播芳大全
貳卿	
除吏部侍郎兼給事中謝表	
謝除戶部侍郎表	宋播芳大全
謝除禮部侍郎表	宋蘇轍
又	宋播芳大全
又	宋真德秀
內外制 瑣闥	
拜中書侍郎表	齊江淹
詞教錄	八目錄
謝除中書舍人表	宋曾鞏
謝除知制誥表	宋歐陽修
謝除門下侍郎表	宋司馬光
丞轄	
謝除御史中丞表	宋王十朋
館閣	
謝除資政殿大學士表	宋張守
謝除學士表	宋翰苑新書
謝除翰林學士表	宋張守
謝加直學再任表	宋播芳大全

謝除閣學表

宋鄒名缺

謝除端明殿學士兼侍讀表

宋蘇軾

謝集賢學士表

唐王維

謝加龍圖閣待制表

宋楊芳大舍

謝除侍讀表

宋汪藻

宮僚

謝除宮僚表

齊孔稚珪

謝為東宮奉經表

梁劉孝綽

謝除太子賓客表

宋汪藻

詞教錄

目錄

七

節制 鎮守

為榮陽公桂州謝上表

唐李商隱

為濮陽公陳許謝上表

唐李商隱

謝浙西節度使表

唐顏真卿

謝淮西節度使表

唐裴度

謝上淮南節度使表

唐高適

蜀帥到任謝上表

宋潘時

越帥到任謝上表

宋張守

代郭帥謝到任表

宋翰苑新書

閩帥到任謝上表

宋張守

謝除成都轉運表

宋唐庚

提舉

浙東提舉到任謝表

宋袁說友

復除江東提舉謝表

宋謝深甫

林金部謝除浙西倉表

宋翰苑新書

湖南倉到任謝表

宋楊芳大舍

河北糶使到任謝表

宋汪藻

江東漕到任謝表

宋真德秀

郡守

詞教錄

目錄

七

柳州刺史謝上表

唐李吉甫

代永州刺史謝上表

唐李邕

以奉祠再除知泉州到任謝表

宋真德秀

池州到任謝上表

宋王十朋

謝除知忠州表

宋楊紱

知袁州到任謝表

宋楊芳大舍

廬州到任謝表

宋王卿月

知榮州謝表

宋李綱

六

進奏門四

表類

謝表下

內召

謝宣召入學士院備顧問表

宋真德秀

加職

車駕西巡授通議大夫謝表

唐李嶠

及第

詞教錄

月錄

謝狀元及第表代

宋汪藻

敘謫

叙復元官謝表

宋播芳大全

起復知府謝表

宋方岳

叙復

謝出籍表

宋李昭玘

賜詔

乞宮祠不久賜詔慰勞謝表

宋張守

宮祠侍養

謝官觀表

宋張守

謝許侍養表

宋胡安國

肆赦

謝赦表

宋陸游

錫賚

賜御製孔門七十二賢贊謝表

宋魏良臣

賜御書孟子謝表

宋范端臣

賜御書張九齡千秋金鑑錄故事謝表

宋真德秀

詞教錄

月錄

為李僕射謝賜政刑箴表

唐崔位

謝賜戒石銘表

宋張全真

謝手詔表

唐崔沔

謝賜曆日表

宋陸游

謝東宮賜裘表

梁簡文帝

謝賜冬衣表

文苑英華

謝賚扇表

梁簡文帝

謝賜王帶代嗣秀王表

宋播芳大全

謝賜衣帶鞍馬表

宋呂午

御劄戒不許進兵謝賜金器表

宋方岳	為田神玉謝茶表	唐韓翃
宋李劉	代謝賜銀合蠟藥表	宋李劉
宋劉克莊	謝賜夏藥表	宋劉克莊
宋張守	謝紹興府行宮賜本府充治所表	宋張守
陳乞表	為王儀同致仕表	梁徐陵
唐上官儀	為殿中監趙元楷乞致仕表	唐上官儀
唐李嶠	為王左相乞致仕表	唐李嶠
宋歐陽修	觀文殿學士知亳州乞致仕表	宋歐陽修
宋蘇軾	乞致仕表	宋蘇軾
宋司馬光	乞宮觀表	宋司馬光
齊江淹	建平王慶少帝登祚章	齊江淹
齊江淹	建平王拜右衛將軍荊州刺史章	齊江淹
梁沈約	為安陸王謝荊州章	梁沈約

狀類	謝弟綽授左散騎常侍狀	唐王維
唐白居易	謝授京兆府戶曹參軍翰林學士狀	唐白居易
宋蘇軾	謝宣召入學士院狀	宋蘇軾
宋蘇軾	宣召入學士院謝皇太后狀	宋蘇軾
唐元稹	為蕭相謝太夫人國號告身狀	唐元稹
宋蘇軾	謝除兵部尚書賜對衣金帶馬狀	宋蘇軾
唐李商隱	賜對衣金帶馬謝皇太后狀	唐李商隱
唐柳宗元	為策陽公端午謝賜物狀	唐柳宗元
宋晏殊	進農書狀	宋晏殊
唐柳宗元	進兩制三館牡丹歌詩狀	唐柳宗元
唐于公異	進窰器狀	唐于公異
唐于公異	進貢扶風地得金盞甕子狀	唐于公異

此奏門五

議類

定宗廟樂議

唐許敬宗

書劄類

上高祖請置學書

陳沈不害

上陸宣公奏議劄子

宋蘇軾

致語類

秋宴教坊致語

宋王珪

集英殿春宴致語

宋蘇軾

坤成節集英殿宴教坊致語

詞致錄

八目錄

廿二

宋播芳大全

小兒致語

女弟子致語

集英殿秋宴教坊致語

宋蘇軾

小兒致語

女弟子致語

興龍節集英殿宴教坊致語

宋播芳大全

小兒致語

女弟子致語

紫宸殿正旦教坊致語

宋播芳大全

興龍節集英殿宴女弟子致語

宋播芳大全

對策類

詞標文苑科策對第三道

文苑英華

僊異策對

唐駱賓王

露布類

兵部奏姚州破逆賊諾沒弄楊虔柳露布

唐駱賓王

劍南西川節度使破吐蕃露布

詞致錄

八目錄

廿二

文苑英華

牋類

請牋

請上壽成皇后尊號牋

宋播芳大全

賀牋

賀皇太后壽牋

宋播芳大全

賀皇太后牋

宋陸游

賀皇后牋

宋陸游

賀皇太妃受冊牋

宋秦觀

賀元正牋

宋播芳大全

賀冬至牋	宋搆芳大全
謝牋	
為趙國公謝皇太子寄詩牋	
唐許敬宗	
衛參政轉官謝皇太子牋	宋李劉
上牋	
到功曹參軍牋詣驃騎竟陵王	
齊江淹	
到主簿日牋詣右軍建平王	
齊江淹	
詞教錄	目錄
奏記詣南徐州新安王	齊江淹
辭牋	
拜中軍記室薛隨王牋	齊謝朓
勸進牋	
百辟勸進今上牋	梁任昉
卷之八	
啟劄門一	
啟類	
賀啓上	
帝王	

慶洛陽平啓	梁簡文帝
建平王慶改號啓	齊江淹
師保 宰執	
賀史丞相除太傅啓	宋李劉
代賀丞相除少師啓	宋李劉
賀相國汝南公啓	唐李商隱
賀朱丞相啓	宋搆芳大全
賀魏丞相啓	宋熊克
賀趙丞相啓	宋張守
賀葉相啓	宋陸游
詞教錄	目錄
賀莆陽陳右相啓	宋陸游
賀張左丞啓	宋石林
賀洪參政啓	宋熊克
賀施參政啓	宋任正一
賀龔參政啓	宋陸游
賀席參政啓	宋張守
賀宣參政啓	宋李劉
賀王參政啓	宋陳傅良
賀周參政啓	宋陸游
代賀鄭簽書除參政兼太子賓客啓	

卷之九	
賀王兵書啓	宋張九成
賀史尚書啓	宋楊芳大全
賀王吏書啓	宋翰苑新書
賀陳尚書除吏部尚書仍兼內翰啓	宋李劉
賀吏部劉尚書啓	宋林豈塵
八座	
賀虞簽書啓	宋播芳大全
賀俞簽書啓	宋李劉
詞致錄	共
賀陳簽書啓	宋播芳大全
賀謝樞密啓	宋陸游
賀葉樞密啓	宋播芳大全
賀虞知院啓	宋洪适
賀薛樞使啓	宋李劉
賀呂樞使啓	宋歐陽修
元樞	
賀喬樞密除參政兼知院啓	宋李劉

啓劄門二	
啓類	
賀啓中	
徽省	
賀中書林侍郎啓	宋播芳大全
賀董中書啓	宋播芳大全
西掖	
賀禮部鄭侍郎啓	宋陸游
賀中書曾禮侍啓	宋洪邁
翰苑	
賀劉內翰啓	宋播芳大全
賀洪內翰啓	宋熊克
賀林直院啓	宋翰苑新書
中司	
賀侯中丞啓	宋趙德莊
南牀	
賀單侍御啓	宋播芳大全
貳卿	
賀中書侍郎除左兼中書及侍講啓	宋楊萬里

賀周禮侍啓	宋李劉
賀直院陳兵侍啓	宋播芳大全
賀董侍郎啓	宋翰苑新書
賀江陵趙制置除工部侍郎啓	宋李劉
丞轄	
賀王右丞啓	宋王端明
賀呂右丞啓	宋王灼
瑣聞	
詞教錄	史
賀門下許侍郎啓	宋程順
賀梁給事中啓	宋蔡襄
賀許給事啓	宋洪邁
修撰 秘閣	
賀集賢楊修撰啓	宋趙名缺
賀刁秘閣啓	宋楊億
秘監 校書	
賀陳秘監啓	宋熊克
賀曾校書啓	宋何臬
大小坡	

賀陳大諫啓	宋楊椿
賀大諫啓	宋熊克
賀梁司諫啓	宋王十朋
賀鄭正言除司諫啓	宋翰苑新書
賀湯司諫啓	宋劉克莊
察官	
賀齊察院啓	宋熊克
賀洪即中拜察院啓	宋播芳大全
賀杜察院啓	宋翟汝文
賀劉殿院啓	宋陳傅良
詞教錄	苑
賀盛察院啓	宋真德秀
賀薛察院啓	宋劉克莊
宗卿	
賀王秘監除宗卿啓	宋翰苑新書
賀呂宗卿啓	宋方岳
卿監	
賀丘總領除大卿啓	宋李劉
賀黃安撫除大理少卿啓	宋李劉
史掖	
賀聶左史啓	宋李劉

賀黃左史啓	宋洪邁
賀真右史啓	宋陳耆卿
史館	
賀晁司諫兼史館啓	宋洪适
賀張參政修史啓	宋陸游
國學	
賀揚國錄啓	宋林豈塵
宰掾	
代賀韓檢正啓	宋翰苑新書
賀胡檢詳啓	宋洪适
詞教錄	序
爵封	
賀定安郡王啓	宋馬麟
賀史相父追封越王啓	宋李劉
建節	
賀史督相啓	宋方岳
賀朱丞相帥紹興啓	宋汪應辰
賀張丞相帥金陵啓	宋胡寅
賀陳督相兼宣撫啓	宋熊克
賀衛參政除江西帥啓	宋李劉
代曹安撫賀衛參帥啓	宋李劉

賀蔣尚書帥鎮州啓	宋陸游
賀許尚書帥開啓	宋程敦厚
賀葉尚書帥荆南啓	宋唐庚
賀秦龍學除帥啓	宋魯瑩
賀王待制帥荆南啓	宋宋禹圭
賀陳待制帥江西啓	宋戴翼
賀董制使除金陵帥啓	宋鄭厚
賀郭殿帥知揚州啓	宋胡應松
賀李帥啓	宋鄭厚
賀呂帥啓	宋熊克
詞教錄	目録
制置	世
賀陳制置啓	宋李良臣
賀李制置啓	宋方岳
賀聶侍郎除制置啓	宋李劉
京尹	
除戶部侍郎兼知臨安啓	宋李劉
賀趙尚書再留京尹啓	宋翰苑新書
卷之十	
啓劉門三	
啓類	

賀啓下	漕使	倉使	賀鄭提舉啓	賀謝提舉啓	賀王倉使啓	憲使	賀浙西王憲啓	賀江東譙憲啓	詞教錄	賀陳提刑兼安撫啓	賀寺丞陳提刑啓	賀范提刑啓	茶馬使	賀周茶馬啓	總管	賀張總管啓	郡守	賀寶慶李知府到任啓	郡倅
	賀諸葛提刑除漕啓		賀鄭提舉啓	賀謝提舉啓	賀王倉使啓		賀浙西王憲啓	賀江東譙憲啓	目録	賀陳提刑兼安撫啓	賀寺丞陳提刑啓	賀范提刑啓	茶馬使	賀周茶馬啓	總管	賀張總管啓	郡守	賀寶慶李知府到任啓	郡倅
	宋劉克莊		宋楊芳大全	宋陸游	宋王邁		宋洪适	宋真德秀	奎	宋主邁	宋鄭厚	宋陳傅良		宋周紫芝		宋真德秀		宋李劉	

賀魏倅啓	職曹	邑宰	賀林宰啓	試中	賀人及第啓	賀第三人及第啓	賀試中館職啓	賀試中賢良啓	詞教錄	被召	賀劉侍郎被召啓	賀宇文尚書被召啓	加職	賀汪寶學加職啓	賀芮顯謨加秩啓	賀張漕改秩啓	入覲	賀張相入覲啓	宮觀使
賀魏倅啓	職曹	邑宰	賀林宰啓	試中	賀人及第啓	賀第三人及第啓	賀試中館職啓	賀試中賢良啓	目録	被召	賀劉侍郎被召啓	賀宇文尚書被召啓	加職	賀汪寶學加職啓	賀芮顯謨加秩啓	賀張漕改秩啓	入覲	賀張相入覲啓	宮觀使
宋周行可	宋王叔珪		宋秦叔厚		宋李守真	宋吳叔玉	宋歐陽修	宋楊億	奎		宋毛敏	宋翰苑新書		宋熊克	宋周行可	宋史百禮		宋毛敏	

賀安觀文除節使開府宮觀啓

宋李劉

致仕

賀趙少保致仕啓

宋王安石

賀魏大參致仕啓

宋宋齊愈

雜賀

賀丞相從駕回啓

宋熊克

賀陳憲平寇啓

宋戴翼

賀台州魯直閣啓

宋陸游

賀謝參政除萬壽侍讀啓

宋朱松

詞教錄

目錄

四

賀丞相生日啓

宋張正巳

賀張參政壽啓

宋播芳大全

賀李帥生日啓

宋張文饒

正旦

賀嗣秀王啓

宋李劉

賀丞相啓

宋毛敏

賀史相啓

宋李劉

賀監司啓

宋李劉

賀黃制置啓

宋李劉

賀周提刑啓

宋播芳大全

賀李提刑啓

宋李劉

賀提刑陳寺丞啓

宋鄭厚

賀太守啓

宋林豈塵

賀趙嬰州啓

宋李劉

賀通判啓

宋戴翼

賀通府啓

宋方岳

冬至

賀太師啓

宋播芳大全

賀黃制置啓

宋李劉

賀監司啓

宋播芳大全

詞教錄

目錄

三十五

賀樂提刑啓

宋李劉

賀彭知軍啓

宋戴翼

卷之十一

啓劄門四

啓類

謝啓上

除授

除樞副謝宰執啓

宋歐陽脩

除門下侍郎謝宰執啓

宋司馬光

除校書謝丞相啓

宋真德秀

除將作監直華文閣謝丞相啟	宋劉克莊
除宗簿謝丞相啟	宋劉克莊
除兵部架閣制幹謝丞相啟	宋方岳
除架閣謝丞相啟	宋李劉
除江東憲謝丞相啟	宋翰苑新書
代陳制幹除監丞謝丞相啟	宋李劉
謝政府啟	宋陸游
詞教錄 又 除中書舍人謝宰執啟	宋蘇軾
又 除編脩謝丞相啟	宋陸游
謝施參政啟	宋陸游
謝黃參政啟	宋陸游
謝臺諫啟	宋陸游
除內翰謝丞相啟	宋劉珙
謝趙都大啟	宋陸游
除辭掖謝漕使啟	宋張安國
到任	

高郵到任謝丞相啟	宋翰苑新書
榮州到任謝丞相啟	宋李劉
本州到任謝執政啟	宋蘇軾
潁州到任謝執政啟	宋蘇軾
知嚴州謝丞相啟	宋播芳大全
通判到任謝簽樞啟	宋李劉
通判到任謝臺諫啟	宋李劉
榮州到任謝桂制置啟	宋李劉
陞陟	
代林提管謝三府啟	宋李劉
詞教錄 又 代吏部朱侍郎謝丞相啟	宋陳耆卿
代董侍郎謝史丞相啟	宋李劉
代李制置謝丞相啟	宋劉克莊
代孫隆興師謝相公啟	宋真德秀
謝衛參帥舉關陞啟	宋李劉
改秩	
謝宗卿啟	唐李商隱
卷之十二	
啟劉門五	
啟類	

謝啟下

薦辟

謝曾參政薦舉啟

宋播芳大全

謝李參政薦獻納科啟

宋李劉

謝董侍郎薦舉啟

宋李劉

謝帥臣薦舉啟

宋播芳大全

謝監司薦舉啟

宋朱廷玉

謝太守薦舉啟

宋趙德莊

謝薦舉啟

宋趙德莊

又

宋趙德莊

詞致錄

目錄

美

試中

謝試中館職啟

宋翟公巽

謝試中宏詞啟

宋方雲翼

又

宋石敏若

科目

謝及第啟

宋唐庚

又

宋史天秩

雜謝

謝資地圖啟

梁昭明太子

謝勅資中庸講說啟

梁簡文帝

謝東宮賚園啟

梁張讚

謝東宮賜宅啟

梁庾肩吾

謝東宮賚辟邪子錦白褊啟

梁元帝

謝東宮賚米啟

梁庾肩吾

謝東宮賚古跡啟

梁庾肩吾

謝趙王賚米啟

梁庾信

謝趙王賚皂羅袍袴啟

梁庾信

謝齊竟陵王使撰書籍啟

梁王僧孺

謝竟陵王示扇啟

齊王融

謝李相公示手札啟

唐柳宗元

詞致錄

目錄

美

謝河東公和詩啟

唐李商隱

謝江陵津致赴闕啟

唐李商隱

平海冠轉秩謝政府啟

宋真德秀

江東賑濟無罪可待謝丞相啟

宋真德秀

致仕謝兩府啟

宋歐陽脩

叙事謝兩府啟

宋蘇軾

代胡侍郎謝朝士賀生日啟

宋蘇軾

宋播芳大全

宋播芳大全

上啟	赴任	赴任上帥座啟	赴任上推官啟	干求	上司刑太常伯啟	上兗州啟	上兗州崔長史啟	上齊州張司馬啟	上瑕丘韋明府啟	詞教錄 八目錄	上梁明府啟	上鄭宣撫啟	上鄭宣撫啟	上魏運使啟	干倉使薦舉啟	論事	上史丞相啟	卷之十三	啟謝門六	啟類
		宋周茂直	宋王清仲		唐駱賓王	唐駱賓王	唐駱賓王	唐駱賓王	唐駱賓王	年	唐駱賓王	宋陸游	宋孫復	宋播芳大全	宋播芳大全		宋播芳大全			

通啟	內任	代通易尚書啟	通王侍郎啟	通周太尉啟	通西外宗趙判啟	外任	通待制辛帥啟	通留經畧啟	通安撫衛大參啟	詞教錄 八目錄	通浙西袁安撫啟	通楊安撫啟	通李制置啟	通葉憲使啟	代通四川趙茶馬啟	通王泉使啟	通福建李提舉啟	通潭州馬通判啟	通王知縣啟	回啟上
		宋朱湛虛	宋王邁	宋洪适	宋危昭德		宋林豈塵	宋王邁	宋李劉	四	宋李劉	宋危昭德	宋朱復之	宋戴翼	宋李劉	宋洪适	宋方蒙	宋播芳大全	宋方岳	

宗藩	荅豫章王啟	隋崔頤
內任	回西外趙知宗啟	宋林豈塵
	代回西外趙知宗啟	宋李劉
	代回劉閣學啟	宋播芳大全
	代回王大卿啟	宋李劉
帥臣	回史督相啟	宋方岳
	代回成都吳制置啟	宋李劉
詞教錄	代回李制帥啟	宋李劉
目錄	諸使	宋李劉
	代董侍郎回四川辛運使啟	宋李劉
	回夔路王運判啟	宋李劉
	回尤提舉啟	宋播芳大全
	回湖北曹提舉啟	宋播芳大全
	回浙東孟提舉啟	宋李劉
	回張茶馬啟	宋方岳
	回聶提舶啟	宋翰苑新書

回鄆縣侯監稅啟	宋李劉
四周監酒啟	宋李劉
回李監酒啟	宋李劉
郡縣	
回安慶陳知府啟	宋李劉
回金黃州啟	宋李劉
回姚開州啟	宋李劉
回福州蔡守啟	宋陸游
代回晁南康啟	宋李劉
代回臨江丁知軍啟	宋李劉
詞教錄	
目錄	聖
代施倅回邵州王倅啟	宋李劉
回新應靈趙知縣啟	宋翰苑新書
回趙主簿啟	宋方岳
學職	
回本軍吳教授啟	宋戴翼
回衆學職啟	宋翰苑新書
幕官	
回張制機啟	宋方岳
代回趙運幹啟	宋李劉
回張縣尉啟	宋李劉

回王儼尉啟	宋方岳
卷之十四	
啟劉門七	
啟類	
回啟下	
科目	
回鄭狀元啟	宋真德秀
回孫榜眼啟	宋真德秀
回馬探花啟	宋真德秀
節序	
詞致錄	目録
代回傳大諫正啟	宋李劉
回畢安撫正啟	宋播芳大全
代回周馬帥正啟	宋播芳大全
代回李封州正啟	宋李劉
代回紹興黃尚書冬啟	宋李劉
代回全州趙守冬啟	宋李劉
代回慶元程守冬啟	宋李劉
代回林嘉興冬啟	宋李劉
與啟	
與鄰守啟	宋耿元鼎

與趙判官啟	宋劉克莊
與江司理交代啟	宋劉克莊
與張察推啟	宋劉克莊
教授與交代啟	宋沈唐叟
姪啟	
代姜寺丞回史丞相府定親啟	宋李劉
幼姪回啟	翰墨全書
狀類	
代南承嗣上中書門下乞兩河效用狀	
詞致錄	目録
賀分淄青諸州為三道節度狀	唐柳宗元
迎范戶部狀	宋播芳大全
謝董侍郎舉狀	宋李劉
謝聶侍郎薦舉狀	宋戴翼
謝陳提刑舉狀	宋翰苑新書
謝彭黃堂舉改官狀	宋翰苑新書
長書類	
與蒲公琰書	魏應璩

與嵇茂齊書	晉趙至
荅從兄書	晉陸景
詣建平王上書	齊江淹
與陳伯之書	齊丘遲
與劉孝綽書	梁簡文帝
荅湘東王書	梁簡文帝
與蕭臨川書	梁簡文帝
荅定襄侯餉卧簞書	梁簡文帝
與何胤書	梁昭明太子
與周弘讓書	陳王褒
詞致錄	梁
與徐僕射書	陳尹勳
遺崔願書	隋豫章王
與逸人王真書	隋齊王暕
上吏部裴侍郎書	唐駱賓王
與程將軍書	唐駱賓王
荅負半千書	唐駱賓王
上雍州高長史書	唐李嶠
荅杜刺史書	唐王績
小簡類	
荅呂主簿	宋王十朋

與汪中丞	宋王十朋
合尖類	
代王主簿上樓倉求合尖	宋播芳大全
謝茶馬使合尖代	宋李劉
卷之十五	
祈告門	
朱表類	
天慶觀啟建告謝表	宋劉克莊
賀玄天上帝生辰表	宋劉千林
又	氏名缺
詞致錄	四
賀純陽真人生辰表	宋劉辰翁
青詞類	
江西祈雨青詞	宋播芳大全
謝雨青詞	宋播芳大全
疏語類	
天基聖節道觀啟建疏	宋播芳大全
祈雨疏	宋王十朋
告文類	
祈晴文	南宋孝武帝
祀魯山神文	梁邵陵王

賽蔣山廟文

梁沈約

祭文類

祭游丞相文

宋劉克莊

祭蔡大參文

宋葉夢鼎

又

祭工部侍郎程公元岳文

宋方回

歎文類

王晨觀別脩功德歎道文

文苑英華

榜類

請致道住持酒榜

宋程敦厚

詞致錄

目錄

哭

卷之十六

雜著門

序類

三月三日曲水詩序

南宋顏延之

三月三日華林園馬射賦序

梁庾信

滕王閣序

唐王勃

送并州上人詩序

唐楊炯

送朝監還日本國序

唐王維

初春於圭峰送益府寶參軍宴詩序

上官昭容文集序

唐張說

秋日於益州李長史宅宴序

唐駱賓王

暮春太師左右丞相諸公於韋氏逍遙谷

讌集序

唐王維

冒雨尋菊序

唐駱賓王

記類

東山記

唐張說

號州三堂記

唐呂溫

詞致錄

目錄

哭

論類

廣絕交論

梁劉峻

文類

上梁勸農移文

秋崖新居上梁文

宋方岳

英德殿上梁文

宋王安石

代申嚴州勸農文

宋陸游

壯山移文

齊孔稚圭

碑類

頭陀寺碑

齊王巾

丹陽上庸路碑	梁徐陵
溫湯碑	梁庾信
周故大將軍趙公墓碑	梁庾信
趙國公夫人紇豆陵氏墓碑	梁庾信
唐故特進贈開府儀同三司揚州大都督	梁庾信
南府君睢陽廟碑	唐柳宗元
原州百泉縣令李君神道碑	唐楊炯
溧陽貞義女碑	唐李白
詞致錄	平
辭類	晉陶潛
歸去來辭	晉陶潛
歲類	唐張蘊古
大寶歲	唐張蘊古
連珠類	晉陸機
演連珠	晉陸機
又	梁宣帝
又	梁沈約
又	梁庾信

詞致錄卷之一

制詞門一

冊文類

開元皇帝受禪制

唐內制

繼明嗣德王者所以承天尊祖奉先聖人所以崇孝敬上之禮著乎重華月朔之祠嚴乎文命猗歟作頌發流濬哲之祥清廟升歌思表配天之業歷是前代可得而言我國家首出開元繼文膺統七代觀德至道洽於生人三后在天垂裕光於後嗣太上皇帝道超寰表功軼帝先名言不測於乾行仁智不知於日

詞致錄

卷之一

聖子華刊

冊代王為皇太子文

唐王言會景

明兩載象道貫三才元良表德業隆千古是以夏啟作貳允聞高猷姬誦升儲發揮王道詳求典冊式瞻七鬯固本垂統允推正緒惟爾代王其倚蘭毓祉喬

桂凝華岐嶷表於天，符彩彰於神授。器業英遠，風鑒昭明。踐嘉義而總深仁，捨幼志而標成德。爰資玉裕，早振金聲。朕虔奉靈圖，肅膺丕業。仰惟七廟之隆，思萬葉之慶。疇咨列辟，欽若前脩。是用命爾為皇太子，爾其祇奉憲章，率由軌度，盡謙恭於齒冑，審方俗於迎郊。春禮冬詩，趨庭靡懈。三善六德，曷志無愆。絕驕奢之心，納忠良之訓。播徽猷於外宇，申敬奉於中闈。允睦周親，務殷竟族。永隆四術，式寧萬類。無怠無荒，保我宗基。

冊遂王為皇太子文

唐內制

詞教錄

卷之一

二

子章

建立儲嗣，崇嚴國本。所以承祧守器，所以繼文統業。欽若前訓，時惟典常。粵我祖宗，克享天祿。奄宅九有，貽慶億齡。肆予一人，序承丕構。續武烈祖，延鴻本枝。受無疆惟休，亦無疆惟恤。負荷斯重，祇勤若勵。永懷詞訓，當副君臨。咨爾遂王，其體乾隆靈襲，聖生德教。深蘊瑟氣，吐吹銅早。集大成丕肩，幼志溫文。得於天縱，孝友因於自然。符彩昭融，器業英遠。爰膺錫社寶，寄維城懿河間。之不群慕，東平之最樂。自頃離明轍，耀震位虛宮。地德可尊，人神攸屬。式稽令典，載煥徽章。是用冊爾為皇太子，有國而家有君。而父義兼二

禮重繫萬邦，何好非賢，何惡非佞。何行非道，何敬非刑。居上勿驕，從諫勿拂。懋昭乃德，惟懷永圖。用陪貳朕躬，以對越休命。

立皇太子制

宋鄧潤甫

建儲非以私親，蓋明萬世之統。主器莫若長子，茲本百王之謀。朕荷天地之貺，臨席祖宗之詒。燕廼睦上嗣之貴，蚤應前星之祥。宜告大廷，誕揚丕緒。皇子某，溫文日就，睿智夙成。面馳道之車，能止班輪之驚。辨南陽之牘，允符東海之休。自疏錫於王封，益光華於德望。勝衣視膳，溢然孝友之姿。好禮受經，不煩師傅之誨。是用歷歲，盛陽之嘉日，舉列聖之大章。肇正青宮，肆敘顯冊。以協離明之吉，以繫天下之心。於戲，立愛始親，商以成千歲之業。建嗣必子，漢以撫四海之民。斯為永圖，往膺徽典。

詞教錄

卷之一

三

詔冊周王為并州都督文

唐上官儀

騰華星苑，崇名器於藩維。憑暉日御，峻寵章於侯服。故本枝增蔚，鴻緒滋繁。汾陽嘔區，鎮龍山而控遠。冀方腴壤，接鴈塞而疏疆。連率之寄，親賢攸屬。咨爾周王，其丰姿開秀，器彩靈明。識表槐扉之象，詞掩蘭臺之駕。西園孤月，秀心鏡而齊明。小山叢桂，偃情曰而

竝烈溫恭夙邵業尚日新棟蓐交芬珪璋具美是用
命爾為某官爾其克脩天爵事苞地義方資化敷大
夏惠新京陵必宜缺社鳴桴褰帷廣聽懋宣聲績長
綏福履光膺顯命可不慎歟

立皇后孟氏制

宋梁燾

正家者義之先天下從而定矣大昏者禮之本聖王
所以重焉朕繼體持盈側身思永方切基圖之固敢
娛宮室之安太母以萬世為心命慶宗事之重大臣
以兩極陳義請建坤儀之尊謂王道之大所由興故
人倫之始不可緩明揚德昭在慈闈之公欽

詞教錄

卷之一

四

承溫詔之音俾正中宮之位載謫吉日敷告大庭故
具官某孫女忠孝令門善慶奕世幽閑貞靜藹聞和
聲婉睦惠慈雅應柔則天作之合文定厥祥人謀協
從龜告并吉是宜入聽內職輔宣外和式瞻禕翟之
章卜直軒龍之象嘉典大脩並行今古之情文盛德
有開增美國家之治理於戲惟恭儉為富貴之守惟
憂勤為康樂之資如關雎之進賢則可以基風化之
成如樛木之逮下則可以將福履之盛用久乃濟匪
初其難勉爾欽脩以法三宮之端一相予顯祀以崇
七廟之清明柔光紫庭襲譽彤管可立為皇后

邢氏進號賢妃制

宋孫洙

王宮六寢崇建婦官天極四星垂著妃象所以協宣
陰教助穆宸闈矧視秩於上公必敷求於淑哲朕屬
精於治選納尤希嬪嬙靡充位號多闕茲延登於邦
媛用播告於路朝婉儀邢氏德稱後庭體合法相居
念保阿之訓動循環佩之音授弓矢於祺祠占熊羆
於吉夢是宜詳案舊典升備列妃進參禰翟之華益
昭彤管之煒坐論婦禮正始國風品冠六儀名超九
御於戲周南之詠卷耳無險詖私謁之心齊誥之美
雞鳴有警戒相成之道寵靈烜赫禮秩優隆匪特婉

詞教錄

卷之一

五

嫔之良疇若褒嘉之命佐后內治爾尚勉哉

詔令類

求賢詔

陳宣帝

舉善從諫在上之明規進賢謂言為臣之令範朕以寡德嗣守寶圖雖世襲隆平治非寧一辨方分職旰食早衣傍闕爭臣下無貢士豈余獨運匪薦讜言置鼓公車罕論得失施石象魏莫陳可否朱雲摧檻良所不逢禽息觸楹又為難值至如衣褐以見櫛鑿以遊或者艾絕倫或妙年異等黑貂改敝黃金且殫終其滯淹可為太息凡厥在位各舉所知試職能否俟茲黜陟

詞教錄

卷之一

六

令百官舉士詔

陳後主

旁求俊乂爰逮側微用道和羹是隆大厦上智中主成由此術朕以寡薄嗣膺景祚思所以登顯髦彥武備周行但空勞宵夢屢勤史卜申旦凝慮景夜損懷豈以食玉炊桂無因自達將懷寶迷邦咸思獨善應內外衆官可各薦一人以會彙征之旨且取備小太之用其有負能仗氣擢歷當時著賓戲以自憐草客嘲以慰志人生一世逢遇誠難亦宜夫此幽谷翔茲天路趨銅駝以觀國望金馬而來庭便當隨彼方圓飭之矩矱

舉賢良詔

宋周茂振

昔漢設賢科歆聞大道之要唐開制舉以待非常之扣汾之本朝參用前憲故所得多天下豪傑之士而所言皆國家治亂之端其在當時豈云小補朕自紹履休道旁招雋能圖治功者逾三十年猶懼有闕下郡國者已八九詔未見其人屬當大比之期敢廢詳延之舉凡茲邇列各為明揚俾褒然而造庭將諫爾以常務必有崇論鉉議可行於今庶幾博問遐觀無愧於古

舉廉吏詔

四六會編宋

詞教錄

卷之一

七

周聰治以六計廉善居先漢辟士以四科清白為首朕均知有俊誕保愛民惟前代廸厥官不肩好貨凡正人羞其行庶幾成風常賜札以律貪復作銘而中訓曾是在位猶從匪彛鞭撻不已而寵賂章簞蓋不飾而節行缺退食鮮羔羊之操雲民多碩鼠之譏念激濁在於揚清而瘳惡莫如彰善神爵獎朱邑之潔治盛循良開元旌王丘之廉風移苛姦一賢蒙擢百辟嚮方肆公道之天開閭閻波之瀾倒克正罔敢弗正既昭德以塞違進良以率不良與勵精而更始咨爾承休之彥體予美俗之懷庶歆得其真公選賢脩

之士舉皆賢於已博詢操履之原內則如光祿之薦王嘉外則如河東之察黃霸人之有猷有守具以實言予其懋賞懋官亦克用勸故茲詔示想宜知悉

議減鹽價詔

唐陸贄

三代立制山澤不禁天地材利與人共之王道寢微強霸爭鶩於是設祈望之守典權筭之法以佐兵賦以寬地征公私之間猶謂無擇歷代遵用遂為典常自頃寇難荐興已三十載服干櫓者農耕盡廢居里閭者杼軸其空車馬方殷軍食屢調人多轉徙田畝汙萊乃專煮海之利以為贍國之術度其所入歲倍

詞教錄

卷之一

田租近者軍費日增權價日重至有以穀一斗易鹽一升本末相踰科條益峻念彼貧匱何能自支五味失和百疾生害以茲天斃實為痛傷嗚呼朕主承列聖之緒遐覽前王之典既不克靜事以息用又不獲弛禁以便人征利茲深疲毗至困予則不恤其誰省憂應江淮并峽內權鹽宜令中書門下及度支商議裁減估價無釐革利害速具條件聞奏削去苛剝止塞姦訛務於利人必稱朕意

伐金詔

宋李燾

天道好還中國有必伸之理人心效順匹夫無不報

之讐蠢茲醜虜猶托要盟股生靈之資舉路壑之跡其不恭姑置舍忍軍入塞而公肆創殘使來庭而敢為桀鰲洎行李之繼遣復嫚詞之見加舍垢納汙在人情而已極殺罪致討屬胡運之將傾兵出有名師直為壯言乎近言乎遠孰無忠義之心為人子為人臣當念祖宗之恨

宣德皇后令

梁任昉

夫功在不賞故庸勲之典蓋闕施佯造物則謝德之途已寡也要不得不彊為之名使荃宰有寄公實天生德齊聖廣淵不改參辰而九星仰止不易日月而

詞教錄

卷之二

二儀貞觀在昔晦明隱鱗戢翼博通群籍而讓齒乎一卷之師劒氣凌雲而屈迹於萬夫之下辯折天口而似不能言文擅雕龍而成輒削藁爰在弱冠首應弓旌客游梁朝則殷華籍甚薦名宰府則延譽自高隆昌季年勤王始著建武惟新締構斯在功隆賞薄嘉庸莫疇一馬之田介山之志愈厲六百之秩大樹之蹠斯存及擁旌司部代馬不敢南牧推轂樊鄧胡塵罕嘗夕起惟彼狡童窮凶極惡衣冠絕禮樂崩喪既而鞠旅誓衆言謀王室白羽一麾黃鳥底定甲既鱗下車亦瓦裂致天之屈拱揖群后豐功厚利無

德而稱是以祥光總至休氣四塞五老游河飛星入
昂元功茂勲若斯之盛而地狹平四嶺勢卑乎九伯
帝有恩焉輜軒萃止今道其等率茲百辟人致其誠
庶難席之旨不遠而服

詞教錄

卷之一

上

制誥類上

爵封

封張嘉貞河東縣男制

唐韓休

任事而爵古之勳訓論功以封朝之通典具官其忠
肅恭懿宣慈敏達運精明以毓德體文武而成器有
光帝載昭宣廟謨鼎味用和台階增峻事君有犯而
無隱奉國以公而城私持其憲章式是軌度既邦教
有敘亦王猷以穆頌統軍政爰城朔方用底其績未
時厥賞固宜命以圭社崇其禮物保楚臣授邑克表
寢丘之制漢道優賢更叶平津之美

詞教錄

卷之一

十一

馬燧李皋實封制

唐陸贄

列爵以旌德肱土以報功國有藝章是用褒勸朕以
不德間逢多虞蒲坂有叛亂之臣淮沂有僭逆之帥
萬姓罹害四方靡寧具官某聞難之初忠誠奮發躬
帥士旅討茲不庭畧地如歸攻城必克晉絳磁隰靡
然向風元兇勢窮竟致梟戮清我旬服時惟茂勲具
官某親率全軍抗於強虜晝夜不息迨於三年謀成
必滅師出皆捷復斬黃之地拔安陸之城隱其威名
保人江漢並節者于國功存於人績効炳然僉議依
屬雖慙官已序而食賦未加疇庸之科無乃有闕宜

於寵錫以答殊休

除王德用同中書門下平章事兼河陽節

度使特加食邑實封制 宋胡宿

內樞之地上範於斗宮前箸之籌參寄於人傑以經
常武之事是號本兵之司圖冠厥名疇總予務乃眷
元侯之長早崇右府之聯爰擇剛辰復還舊物具官
其志懷果烈風緊沈雄通於奇正之謀居然英傑之
氣春秋閱禮韞義府以惟深甲令書忠載世家而有
舊比膺推轂荐歷干城先十乘以臨戎長萬夫而觀
政德刑具舉威惠參施能名播於外夷沉機隱於敵

詞教錄

卷之一

十二

國鄉峇俊望擢典繁機翼濟事功迪宣忠力平乃誠
而匪懈研諸慮以惟微旋均基宥之勞亟樹藩宣之
治臨險夷而一致服忠孝而兩全簡在朕心洽於朝
聽是用升鳳池之寵秩聯虎節之榮章倚殿輔邦用
陪京室屬右樞之闕職咨群岳以擇材僉曰汝賢宜
弼予治蓋天子二老出以居方伯之尊寰內諸侯入
則處公卿之任抑惟曩制舉是隆名用起壯猷使纂
舊服仍峻雲臺之號兼增井牧之封式厚青英有加
名數於戲樞機發令制戎事以惟艱樽俎折衝經人
謀而匪易往慎乃位益思其忠

封太宗正東平郡王制 宋洪遵

周建國以親諸侯用侈宗盟之慶漢置官而敘九族
是司屬籍之蕃瞻時叔父之賢育我內朝之望博稽
輿誦董正皇支升之上將之壇賜以鉅邦之履飭寧
丕號申詔治廷具官某樂易而不流溫恭而有守河
間學古入對三雍之宮沛獻好文爰作五經之論齋
襲神明之胄地依日月之華大輅大旂傳鼎曩於故
府法言法服蹈規矩於先王歸疇進律之文顯陟承
明之任德齒參劭魁然器之尊名實兩崇展矣咸
藩之冠載念齊家之要必嚴糾族之權示以褒儀屬

詞教錄

卷之一

十三

茲肅艾是用繇譙城之留務總廊時之成師踐辟疆
之班聯式彰清靜昨憲王之封域用答勤勞合集寵
光布章物采於戲問雞鳴之寢朕方形立愛之風誦
麟趾之詩爾尚輯惇宗之典若梓材之來兄弟若葛
藟之庇本根其追配於前人亦有辭於永世

宰執

授李抱玉開府儀同三司制

唐常袞

秉德者必先於冲讓報功者亦資於禮秩遂其所執
以彰明哲之心存其所賞以稱勲賢之策則勞臣知

勸群議允從具官某風雲所感挺此人傑文武相濟
弼于朕躬竭股肱而宣力數心腹而納誨道高可以
諮訪言惠可以底行鎮撫四夷旌麾授其二柄決勝
千里法令齊於一人端誠馭衆律畧安邊究詩書之
義府脩德刑之戰器故使剛者有禮勇者有方三軍
可用九伐皆尅所戎即敘中夏底寧而又精心吏職
諭我朝肯茂周原之多稼省隴戍之外徯老少安懷
遠邇和洽社稷之衛邦家之光嘉乃丕績肆於時夏
冲而不盈恭而彌損累執範宣之志不言馮異之功
辭禮閣之端右罷王畿之戎號足以光昭史冊執度
詞教錄 卷之一 廿四

縉紳今之僕同未曰優異以其遜職是有進階武選
序無替成命

除趙晉門下侍郎同中書門下平章事集

賢殿大學士制

宋文鑑

閔散同功歸馬遂隆於周道蕭張叶力斷蛇因肇於
漢基必資佐命之臣以輔興王之業具官某功參締
造業茂經綸稟衆緯之淳精契風雲之良會泊贊樞
機之務屢陳帷幄之謀沃心方佇於嘉猷調鼎宜膺
於大用俾踐台衡之位仍兼書殿之榮爾其聲乃一
心熙予庶績君臣相正勿忘獻納之規夙夜在公勉

致隆平之化往服休命無愧前修

除呂蒙正中書侍郎兼戶部尚書平章事

制

宋李沆

天道無私日月星辰助其照皇王不宰股肱輔弼代
其工所以端拱守成垂衣制理求建丕平之景運既
追三代之令猷其有業茂經綸才推謹厚衆大政而
已淹星歲秉至公而無捨寅寅宜領出綽之殊恩俾
正持衡之重柄爰擇剛日特降命書具官某四氣均
和五行鍾秀有濟時之略輔之以溫恭挺命世之才
守之以循默爰觀舜旌之進善遂訥魏闕以來儀臨
制教錄 卷之一 十五

軒觀敏瞻之能射策見縱橫之略暨茲登用益著謨

明公忠推社稷之臣凝重見廟堂之器養茲大體久

鬱具瞻屢宣作礪之功克懋秉鈞之績別錫褒功之

美號仍陞駁貴之崇階勳籍增榮井田加賦預列侯

之峻爵同大利之計書顧優恩之在茲諒名器之無

假於戲雲從龍而風從虎今也其時啓乃心而沃朕

心必求諸道爾宜周旋庶政佐佑眇躬緩茲宵旰之

憂翊我隆平之運同底于道豈不美歟

除文彥博平章軍國重事制

宋鄧潤甫

師傳道之教訓先王所以迪厥官老成重以典刑天下所以資其智迺瞻舊德時謂元勳謀合祖宗之心名載鼎彝之器申攸贊策播告外朝具官某惇大而清明方嚴而信厚出則秉旄鉞入則總我鈞衡文武兼備其才夷險能致其力畢公之弼四世三紀于茲傳說之總百官萬邦其又爵隆無富溢之累名遂有身退之榮神明相其壽康人心想其風采是用還之論道倚以經邦以帝者之師臣謀議廟堂之上以天下之大老制馭夷狄之情庶幾有為底于極治陪敦多井申衍真封於戲呂望惟賢起佐文王之治周

詞致錄

卷之一

十六

公已老留為孺子之師矧我耆英無愧前哲往宣一德用格多盤

除呂公弼樞密使檢校太傅制

宋張方平

本朝之制地分二府之嚴執政之臣共翰庶邦之重文武承式兵民是圖屬在賢明總司使職誕敷明制敷告大廷具官某器縕純明機靈精遠環材重任中廣廈之棟梁雅音自和合清廟之琴瑟登貳樞機之密洽開議慮之長屢陳憂國之言多發便時之策深明王體有簡朕心宜陞帝傳之崇以正本兵之任爰

因增賦真食衍封名器益隆奎章允穆於戲信而信用常思明哲之難知無不為期盡臣鄰之益祗若休命以贊大猷

除魯公亮檢校太尉充樞密使制

宋胡宿

經遠慮微必慎制兵之術析衝消難亦資畫策之臣是憲樞壘聿崇使號蓋政謨之攸寄匪耆哲而莫居適得其人誕敷厥命具官某風猷碩茂志慮深純學多貫於前言性頗修於中道方重之德可以抑躁而鎮浮明達之材可以運幾而成務當講勸於左右亦

詞致錄

卷之一

十七

召置於禁嚴博我訓言代予明命用請臨於宸輔遄擢典於京師咸有治功遂開政本通明練於百物參和穆於群言貳公之司久陪於論道內密之任宜正於筓樞仍加傳導之名更益倍敦之數崇階馭貴真食衍封並示寵章式旌殊禮於戲典機之任莫慎乎微擊柝之言蓋取於豫勿謂承平之久益思備禦之深祗服斯言往踐乃位

三司使禮部侍郎田况可樞密副使詔

宋王珪

天文三階中曜紫極之象國事二柄右列鴻樞之司

維君臣之謨明有夙夜之基命朕當登進時傑贊襄
大猷以導萬微之中以合九德之會匪至公之進曷
群聽之歸以爾具官某器懷閑深業優端厚材適國
家表裏之體學貫天人精祿之交而自高賢冊於大
庭儀俊遊於清路西垣名命之粹內閣論思之勤擁
帥節于邊而天聲懔於殊俗完財柄于內而國用豐
於歷年茲庸倚爾忠力之良置諸宥邇之地熙我大
業垂之亡窮噫本天下之兵莫重安危之寄在常右
之陟有若臣鄰之榮蓋德懋者寵所隆任大者責亦
至勉思盡瘁永克承休

詞教錄

卷之一

六

官僚

吏部侍郎兼太子詹事制 宋播芳大金
太子乃天下之本而賢者為邦家之基思得直諒多
聞以為益友庶幾左右前後罔匪正人故茲一時端
尹之臣率用兩朝髦俊之選具官某學術之茂幾於
先民行誼之修信於當世懿文華國置居俊譽之崇
正色立朝屢効排姦之力踐更衆職夷險一心肆因
銓總之餘入侍儲帷之遽倚典刑於老成之重崇道
義于爵齒之尊式資調護之功副朕責成之意

八座

授李入刑部尚書制

唐蘇頌

王命司寇汝作士師允迪政刑旁求望實具官某恒
碩之寶衣冠之華業總四科才抱九德為邦理要洞
入精微當代詞雄居成準的忠義得在公之體清修
稟行已之用紫泥掌誥雖密王言黃沙定罪是懸人
命眷茲欽恤尤賴東孚俾回迹於西垣宜正名於北
斗

授建昌郡王攸寧冬官尚書制

唐李嶠

事典職隆禮闈望切自非明德莫允具瞻具官某道

詞教錄

卷之一

十

臻八元名高兩獻行兼為華業茂多才待問七車屢
開獻替參司百揆多所弘益頃以牙璋首路羽檄乘
還委以罇俎之謀藉其股肱之用而卑以自牧成而
不居固守鳴謙願離劇職重遠雅志用成其美宜遷
九法之司回典百工之任

授田神功右僕射制

唐常袞

萬事之本歸於司會百僚之帥屬我端右所以綜詳
名實參貳紀綱詔德選勞於是乎在具官某忠敬孝
友寬厚深毅經之以詩書緯之以韜略言能顧行勇
必體仁信義不愆於風雨知謀自叶於蓍蔡早膺戎

寄式是師貞有決勝合變之奇有明賞必罰之當精貫白日氣凌高秋馭盧龍之軍萬夫觀政討淮夷之叛一戰吳平統制濟河懋昭聲績往以犬戎內曩孽夏多虞入勤服勞危遊能力忠衛社稷勲書甲令建牙移鎮在浚之都守龜蒙鳧繹之險當曹宋齊魯之會牧人馭衆憂國奉公宣文教以布朝章訓武經以明軍法修職貢之禮率先闢外通轉輸之利益瞻關中疆宇不葦田萊加開風俗澄清河南晏然夫以勲業之崇而等威未峻報功靡異豈允金屬固宜副文昌之長總周官之任仍兼連率益重方隅

詞教錄

卷之一

二

除呂公著右僕射制

宋鄧潤甫

國莫難於置相君莫重於知人堯舜之隆蓋以疇咨而熙載商周之盛至以夢卜而求賢天降割于我家予未堪於多難恐用耆德交秉政鈞其敷寵章以詔群辟具官某行應儀表學通本原忠義得於天資功名自其世美被遇先帝嘗入贊於樞庭暨予坤人遂同寅於政路傳經意以謀國體推上澤以紓民心敍收雋賢補葺法度方重不倚雅有大臣之風調度適中遂通當時之務是用陞之右揆委以繁機申行畏田倍敦真賦爾則代天而理物予則羞者以推恩於

戲丞相之位未嘗無其人儒者之効久不白於世五軻言無有者數百歲揚雄稱自得者二三臣蓋遠業者其功難循近迹者其力易勉行所學以底丕平授盧藏用檢校吏部侍郎制

唐蘓頌

具官某含和育粹直道正身學貫儒墨詞精比興風塵之外獨秀瑤林清白之中常懸氷鏡自四年掌誥九品作程峻而不離重輕咸當簡而能要浮競斯遠刀尺之委銓衡已歸特選周才更符僉望

授楊綰禮部侍郎制

唐賈至

詞教錄

卷之一

三

鯨鯢初懸理化未洽思敦駢驚之俗必弘廉退之風具官某質稟天和才優大雅理能自暢學不為人自委身於周行孤立於中道喜愠莫彰於顏色外得而親疎聲問日高志致彌遠固足以抑揚獎素風宜貳職於南宮仍屬詞於東觀俾增氣干仕之子知慙斯雕澄源朕志斯

館殿

授蕭寘充翰林學士制

揮翰金門諒屬詞華之妙論思王署選署惟精審授斯重具官某內蘊

居不流雅尚歸厚文摘錦繡學富縑緗早命中於射
宮遂從知於閭與靜無造心動有餘裕用雖係於通
塞道自保於歲寒藹然休聲布在公議是宜擢居密
地掌我命書勵夙夜之講求脩朝夕之視聽副茲寵
榮佇有弘益

中書舍人除翰林學士誥 宋呂誥

內外演綸之職獨高翰苑之清華左右持橐之隆
若禁林之近密維時盛選屬我洪儒輟從西掖之聯
延入北門之直具官某學窮閭與文冠倫魁增主之
明洋洋晁董之對黻帝之令渾渾虞夏之書休有德
訓致錄 卷之一 三二

詞致錄卷之一

詞致錄卷之二

制詞門二

制誥類下

臺諫

授尹思貞御史大夫制 唐魏瓘

國之副相位亞中台自非邦直孰司天憲具官某賢
良方正碩儒耆德副不護缺清而畏知簡言易從莊
色難犯徵先王之體要敷社必陳折佞臣之怙權排
衣而謝故以事聞海內名動京師鷹隼是擊豺狼自
遠必能條理前弊發揮舊章宜承弄印之榮式允登
詞致錄 卷之二 一

授裴諗中書舍人制 文苑英華

居禁密之地聞善則遷當演綸之工有勞斯陟此所
以光吾侍從榮彼縉紳具官某家承茂勲身有現行
早襲弓裘之業克隆堂構之基間澹自居翬浮不染
自擢居內署掌茲制命謹密無曠馨香有聞問對脩
見其一心敏捷共推其七步况臧孫有後且聞得鳳
之音枚乘多才雅蓄雕龍之妙爰曰滿歲授以正名
爾宜思弘用以致君勵精誠而正己慎爾聞見奉吾
周旋無彰溫樹之名克保詞林之美

中書舍人除給事中制 宋 楊芳大

初踐大服屬時多虞寤寐驚驚賢當饋興歎想望老成於典刑之重登用世臣於故國之遺大儒之効固存君子之澤未逮具官某四朝名臣之俊一時耆艾之英聲華發自妙年功名見於晚節詞垣視章渾然深厚爾雅之文經幄告猷信矣直諒多聞之益服勤浸久發問深休維是東臺論駁之司實事萬機出納之地延登茲位僉曰汝宜施置或未叶於人言選任或不孚於衆聽守正不撓維是之從毋諱有司追配前烈

詞教錄

卷之二

三

帥臣

授駙馬鄭何右衛將軍制 唐 白居易

周設七萃漢列八屯皆以拱衛王宮肅嚴徽道維茲騎吏具屬親賢具官某擢秀士林挺質公器以真和陶其性以禮樂文其身善積德門慶連戚里况久踐名職累著聲猷念舊獎能宜加榮寵環列之尹不易其人俾宣力於爪牙不失親於肺腑

宮觀使

除富弼充觀文殿大學士集禧觀使制

宋 呂公著

聖王賦祿所以崇德而勸勞賢者辭隆所以激奮而勵俗眷我外相惟時宗工願還重綬之榮益露累章之請既重違於悃悞宜特示於褒優載擢副辰式敷渙號具官某體資忠亮識蘊淵閑炳嶽瀆之粹靈挺棟橈之厚器光輔仁祖蔚為文武之師迨事先皇實總機衡之要引疾遽辭於大柄均勞式殿於近邦未移巖石之瞻併及洪河之潤肆予續紹允渴儀刑維體力之六平顧風猷之克壯而乃過持冲守深遜寵名諭言已周誠意彌確朕惟安危所寄雖賴老成之人損益有規宜伸大雅之志俾進班於左掖聽復節

詞教錄

卷之二

三

節使

於中臺仍總領於殊庭竚論思於秘殿用彰寵數盡示眷懷於戲進止不膠共扶於名義幽明有相終界於壽域風於四方時汝之德

節使

授劉悟檢校司空幽州節度使制

唐 元稹

將星明則英豪用靈旗指則妖祲銷勁草可以受疾風盤根然後見利器苟非處劇何以用長况幽并少年燕趙奇士居常以紫駟自驕失意則白刃相仇將領斯難是先才傑具官某天與忠誠人推敬讓蘊五

賢之勇不以力聞避廉頗之強使之心服是以居危
升而智見臨大節而功高嘗隆委於先朝屢作藩於
右地朕以遼陽巨鎮自我庶寧姑欲撫之以仁然後
示之以禮而守臣嬰疾幕吏擅權撓政行私虧恩剝
下過為捶楚妄作威稜不均饗士之羊但養乘軒之
鶴致茲撓變職此之由不有將材孰懲兇戲敷求朕
志深謂汝諧是用拔奇式冀宣力畀以亞相寵之上
公俾光十乘之行以壯三軍之氣

授韋博滔青節度使制

唐沈珣

乃眷營丘表于東海富強號千乘之國繁雜聚四方

詞教錄

卷之二

四

之人假上將之威權壯中軍之垣翰將驛閫守必在
信臣具官某文苑騰芳儒林擢秀襟靈曠遠風度詳
閑周通爰表於器能強濟式彰於事任早以重價踐
遷清途諫垣流謇諤之名通邑擅神明之譽頃自移
育九棘緩步八磚冲澹安身卷舒惟道應茲圖任允
叶金諧懿彼全齊實為右壤禹貢別九州之盛海濱
綜五郡之繁昔周命太師漢封韓信啟土用申於帶
隅分茅克懋於藩維選任之隆古今攸重於戲平仲
盡規之節夷吾當路之方經堂阜而微猷可循拍牛
山而忘蹕如在餘波未泯遺愛斯存禮節既洽於里

開風謠尚傳於故老為政之暇無忘諮詢咸鐵馬於
師壇指金貂於騎省祗膺成命勉服寵光

除韓琦守司徒兼鎮安武勝軍節度使制

宋張方平

朕先宅萬邦肇新駿命正權綱之遠御審名器之大
方眷予宗臣特崇異數以表圖勳之重用昭報禮之
隆爰揆副辰誕揚贊冊具官某宣昭賢業熙亮天工
光翊三朝咸有一德在成功而弗處實有大以能謙
薦上奏封懇辭政柄顧倚毗之厚詔諭數頒而精懇
之堅辭誠難奪增寵上階之峻特開兩鎮之崇蔽自
詞教錄 卷之二 五
朕心事非舊典當盛辰而均遠望故里以榮歸太業
甚明休靈殊渥於戲臣行其志茲為自得之全君薦
於恩深惜老成之去無安帥節之樂猶待衮衣之還
乃情本朝遐不謂矣

呂惠卿責授建寧軍節度副使本州安置

不得簽書公事誥

宋軾

函人在位民不奠居司寇失刑士有異論稍正涵天
之罪永為垂世之規具官某以斗筭之才挾穿窬之
智諂事宰輔同升廟堂樂禍而貪功好兵而喜殺以
聚歛為仁義以法律為詩書首建青苗以行助後均

輸之政自同商賈手實之禍下及雞豚苟可索罔以害民率皆攘臂而稱首先皇帝求賢若不及從善如轉圜始以帝堯之心姑試伯鯀終焉孔子之聖不善宰予譏其宿姦謫之輔郡尚疑改過稍昇重權復陳罔上之言繼有碭山之貶反覆教戒惡心不悛躁輕矯誣德音猶在始之與政共為惠私喜則摩足以相歡怒則反目以相噬連起大獄發其私書黨與交攻幾半天下姦賊狼籍橫被江東至其復用之年始倡西戎之隙妄出新意變亂舊章力引狂生之謀馴致永樂之既興言及此流涕何追迨予踐祚之初首崇訓教錄

八卷之二

七

安邊之詔假我號令成汝詐謀不圖渙汗之文止為欺賊之具迷國不道從古罕聞尚寬兩觀之誅薄示三危之宸國有常典朕不敢私

勅類

處分朝集使勅

唐張九齡

朕恭已承天守文繼位布一心於兆庶明四目於萬方恒恐道或未周物不遂性旁求俊乂共理黎元于咨群辟寧不我副凡今政要畧有四端衣食本於農桑禮義興於學校流仁出於不足爭訟由於無耻故先王務其三時將以厚生脩其五教將以惇俗有國有家同知此義不患不知患在不行耳且長吏數改政教屢移在官當先為國理人各惕其職不當冒榮干進苟利其身澆俗不可不革淳風不可不長近令訓教錄

八卷之二

七

刺史在任四考方遷實欲始終其情黜陟斯繫必若縣得良宰萬戶息肩州有賢牧千里解帶仁政不逞行之則是皆能勵節朕復何憂且如浮遊客戶所在安輯征鎮人家每事優當倉廩惟實賦役惟均鰥寡撫存盜賊禁止郵驛無弊姦詆不生念茲八事朕常屬想嗟爾庶尹可不用心卿等還州通相勸勉遵此王度恤彼下人敬順天常無違月令夫星列躔次土分區域休咎之徵惟人所感善必知至惡亦有由每至歲成當加賞罰宜知朕意並即好去

章新豐及同州勅

唐蘇頌

虞之四朝且徧區寓漢之三輔本同京師善於古者
考於今發乎邇者應乎遠若順豫之事缺則紊於王
制巡遊之典備則慮於人勞朕受命膺期勵精設教
幸乾坤幽贊風雨咸若百物既阜三農已登同穎薦
於宗廟雙穗生於郡國我無大禁實欣於歲取人有
小康未果於時適但左翺之地近入黃圖新豐之邑
甫鄰青綺山川宮館咫尺相望欲過灞亭而涉灃經
沙阜而臨渭見彼耆耄問其疾苦察長吏之政恤黎
昨之寃蓋所以展義陳詩觀風問俗始自畿甸化于
天下並令所司不得干擾州縣飛騎不須別遣兵馬

詞教錄

金卷之二

各勉所職副朕意焉

麻類

除右僕射麻

宋汪藻

君臣相須成體股肱良而元首乃尊政事要在得人
綱紀張而衆條皆舉朕遴選賢佐協圖治功孰膺名
世之期我得真邦之俊肆頒大號用詔群工具官其
才博而周氣剛以大出處行藏皆合乎道死生禍福
不移其心謀國盡忠真若蒼龜之先見捐身挺節獨
如松栢之後凋巍巍真社稷之臣奕奕孟廟堂之器
昨緣人望參決政機唯獻替之日陳殆弼諧之天授
定策而安劉氏素聞周勃之賢矢謨而翊舜朝終賴
臯陶之智是用擢登宰輔實首中台廣井邑之提封
增賦租之真食肇開侯社并峻文階以明論相之公
以輯用賢之慶於戲君不借才於異代所資當世之
豪英天將降任於是人必付終身之勲業朕既兼收
於群策汝其勿棄於分陰往愜厥圖卒相予治

除張俊兩鎮節度使麻

宋播芳大金

三軍利用莫如忠勇之兩全十乘啟行尤貴武文之
兼寵朕博稽輿論優獎虎臣乃緊進律之褒用諫在
廷之聽具官某性資沉鷲材力驍雄得孫吳方畧之
奇兼信布爪牙之勇執干戈而衛社稷居存蹇蹇之

忠安邊境而立功名躬履堂堂之陣昨緣多故尤見
殫誠提萬旅以趨朔扈六飛而復辟旋回冬狩留駐
海壖偶胡馬之長驅帥王師而鏖戰奮當大敵援抱
誠以忘身坐掃妖氛因鯨鯢而築觀茲及行朝之底
定復銷群盜之槍攘併錄茂勲用加醲賞秩視三孤
之貴地兼兩鎮之崇載錫爰田仍加真賊增中權節
制之重示上將威儀之多於戲有功見知朕既每存
於大信縱敵生患汝其勿替於前功惟一心同獎於
朝廷斯千載永書於令甲耶予之訓卿乃之休

除韓世忠兩鎮節度使麻 宋汪藻

制教錄

卷之二

十

提總席以振天威深入山川之阻斬鯨鯢而據國憤
之為宗社之安既執訊以來歸宜酬勲於不次肆頒
明命敷告治朝具官某事上樞忠臨機英果稟副故
俗甘陳兼六郡之良決勝重圍飛羽有萬人之敵蚤
備師干之試旋膺齊鉞之除豈惟寒窳以匪躬每見
多多而益喜昨屬時巡之邁回成國步之艱群小窺
朝元兇十紀既罪人之未得斯王旅以徂征迎敵鼓
行塵待前茅之偵擒囚歸報遂成獨柳之誅華夷由
是以知威天地為之而奏後凱歌一奏盟府交書是
川取累朝最盛之規加兩鎮又重之涯視班亞保升

爵元侯增邑食於爰田衍井腴於直賦併為異數用
表元勲於戲見無禮於君爾既殫於忠蓋歸飲至於
廟我何愛於寵褒惟功名垂世之始終斯爵祿有邦
之勸沮尚圖後效更揜前休

韓世忠加恩麻

宋播芳大全

朕躬帝親之饗合丘澤之祠一純二精幸拜熙成之
貺千乘萬騎孰宣拱扈之勞我有勁臣宜膺徽數具
官其忠不辟難勇常冠軍先人有奪人之心進則奮
沉雄之畧尚賢無自賢之行退而皆名義之談兼兩
鎮之節旄視三孤之皮帛軍律整甚王靈赫然遠斥
詞教錄

卷之二

十一

候而省文書士皆為之樂死倣師徒而討亂畧疆由
是以少安比脩重屋之儀尤謹周廬之衛祝嘏所告
君臣則同乃增井邑之封仍衍賦租之入爰示旌忠
之義以均受胙之休於戲心膂爪牙方資籌策之勝
葉兜戟轟益聳威儀之瞻惟盈滿天道之所虧惟正
直神明之所聽服我休命欽哉惟時

赦文類

奉天改元大赦

唐陸贄

致理興化必在推誠忘已濟人不吝改過朕嗣守丕
緒君臨萬方失守宗祧越在草莽不念率德誠莫追
於既往永言思咎期有復於將來明徵厥初以示天
下惟我烈祖邁德庇人致俗化於和平拯生靈於塗
炭重熙積慶垂二百年伊爾卿尹庶官洎億兆之衆
代受亭育以迄於今功存下人澤垂于後肆予小子
獲縉鴻業懼德不嗣罔敢怠荒然以長於深宮之中
暗於經國之務積習易溺居安忘危不知稼穡之艱

詞教錄

卷之二

十三

難不察征戍之勞苦澤靡下究情不上通事既壅隔
人懷疑阻猶昧省已遂用典戎徵師四方轉餉千里
賦車籍馬遠近騷然行賁居送衆庶勞止或一日屢
交鋒刃或連年不解甲冑祀奠乏主室家靡依生死
流離怨氣凝結力役不息田萊多荒暴命峻於誅求
疲吐空於杼軸轉死溝澍離去鄉閭邑里丘墟人烟
斷絕天譴於上而朕不悟人怨於下而朕不知馴致
亂階變興都邑賊臣乘黨肆逆滔天曾莫愧畏敢行
凌逼萬品失序九廟震驚上辱於祖宗下負於黎庶
痛心覲貌罪實在予永言愧悼若墜深谷賴天地降

仁人叶謀將相竭誠爪牙宣力屏逐大盜載
維將弘永圖必布新令朕晨興夕惕惟念前非乃者
公卿百寮累抗章疏猥以微號加於朕躬固辭不獲
俯遂與議昨因內省良用矍然體陰陽不測之謂神
與天地合德之謂聖顧惟淺昧非所宜當文者所以
化成武者所以定亂今化之不被亂是用興豈可更
狗群情苟庸虛美重余不德祇益懷慙自今以後中
外所上書奏不得更稱聖神文武之號夫人情不常
繫於時化天道既隱亂獄滋豐朕既不能弘德遠人
又不能一法齊衆苟設密網以羅非辜為之父母實

詞教錄

卷之二

十三

增愧悼今上元統曆獻歲發生宜革紀年之號式敷
宥過之澤與人更始以答天休

冬至大禮大赦

唐陸贄

君天下者受命于天地繼業於祖宗致其誠心惟
興孝違敬莫大乎廢祀虧孝莫大乎黷神朕
屬承大統縱欲敗度寢生厲階兵連禍深變起都邑
六師播蕩九服震驚郊廟園陵陷於凶逆神人乏主
將迨周星列聖大業幾墜於地違虧殺孝罪由朕躬
撫臨萬邦甚用自愧側身思咎庶補將來股肱元臣
比義德爪牙衆士戮力同心誅大慙而都邑肅清

昔道冠而關河底定茲再與王公卿尹洎億兆之人
備其盛容脩其禮物薦誠清廟展敬園丘陳謝罪愆
告雪憤恥感慕慙惕若無所容上帝顧懷再新景命
豈伊匪德獨荷鴻休思與普天誕膺多福

南郊赦

唐孫述

皇天眷命必順於五行指后御時實遵於三統考古
之道何莫由斯朕欽若上靈嗣守不業察璿衡以齊
政念稼穡以勸人日慎一日四十載于茲矣何嘗不
夙夜懼畏憂勞在懷思共黎之臻夫至理幸以刑清
俗阜天成地平萬方底寧群物咸遂雖觀大化且謂
詞教錄 卷之二 十四

建隆登極赦文

宋播芳大全

五運推移上帝於焉賡命三靈改卜王者所以膺圖
朕起自側微備嘗艱苦當周邦草昧從二帝以徂征
洎虞舜陟方綱嗣君而纂位但罄一心而事上敢期
百姓之與能屬以北虜侵疆邊民惟苦朕長驅禁旅

往殄胡塵鼓旗纔出於國門將校共推於天命迫迴
京關欣戴眇躬幼主以曆數有歸尋行禪讓兆民不
可以無主萬機不可以曠時勉徇羣心已登大寶昔
湯武革命發大號以順人唐漢開基因始封而建國
宜國號大宋改周顯德七年為建隆元年乘時撫運
既叶於謳謠及物推恩宜周於華夏可大赦天下於
戲革故鼎新景命初隆於王室青災肆赦鴻恩普洽
於民心更賴將相王公協謀同力共裨寡昧以致昇
平凡厥萬民咸知朕意

詞教錄

卷之二

十五

批卷類

卷王縉詔

唐代宗皇帝

縉表上敕卿之伯氏天下文宗位應先朝名高希代
抗行周雅長揖楚辭調六氣於終篇正五音於逸韻
泉飛藻思雲散襟情詩家者流時論歸美誦於人口
久鬱文房謫以國風宜登樂府眎朝之後乙夜將觀
石室所藏歿而不朽栢梁之會今也則以乃春棣華
克成編錄聲猷益茂歟息良深

代卷李德裕丹展六箴

唐韋處厚

卿文雅大臣方隅重寄表率諸部肅清全吳化洽行

詞教錄

卷之二

十六

春風發坐蒲春言善政想敷在懷卿之宗門累著聲
績冠內庭者兩代嚴侯伯者六朝果能激愛君之誠
喻詩人之旨遠而不忘忠告諷上而常深慮微博
我以端躬約余以循禮三復規諫累夕稱嗟致之坐
隅用北韋弦之益銘諸心腑何啻藥石之功卿既已
授誠朕每懷開諫苟有過舉無忘密陳山川既遐春
囑何已必當勉已以副深誠

鐵券文類

賜陳敬瑄太尉鐵券文

唐樂明龜

烹巨鼈者鼎大於滄海斬長鯨者劍倚於青天既立
異勲勉膺殊寵李晟免其十死子儀成其九功鏤以
金鏤賜其鐵契後來繼者豈在他人歲寒知松栢之
心國難見忠貞之節五山鎮地一柱擎天氣壓乾坤
量含宇宙自居環衛出擁旋幢論清政而水鏡無光
止赤誠而朝霞失色手持玉節身鎮錦城扶乾綱則
萬國安心紐坤維則百蠻遠指三川飲化一境歸仁
朕以稅駕褒斜省方印蜀匍匐而來迎鳳輦驅馳而
詞教錄 卷之二 十七
速建龍宮百辟來朝萬方入貢夏禹塗山之會未威
於斯漢高沛國之歡無以過此戮阡能疾如剪草除
莠昇易若焚巢不讓武侯之勲無愧文翁之化海東
獻款雲南披誠九穀豐登三農務盛濟贍軍國拯接
朝廷內竭家財外罄公帑千官感惠一國推功今則
巨猾奔逃神州克復將歸上國即別成都致朕身安
由卿忠蓋前封公爵後賜郡王詢於衆情未愜羣望
今賜卿鐵券赦其十死望泰山而立誓指黃河以為
盟山無盡時河無竭日君君臣臣父父子子永遠貴
皆如此

德音類

戒勵風俗德音

唐元稹

朕聞昔者卿大夫相與讓於朝士庶人相與讓於齒周成王刑措不用漢文帝恥言人過真古理也朕甚慕焉中代以還爭端斯起掩抑其言則專蔽誘掖其說則欺誣自非責實循名不能彰善瘴惡故孝宣必有祗告乃下光武不以詭辭遽行語稱訕上之非律有匿名之禁皆所以防三至之毀重兩造之明是以爵人於朝則皆勸刑人於市則皆懼罪有婦而賞有章也未俗偷巧內存外剗卿大夫無進思盡忠之誠詞致錄

卷之二

十九

多退有後言之謗士庶人無切磋琢磨之益多銷鑠反潤之譏進則諛言諂笑以相求退則羣居狎處以相識留中不出之請益發其陰私公論不容之詞實生於用黨擢一官則曰恩皆自朕黜一職則曰事出他門比周之跡已彰尚矜介特由徑之縱盡露自謂貞方居省寺者不能以勤恪蒞官而曰務求簡易提紀綱者不能以準繩檢下而曰密奏風聞獻章跡者更相是非備顧問者互有憎愛苟非秦鏡照膽堯羊觸邪時君聽之安可不惑參斷一謀俗化益訛禍發齒牙言生枝葉率是道也朕甚閔焉我國家貞觀開

元同符三代風俗歸厚禮讓並行兵興以來人散矣姑欲導之以德不欲驅之以刑然而信或未孚理有未至曾無取格益用彫形小則綜覈之權見侵於下輩大則機密之重旁撓於薄徒尚念因而化之亦既去其尤者而宰臣等懼其侵染未克澄清備引祖宗之書頒垂戒勵之詔遂申教告頗用殷勤各當自省厥躬與我同庠于道凡百多士宜體朕懷

詞致錄

卷之二

十九

賜書類

皇太后布告天下手書

宋汪藻

比以敵國興師都城失守襁纓宮闈既二帝之蒙塵
誣及宗祊謂三靈之改卜衆怨中原之無統姑令舊
弼以臨朝雖義形於色而以死為辭然事迫於危而
非權莫濟內以拯黔首將亡之命外以紓鄰國見逼
之威遂成九廟之安坐克一城之酷乃以衰穉之質
起於閒廢之中迎置宮闈進加位號舉欽聖已還之
典成靖康欲復之心永言運數之屯坐視邦家之覆
撫躬獨在涕涕何從緬惟藝祖之開基實自高穹之
詞致錄 卷之二 干

眷命歷年二百人不知兵傳序九君世無失德雖舉
族有北轅之衆而敷天同左袒之心乃眷賢王越居
近服已徇羣情之請俾膺神器之歸繇康邸之舊藩
嗣宋朝之大統漢家之厄十世宜光武之中興獻公
之子九人惟重耳之尚在茲為天意夫豈人謀尚期
中外之協心同定安危之至計庶臻小惕同底丕平
用敷告於多方其深明於吾意

策問類

策秀才文

齊王融

議獄緩死大易深規敬法卹刑虞書茂典自氓俗洗
弛法令滋彰肺石少不寃之人棘林多夜哭之鬼朕
所以明發動容具食興慮傷秋荼之密經訓夏日之
嚴威永念晝冠緬追刑厝徒以百鍬輕科反行季葉
四支重罰爰創前古罹游禽於絕澗作霸秦基歌雞
鳴於關下稱仁漢牘二途如棄即用兼通昌言所安
朕將親覽

又

齊王融

詞教錄 卷之二 廿一

自晉氏不綱關河蕩析宋人失馭淮汴崩離朕思命
舊民永言攸濟故選將開邊勞來安集加以納款通
和布德脩禮歌皇華而遣使賦膏雨而懷賓所以關
洛動南望之懷撫夷遽北歸之念夫危葉畏風驚禽
易落無待干戈聯用辭辯片言而求三輔一說而定
五州斯路何階人誰或可進謀誦志以沃朕心

卷之二終

詞致錄卷之三

進奏門一

表類

賀表

登極

代鄭尚書賀登極表

唐令狐楚

天子之孝以纂承為重聖人之寶以傳授為公伏惟
陛下德合乾符道光天宇廓寰區以御曆灑渥澤而
飛龍上以代太上之憂勤下以副群生之欣戴傳傳
天旨大洽人心喜氣騰輝時雲動色黎元率舞將校
詞致錄
卷之三
傳呼即日而萬姓歡康累旬而四海清謐臣職當統
帥寄重方隅慶賀之誠倍萬常品限以所守不獲奔
赴關庭

賀登極表

宋潘芳大全

炎正中興適際百年之盛真人繼作聿新萬寓之瞻
河海晏清機衡明潤恭惟陛下天開濬哲神授英奇
朱印宣猷已慰億人之望天潢應卜嗣承十三聖
之休祗通文謨仰成慈極紫宸南面時聆任姒之徽
音長樂東朝日致閔曾之德孝以副遺大投艱之托
以昭繼志述事之功臣遊守价藩欣逢興運班聯近

倚莫陪獸舞之廷身接遐眎共仰龍飛之造

又

宋陳耆卿

曆數承先俾千歲皇圖之正謳歌歸舜煥一時帝位
之新廟社鼎安寰區泰定竊以百年南渡四世中興
總體守文之功固永扶於基緒撥亂反正之累將寢
復於土疆人未占以有孚天不言而善應是生上聖
以闡重明恭惟陛下性德清淵幾神濬哲輟除外邸
隱然天日之姿出入內朝允矣宗祫之望共識五馬
之渡誰知六龍之潛迨此承祧決於與子合夷夏之
無外度帝王之有真佇歌周宣復古之詩併擬元結
詞致錄
卷之三
齊天之頌含齒之衆跋足以涇臣猥守京畿欣逢御
極風雲從而萬物觀已丕聳於八垠日月照而四時
行幸先輝於三輔

臨御

為汝南公賀元日御正殿受朝賀表

文苑英華唐

上正三辰下臨萬國事雖舉舊命則惟新臣聞聖祖
垂訓王者處域中之尊公羊紀時春者為一歲之始
載籍故實抑有典章近歲以來此禮多闕或事因惜
費或時屬告休伏惟陛下道被無垠政教有紀全被

獲生之德無非訢合之仁蒼旻降符黃輿瑞石碑
既見文作太平銀甕旋臻字成萬歲而又憂勤不
克責方深精誠旁照於八紘懇懃上通於九廟仙
微味獸館休畋遂使化妖宿為壽星變小戎為餓
慶由聖感令屬神行爰在新正式脩闕典彤庭列
丹陛陳儀凝旒而天啟其門服袞而日升於觀異
蕤越兌澤滂沱左右賢臣駿奔多士國無諛佞擢
草而不搖朝絕奸邪儼神羊而莫動禮成而退物
其容况以光耀瑤圖丹青玉版輝前映後邁五登
巨竊訪碩儒遠徵舊典帝堯華封之祝唯止匹夫神

制教錄

卷之三

三

禹塗山之儀且非亢會然猶堯有多憂之戒禹存後
至之誅在和平而尚華執歡呼之可致豈與茲日而
得同年臣方守河潼正分符竹不獲躬陳玉帛首率
梯航况又嘗以藝文叨居禁密雖遠離天上猶近闕
西抃賀空深就望無所心馳紫闕非夢寐而不通魂
繞皇闈羨歸飛而莫及

賀皇帝御殿表

宋洪邁

閭闔之開黃道曠脩日御之儀鈞陳之衛紫垣肇正
辰居之象萬邦星拱百辟雲從恭惟陛下總體守文
宅中圖大講朝元之典冊方重於建儲循大曆之規

禮將嚴於享帝適逢景會首飭常居儼負康以端臨
肅捧圭而入觀屹壯太山之勢歡傳嵩嶽之呼臣心
切傾葵職廢分竹願借方寸之地莫遂祝克不違咫尺
之天惟知戴舜

賀皇帝御福寧殿表

宋李劉

秘殿鼎新昭鴻名而日揭宸居離麗肅龍衛以天臨
風來南面之薰星拱北辰之所恭惟陛下體元居正
圖大宅中福庶民以是訓之彛寧萬國以惟和之政
盡力致孝既卑夏禹之宮脩政釐災復考宣王之室
棟取諸壯節轉而豐竊殷既便於觀旂鶴駕仍通於

制教錄

卷之三

四

問寢誕敷文德聿觀舞羽于兩階載績武功式燕
堂之萬壽臣攝麾黔鄙馳夢清都四海為家更願綢
繆於牖戶萬民安宅益堅壯麗之山河

上尊號

為崔使君賀加尊號表

唐李嶠

陛下俯順群情懋膺大典垂光休於百代被鴻私於
萬族凡在含生孰不慶幸臣聞太朴既謝旦昏之迹
已殊聖道不迫王霸之風且雜雖崇號廣溢遞尊於
尊名而德薄政衰不光於神器伏惟陛下承大雲之
法記應榮河之寶錄以天上天下之尊為隆平太平

之主不言而理三階正而六氣調不怒而威萬寓清
而百蠻服延富壽於和平制雍熙於易簡懷恩慕化
之黨候雨占風疇德瑞聖之符非煙若霧青衿詠歎
於庠塾黃髮謳吟於衢路固可使堯舜擁篲禹湯扶
輿踰賢劫而首唱邈梵天而高視豈登三成五邁昔
超今而已哉嘉號初登殊章備舉鋪帝容而建皇極
大寶重光撫乾軸而正坤維洪鑪再造僊漢與祥風
俱動湛恩將游雷並作緩姬文之獄既削爰書錫漢
后之醕且頒戎級滂沱之澤出九極而浸群方杼躍
之音自三川而周四海加以崇祇肅於梵宇致嚴恭
訓教錄 卷之三 五

聖壽

賀太上皇壽七十表

宋宋養晦

皇圖授聖綿寶曆於萬年帝夢與齡開壽編於七袞
侈熙朝之盛事溢萬宇之懽聲臣聞有永降年自天

祈命大德必壽從古而然千二百歲而不衰蓋脩身
之有道百二十刻而成度徒增漏以為期於皇上聖
之臨度越前王之懿授神器於雍熙之日心懷脫屣
之高備至養於康強之時年及從心之適非祠禱而
徑躋於上壽不導引而自籍於長生亘古未聞於今
創見恭惟陛下誠參化育道妙希夷為天下得人盡
付謳歌之戢與造物為侶咸歸富壽於克在天心眷
顧以方隆致慶筭增崇而未已演二首六身之數仰
符基命之辰會三統九章之元將衍後天之笑恩綸
新主孝治有光臣持節南州馳神北闕稱觴漢殿身
訓教錄 卷之三 六

聖節

賀聖節表

宋史文昌

穹昊儲祥光輔萬億年之祚聖神開世適符五百歲
之期萬佳氣於乾坤溢歡聲於朝野恭惟陛下河清
應運電繞降祥儉勤本於性資忠厚循乎家法福全
洪範符周后之歷年笑受泰元通漢家之永世與天
齊久如日方升臣職守藩符籍通禁素曉望五雲之
彩阻班賀於西清夜占列宿之文書輝騰於南極
賀天寧節表 宋邵堦

電繞宸樞協千齡之景運星流華渚昭萬世之宏休
天地發祥聖神誕降遇上帝生商之日傾下臣祝克
之心恭惟陛下體道應時握符御極繼一祖六宗之
志兼二帝三王之功受寶籙於叢霄不承眷命納斯
民於壽域永作君師車書同乎四方玉帛來於萬國
臣出分小郡誤長遠人嚮日輸誠願獻南山之壽後
天申頌阻稱北闕之觴

賀會慶節表

宋朱熹

盛德當陽光啟重熙之運群心就日樂推歸美之誠
有開繞殿之祥敢罄祈天之禱恭惟陛下慶流有衍
詞教錄

卷之三

七

合德無疆膺曆數以在躬垂衣裳而致治接黃帝推
箕迎日之統以莫不增過周家定鼎卜年之期自今
伊始某承流支郡幸際昌辰釐釐千官班阻趨於文
石嵩呼萬歲祝敢後於華封

賀天基節表

宋李劉

正月始和觀象越二三之日皇天眷命飛龍乘九五
之時百祿是宜四方來賀恭惟陛下聰明淵懿萬寶
輝光體乾之元首庶物而寧萬國乘震以出轉一氣
而開八荒瑞鳳見於虹流曆誕增於鳳紀臣仰瞻北
極遙頌南山蜀道青天身乃居於蜀徼華陽黑水祝

請效於華封

賀會慶節表

宋陸游

有王者興爰啟不平之運使聖人壽敢忘胥戴之誠
恭惟陛下蕩平無名建其有極千戈載戢恩加遼碣
之區圉圉一空治格成康之上欽時百福享國萬年
臣迹滯遐陬心馳魏闕紀虹渚電樞之慶莫厠諸儒
演龍宮藻芟之文徒脩故事

賀瑞慶節表

宋陸游

虹流電繞適當聖作之辰釐釐嵩呼共效壽祺之祝
敢傾丹悃仰扣唐聰恭惟陛下德當乾符躬有聖瑞
詞教錄

卷之三

八

東漸西被偉聲教之混同上際下蟠極仁恩之滲漉
帝生商而立子民戴舜以同心歷考前聞孰逾盛際
臣生逢千載仕歷四朝嶽貢川珍猥預駿奔之末焉
飛魚躍永依洪造之中

誕儲

賀生皇子表

宋王安石

宮闈嗣慶寰海交欣凡逮戴天惟均擊壤臣聞螽斯
之言衆子是為王者之詩華封之祝多男亦曰聖人
之事恭惟陛下紹祖休顯憲天昭明致文武之憂勤
成堯舜之仁孝宅師無競堯範之寢既安傳類有祥

予獨之祠屢應貽謀方永錫美用光臣託備藩維叨承睿獎不顯亦世家實預於榮懷於萬斯年心敢忘乎慶賴

賀皇帝誕太子表

宋李劉

斗揭柄於子驪式對履長之慶星重輝於甲觀肇開震索之祥社稷安榮華夷閭懌臣竊以封人祝華願惟在於多男帝子生商命誕膺於百禄矧春秋鼎盛之會重日月離麗之明有道之長無思不服恭惟陛下孝形四海仁育群生怡怡愉愉愛敬盡九重之養誥誥蟄蟄治安隆千歲之基斯干誥朱芾之宜長樂

詞教錄

卷之三

九

增綵衣之喜臣濫竽郡綬阻綴庭紳歌本支百世之詩知不遺於周士獻父母萬年之頌尚竊附於唐人賀誕皇嫡孫表

賀誕皇嫡孫表

宋沈清臣

洪圖錫美卜年過蒼籙之期朱邸發祥奕葉啟綠車之慶事關廟社喜極神人恭惟陛下襲積累之休撫靈長之運惟邦國之盛事曠古以希聞尊拱帝堯揖遜相傳於帝舜德隆文子繼承又見於文孫兩官之弗祿朋來四世之祥嘉坐閭臣濫叨分委獲親榮懷光動尾驪灼見天心之默祐歡形足蹈不勝臣子之至情

封建

賀皇子進封表

宋曾文肅

百辟在庭誕揚於明命大邦維屏肇建於元良宗社增休幅員均慶竊以周封姬姓之國親如魯衛則莫與比隆漢非劉氏不王外薄胡越而皆為列壤故信厚之風稱於麟趾而蕃輔之勢安於犬牙煥乎典常著在方冊恭惟陛下稽若成憲規恢遠圖眷天材之夙成顧位號之非稱揆辰之吉相地以封尊爵名城寵冠公侯之上高牙大旆崇燕將相之崇深根固本以扶不拔之基疆幹弱枝以聞無窮之祚乎號聞於中外歡聲洽於遐邇臣久玷近班親逢盛事海雷方震更增赫赫之大明振鷺有儀莫豫蹌蹌之率舞欣歡踴躍倍百等倫

寶冊

賀冊皇后表

宋晁之道

帝德御天化成九有坤儀正位慶協萬邦凡預生成舉同并蹈竊以在昔盛世惟先哲王必有正順之賢來會休明之運寔惟天作非特人謀恭惟陛下道格家邦教敷中外法堪輿之覆載參日月之照臨時享瑩九廟之恭聿求助祭日嚴致兩宮之奉思盡承顏

宜有柔順利正之姿以配聖神文武之德惟時淑媛
式協昌期筮簪即安已應高祺之慶宮闈蒙化彰形
彤管之風是宜稽合典章崇正位號以篤皇天之眷
命以承永世之丕休臣祗荷厚恩側聆盛典仰二儀
之化育載深螻蟻之情整萬壽之歡呼莫預駕鸞之
列

譜牒

僊源類譜賀太上皇帝表 宋呂祖謙

清都絳闕固高祀於群生寶系璿源實仰資於太極
告成典冊垂範仍雲切以顓穹生民濬發皇宗之盛

詞教錄

卷之三

十一

不天大律於昭帝系之嚴顯允熙朝肇開聖統德隆
澤厚命既積於萬年胄遠族蕃譜方新於六世戚疎
區別昭穆派分雖國論民言不至齊心服形之地然
宗盟家政有關問安侍膳之餘爰練日以龜從咸望
雲而醵抃雕騰濡瀆慶溢叢霄恭惟淵靜化元希夷
怡始大綱授舜既蕩蕩以無名九族睦亮本親親而
有叙光澤穆清之遠具膺蕃衍之祥臣等幸際休辰
於觀盛事與功業斯千載載於父兄百世本支陳
錫永觀於孫子

冠婚

賀皇太子冠禮表

宋邵澤氏

濬哲發祥克昌基本神明肖質允屬元良爰當可冠
之時大講加成之典十行降札四海傾心竊以道有
廣興時隨損益餘容正體孰識上儀洎日筮賓殆成
虛禮恭惟陛下振百王之絕學納一世於大中謂化
民實本齊家而制治莫先善俗春惟元子翕受天祺
蚤備問於寢門久聯華於國邸宜膺威服式協聖經
三加彌尊一人有慶伏遇陛下聖本天縱德裕日新
作民孚先敷時納治壯皇圖而增目慈帝祉以無疆
宗祉垂休幅員來賀臣叨分符竹遠去軒墀丹詔載
詞教錄 卷之三 十一

祭祀

賀明堂表

宋陸游

農廬屢豐協氣方流於縣宇合宮大享曠儀遂舉于
中天驛置星馳嵩呼雷動伏以聖神在御祈報間行
肆厥長至之祠一舉上辛之典惟茲宗祀實在季秋
既得萬國之驩心宜釐一清之嘉薦恭惟陛下範圍
元化斧藻太平采皇祐之舊章茂建中和之極稽紹
興之新制周適古今之宜上帝顧歆殊休叢委臣官
縻遐徵心繫明廷考漢家汶上之圖嘆莫陪於潤色

繼周頌我將之作尚自力於形容

賀明堂禮成表

宋李劉

至治馨香備成熙事湛恩汪濊敷錫庶民上下統和
華夷閭閻恭惟陛下治民祇懼受命溥將鑒天明地
察之嚴屢脩美報思祖功宗德之大尤謹精禋肆因
萬寶之成肇舉九筮之典高靈下墜和氣上騰臣父
遠闕庭莫奔蓮豆落霞秋水身縻刺史之左符廣樂
鈞天夢繞總章之右介

肆赦

賀明堂禮成肆赦表

宋曾鞏

詞教錄

卷之三

三

昊天無斂之載人莫能名先帝罔極之恩物何以稱
維總章之定位秩宗祀之洪儀祇薦至誠用伸昭報
伏惟陛下躬夙成之聖質而博古多聞經特起之大
猷而虛心廣覽振千齡之墜緒紹三代之遐蹤霽澤
之所涇濡太和之所煦嫗華夏蠻貊無一夫不獲其
宜草木魚蟲無一物不遂其所爰求祭典周告王功
蓋諸儒之說為不經則折衷於孔子而近世之事為
非古則取法於周公罷黜異端推明極孝以尊莫大
於祖故郊於吉土以配天以本莫重於親故享於
宮以配帝恩義兩得其當情文皆盡其詳撤俎

均釐甚廣昭哉皇矣實難偶之昌期巍乎煥焉信非
常之盛禮臣幸逢熙洽未奉燕閒一違前蹕之音四
偶親祠之慶青雲外士皆預橋門之聽觀黃髮孤生
獨難周南之留滯

賀北郊禮成肆赦表

宋孫觀

肇禋吉土消日至之休成昭格柔祗報坤元之博厚
允膺並貺不顯顧懷竊以求象類於陰陽致明察於
天地三代受命式嚴肆祀之常兩漢卜郊乃有合祭
之禮洪惟永命駿發德音邁上聖之勃興準六經而
制作交靈心於祇順允答資生伸母事之至誠聿崇
訓教錄

卷之三

古

親饗舞咸池以合晨樂飭齊輅以建太常壇陸兩城
合于耦數尊疊異制寵厥合章褒對百神國樂丘於
方澤作為六品奠嘉王之黃琮用能風雨弗違星緯
咸叙充嘉氣於重宇燭榮光於嚮辰神人以和祖考
咸格薦祭如在畢圭幣瘞埋之儀貯饗來臨致丘陵
贏介之物恭惟陛下欽承駿命祇翼貽謀蒐舉千載
之闕遺折衷諸儒之稽攷斷自宸意蕝揮稷容臣等
預覲齋明叨陪陟降率時昭考輯曠世之彌文於赫
湯孫繼自今而作古

賀南郊大赦表

宋宋祁

帝儀訖饗朝渙推慈飛驛疾傳庶邦叢慶切以天郊之重國制有常凡萬乘躬行必三歲間往不煩不怠由列聖而持循以受以度合諸神而對越睿圖累歲經典勤修恭惟陛下纂大合華執中布度抵金辟之美珍率儉示人收霜電之嚴光措刑于下克勵明德格于皇穹交薰太和冒我羣品顧懷時憶瑞應日來亟修上儀若祗舊典戒期百執領詔九州曳雲鳳之徜徉服翠蚪之泮渙殊庭一獻諸祐徧躋遂自陽靈之宮往會天元之旦羽旄四合埃陞參登上辟左琮之華合社而信祝祖範宗題之次更脩而迪嘗拜嘉

詞教錄

卷之三

五

昨於席垂列欽紫於雲表靈心合答熙典備成然後邃坐中天之闡普肆隨風之澤改頒大號崇冠初元昭神之祥祈命惟永賞功赦罪責已逮瘳咸與維新牖民衷而遷善聿懷多福道帝祉於縣區感際有光彝倫咸賴臣嚮官舊吏彈見往朝或不受性王為恭殊非明薦或所過租賦為復蓋出重勞語昔罕全訂今絕擬所恨清塵在望自苦周南之留紱橐仍持不與甘泉之從第班恩諭均決歡悰

改元

賀改元表

宋鄭厚

纂圖撫運應義爰九五之占渙號紀年體麟筆一元之意布宣無外鼓舞惟均恭惟陛下光紹燕謀丕膺鴻業謂持盈守成之責率由舊章而視始正本之規實動新政深惟累朝履位之實一本三代立國之仁慶積自身福覃于下合二者之古訓標萬紀之徽稱重定乾坤復開宇宙巨猷叨三輔首拜十行序叶璿璣已見九重之居正名垂玉曆更同庶國之承休

元旦

賀元會表

宋秦觀

十三月為正既前稽於夏道二千石上壽仍恭承於

詞教錄

卷之三

六

漢儀威旦載逢彛章具舉伏惟陛下財成天地參伍神明命義和之二官謹春秋之五始調和元氣撫御中區肆屬春王之朝肇脩元會之禮雞人呼旦庭燎有光外則虎賁羽林嚴宿衛之列內則謁者御史肅班行之容漏未盡而車輅陳蹕既鳴而鼓鐘作應龍高舉雲氣畢從北極上臨星宿咸拱受四海之圖籍拜萬國之衣冠歲月日時於焉先正聲名文物燦爾可觀邁康王豐宮之朝揜高帝長樂之事藹頌敷而並作鬱協氣以橫流臣比遠天光遽更年篇職拘藩國莫瞻龍袞之升心仰宸居但想猷樽之列

賀正旦表

宋趙德莊

帝出乎震載更曉曆之新斗合於寅允協夏正之健
慶素上日祥應昌期恭惟陛下道妙彌綸誠贊化育
璇璣密運天地節而四時成玉燭均調陰陽和而萬
物得干戈載戢禮樂備興皇極錫民方順茲生之令
鈞播物咸歸仁壽之途臣職在守符神馳魏闕接
千歲之統親逢有道之長奉九行之觴遙慶太平之
福

冬至

賀冬至表

宋潘芳大全

詞教錄

金卷之三

廿七

七政上齊協璣衡於景至允儀下辨旅坐肆於陽
休氣巫蒙稔容飭備恭惟陛下道原皇極化浹太和
天地之心玩義爰而來復日月所照觀周正之徧頒
同軌同文時萬時億臣等跡汗班聯目睇廉陛南面
而朝群臣雖亞歲異章之舊北鄉而壽慈極實熙朝
慶典之新

駕幸

賀車駕幸太學表

宋蘇軾

輦回原廟既崇廣孝之風幄次儒宮復示右文之化
禮行一日風動四方臣聞五學之臨三代所共蓋天

子不敢自聖而威德必有達尊在漢永平始舉是學
雖臨雍拜老有先王之觀而正坐自講非人主之事
豈如允哲退托不能真爵伏興意默通於三聖橫經
問難言各盡於諸儒恭惟陛下文武憲邦聰明齊聖
大度同符於藝祖至仁追配於昭陵乃舉舊章以興
盛節臣早塵法從父侍經幃永矣馳誠想聞合語於
東序斐然仰頌行觀獻馘於西戎

賀車駕幸秘書省表

宋呂祖謙

東觀書林久俟漢儀之觀西崑冊府載瞻周馭之臨
嗣三祀之閣纂軼百王之威節竊以斯文崇替與世
詞教錄 金卷之三 廿七

降升自我祖宗嚴載籍萃藏之地於時典冊鍾秉興
遊幸之書從容箴誨之求廣大較良之聚炎圖再造
華省一新爰親御於後文用仰繩於前武重明善繼
太極丕承乙夜牘陳念初載網羅之不易昕朝班入
思中興儲養之有原迺臨三館髦俊之彙展列聖
圖書之典帝暉下矚光汗牛充棟之藏天藻昭垂跨
駟馬柏梁之詠湛露示醇醲之惠承雲宣純繹之音
一日萬幾曾靡齊居之暇九流七略獨煩清蹕之
益以恢稽古尚德之風夫豈為飾治樂成之舉較名
布獲慶賜汪洋恭惟陛下秩序邦經裁成王度多聞

將求建事既留意於簡編大烹所以養賢復均盼於肴醴群志興起雅道流行臣等服在具僚身逢昌會獻從臣之頌敢揚厲於鴻休近天子之光請具宣於德意

籍田

賀耕籍表

宋播芳大全

青壇祗祓儼萬乘以尊臨黛帟爰興舉三推而躬勸歡傳華旦風動綿區竊以籍乃借民周雅述載芟之訓冕而從事戴經垂秉耒之辭不惟敦龐純固於是乎成抑亦醴酪粢盛由此而出考之往牒具有明文

詞教錄

卷之三

宋

故孝武頒詔於東郊章帝親巡於懷縣豈止一時之稱美實為千古之流光挺上聖之中興修縟儀而肇舉凡居涵覆孰不欣愉恭惟陛下大德時乘多能天縱盡挽雲間之河漢洗空天下之于戈南北交通書文混一肆念黎元之衆未知稼穡之艱爰擇元臣用勤終畝丕顯先農之祀於昭重穀之誠千耦其耘佇慶康功之即萬邦無懌永歌嗣歲之興臣叨守偏方幸觀盛事書頒一札已聞天語之叮嚀麥秀雨岐願繼前賢之彷彿

祥瑞

代為百官賀甘露表

隋盧思道

河榮洛變授社於勳華玄玉素鱗降靈於湯武其間微禽弱草改狀移形夜宿朝雲星光動色皆以照臨下土業揮帝載千祀一致隔代同符伏惟陛下上極天維傍握河紀持欽翼之小心纂昇平之大業萬靈翹首應三古以西巡兩儀貞觀乘六氣而東指卿雲既出還聞百辟之歌河清可俟實得萬人之歡而止玄乃顧神物荐委飛甘灑潤王散珠連昔魏明侯掌竟無靈液漢武金盤空望雲表豈若神漿可挹流味九戶之前天酒自零裴照三階之下斯實曠代祥符

詞教錄

卷之三

宋

前王罕遇休矣美矣皇皇我唐我臣等並邀昌運俱沐玄造驟聞秘祉亟覩冥貺振鱗撫翼空馳魚鳥之心瘞玉編金方待云亭之后

賀太陽不虧表

宋播芳大全

官占帝度前知陽照之當虧德動蒼旻俄見蝕分之不既清臺謁古薄海騰歡恭惟陛下道契乾元功參離照撫寢明寢昌之運得寅賓寅餞之宜惟團月適屆於正陽而靈曜乃侵於內壤聖躬修行天鑒儲休如月之初光尚全於半璧自天申貺福永固於丕圖

賀老人星見表

唐李商隱

聖惟合德坤實效祥必垂有爛之文以表無疆之祚
臣聞玄象示人昊穹凝命曜為經而宿為紀則曰常
名斗挹酒而牛服箱或標虛稱未若候時而出有道
則彰居五福之先在三辰之列伏惟陛下昭明老契
游泳莊寧戒是中秋呈茲上瑞况見於午位又屬寅
時仰考玄符乃有深意自南耀彩將弘解慍之風近
曉流光欲助無私之日皇心載裕靈鑒孔昭凡居率
土之濱皆慶後天之壽臣誤蒙重寄實遠清光送玄
燕於梁間傷時自切望白榆於天上厥路無由

賀甘露表

唐柳宗元

詞教錄

卷之三

主

玄化升聞靈貺昭答必呈尤異之應以告天地之和
伏惟陛下均照育之功敷滂灑之澤太和潛達闕瑞
克彰於天霄特降宮樹朝光初燭方湛湛而不晞
畏景轉炎更灑灑而未已綴葉而珠璣積耀盈器而
冰玉呈姿芳襲椒蘭味蕪飴醴然則零於庭而著異
祀於帝以標奇徒矜往辰孰並茲日况樹有丁香之
珍殿即延和之號所以著芳風之遠播期聖壽於無
疆事絕古今慶傳遐邇臣謬承渥澤獲觀殊祥忭躍
之誠倍萬恒品

為百寮賀雪表

唐李嶠

臣聞至道光被而冲和感發玄化沉潛而祥物昭應
伏惟陛下合德天地齊光日月陶正氣之氤氲降元
符之彤璽用能經緯六合驅馭百靈垂統法宮而品
物清宴揆景中土而風雨休若三元肇革九陽初動
撞黃鍾而布氣順玄冥而率職層陰候律豐澤順時
蒼蔚方興起泰山之膚寸參差荐委自平地而盈尺
銅街皓其如素金陵紛其逐滿繁樓樓檻矚臺臺
九重落絮飄花似芳林之二月豈唯洛神呈象來舞
帝宮故亦海騎相趨下朝僊關東臯欣而望歲南史
慶而書祥萬寶登秋居然可詠雙銅叶唱即事非選
詞教錄

卷之三

主

賀河清表

宋潘芳大全

后祗秩祀適陳母事之儀坎德開先時薦河清之瑞
表非常之景貺昭至感之精通凡在見聞孰不欣忭
伏惟陛下誕揚基命欽率玄謨得虞帝之執中體成
湯之秉哲人文煥而允穆聖風衍而普和名山既升
集四靈而為畜萬物咸賴顧行葦而不傷恬淡宅中
雍容垂拱天鑒丕德啟真錄以合符民戴上庥眷神

區而望幸講求茂實俯詢僉同增脩鄧上之宮寧漢
襄城之駕威儀浸盛華商輅以齊驅福應駢臻豈漢
以而專美惟域中四大地得一以攸寧天生五材水
潤下而為利稽九河之既導冠四瀆以稱尊抱雖壤
以紫迴合汾源而奔注舟師振楫幾汨於涇汜川后
靜波俄澄於江練連銀漢而共色倬浪井以成文三
門緩激箭之流百丈見纖鱗之戲蕩邪却穢挹之無
遜於甘泉薦潔明馨用之可資於玄酒實千年之慶
會同萬世以延鴻臣等將事嚴祠獲觀不廣觀縉紳
之士已拜於封章止旬決之間又窺於列奏願示在
詞致錄 卷之三 主

庭之著位式昭希代之殊祥

賀古樂器表

唐王維

伏惟陛下居皇建之極中得混成之大道奉先天之
聖祖玄化協於無為育率土之群生至仁侔於陰陽
然猶精意不俟聖祀逾崇遍禮群僊思祐九服故得
麗眉皓髮遙同入昴之人真訣玄言來告馭風之客
棲身七曜以俟唐堯藏樂九疑不傳虞舜留茲石室
思獻玉墀憑野豕以呈形表洞僊之屬意且神物思
變古亦有之龍躍平津實為寶劍鳬飛葉縣空餘素
履器非上品人終下僊猶能精誠聿脩神變浚若况

殊庭致貺天老効祥願受至尊以享上帝亦既考擊
動諧律呂韶濩懃其九奏雲咸失其八音翠鳳入於
洞簫殊非雅韻朱鷺傳於鼗鼓敢比僊轂天地同和
神祇降福無窮之壽永撫寶圖無疆之休以康庶績
實由至德斯感大道玄通神人親告於休徵靈僊不
秘其空樂稽之古昔實未見聞

禮部賀白龍并青蓮花合懽蓮子黃瓜等

表

唐柳宗元

二氣交泰萬國同和動植思協於殊祥遐邇畢陳其
嘉應披圖按牒聖理彰明伏以天地非遠唐威必通
詞致錄 卷之三 主

疊瑞重祥累集宮禁池蓮表異靈化非常敷彼清光
徵佛書而尤絕成其嘉實驗祥經而甚稀積慶旁流
自中徂外遂使龍騰白質乘秋果應於金行瓜合黃
中表聖更彰於土德遠通遼徼近出苑園合慶同歡
周於億兆况復邦畿之內雨霽必時宿麥大穰嘉穀
滋茂和風孕育靈氣陶蒸是皆發自帝心達於天意
周流升降成此歲功惠彼羣生自為嘉瑞臣深惟多
幸獲遇斯時觀靈貺之備臻知人和之溥洽

皇太子賀天后殿中芝草生表

唐崔融

德合天地仁之所及也深道貫神明孝之所真也極
故有玄功彤鬋靈命氤氲瑤光發辰象之精金色吐
陰陽之秀伏惟天后化含萬物訓正六宮天下被塗
山之音海內仰河洲之教芝英繞殿鸞疑王母之臺
靈草成田聊比宓妃之館霏霏雨露之津搖動風雲
之氣斜臨網樹分貝葉而重開近對淪池接蓮花而
倒下豈與夫生於石室空傳好道之言產自珠宮徒
事不經之說濫承天祚多慙國本始欽玄澗之祥更
喜黃雲之地頌殷無輟在郊廟而方傳御膳有憑俯
神僊而何遠

詞致錄

卷之三

五

講好

賀講和好表

宋岳飛

觀時制變聖哲之宏規善勝不爭帝王之廟美念此
艱難之久姑從和好之宜睿澤誕敷輿情胥悅竊以
婁敬獻言於漢帝魏絳策於晉公盟墨未乾歎血
猶在俄驅南牧之馬遽興北伐之師蓋夷虜不情而
犬羊無義莫守金石之約難充谿壑之求圖整安而
解倒懸猶之可也欲長慮而尊中國豈其然乎伏惟
陛下大德有容神武不殺體乾之健行巽之權務和
衆以安民講信以修睦已漸安於境土喜想見其威

儀臣幸遇昌時獲親盛事身居將閫功無捕於涓埃
口誦詔書面有慙於軍旅尚作聰明而過慮徒懷猶
豫以致疑謂無事而請和者謀卑辭而益備者進願
定謀於全勝期收地於兩河唾手燕雲終欲復讐而
報國誓心天地當令稽首以稱藩

奏捷

賀平鄴都表

梁庾信

泰山梁甫以來即有七十二代龍圖龜書之後又已
三千餘年雖復制法樹司禮殊樂異至於文離武落
剡木弦弧席卷天下之心包含八荒之志其揆一矣

詞致錄

卷之三

五

講好

伏惟陛下握天樞秉地軸駕馭風雲驅馳龍虎沉雄
內斷不勞謀於力牧天策勇夫無待問於容成是以
威風所振烈火之遇鴻毛旗鼓所

人春秋業

竊聞伊洛戎夷幽并僭偽抱圖載

之府

銜王繫綬並詣中軍之營百年通誅

三代

敵怨俄然掃蕩昔周王鮪水之師尚勞再駕輒轅上
谷之戰猶須九伐未有一朝指麾獨決神慮平定寓
內先宅天下二十八宿止餘吳越一星千二百國裁
漏麟洲小水若夫咸康之年四方始定建武之代諸
侯並朝不得同年而語矣雖復八風並唱未足頌其

英毅六樂俱陳無以歌其神武坐臺而誓衆如啟繼
夏禹之功入郊而問罪姬蕤成周文之志此無改之
道大孝也歟當今鹿臺已散離宮已遣兵藏武庫馬
入華山立明堂之制奏大武之樂盛矣哉上天降休
未之有也政須東南一尉立於比景之南西北一侯
置於交河之北然後命東后詔蒼冥衢壇琬碑銀繩
瓊檢告厥成功差無慙德臣忝竊榮幸蒞政東藩不
獲躬到闕庭預觀大慶

為李採訪賀收西京表 唐常袞

夏曆其昌拜何遜罪漢維既振莽亦伏誅伏惟陛下
詞教錄 卷之三 主

恢正皇綱光膺帝業日月昭其明略雷霆殲其英斷
拯橫流而方割撲燎火之已焚頃者胡羯亂常嶠幽
失守暴殄天物憑陵帝京上皇興避狄之仁陛下有
蒙塵之難賴宸衷果決睿筭昭宣憤陵寢之樵蕪悲
黎元之塗炭必將嘗膽誓使然臍不有殷憂何以啟
中興之盛業不有患難何以彰機亂之哲英步自鄒
邠至於朔漠撫巡城邑招致甲兵誥命俯臨三讓而
登九五師徒走集一呼而喻百萬設壇拜將虛左迎
師臨朝有怵惕之容率土下哀痛之詔六軍之號令
既肅萬人之賞罰且明湯火不辭矢石何懼及清秋

戒節太白方高爰整軍容順乎殺氣恭行天罰掃彼
妖氛千里貔貅之營百里龍蛇之陣沸若雲海聚如
雪山壘揭終峯塹迴渭水關軍聲而丘陵簸盪揚兵
氣而天道晦冥蠢茲兇徒猶敢旅拒鼓譟白刃來聚
犬羊之群旗靡黃塵旋就鯨鯢之戮渠魁不漏噍類
無遺枝梧者而縛中軍顛背者頭懸後殿敗符融於
肥水自可慙功破王邑於昆陽未云快意遂封尸於
京觀旋振旅於王城啟闢千門掃除九陌後羶羶於
官闢洗毒螫於閭閻耆艾歡迎父思周德衣冠兩泣
還觀漢儀謳吟變喚咻之聲氣象迴巖凝之慘廓丹
詞教錄 卷之三 主

賀靈武破吐蕃表 唐令狐楚

天生四夷用別羣服國有二柄誰能去兵伏惟陛下
臣妾屯人庭衢六合演波靜息車軌混同萬里清平
三分底定而吐蕃羶臊醜類狂狡陰計喪喪
竊邊疆相鼠無牙安能穿屋抵羊羸
以神聖啟其將心忠勇成於士氣
乃陷於數中箝口之馬僨車而

輿屍為俘者萬指降旗載路棄甲滿野遙知水赤坐想風腥此皆宗社儲靈朝廷決策破碎戎膽振騰天威凡百人臣不勝踊躍臣某未申絲髮謬總旗旌欣歡憤激倍萬恒品所守有限不獲稱慶

賀斬孽離不表

宋播芳大金

王旅徂征犁庭沙漠種苗就殪函首京師偉哉宗社之休永矣車書之一涓辰大獻罄宇交歡伏以天下為家既靡殊於疆界聖人去惡當務絕其本根惟犬羊傳襲之區隔日月照臨之造逢時休盛舉國震驚悉享悉臣來襲漢儀之舊實埔實整率循周典之同

詞致錄

卷之三

壬

蠢茲遺種之妖敢肆怙終之惡介山溪而負眾盜名字以欺天爰驅烏合之師力抗鷹揚之旅乃煩四校之出不遣隻輪之歸既首戮於鯨鯢仍悉除於蜂蠆征而不戰聊麾荆柄之幡梟以示懲永震葉街之邸恭惟陛下與天同大視古無前運五季以精神之餘玩四夷於股掌之上雖游魂之倔強難假息於湏臾生今醜類以寒心常若神兵之在部臣側聞盛事阻造外庭登喬嶽以告功雖負史談之歎斬郅支而崇鼓敢忘班固之銘

賀瀘南班師表

宋播芳大金

小醜亂常敢憑陵於鼠穴偏師薄伐旋毀覆於梟巢捷書派聞戎漠震竦竊以嚴仇孔棘十乘以之啟行蠻荆來威四方以之無侮維二川之南鄙有六詔之遺黎雖種類寔微莫能統一而封疆交備每肆寇攘大張我師深入其阻未悔觸藩之禍尚懷拒轍之姦武節載馳靈旗遙指伐山通道諒王旅之如飛折馘執俘信天聲之有赫既授除於妖孽益恢扞於方隅邊陣肅然里閭安枕伏遇陛下操德勇智玩心神明端拱九重之中折衝萬里之外沉機罔測獨斷不回千戈省躬居無忘於遠略鈇鉞飭怒動必克於仇方

詞致錄

卷之三

壬

紹絕寒之荒墟宜指期而殄滅臣叨倭近職預聞吉音徒誦周雅采芑之詩莫陪漢庭奉觴之慶永言抒曜實倍等夷

起居表

建平王慶明帝疾和禮上表

齊江淹

慶重至玄則昌衢敦序教享上雲則紫宮交泰故祁
寒海暑無以變其和沴火凝陰不能徙其氣伏惟陛
下至德遠稜實天縱聖仁鑄蒼岳道括寰海故丹陵
之君歎金泥而謝賢媿墟之后春龍圖而慚德頌嚴
蔽達歌思匪道而望景暫虧輪光少暖玉璫違和金
悅輟念百祠未遑四嶽匪處吉頌為慶神御方休瑞
廣文熙祥深武日具惟誼教侶愉蕪薦臣班戚奉慈
訓教錄 卷之三 三

實自慶舞不勝悅豫之情

車駕親征起居表

宋趙德莊

靈旗杓指誕揚北伐之威戎輅天臨式慰中原之望
假百神而受職拱方岳以來朝恭惟陛下淵嘿坐謀
乾剛立斷神武不殺初何意於勇功天罰恭行實有
聞於駿命虜為不道古所未聞久敷德以示懷終阻
兵而棄信詔殷厥罪人奮其忠方三捷以傳宣甫一
征而底定舉上郡元封之役親屈帝尊踵瀟湘景德
之行用光祖父清塵所煽時雨自霑臣猥假藩符阻
弱仰民獻十夫之翼雖媿壯圖睇太平一士之

功猶知謹守

車駕回鑾起居表

宋趙德莊

皇威烜赫方望幸於中原聖孝宙恭暫歸承於清廟
民有雲霓之慶師無霜露之勞恭惟陛下開濟艱難
周回义大尚勤實儉來天佑於清躬惡殺好生養國
祚之元氣昌期將啟征虜自夷時乘六龍淮海風動
日開百里豪傑景從適安祀以言還因薦勲而飲至
格於藝祖聊收虞狩之常作我上京終復漢家之舊
臣義均國體喜若已功簪案坐踈雖媿甘泉之從衣
冠未挂猶瞻清渭之朝

詞教錄

卷之三

三

北郊清城起居表

代皇子

宋汪藻

興衛天行親講頌祇之禮臣工宿戒交脩扈聖之儀
當解慍之清和宜儲精之晬穆恭惟陛下接千歲之
統合三神之歡膺多福以履至尊舉祿威而明德意
肇脩陰祭茂對坤靈千廬星列於壇場萬騎雲屯於
郊舍協氣旁達祥光上浮臣方習幼儀莫陪顯相嘉
與資生之類共憑持載之安遙企威尊惟深慶忭

請表

為齊州父老請陪封禪表 唐駱賓王

元天列象紫宮通北極之尊大帝凝圖玄猷暢東巡之禮是知道隆光澤既輟下於雲臺績勛禋宗必塗金於日觀伏惟陛下乘乾握紀纂三統之重光御籙登樞應千齡之累洽故得河浮五老啟赤文於帝期海薦四神奉丹書於王會瑞開三脊祥洽五靈既而緝總章之舊文紹辟雍之故事非煙翼軫移玉輦於梁陰若月承輪秘金繩於岱嶽巨等質均芻狗陰謝桑榆幸屬堯鏡多暉昭餘光於連石軒圖廣運追感詞致錄 卷三 圭

禮於樞金然而鄒魯舊邦臨淄遺俗俱穆二周之化咸稱一變之風境接青疇俯瞰獲麟之野山開翠峴斜連辨馬之峰豈可使稷下遺屯頓隔陪封之禮淹中故老獨奏告成之儀是用就日披丹御璧輪之三舍望雲杼素叫天關於九重儻允徵誠許陪大禮則夢瓊餘息仰僊闕以相驩就木殘魂遊岱宗而載躍左神都留守請車駕還洛表

唐李嶠

天下皆春而燕谷有析暄之律日中並照而彭澤有隨陽之禽豈非承光飲和仰德蒙庇深於戀者其往

若不親渴於求者其來如不足以圭表既宅閼河馳顧思之誠鑾和未巡襄鄧切謳歌之慕帝車北指震駕西臨槐檀方厯於四時菁莪猶淹乎八水耆老延頸簪裾企望戴天有分徒嗟京兆之遙捧日無階竊恨長安之遠臣等伏以載祀七百卜年非豐鎬之地時乘九五啟聖由涇洛之鄉所以受龍圖龜書所以朝雨師河伯叶祥符於識籙採謀議於人鬼萬靈幽贊百物阜昌是曰天地之心實與帝王之祚方使四夷為守西賓屈無外之談六合為家東土壯居中之業况復園丘方澤神祇之屯域以安複廟重檐昭穆詞致錄 卷三 圭

之尊卑既叙定社而立稷建邦而設都是萬年長王之郊誠億載不遷之宇寧可久曠中壤即安偏據詠山河於漢舊訪官室於秦餘五載時巡曾無告至之禮四方述職仍有不均之患臣等庸愚竊所未達今三秋告稔萬寶已成陰陽所和稼穡徧茂却連澤潞叙帶荆揚萬庾同殷千箱並阜禾萌九穗未曰休徵穀石五錢詎名豐穰加以舟車並湊水陸交衝物產尤多觀聽胥悅衆庶有來藹之冀神靈翹望幸之心伏願陛下俯察氓謠作祇天意因銅省之稔歲命玉鸞之僊軫消時擇日屯萬騎而出函秦省俗觀風撫

四方而還輦洛道遙乎九阿之阻容與乎八表之路
廻輿駐蹕觀十月之圓場闢續凝旒問百年之疾苦
然後歸輅禮乎九廟明堂衆星拱列長居辰極之尊
萬寓駿驅載詠朝宗之俯光輝將日月齊殷德澤與
江河比潤致乾坤之景福盡億兆之歡心凡在人祇
孰不欣幸

請車駕西祀表

宋邵澤民

天意溥臨人心協應願講親祀之禮式昭報本之規
輒露封章仰千宸聽臣聞自古在昔若聖與仁因地
因天以祭以祀蓋乾坤之合德宜父母之並尊惟彼

詞教錄

卷之三

三

柔貞實專厚載修祠漢室卜宅魏睢出鼎騰光允矣
后皇之靈迹泛舟鼓擢偉哉孝武之勝遊我國家臻
主治於祥符闡鴻徽於章聖遠臨法駕躬奠黃琮玉
匱金繩禮全掌故重輪紫氣事載信書間有餘民能
言往躅願長春之舊境乃馳道之通衢梵宇深嚴永
留玉座飛橋連屬常錫重名念此彌文且成曠典理
若有待遭之甚難恭惟陛下當制禮作樂之時撫重
熙累洽之運天臨海宇子育黎元成功不居修報有
自是以蕪隆二至之祀遠追三代之英感通幽明昭
格上下神降祗出未之前聞瑞應祥臻其可勝紀伏

願陛下既封嵩岱即款河汾藏事靈壇侑饗列祖盡
吉蠲之孝享釐明察之誠心然後錫福萬民垂休永
世百岳以朝群后覽遺俗而問百年駐輦蒲津光
動倚天之樓觀回鑾函谷雄觀巨地之山河臣慙遠
關庭叨分符竹俯彈悃悃深冀允俞望屬車之清塵
敢效前驅而首路見甘泉之法從庶幾願畢於此生

請車駕幸洛表

宋趙鼎

天地之德螻蟻莫不願忠鑒輅所臨臣民以為至幸
情甚衆以難抑聽雖高而必從敢冒昧於譴訶冀露
陳於悃悃竊以成周舊宅不改山川有宋別都具嚴

詞教錄

卷之三

三

筦輿土最中於諸夏日尤近於長安當開寶立極之
初六飛天降迨景德承平之後萬乘雲從草木尚被
於休光父老猶談於盛事禮曠焉其斯久民望之而
其動趣修厥章宜在茲日恭惟陛下盡循堯道不顯
文謨力追三代之純躬軼百王之盛治無細而不舉
功有難而必成薄四海無障候之虞環九州皆冠帶
之域載惟立愛尤切奉先南面而朝感春秋霜露之
降西風所暨念祖考弓劒之藏既出綽以戒期將涓
辰而展事陵園動色如喜翠華之束京邑相趨咸願
屬車之覩而况闕宮肅設儼列聖之睟容禁宇崇成

煥中天之寶構宜暫動於乃顧庶深慰於斯民伏願
陛下俯照忱辭仰聞睿聽既竭孝思之奉特迂輦路
之觀親四后以省方御三川而問俗靈河達砥柱之
險遠懷有夏之功溫洛通汴水之波遙念元豐之績
臣等幸承官乏獲採輿言冀聞清蹕之音克効前驅
之後庶幾洛下共償此日之心遂使周南無復晉人
之頌

請車駕東封表

宋趙鼎

帝德昭明功既成而必告天心惻怛民所欲以斯從
敢傾有衆之情願達蓋高之聽目瞻雲日足蹈冰淵

詞致錄

卷之三

表

竊伏里閭究觀載籍理感者其文必綱施豐者其報
必崇故王者謹於事天而聖人乃能饗帝時薦犧牲
之潔歲陳珪幣之嚴至於膺不世之殊休則必舉非
常之茂典推因高之義而即介丘之遠竭報本之志
而躬夙駕之勞蓋稀濶之上儀實太平之盛節然相
望者萬有千歲而可紀者七十二君道不虛行時若
有待恭惟陛下體堯蹈舜跨商越周躬膺曆數之歸
天縱聖人之略一心紹述孝弟通於神明萬物阜安
忠厚及乎草木兵與刑而不試禮暨樂以咸興戎狄
奉贄以守藩夷貊挈國而請吏農有常豐之歲士無

不養之才故得人而天瑞臻叶神貺而地寶出圖

書炳煥象類昭明極名狀而無以諛罄竹帛而不能

紀茂惟天意具迪民衷鋪觀赫赫之祥灼見諄諄之

旨所以西踰邾鄆東越龜蒙周人既願於升中魯國

尤深於望幸眷此商韋之舊素聯畿邑之尊日月曜

光最先瞻親雨露流潤罔不沾蒙惟祥符檢玉之年

寶真祖駐蹕之地屬車再至黃屋少留精舍有嚴尚

錫雲封之號修塗不改猶遵輦路之餘臣等所以爭

倒衣裳競傾葵藿稚子不知其舞蹈者年願濟於須

臾冀聞謁款之音舉獲後求之慶伏願陛下仰承帝

詞致錄

卷之三

表

恭俯詢輿言崇祭祀之闕規抑撝謙之高行洵辰誕
告先日戒期命掌故以修方詔秩宗而考禮稽時巡
於虞典則先至者岱紹祖武於章聖則用事者東漢
百執以駿奔儼六飛而順動登封降禪並交天地之
欽發政施仁咸錫臣民之幸臣等異緣清道獲望咫
威俯鳴鑾之暨聞故填壑之無憾正鄰此日方馳海
上之恩猶喜異時無復周南之歎

請皇帝御正殿表

宋汪藻

乾象垂精稍拂清臺之候聖心祇戒父稽路寢之朝
既履沴之已消猶曩儀之未復凡居覆燾孰不怔營

恭惟陛下光紹祖宗丕膺曆數辛勤儉於一已濟艱難之百為雖功如堯帝之巍巍與天同大然心體文王之翼翼無日不恭比綠象緯之愆昭示國家之戒皆臣子素餐之過何聖人軫念之深乃遷黼座之崇退避法宮之正損厥奉御出於精誠然百辟晨趨宜肅乾臨之位四方秋請願瞻日月之光儻降次以自居則在庭之安仰伏望陛下時回淵鑒俯狗誠祈稱警蹕以出房垂衣裳而當宁向明而治合禮之宜不唯安群下之情抑以答昊穹之意

請皇帝御正殿復常膳表 宋 播芳大全

詞教錄

卷之三

堯

萬旅歲嚴頃勤勞於邊戍九重軫念尚疑損於朝儀惟盛德之動天故殊方之聽命敢輸誠悃冀復曩章切以虞舜之征有苗文王之伐獫狁非聖神之黷武由夷狄之亂華及其畏慕而孔懷則亦縱釋而不問恭惟陛下天開聖斷智輯人謀痛九廟之荆榛吊兩河之塗炭且事之皮幣終莫厭於貪婪其詰爾戎兵以脩予之彊理念王師之在道適塞事之方興惟干戈省厥躬敢深居而自佚猶芻秦悅戎口視平日以奚安然朝危懷破竹之憂宵遁有曳柴之懼盡驅醜類亟返窮荒流徙既還疆場如舊伏望陛下凝承恭

命祗荅籲言既觀平定之期願復崇高之典金吾煥仗列會弁以如星王食克庖示皇王之惟辟

代蕭侍中敢勸表

齊江淹

朱蓋乘雲玄軒肅霧陸高天之旨集微臣之軀神爽懼然歛影無地臣初長血心未啟素檠辭從意空言隨事盡不能降陛下一時之恩借俄頃之炤遂枉近侍貂簪軼庭臣自亮無庸何以集此退啟慊誠悲桂岳光進戒朝訓虧茲盛序感慮躑躅榮枯夢寐臣檢古少例巡今逾疑豈有妄叨天功虛竊上賞近謬國華坐取隆貴人見其過外惜皇猷內畏私青昔西京

詞教錄

卷之三

中

鼎秩漢世權家丹墀網戶擊鍾連騎何嘗不以驕滿貽戾譴冲要福者執臣不能遵煙洲而謝岐伯迎雲山而揖許由激昂榮華之間沉潜印組之內光飾既超寵臨亦遠江左以來罕見其倫今位冠朝端通侯萬戶結象彌於前衡奏金管於後陣都野宗其榮威視聽敬其炎貴臣一旦居之誰以為不忝者乎而陛下猶崇以異禮者是增臣之戾也况復蕭瑟華勸實深窘迫伏願俯矜單志賜遂前情則世寢橫議臣蒙緩責

勸進元帝表

梁徐陵

封有聖還承帝嚳之家居代維賢終纂高皇之祚
無為稱於革鳥至治表於垂衣而撥亂反正非聞前
古至如金行重作源出東甕炎運猶昌枝分南頓豈
得掩顯姓於軒轅非才子於顯頊莫不因時多難俱
繼神宗者也伏惟陛下出震等於勛華鳴謙同於旦
奭握棗秉鉞將在御天王騰珠衡先彰元后神祇所
合非惟太室之祥圖謀斯歸何止堯門之瑞若夫大
孝聖人之心中庸君子之德固以作訓生民貽風多
士一日二日研覽萬機之文允武包羅群藝擬茲三
大賓是四門歷試諸難咸熙庶績斯無間而稱也自
詞教錄 卷之三

金卷之三

聖

無妄為象鍾禍上京梟獍虔劉宗社蕩墜嶙頭鑲額
興暴皇年封豨脩蛇行災中國靈心所宅下武其興
主然極而行踣瞻丹陵而殞慟家寃將報天賜黃鳥
之旗國害宜誅神奉玄旅之錄尅李軼於河津征陶
謙於海岱滕公擁樹雄氣方嚴張繡交兵風神彌勇
忠誠貫於日月孝義感於冰霜如雷如霆非龍非虎
前驅效命元惡斯殲既挂膽於西州方燃臍於東市
蚩尤三塚寧謂嚴誅王莽千剌非云明罰青羗赤狄
同界狼豺胡服夷言咸為京觀邦畿濟濟還見隆平
宗祀懌懌方承多福自氛氲渾沌之世驅連粟陸之

君卦起龍圖文因鳥跡雲師火帝非無戰陣之風堯
誓湯征咸用干戈之道星躔東井時破嶠潼雷震南
陽初平尋邑未有援三靈之已墜救四海之群飛赫
赫明明龔行天罰如當今之盛者也於是卿雲似蓋
晨映姚鄉甘露如珠朝垂原寢芝房感德咸出銅池
萱莢同辰無勞銀剪重以東漸玄菟西踰白狼高柳
生風扶桑銜日莫不編名屬國歸貢鴻臚荒服來賓
遐邇同慶其文昭武穆對蓐也如彼天平地成功業
也如此久應旁求掌故詢詔天官斟酌繁昌經營高
邑宗王啟霸非勞武德之侯清暉無虞何事長安之
詞教錄 卷之三

金卷之三

聖

邱揚龍旂以饗帝御鳳扆以承天曆數在躬疇咨為
讓某官等至鄴伏承聖旨謙冲為而不宰或云洛陽
未復函谷無泥旋駕金陵方膺天睞愚謂大庭少昊
非有定居漢祖殷宗皆無恒宅登封岱嶽且署明堂
巡狩荊州時行司隸何必西瞻虎踞乃建王宮南望
牛頭方稱天關抑又聞之玄珪既錫蒼玉無陳乃棧
樸之愆期非苞茅之不貢雲和之瑟久廢甘泉孤竹
之管無聞方澤豈不懼歟伏願陛下因百姓之心振
萬邦之命豈可逡巡固讓方示石戶之農高謝為君
徒弘箕山之客未知上德之不德惟見聖人之不仁

率土翹瞻蒼生何望昔蘇李張儀違鄉負俗尚復招
三方以事趙請六國以尊秦况臣等預奉皇華親承
朝命珪璋特達通聘河陽貂珥雍容尋盟漳水加牢
貶館隨世汗隆瞻望鄉閭誠均休戚但輕主不造命
與時乖等一介之行人同三危之遠擯承間內殿事
絕耿弇之因封奏邊城私等劉琨之哭

求撰昭明太子集表

梁蕭子範

姬旦云亡播禮樂於百代宣尼既歿傳雅頌於千祀
夏啟之風載傳樂世周晉之迹止在洛賓入侍四公
西京見美長壽一察東漢流名魏擊之悟篋衣事關

謝啟錄

不奉主

聖

戰國孫登之愛田苗義屬偏霸各稱小善靡擅雕蟲
子相雖詩賦可喜矩範頓關貽譏良史取誦前載備
而為論茲與父歸自少陽潛位震方城采神儀相往
銅龍毀構音顏緬邈舟壑遷移若乃緣情體物繁絃
綉鼎縱橫豔思籠蓋辭林積練累素盈車滿笈金石
有銷斯文方遠既異陳王之躬撰又非當陽之自集
臣蟬翼輕身未從塵露豹斑嚴駕永輟駢駢戀生懷
慙伏深涕慕冒之銓次遺藻勒成表軸
為趙長史請為亡父度人表

唐王勃

率忠履義帝業所資昭德報功王風是切臣父某往
因隋季預奉皇初於時沅洛未清雙嶠高梗江淮海
岳王公數十父身羈偽鄭寵極戎庭掃千載之風雲
擁三河之士馬情思奉順義不圖生綿越寇場祗歸
誠歎登太行而耀甲則建德離心出函谷而揚麾則
王充破膽天書屢降手勅仍存洎乎九服又安四方
無事謀臣出鎮猛將臨邊西窮赤水之源東究青丘
之境橫戈北塞盡沙漠之風塵授鉞南荒被牂牁之
矢石義形夷險迹遍疆場分關海榮縣車遂禮雖死
於牖下實懷天子之恩力盡方隅無愧忠臣之節今
者歸藏有日先遠戒期陛下德被遊魂惠流枯骨高
班厚祿已極於生前列鼓鳴蕭復光於身後誠非毀
疵所能投報但臣霜露之感瞻雲壑而神銷烏鳥之
誠俯寒泉而思咽希聞淨福庶補窮疴伏惟陛下
不次之恩錄無涯之請使獲從朝例賜許度人濟魂
識於昏塗拯亡靈於燬宅則陛下乾坤之施既不隔
於幽明微臣螻蟻之心豈忘情於家國是所圖也非
敢望烏輕黷冕旒若墜水谷

謝啟錄

不奉主

四

薦表

為第五倫薦夷吾表

漢班固

夷吾才兼四科行包九德奉法智察有召公之風居
儉履約紹公儀之操雖密勿在公身出心隱不徇名
以求譽不馳騖以要寵誠社稷之著龜大漢之覺棟
宜當扶握使登禹司顧乞骸骨更授夷吾

薦譙元彥表

晉桓溫

臣聞大朴既虧則高尚之標顯道喪時昏則忠貞之
義彰故有洗耳投淵以振玄龜之風亦有秉心矯跡
以敦在三之節是故上代之君莫不崇重斯軌所以

詞教錄

卷之三

四

篤俗訓民靜一流競伏惟大晉應符御世運無常通
時有屯蹇神州丘墟三方圯裂免且絕響於中林白
駒無聞於空谷斯有識之所悼心大雅之所歎息者
也陛下聖德嗣興方恢天緒臣昔奉役有事西土鯨
鯢既懸思宣大化訪諸故老搜揚潛逸庶武羅於羿
浞之墟想王蠋於亡齊之境竊聞巴西譙秀植操貞
固抱德肥遯揚清渭波于時皇極邁道消之會群黎
顛沛之艱中華有顧瞻之哀幽谷無遷喬之望幽
命屢招奸威相逼身寄虎吻危同朝露而能抗節玉
立誓不降辱杜門絕跡不面偽庭進免龔勝亡身之

禍退無薛方詭對之譏雖園綺之棲商洛管寧之默
遼海方之於秀殆無以過于今西土以為美談夫旌
德禮賢化道之所先崇表殊節聖詰之上務方今六
合未康豺豕當路遺黎偷薄義聲弗聞益宜振起道
義之徒以敦流遯之散若秀蒙蒲帛之徵足以鎮靜
頽風軌訓囂俗幽遐仰流九服知化矣

薦陽翟郭翻表

晉庾亮

蓋聞舉逸拔幽帝王之高事旌德禮賢治道之所先
是以西伯標渭濱之伏而帝基以隆漢高延商洛之
隱而王道以固側陋無明敷之稱空谷廢白駒之咏

詞教錄

卷之三

四

薦周續之表

南宋劉柳

恢耀和肆必在鯁城之寶翼亮崇本宜紆高世之逸
是以渭濱佐周聖德廣運商洛匡漢英業乃昌伏惟
陛下道邁振古應天絕期游外暢於冥內體遠形于
應近雖汾陽之舉輟駕於時艱明揚之旨潛感於窮
谷矣竊見周續之清貞素思學鉤深弱冠獨往心
無近事性之所造榮華與饑寒俱落情之所慕巖澤
與琴書共遠加以仁心內發義懷外亮留愛崑山誠

魯桃李若升之宰府必鼎味斯和濯纓儒官亦王獻
遊緝城文不知失在降賢言偃得人功由升士願照
其丹款不以人廢言

刺史廣州薦從事朱萬嗣表

南宋陸徽

陵雪褒穎貞柯必振厚風賞流清原斯挹是以衣囊
揮譽於西京折轅延高於東帝伏見朱萬嗣理業冲
夷秉操純白行稱私庭能著官政雖氏非世祿官無
通資而隨牒南服位極僚首九綜州綱三端府職頻
掌蕃機屢績符守年暨知命廉尚愈高冰心與貪流
詞教錄 卷之三 聖

爭激霜情與晚節彌茂歷宰金山家無寶璫之飾連
組珠海室靡璫珥之珍確然守志不求聞達實足以
澄平汗吏洗鏡貪氓目謬忝司牧任專萬里雖情祇
慎擢才闕豪露敢聲愚陋舉其所知如得提名禮關
抗迹朝省擢嶺表之清風負水宇之繁望則恩融一
臣而施光萬物敢緣天澤雲行時德雨施每甄外州
榮加遠國是以獻其謦言希垂聽覽

薦賀瑒表

南宋劉孝儀

陛下緝禮裁樂化俗移風當宸思治分宵夢相枯岸
之珠既擒潤山之玉已薦伏見賀瑒幼能斧藻長則

琢磨結卷就賢擔簦來學鄉塾染其丹朱朋友扣其
洪鐘聲無愧於東筠材有踰乎西杞如使聯事宗伯
握蘭建禮庶用得其才人知自最臣鑒非止水職豫
搜揚前竭謏聞先自鄉曲

為蕭揚州作薦士表

梁任昉

臣聞求賢暫勞垂拱永逸方之跡 類導川伏惟
陛下道隱旒纁信充 聖鑒六飛同塵 萬世白駒
空谷振鷺在庭猶懼 麟卜祝藏器居保物色關下
委裘河上非取製於一狐諒求味於魚米而五聲倦
響九工是詢寢議廟堂借德與卑臣位任隆重義兼
詞教錄 卷之三 聖

家邦實欲使名實不遠微倖路絕勢門上品猶當格
以清談英俊下僚不可限以位貌竊見秘書丞王暕
七葉重光海內冠冕神清氣茂允迪中和叔實理遺
之談彥輔名教之樂故以暕映先達領袖後進居無
塵雜家有賜書辭賦清新屬言玄遠室廩人曠物疎
道親養素丘園台階虛位庠序公朝萬夫傾望豈徒
苟令可想李公不亡而已哉前候官令王僧孺理尚
棲約思致恬敏既筆耕為養亦傭書成學至乃集螢
映雪編蒲緝柳先言往行人物雅俗甘泉遺儀南宮
故事畫地成圖抵掌可述豈直鼯鼠有必對之辭竹

得無落簡之謬陳坐鎮雅俗弘益已多僧孺訪對不
休質疑斯在並東序之祕寶瑚璉之茂器誠言以人
廢而才實世資臨表悚戰猶懼未允

薦鮑幾表

梁元帝

臣聞思皇多士不陋所以明敷疇咨熙載髦俊所以
並作斯固殷殿初基拾龍淵之寶虞祠始構獻鳳管
之王旌蒲出魯賁帛歸齊頌聲既興盛業斯在伏惟
陛下則天緯地乘正馭才沙汰八風澄明六合叶龜
登夢之客日貴於丘園常綏投釣之臣相望於魏闕
故以物無遺寶矣振鷺有充庭之詔白駒罕空谷之
詞敢錄
本卷之三
羊九
詠洋洋濟濟無得而稱者焉臣誠愧知才識職非選
舉竊以進賢上賞故賢顯戮敢緣斯義用舉所知伏
見鮑幾門庭雍睦立身貞退博涉文史頗閑刀筆忠
公抗直出宰庶平雅志深安貪專靜解巾入仕三
十餘年自遊臣府一紀于茲前宰東邑實有二魯之
風近處南臺欲尊兩鮑之則伏揆天嚴已當簡在脫
蒙顯居良局登以清貫將齊毛珩古人之服實同吳
隱酌水之廉昔丁隈牧州陳顧翟之好禮徐靖為郡
薦袁渙之篤學桓範驅傳先舉管寧朱則剖符亦稱
董直臣才非往哲識愧前修輕塵瞻覽伏待斧鉞

詞敢錄卷之三終

詞敢錄

本卷之三

羊

詞致錄卷之四

進奏門二

表類

進表

進九成宮頌表

唐王勃

帝機無朕道洽則時雖靈化不言功成則頌顯伏惟
陛下體元纂極模神建墜棟梁一氣庭堦六合松軒
夜警香冥姑射之心茅殿晨凝寥廓峭山之駕臣露
風太上庇影華胥仰衢室而無階候褒城而有地雖
望卑平叔空勤景福之詞而文謝子雲願竭甘泉之
詞致錄
卷之四
二
恩謹憑天造輒上九成宮頌二十四章攀紫墀而絕
望叫丹闕而累息

進漢文選表

唐李善

道光九野縟景緯以熙臨德載八埏儼山川以錯峙
番象之文斯著含章之義聿宣協人靈以取則基化
成而自遠故義繩之前飛葛天之浩唱媧簧之後拔
叢雲之興詞步驟分途星躔殊建球鍾愈暢舞詠方
滋楚國詞人御蘭芬於絕代漢朝才子綜聲悅於遙
年虛玄流正始之音氣質馳建安之體長離壯度騰
聯詠於圭陰化龍東驚煽風流於江左爰逮有梁客



材稱功昭明太子業鷹守器譽貞問寢居肅成而講
藝開博望以招賢攀中葉之詞林酌前修之筆海周
巡繇嶠品盈尺之珎楚望長瀾比徑寸之寶故撰斯
一集名曰文選後進英髦咸資準的伏惟陛下經緯
成德文思垂風則大居尊耀三辰之珠璧希殷應物
宣六代之雲英孰可撮壤崇山導洎宗海臣蓬衡某
品樗散陋姿汾河委篋風非成誦崇山墜簡末議澄
心握玩斯文載移涼燠有欣永日實昧通津故勉十
舍之勞寄三餘之暇弋釣書部願言註輯殺青甫就
輕用上聞敝帚自珍緘石知謬敢有塵於廣內庶無
詞致錄
卷之四
二
遺於小說

代百寮進農書表

唐呂溫

臣聞不憂牲玉祈穀于園丘可以致誠未足以勸農
躬秉耒耜籍田於千畝可以示勸未足以教人必也
因天地之和順陰陽之理利其器用精厥法式行之
而不倦勤之而不勞四海靡而風行百姓迷其日用
弘我政本實惟農書伏惟陛下德茂生成道光慈儉
捐金而寶穀菲食而粒人考堯典以授時稽禹貢而
任土崇梁盛而大事在祀銷劍戟而盡力為農豐年
屢薦於郊歌嘉瑞繼書於國史而不自滿假惟懷

馬每至獻歲載陽仲春初吉俯察土膏之候仰觀晨
正之祥經始歲功導揚生德微有司之舊典奉先後
之遺文深居穠清親覽真妙匪崇朝而盡更田畝不
出戶而遍洽人情見梓草垆土之艱知寒耕熱耘之
苦宸心感念畝畝昭蕪一歎而時雨先飛三復而春
雷自起臣等業慙學稼祿過代耕親承務本之風日
奉在勤之訓三時不害觀玉燭於氤氲九扈孔修賀
生靈於富庶

史館王相公進和詩表 唐錢珣

臣聞在心為志發言為詩志通而若啟源派詩作而

詩數錄

三

自合律呂伏惟陛下道惟恭默稟在文思永圖欲漸
於無為睿覽且明於多暇因臨丹壑遂躡金繩喜物
象之澄清假詠歌而怡曠聲傳天籟韻合霜鐘篇殊
黃竹之名辭掩白雲之美臣等逢時竊位敢並常平
應詔屬詞文非顏謝徒偶昭融之運獲聞雅正之音
傾聽不知愧延陵之季子試吹必濫比南郭之先生
但思忝列輔臣安敢首違聖旨輒同擊壤仰和貫珠
誠懷鄭衛之慙但感宮商之說星辰自轉難參旭日
之光聲鼓空鳴莫續春雷之響

為陳御史進奉和秋景觀競渡詩表

文苑英華

天文爰降品彙咸亨金簡潛開珍圖斯見臣聞白雲
興詠漢遊汾水之祠黃竹申歌周舞瑤池之駕然而
志崇遠轍事式勞人故文思之化未光太清之道猶
闕伏惟陛下流虹齊聖感月含神玄德茂於皇階文
明照於天下用能提玉斗把璿衡百神景從三靈叶
贊青雲出洛爰開聲命之符赤甲縈河終御興王之
寶非窮神之至德者其孰能格於是既而黃幄務閒
紫極幾暇洞庭張樂思接軫於軒遊鯨水披圖想同
參於堯輦然而遠而勞物未若近而安人動而勤已
詞數錄

豈比靜而神恭於是徙金蹕鳴玉鑾清禁林御池殿
肅波臣而戒事命舟子為水嬉彩鷁蓮歌乍起吳江
之引青龍桂楫時謳越女之風鳥逝蚪驚沸珠潭而
競逐雪飛電集橫王浦而流光信可以娛樂性靈發
揮文物皇猷允洽白日俄光於是奏薰風於管絃詠
嚴雲於林籟帝歌爰作天藻遐彰黼帳帷宮燦文房
之繡綵祥煙瑞景霏翰苑之榮光信探賈於玄苞得
斯文於紫極太平允矣元首康哉方欲朝明堂之宮
輯羣后之瑞尊崇顯赫光啟聖圖封王嵩丘以接千
年之統泥金少室收增萬歲之規卓哉煌煌聖君之

表也微巨曲學蓬戶竊倖蘭臺未聞駟馬之謠非有
雅龍之思翰躬霜暑謬覩於天章逖聽鈞臺廁聞於
帝樂天文尊貴不遠於下臣帝寶殊崇曲宣於近侍
竊以為君唱臣和固不隔於尊卑官變商從方允諧
於金石輒用齊心扣寂假翰求詞將以攀日月之末
光繼螢爝之微照

進承天節頌表

宋楊億

運偶承平節臨載誕凡叨食於周粟盡願祝於堯年
臣本自諸生偶干寸祿受兩朝之顧盼無馮唐不遇
之嗟閱四部之圖書有黃香未見之恥雖研精而強
力終昧道以迷塗而千載休辰萬邦大慶充庭任士
慙非王帛之云巢閣舞庭豈在飛走之末是敢罄竭
庸鄙撰成承天節頌一首獻於闕下吉甫作頌愧無
清風之稱東方上書或經乙夜之覽

進家集表

宋王仲巖

竊以在治之金以自躍而為耻韞匱之王必待價而
乃珍念父書之久藏當盛世而難隱恭惟陛下英猷
天啟睿學日熙制規二帝之摹言合六經之訓握樞
玄極纂承禹績之加肆筆成書丕紹堯章之煥重念
才臣某少緣家學早中甲科校天祿之文才稱金馬

視淮南之草名在玉堂作新兩漢之文章潤色三朝
之誥命世有儒宗之譽史多天獎之辭傳誦一時豈
特語言之妙協成大事固多翰墨之功晚受知於裕
陵父登庸於宰路當廊廟謀之暇尤國家論議之
無單謏精忠仰贊格天之業迨膺顧託獨先定策之
言暨招驩兜之誣阻奏東方之牘方陛下丕揚先烈
追念舊勞辨銷骨之讒既昭前事覽凌雲之作恨不
同時悉哀平日之遺文益愴他年之榮遇啟金縢之
策不及於生前上茂陵之書徒嗟於後

進御筆表

宋張舜民

王者出言而為令風動於四方聖人肆筆而成畫可
傳於後世恭惟神宗皇帝勵精為治十有九年方在
憂勤未遑暇逸事無大小躬自指揮其至仁厚惠如
風霆雨露固已動潤於堪輿其睿謀格言為法度章
程豈止奉行於省寺皇帝陛下善述其志太皇太后
陛下寶之以慈永惟隆典之畢興而況本朝之故事
俾修御筆首飭有司惟尚書治總六曹事包九棘紛
然案牘隱若丘山或收於斷簡之餘或得於殘編之
末雲章炳煥手澤溫純觀之不覺動神讀之可為流
涕其間理財用則先崇於節儉懲刑罰則首務於寬

平簡授人材恢通邊圉事事可以為法孳孳莫匪在
公順考而行為國何有又何必審周之道乃可迂衡
誦克之言方為稽古臣等成書不敏授簡非工徒彈
夙夜之勤何補丹青之治

進郊祀慶成詩表

宋蘓轍

莫大之儀成於一日無窮之澤施及四方歡聲所同
和氣必應伏惟陛下秦烈祖之成憲蹈文母之訓言
臨御七年恪守一德人服孝慈之訓物知仁厚之心
神祇降休麥禾蕃熟長日既至舊章不忘以為再享
明堂未暇園丘之大祀躬詣皇地久稽先帝之遺言
輟政錄

卷之四

七

惕然不寧述而非作是用修合祭之舊補不講之文
人情所安神意昭答况復肆青之令一寬於冥頑已
責之恩大弛於繫紲施仁於不報之地獲福於無求
之中每侍清光略聞大旨勉強吟咏形容盛明愧周
頌二后之精乏唐賦三宗之麗圖焉天日自知難成
間雜風謠或有可取

進稽古編表

宋司馬光

九州四海一日萬幾將察知民物之性情蓋布在文
武之方冊雖歷年多而舉其大要則用力少而見夫
上功恭惟陛下富有春秋稱寧方夏念終始典于學

於緝熙殫厥心延登老成親近勸講發論語章句探
經藝以同歸誦寶訓丁寧憲祖宗之不易有本如是
實惟濫觴惟稽古克舜之舊章惟信史春秋之成法
高山可仰覆轍在前其興亡在知人其成敗在立政
或當艱難之運而不能師用賢智或有惻隱之意而
無以照知忠邪載籍之編患乎太漫鑒觀之主力不
暇遑敢用芟夷略存體要由三晉開國迄于顯德未
始元臣又著之於百官表乃若威烈丁丑而上伏羲
書契已來對越神人可用龜鏡悉從論纂皆有依憑
詞致錄

卷之四

八

總而成書為稽古錄二十卷因仍書局繕寫奏篇茲
冒昧以上陳助聰明之遠覽恭惟太皇太后陛下定
九鼎以守天下之公器乘六龍以御天下之正權思
齊之功啟佑聖學過物之濟蕪及宗祧至於法弊於
涼而改為官非其人而變置御戎之策上下措國之
勢安危據舊以鑒新去彼而取此陶成萬化簡在兩
宮七廟垂無疆之休徵臣與不朽之業

進先文定公文集表

宋胡寅

宸衷尚舊故老形思訓釋典文風簡淵深之記遺餘
為翰更蒙清燕之求臣伏念先臣早捐塵事志希明

近世不為身心遠地偏寄陶廬於三徑人憂已樂其
居於一瓢吟咏情性而無雕蟲篆刻之為交際往
來而乏羊牘苞苴之智中經假擾多所散亡脫獲莫
居僅成編帙精忠皎皎每提撥亂之綱莊語諄諄多
聞濟時之用進則傾輸於君父退猶關說於公卿壯
懷投老而益堅弱齒抱病而彌勵自期有補終冀一
伸丘木成陰雖鬱春秋之志囊書奏御何知旦暮之
逢伏遇陛下典學裕身崇儒化俗華袞豈惟於一字
緇衣不聞於十年乃因仲息之對揚錫以溫顏之清
問斯文不墜多士流傳臣謹已校定糾訛分成門次
訓政錄 卷之四 九

進建炎紹興詔旨表

宋呂祖謙

舜曆在躬大一人之聖孝堯言布下輯三紀之曆謨
爰勒成書上千乙覽恭以太皇陛下道參履載功冠
古今凡詔令之播敷若風雷之鼓舞辨邦誣而刊謗
史前烈用光弛黨禁而錄後昆士氣如洗闢正路以
來箴諫塞倖門以嚴憲章飾華輅以勞軍萬屯思奮
肅芝車而耕籍九扈告豐恤刑必至於無刑急士遂
一介之士乃於象魏固井井而有條颺之康衢亦洋

洋洋而盈耳登泰和之休運啟授受之公心繼照云初
帝先是篤肆誕盼於宸扈俾具設於攸同肇自建炎
之元乃紀紹興之號旁加哀集胥協編摩言如絲而
出如綸昭華簡冊大作綱而小作紀布列章程輯致
治之楷模萃保邦之軌轍于帝其訓與時偕行恭惟
陛下明兩作離函三為極問龍樓之寢內聞性命之
精微紬鳳檢之書外考典謨之渾灝逮此奏篇之御
斯然蒞政之新臣服在宰司幸窺丕範初何勞於率
屬第有愧於視成阜陶見而知之豈容倫擬子夏得
其書矣烏測淵源

訓政錄

卷之四

進嘉泰頌詩表

宋翰苑新書

魏我丹禁上瞻帝極之嚴繪畫紫清曷駕天容之妙
披輝寤短隕越兢惶切觀自古帝王之功雖卓犖奇
偉而不可及必得名世文學之士益鋪張潤色以垂
無窮載之簡冊則炳炳如丹播之管絃則洋洋盈耳
商之猗那周之清廟固以誇越千古而魏乎漢之燕
然唐之磨崖抑欲追倣三代之作者於昭駿命肇啟
鴻休闋儀已七於六經懿鏤可三於二典何人筆老
載康慶曆之詩有士管窺僭陳嘉泰之頌伏惟陛下
清靜玄默濬哲溫恭不嘉繼照之祥瑞撫重熙之運

茅茹彙征於清列芝葩秀序於齋房稽古右文屈翠
華於璧水蒐兵耀武赫黃鉞於轅門倬彼雲漢昭回
于天作繪星辰彰施其色維今臺閣實古淵林顧未
有鏤白玉以告名山汗青竹以緼華藻缺焉鉅典辭
若輿情臣猥以謏聞親奉驪舉微穆如之作頌輒斐
然而成章冒貢穹窿迨慙駘散雖敲金戛玉無庸瓦
釜之雷鳴然擊壤歌衢共和蕭韶之獸舞

上白鳩表

南宋沈演之

貞裕之美介於盛王休瑞之臻同遠拓后故鳴鳳表
垂衣之化翔鶴徵解網之仁伏惟陛下道德嗣基聖
詞致錄 卷之四 十一

明續世教清鳥紀治昌雲官禮漸同川澤浹朱微天
嘉明懿民樂薰風星辰以之炳煥日月以之光華神
圖祗締盈觀閱序白質黑章充物靈囿應感之符畢
臻而因心之祥未屬以素鳩自遠秣輪歸飛資性閒
寂羽貌鮮麗既聞之先說又親覩嘉祥不勝藻扞上
頌一首辭不稽典分乏采章愧不足式昭靈慶崇讚
盛美蓋率與誦備之篇末

齊王進白兔表代

梁庾信

臣聞輿圖欲遠則玉虎晨鳴轍迹方開則銀驂入貢
伏惟陛下明明在上翼翼居尊德動天關威移地軸

是以風煙照燭毛羽禎祥史不絕書府無虛日臣妻
服元戎用綏邊鄙轅門所屆始次能山前茅慮無乃
獲白兔光輝越雉色耀秦狐月德符徵金精表瑞呈
祥輿頌効異披圖尊敬之迹既明應事之機斯兆臣
之龔行實從陝畧瑞以素質彌雄西氣慶重承廟美
方事申威揜代偃齊分韓裂趙不任鳧藻踊躍之情

進歲貢綾并藥物表

宋邵博

一人有慶寰宇宙以來王萬國輸忠仕土地以充賦
禮存貴服意比獻芹伏惟陛下景運應期洪基繼聖
辨神農之草木垂黃帝之衣裳雖四海頌堯獨先於
詞致錄 卷之四 十二

儉德而九州貢禹自至於威儀唯此南充稱于東蜀
蚕桑善俗工動秦國之綾謝女仙山地產神州之藥
仰塵府藏謹贊篚箱物無損於絲毫心共傾於葵藿

進瑞木嘉禾表

宋崔鵬

兩儀敷佑諸物効祥於昭至治之隆丕顯太平之應
臣聞古者君臣合德夷夏交懽仁澤滂流和氣充塞
而靈芝間出瑞木時生固已被之管絃煥乎圖史未
有連柯並秀擢百尺之名材接畛叢生過九莖之成
藪泛觀今古殊絕見聞伏遇陛下子視群黎天臨萬
國孝追先志功格上靈故得七廟儲休百神薦祉曲

形庶類薦降珍符矧其一發於千春之鄉一產乎感
仁之里揭示歷年之永誕彰神化之孚而臣職在承
宣觀觀奇勝追元豐之故事請播于樂歌紀大觀之
新書願垂乎信史

為留守奏嘉禾表

唐張說

臣聞天聽自人神和在德代非乏瑞罕遇開泰之期
福不虛徵必俟休明之主伏惟陛下仁覆萬靈孝理
四海功莫高於尊祖道莫大於配天嚴備郊禋崇肅
宗祀秩百王之禮兼六代之樂恩溢膠庠訓優更老
政每先於帝籍後不吝於農時嘉氣橫游祥風紛灑

詞教錄

卷之四

十三

騰文煒色九光連合於貞明逸輩殊倫百寶駢滋於
動植臣初見粟苗亘壟香穎垂秋嘉玩繁滋欲觀成
粒左右無識折以呈臣異其綠葉緩舒葱芒壁秀熟
視奇狀乃知嘉祥下則異畝合莖上又同連雙穗昔
雍熙之代政理之君雖祥出應時而生不擇地未有
託根神域彰孝德之洪深吐秀壽宮助策盛之豐繁
此蓋虔誠通感靈祐降祥中古以來未覩斯美臣籍
慶宗枝久沐星潢之潤躬持瑞穎預奉天保之符忝
悅之誠倍兼恒品

榮州進貢紬班布表

宋李劉

屏而方之楚莫輸瓊蟻之忱漚東門之麻切效狐狸
之織愧精簾之不度肅恭敬之永將恭惟陛下居上
不驕取民有制念彼褐夫之褐成於紅女之紅質匪
種華緯以紉紉之飾文非貝錦比諸黃潤之笥是維
蜀產之微俾效齊宮之獻臣承流天角修貢土毛大
衛文之衣當退明於侯度褒公孫之被願謹簡於賢
人

進畫松竹圖表

唐于郇

伏惟陛下嗣聖居業統天握圖奄宅九圍光承丕構
玄元敷道頌有茲明高祖造邦義資纂大故得上天

詞教錄

卷之四

十四

垂慶八葉騰輝誕聖神於正陽統清明於玄昊既微
下武將什中興非徒視履之祥實叶統樞之異况臣
特受榮遇思効微誠撰獻珍奇則珪璋有可玷之理
馳奉章疏則文字非陳贊之儀故臣常於禮歎松栢
無心之姿詢於詩仰松栢植茂之興佳其不朽不著
前聞載微纖微爰有業竹節雖謝於霜後操亦迫於
歲寒故臣輒繪長松佐之修竹辨其位則松可君於
竹論其材則卑可奉於尊然松竹木中最為有壽衆
材槎枿而翠蓋方成暮霰飄零而繁枝益茂輒取賦
形像外移色毫端敢借堅貞之姿願增天地之壽况

輕雲瑞氣必呈證聖之祥玄鶴仙禽每舉冲天之翼
臣所以緣義祝壽出幽入微不散氤氲之容同成俯
仰之勢微畫圖之旨誠慙創物求比興之義庶近愛
君

詞教錄

卷之四

十五

諫表

諫政獵表

唐褚亮

先鼓納諫舜木求箴茂克昌之風致昇平之道伏惟
陛下應千祀之期揀百王之弊平一天下勦勞帝業
肝食思理廢寢憂民用農隙之餘遵冬狩之禮輶車
之所遊踐虞旗之所涉歷網唯一面禽止三驅繼廣
成之獵士觀上林之手搏迴玉鑾而藉豐草引金陣
而滿平原盡心目之娛翫置樂之樂發彫弓而迫狡
兔飛勁矢而摧高鳥斯固政之恒規而皇王之壯
觀至於親逼猛獸臣竊惑之何者筋力驍悍爪牙輕
捷强弩一發未必挫其凶心長戟纓揚不能當其憤
氣雖復孟賁在左烏獲居前卒然驚竄事生慮表如
或近赴林藪誤填坑谷駭屬車之後乘犯宮騎之清
塵小臣怯懦私懷戰慄陛下以至聖之安垂將來之
教降情納下無隔直言臣叨逢明代遊官藩邸身漸
榮渥日用不知敢緣天造冒陳丹懇上觸宸嚴伏增
戰越

詞教錄

卷之四

十六

慰表

為于侍中請赴山陵表

唐上官儀

塗宮方撤祖載有期跡厚地而靡容踟蹰高穹而漂絕
正昔逢開運委質藩朝茲再迄茲年將周紀位非德
漸榮以恩滋顧視涯分何階致此而今谷陵啟隧宸
衛將移社席遺簪纓哀同極方願整素翻而攀慕素
劍歸而崩號送往已窮事居方永特希宸鑒曲遂荒
襟伏紙失圖罔知攸措

慰國哀上皇帝表

宋司馬光

又天降禍仙馭上賓奉計哀惶罔知所措伏以太皇
太后作配仁祖聽政英朝洪基所以固安景命由其
保佑風化行於海內德澤結於民心宜永享東朝之
尊長膺天下之養而中壽未至大期有終哀纏兩宮
痛浹萬彙恭惟陛下孝心罔極號慕難拘瞻內寢以
如存追慈顏而靡及伏望上為宗廟之重下庇烝民
之生少抑聖情俯就中制臣忝列郡不獲奔赴闕庭
瞻望宸極

又

宋劉克莊

大行皇帝留位盛時還神太極詔發一旦哀纏萬方
伏惟聖情何可勝處大行皇帝德盖上下澤被華夷

禮樂文章越四十年治矣政刑風采曠數百歲無之
民方父於至仁天宜子以曼壽宮車奉諱臣妾無生
伏惟陛下隆孝儲思巨創抱痛忍革寢門之問勉扶
聖體之居唯天性之賢固為哀而已甚然聖人有訓
貴循理之大中伏願斷私於情立公以義對寶命之
所屬一群心而有歸

詞致錄

卷之四

十八

辭免表

辭升儲表代

宋晏殊

臣自沐微章再陳封奏至誠雖極宸聽未迴仰批諭之猥臨積兢慙而匪據伏以量力度德立身之格言授才任能有國之通制而况明離著象蒼震垂文聿崇守器之規仰協重輪之詠必資盛德用贊大猷伏念臣植性迂疎秉心蒙滯萬期嘉會託層漢之靈源千載昌辰荷慶雲之洪蔭伏惟陛下纂承真系茂闡不畀泥金薦禮於蒼旻錫壤推仁於宗緒上公進秩半楚疏封俾陟上庠欽聞雅語恭言吳會薦啟藩維

詞教錄

卷之四

十九

漢節誕領夏璜昭錫奉日嚴於溫清慕時習於縑緡居業寡聞冒榮為愧遽荷紫清之命越升儲兩之崇風旨乍聆神魂增駭疊陳丹款頻寢私天鑒彌高綸言益重冰淵自虞彌劇於九回肺腑虔祈難逃於三續伏望陛下廣至仁之茂育推妙道之善成俯降亮曦旁回禹律特收渙汗爰示於撫臨冀自踰涯庶安於庸陋由衷所極得請為期

辭免進封郡王表代

宋曾鞏

衮衣備物禮均上宰之崇土宇分封位列真王之貴非智能足以謀國勞烈足以及人屬在休明詎容玷

冒茲若臣某者侗然固陋眇爾穉蒙雖甫逮勝衣習為容於趨拜而方思統傳賴齒學之漸磨庶幾識古今之通方知國家之大體施於為己可以持循必也當官既無違曠已叨分於將鉞復誤假於公圭虛冒洪私未伸薄効敢圖獎渥荐及謏微視儀數於三台終爵名於五等既加真食仍益爰田固非錄善而量能又異校勞而數最將安稱此自顧缺然而况陛下處父子之間常先義訓在君臣之際每詢公言伏望察臣精懇之由衷不顧小嫌之反汗許還新命俯遂微情使臣得奉定省於晨昏稍安幼志報生成於天

詞教錄

卷之四

廿

地更待壯年

讓封燕國公表

唐張說

伏惟陛下先撫寓內大寧天域百度惟新萬靈翹注建侯疏壤允答元功臣亦何人首膺是命自古有傳道而爵說經而封蓋以訓蒙成聖資師通學臣之侍講有異前聞何者大明朝昇靈儼無助時雨夕濡浸灌鳥施幸得依附光景游泳恩渥豈敢虛承啟發之恩謬荷就將之報且如人臣之義二則為罪愚智之分一心不迴譬如犬馬有不背之性草木有不凋之理知何德於天壤而欲蒙造化之偏施此臣之無功

王與此類叨恩過量終懼且慙乞回聖慈以容介節

辭免左相表

宋方岳

囊封上奏未移嚴瞻綸旨中頒莫田淵聽且置相者九重之獨斷而竊位者衆論之共譏蓋以宰相豈序進之官廟堂非苟安之地詎容老朽仰累熙朝洪惟神聖之屬精思與士夫而更始宸奎申飭煥千慶曆開天章之時謨訓丁寧繩以紹興及乾道之武振權綱於親擢洗習俗之滯朋治望治於期月之間將拯弊於波瀾之側此臣隣之憂責方重匪王佐之器能孰堪而臣齒髮已衰股肱何取取君不及堯舜自揣詞敦錄

卷之四

廿一

臣愚當餽嘆無蕭曹曷稱上意既力陳於繼續乃尚閱於俞音敢以固辭斷非所據伏望陛下亟還巽命別探師言令出惟行寧若圖終之愈官不必備亦奚虛左之嫌

辭左丞相進封許國公表

宋周必大

銀毫入奏力辭端揆之崇鑾駕批章特垂王人之重雖貪承命抑懼瘵官敬陳確至之言疊冒穹隆之聽臣聞位高者智愚難掩任久者賞罰易行九載之績不成當從鯨殛三考之明弗陟執底舜功如臣無堪誠過最蚤越次嚴徐之列進陪夔契之遊碌碌政塗

殆彌數歲庸庸宰路仍陟再蕃論其時則已多其効則何有未能引去亟俟伏歸今乃位充元輔之久

虛秩序文階之一品既殊試可更異黜幽况故官不

累於大公伏望陛下旁燭忱恂敷求俊傑貸妨賢之

往咎審佐聖之良圖謂如髮之引千鈞其誰云可因

循墻而起三命亟報曰俞忱辭已竭於肺肝察允尚

收於綸綍

為王尚書讓宰相表

唐蘓頌

唐蘓頌

臣素以凡薄何階遠大明經試吏多從州縣之繁陳

詞敦錄

卷之四

廿一

力就列豈望雲霄之舉爰辱皇揆屢叨宸鑑出則難藩重鎮仗鉞臨戎入則副相常伯剽纓旅位負衆致寇福過生災昔忝今職將貽法罪矜臣愚者聖慈宥臣直者天斷曾莫報効仍紆寵光吏部升冢宰之司并州尹興王之邑臣每自料竊不遑寧豈悟衡軸之委未解謫鈴之要無通知四夷之略乏決勝千里之才使臣為之非敢矯飾缺邦家之望則物誰謂宜塵日月之明則臣何以處伏乞察臣自卜之審憫臣由衷之訴更選群賢以成績庶使朝端不虛授天下知至公臣罄露懇誠期於必遂

為何尚書辭表

宋李劉

引年額天期於從欲界職分生猶是誤恩敢忘三責之嫌更乞重申之命伏念臣壯無用老復奚為深虞筆繁於身衆妨賢者路故願挂冠於神武為聖人祇若加寶閣之隆名且領銅符之重寄是丐閒而就閒且求退而得遷籍今齒宿而意新猶當知足矧復心切而形稿難更強顏伏望陛下曲矜忱誠收回成渙放牛歸馬使逕返於山林飛鳥泳魚然不離於天地

辭免刑部尚書表

宋播芳大全

詞教錄

卷之四

廿三

相寄四年屢勤肝食重封一禮乃陟秋卿大驚群職之公愈重孤蹤之懼斷非所據故敢以辭臣保彼商夷久為邊患每念主憂臣辱之誼夫豈文恬武熙之時忽賜詔以東來趣提師而西援譬之捧漏甕而沃焦釜敢姑徐徐恨不殫封豕而斬長蛇至今鬱鬱猶幸文城之雪夜自驚肥水之風管盡守臣百戰而卻之尊乃勇耳其將士三軍之勞也書何力焉烏可貪天以為功所謂因人而成事此而借賞誰不厚非伏念臣不安邊之志而無守邊之才有憂時之心而無濟時之策雖驅馳之老矣惟稍寒之茫然且若黜幽

收圖進律薰昨塵於遠閣已驟躍於崇階豈有繞陸肯學士之班又復遽行大司寇之職茲為異數恐負洪私伏望聖慈廣訪金請亟收誤獎毋以文昌之藥近濫付外服之虛庸如免疾頓首言忠報

辭免尚書右丞表

宋蘇轍

臺轄之重國論所存顧惟尺寸之材何與棟梁之選比陳誠懇尚闕俞音臣家世寒儒僅守父兄之樓學文史末技不通邦國之大猷頃自元祐之初偶緣乏使召自南遷之後遽責使言旋由左史而踐掖垣復從右戶以居翰苑迨茲執法曾未數年言何補於聖

詞教錄

卷之四

廿四

明志已殫於憂責以一日遭逢之幸擅諸臣積累之勞方懷滿溢之虞願求閒散之便豈意恩私之橫被復叨丞轄之近班自昔政事之臣非處書生之地既犯不韙其何敢安伏望陛下以德授人量才付位深察斗筭之陋難堪鐘鼎之華追還誤恩選建明德俾賢愚各安其所則中外無復間言其於微臣受賜多矣

為魏王表

政事第二表

唐李嶠

臣由秉之辭已具前奉外之澤仍叨後恩祇命低迴不知所處臣九能無得五伎不成空荷陶甄竟微

知效陛下篤猶子之愛用家人之慈流其渥恩被以
簪組析珪分器等姬氏之藩維裂壤誓河承漢家之
禮秩皇儀曉列拜金帛而升玉墀仙蹕晨遊陪柏梁
而侍蒿柱在臣榮幸實冠等夷惟臣妄庸已成忝越
豈可以仍祇大命更竊厚恩任濟時之股肱為巨川
之舟楫且臣屬居宗室地接葭莩惟社稷之安危乃
門庭之休戚豈不願摩頂至踵裨高益深徒以智力
有涯勉強無地懼傾軛之為敗憂折鼎之生災匪藏
器而謀身實輸誠而體國伏乞俯矜愚劣永鑒微私
明懋賞懋官之義用知臣知子之心特停過恩速寢

詞教錄

卷之四

五

嚴命則物情與議咸仰於至公叨榮謬官不塵於明
哲

辭免參知政事表

宋歐陽脩

職參論道宜選極於一時授匪其人實駭聞於衆聽
恩榮所被跼蹐難安伏念臣本乏材能徒緣幸會列
下侍從白首無聞置在樞機素餐已極雖聖主之恩
天地曲示含容而朝廷之事毫釐動關利害豈止曠
官之誚每懷誤國之憂矧惟政事之臣實代天工之
任俾之贊貳宜擇材賢伏望陛下收誤獎之恩廣僉
計之訪惻疲驚之已試備見無庸求俊人以在廷擢

之不次俾獲安於舊職冀免速於罪辜報効之誠殫
糜後已

辭免樞副表

宋歐陽脩

成命始行驟驚於衆聽撫心增懼莫能以自容竊以
樞要之司朝廷慎選出納惟允實贊於萬幾禮遇均
隆號稱於二府顧任人之得失係有國之重輕苟非
其材所損不一伏念臣器能甚薄風力不強少喜文
辭殆浮華而少實晚勤學古終迂闊以自愚而自適
逢聖明擢在侍從間嘗論天下之事言出而衆怨已
歸思欲報人主之知力竭而萬分無補徒措危躬於
禍咎每煩聖造之保全既不適於時宜惟可置之閒
處故自叨還禁署逮此七年屢任方州幾于十請滯
愚誠之懇至被明詔之丁寧雖大度并包猥荷優容
之賜而群賢在列敢懷希進之心伏遇陛下急於求
人思以濟治固柄臣之並選憐舊物以不遺然而致
遠之難力不勝者必速其覆量材不可能自知者猶
得為明敢冀睿慈察其迫切俾回渙渥更選雋良如
此則器不假人各識賢愚之分物皆知報何勝大焉
之心

督視辭免副樞表

王歆謬誤之失而天慈逾渥聖澤無涯爰迴斗極之
暉更寵掖垣之授下神畿而入仙禁未變葭灰自鸞
渚而遊鳳沘僅凋萱葉荀侯之十旬累命未可為傳
車攻之一日九途曾無足比既超倫而邁等實負愧
而承羞臣亦何人敢叨非據况樞秘之重絲綸是職
言參玄化步入紫微臣蒲柳既秋桑榆漸迫耄期云
及衰疾徂侵以日晏之歌當夜行之罪招愆業謗非
為身謀敗駕傾餽將貽國負蓋力周於用則輕重咸
宜任過其才則巨細同頒伏願察臣知止之分矜臣
自量之情杲然出日迴三舍之光油然作雲垂九霄
詞致錄

卷之四

五

讓鸞臺侍郎表

唐李嶠

仰荷聖澤退揆愚衷周章失圖怵惕惟厲臣聞疇德
而授則尸曠之譏絕推恩而舉則緝熙之道廢臣志
狹量淺業空理疎揆才異言行之科入仕非庶高之
選邀屬時幸累叨榮級石渠麟閣司典籍之林金門
鳳池參廟堂之議以小才而居大任用近智而恢遠
畧緣鶴之昂既失於鹽梅濡鵠之才實慙於綬冕甘
待素餐之責忽承非次之恩夫以瑣闥崇嚴玉堂秘

近職恭持蓋位亞掌壺子雲以善屬文詞始應夕拜
李真以妙通經術方陪旦講臣之愚陋實畏友朋豈
足以奉帷幄之昌言聯名賢之逸軌且短才不齒未
減雙鳧之數豐秩妄加必喪群龍之績陛下經緯品
物搜揚管庫方使道風德範遠出帝先豈令敗政妨
官近自臣始伏願俯收人望顧惜朝班特迴寵光收
命賢俊則百揆寅亮長無鼎覆之憂三階底平自有
棟隆之吉

為臨川王讓千牛將軍表

唐李嶠

詞致錄

卷之四

廿九

榮依上林而蔕彩鶴鵠交集仰大廈而相歡恩比王
山效微塵露叨榮席寵荷荷規承羞臣某夙奉皇明已
忝銜珠之秩兄某近承天澤又當執金之位弟兄齊
列伯仲分曹咸典禁戎比祭宸衛匪唯官崇祿厚思
滿盈而增憂固亦秉勢操權顧章程而自惕况臣素
抱愚拙更經痼恙幸蒙引僊竊位妨賢內懷尸素之
慙外負朝廷之謗豈可以多塵聖化久累能官伏乞
收迹丹墀歸骸素里庇亮雲之光彩浴舜海之波瀾
柳蔚桃濃聽南隣之鐘磬茅舒桂滿陪北闕之簪纓
食厚渥而忘饑樂太平而愈疾則涵養之德瞻大造

而斯弘視冒之譏在微臣而知免輒陳固陋輕職
嚴授紙彈毫驚魂悚惕

辭免明堂陪位表

宋歐陽修

合宮大啟爰講於上儀明詔忽頒俾祇於嚴召被恩
言之優渥撫病質以兢榮伏惟陛下聖哲聰明憂勤
慈儉遂群生而涵育臻至治於和平乃因萬物之成
秋爰即九筵而展禮陟降薦獻百官以職而各供職
受福釐一人有慶而成類而臣近辭印綬方伏田廬
當與庶民並蒙餘澤敢斯壽春尚錄孤孱陪陪在外
之臣未預侍祠之列載念臣自緣災疾幸獲退休治

詞數錄

宋文四

辛

未踰時尚嬰舊苦雖朝廷禮樂之盛得與者為樂而
犬馬筋力之衰告疲之已久既不得於策勵始自信
於青毛太史滯於周南惟知歎命子年存於魏闕但
極馳情

為鄱陽嗣王讓雍州表

梁劉孝綽

臣聞大邦維屏既慙宗子之詩思樂類宮有缺傳公
之頃持以周開九伯錫壤參虛漢啟二分東瓊舊
身私家慶總集惟躬雍部襟帶跨制數川西拒峽關
北跨鄧塞雖復呼韓來朝葉街納質二虜尋戈四鄰
無警猶當王戎雅識羊祜尚義臣退求諸已無或宴

安進思盡忠幾乎私竭

辭免都督江淮軍馬表

宋張浚

江淮重寄猥出異恩犬馬餘生蓋安徽分輒上臣愚
之請未蒙制可之音伏念臣少不如人老將及耄一
士賢百萬之眾素乏修能百里半九十之時仍當未
路倘進退不懲於迷復則鬼神將害於福謙願罹責
誚之言重玷并包之度况明光之詔雖陳於別塞而
赤白之囊不徹於甘泉分屯已固於長城申命何資
於錫鉞伏望陛下擴日月之照推天地之恩俯憐視
蔭之幾何特加全護不憚出綸之惟反曲賜優容

詞數錄

宋文四

辛

為鄆資州讓官表

唐陳子昂

恭承重命祇拜寵章匪暇知慙循榮如失臣學慚名
術才乏器能而寶曆逢時金章坐忝題與佐岳無展
驥之能剖竹專城關懸魚之化坐嘯徒積主諾空慙
伏惟陛下革命開基造天立極方且宣弘帝典大啟
皇猷而四岳觀風不虛其任六條璚璆允屬其人臣
疲朽已侵循良久昧將何式遵刺舉允叶得人伏願
慎選英髦克諧金議使人光共理政洽惟良大周之
命惟新思忠之責攸盡

為道士馮道力讓官封表

唐李嶠

叨緣幸會謬奉渥恩隨簪笏之九班列山河之三土
王言如緯敢不欽承人好惟星願披誠款臣本厭寬
澤風耽閒曠潛形草澤不將羣鶴並聞浪性雲霞惟
慕海鷗相狎十步徒歡於飲啄一官匪尚於榮華榮
屬聖朝謬廻天獎承軒冕之賜列是樊籠踐繩墨之
途更成維繫尺鷁但慙於鐘鼓雞鵠空費於牲牢故
欲瀝膽輸肝披誠進款倘蒙却收章服改命如絲不
以尸曠之交免其負乘之責則物情輿論誰不謂宜
如將衆列難違微功必叙仍優附鳳之賞遂假濡鵠
之衣則望賜以宮名還其道服其懷八座之祿未入
詞教錄 卷之四 三

朝廷之推列五等之封尚居山藪之野所冀實此儔
秩永修齋供庶玉清垂貺增寶祚於三光金籙開祥
固珍圖於萬劫上隆紫極之統下遠清溪之遊在於
微生實為幸甚

陳情表

過通天臺思歸奉親表

陳沈炯

臣聞喬山雖掩鼎湖之靈可祠有魯既荒大庭之迹
無泯伏惟陛下降德猗蘭慕靈豐谷漢道既登神仙
可望射之果於海浦日觀而稱功橫中流於汾河
指柏梁而高宴何其樂也豈不然歟既而運屬上仙
道窮晏駕甲帳珠簾一朝零落茂陵玉腕宛出人間
陵雲故基共原田而膺膺別風餘趾對陵阜而茫茫
羈旅縲臣能不落淚昔承明既嚴嚴助東歸駟馬可
乘長卿西返恭聞故實竊有愚心忝稷非馨敢忘微
詞教錄 卷之四 三

為水潦災異陳情表

唐李嶠

明主程才先求於稱職忠臣効用必務於量已然後
庶官無廢百度以康若使假鳳登朝真龍不馭將緣
鶴之鼎方憂於折足和鸞之駕必誠於傾軛豈徒鐘
鼓生妖靈夷起笑而已臣瓶甕賤器驚寒輕姿同脆
鼠之五伎不成異飛鴻之六翮無備遭逢幸會累叨
階級陛下降非常之澤垂不次之恩升之冢司握九
流之銓管委以樞近察萬幾之損益傳說作舟之命
徒奉箴規仲山補袞之談曾微答効致令衡鏡失序

紀綱不張官條日增府庫歲減謬職之誘或譏於畫
武續紹敗官之尤有議於誼廬吠鵲下生朝野之憂
上悼陰陽之和水潦為災慮深於昏墊黎氓失稔憂
在於溝壑軫皇情於南面墜國庾於西成虧燮理之
則失平分之度推其咎戾實在微臣昔者堯逢阻饑
而四岳咨訪漢遇災異而三公策免舉遺才而求俊
又退不肖而清庶官厥有由來著于古昔臣緝熙莫
效尸曠無成以擁腫之凡材抱支離之痼疾久懷致
眾之祿猶帶妨官之綬覲目而視不逞自安是用敢
虔慚惶寢興誠惕思解鵲鵲之服願辭鵲鵲之行庶

詞致錄

卷之四

三

得保愚公之廬避賢者之路以寧衆口之囂謗以答
三靈之譴咎物情朝序誰不謂宜昔于木辭第恒思
衛生營平寢瘳不忘憂國當今兵戎未靖費務方多
人庶空虛官僚苟且不可不深為防慮妙思政術臣
銜恩佩德念咎慙榮雖智効無聞自甘於罷黜而庸
短所見猶樂於輸畫幸當明主不諱之朝敢効愚臣
無隱之節倘蒙赦其猖直收其固陋乃冀有益纖芥
効添山海

詞致錄卷之四終

詞致錄卷之五

進奏門三

表類

謝表上

儲貳

謝為皇太子表

梁簡文帝

有命自天實驚物聽鴻名盛典爰萃庸薄勢舉千鈞
方茲未重高擢九萬比此非遙臣本凡蔽實實無取
特以毓慶雲霄憑暉璿極鳴玉內侍指麾外藩猶懼
不任尚疑廢職况復監撫守從道著前經恭敬溫文

詞致錄

卷之五

一

義彰昔記震維禮絕離景事尊養德北宮贊業東原
魏平非擬漢莊靡繼臣牧拙樊漢始獲言歸遂以下
才屬當上嗣事異定陶之舉有類膠東之冊將何以
著三善之德延四皓之遊屈叔譽之辭下倚蘭之頌

宰執 侍從

為兵部尚書王暉謝平章事表

唐張九齡

虛受之難魯史量其能容滿盈之過夏載陳其招損
臣階綠試吏際會登朝遂得入拜尚書比天之猴舌
此典方鎮為王之爪牙雖忠烈之誠心知所竭而績

久無聞今陛下不以不能為光為寵寔之
上象以軍國之謀實恐足不任鶴翼為刺
臣之守上累陛下之明是以永夕九飛終朝
各為懼死在傍待命於將行位固慙於
有別狀具所讓入備蒙曲私未寢嚴命方
命對揚休光磨銳於一割策蹇同於十
臣誠懼塵台席謬齒國華將何以允荅鴻私獨謹
命祇惕罔知所為

除樞使兼叅知督師表

宋 楊芳大金

似鉞而督諸軍曾微威望進班而聯二府有覲恩微
詞教錄 卷之五

制書不許於辭難事任陳如於履薄臣聞自昔艱難
之會聿求經濟之才使盡護於戎輅用借籌於廟勝
故能出入將相注意安危內外修攘兼資文武學力
則有若臣浚之剛大智名則有若臣昂之高明必維
斯人始稱主意如臣者器不足以堪時用識不足以
燭事機仲淹胸中之百萬兵何能為役富弼河朔之
十三策多見謂愚徒以父教之忠仰累聖治之誤遂
躋兩地修閱再著適軍符飛羽之秋敢安驚勞願幕
府重帥之任曷稱鷹揚恭遇陛下旋轉乾坤輯寧海
宇非賢罔以謹一日萬幾之微無競維人幹三軍五

兵之運肆令愚陋張我皇威臣敢不尊奉明謨布昭
聖武惟當鞠躬而後已其責在臣若夫成功則不知
惟天祚宋

謝除叅知政事表

宋王之望

備諍臣而諭指茂著顯庸躋政地以出綸驟膺親樞
控誠忱之懇切辱訓誥以頻煩拜命若驚省躬甚惕
竊以虞舜紹唐堯之緒五臣舉而至治章武王恢周
室之基十亂升而大勳立惟輔理承化非一賢之略
必同寅協恭廣衆正之求矧今者三邊未寧庶事多
舛民生尚困國是易搖天災時變之占日深寅畏肝
詞教錄 卷之五

食宵衣之慮時軫憂勤陛下妙簡臣隣旁招俊乂別
之丞弼責以謀謨蓋將外撫四夷內修百度振藝祖
創垂之統酬光堯付託之誠自非無文武之地張効
忠嘉之啓沃學據古今而通其變才周軍國而措之
宜則何以上贊宸猷下符僉論如臣者斗筭小器鈇
弊腐儒徒以險阻艱難之備嘗稍諳俗狀故於東西
南北之不擇自勵公程久絕望於榮途復何心於晚
節向者召從巴蜀歸覲闕庭初無左右之容遽被神
明之照未更一歲殆及九遷版部銓曹綴獻納論思
之末禁林諫苑充文詞言語之官皆暖席之末遑已

抗旌而于邁心欲為而不逮者精力勞則有而何補
於事功切遲沙塞之防秋便老荒裘而卒歲敢期僥
倖乃爾超逾除二府之自外方追慶曆名臣之殊遇
由七人而參大政實本朝累世之罕聞華以寵光若
為負荷伏遇陛下聖聰旁達睿斷無疑昭譏誣於七
政之明定許予於四時之信祇若于帝思鋪張不世
之休無競惟人每夢想非常之士遂令猥瑣亦玷登
庸臣敢不鞭策疲駑支持衰病仰體丁寧之旨對揚
特達之知際會風雲方快觀亨嘉之會奉承教令期
助成宏遠之規

詞教錄

卷之五

四

八座

權戶部尚書謝表

宋楊芳大金

十連竊寵愧藩閫之罔功一札遄歸叨地官之晉長
班躡陪於踐斗懼深重於履冰伏念臣素守朴忠澁
膺迪簡曩被初元之召首躋彌服之榮自退屏於山
林寢遯達於軒陛憂時之髮益白恨去國之十年戀
闕之心如丹敢忘君於一飯間蒙起廢再玷承流皇
蓋分符甄復還於舊物青旌杖鉞繡行忝於故鄉
坐席之未溫忽賜環之已及方躬攬宏開於公道而
桑柘畢萃於群賢敢圖孤迹之漂流亦辱清朝之記

錄且民部周司徒之任豈惟稽戶口之版圖顧商
古納言之官蓋實專喉舌之樞要誤拜演綸之渥
陞曳履之華退省驚疲曷勝姦負恭遇陛下乾剛天
健著勳日新親庶政以勵精大明黜陟臨百官而
德洞列忠邪念臣嘗參紫橐之聯知臣精勵素絲之
節趣還近綴俾侍清光臣敢不期稱隆私勉堅初志
生財有道雖漸源流本末之知事君非欺願竭獻納
論思之效

謝除禮部尚書表

宋王簡

詞教錄

卷之五

五

席寵逾涯撫躬增懼伏念臣奮身孤遠逢世休明仕
不因人終始皆蒙於屬簡才非適用險夷但信於愚
忠用國倚廬起家臨鎮豹尾隔四年之從麟符專一
道之權問田里之歎愁具知疾苦頒詔條之寬大方
究撫綏敢圖宣室之興思誤玷中臺之率屬跡陪鵷
鷺恍疑夢寐之回履上星辰頃覺瞻依之近被服章
之安吉引駒轡之閑馳榮渥併加微軀難稱伏遇陛
下重聰建極知哲能官聚英雋以尊朝蓋為本根之
計咨直清而典禮不徒玉帛之云退省迂儒曷膺妙
選臣敢不益堅素守仰副隆知顧維斗喉舌之司當

勤出納如稽古禮文之事敢廢討論

謝除禮部尚書兼學士表 宋周必大

宗伯綴文昌之座已高曳履之班翰林依華蓋之星
向玷演綸之直當聖王謹持於公器獨愚臣常愧於
私人臣切考自古豪英之才試觀當今文學之士裁
抑壓草茅之下或陸沉州縣之中瞻城南尺五之天
致身無路想玉階方寸之地通籍幾人况乎出入禁
嚴周旋侍從論思獻納日邇清光依彼服乘歲叨微
教而匪負一時之望安能符衆論之公如臣者學不
足以知方才不足以應務家壁四立甘為窮陋之民
詞教錄 卷之五 六

君門九重敢起躋攀之念而臣親逢聖作首奉詔除
簡知特厚於儒臣獎擢偏更於華貴官益崇而效寡
祿愈富而報微左降固宜右遷何有恐拜便蕃之命
疊加優賜之恩帥屬春官光貳卿之舊次擢文禁苑
添四命之新榮煥寶帶以章身飾繡轡而華駿正使
實無數器尚虞稱塞之難矧伊初乏寸長何意超踰
之甚周章就列俯仰懷慙伏遇陛下道協舜華志恢
禹績明明在上雖洞照於群情浩浩其天每包涵於
萬類寧稍指於爵秩恐茲棄於菲葑遂致凡才亦塵
顯仕臣敢不悉其思慮稱是寵褒號令文章期助漢

家之制討論潤色勉希鄭國之賢苟道素餐豈醜造
百

除兵部尚書謝表

宋播芳大全

地當太白莫宣帥聞之勞官冒文昌仍忝官僚之選
戴洪私之優渥揚小己以徇惶揣分踰涯懷慙非據
臣切以六卿分職屬嚴兵政之條明萬國本元頃賴
賢才之輔翼其責甚重匪人則輕伏念臣跡起孤生
家餘樸學早繇州縣而升進甘慶常流繼蒙朝廷之
誤知還塵法從旋年恩
人心焉有方平之智略裁制事變復無張詠之威名
詞教錄 卷之五 七

第思自竭於一時敢憚遐征於萬里神馳北闕長同
江水之朝身在西州莫致雪山之重頃荷宸旒之異
眷峻陞寶閣之崇資虛屏褒嘉曾微稱塞六年去國
弗皇夢寐之寤百念嬰懷頓覺形容之改茲趨嚴召
得遂生還文石再登遽躡五兵之掌承華重到切同
三令之班兼重任以奚堪凜存心而殊悸况力不待
年而衰減而心每因慮以耗傷縱勉強以難勝惟凌
兢而退避甫徹愚衷之懇歟重勤睿旨之丁寧渙汗
莫回震驚無措恭遇陛下燭照四海器使羣工知臣
難險之備嘗賜之收擢憫臣蹤跡之久外假以寵

但虞謫薄之小材曷受便蕃之異數臣敢不誓堅晚節愈勵壯心儲備悉諳雖愧姚崇之強記衣冠有偉敢陪綺里之清遊

除刑部尚書謝表

宋耆芳大全

祈父王之爪牙久負臨邊之寄尚書國之喉舌遽塵司憲之班懇避無從叨踰已甚切以班固志刑法無存兵甲之繕脩臯陶作士師曰惟寇賊之姦宄蓋二者相為表裏而四夷正賴鞭笞乃咨分閭之臣與聞司臬之事繫此責則重矣非其人而謂何伏念臣受國厚恩遭時多事當其南牧既不能折遐衝以寢虜

詞數錄

卷之五

八

謀戒爾西征復不能殲群醜以敵王愾雖犬羊之宵遁尚狐兔之晝嗥奚有微勞肆茲懋渥恭遇陛下以并包立皇極以懲勸興人心謂賞僭及濫固難私於八柄然功疑惟重顧何憂於一官遂令孤外之蹤亦玷文昌之選臣敢不視為膏膽獨有捐軀屈突通不習文已莫辭於憲部馬伏波雖已老誓當死於邊城

貳卿

除吏部侍郎兼給事中謝表

宋耆芳大全

貳卿之職尤重於天官兩省之班特高於夕拜榮甚

九重之懼惕然數器之陳伏念臣早忝貴權晚逢親政每謂永嘉之末無復微言不圖貞觀之初樂聞直諫旋錄烏府繼拜鳳池雖弗居擊搏之官猶欲舉封還之職然而精神未能感悟議論無所建明車轉轉馬蕭蕭苦口莫回於輕舉印累累綬若若病軀徒愧於久留屢闔戶以抗章亦扣墀而還笏未拜玉音之俞允反蒙御筆之超除銓部文書猶章程之可守銀臺封駁豈風力之克堪而况翰院詞林經筵史秩名臣森列奈何越俎而代庖高位疾顛實恐負乘而致寇上無以稱荅蕩蕩乾坤之造下無以慰寒慙慙風

詞數錄

卷之五

九

塵之談祗服寵榮倍深憂畏伏遇陛下舜風旁達堯哲周知盡壞一新更膠柱不調之化福威自出收太阿倒授之權察臣無黨援之私冀臣有論思之助臣敢不深荷簡在益自勉旃不改丹心常若端平之初節勿汙青史庶為元祐之全人

謝除戶部侍郎表

宋蘇轍

掖垣清閑奉鈐槩以媿安民部劇煩以錢穀而為職事非素學命不獲辭伏念臣起於南裔曾未再暮擢在近班訖無少補開口論事適宸心延納之初引策代言非書命縱橫之際竊祿而已功何足云計日以

言時亦未幾方自憂於汰去豈復意於超升伏遇大
皇太后陛下仁聖無為靜深照物坐閔工師之哀灼
知情偽之端察臣朴愚憐臣孤遠才雖未能以應務
性則不喜於為邪試之則曾冀其未效然臣觀當今
右部之政正值昔日新法之餘召募憂於殘荒差徭
患於戶少事既難辦法當通方尚賴聖美之明稍寬
民力之憊臣之跼拙徒自勉強苟少緩於瘡痍亦圖
報之萬一

謝除禮部侍郎表

宋楊芳大全

病衰自別念無補於艱危辱眷無容尚叨塵於嚴近
詞教錄 卷之五 十

循墻莫獲蹟地難勝伏念臣竊第於上皇臨御之初
久服勞於州縣賜對於陛下中興之旦遂叨侍於冕
旒游充耳目之官圖竭股肱之力愚非一得窮有百
罹精神疲於思慮之煩疾痺甚於驚憂之後力致顛
天之懇仰丐投閑敢懷擇地之私但期道責遠辭榮
於尊席乃承乏於貳卿將使論思則已試罔功復有
曠瘼之懼止充員品則于時多故豈無尸素之慙具
瀝危衷繼申前請敢謂包荒之度時寬犯上之誅傳
溫詔之褒揚曲煩近弼察寒蹤之孤藐留真本朝仰
厚惠之不貲揆初心而有颺強顏就列力疾造廷伏

遇陛下駕馭英豪而大有為拔去凶邪而罔不服優
容臺諫廊廡通遐邇之情眷禮臣隣曲盡始終之遇願
茲貌質亦玷鴻私念正人端士之言書紳自勵報厚
地隆天之施刻骨為銘

又

宋真德秀

龍飛九五幸逢真主之興驛召再三俾造適臣之列
職親地遠思鉅人微切惟國勢之重輕率視人材之
聚散王多吉士則若鳴鳳之集梧桐朝有直臣則若
猛獸之衛藜藿和聲聞而妖聲自息正氣勝而邪氣
罔干是以元祐首年盡起諸老隆興初政悉萃群賢
詞教錄 卷之五 十

既開治象可卜中興於赫盛旦適逢先猷宜得白首
耆艾之英以重清時獻納之綴伏念臣學雖志道材
弗逾人忝一第於慶元臨軒之初綴三館於嘉定改
弦之始鰲扉久直曾微華國之文螭陞屢前徒抱愛
君之志越從于節游易守藩尚期宣室之席前忽痛
鼎湖之弓墜義輪東出方薄海之仰瞻漢札西來先
時髦而收召身未登於詞掖班已躡於儀曹金華玉
堂假儒臣之榮寵蘭臺石室窺太史之秘藏自惟何
人叨此殊渥恭遇陛下德全純懿學務緝熙念皇天
后土之監臨居懷兢畏察君子小人之消長實兆與

裴謂臣雖無適用之大材知臣粗有勿欺之小節權
躋通服許貢微忠臣敢不戒在苟容期於美報惟禮
可以為國願廣晏嬰之言非道不敢陳前切效孟軻
之教

內外制 瑣聞

拜中書郎表

齊江淹

榮鬱兩臨恩俊交鏡悄然惝恍延懼延逝臣聞汝穎
之金或揚采於四豪江淮之珠已馳光於七貴聲
不妄美第豈庇立未有伎勲湘東蒙送目之常
絲翰竊歸風之價臣勿乏篆刻長睽圖史智罕効官
詞教錄 卷之五

主

志悶後政方遠永振風長憂凌雨不悟連袂鳴之
際河清之會玄雲素霞必駕蓬萊白羣驛鱗咸蒙解
遂仕通物任官登郎掾與實耀靈之私照而微臣之
厚幸也仰惟皇衢大融氣品呈觀西傾棧山東鯁航
海故奇士端威異人整折皆相望北闕待詔南宮而
臣學無利博文有忤害迺影裾頓履伏黃扉之右曳
纓轉笏居青瑣之前訪德於姑射問道於崆峒伊臣
之願過為信矣昔望都才麗爵之上班長岑問康身
終下秩遇臣方古悠然已泰內燭徘徊眇不識屆

謝除中書舍人表

宋曾鞏

甫上程篇遽塵寵仕載惟遭遇倍集兢慙蓋聖君難
諭之情將欲施於號令得當世能言之士然後達於
文辭矧今網理四方彌綸庶政肇維新之王度備久
簡之官儀計謀常越於拘攣注措舉為於希闊豈伊
凡庶可測高深方當覺悟通遐使編知於上意訓齊
內外用丕變於群心尤資演暢之才曲盡丁寧之旨
布為邦典茲謂人文顧在臣愚豈堪此選伏遇陛下
超逾千載特起一時躬堯帝之聰明而不忘講學集
成湯之智勇而無勸咨詢惟左右前後之臣有耳目
腹心之寄尤非淺識所可叨居如臣性實滯蒙器非

詞教錄

卷之五

主

庸博知自強於名節耻陰附於貴權無因緣毫髮之
援接有積累丘山之忌嫉晚逢睿聖獨賜收憐褒嘉
特異於常倫進用每從於中出猥以五朝之大典屬
於一介之孤生已媿缺然將安稱此敢期誤寵仍冀
近班敷導訓詞懼空疎之難強追參諷議憂庸淺之
易窮於風波流落之餘以蒲柳衰殘之質自循涯分
曷副恩榮雖日月之光何加於潤色而天地之德無
待於論思然臣素堅好古之誠粗識愛君之義既抗
顏而就列敢恕己以懷私謹當尋繹舊聞用開揚於
名命激昂懦志庶補助於謀猷仰答主知誓殫臣節

謝除知制誥表

宋歐陽修

王者尊居萬民之上而誠意能與下通奄有四海之大而惠澤得以徧反者得非號令誥詔發揮而已哉然其為言也質而無文則不足以行遠而昭聖謨嚴而不典則不足以示後而為世法居是職者固難其人乃以愚臣而當此選伏惟陛下茂仁聖之姿荷祖宗之業日謹一日曾未少懈而羗夷負固邊鄙用師勤儉率先於聖躬焦勞常見於顏色雖有憂民之志而億姓未蘇雖有欲治之心而群臣未副故每進一書則未嘗不欲勸天下之能每官一賢則未始不欲創數賢

盡人才之用雖以爵祿而砥礪尚須訓誡之丁寧尤假能言以諭至意可稱是者不又報歟伏念臣雖以儒術進身本無辭藝可取徒值嚮者時文之弊偶能獨守好古之勤志欲去於雕華文反成於樸鄙本懼不適當世之用敢期自結聖主之知陛下獎之特深用之大過此臣所以懇讓三四至於辭窮而天意不回寵命難止尚慮頑然之未諭更加使者以臨門恩出非常理難屢瀆及俯而受命伏讀訓辭則有必能復古之言然後益知所責之重夙夜惶惑未知所措又况文字之職廁于侍從之班在於周行是為超擢

不徒揮翰以為効自當礪節以報恩惟所使之期於盡瘁

謝除門下侍郎表

宋司馬光

母慈臨御嗣聖亮陰登進弼臣眷求舊物才非稱任辭不獲從念臣出自諸生幸承素業守泥古之樸學乏經世之遠猷逮事仁皇備員諫省容逆鱗之愚直無補衮之嘉謀會英祖之纂承進龍圖之近密最膺異禮深亮孤忠及先皇即政之初被內相代言之命委司天憲擢貳樞鉤終獲遂於懇辭蓋曲成於志守而臣涓埃罔效精力早衰出守無能分臺得請留連

詞教錄

卷之五

十五

祠館在萬歲華不圖僊駕之升永絕清光之望伏願陛下不承洪緒寅御中區訪落之謀亟先於群辟賜環之詔屢出於中宸起於林壑之中慶以

矧今如初政事綏靖邦家四方翹首以向風萬姓傾心而聽上斯乃君臣傲懼之日宗社安危之機必得非常之材以濟維新之治臣避命弗獲居寵為憂謹當承元首之明勉竭股肱之力庶圖薄効仰戴鴻私

丞轄

謝除御史中丞表

宋王十朋

備員左省初無論駁之勞承乏中司更誤選掄之要

據非其任愧溢於顏臣聞朝廷清明百僚咸修職業
海宇又謐萬事皆守科條然豐亨當尚大之時願既
濟思豫防之策下情弗壅言路宏開責之雄峻之官
列在紀綱之地訓詞申敕辨忠良姦佞之朋治道積
闢考理義憲章之正必求智敏宜有箴規如臣謝
觀腐儒侵尋晚節驟應禁從每出淵衷衰病內乘
投閑而未獲寵光曲被俾執法以何堪退自省循
增震悸伏遇陛下乾剛獨運離照臨御臣得持柄
之方操術無膠柱之弊九蒙驅使悉荷簡知臣敢不
剖心析肝絕猜防於謗鑠明目張膽庶無負於猷為
詞教錄 卷之五 上

館閣

謝除資政殿大學士表 宋張守

心勞政拙宜在謹訶德厚恩深猥叨擢序揅居官之
薄效陞祕殿之隆名荐控忱詞莫回聰聽終親賴於
虛受但刻骨以知歸竊以學士之有大名儒臣之最
高選景德創制示舊制之殊榮康定限員見先朝之
慎簡如臣質衰蒲柳景迫衆榆無收民御最之才第
知不擾有愛君憂國之意其實具疎蔑然獲草之勞
行矣及瓜而代曩聞警急莫効驅馳庸在目中料敵

愧伏波之累錢流地上理財謝劉晏之謀僅知謹於
官常期不違於德意敢圖簡賾遠沐褒遷伏遇陛下
厲精以圖中興廣覽以收衆智謂蠻夷未免於猾夏
每勤勸功故名器有時而假人靡嫌從予遂令驚
亦玷龍光仰睿訓之過優體聖心之所屬循名責實
未知塵露之酬居寵思危第謹淵冰之戒

謝除學士表

宋翰苑新書

視相如之草既趨侍於鰲扉讀倚相之書復進陪於
虎觀寵光特異慚懼交深伏念臣猥以鯁生奮于下
土少而掌制曾莫施潤色之功老矣談經冀有補緝
詞教錄 卷之五 上

熙之學人或譏其迂聞上獨察其樸忠述似牧之書

一麾於江海才非應氏乃三入於承明當九重新政
令之初而兩制極文章之選鴻筆固資於摘挾鯁言
尤賴於論思歷攷名臣具存故實陸贄於詔書之重
每上奏編歐陽雖帖子之微不忘規諫臣何為者心
切慕之伏遇陛下湯德又新堯文有煥震雷劃地勢
轟各動於真機果日中天螢爝奚施於末照碩容孤
士濫長禁林臣敢不圖報隆知勉殫薄技念官為學
士豈無時政之可言儻號曰私入則匪微臣之素志

謝除授翰林學士表

宋張守

句開避劇既叨碧落之林捨短用長復冒承明之直
接俊遊之翰墨動榮觀於紳綈寵不獲辭觀無所
竊以蒞施大號出於絲綸鼓動多方孚若卜筮雖
阻艱難之日資討論潤色之工視草而報淮南之書
上增嚴於國體扶杖而聽山東之詔下期合於人心
如臣性蔽諛聞道非深造詩書託業初有意於世
章句決科老自慚於少作適逢辰之高武殆絕筆
搞文方頃長劍之銛鋒安取毛錐之用未乏黃鍾之
雅奏遽容瓦釜之鳴頌詔待之便蕃躋禁林之密勿
顧囊書羽檄未清郊壘之驚塵而蓮燭錦袍猶相鑒

詞數錄

卷之五

本

坡之盛事叨蒙至以報稱未知伏遇陛下堯舜性仁
禹湯罪己考圖數貢體天心全賦之仁任賢使能啓
王室中興之運憐臣託傾搖之孤跡終賜保全察臣
無左右之先容每垂親擢躋登禁仰玷龍光謹當
緝駸駸之陳言細廢忘之舊學曲留朝守已銘正人
端士之褒助發德音期感悍卒武夫之涕誓殫千慮
圖報萬分

謝加直學士再任表

宋播芳大金

假輒分間踐更久過於瓜期遽躋陸班中令復煩
芝檢山川如舊寵渥維新循墻力控於抗辭出絳莫

廻於成煥伏讀溫詔益震危衷伏念臣結縛無奇使
尋已老入持禁彙論思莫效於嘉猷出帥藩方撫字
第勤於拙政方凋瘵瘡痍之未復嗟勞來安集之長
難雖几案寵材或謂頗安于煩使而蒲柳弱質其如
已迫於周年曩嘗上控於封章止額退休於閑散乃
俾解裝而承乏且蒙進律以疏榮日徃月來修已績
周于歲篇心切形骸惟憂凌蹈于官箴授誠方切于
丐歸有識或譏其已晚敢謂凌除於寶笈居然就撫
於油幢深虞併廢於前功無以仰承於睿渥恭惟陛
下天臨百職器使群工欲使蠶叢魚鳧之區如在豐

詞數錄

卷之五

本

謝除閣學表

宋鄒名缺

解組外藩屢控陳情之請晉班內閣仍叨改秩之恩
宵伸僮僕之再三難拂威顏之咫尺綸言已布綿力
奚堪伏念臣資弱弗張材凡不賴歲糜月費已成四
十九之非寵劇恩深未忘萬一分之報徒以南陔之
相戒難乎兩廣之久留力於白辭志在嶺外敢意躋

璿於美職復令假守於名邦湖南之外三千夙稱清絕之地瀛洲之士十八上通碧落之天矧超階級之崇殆非堵墻之冗豈以疎拙可稱選掄伏遇陛下眷厚近臣恩隆遠服念臣一塵之出守存歷歲華察臣四國之于蕃粗諳民事特峻西清之秩更圖南土之居俾諧便民之私兼課承流之效臣敢不思酬簡注勉策疲庸超遷而至大中賈誼何辭於湘水光寵而無學士知章終願於鑑湖

謝除端明殿學士兼侍讀表

宋蘇軾

詞教錄

卷之五

字

衰年自引久抱此心異數并加實為非意辭不獲命媿何以堪竊惟以殿命官本綠麟趾之舊因時修廢近正金華之名歷代所榮於今為甚自元豐之末官制以來若非身兼數器之人未有名冠兩職之重而况秩宗之任邦禮是司豈臣迂愚所當兼領伏遇陛下憂深社稷慮極安危求忠臣於愚直之中論治道於文字之外知臣難進而易退或非患失之鄙夫故授以禮樂清閒之司使專於論說琢磨之事此恩難報願輸歲月之勤度已所宜終遂江湖之請

謝集賢學士表

唐王維

權及無能恩加非望忝擢慚懼不知所裁且謂之集賢非賢莫集固當宣其五德列存四科迭聽衆推方紆聖鑒臣拙毫作賦非古詩之流挾策讀書無專經之業伏惟陛下文思超前哲之后書契論畫卦之君龜圖不能比其詞龍甲不足究其義聞相如在蜀惟不同時徵枚乘於齊惜其已老急賢之旨欲賜追封如臣不才豈宜濫吹將何以編次漆簡刊定石經東堂賦詩將招不成之罪北面待詔必無善對之才以榮為憂席寵知懼

謝加龍圖閣待制表

宋楊芳大

詞教錄

卷之五

字

分相罔功恐坐黜幽之典出綸有命忽叨進律之除是何宜斥而反遷籍甚以榮而為懼牢辭不獲重拜靡皇念臣早竊儒科晚塵禁從民曹經帷殊深非據之慚松徑菊籬屢起歸休之夢偶值龜城之謀帥俾承芝詔以充員屬干戈甫定之餘而杆軸已空之久雖勤拙相補里閭稍稍安之然衰病交侵精力駸駸憊矣方上祝釐之請敢圖錫命之榮誤恩俄被於龍光寵秩載騰於鳳檢承乏錦里已寬廷尉之誅候對松階更冠寶儲之省恭惟陛下天臨廣宇子視遠民察知凡素之小材實惟簪履之舊物雖政拙自注下

考僅輪撫字之勞而賞疑所以廣恩式彰忠厚之意但臣駑才素下鼠技已窮深虞末路之難併使前功之廢臣敢不益鞭其策圖謹厥終抖擻精神勿蹈庸功之戒道遥田里終期後欲之仁

謝除侍讀表

宋汪藻

視草禁嚴論經閒燕無近侍進言之責極儒臣稽古之榮拜命以還撫躬而懼嘗謂天縱將聖奚煩博學以成名王求多聞益欲取人而為善故自古右文之世必留心講學之官如臣至愚何所云補伏遇陛下卓然上智濟以克勤同漢祖之英論道不忘于息馬詞教錄
笑齊侯之陋讀書見議於斷輪而臣猥以非才膺茲選第竭簡編之素習仰承帷幄之清光海岳深崇固無取涓埃之細聖賢聞見或不如農馬之專誓絕蔽欺用酬知遇

官僚

謝除官僚表

齊孔稚珪

皇太子霞褰青殿日冕春宮駕紫谷之英振洛笙之響自非器上白雲韻同明月何以延芳芝苑揀羽瓊條寶嬰戚貴於西京陸曄風嘉于東國伊人之美方曰可舉

謝為東宮奉經表

梁劉孝綽

皇太子四術夙知三善非學猶復旁求儒雅應物稽疑業光夏校德茂周庠諸侯宋魯於焉觀則參陪盛禮莫匪國華臣雖職典經圖而同官不一惟擇而舉尚多髦俊龍光曲被獨在選中他日朝參猶甘夕殞况茲恩重彌見生輕

謝除太子賓客表

宋汪藻

儲闈肇啓當收卓異之才詔綽中頑首玷高華之秩既預論思之秘仍參調護之榮承命便蕃撫躬踴躍伏以三王之教世子必用正人兩漢之詔官僚無非詞教錄
碩學矧在賓延之列尤為儒者之光方朝廷新曠古之儀俾世嫡正前星之位養德茲始求賢實艱尚虛六傳之聯先選十人之選如臣庸淺非國俊髦司典謨訓詰之文猶狝眷倚豈父子君臣之道能有建明弗獲固辭終慙非據伏遇陛下紹隆邦本因任人才謂臣久侍禁林最為孤直知臣日承聖學粗識源流故以褒嘉輕於畀付入奉鰲山之直出參學禁之遊夫何一介之微兼此兩閨之渥古今鮮儔中外懽傳臣敢不益懋嘉猷誓堅晚節密為羽翼當如園綺之賢待事文辭敢効應劉之陋

節制 鎮守

為榮陽公桂州謝上表 唐李商隱

臣某奉違禁掖祗役遐陬雖懸就日之誠懼曠宣風之寄柔轡載揚於永路輕船利濟於大川臣某承承儒訓生屬昌期初掛弁髦即親篚篋嘉樹無忘於封殖青毡不落於冠偷再擢詞科一登冊府但遷歲律浮泛軍裝忽彰華英俄列通籍極望即於南省備給事於左曹中間帖掌臺綱分修國史旋值孽童拒詔狂虜亂華副中憲以急宣佐威城而遙護晉氏遷延之後絕戎人傾邏之奸敢伐善以攘瑜固盡誠於

詞教錄

卷之五

廿四

養棟伏惟陛下武推時夏文號欽明方將虔奉紫泥恭拜青環豈意遽分專席叨賜再麾首南服以稱藩控西原而遏寇寨惟廉部猶恐墜於斯文橫梁令軍實致憂於不武雖期竭力終懼敗官况俗雜華夷地兼縣道文身推髻漸尉佗南越之餘叩鼓鳴鍾傳士燮交州之態網疎則魚漏繩急則磨礱欲經緯以合宜顧韋弦而匪易伏願陛下務修儉德廣扇廉風捐翠投珠不勤異物驅犀逐象用示深仁始於問俗之時使獲稱君之美亦當求規水薤取戒脂膏冀少息於群黎庶免拘於遐裔三梁路阻九嶠山遙浮江遇

楚澤之萍望國隔番禺之桂遐思白鳥率騁音於周園之中遠羨僊真永固本於堯階之上

為濮陽公陳許謝上表 唐李商隱

榆揚皇化宣布唐慈連營咸誌於異風閭境均霑於允澤某材謝漢飛義熱燕使獻書求試學劍邀勳大舸千艘早竊樓船之任勝兵萬數晚兼車騎之名雖任在啓門而時當柔遠珠崖銅柱祗務廉平麻屨艾亭莫能恢復旋屬陛下荆枝叶慶棣萼傳輝臣得先中墨車入拜丹陛蘭臺假號棘署參榮奉漢后之園陵獲終送往掌周王之庫庾方切事居不謂遽董戎

詞教錄

卷之五

廿五

旃還持武節賜國既高於七命承家又慶於重侯維彼辟田實聯鼎邑古之近甸今也雄藩想像汝南星聚而先賢未遠經過賴上水濁而強族皆除况在昔年常隣多壘載瞻軍額深見士心貴忠孝之兩全則忠可移孝正文武之二道則武可輔文咨謀將領之能必重英豪之選豈虞拔擢乃出辱微謹當阜俗而必致人和貞師而不為兒戲使流庸自占驍悍知方任棠水薤之規當可服黃霸米塩之政亦不遺粗勦報効之資用贖餐餐之責奉違軒鏡幾落堯真比園葵以自傾晝唯向日漢海槎之不繫秋則纏天感激

而淚血霑衣兢憂而汗雨浹背

謝浙西節度使表

唐顏真卿

聖德含弘不遺善履捨其罪戾假以麾幢感戴恩榮
死生知報臣以全吳舊國分閫重權素東海以自資
整西河而作固九州天險之地六代帝王之都是以
魏文興嗟甘從南北之限符堅恃衆爰喪百萬之師
豈不以形勝是先暖心斯切親賢重寄鎮遏攸難矧
在庸微寧堪及此是以拜命之日以榮為憂即當繕
修甲兵拊循將士觀察要害以備不虞假陛下英武
之威遵陛下聖明之理一心戮力上答天慈俯察愚
詞敬錄

卷之五

廿六

裏死且不朽

謝淮西節度使表

唐裴度

豺豕舊穴迎風而汎掃鵠梟故林應節而黃落督轡
者咸觀堯日皤皤者重識漢儀臣以不才猥當重寄
力排苟且之議上贊聖明之心不敢偷安廟堂遂期
親臨疆場陛下初猶未許微臣亟請是行庸旨丁寧
寵光照耀臣中心自警畢命無憾若不成事必當死
綏伏願神道惡盈罪人斯得而今而後方保餘生就
天地削平之功貽策書不朽之美是使懦夫增氣獷
俗剴心方偃武以脩文故整勞而永逸臣謹敷揚帝

澤宣布國章滌其瑕疵衣以襦袴俾斯汚俗咸若新
邦底寧但以才乏折衝任兼中外摩頂至踵諒無替
於渥恩知臣者君庶不辱於玄鑒

謝上淮南節度使表

唐高適

流布聖澤江淮益深扇揚皇風草木增色伏惟陛下
大明照臨純孝撫御漢主事親之日爰總六師軒后
垂衣之辰再清四海猶以京華尚阻國步暫艱運若
石之神謀推赤心於人腹臣器非管樂殊孔明之自
比識謝孫吳異山濤之暗合豈意聖私起等榮寵存
臻拔自周行重寄方面以時危而注意竊愧非才因
詞敬錄

卷之五

廿七

蜀帥到任謝上表

宋潘時

奉珠庭之香火方就退閑有使節之光華誤蒙臨遣
指印維而叱馭壓楚道以褰帷祇戴恩榮益深劇切
伏念臣奮身寒遠遭時盛明學古入官無孔氏淵源
之師友奉公行法愧漢廷篤厚之公卿頃膺召節之
頒再見修門之入郎曹高選少列清蹕既乏馮唐面
帝之賢徒起班公登僊之羨履陞廷尉寔冠諸卿自

知隸批之在前惟恐驚駘之殿後孤立一意冀銷雀
角之欺刺口盡言屢批龍鱗之逆雖荷淵衷之洞鑒
其如衆口之難調去國逾年起家一節俾免候斥之
次許趨面棘之朝訓獎至于再三感激幾於千萬捫
參歷井雖重經蜀道之難就日望雲自不覺長安之
遠退循懦質曷稱鴻私伏遇陛下剛健粹精聰明淵
懿憫勞臣下每觀過以知仁加惠黎元將篤近而舉
遠軫念岷峨之瘠廣搜楚漢之官致此迂愚忝預選
擇臣敢不深思德意少效忱衷六轡如絲當使西陲
之肅八紘奠枕尚成南國之強

詞教錄

卷之五

宋

越帥到任謝表

宋張守

領大條之洞天方養病於故里懷會稽之印綬遽還
寵於名藩拜恩不貲省已增懼伏念臣奮身寒遠操
術迂疎早辱聖神之知寢階政事之選曲學泥古既
已昧於經權直道事君初不擇於夷險果由踰分遂
蹈危機爭前而媒孽者煽浮言之百車附下而文致
者溢謗書之盈篋告曾參而三至理或可疑畏楊震
之四知初無甚愧賴睿明之洞照察愚悃之無他率
蒙全庇之仁俾遂投閒之請不能者止乃分之宜重
緣多病早衰永甘棄置敢謂曲成善貸復預使令奉

懷惟懼之舊臣榮昇股肱之近郡審是肇新府號久
駐蹕輦履勾踐之故棲厲嘗膽枕戈之志想神禹之
清跡服卑宮菲食之勞故此回鑒之初示同留鑰之
重再命而僕曾遜避之靡容一節以趨豈衰遲之敢
憚經由行闕賜對便朝進瞻黼座之顯昂恍若鈞天
之夢寐親被訓辭之溫厚粲然華袞之光榮近比所
無叨蒙至渥伏遇陛下躬堯舜之孝悌可以通神明
法文王之憂勤故能治內外博求良翰共濟康功念
茲遺簪墜履之餘付以皂蓋朱幡之寵紆丈二之組
視印云初瞻尺五之天望雲伊邇謹當毘勉從事平

詞教錄

卷之五

宋

易近民宣布恩言冀少蘇於凋瘵申嚴條教期漸彌
於奸媮報國之心捐軀是力

代郭帥謝到任表

宋翰苑新書

銜命睦鄰慨神美之未復叨恩分閭愧將略之非長
屬立表之有期恐循牆而莫避輒趨營塢謹視印符
伏念臣五世逢辰三朝綴仕始由消贊誤簡淵衷列
衛儲才竟負阜陵之殊遇屬橐入侍旋陪文陛之信
臣既中外之屢更亦偏裨之遊歷竊掛弓而圖報尚
橫草之未酬每思鳳翔勲伐之旌猶藏盟府及讀馬
革死邊之傳恐墜祖風數戰髮以無多託州麾而自

試方候戍蔡之次取圖細柳之行惟秋浦之上流控
長淮之一面地形峻峙前瞻廬阜之戰區天塹橫陳
中接荆吳之聲援邊烽久息家累日增非深識兵勢
之人孰當警急欲少賈敵場之氣尚費斟酌循範下臣
而無聞冒中權而有懼陛下博收戎左靡間位名既
分宿望以責成猶欲後來之輩出知臣雖乏汾陽之
貴氣謂臣久聞隴右之家聲因其能忠謹以自將遂
假以事權而疏授臣敢不勉思附主載緝羣渠志在
死綏雖未能歷犯難忘生之所師如挾纊當使有捐
軀殉國之心倘尺寸之幸成庶涓埃之少荅

詞教錄

卷之五

上

閩帥到任謝上表

宋張守

召還經幄猥荷記憐就易藩符特蒙委寄布宣聖德
慰諭遠民皆云遣政事之舊臣可以識朝廷之至意
望雲仰戴夾道歡呼始拜命以兢惶既入疆而感涕
騰昔甌粵險遠之地為今東南全盛之邦八郡支分
封圻廣袤三山鼎峙形勢尊雄向由劇盜之震驚尋
若庶兵之供億公私垂罄井邑就荒加以田疇亢旱
之餘仍當海徼防秋之日宜有撥煩之略以為善後
之圖伏念臣才歷試而不長命數奇而寡與政塗三
載曾莫紀於勲勞輔郡兩時亦未聞於課最既

詞之域遽陪清燕之間第迫病衰力祈退縮豈謂中
宸之眷復分南顧之憂不敢固辭以貽擇事之讖尚
期力行以勉報德之効伏遇陛下廓蓋容於天地躬
勤儉於邦家明以見幾仁不忘遠察臣久侍帷幄知
勤恤之為先憐臣嘗備藩維粗安靜而不擾濬發獨
斷申加茂恩再念臣本無庸知最為孤藐粗由直道
不敢愛身願惟閭中稍遠闕下俗既熾裔以趨利士
多請寄而為奸固當守法奉公以絕貪冒之私不敢
違道干譽而懷畏避之計專求民瘼以固邦基諒無
遠而不聞幸容先之必照挾知學問羊之數雖愧昔
賢易帶牛佩犢之風願師循吏

詞教錄

卷之五

上

轉運

謝除成都轉運表

宋唐庚

嶺表觀風已漸治效坤維按漕復玷寵靈引組知榮
撫襟增覲伏念臣單平冷系迂暗常才雖懷許國之
孤忠非有過人之奇節偶緣冗宦被遇先皇擢任監
察猥承人之乏出分使指益愧食浮纔自脫於殿刑茂
可書之最目謬膺渙渥重忝皇華鼠能已盡於五窮
鈐刀何堪於再割鴻恩未報俄驚重鼎之成嚮哲聲
興尚念遺簪之舊遂容尸素未即棄捐伏遇陛下至

健行天大明出震開竝採兼收之路隆太平極治之
其至此共頑類豪妄寄梓表未瞻於天日狂私已佩
於丘山敢不續短裨長免禍為福登車興嘆雖微孟
博之才叱馭遂行姑勵王尊之節鉛銖可効糜粉為
期

提舉

浙東提舉到任謝表

宋袁說友

一再命以為州咸無善狀六百石以察部誤拜渥恩
身慚安便之為優眾謂甄陞之特異乾坤德大毫髮
命輕竊惟欽散之微權莫重常平之使者山澤之利

詞教錄

宋主五

廿二

以裕國倉庾之儲均於民惟源流本末之阜通則上
下有無之兼足豈特欲九年之益蓄亦戒夫一孔之
不遺恪持經常當辨取予至於民情休戚之本吏治
否臧之分事每壅於上聞澤乃周於下布求稱厥職
蓋難其人如臣慙愚殖學荒淺謂其常更中外之職
有志斯民尚可俾乘輶傳之馳往承休德庶以異時
布宣寬大之意而為今日激揚清濁之公曾下下之
考而未書廼皇皇者華而遽遠就臨所部實寵其行
伏遇陛下器使群工鑑觀庶物與我共理儻田里有
歲民之安惟爾之能則命秩示列城之勸博求庸使

下及孤蹤臣敢不尊其所聞期於不負無政事則財
用不足肯務空言或登攬有澄清之風尚希前哲力
照素學仰答殊知

復除江東提舉謝表

宋謝深甫

推行荒政繇祇奉於詔條寵被優恩遽濫陞於官簿
微勞莫効大懼弗勝竊以將命九重備使一道惟先
疾苦之間以廣德意之孚矧專欽散之是司宜視凶
懷而唯謹當大饑發大熟之蓄職思其憂無小言望
小利之酬賞過於僭諒茲疏寵借以勸功伏念臣奮
自寒生久安下仕頃叨賜對誤蒙宸庥之知旋沐褒

詞教錄

宋主五

廿三

遷猥廁廷紳之末僅再更於歲序凡三冒於親除俾
以乘輶驟玷皇華之遣及於地檐偶罹雲漢之裁歲
既不登人方告病受牛羊而與牧其責誰歸集鴻鴈
之于飛雖勞敢憚賑倉廩之貸予徧原隰以馳驅冀
上寬焦勞之憂期下無轉徙之患幸時還定故民咸
安其居賴國威靈在臣何力之有伏遇陛下德恢天
覆澤布海涵發政施仁每必先於四者薄征散利无
用聚於萬民凋瘵既蘇豐登已兆尚念布宣之無壅
曲示褒獎之有加臣敢不深省僥踰勉圖稱塞取有
餘而補不足廣堯湯備具之儲務實惠而去虛

文景安養之政

林金部謝除浙西倉表

宋翰苑新書

飛龍天上正疇庸使之良駕壯日邊猥及漫郎之陋
足驅馳而易徧力負荷以難勝敬稟廟謨恪恭臺治
伏念江湖墜緒庠校下陳早歲激昂亦有癯儒之志
中年泯汨幾為俗吏之歸惟先王加惠於草萊雖一
令亦塵於對菲自貳以守繇丞而即泊停風木之悲
復玷握簡之寵光靈過矣稱報缺然思思迺責於丘
園詎意升華於原隰瞻言右將實號內畿煮海蕭疎
從作鯨波之宅園田紛錯幾為魚鼈之隣徇民之便
詞教錄 卷之五 五
則上命不行倚法以刑則下情易駭必也兩全之滿
庶乎百謫之寬方聖君臨御之初且哲輔蒐揚之始
盡陳范鑒以重漢軺胡為四輩之除實在一人之數
陛下鼎新庶政器使百工載嚴更出迭入之規允遵
激濁揚清之選謂臣嘗分侯服粗諳州縣之事宜知
臣游厠周行熟識朝廷之志慮不深尤於驚鈍故驟
假於鴻私臣敢不祇奉六條力竭百竊念御極宅尊
之日尤觀風問俗之時正已正人一用芟鋤之力足
民足國庶為休養之圖

湖南倉到任謝表

宋播芳大全

郡政久紆捕勤無補使華疏遺簡記有加引避弗踰
冒禁滋愧臣瞻言湖外越在楚南縣地廣故民瘼難
知去天遠故吏奸易肆必藉褰帷之詢訪庶寬負
之顧憂如臣者起自寒儒見稱樸學方其盛壯久沉
常調之中及與暮衰始踵英躔之後甫離鵷序旋守
鴈峰芻牧之心惓惓至切繭絲之計斷斷不為閱下
考之再書迫偏親之大盡方謀祠廩猥建庾臺惟熙
寧創置之嚴况嘉定簡除之選既慚材薄復恐望輕
鄉典偏州尚拊循之可勉今廡一道豈罷政之克堪
伏遇陛下加惠黎元勵精政治博求忠信
詞教錄 卷之五 五

之奸一視遐荒若虞甸畿之內頓容驚鈍亦冀驅
臣敢不宣布詔條推原德意雖無風采令山岳之動
搖尚竭心思訪閭閻之疾苦

河北糴使到任謝表

宋汪藻

久迂郎選甘為襍被之行擢領使華叨奉資糧之寄
銜命朝離於魏闕迎親夕至於封陲恩本曲成榮逾
始願伏念臣曷緣朴學冒處周行甫辭州縣之徒勞
即玷朝廷之臨遣寂無稱効積有悔尤默持江外之
麾收預省中之籍繫上皇保全之厚嗟孤生報塞之
難逮茲煩使之乏人復以薄材而奉詔唯河朔襟喉

之地實兵屯飛輓之衝欲貿新陳長有餘而實塞當權輕重無甚賤以傷農方大計之仰成豈至愚而能辨伏遇陛下鼎新庶政鈞播羣材因時內外而試以百為隨器方圓而取之數路顧斷斷鼠窮之技雖匪才堪然拳拳烏哺之情可無祿養未投閑散仍獲便安臣敢不力効涓埃無忘夙夜金湯積粟上寬當宁之顧憂犬馬依人日俟乘輅之歸報

江東漕到任謝表

宋真德秀

兩螭夾侍久點近班四牡載馳叨分劇郡假中秘隆儒之寵為外臺將指之光望過所期感深以惕伏念

詞教錄

卷之五

五

臣才非適用幸有逢辰屬漢廷更化之初首唐室登瀛之選金鑾夜直承密命者六朞玉陛晨趨對清光於再稔凡吮墨濡毫之士皆振櫻莪弁其間吏責既稀所願優游於邇列主恩未報寧忘眷戀於本朝其如親闈喜懼之年當謹人子清溫之職輒援公輔辭翰林之請庶幾潘岳奉板輿之惟分太守之符日需成命出少府之節遽冒殊恩懷章而過里門閱宿而臨封部敬卜中和之節重宣寬大之書輅傳初馳旄倪爭覩謂朝廷所以輟柱下之史蓋聖主將以惠江石之民因博采於風謠頗究知其疾苦以垂鑒之

而困追需之目以婁歎之歲而多流徙之人官無定證之簿書里有難平之徭役文移星火不勝胥吏之誅求牒訴丘山半為賦租之煩重興言及此勿救可乎輒彈朝夕之咨訴兼可公私之緩急賦難遽省盡漸損賦外之征民未易蘇當先去民間之蠹切自量其繇薄恐終負於選掄伏遇陛下洪造曲成大明澤照念臣志存將母俾獲便於旨甘知臣學本愛人欲稍觀其政事肆加遽職仍俾重權臣敢不以阜俗為阜財之方以悅民為悅親之本灌輸所仰愧無鞭笞之能構節是先敬佩玉音之訓

詞教錄

卷之五

五

郡守

柳州刺史謝上表

唐李吉甫

伏惟陛下光被之德道已洽於區中憂濟之勤心每徧於天下常以萬邦共理必藉於循良一物不遺尚延於愚懇假臣寵渥重領方州驚駘復効於馳驅枯朽更同於華秀臣聞潢汚易竭徒有朝宗之願犬馬無識猶知戀主之誠揣分則然惟天所鑒况臣昔因左官一紀于外子牟馳心於魏闕汲黯注意於漢庭豈伊非夫獨無斯戀去就者榮辱之主朝廷者仕進之源臣子之宜忠貞所志臣雖心同犬馬而分比潢

汗幸攝康衢而意悲往蹇臣之此誠口不能論意欲
自達文非盡言此臣所以自咎自傷恨垂志願猶冀
苦心勵節上奉詔條惠寡安貧下除人瘼恭宣皇化
少荅鴻私

代永州韋刺史謝上表 唐李邕

受命若驚臨職彌懼臣以無能累更事任神州赤縣
實所備嘗過量逾涯每深兢惕不謂聖恩推澤濫駕
朱輪祿秩徒增詎施乳哺之惠服命虛受寧與襦袴
之謠况此州地極三湘俗參百越左社居椎髻之半
可墾乃石田之餘曠牧守於再秋彌驕僿俗代征賦

詞教錄

卷之五

唐

於三郡重困疲人分災本出於一時積弊遽遷於十
餘撫安未易知法出而姦生子育誠難懼力勞而功
寡夙夜憂切不敢違寧謹當宣布天慈奉揚神化以
日繫月償或有成少裨惶悌之風因荅生成之造

以奉祠再除知泉州到任謝表

宋真德秀

奉祠居里每勤北極之瞻進職守藩徭忝南州之寄
甫臨舊服格布寬條臣聞天道至仁風霆無竟日之
怒聖君大度山林鮮終棄之才韓安國起於徒中柳
宗元用於貶所皆為長史蓋值明時微臣乏漢唐二

子之能陛下守祖宗萬年之法昨者金華之入侍溫
色之下詢旨嘗因諫以罪人自魏格君之無術
方押彈交上聞亮次山之愚迨渥有一須盡洗元城
之玷何需於議司而樂於用恩庸見九重之本心不
忍一肯而棄物既班次對又秩殊廷設齒飯疏夫亦
莫憾逮乎作屏則匪所期敢圖朱轡皂蓋之華仍蒞
紫帽清源之境念昔先帝付臣此州玩愒三年不聞
善最侵尋半世復見遺民屬當公私凋弊之餘不勝
上下煎焚之急亡已而二為煨燼十室而九乏蓋藏
禁旅雲屯軍餉每難於宿飽宗藩日茂俸緡半出於

詞教錄

卷之五

宋

鑒室自省迂踈苦為經理幸遇陛下道心淵靜德性
昭融不以諛悅為愛君故略臣疇昔批鱗之譴不以
聚斂為體國故取臣平時求牧之長畀以舊封責其
來效臣昔猶將父今獨攜孥祿弗逮於養親志惟顯
於報上拊摩瘡痍冀邦人生意之復還培溉本根為
聖朝元氣之一助

池州到任謝上表

宋王十朋

失職中司黜官小郡尚分符竹初見吏民咎大罰輕
感深涕隕伏念臣起身寒苦淑學淺疎自甘窮老於
布韋孰謂冒榮於軒冕越德亢散親被簡知璧水道

山提携羣彥綸垣瑣閣接武近班皆席上待問之珍
非柱後惠文之用忽蒙宸筆俾總臺綱義不苟辭輒
當蟬蛻之力志慙無勇亟聞鷹隼之呼矧惟聖主之
難遭亦恃孤忠之可察封章上達遂忘白簡之猜嫌
負罪左遷猶得朱轡之貴飾涵容厚矣報稱缺然伏
遇陛下湛恩龐洪垂聽寬裕執用賞用刑之要權使
功使過之宜是致辱庸未從遠斥臣敢不布宣德意
撫養編氓影落江湖踴躍自憐於去國夢追鵲鷺區
區常念於憂君必誓靡捐仰酬覆幬

謝除知忠州表

宋楊紱

詞教錄

卷之五

四

圭窬屏跡已甘四壁之空玉陛疏恩遽錫一麾之寵
雖元化不遺於微小而大明必照於幽深跼地莫遑
戴天有感伏念臣性姿朴陋才識凡庸謬叨世賞之
延獲綴官聯之末窮邊絕塞奔走一生沐雨栴風辛
勤萬狀固低回之久必操守之弗渝但知潔已以
奉公惟務愛民而末吏未嘗枉道將以徇人任勢利
之見嗤豈君親之忍負自安有命皆付無心四宰縣
封精力盡於此矣兩丞郡政艱難皆備嘗之身雖困
而志益堅家雖貧而節愈勵方厄窮於蝸舍敢妄意
於虎符矧此南賓控夫右蜀儼唐臣之前烈枕藥子

之上流仰壽皇拔擢之公途聖主繼承之盛乃捐重
寄以畀下愚伏遇陛下祇服禹功欽承舜德本一道
以相守爰奏膚諫資共理之惟良用安遠服致令疎
賤誤玷選掄臣敢不恪守孤忠仰酬洪造豈止驥四
賢之後無愧面顏庶幾舉三峽之間咸歌德意

知袁州到任謝表

宋楊芳大

詞教錄

卷之五

四

之孤立恃明主以少安及速抨彈尚蒙涵貸支離賦
粟方比養癰豕罔得珠俄而起廢唯素為郡舊名安
靜之區與盜比隣今亦孤危之地城空無備兵少且
屏以妄庸謬分千里之憂恐倉卒難待一朝之變而
况別慈顏於膝下魂夢屢驚旅隻影於天涯宜遊冀
樂徒有君親之一念若為忠孝之兩全伏遇陛下奮
發主威作新吏治謂多壘艱難之際務使民安凡錄
屏臨遣之人率由聖擇乃如臣等亦在數中臣敢不
厚培本根申畫圻守長江之險與我共顧思強敵之
防四境不治如之何此則微臣之罪

瀘州到任謝表

宋王卿月

肅將隆旨甫拜明綸易畀左符亟奉新渥念循牆而
莫避豈出幕之敢辭揣分逾涯附躬增惕伏念臣行
能無取牧御非長三守塞恒迄無善狀再瞻天闕忽
冒親除惟梓部之與區以瀘州為重鎮地控雲南之
六詔疆連并絡之三邊雖鳥言夷面久被於文明然
狼子野心每虞於猾夏必羈縻之有道在震疊以先
聲蓋德不足則無以服人而智不周則艱於虞敵孔
明心戰不專兵戰之勞德裕捍邊悉本籌遠之効得
人為貴從古而然緊關寄以非輕豈臣愚之所及伏
詞教錄 卷之五 三

知榮州謝表

宋李劉

佐黔巫之東鄙將及代瓜守巴焚之南安溫叨符竹
出幕十年之未久循牆三命之惟共冒象馬以牽江
跨捷悍以入境皆知聖主清衷之一視故令愚臣白
首以重來伏念臣殖學拙昧賦才膚淺耗精神於場
得弗償勞疲筋力於塵埃衰不待老頃緣政府入

總成均韓愈補真奚益茫茫之墜鄭虔輒難陪衮

衮之登久去國以奉祠辱起家而貳郡敢意三刀之
夢蜀復令五月而渡瀘緝今榮隱之邦實昔夜郎之
境刀耕火種矛漸劍炊歲計經常之租無六千斛郡
仰斥鹵之羨止五百緡比因刻赤之化銷致辱前榮
之根拔薰鼠不嫌於窮室奪牛反甚於蹊田凡昔留
州悉令送使無復斗升水之貸存活介鱗縱得二千
石之良終成狼狽豈其庸謬堪此奉承伏遇陛下政
在養民仁不遺遠雖蓬髮雪皤之戎萬里軫憂與長
安日近之州同時並命重念和義濮庸之路未正紹
詞教錄 卷之五 三

興替置之名三年美印而印刻四華代庖而庖錫歛
亮刑例不待張詠薦李旼之來拔滯振淹蓋法藝祖
任王明之意臣敢不謹身率物節用愛人且飲水食
檠以自將勿為義疚儻求芻與牧而不得甘罪奚歸

詞教錄卷之五終

詞致錄卷之六

進奏門四

表類

謝表下

內召

謝宣召入學士院備顧問表

宋真德秀

來從南服未宣民叛之勞召寘北扉猥被宸綸之寵
先生里巷榮動簪紳切觀列聖之用人惟待詞臣而
加禮益於言語文章之外責其論思獻納之忠或雖

詞致錄

卷之六

乙

忤旨而暫間終必棄瑕而復用脩除翰院在環滁出
守之餘載侍禁庭亦赤壁歸來之際加歲月則其文
老涉變患則其慮長乃登邃嚴以備顧問如臣者才
華弗競顛拙自將掌先皇帝內制者六年每慙越俎
迨陛下初元之再命竟許循墻以驅馳州縣之頻且
放廢山林之久見聞寢少藝業益荒結茅屋於雲邊
以甘終老瞻玉堂於天上若隔前生敢云白首之重
來誤辱清衷之親簡獲玷久虛之選幾成三入之榮
恭遇陛下肆筆成文解紱更化志孚群聽欲下山東
之書念在邊陲或訪河西之事必有端良之彥以充



供奉之班奚取臣愚俾承人乏臣敢不益堅晚節思
荅隆知賜宮錦而嘉草詔之猥雖非敢望即金鏡而
摘任賢之要知所自新

加職

車駕西巡授通議大夫謝表

唐李嶠

榮過望表慶溢身涯荷寵祇恩蹈冰臨谷臣某鸞雀
之羽謝於飛翻蟬蛸之衣慙於忝竊屬秦人望幸虞
帝卜征萬騎時巡不陪遊於渭北四關留鎮獨延款
於周南劬勞異羈勒之臣寵渥均廟堂之士燕谿弱

詞致錄

卷之六

二

忝分隔於陽和楚塞輕茅遂承於雨露仰平分而載
躍撫留滯而成歡惠重丘山徒深於抃舞身輕土壤
豈議於答酬

及第

謝狀元及第表代

宋汪藻

廣慶璇源幸備維城之列陞榮桂籍俄先入彀之英
廣陞臚傳諸儒環視共欣千載之嘉會親值一人之
至公嘗謂朝廷設科目以致英豪學者用文章而取
富貴自古布衣之士有終身鉛槧之間既登鴈塔之
標題至比龍門之變化豈有恩隆於帝胃更令名玷

於賢書班聯玉笋之華光動金枝之秀由聖德曲成於大小視人材無間於親疎慮汨沒於膏粱特甄陶於翰墨肆垂淵問猥及孱蹤仰漸聖化之深雖能僅綴俯揆天資之陋終愧無奇甫上奏篇還塵殊等鵬擊天潢之浪營遷帝苑之春伏遇陛下長育群才并包衆美謂秦之士賤由先王教養之衰方周以宗強宜近屬獎成之急倘不俯同於寒畯孰為自致於亨衢昔慚假寵於分茅今喜成名於拾芥繫君父義方之素致邦家儒術之尊臣敢不敦尚詩書勉思忠孝既與在庭之多士同值文興將令就傳之百男悉從詞教錄

卷之六

三

隗始

叙謫

叙復元官謝表

宋播芳大全

替言觸憲宜坐錮於終身慶澤流微乃悉還於舊牧幸逾始望恩出更生伏念臣昔綴周行嘗濟內直花軌晝日久承寧考之恩蒼梧暮雲忽洒茂陵之血屬際飛龍之運首叨馳驛之招念非忘身何以報國欲勉圖初政之助庶弗辱先皇之知而臣學泥古陳識乖時變無裒益之慷慨有汲黯之顛愚聖主非不受言臣自疎於開導國人皆以有罪上獨示以矜容第

貶潮陽之八千僅奪駢邑之三百出畫如孟子豈懷悻悻之私在畝若劉生徒抱拳拳之意雖欲竭私而自效猶虞復玷于孔艱遽頒紫詔之新盡藻丹書之舊秩仍元士班視通臣蘭館珍臺愧苟庶於康祿釣天廣樂恍如侍於成顏人皆謂榮臣獨知懼伏遇陛下聰明天縱聖敬日躋方東朝丕衍於修齡而南面躬臨於曠典導民以教既洽四海之歡與物為春恐視一隅之泣什羈縻於幽室返逐客於困山爰及顯蒙亦皆牽復臣敢不淬磨宿志洗滌曩愆犬馬之養無他惟薦愛君之義江湖之身雖遠敢忘在闕之心詞教錄

卷之六

四

起復知府謝表

宋方岳

緣墨臨戎事非曩典詔泥假守情駭誤恩幸生孝治之朝敢干名教之罪三綱所繫九頓以辭伏念臣本自諸生粗聞大訓金革之事無辟其如禮何血氣之屬有知矧伊人矣父慨隙駒之過相傳胡馬之驚時則師友責之以急難重以軍旅諉之於憂患力戰峴山之北載驅淮浦之東蓋嘗揆之此心已不容於清議然猶曰王事之孔棘亦奚忍於私親之獨懷匪以謀身庶其藉口乃班匠簿付以州麾登堂而宣上德音孰為教化下車而問民疾苦自愧簡書豈惟不肖

之於見非有識之士言觀忠孝恐累聖朝伏望陛下
篤念倫誼脩人紀念臣報親之日短難勝風木之
悲哀臣事國之時長未憾桑榆之晚母嫌反汗何容
轉圖變禮豈盛世之常第深感歎終制誠聖王之則
別効奔馳

叙復

謝出籍表

宋李昭玘

滌瑕蕩穢共承雨露之霑濡振衣彈冠莫知手足之
疥癩追惟前日感涕厚恩念臣生也有時仕而無學
智識非遠議論甚卑每慚事往而知非不悟才疎而

詞教錄

卷之六

五

多累兩干吏議三司官祠汗額不可以適河循叨泰
養弊惟或堪於累馬未即棄指間者上帝降康天祇
薦瑞備成寶刻均福蒸民敢期負累之餘生亦預寬
名於載籍伏遇陛下愛人無已視物如傷賞罰之公
時乃天道予奪之節本於人情謂法以示懲既已屢
更其歲月過而必改誰將自棄於君親尚示涵蒙一
從滿拭而臣計功無取臨悔良多載首始終莫酬萬
一蓋嘗喻父老以戴上之美意教子弟以事君之小
心長歌天保之六章百拜封人之三祝雲天在望俾
知傾日以為心溝壑未填尚冀殺身而報國祇敷誠

惻莫馨名言

賜詔

乞官祠不允賜詔慰勞謝表

宋張守

嬰疾病之支離額天有請拜訓詞之溫厚躋地難勝
恩未熟而技窮感既深而悚隕伏念臣一違軒陛遽
閱三秋數奉絲綸連收兩郡宣布中和之政拊循凋
瘵之民期德意之遐孚豈勞心之敢憚久纏羸疾竄
身已類清漳不任劇煩卧閣殆同東海深虞瘵曠遂
露忱誠非敢專圖安便之私實恐上誤使令之意未
蒙賜可更假褒榮伏遇陛下德大包荒仁深念舊以
膏承乏於帷幄或可借重於藩垣故雖衰遲不忍稍
棄報乏暮年之政宜即譴訶賜均一札之書猥叨勞
勉倘未先於溝壑誓仰荅於乾坤

官祠 侍養

謝宮觀表

宋張守

引分投閑寔緣衰病額天得請仰沐慈憐名參祕殿
之清職在真祠之秩拜恩優渥撫已兢漸伏念臣稟
性至愚謀身甚拙早從言責寢冒庸知初無借筋之
游談遍歷高華之妙選得時則駕豈知富貴之危機

直道而行竊慕聖賢之往躅奚經綸之小補積尸素
之深憂况迫衰殘父妨賢路輒伸悃悃屢噴宸旒感
荷天明不違人欲許辭榮於禁地俾就祿於祠庭雖
三徑已荒無復鄉閭之舊業而一點可樂終為聖世
之逸民伏遇陛下體徧物之堯仁懋勤邦之禹績肅
收群策宏濟多艱於小大之臣各極其器能而進退
之禮曲全於體貌遂令孤藐終獲便安繫天蓋地容
莫報君親之賜雖山深林密敢忘獻款之忠

謝許侍養表

宋胡安國

滌懇計私自投誠於君父蒙恩賜可獲供職於庭聞
制數錄

卷之六

七

仰報矜憐惟知拜舞伏念臣未能自信何所取材濫
陪入穀之英徒急抱關之祿先陰荏苒踪跡飄零膳
羞多闕於旨甘晨夕少諧於定省祗膺嚴命感激惠
衷叱馭戒塗憂寢碧雞之佳境牽衣結戀徘徊鳥鳥
之深情矧當嘉懼之年深計短長之日臣而留令無
所逃誅子或委親亦將安用况鮮友恭之助已驚血
氣之衰因露悃悃冒干旋床幸逃嚴譴仰奉俞音伏
遇陛下孝通神明德配高厚崇八行之舉於以明倫
凡一物之微悉皆得所俯念服勤之請俾安養之
方施等丘山命輕草芥臣敢不謹當盡心

為仁羞菽水以致歡餓體膚而弗悔學如未至更殫
早夜之思忠或可移終有糜捐之地

肆赦

謝赦表

宋陸游

宣布仁恩發揚孝治觀人心之鼓舞知天意之協從
恭惟陛下躬舜禹之資履曾閔之行損又損而至道
老吾老以及人一日三朝雖極寧親之大養四方萬
里尚憂庶獄之亡辜內廣惠心旁流霈澤雨露所被
囹圄一空臣適以守藩恭聞孚號雖與民欣戴如瞻
咫尺之天然受命禱祈實勞方寸之地

謝致錄

卷之六

八

錫賚

謝賜御製孔門七十二賢贊表

宋魏良臣

奎畫文章丕顯杏壇之至教牙籤玉軸蔚為津水之
榮觀偉此道之興崇振斯文而烜赫三熏拜賜十襲
秘藏竊以之聖素王雖一時之窮厄立言垂訓實萬
世之宗師受其義者三千速而肖者七十類升堂而
入室咸附翼以攀鱗自昔流傳見史臣之稱替於今
特盛仰聖作以褒揚如聞魯國之絃歌恍若孔門之
問答榮龍光之所被覺廟貌以增輝普頒惠於儒宮

用開明於士類伏遇陛下多能天縱盛德日新當萬
幾之盛間採六經之奧旨發為露藻迥超兩漢之文
親洒宸毫高出二王之法恢張吾道竦動多方臣猥
以諸生欽承寵錫潛心熟讀真同義易之重交盟手
披觀下陋唐宗之三絕

謝賜御書孟子表

宋范端臣

蘊奧之義默契於淵衷昭回之文發揮乎宸翰分頒
有寵拜賜惟寅竊以戰國縱橫衆言淆亂乃篤生於
亞聖以丕振於醇風闢楊墨之功不在禹下非堯舜
之道不陳王前著為一經垂之萬世伏遇陛下救戈

詞教錄

卷之六

九

講藝肆筆成書既深造於七篇復妙臻乎八法寫之
琬琰炳茲丹青鳳翥翔載出河圖之畫金聲玉振
復傳洛誦之文臣猥被鴻私親瞻康藻樂與諸生之
講習益昭治世之昇平

謝賜御書張九齡千秋金鑑錄故事表

宋真德秀

節值千秋輒獻芻蕘之論恩頒一札獲瞻奎壁之光
俯拜雞勝襲藏有耀伏念臣慚無寸技幸際兩朝昔
瑞慶方臨嘗豫陳永命之戒今天基有屆敬復摠曼
壽之言蓋謂錦囊效貢之徒動不若丹宸獻歲之有

補經帷入侍天語垂褒觀悵悵進說之辭真懽懽愛
君之意既下軒墀之拜甫還蓬蓬之居賜雲章一入
類幾邇英之故事上金鏡五卷有懷開元之諍臣不
圖螻蟻之微驟覩龍鸞之妙恭遇陛下性全淵懿學
懋緝熙博攷舊聞審萬古忠邪之判緬懷遺直係一
時治亂之分爰灑宸毫以勵臣節臣猥繇愚拙誤沐
褒嘉百祿是宜敢第述高頌降生之瑞三宗可法願
益遵周書無逸之規

為李僕射謝聖製政刑箴表

唐崔位

詞教錄

卷之六

十

天文昭回八表皆燭康藻稽古六經不刊伏惟陛下
致理和平躋人壽域循懷兢業重設箴規酌裁成立
政之中求司牧措刑之本信成康之能事蓋堯禹之
用心可以萬邦作孚千載垂範金石不朽日月俱懸
爰自繩契已還歷選列辟憲章代有詞義罕攻湯製
局促於盤銘虞歌淡泊於琴曲橫汾乃縱賞之事黃
竹匪勸誠之文其餘流薄國風漂淪樂府典謨雅誥
寂蔑無聞曷若先啓格言昭融至道動萬機於一日
二日之盛德於先天後天長垂四目之明詎假百官
之獻臣職惟方鎮宗祧葭莩成誦已在於丹心述宣

願播於青史

謝賜戒石銘表

宋張全真

陛記勒銘夙仰祖宗之猷訓難車

所郡邑之

觀瞻跪受以還兢榮罔踰恭惟太宗皇帝

統一寰區屬四方新脫於干戈期百執恪遵於軌度

肆頒聖製用謹官箴炳若丹青揭訟廷而威觀焉諸

琬琰垂永世之不渝吏有勸懲人亦康乂閱歲華之

滋久致肅藻之弗宣有懷在位之苟媮深軫斯民之

困敝得故臣之遺墨見上聖之宏規爰廣勸宣親加

贊述大書深刻燦然盤鼎之文俯玩仰思疎若常弦

勅教錄

卷之六

十一

之佩伏遇陛下寬仁厚下勤儉保邦率由舊章紹復

大業何必官刑之儆自然民瘼之除紫詔相輝陋漢

皇之一札黃堂增煥配章聖之七條臣父遠清光猷

叨重寄惕然拜賜曾無咫尺之違賴何以酬恩尚勉

期年之報政

謝手詔表

唐崔沔

拜捧紫泥跪伸金簡承旨見聖神之畧忘恩知身命

之輕臣素乏異能幸逢昌運猥當帥鉞之寄未靖妖

氛榮分台鼎之名何階庶沃竊位斯久速尤是虞豈

謂玄化曲成鴻私荐及特紆睿思親臨仙毫降旨九

天粲然五色紛喜麗天之象遠燭輝光旋驚垂露之
蹤曲覃霈澤鸞鶴迴翔而變態煙雲舒卷以呈姿賦
彩飛空澤神蕩目恭惟國寶何幸家藏威極涉夢莫
知上答

謝賜曆日表

宋陸游

春秋以王而次春至顯體元之妙閏月定時而成歲

適當頒曆之辰治象一新歡聲四溢恭惟陛下道兼

倫制化被堪輿念王業之艱難每急農桑之務察天

心之仁愛尤深水旱之憂誠意既孚嘉生並應呼嵩

高之萬歲幸觀昌期陳泰階之六符不勝大願

詞教錄

卷之六

十一

謝東宮賜裘表

梁簡文帝

降斯止謗垂茲信服物華雉毳名高鸞羽才慚齊相

受白狐之飾德謝漢蕃均黑貂之賜地卷翔風庭流

花雪裙生惠氣袖起陽春荷澤知慚瞻恩興戀

謝賜冬衣表

文苑英華

出笥分珍在廷均賜方此御冬之始俱懷挾纊之溫

伏遇陛下子視庶民天臨群下遇之有禮俾知臣節

之恭豈曰無衣獨覺君恩之重臣等敢不力圖其報

仰稱所蒙惟公爾以忘私庶服之而無歉

謝賚扇表

梁簡文帝

文均析縷香發海檀肅肅清風即令象簾非貴依依
散彩便覺夏室含霜飲露青蜩應三伏之修景群飛
黃雀送六月之南風蔽日垂陰薰澤慚承涼涼
蘋末愧吹聖人造物俯萃庸薄王府好玩之恩于茲
下被頂戴曲私伏增歡躍

謝賜玉帶代嗣秀王表

宋播芳大全

璿源衍慶猥超裂地之封璿陞分珍濫沐通天之渥
焜煌下照偃僂難勝切以寶王之展于親允嚴國典
盤薦之昭其數莫重身章緬攷青編無如蒼籙麟經
紀傳夏璿特昇於魯公馬史垂芳衛寶併貽於康叔

詞教錄

卷之六

十三

雖修瑰奇之賜未聞佩服之華疇若熙朝誕加殊寵
如臣者瑣才如綫鑪質多瑕翠琬颺微綴洪支於錦
帙黃金襲印真構李以苴茅外洽溫如之仁內積悻
号之驚切磋無玷愧洪喬之文章被服有儀謝河間
之儒雅敢叨異數誤逮微蹤分一札於中宸璽書璫
燦出萬釘於內府璿彩陸離鼎圭璧之輝貴及砥
砢之陋恩光有爛絢寧王玄圃之明屬籍本踈邁衛
公千闥之賜締觀虹璞深覲鵷梁恭惟陛下鎮栗薦
親粹溫睦族宗族追琢俱粲然其可觀磐石藩維豈
垂之而如隊種西崑之羣玉表東平之十圖昌榮

綬之傳照映翠綵之飾獨羞驚鈍上玷龍光臣敢不
靡厲一心戰兢三褫韞而藏諸匱賈徒褒褒之榮束
以立於朝敢替書紳之戒

謝賜衣帶鞍馬表

宋呂午

惟笥分珍爰飾精鏤之煥在朝駉駉更須沃鬱之華
恩寵薦加辱愚曷稱伏念臣學素無補希驥未能州
縣徒勞第戒繭絲之刺功名寢晚敢貽輶輅之譏頃
沐聖知荐汚朝著其謂真除於近列更蒙例賜於瑰
奇安且吉号表致身於官服非敢後也使策足於榮
途耿然庸虛冒錫寵渥恭遇陛下垂裳御統市駿求

詞教錄

卷之六

十四

才好賢如緇衣深念敝予之意臨民若朽索洞明駉
下之方丕赫寵靈有華衰晚臣敢不掃除溫飽之志
鞭策驚鈍之資束以立朝要使可言於賓客縱而之
道或知有補於驅馳

御劄戒不許進兵謝賜金器表

宋方岳

錫宸奎於璿札備極丁寧出御府之珍奩更加申錫
于以軫憂邊瑣予以增重帥藩祇誦堯言曷勝周賚
伏念臣早賴先臣之忠教遭際上聖之殊知適當亡
胡之初凜有鄰韃之懼比連衡於襄相欲進拒於謹

關一臂不隨班征苗之師而憾無及衆口可鑠銘
成之罪而死有餘惟炳然丹許國之秉嘆老矣
時之髮秋防又逼夜寐靡遑用動雲漢之章傲備
寒之虞天子明見萬里訓辭切中於事機有道守在
四夷經理實關於世運夫何遭遇重以匪頒茲蓋恭
遇陛下以造化爲心以天下爲度糾糾雄斷不昭對
璽之恩洋洋聖謨密授鉞金之畧永成出綽寧勿書
紳臣謹當奉以周旋務爲持重不謂進無進敢尚思
固圉之謀置諸安則安忽忘賜鼎之重

爲田神玉謝茶表

唐韓翃

詞歌錄

卷之六

十五

聖慈曲被戴荷無階其智謝理戎功勲蓋冠前恩未
報厚賜仍加念以炎蒸恤其暴露榮分紫笋寵降朱
宮味足蠲邪助其正直香堪愈病沃以勤勞飲德相
歡撫心是荷前朝饗士往典犒軍皆是循常非聞特
達顧惟荷幸忽被殊私吳主禮賢方聞置茗晉臣愛
客纔有分茶豈如澤被三軍仁加十乘以欣以忭感
戴無階

代謝賜銀合蠟藥表

宋李劉

細書賜郡正臨大蜡之辰上藥放庭就賁中金之器
拜承恩旨頓失寒顏伏念臣僻守蠻荆馳心象魏賜

金所以褒循吏愧治狀之蔑如和藥所以活功臣慙
行能之無有歲忽忽而道盡皇剡剡以揚靈珍劑芬
馨似出蓬萊之品鏐奩焜耀有光蘭菊之華伏遇陛
下加惠舊臣寵華遠服念長陽之濕河魚之疾柰何
飲上池之清麓駒之病起矣臣仰體好生之德誓殫
盡瘁之年

謝賜夏藥表

宋劉克莊

間寄無功載履交衡之序驛馳有詔肆頒尚藥之珍
稽首拜嘉寸心知愧伏念臣初無遠畧誤總中樞卧
護壺頭敢廢隨窩之數躬馳塞上粗親汗馬之勞曲
詢歌錄

卷之六

十六

荷淵衷俯稽暑令奎章節宣之劑璽封披拂之言伏
遇陛下丕赫軍容密延國脉謂連營暴露久分邊面
之憂雖廣內高寒尚軫人間之熱故加錫子用示眷
憐臣敢不祗服寵榮力扶衰懦上推德意同戰士之
苦甘不廣仁風問蒼生之蘇息

謝紹興府行宮賜本府充治所表

宋張守

六飛回馭想清蹕之餘音一札疏榮達黃堂之舊觀
吏民交慶屏翰增嚴竊以總帥七州提封八縣聰事
所在相攸允宜鑑水環城奠禹巡之沃壤龍山負海

而秦望之奇峰會逢輦轂之駐留煥發湖山之深秀
建於法駕實擬陪都屬行殿之久虛秦守臣之僑寓
乃指管鑰以重藩維家在樓臺真踐詩人之勝載森
兵衛稍知州將之雄居靡敢安恩豈無自伏遇陛下
屬精以復境土布德以綏邇遐俯稽晉文桑下之言
懷安是懼遠跡漢高馬上之累暴露靡辭復矜群下
之宣勞惟恐一夫之失所方書下下之考遽享潭潭
之居廣廈千間已免震凌之患土階三尺尚存簡素
之風忝帷幄之舊臣拜幃幃之新寵一日必葺敢忘
前哲之規四方于宣期壯輔藩之勢

詞教錄

卷之六

十七

陳乞表

為王儀同致仕表

梁徐陵

尺波歸海恒歎不居爝火為薪循恐假續况復星迴
日薄通人有乞老之言鐘鳴漏盡前史有夜行之誠
五陵呂族家傳軒冕四姓卿侯榮由恩澤雖虛名靡
實世官非才而年力方彊不能辭退今三元肇慶六
呂司春得奉萬壽之盃豫察百辟之禮便釋朝衣謹
遵初服方同孔光之杖載遊戶庭廣德之車方懸私
館

為殿中監趙元楷乞致仕表

詞教錄

卷之六

十八

唐上官儀

高年致政前徵之彛準仲秋授杖縣載之通規正以
制逮乎桑榆愴陰於鐘漏臣顧惟菲陋輪轅無所瞻
言賓席高謝等夷茲仕之初不期通顯干祿所望抑
在代耕初以生涯多乖屬奉昌數仁被草木德泊昆
蟲獎飭曲流豐恩謗洽言揚德舉內視缺然比彛參
賢載離滋永至姬駿長驅奉玄池之廣宴如龍避鷺
陪樂野之宣遊塵露罕稱榮恩異甚捫躬覲忤罔瀝
心顏既而二膳在辰懸輿甫及光華云徂聖造方深
蒲柳行秋朽材知止勝西羌而厠勇惟東都而自收

伏請褰帶彤闌歸骸素里挹清風於國讓追盛範於
陽元効鈞璫於渭濱類飛星於河渚是知疲駭解馭
蘇金根而不歸衽席惺惺去青蒲而方遠望軒屏而
徘徊仰煙霄而耿戀

為王左相乞致仕表

唐李嶠

愚叨頻薦心隨言盡肅旨彌隆禮以恩酬因辭則成
命有廢勉進則私情不堪惟此憂惶坐交冰炭臣志
均驚馬知春戀於軒檻生比蟠木懼零落於風霜思
十駕之驅馳迫四時之代序辭稻梁之惠寧是宿心
乞桑榆之年但緣量力昔者主父未達常健羨於陳
詞數錄

卷之六

十九

昂孔丘遭難每慙勤於執鞭或排擯於中朝乍栖遑
於列國况臣叨恩竊幸非待營求尸祿効官不假才
優游之寵官陳辭抗疏循耿介之名節直以頽齡向
盡衰疹愈加二首六身甲子催其歲月百骸九竅寒
濕煎其骨髓無仙童之却老有災暨之侵年志力昏
沉精神耗竭心已迷於方寸日久暗於玄黃鳩杖扶
危且猶不逮鵲池養望孰云非罪竊畏衆多之口顧
思庸短之累昔之少壯猶不如人今也耄期詎堪經
國是用披肝踏地拜手祈天方登月制之辰庶免夜

行之咎言非飾請理實誠陳陛下厚眷殊私尚留陪
於簪履老臣餘喘微息終絕望於軒墀空荷不貲之
恩實無自強之地伏望俯矜疲劣微賜含光免其折
昂之憂假以懸車之樂倘殘骸未殞尚餘齒不遺猶
望俎豆几筵接虞庠之庶老歲時朔望陪周行之末
班更得拜奉宮闈瞻親日月則生涯兼足死將不朽
伏竭廬而獻款仰龍關而翹魂心往形留揆簡增欵
觀文殿學士知亳州乞致仕第三表

宋歐陽脩

竊稽典禮退止一辭上黜庸慈臣今三請雖未忍棄
詞數錄

卷之六

二十

捐之意曲煩再論以丁寧而不勝迫切之誠尚冀終
蒙於開可伏念臣稟生至陋力學不強徒以累誦仁
義之言粗知廉恥之節早緣一藝擢自諸生智非先
見之明材無適用之敏但知報國不敢謀身惟枉尋
直尺之不為故圓鑿方枘而難合以至被侵陵於群
小遭詆毀之百端而臣忍辱強顏踰時歷歲蓋思責
任之方重顧於去就而難輕今者幸蒙寬恩獲保孤
拙脫於死地優以便藩既無功於勤勞徒坐尸於寵
祿加以艱危備歷憂患无多老將疾以借乘形與神
而盡瘁昔而少健黔驢之技已殫今也病衰駕馬之

力難強始露肺肝之懇乞收骸骨而歸迹臣前後之心可見遲徊之久不敢為於妄舉蓋幸冀於必從伏望陛下推天地之仁垂日月之照察臣既非狗彘以肆一朝之忿又非矯激而希高世之名本由多難之餘誠以不能而止矜其朽僊賜以哀憐許上印章退居田里使病瘠腫盡爾天年斤鷄逍遙遂其物性幸克成於素志惟仰賴於鴻私

乞致仕表

宋蘇軾

七十致仕國有舊章再三上聞情非虛飾臣早塵顯仕才本空疎晚依至道心存止足年方未及亟請開

詞教錄

卷之六

廿一

官老即當休懇求謝事陛下矜憐耆舊特屈典常紳帶賜名坐臨仙館臣眷戀德澤難於固辭勉強衰遲領此深春空糜厚祿已復三年仰愧朝廷俯慚朋友敢緣禮律之舊力丐筋骸之餘蓋陛下欲優容老臣而臣之蒙賜已久臣將畏避滿溢而陛下之流澤愈多誠恐一朝溝壑之虞遂有終身負乘之耻逮此未老得以自陳伏惟陛下成物如天愛人以德君臣之際非獨以爵祿養為恩進退之間固將以名節始終為意誠使臣得退伏閭里歌詠聖時行葦無牛羊之憂蒲柳免風霜之患則私心自得國體兼存區區

惓誠實冀得請

乞官觀表

宋司馬光

竊以不能者止益量力以効忠有疾則辭豈愛身而避事輒殫惓惓上竄高明伏念臣學古迂疎受材淺薄惟不欺而行已豈有志於濟時徒以辱先朝過聽之知荷陛下非常之眷越從散地擢處近司雖智力之已窮諒毫分之無補屬嬰衰疾累涉旬時沉綿幾及於膏肓羸瘦僅存於皮骨桑榆向暮藥物難瘳未知朝謁之何期唯恐顛隕之無日千錢賦祿豈高卧而可當三事列居非養病之所處夙宵興念怵惕匪

詞教錄

卷之六

廿三

寧何待人言固當自省伏望陛下仁深惻隱明燭幽微曲成萬物之宜不奪一夫之守使其全進退之義察其無矯激之心早賜允俞俾遂安養伏乞令臣官觀差遣一任下情上達必冀於感通人欲天從終期於得請

章類

建平王慶少帝登祚章

齊江淹

伏承肇嗣天震雲飛璿極戎夏歸服民靈以戴臣聞
黃旗紆藻瑞益於姬帝紫雲垂蓋效異於劉后實乃
深賜天衷廣映祇迹伏惟陛下騫英駕聖誼靈經睿
矩心明裁繩道詰時遙商維符雜沓河紀是以膺符
寶宮輯命珍殿誼洗雲密德微矯夏睿發鴻原長禘
業緯方絢聲金圖騰華玉曆波淪下岷炎躔上漢臣
公等締寵誠兼親屏禮升之日守官楚甸不獲勉躬
儲外奉顯行間魂泣江郊心泣京國

詞教錄

卷之六

七

建平王拜右衛將軍荊州刺史章

齊江淹

珪冊停徽車旗寫曜龍禮炫衷迎恩震色臣聞爵以
能委命以績降亦有玄雲結吹褒成燠之厚朱箱累
轍崇試宰之高而臣組組頒守要玉備政績廢江區
聲隘河部浮榮曠年叨光賒日諒以具察與歌取鏡
民誥不悟皇德至凝亭物帷幄復使承官楚封祇秩
漳土任班河冀事亞嶠陝橫術輻湊殷氓訟積寧曰
明哲疇克勝寄雖歷丹局終懼蒙咎

為安陸王謝荊州章

梁沈約

臣託景宸區早延休寵身班帝穆爵首藩圭好禮慙
河敦詩愧楚懸旆出闕徒違絳闕擬金入濟識謝茂
麾而照臨彌廣復叨匪服紀南形勝任總上游西緒
岷邛北維嶠陝六轡在手循茲稱難群牧稟威茲道
孰易是以攄情陸白布款帷垂霄塗嚴遠事隔披照
腆冒斯賴膺此謬荷祗奉兢據罔知攸託

詞教錄

卷之六

十四

狀類

謝弟縉授左散騎常侍狀 唐王維

臣之兄弟皆迫桑榆每至一別恐難再見匪躬之節誠不顧家臨老之年實悲遠道陛下均平布政中外逋遷尚錄前榮仍收舊齒使備顧問載珥貂蟬趨侍玉墀從容瑣闥不材之木附萼聯芳斷行之鴈飛鳴接翼自天之命特出宸衷塗地之心難酬聖造不勝戴荷祗切兢惶

謝授京兆府戶曹參軍翰林學士狀

唐白居易

詞教錄

卷之六

其

俯僂拜恩怵惕受命戰越踟躕驚惶失容蹈舞屏營不知所據叨居近職已涉四年自顧庸昧無俾明聖塵泰歲久憂慙日深況於官祿之間豈敢有所選擇但以位卑俸薄家貧親老養闕甘馨之費病乏藥石之資人子之心有所不足昨蒙聖念雖許陳情敢望天慈遽從所欲官望雖小俸料則優臣今得之勝登貴位此皆皇明俯察玄造曲成念臣為子之心賜臣及親之祿臣所以撫心知愧因事吐誠烏鳥私情得盡歡於展養犬馬微力誓效死以酬恩榮幸不止於一身感戴實深於萬品

謝宣召入學士院狀

宋蘇軾

使星下燭生蓬華之光華天澤旁流失桑榆之枯槁國有用儒之盛士知稽古之榮伏以翰墨之林號稱內相文章之外不取他才至於用人可以觀政文武並用或成頗牧之功邪正雜居至又之患惟貴且近故難其人而況金鑒玉堂親初為之密北歷東閭獨稱年德之高必有異人以齊衆口而臣本緣衰病出守江湖以一步凋敝之餘當二年水潦之厄戴星而治僅免流離及此而還恍如夢寐交親迎勞都邑聚觀驚華髮之半空笑丹心之未折宜投閒散

詞教錄

卷之六

其

宣召入學士院謝皇太后狀

宋蘇軾

衰遲無用寵既溢於當年眷待有加恩復隆於晚節使華臨賁天語丁寧偉里巷之驚觀歎朝廷之用舊

伏以禁林分直法本六人帝語親承舊惟一老不緣
名次之先後斷自上前之簡求冠內朝供奉之班極
儒者遭逢之盛凡膺此選宜得異材而以愚忠
累塵器使初無已試之效但有過實之名千里賜庭
二年江海憂深投杼豈無三至之言詔復賜環不特
一人之譽伏遇皇太后陛下道無私載公生至明以
七年之照臨觀群臣之邪正知臣剛偏自用雖有寬
饒之狂察臣招麾不移庶幾長孺之守故還舊物益
茂新恩臣敢不早夜以思死生不易雖桑榆之景已
迫殘年而犬馬之心猶思後效

詞致錄

卷之六

七

為蕭相謝賜太夫人國號告身狀

唐元稹

恩光灼耀捧戴兢惶對揚天休無任戰越臣家
素母實劬勞每織履以資宦遊嘗斷機以勉師
念臣庸昧本望非高所希捧檄之榮敢萌開國之
下恩加望外簡自宸衷石窌封疆已光於萬葉
文字重降於九重朝野謂之殊私宗族以之榮
將齊戒洗心永奉真人之誥絨膝在筭深藏太
符寶過金籙瑞同鵲印夢蕭知感雨露難耐
謝除兵部尚書賜對衣金帶馬狀

勝服在躬無復曳婁之歎名駒出廐遂忘奔走之勞
施重丘山身輕毫末伏念少賤而鄙性朴少文衣敝
絰袍未嘗有耻乘款段馬自以為安豈意晚年屢膺
此寵伏遇陛下紹隆景命總攬群英無競維人勢已
加於九鼎惟德其物恩有重於千金敢不上體眷懷
勉思報稱贈繞朝之策愧不能謀振屈原之衣期於
自贖

賜對衣金帶馬謝皇太后狀

宋蘇軾

詞致錄

卷之六

八

出笥之珍以旌有德在駟之駟豈及無功而首尾四
年叨塵三錫省躬內灼服寵汗流恭惟太皇太后陛下
下慈儉自居龍光四達德被海宇豈惟一襲之衣恩
結華夷何止十圍之帶群賢在馭六轡自調而臣頃
以衰羸止求安便奉宣德意庶幾五袴之誼收欽壯
心無復千里之志更期力報有愧空言

為榮陽公端午謝賜物狀

唐李商隱

伏以五神定位祝融司長養之功六律鈞和挺實有
酬酢之義故節推戴禮日著漢儀彼艾人遠具於歲
時角黍近標於風土乃耆舊傳聞之末亦君親慶賜

之原伏惟陛下克協樂章允符時訓恩霑近戚惠浹元僚守介蠻圻程遙鳳闕敢希瘴嶠特降乾文輕綳染衣真金備器海綃掩麗渠盤藏玕拜受若驚跪捧如失嘗衣國僑之紵被服多慙久携賴氏之歡捧持未慣當畫而不假交扇向日而唯宜飲冰况又將以朱絲繁諸畫軸用襍故烝蕪經歿爰自微臣願諸校翰躬被寵全踰錫帶之榮觀物傳輝實動請綬之思唯當仰承帝力粗舉藩條誓相率於明時庶同登於壽域

進農書狀

唐柳宗元

詞教錄

卷之六

九

平秩東作虞書之制倣載南畝周雅垂文此皆奉天時以授人盡地利而豐食自陛下惟新令節益厲農功既立典於可傳每陳書而作則耕鑿之利敷帝力於嘉謨稼穡之難動天心於睿覽勤勞率下超邁古先凡在率土不勝幸甚

進兩制三館牡丹歌詩狀

宋晏殊

化合天人祥開卉木協風靈雨散為膏壤之滋共蒂并柯布在密青之囿畫品難形於卓異瑞圖不盡於芳妍乃詔儒臣各摘華藻匪太平之特盛豈榮遇之及茲昔者虞舜膺期有臯陶之賡載周宣繼業聞吉

甫之誦章蓋點相以謨猷不專攻於辭翰迨于漢室尤好藝文別館離宮多命從臣之制作倡優鄭衛已無前古之箴規中葉以還其風未泯若永平神雀之頌孝明稱羨者五人正元重九之篇德宗考第於三等並垂編簡式著熙隆洪惟聖運之會昌可繼重華之輝耀然於衆製未復前脩思諷諭者隱其誠而靡宣局聲律者艷其言而罕實不足以裨睿覽下達民情放明良超喜之音續雅頌清微之範始用登高而能賦庶幾博奕之猶賢罔叶精工豈任多愧臣猥當庸濫實玷恩華興寤以思覲惶無極

詞教錄

卷之六

十

進瓷器狀

唐柳宗元

藝精埏埴制合規模稟至德之陶蒸自無苦窳合太和以融結克保堅貞且無瓦釜之鳴是稱土錮之德器慙瑚璉貢異器丹既尚質而為先亦無當而有用進貢扶風地得金盞甕子狀

唐于公異

輒令瑩拭非是常珍宜在昇聞輒敢上獻陰陽造化神妙潛功群生既偶於昌期靈貺豈私於聖德伏惟陛下化通玄默躬贊昇平神功所以服不庭大孝昭以尊清廟故天惟儲慶雲物表瑞於非煙地不韞珍

寶王騰光於內府陛下弘至道爰紀殊祥仰聖德而彌高在天心而難讓至如此寶安敢無言觀其形製標奇非一時之物精輝旁射逾百鍊之珍臣比擬他金光芒獨映求之故事未或前聞表孝通誠美已彰於盈缶徵神錄異慶常美於化鈞况其賦質堅剛鑄形益尊膺大雅獻酬之用告太平歡樂之符時佇休明潛躍久同於瓦礫道合泰成器堪佐於鑄鑒况因封管而生似表微衷而獲儻從殊貨是更褒揚必取類於金堅至遂成於家寶期於銘刻傳在子孫長承聖主之恩使効微臣之節

詞教錄

卷之六

五

詞致錄卷之六終

詞致錄卷之七

進奏門五

議類

定宗廟樂議

唐許敬宗

臣聞七廟觀德義過於宗禋三祖在天式彰於嚴祀致敬之情允洽大孝之道克宣是以八佾具陳肅儀形於綴兆四縣備展被鴻徽於雅音著作樂之明義擇皇王之令典前聖所履莫大於茲伏惟陛下天縱威通率由宜極孝治昭懿光被於八埏受敬純深追崇於百世永言錫祚思弘頌聲鍾律華音播鏗鏘於詞教錄

卷之七

一

享薦羽籥成列申蹈厲於蒸嘗爰制典司加隆稱號循聲覈實敬聞尊名竊以皇靈滋慶濬源長委邁吞驚之生商軼擾龍之肇漢咸韜光於九二漸發迹於三分高祖紐地補天重張區宇返魂肉骨再造生靈恢恢帝圖與二儀而合大赫赫皇道共七曜以齊明雖復聖迹神功不可得而窺測經文緯武敢有寄於名言敬備樂章式昭彛範

臣聞立人建國莫尚於尊儒成俗化民必崇於教學
故東膠西序事隆乎三代環林璧水業成於兩京自
淳源既遠澆風以扇物之感人無窮人之遜物無節
是知施設訓範啟導心靈譬彼染藍類諸琢玉然後
人倫以正卑高有序忠孝之禮既明君臣之道攸固
執禮自塞魯公所以難侮歌樂已細鄭伯於前知亡
千戚舞而有苗至泮宮成而淮夷服長想洙泗之風
載懷淹積之盛有國有家莫不尚已梁太清季年數

詞教錄

卷之七

二

載否剝戎狄外侵姦回內曩朝振鼓聲夕焰烽火鴻
儒碩學解散甚於坑夷五典九丘湮滅逾於灰燼蓋
成均自斯墜業誓宗於是不脩褒成之詞不陳裸享
釋菜之禮無稱俎豆頌聲寂寞遂逾一紀後生敦悅
不見函丈之儀晚學鑽仰徒深倚席之歎陛下繼曆
馭統握錄臨寓道洽寰中威加無外濁流已清重氣
載廊舍生熙阜品庶咸亨宜其弘振禮樂建立庠序
式稽古典行迹儒官選公卿嗣子皆入於學助教傳
士朝夕講肄使擔簦負笈銚銚接祗方領矩步濟濟
成林如切如磋聞禮一年可以倍功三冬於是

足用故能擢秀桂州揚廷觀國入仕登朝資優學以
自輔蒞官從政有經業以治身輜駕列廷青紫拾地
古者王世子之貴猶與國子齒降及漢儲茲禮不墜
暨乎兩晉斯事彌隆蓋所以見師嚴而道尊者也皇
太子天縱生知無待審喻猶宜晦迹俯同傳經請業
莫爵前師肅若舊典昔闕里之堂草萊自闢舊宅之
內絲竹流音前聖遺烈深以相戒况復江表無虞海
外有截豈得不開闢大猷恢弘至道寧可使玄教儒
風弗興聖世盛德大業遂蘊堯年臣末學小生詞無
足算輕獻瞽言伏追悚汗

詞教錄

卷之七

三

上陸宣公奏議劄子

宋蘇軾

竊謂人臣之納忠譬如醫者之用藥藥雖進於醫手
方多傳於古人若已經效於世間不必皆從於已出
伏見唐宰相陸贄才本王佐學為帝師論深切於事
情言不離於道德智若子房而文則過辨如賈誼而
術不踈上以格君心之非下以通天下之志但其不
幸仕不遇時德宗以苛刻為能而贄諫之以忠厚德
宗以猜疑為術而贄勸之以推誠德宗好用兵而贄
以消兵為先德宗好聚財而贄以散財為急至於用人
聽言之法治邊馭將之方罪已以收人心改過以

應天道去小人以除民患惜名器以待有功如此之
流未易悉數可謂進苦口之藥石鍼害身之膏肓使
德宗盡用其言則正觀可得而復臣等每退有西閭
即私相告言以陛下聖明必喜贊議論但使聖賢之
相契即如臣主之同時昔馮唐論頗牧之賢則漢文
為之太息魏相條鼂董之對則孝宣以致中興若陛下
下能自得師莫若近取諸贊夫六經三史諸子百家
非無可觀皆足為治但聖言幽遠末學支離譬如山
海之崇深難以一二而推擇如贊之論開卷了然聚
古今之精英實治亂之龜鑑臣等欲取其奏議稍加
詞教錄 卷之七 四

校正繕寫進呈願陛下置之坐隅如見贊面反復熟
讀如聞贊言必能發聖性之高明成治功於歲月

致語類

秋宴教坊致語

宋王珪

高唐登秋羨繁盛之已報需雲命燕嘉飲食之維時
况寶曆之逢熙復皇居之乘豫樂與群臣之餞翁同
萬物之和恭惟陛下德邁前王仁敷中寓虎旗犀甲
編兵武庫之中桂海冰天獻賣彤墀之下邦有休符
之應民躋壽域之康候爽氣於重霄置清觴於別殿
下珍群之鵷鷺發和奏之笙鏞於時日上扶桑風生
闔闔度芝蓋於丹城降金輿於紫闥百獸咸和來舞
帝虞之樂群生遂性如登老氏之臺固已追平樂之
詞教錄 卷之七 五

勝遊掩栢梁之高會臣謬參法部獲望清光靡揆才
蕙敢進口號

集英殿春宴致語

宋蘇軾

人和則氣和故王道得而四時正今樂猶古樂故民
心悅而八音平幸此聖朝陶然化國飭三農於保介
維莫之春興五福於太平既醉以酒共惟陛下乘乾
有作出震無私憲章六聖之典謨斟酌百王之禮樂
天方祚於舜孝人已誦於堯言故得襄倫叙而水土
平北流軌道任人退而蠻夷服西旅在庭稍寬中昊
之憂一均湛露之澤方將麴蘖群賢而惡旨酒鼓吹

六藝而遠鄭聲雖白雪陽春莫致天顏之一笑而獻芹負日各盡野人之寸心臣猥以賤工叨塵法部幸獲望雲之喜敢陳擊壤之音

坤成節集英殿宴教坊致語

宋楊芳大

視履考祥既占裏月之夢對時育物必有繼天之功方大火之西流屬陰靈之既望帝於是日誕降仁人意使斯民咸歸壽域共慶千年之遇得生二聖之朝式宴示慈與民同樂恭惟陛下文思天縱睿哲生知力行禹湯之仁常恐一夫之不獲躬蹈曾閔之孝故

詞教錄

卷之七

六

得萬國之歡心恭惟皇太后陛下道契天人德超載籍知人則哲蓋帝堯之所難脩已安民雖虞舜其猶病風雲從而萬物覩日月照而四時行自然動植之咸安莫知天地之何力三宮交慶群后駿奔寶鄰通四牡之歡航海致重譯之賁洞庭九奏始識成池之音靈嶽三呼共獻後天之祝

小兒致語

功存社稷慶鍾高密之門澤及本支天胙太任之德候西風之入律藹瑞氣之盈庭嘉與四方同稱萬壽恭惟陛下文思稽古濬哲在躬日奉東朝之歡率用

家人之禮以謂慈儉之化無德而能名保佑之功如天之難報惟流傳於歌舞庶髮髯其儀刑且等雖在弱齡久陶孝治敢率垂髫之侶共陳振萬之儀

女弟子致語

塗山啟夏來王帛於萬邦摯仲興周祚本支於百世嘉辰共樂壯觀一新恭惟陛下舜孝自天堯仁浹物膺昊穹之成命席累聖之詒謀惟地勢坤永載無疆之德以天下養躬持脣樂之觴六樂在庭百工奏共妾等親逢盛旦獲望嚴宸藝雖愧於驚鴻心已先於儀鳳願陳舞綴上奉天顏

詞教錄

卷之十

七

集英殿秋宴教坊致語

宋蘇軾

天無言而四時成聖有作而萬物覩清淨自化雖仰則於帝心愷悌不回亦俛同於衆樂屬此九秋之候繁然萬寶之成吾王不游何以勞農而休老君子如喜則必大烹以養賢恭惟陛下孝通神明仁及草木行堯禹之大道守成康之小心華夷來同天地並應以謂福莫大於無事瑞曷加於有年南極呈祥候秋分而老人見西夷慕義涉派沙而天馬來嘉與臣工肅陳燕俎禮元侯於三夏諧庶尹於九成宣示御觴聳近臣之榮觀臚傳天語溢兩廡之歡聲臣等幸覩

昌辰叨塵法部採謠言於擊壤助矇眊之陳詩

小兒致語

天行有信正得秋而萬寶成君德無私日將旦而群陰伏清風應律廣樂在庭占歲事於金穰望天顏之玉粹沐浴膏澤詠歌昇平恭惟陛下天縱聰明日躋聖知無一物之失所得萬國之驩心雖擊壤之民固何知於帝力而後天之祝亦各抒於下情臣等幸以齠齔之年得居仁壽之域詠舞雩於沂水久樂聖時唱銅鞮於漢濱空慙俚曲願陳舞綴少奉宸歡

女弟子致語

詞數錄

卷之七

八

鈞天廣樂空傳帝所之游閭闔清風理絕庶人之共夫何僊異迥塵凡仰瞻八采之威自慶千齡之運恭惟陛下軋健而粹離明而文規摹六聖之心人將自化儀刑文母之德天且不違樂茲大有之年申以示慈之會虞韶既畢夏簫將興妾等分綴以湏審音而作願俟工歌之闋少同率舞之歡

興龍節集英殿宴教坊致語

宋播芳大全

帝武造周已兆興王之迹日符祚漢實開受命之祥非天私我有邦惟聖乃作神主仰止誕彌之慶集于

建丑之正瑞玉旌庭爰講比鄰之好虎臣在泮復通西域之琛式燕示慈與人均福恭惟陛下睿思冠古濬哲自天煥乎有文日講六經之訓述而不作思齊累聖之仁夷夏宅心神人協德卜年七百方過曆以承天有臣三千咸一心而戴后彤庭振萬玉座傳觴誦干戈載戰之詩作君臣相悅之樂斯民何幸白首太平臣猥以微生親逢盛旦始慶猗蘭之會願磨擊壤之音

小兒致語

生民以來未有祖宗之仁厚上帝所眷錫以聖神之

詞數錄

卷之七

九

子孫享佑下民篤生我后瞻舜瞳之日月望堯顙之山河若帝之初達四聰於無外如川方至傾萬宇以來同恭惟陛下齊聖廣淵剛健篤實識文武之大者體仁孝於自然歌詩思齊見文王之所以聖誦書無逸法中宗之不敢康誕日載臨輿情共祝神筵授萬年之箕洛書開五福之祥臣等嬉遊天街沐浴聖化欲陳舞蹈之意不知手足之隨

女弟子致語

瑞鳥來翔共紀生商之兆群龍下集適同浴佛之辰佳氣充庭和聲載路輦出房而雷動扇交翟以雲開

喜動人天春還草木恭惟陛下凝神昭曠受命稷清
三后在天宜興王之世有四人迪哲知享國之無窮
乃春良辰欲均景福庭設九賓之禮樂歌四牡之章
宴等幸觀昌期獲瞻文陛雖乏流風之妙願輪率舞
之誠

紫宸殿正旦教坊致語

宋播芳大全

行夏之時正莫加於人統採周之舊王方在於鎬京
惟吉月之布和休庶工而未作使華遠集鄰好交修
萃簪笏於九門東車書於萬里將與嗣歲以樂太平
恭惟陛下躬履至仁誕膺眷命法天地四時之運民
詞教錄

卷之七

十

日用而不知傳祖宗六聖之心我無為而自化九德
咸三年有成始御八音之和以臨元日之會人神
相慶夷夏來同且等忝與賤工得親壯觀知輿情之
願頌顯盛德之難形

興龍節集英殿宴女弟子致語

宋播芳大全

千里一曲變澄瀾於濁河萬歲三稱隱歡聲於靈岳
天人並應夷夏來同雖去北里之微敢獻華封之祝
恭惟陛下睿文冠古神智無方同堯舜之性仁而能
濟衆陋成康之刑措猶待積年共欣建丑之正再祝

對策類

詞標文苑科策對第三道

文苑英華

化決乾樞景緯呈其靈既澤周坤絳卉木效其植
是以若霧非煙必應天明之后九莖三秀允符光
之君陛下應期納錄撫運登皇孝道格於玄穹仁心
光於紫極尊臨萬域輯御群方靈瑞屢臻休徵荐至
五蹄仁獸宗君固而來遊六象威禽拂帝梧而萃止
豈直銀黃玉紫雉白鳥丹鸞鄒上之二桴拔江間之
三春固亦巡河受檢拜洛披圖降五老於星躔歸四
神於雲路盛矣美矣巍乎煥乎躡三五以騰徽吞八
詞教錄

卷之七

十一

仙異策對

唐駱賓王

遐觀素論眇觀玄風惟鬼惟仙難究難測至夫滕公
長往佳城開白日之微洪崖不歸魯丘控紫雲之蓋
或崇成蒼狗自是趙王之神道叶赤龍爰通陸安之
治玉壘變長弘之血金闕化浮丘之靈固能目觀桑
田來作西王之使竟遊蒿里還為北帝之臣然而將
聖生鄒本忘情於語恠多材封魯亦默論於通仙洎
乎大義已乖斯文將墜於是八儒三墨之道異軫分

露布類

兵部奏姚州破逆賊諾沒弄楊慶柳露布

唐駱賓王

北辰列象六合奉天子之尊南面乘乾一統成聖人之業是知衣裳所舍義有輯於殊隣霜露所均誠難育於異類故塗山萬國誅後至者防風丹浦一戎饒前會者就日然則陳弢矢以威天下法雷霆而震域中四時行焉天道不能去殺五兵備矣皇業所以勝殘雖事切救焚苟順時而濟物恩深祝網不獲已而用兵伏惟陛下登翠嫺以握圖憲紫微而正象玄功

詞教錄

卷之七

十四

不宰混太始以凝神至道無名佇華胥而得夢闡文教以清中夏崇武功以制九夷環海十洲通波太液之水鄧林萬里交影甘泉之樹反衝穿霄之域龍冠帶以來王奇肱僂耳之首奉正朔而請吏逆賊蒙儉和舍等浮竹遺胤沉木餘苗邑殊禮樂之鄉人習禽殘之性日者皇明廣燭帝道遐融頗亦削左衽而被朝衣解椎髻而昇華冕而豺狼有性梟獍難馴遂敢亂我天常率九種而背誕負其地險携七部以稽誅騷動邊疆寇攘州縣是用三門接律長驅無戰之師五月渡瀘深入不毛之地軍次崑崙鎮此山即南郡

詞教錄

卷之七

十五

危旆而設潛兵疑從天落乘間道而據不備似出地中或涉南山之南衝其要害之路或陵北山之北絕其飛走之途賊首振螳螂之力拒轍當輪肆蚊蚋之群彌山滿谷某官等並忠勤克著知畧遠聞識明君之重恩輕生有地提太阿之雄劍視死無時譬孤而亮黨土崩舉刃而妖徒瓦解雖危若沸鼎未窮梟首之誅救死扶傷猶致析骸之請擁貔貅之雄順天機而左轉驅象犀之卒乘地軸以右迴總投石拔距之材蹈中權而拊其背騰躍鐵鉞金之騎犯前茅而扼其喉橫玉弩以高臨擬金鉦而直進玄雲結陣影塞

西郊赤暈揮鋒氣衝南斗颺煙塵而匝地白日為之
晝昏積氛稔以稽天蒼冥為之晦色兵交刃接鳥散
魚驚自卯及申追奔逐北斬首千餘級轉戰三十里
激流膏而為泉似變莫弘之血委亂骸而擠壑若沉
斃令之屍既而照盡高春雲昏乙夜賊乃收集餘衆
深懷重巖臣度彼遊魂慮其宵遁使三軍齊進四面
合圍乘魚爛之危啓蛇形之陣揚麾誓衆仗節訓典
一鼓先登賞必懸於芳餌九攻失律罪無赦於嚴誅
五都材雄三河俠少或生居燕地尤工即墨之圖或
家秦人早學昆明之戰叱咤則江山摧蕩慷慨則
詞教錄 卷之七 十六
林壑飛騰舉鵬翼以揚威耀群渠而賈勇澄氣廊祿
回夏景以潰春冰滅跡掃塵若霜風之卷秋籜戰踰
百里時歷三期前後生擒四千餘人斬首五千餘級
殞死行陣懸首旗門委衆奔馳脫身挺險雖復刑以
止殺丁壯咸伏於誅夷禮不重傷班白必存於寬宥
昔魏成伐蜀徒聞枸醬之奇漢使開印纔通竹杖之
利豈若靡紫泥而弔伐指丹微以臨戎一戰而孟獲
已擒再舉而哀牢授首斯顯皇威遠暢廟畧遐宣奉
玄德以配天徒知帝力掩黃輿而關地豈曰臣功
劍南西川節度使破吐蕃靈布

聞天討有罪兵應者勝義者王夷不亂華師直為壯
曲為老多助之至四極爰臻貞觀則同羅擊延陀開
元則九姓殄默啞曰高莫不來享祀漢雖遠必誅德
風翔厚河源武節惟厚月歸率寧人之有指先元戎
之蔭行用信威光祖宗不以賊遺君父恭惟陛下宣
昭義問敕寧武功績八葉之鴻圖暢四征之雄畧懷
泉鵠銷侵沴稟印太和翦鯨鯢清郊原掃除群穢王
猶允塞我武惟揚奇幹善芳各脩貢賦條支若木咸
順指令邈積石之遐陬有吐蕃之醜類侵敗正略倍
詞教錄 卷之七 十七
奸齊盟東邊將之騁兵瞰戎馬之虛候為蛇豕薦食
上國盡盜河湟帥整賊摧我疆場震驚畿甸騎蓋敢
於深入鑿蹕至於親屯倜然授兵敢以謀我尚納汙
而令垢姑通使以結和清水之盟未乾好時之師已
聚指涇靈而徹賂闔鹽夏以擣虛夷德無厭弗悔衽
金之既楚氛甚惡輒興秉甲之謀蠢爾為仇整居匪
茹維時南詔慕化中朝先零之質諸羌雖嘗并力虜
人之率有懷罔不離心頃賴於邊受命于吏斷匈奴
之右臂羈南粵以長纓燕貉輸致騎之勤番戎成倚
鹿之執彼既失鐵橋之險我遂克戎和之郭蓋窺匿

庭復震剗於麟塞戕我守將墜我陣隍脩戈矛
同仇靡室家不遑處臣等爰奮其旅以殲乃孽
振武靈武之騎獵其兩邠寧太原涇原之兵震其
北率山南熊羆之校暨東川驅虎之師烏蠻撓其腹
心田鵲擣其肘腋衆素飽矣一大治之諸將陳泊等
統五萬軍出十一道濟師西颺之半策勳北陸之初
蓋平七城斬馘萬級獲鎧械十五萬計燔堡壘百七
十餘遂賈勇而昆明將乘勝而定青海釋朔方之
衆援維州之城九攻九却之計窮七縱七擒之威速
連連執訊矯矯獻囚不然我薪而自焚有如破竹之
詞教錄 卷之七 太

立解沸爐魚潰距脫兔犇谷靜山空行就馬耆之像
區殫域滅汔聞智盛之降斯皆廟謨淵深神斷天造
明見萬里運奇掌上之兵守在四夷制勝目中之虜
勒功滇池之柱植表赤嶺之碑一怒安民文之勇也
三軍用命克何力焉臣等承帝之明敵王所愾開遠
門揭侯坐收西極之舊封紫微殿受俘重觀崑崙之
茂績

牋類

請牋

請上壽成皇后尊號牋

宋耨芳大全

坤配乾而曰至乃成獲載之功月遡日以爲明遂廣
照臨之德况等尊於聖父宜並崇於顯名酌古成規
爲今鉅典恭惟聖后殿下性恭仁儉道合靜專當舜
嗣堯之初著虞嬪之懿行以婦承姑之盛電摯仲之
徽音宜陰教於六宮正表儀於萬國付託之重雖祇
瘳於睿謨擁抱之恩實助成於神斷顧惟菲質獲奉
慈顏倘無歸美之辭曷侈事親之孝壽祺方永有光
詞教錄 卷之七 十九

賀牋

賀皇太后壽牋

宋耨芳大全

重闈介壽聳瞻瑤極之紫僊顯號推崇卓冠王清之
丹籍褻容焜耀第祉駢蕃殿下離麗重明坤載萬物
德諧祖蚤釐降以嬪虞慶篤文孫終貽謀而與啓
歷代仍雲之系蓬萊宴日月之長榮煌彤管之書

其微之盛慈顏不老孝治有光誦思齊思媚之

賀皇后牋

宋陸游

安方種蘭陔之養神孫正內肇新椒掖之華
通補尊人情溢喜恭惟皇太后殿下抱神以靜藏
于淵德脩綢繆蠶護之中化行昆侖旁薄之外唐
虞盛際乃出一家父子之親任如徽音仍見三朝婦
姑之法方且享宗社尊安之福視本支蕃衍之祥于
古有光與天無極臣等幸逢熙運獲綴清班至哉坤
詞教錄 卷之七 廿一

賀皇后牋

宋陸游

誕受丕基方正寧凝旒之始協脩陰教舉路朝發冊
之儀厚載有光群情咸悅恭惟皇后殿下慶鍾勲閣
道婉皇家輔佐積勤實自龍潛之日休祥有行早符
熊夢之占壽皇所以親發其德音聖主所以深資於
內助副筭奉三殿之養大練受六官之朝震耀簡編
感移風俗臣等預聞鉅典實激歡悰法地所以法天
仰戴坤儀之至德事母同之事父易勝鰲抃之微誠
賀皇太妃受冊牋 宋秦觀

史官探日宗伯陳儀舉令典於官闈溢歡聲於方夏
中賀恭惟皇太妃挺生淑質休應昌期贊陰化於椒
塗嗣徽音於彤管晨昏共養之禮簡在兩宮動靜謙
肅之風形於六寢在先朝則有警戒相成之道於聖
主則有劬勞罔極之恩中外所瞻情文宜稱肆被冊
書之美爰昭位號之隆臣猥被爪牙叨居藩屏不獲
隨例稱慶闕庭

賀元正牋

宋拙芳大全

太簇宣和驗飛葭之應律少陽拱極繫若木以交輝
山河回一氣之春曆數衍萬年之慶殿下乾九四之
誦致錄 卷之七 廿一
潛德震一索之長男問寢鷄鳴紫禁耐煙花之曉
賢鴻翼皓眉峙雪栢之堅光生青輅之旂驪溢蒼龍
之闕臣濫分竹使迭蔭叢霄杳日紀千星躔遙認前
星之照仁風翔乎海表孰非少海之波

賀冬至牋

宋拙芳大全

黃鍾協律六日驗於復來青輅發祥萬物由乎震出
式哀蕃祉茂對新陽恭惟皇太子殿下海潤星輝金
聲玉振行一物而得三善儲德克岐奏六脩而建九
旗禮容有奕履此邇長之候昭哉滋至之休臣假守
熊湘遠遠鶴禁舍八能於漢殿阻陪北闕之趨禁

辨於楚詞請祝東皇之壽

謝牋

為趙國公謝皇太子寄詩牋

唐許敬宗

恭開玉札炫目澄心行諷金聲式歌且抃竊惟化成
天下實繇繫以導洪源體物緣情自風騷而縣列代
莫不咸相祖述罕見生知伏惟殿下摘絢紹天含章
挺睿溫文表裕藻清漢於離暉麗則凝華縉春宮於
博望乃以監守餘暇俯賜清篇覽夜月之流光降無
私於遠客想懸旌之未卷察翹心於征旆加又依依
詞教錄

卷之七

二

垂柳益愴邊城鬱鬱中園偏傷遠塞殊私所被文旨
兼深詞運理而參神氣凌雲而含粹五章間發若啓
榮光之圖六律相宣如觀奏金之字無忌幸從神武
愧乏王粲之才忝列斯文益深吳質之戀無任感荷
慶躍之至於是扣寂求音繼震方之逸響披肝見意
吐燭火之微光

衛參政轉官謝皇太子牋 宋李劉

園壇入陞錫福庶民方岳諸侯進官一列併爰田而
增衍邇少海以如歸伏念臣一去賓階六周歲簫高
飛鴻鵠寧資羽翼之功行中驚和莫效箴謀之助况

於湘水徒東望於瑤山恭聞肆類之脩遙想不
特享敢圖賚予殷厚眷注駢蕃伏遇皇太子殿下
相視紫壇疏恩赤縣悟南陽之牘風重聰明記東海
之名弗遺故舊昭茲異數施及孤蹤臣敢不祇服恩
言益圖美報賈誼自傷其無狀既見受釐吳芮勢疏
而最忠尚希著令

上牋

到功曹參軍牋詣驃騎竟陵王

齊江淹

竊惟明使君鉞下道耀神源德鑄靈極誕誦天聰資

詞教錄

卷之七

三

河沼聖譽拂宏外方激震中故衡經孕秀璿機流品
變瑤光之暉贊玉燭之色功邁翊殷績起匡漢是以
赤瑕瓊寶之文睇影而變集青亂遺風之乘晞光而
遠至如民者蓋不足算所志不出繒販所學不遺祝
筮業異儒墨行率曾史既乏脩短之術又慙啓塞之
辨不能伏軾躡衡驚燕趙之郊黃金橫帶馳陷淝之
幣語默罕緒圓方靡樹謬以一氣之微邀百載之會
躬奉英睿身蒙青睞故以潤厚累璧恩重兼金不悟
懸黎降景靈河瀉潤復獲執羈蘭陳迎筴桂序漏越
之琴竊瘞文之價缺齧之劍盜頒表之名心羞春勝

志慮楚憤抱魄踴躍憂集如燠鵠感何日銘報馬期

到主簿日戔詣右軍建平王

齊江淹

某乃庸人素非奇士既慙鄒魯儒生之德又謝燕趙
俠客之節徒以結髮衛次暫聞仁義常欲永辭冠劍
弋釣畎畝而身輕恩重猥奉末光枉白璧之惠降黑
貂之私因茲感激未能自反負金羈於淮吳從後車
於和楚竟不能曜丹臙騰英聲絕白雲負蒼梧至可
知矣不謂咸池再暉瑤光重照開高天之慈布厚地
之施承命以驚巡走且失某聞古人為報常有意焉
詞數錄 卷之七 廿四

奏記詣南徐州新安王 齊江淹

伏惟殿下列譽椒壁飛聲冲漢爰求儒雅傍招異人
削赤野之玉翦燕山之金至如某者東國之徒步耳
方歛影遮形匡坐編蓬之下遂遭煙露餘彩日月未
光惟思知泰變色薰心某聞齊石既撫無待巴人之
唱檀臺已構寧侯不才之木某勿乏鄉曲之譽長匱
斤藻之德豈宜炫璞鄭氏獻鳳楚門裁願避職吏緩
其召書

辭牋

拜中軍記室辭隨王牋 齊謝朓

某聞潢汙之水願朝宗而每竭駕寒之乘希沃若而
中疲何則臯壤搖落對之惆悵岐路西東或以鳴悵
况乃服義徒擁歸志莫從邈若墜雨翩似秋蒂其實
庸流行能無筭屬天地休明山川受納褒采一介抽
揚小善故捨末場圖奉華兔園東亂三江西浮七澤
契濶戎旃從容讌語長裾日曳後乘載脂榮立府庭
恩加顏色沐髮晞陽未測涯涘換臆論報早誓肌骨
不悟滄溟未運波臣自蕩渤澥方春旅酬先謝清切
詞數錄 卷之七 廿五

勸進牋

百辟勸進今上牋 梁任昉

近以朝命蘊策冒奏丹誠奉被還命未蒙虛受播紳
顯顯深所未達蓋聞受金於府通人之弘致高蹈海
隅匹夫之小節是以履乘石而周公不以為疑增王

璜而太公不以為讓况世哲繼軌先德在民經綸草
昧嘆深微管加以朱方之役荆河是依班師振旅大
造王室雖累繭收宋重祗存楚以今觀古曾何足云
而惑甚盜鐘功疑不賞皇天后土不勝其酷是以王
馬駿奔表微子之去令反出地告龍逢之怨明公據
鞍輟哭厲三軍之志獨居掩涕激義士之心故能使
海若登祗盤圖效祉山戎殄竹束馬景從伐罪弔民
一匡靖亂匪叨天功實勤濡足且明公本自諸生取
樂名教道風素論坐鎮雅俗不習孫吳邁茲神武驅
盡誅之氓濟必封之俗龜玉不毀誰之功歟獨為君
制教錄

主

子將使伊周何地某等不達通變實有愚誠不任控
款悉心重謁伏願時膺典冊式副民望

詞教錄卷之七終

詞教錄卷之八

啓劉門一

啓類

賀啓上

帝王

慶洛陽平啟

梁簡文帝

自函洛榛曠穰稔荐食久絕正朔之風不覩輶軒之
使乘此戰心負斯戎足每興燔燼之驚常勞守障之
民自非聖略弘宣天網遐頓豈能使漢地盡收名王
爭入方今九服大同萬邦齊軌亭塞寢兵關候罷柝

詞教錄

卷之八

一

臣誠無家國信深歡慶

建平王慶改號啟

齊江淹

皇猷永謚則玉曆惟禎國慶方夷則澠澤式茂故五
鳳協年甘露應號况今道潤衍溢頌祉裁繁嘉生獨
慶風雲瑞節既觀招晨方鑄昌化延守一隅無以自
屆

師保 宰執

賀史丞相除太傅啟

宋李劉

師臣巽命帝傅升班七十從心公亦何心於極品三
千同德獨高崇德以紹勳叶朱衣介憤之祥增黃耳

王鉉之重竊以傳者傳之德義不惟其官惟其人
執臣作股肱罕有是父有是子若西京厚王陵之寵
及東都旌卓茂之年雖加銜統以鞶纓俱匪其衷之
鼎鼐於皇孝廟舊學越倫當淳熙丙午之壽上皇以
正月戊子而進亞父今專視之正位有喬水之世臣
父子一家兩兩齊三台之邑君臣千載重重聚四紀
之間貴然綠縹之新復此青氈之舊恭惟某官清和
而任直大以方禹以功臯以謨適全絕德絳之果霍
之勇難擬修能無敵知儒者之真可久見賢人之德
一柱障黃河之決兩手洗白日之光三登二十七年

南歌錄

卷之八

二

萬機幾千百變內除狗鼠旋安鴻鴈之居外殄犬羊
頌築鯨鯢之觀風震雨凌而棟梁自若火炎水潤而
鼎寶各調蓋享天心非要人爵陶侃之指紋貫徹猶
三遜以滋高丁固之松夢留連廿十年之不調上念
慈闈之訓日思元老之功無官酬公維師尚父猶堅
謙抑力反渙揚姑隆絕席之班式舉戴輿之典虹朝
帶玉龜顧印金備袞冕之上儀增衣冠之盛事改容
而禮論道以經平淮用八千兵更酬謝傳蒼生之志
辭齊封三萬戶會尋留侯黃石之盟某父累播鈞選
瞻巖石聳聽上公之一命阻陪潭府之群才斐然咸

以有慶乘雪邊之節傳無因拜壽杖
之階符頤長輔化樞之運

代賀丞相除少師啓

宋李劉

異避公槐升魁狐棘奮庸而宅百揆輔茂陵十八載
之隆平寅亮而弼一人開寶慶億萬年之晏粲明良
交際動植均驩恭惟某官德鉅材全器閎用博累世
躬行於忠孝四朝身係於安危河決平原力挽百川
而注海風搖夏屋獨高一柱之擎天盡逐齊疆全歸
趙璧金甌閒暇從容作商野之霖王几導揚談笑取
虞淵之日與生民而安極為天下以得人九夷八蠻
詞歌錄 卷之八 上
服整頓乾坤之手兩宮二聖知扶持社稷之心歸
巖石之瞻亟出維垣之命甫揚成渙遽執攝謙重違
再命三命之共甫轉太師少師之拜元圭袞冕上猶
恨無以酬公夏篆通旃公豈以辭榮而邀上惟楓陛
比隆於皇祖則茅封克紹於先王西平有子我有臣
垂光簡冊周公拜前魯拜後濟美昌異某自分泥塗
夙蒙甄治毫釐千里既自投丹筆之書首尾八年未
易復白圭之玷茲覩坦明之制但增踴躍之私苦麻
之似六經自此尚觀於蕃錫洪鈞之轉一氣更祈德
振

賀相國汝南公啟

唐李商隱

慶屬中興運推常武仰窺金版遐考瑤圖順祖之孝
思丹青曾閱憲皇之武力刀劍彭韋聖上初九潛象
登三佩契以后稷岐嶷為小慧故人莫得知以漢皇
雲物為不祥故神無所豫洎陟元后洪惟長君固必
降非常之人輔惟新之政伏惟閣下昭回降彩沆瀣
融精往執靈鈺正星辰之分野今調鏤鼎猶日月之
得天昔軒后師臣成王畏相殷奉伊尹則謂之元聖
周事呂尚則命為太公此王者之所以尊賢傑而不
以為疑也至于姬旦金縢不與燕召同列仲尼麟史
制數錄

卷之八

中

五

賀朱丞相啟

宋播芳大全

元大開進拜元台慶本朝之得人想中興之有日
聞四海騷喜一新恭惟某官覺在民先道為世表
忠嘉而許國懋勲業以格天大憲高牙暫寄九江
之屏翰紉棠赤舄邁陶大化之鈞衡出入係皇國之
重輕猷為實蒼生之性命幹旋大柄熙然春天下之
秋恢復中原廓爾泰邦家之否行其素蘊副此具瞻
某逃守郡符阻趨台鼎永言欣頌實倍等夷

賀魏丞相啟

宋熊克

妙簡前旒儼躋上袞論相為重文稽夢卜之求得君
既專亟峻鼎槐之任萬機有助百辟無譟竊以恭符
詞致錄

卷之八

五

相比於天階宰職共持於國柄官不必備或曠歲以
久需人皆曰賢則崇朝而并拜仰藉昭代卓有宏模
景德之缺位累旬始同除於寇畢熙寧之虛席數月
方對任於王韓邈前後以罕聞亘古今而僅見恭惟
某官自天降任與世作程杖節申盟夷狄叩五原之
塞揮毫演誥文章追三代之風逮登贊於經綸亦兼
陪於宥密詠天保采薇之什克佐永圖較神爵甘露
之年聿彰成績果膺枚卜益副具瞻陳五利以和我
已繼家嚴於絳子同一心而轉政更追世績於弱翁
庶臻復古之勲茂建格天之業是為希曠孰與等倫

某自攝使於都畿乃為郎於省戶皆由恩紀未有報
圖茲聆大號之揚實倍常情之喜萬間廣廈已幸庇
於帡幪一氣洪鈞尚冀陶於塊土

賀趙丞相啟

宋張守

決定大策建中興不拔之基褒賞元勲正上宰又處
之位王庭孚躋海寓交歡竊以赤烏袞衣美征東之
姬旦命圭相印荅平蔡之裴公播在數詩光於簡冊
况卻憑陵之巨敵有開恢復之宏規示丕勸於群工
宜首膺於異數恭惟某官直方而能守敦大而有容
獻納論思夙著排姦之節贊襄輔弼尤高紆遠之謀

詞教錄

卷之八

六

惟先武能惟赤心而絳侯可屬太事會明書之遺風
奉華輅以徂征師律一新坐據江山之險提書屢上
幾成京觀之封致醜類之宵奔本嘉猷之辰告射鴈
賈勇雖多季廣之無雙指獸收功誰出蕭何之第一
宜領宸綽首冠台躋舍爵之賞既行歸疆之期可待
某逃聞誕告喜越常情昔忝同升謬託金蘭之契老
思自放願諧丘壑之求頌詠之私敷宣曷既

賀葉相啟

宋陸游

誕告大廷延登真相永惟夷夏戴宋之舊思見太平
時則祖宗在天之靈為生賢佐海內幸甚國勢艱然

某自攝使於都畿乃為郎於省戶皆由恩紀未有報
圖茲聆大號之揚實倍常情之喜萬間廣廈已幸庇
於帡幪一氣洪鈞尚冀陶於塊土

詞教錄

卷之八

七

之謁治偕運古金泥增忒嶽之封故能委成功而不
廢享眉壽於無窮某遠寄殊方深孤隆眷驥老伏櫪
知難效命於馳驅孤死首丘但擬祈哀於造化

賀蒲陽陳右相啟

宋陸游

廷颺大號位冠羣公識者咨嗟益信道行之有命聞
而興起共知天定之勝人某嘗因故老之言竊考昭
陵之治乾坤大度同兼容而罔間日月之照實無隱
而弗臨小人雖有幸進而善類常多詖論亦或抵牾
而公議終勝故士氣屢折而復振淫朋既久而自消
諛諂昌言天下誦道輔仲淹之直魏龜成績史臣畫

韓琦富弼之賢固嘗端拜於遺風豈意親逢於盛旦
恭惟某官名蓋當代材高古人瑰璋之器足以遺大
而投艱精微之學足以任重而道遠方孤論折羣邪
之銳蓋一身為衆正之宗狗國忘家惟天知我論去
羣者絕其本宜無失於事機及驅龍而放之菹果不
動於聲氣卓矣回天之力孰曰拔山之難積此茂勳
降時大任豈獨明公視嘉祐之良弼初無間然亦惟
聖主享仁祖之治功殆其自此某孤遠一介違離累
年登李膺之舟恍如昨夢遊公孫之閣尚覲茲時敢
誓靡捐以待驅策

詞教錄

八卷之八

賀張左丞啟

宋石樞

妙呼吸百家之學又代王言奮絳綸四海之才進陪
國論賢者在位君子得興帝曰繼哉汝諧人亦喜而
不寐恭惟某官斗間異氣天上謫仙進止輝華神風
高邁飛黃汗血卓為奔逸之孤標慶雲景星自是太
平之美瑞鼇山路遠鵬翼風高越執政機俞從人望
紫泥封詰明天子之絲綸黑髮重金大丈夫之仕宦
非特搢紳領袖蓋作朝廷羽儀某寄身於造化間酌
酒為中外慶一官如旅空持燕厦之私心萬益成陰
莫綴龍門之賀客

賀洪參政啟

宋熊克

簡隆嗣聖序陟宗工冢席方虛宜總廟堂之議邊烽
既息併顯帷幄之謀播告邇遐聳動觀聽竊以彌綸
大政一日至於萬幾體貌近司四岳均於百揆或偶
虛於袞職則獨決於廟謨是故韓安國長烏府而行
丞相之權郭待舉貳鸞臺而典中書之務參稽故實
委任真賢恭惟某官驚代鍾才際天蘊識學通流略
而洞視萬古文類盤詰而勒成一家蚤擢異科荐敷
華貫膺堯舜父子之眷如彼其專較伊呂伯仲之優
於斯為盛鼇龍禁久資於視草鴻樞更藉於運籌果副
詞教錄

八卷之八

九

賀施參政啟

宋任正一

眷求舊德允諧選衆之公參預政機式賴同心之助
側聞休命倍集惟悰竊以六符位于泰階維正公台
之象四輔拱于北極亦分政弼之司蓋機務之浩煩
繁謀謨之協濟必有恢廓老成之士共圖光明俊偉
之功用簡清衷宜歸雅望恭惟某官道躋民極業總

天常沉毅剛方有東都之氣節溫恭忠厚擅西漢之文章入踐華聯益騰茂實總銓衡之選授咸仰題評贊鈞軸之陶甄果諧登進必將盡行其所學遂以大慰于斯民增賁昌期茂隆遠業某孤蹤不振弱植無依假守縉雲曾賴告新之益遡風蜀道欣聞圖舊之良慶謁未遑瞻依再劇

賀龔參政啟

宋陸游

光膺明詔進貳政機為治不難其道顧何如耳用人若此吾國其庶幾乎傳聞四方驩喜一意某聞公論未嘗盡廢常恐不在於朝廷小人豈必無材惟患與

詞數錄

卷之八

十

聞於國事誠使元臣大老守綱維而不紊近習外戚保富貴而有終政一出於廟堂權弗移於貴倖豈獨坐消於外侮固將馴致於太平孰成伊尹格天之功其在孟子敬王之學恭惟某官材負超軼器局恢闊造道深故能泛應而不窮進身正故敢盡言而無諱建久安之勢成長治之業已收效於立談開衆正之路塞群枉之門曾不勞於變色薦紳相賀史冊有光然而仁人先天下而憂重矣自任賢者備春秋之責難哉克終某十年獨荷於異知萬里敢虛於忠告輒因尺牘罄寫寸誠未死殊方或見云天之偉績猶期

末路終為盛世之幸民

賀席參政啟

宋張守

仰膺綸制入秉政機槐位久虛蓋簡求於宿望嘏瞻既峻實大穆於師言欣圖任之得人知治安之有日竊以車駕自南巡之後廟堂深北顧之憂一人嘗膽而念寇仇群公借箸而決成敗閱時滋久至計未聞欲凌厲中原而復土疆則敵勢尚強蓋懲車覆之戒欲遠巡江左而聽天命則國威日損或有陵夷之憂當宁雖屢興咄咄盈庭莫執其咎豈中興之難難以速於得志而非常之事未可輕以屬人故茲黃閣之開

詞數錄

卷之八

十一

宜慰蒼生之望非時英傑孰副倚毗恭惟某官厚德鎮浮大猷經遠想累朝之故老綽有典刑閱當代之名流蔚為領袖雍容禁從密勿中嘉果膺黼黻之知擢贊鈞衡之任方當協成長策宏濟多艱力王室而復神州少快茂弘之志修政事而攘夷狄載賡山甫之章某比以病衰託於輝潤南臺冠豸蚤欣草木臭味之同西省賜環尤見松柏歲寒之操辱之固久歸老有期遂聞除命之頒切倍常情之喜

賀宣參政啟

宋李劉

中命真儒顧參大政公輔間于兩社德因服而彰

天子必有四鄰官惟人而後備制書誕布歡頌交馳恭惟某官忠結主知道先民覺泰山喬岳無運動之迹人蒙潤而不知祥風和氣以長養為心物有生而自遂與其參夙夜宥密之寄不若策旦夕承弼之功臣執孰重於鄰哉賢者固識其大者今海內之事勢若火未然公主上之信臣知風之自夷情外狡民力中乾即戎七年而無休息之期拓地千里而無堅凝之術使能定未保其能應則所憂將重於所喜實賴同心同德之臣亟合羣策群力之助收茅茹之公議而周之邦國推槐棘之和氣而達諸閭閻非常之功

詞教錄

卷之八

十一

待非常之人無窮之基有無窮之聞某崎嶇集事庸昧掃門山甫舉之莫助之故妄陳於千慮原憲資也非病也詎敢異於一陶

賀王參政啓

宋陳傅良

召從外闕入告嘉猷擢寘上宗晉參大政共惟某官受天間氣為世宗工粵自脩門以踐禁嚴庫本直道而聞海內每陪國論持平於左右大夫之閒及沃上聰致戒於君子小人之際仁必有勇知無不言是宜簡在於帝心相與儀圖於宰事蓋冊書所紀亟稱節誼之閑然世道相違鮮值明良之會永惟前代孰與

熙朝嘗於疇昔以觀人不待急難而求士慶曆全盛則范韓四傑之為元祐清明亦劉呂諸公之故徒以行藏之節初無夢卜之符有如下風無愧先進矧屬壽皇之獨斷欲傳神器於初潛亦既多賢能堪大計先定朕志雖僉共於詢謀素高此人乃卒煩於調護可謂非常之寄托又將不次以登庸某早辱下交最蒙黑顧平生自附固深知久要之心泰道方亨宜上體周仁之義故但申於賀幅不敢布於私衷

賀周參政啓

宋陸游

顯奉廷揚進陪國論號令煥焉可述乃專討論潤色

詞教錄

卷之八

十一

之功疇咨若時登庸遂處輔弼疑丞之位國有隆僊之盛士知稽古之榮伏以典謨實列於六經臣主難逢於千載高文大作或託之不得其人老師宿儒有死而莫見於世維時鴻碩之彥早冠清華之途成功昭于神明大業列之金石發德音下明詔大哉王言建顯位施尊名震于方外一變猥釀枝駢之體以還維深淵噩之風縉紳竊誦而得師夷狄傳觀而動色顧於昭代可謂殊勲雖箕穎之志屢陳然莘渭之求焉往恭惟某官任重而宏毅謨明而弼諧以窮深測遠之才坐酬衆務以極高瞻厚之氣陰折遐衝至於

擅世之英辭本皆全德之餘事僅少施於一二已見
謂於崇欲豈容卷懷經濟之圖遂欲袖手寬閑之地
公母困我初誦留行之言上誠知人亟下延登之命
然易簡者聖君之眷難居者天下之名方仰對於寵
光顯益思於抑損茂迪謙尊之吉永為壽類之依

代賀鄭簽書除參政兼太子賓客啓

宋李劉

顯用正人進參大政試之宥密已折衝樽俎之間儲
以弼諧必銷患廟堂之上賢得路四海傾心恭惟
某官清任以和直方而大陽休山立粹為廊廟之珍

詞教錄 卷之八

十四

地負海涵稟有社稷之器來從百里甫閱七年編
清切之司彌積均弘之望果由樞筥遂資機衡作天
子之股肱兼儲皇之羽翼惟公懋德相哉受民式觀
鼎彝之調益永旂常之載某屬拘郡組莫旅賓某千
萬間之歡類既深賀履三十幅之共轂尤慶得與

賀喬樞密除參政兼知院啓

宋李劉

晉用真儒升參大政運籌決勝久注意於安危當軸
處中仍兼資於文武用人如此通國驩然恭惟某官
廣淵而篤誠高明而博厚好學本孔顏之學用心乃

禹稷之心非仁義不陳於前雨露風凜於獻納有謀
猷則順于外風霆不顯其流形翊贊斗樞燮和天緯
折衝尊俎鯨鯢伏京觀之刑申畫郊圻鱗介慕衣裳
之會然南北兩朝不能一統由東西二府分作兩塗
今內治外治交急之時乃政柄兵柄合謀之日宜崇
夙夜宥密之任并策旦夕承弼之功蘇民力之中乾
回夷情之內訌建久安之勢而成長治之業杜群枉
之塗而開衆正之門歲大旱而作霖啓沃良資於傳
說天未陰而徹土綢繆允賴於周公邦其永孚于休
公有無窮之聞某雲邊輓粟雪裏開麻回思太學之

詞教錄 卷之八

十五

十年嘗侍司成之丈席今三賢方施政於天下必無
不獲之夫縱四牡非有功之使臣願鑒懷歸之悃

元樞

賀呂樞使啓

宋歐陽脩

顯膺寵典登進樞廷成命始行輿言僉允伏惟某官
存誠直諒蹈道中和學臻三代之英世濟八人之美
論思獻納已多補益之勤謨明弼諧久韞經綸之業
三朝眷遇一德老成尚虛黃閣之居姑正紫樞之位
坐籌帷幄方資制勝之謀正席鈞台始慰具瞻之望
顧惟衰朽早辱知憐維與蒼黔同深慶抃

賀薛樞使啓

宋李劉

額席紫樞均苗黃閣仲虺居薛宜登左揆之虛臯陶
矢謨還倚右平之重有常立武無競維人恭惟某官
學可帝師材堪王佐智周萬物炳著龜先見之明節
貫四時凜松栢後凋之操周旋三省兩省之掾練達
一日二日之幾合文武以兼資佩安危而注意熙帝
載宅百揆民具爾瞻掌邦政統六師君則誰與武端
兵本專領使權匈奴款塞五原固出干羽之舞子房
決勝千里五頃帷幄之籌帝曰欽哉相尊等耳山有
木而工則度姑遜滕侯之先封河如帶而國永存實
誦致錄

卷之八

十六

賀虞知院啓

宋洪适

帝懷舊弼國拜元樞乾坤清夷久息干戈之役夙夜
宥密首當帷幄之籌播告遐邇竦動觀聽竊以交鄰
有道本聖主之洪謨制勝無形賴真儒之奇策矧是
機庭之長宴均揆席之尊方嗣皇獨運於朝綱昨者
哲執專於廟筭恭惟某官道闢百聖功蓋兩朝持正
論如執玉之堅斷大謀若轉圜之易即江中而破虜

勝謝玄淝水之勲臨漢上以總戎過羊祜岷山之績
逮進陪於鈞軸仍兼運於輻鈐果致要荒再尋盟誓
方具瞻於巖石俄勇退於急流亟興丹旆之思復佐
清朝之治暫本兵柄績成偃伯之休旋秉國鈞茂建
格天之業某猥乘軺傳逖望泰符茲聞成命之頒實
信常情之喜萬間廣厦幸已訖於幀幪一氣洪鈞願
永陶於塊土

賀葉樞密啓

宋捕芳大全

顯膺明詔進貳鴻樞道大材全固視功名為餘事任
隆位重蓋倚精神之折衝衆志交孚太平可冀伏聞
訓致錄

卷之八

十七

今昔有不移之形勢華夷有一定之土疆故彼不可
越燕薊而南侵猶我不能跨遼碣而北守堯舜尚無
冠帶百蠻之理天地豈忍殫腥諸夏之區况以本朝
積累而當荒陋崛起之小夷以陛下神武而討衰弱
僅存之孱虜茲以軍民之憤切加之廟祏之威靈當
一震於雷霆宜坐消於氛祲夫何玩冠久使逋誅九
聖故都視同棄屣兩河近地進若登天莫宣方叔之
壯猷更類棘門之兒戲坐殫民力孰奮士心上方撫
髀而喟然公宜出身而任此恭惟某官負沈雄邁往
之略躬英發絕人之姿撫卷慨慷夙有四方之大志

立朝開濟晚收九牧之重名果副簡求肆當柄任以
元龍湖海之氣參子房帷幄之籌壯斗以南一人誰
其倫假長安之西萬里行矣清夷某識面莫先託身
最早側聽延登之渥自悲淪落之餘雖意氣摧藏非
復雕鶚離風塵之望然饑寒感迫猶懷駕馬戀棧豆
之思敢敬布於微誠覲少回於曩睠

賀謝樞密啟

宋陸游

顯膺出綽進貳本兵蠻夷奪氣而息謀朝野動容而
相慶恭惟某官英猷經遠敏識造微秉心如金石之
堅論事若權衡之審主知千載際聖世之風雲言責
詞敢錄

卷之八

十八

三年極人才之涇渭士恃公平而不忍上嘉孤直之
無朋遂由常伯之聯進貳中樞之任較一時之同進
得喪孰多付四海之僉言忠邪自見固將力回薄俗
盡建明謨網漏吞舟示太平之寬大雲興膚寸澤庶
物之生豈惟康濟於茲時固足儀刑於後世某早
迂記省晚荷甄收雖知薄命之多奇猶復誦言而不
置使駑馬妄思於十駕而沉舟未羨於千帆求之古
人可謂曠世難逢之會報以國士敢忘終身自勵之
心

賀陳簽書啟

宋播芳大全

非大政復翔洪樞仲子之辭三公夫固輕千鍾之
爵曲逆之出六計終當遂萬物之宜一賢得與多士
舉筭恭惟某官直方而大智勇且仁早收麟角之科
夙負鰲頭之望讀孔璋之檄巖巖經國之文卧元龍
之樓耿耿濟時之畧四國茂藩宣之績六條高登按
之功登山有得於徐行乘舟惟恐其偏重禁中頗牧
鼓舞號令之風雷遠上唐虞緝熙光明之日月迄由
翰苑進陟機庭尊相折衝京觀正鯨鯢之戮郊圻申
畫介胄無蟻蝨之生立武事以有常顯具儒之無敵
今南北分庭和戰未一則東西二府謀慮宜同爰藉
詞敢錄

卷之八

十九

前殿後丞之功入據經文緯武之智邇人安遠人至
憂民止急於憂邊大臣法小臣廉正已不難於正物
相尊等耳時來為之無謂於我如浮雲當念迨天之
未雨不遐有佐無競維人某學既拙疎法當憔悴十
暑自安於絺葛一寒誰與之綈袍昔周旋元方之間
亦欲學屠龍之技今疲敝益州之役良難見流馬之
功忻聞黃麻之六經合入紉衣之九我燕雀賀慶
應必念其差池蟋蟀鳴秋墜戶願除於穹室

賀俞簽樞啟

宋李劉

使北道而簡僚曾玷網羅之舊翔西樞而基命茲逢

新往年身未可以許人日士固仲於知己
賀厦之敬併吐蟋蟀噬秋之懷恭惟某官
昔為天風冒吞雲夢自其克勤小物於州縣已具可
以大吏之規模二螭坳處之記言一麾乃出千騎上
頭之賦政再命茲恭徘徊紫橐之間蹇謬青蒲之上
雲門畫講緝熙日月之光明瑣闥夕趨鼓舞風雷之
號令廷臣無出右者天子居然器之迄自東臺峻躋
西府九天渙號簡二三執政之股肱兩地升賢繫億
兆生靈之肝腦有常立武無競維人春秋九世之讐
固將公報匈奴百年之運未有不亡今犬羊交噬之

詞教錄

大卷之八

三

已深計群鵠相持之不久下策莫危於浪戰上兵
貴於伐謀在帝王之萬舉萬全固求者宿然疆場之
一彼一此正欠堅凝幸而及間暇之時亟宜定脩攘
之計取亂侮亡兼弱也特則易然同寅協恭和衷執
政將焉往洪鈞既轉於一氣黃麻即似於六經伏念
某垢落一官嶽峙萬狀才固自知其無似命亦可歎
其不猶瞻白日於舉頭遭海風而引去上青天而仰
胸窮峽水之倒流甫欲釣錦江之魚乃忽騎將軍之
馬二年劍外寸步牙頭徒令蟻蠱介胃之生安得貂
蟬兜鍪之出茲歸身於司敗妄干祿於有司適值太

君子之登庸不勝小丈夫之距躍士曰時哉相君實
皆舉笏以相驩誰其識之有歐陽辱捲簾之已素願
煩咏抱稍養起翎樂莫樂兮相知更傍誰家之門戶
遲之遲而又久正須大匠之鑪錘

賀虞簽書啟

宋楊芳大金

召自輔藩擢于樞筦方夫子振旅將巡於邊陲宜
傑運籌決勝於帷幄師氣已倍虜情莫逃郵置初傳
道塗相慶竊以建隆之分宥府實並都臺興國之置
簽書通為執政必陞華於秘殿以借重於機廷昔聞
典故之存今見老成之用恭惟某官才豪一代名震
四夷羽扇綸巾却大敵笑談之易雕戈錫盾制上流
經理之勞比屬多虞正資遠略雖作蕃于近甸亦蒙
福於京師必本柄於中樞乃基命於宥果膺帝簡
越贊神謨用儒雅章句而先武夫昔觀已試遣將帥
戎役而衛中國今仰成謀豈惟折千里之衝方將建
萬世之策某猥塵原隰阻拜門墻廟笑不遺相契沉
機之運台衡有待侍需渙號之揚

八座

賀吏部劉尚書啟

宋林堯塵

簡在宸衷權司銓部文昌之為八座均列職於中臺

天官之首六卿實晉班於太宰、樞紳和應、派品可濟。其官人物一代之英，論議諸老之老，淵源正學，則以孔孟為折衷，慷慨大節，則非堯舜不陳前。其從策步於雲霄久已，垂名於三古，驅車而西度，即阪意自許。昔為孝子，今為忠臣，奉詔而東，過洛都人皆謂不作諫官，必作御史。果登雷臺之六察，適長天子之七臣。申傲官邪，茂明國是，復勸露門之講，合峻甘泉之班。咨若予工作帝之喉舌，兼司折父為王之爪牙，緒經依咫尺之天，積望在彌縫之地。維今四選實昔三銓，仕版莫盛於此時，孰當任責治人，何有於弊法亡以。

制舉錄

卷之八

十一

賀陳尚書除吏部尚書仍兼內翰啓

宋李劉

峻長六卿增崇八座，惟王有成績紀于日月之常，命汝作納言引此星辰之履，仍專整禁壇重難翹恭，惟其官學嘔道真器，涵天粹絕，識洗空於萬馬，全材立。

解於千牛，積江漢經營之勞，有河山帶礪之烈，允文允武，立德立功，還頗收於禁中，憚卒回心於讀詔，講唐虞於繡上，頑民聽命於舞干，茲膺典選之升，始是喬庸之漸，文昌垂象，實為上將上相之驪武，帳前龜行，有為保為師之命，暫煩長文制九品之任，行見曲逆還萬物之宜，某未解漕冰，正馳驛路，聞尚書之踐台斗，或垂念於孤槎，聽散人之在江湖，早歸身於三徑。

賀王吏書啓

宋翰苑新書

詞教錄

卷之八

十一

一紆印綬，萬集簪纓，定權稱於胸中，運甄陶於筆下，厲切英盼，倍切懽悰，恭惟某官德量涵空，神鋒脫穎，坐仙山而直釣掣盡六鼇，望阿閣以來，巢塵低三鳳，白眉難辨赤汗俱高，雍容方躡於禁林，簡拔即登於法從，旋聞授鉞出試，偃藩保釐，未著於東郊，疆理先周於南海，龍韜寢遠，虎帳屢移，輟溫洛之除書，分廣陵之御帥，席猶未暖，車已戒行，八鸞啁啾詠，端歸於山前，四牡奕奕歌入，覲於韓侯，憂百寮鳴珮之音，恢九載望雲之意，對揚文陛，密契淵衷，探公論之盈庭，勞巨儒之典選，青錢學士聲華已茂於昔時，黑頭尚

書班序正聯於今日渭清涇濁詒美鄭深皆曲盡於
見間終難欺於去取前馬裴而後盧李豈足擬倫左
稷禹而右臯夔佇觀並列某久睽恩館窮處瘴鄉慙
教職之無功誤薦章之及格敢投知遇曲借生成瞻
鵲鳩之摩天莫攀迅翼起鸞鳩於控地全賴高風

賀史尚書啟

宋播芳大金

四頌顯寵疊拜異恩上帝簡知既峻秩宗之任前星
肇正式兼端尹之榮典禮樂文章之司妙道德輔導
之選總此二職煥乎一時若昔師垣逮事高廟擢登
禁中有如獻納之勞晉掌諸關允開揖遜之美位繼

詞教錄

卷之八

廿四

登於鈞軸勲用勦於島嶼事掩前聞慶垂后裔天欲
裨今日以紹興淳熙之治時則以夫子兼素座宮寮
之崇開于宗祧若合符節其官道尊而德備器博而
量宏雅望具孚隱然故國之喬木大疑立決信若格
人之元龜比緣二卿獨資秘策振主勢以去君側之
惡立國本以安天下之心使愉人懷沮而散群召故
老謀事而補闕丕哉此舉誰歟之功爰率屬於南宮
仍簡僚於東邸今周雅雖備而邦儀未肅參府既闕
而竇筵尚虛是以軍法威嚴之不行正人左右之或
缺在于羽有解圍之理而莊嚴戒傳語之咻言之若

迂理不可緩矧惟先正綽有成規其在擇利行之勿
謂姑徐云爾必有成績要將大書於旂常從此登庸
可但親傳於衣鉢某受資皆竊涉世闊疎幸動半生
乃玷奉常之第荏苒十載甫脫步兵之厨揚雄方借
於吹噓絳侯獨肆其譏毀退省羈單之跡已頽榮進
之心會明時杜群枉之門而執事成萬間之厦倘舍
此而不告特持是以安歸願於論思調護之時賜以
提撕振拔之力如其不採何傷幽谷之芝蘭孰有無
言能作恩門之桃李

賀王兵書啟

宋張九成

詞教錄

卷之八

廿五

時庸東掖率屬南宮常伯寵優佩錫成之寶劔司戎
職暇偃泰乙之靈旗鄰宰鉉以平躋冠從奎而絕擬
有識交頌不謀同辭竊以祈父王之爪牙周蓋顯於
九伐尚書帝之喉舌漢實次於三公自開西府以本
兵第列南宮而分職然裕陵肇修官制猶虛位於夏
卿至哲廟博采師虞治新除於邦傑端贊萬機之務
蔚為千載之逢恭惟某官才備全能識重衆妙蚤以
淵源之蘊發為經濟之圖擢貳憲臺絕震師之珍行
越長諫省擢告后之嘉猷譽益重於熙朝職遂專於
武部星辰之履始聯八座之班紀日月之常即想

三階之績其晚游京轅屢叩門牆竊傳新渥之頒
倍常情之喜

詞致錄卷之八終
人卷之八

共

詞致錄卷之九

啟劄門二

啟類

賀啟

徽省

賀中書林侍郎啟

宋播芳大全

顯被制書進參機務輟詞臣於整禁訂國論於鳳池
縉紳簪聞中外交慶共惟某官懿文華國直道致君
以淵雲之學自名一家以晁董之才親承大問始終
全節被遇累朝踐揚皆極於華塗圖任悉歸於黼扆
詞致錄 人卷之九

繇北門之獻納總右省之幾微深惟不世之姿洞達
當時之務靡勞施設足見猷為方將沐浴於太和何
以掄揚於盛德永垂方冊屬我宗工其一走門牆六
更符印忽驚流落獲在陶鎔儻蒙庇於衰殘尚少圖
於奮厲其為抒悃倍萬常情

賀董中書啟

宋播芳大全

恭惟某官材猷廣碩學術深醇探周情孔思之微淵
源千載發宋豔斑香之秘膾炙四方親結龍宸之知
聿新鳳閣之樣辭達而已矣要必見聖人之情才難
不其然蓋欲極天下之選得君為重緯國以文好對



紫薇佇登黃閣某聳聽除音阻倍賀履望槐龍之影
影蜺芻狗之陳人

西掖

賀禮部鄭侍郎啟

宋陸時

筆橐陞華資論思於禁路絲綸出令無潤色於皇猷
共知儒術之益尊孰謂太平之無象恭惟某官好是
正直擇乎中庸大開高文固已駕之琬琰崇言鉉議
皆可質於鬼神殆將與日月而爭光奚止當雷震而
獨立惟上聖克勤於聰鑑察群臣各盡於才能謂其
代予言既久煩於鴻碩求能典朕禮宜無易於老成
詞教錄

卷之九

二

賀西掖曾禮侍啟

宋洪邁

晉戴春官仍躋內史紫荷挈慶光搖萬玉之班紅藥
翻時風動五花之判有國所重斯文之榮恭惟某官
晁董聲名伊臯事業得三先五嶽未分之氣務養其

源讀八索九丘以來之書莫窮所學自出入東土之
萬里即周旋左右之兩藩澹若無營安於平進天子
毗以壯行之未艾國人恨其大用之猶遲方聞批勅
尾之風又見還詞頭之舉新人文之制作妙儲德之
調娛况紫微閣下之黃昏正瑞柳庭前之春色命自
天而三錫材興地以雙清詔下山東人自投兵而太
息禮行長樂士無擊柱以紛拏少重禁途即登沙路
某夙依霄蔭聳揖氷衡身到鳳凰池喜動十年之詠
志在麒麟閣願扶萬世之功

翰苑

詞教錄

卷之九

三

賀劉內翰啟

宋楊芳大令

入覲龍墀延登黉禁典司翰墨極儒者之榮銓總官
曹高從臣之選矧席薦颺之舊實深慶蹈之懷恭惟
某官行之表儀識周事變材為時用備文武之憲邦
學本家傳根中庸之至德自結兩朝之眷蚤登四輔
之聯思若湧泉真鳳閣舍人之樣心如止水為虎符
刺史之師歌檣孺於姑蔑之墟洗甲兵於雲陽之野
功既成於授鉞命爰錫於賜環不遠千里而見玉果
以一言而悟主精神夙契春注益深北門正內相之
除南部領天官之長玉堂揮翰日觀雲漢之昭回金

殿製鈴時近天威之咫尺為命雖資於潤色矢謀實賴於稱諧豈止藝為文章號禁中之頗牧要當諫本仁義措天下於唐虞佇聞綸綍之放即正鈞衡之辨其濫司戎閫辱在恩闈念步武之相隨荷牙齒之曲借欣傳除目喜倍常情黃麻之似六經復觀制作洪鈞之轉一氣更累生成商律方嚴禁塗多暇幾精調於和粹式茂對於寵臨

賀洪內翰啟

宋熊克

簡自上心擢居內相以詞人之伯而代播告之言以儒者之宗而奉燕閒之問當今簡策所載燦然典謨訓教錄

卷之九

四

並傳何幸斯文有光今日竊以翰苑題名自建陽以下疇世掌於龍綸辭科選士由紹聖以來幾身躋於鰲禁矧兼二美榮絕一時邈前後而罕聞曠古今而僅有恭惟其官氣嚴而中裕體遠而外冲障百川回狂瀾早傳正學洗萬古空凡馬獨負奇才自首擢於殊科即薦敷於華貫記言升陞得孔氏之謹嚴書命紫垣同漢家之深厚越執選曹之柄兼陪府之籌蔚有令名播在公議果親除於王宸亟進陟於金鑾高雲霧之憲即號私人於內禁曳星辰之履仍班常伯於中臺克承新渥之隆益紹先猷之美其猥行原

隲然仰門牆但竊欣於得與阻趨慶於成履掌帝之制黃麻已誦於縉紳東國之均赤舄更躋於廊廟

賀林直院啟

宋翰苑新書

楓陛疏榮槐廳進直絳綸獨掌更無他學士之除簪紱一新咸賀老先生之遇繼是有紹居然即真切以詞命之出於禁林輕重實關於國體矧當多事屢驚夜響之鈴絛豈比平時卧看日移於甕影慰撫河北則太平筆可兼於德裕調糞闕西則凡號令宜付之遜能起詔草若湧泉惟陸相始當於機務發德音如時雨必韋公乃福於生人有如在昔之前修庶可當詞教錄

卷之九

五

上之遴選舉世所望非公其誰恭惟某官學力與天相融聲光無地可著筆有活法珠走於盤而不出於盤派授古文冰生於水而猶寒於水凡名山大川之偉觀與浮屠老子之親居皆藻飾以雄詞盡膾炙於衆口帝謂琳瑯散落至煩雷電之取將孰與琬琰編摩要共日星而爭耀乃領天旨寵畀氷銜吏部三年之文已歸中禁瀛洲十八士之選皆避一頭比者演西野之思言下中原之捷布脫畧駢儷表裏詩書孤鳳鳳修爾一鳴頓驚衆聽飛龍馬為之增氣矧在班行佇有正閣老之名旋即陟台司之位某李騷晚

出蓮幕遠遊自聞渙號之領實倍等倫之喜乘槎無
便遙瞻僊嶺之浮翬賀厦有心願附玉堂之喜鵲

中司

賀侯中丞啟

宋趙德莊

顯膺帝制肅振朝綱輟從諫大夫之聯付以中執法
之任得賢居要維衆同歡恭惟其官受才高明履行
純固道無少貶有孟氏之責難言欲必行若晏嬰之
獻可會逢熙旦服在近途當雷霆之至威補日月於
無過名聲籍甚風烈挺然果絲衆正之開更賴一臺
之理上以衡持於國是下爲繩糾於官邪說行如流
詞教歸
六
母廢沃心之益義形於色潛消落膽之姦方隆九鼎
之安佇席三槐之拜某遠銜明命久蔭餘波鵬鷺橫
秋但聳藩籬之望山林伏猛庶全藜藿之生永言欣
愉實倍倫等

南牀

賀單侍御啟

宋楊芳大全

先膺宸綽進總臺綱達公論於九重屢聞繩繭亞官
儀於三獨益見寵褒除目初傳輿情相慶竊以萬機
重大既親總攬於法官百辟衆多必賴推彈於憲府
維時南擢實次中司得賢哲則自然致朝廷之尊去

茲回則孰不有簡書之畏方清表之圖舊宜宿望之
次陞恭惟某官識蘊高明氣玉剛大與學無通於世
務嘉猷允合於帝心果自副端峻登柱史方共持於
國是豈特察於官邪某濫處郎闈猥通朝籍敢親持
於竿牘用贊喜於門墻風采動一時已致班行之屬
精神折千里佇躋弼亮之崇

貳卿

賀章侍郎兼侍讀啟

宋楊萬里

出綽楓宸專席柏寺御史五院風憲獨倚以提綱太
微四星景緯亦爲之動色一臺肅若群聽聳然某官

詞教歸

六

七

文章兩京學術六藝蘊蓄至富殆泰山喬嶽之所藏
議論不窮眞長江大河之無極自宦途之鴻漸旋朝
路之鵬騫學省樞庭之徜徉冊府道山之容與衆僕
九遷而未快自乞一麾而遽行王尊之乍倭乍賢何
有於我子文之無喜無愠一聽之天公論以久而自
明德望因退而愈重再趨黃闕榮陟丹雘黃麻似經
事傳內外制之溫潤清鑒如鏡莫欺左右銓之精明
茲錫寵光首居冢列慨念解瑟更張之始尚懷置器
安危之憂雖諸老登朝咸喜盈庭之鸞鳳然群枉側
目正須擇物之鷹鷂要須獲君子而排小人自足尊

中國而折衷狄觀近轍例為二三執政之階即正
率衛先輔五百與王之運其誤恩分節式喜遠郊故
武光通夢不到駕行之末私棕踴躍書聊宣燕賀之
誠

賀鍾侍郎除左兼中書及侍講啟

宋李劉

大君演號小宰升賢三銓審官尤重左曹之衡尺一
佛出世仍兼右掖之絲綸碧落彌高紫微增煥恭惟
其官日營四海胃者千年闕百聖於寸心不夷不惠
而願孔子之學掃千軍於獨筆非韓非孟而成歐陽

詞致錄

卷之九

九

之文雲雷十載之經綸江漢六年之方泳怒鵬既繫
凡馬皆空蛻骨地仙直上蓬萊瀛洲之島影纓天策
徧儀承明金馬之庭堯醴舜醴最宜為誥斑香宋體
安敢比材非道不陳於前在庭無出其右日獻月納
亦有嘉謀年除歲遷士無異論四輔既備命史佚以
記言五禮有庸咨伯夷而降典露門重席星戶鳴珂
緝熙有賴於仔肩左右宜咨於汝翼掌六典之威更
追裴馬之蹤遂萬物之宜即接夔龍之武其夙蒙推
挽竟自顛擠今墮孤雲落照之邊誰復高山流水之
賞江梅尚難於寄驛海棕詎易以移栽然蓬婆雪邊

十暑碎杜陵之葛在玉堂天上一寒望范叔之袍

賀周禮侍啟

宋播芳大全

親簡嗣皇真除亞旅中臺典禮既咨儒者之宗內禁
代言仍屬辭人之伯朝紳倚重從橐增光竊以稽古
禮文美清於是職為時輔相多進於此塗若司馬公
之定典儀如歐陽子之掌誥命卓爾異時之冠蔚為
大用之階邈前後以相望曠古今而僅有恭惟某官
妙宗道壺雄帥文壇節獨貫於險夷塗兩更於禁滯
西垣兼直舊哦紅藥之飄東觀茲遊首挹青藜之照
已預裁於七制乃登踐於六聯豈徒縣蕞於漢儀正
詞致錄

卷之九

九

賀直院陳兵侍啟

宋播芳大全

雍時歸班鑾坡陟序壯猷經武定堂下之孫吳妙畧
繹文得禁中之頗收榮哉稽古展也逢時恭惟某官
德靜而莊學醇以博縱橫經庫甲乙丙丁四部之書
馳驟詞垣天地風雷八方之陣諸儒為之折北斯世
得其指南捷上蓬萊徑排閭闔寧遠時而徇義不屈

道以信身一薛莫留百參奚益玉鎖掣而麒麟出亦
既許年瑣蕭奏而鳳凰未正在此日疇民庸於海嶠
趣玉親於京華容勿論思雍容傑直佩荷囊之新渥
尋運炬之雋遊以精神驅五兵之材申號令鼓萬物
之氣莫測韜鈴之深秘但聞盤詰之嚴明白玉堂前
梅報春風之信紫宸殿裏槐移晝日之陰其塵壒埋
頭冰條照眼喜際戢素之盛復窺顓鵲之遺藜杖相
呼共聽山東之詔瑤瑩在望第廣淇澳之詩悉意歸
依無辭數叙

賀董侍郎啟

宋翰苑新書

詞教錄

卷之九

十

制垣晉秩寶閣升班論蜀良勞勉徇假留之國榮
固寵况加真拜之榮綸緯載揚紳綬交慶恭惟某官
清如秋水和若春陽雲夢胸寬平吞一百八盤而無
險天風背厚獨負三十六郡而有餘三年有成萬物
吐氣不見賈誼固深半夜之思願借寇君難抑庶民
之請仍魚兔之開國峻龍馬之負圖一札細行增井
鉞參旗之重三謨大訓貫奎文壁府之華歡動南衡
瞻塞西賦學士象八節不過一歲之少留刺史入三
公便在五雲之多慶何限麒麟之畫滿期龜鶴之遐
某何足控搏游蒙料理白水魚竿之入暮竟作退飛

青天鳥道之撫膺又勤羅致與其徒索長安之米不
如且賦灝灝之堆直為文翁再剖符兆足行矣安得
仙人九節杖亟往從之

賀江陵趙制置除工部侍郎啟

宋李劉

優詔元戎升卿起部司空用以寵舊荆之牧未曰殊
恩貴人不待入長安之城亶為異數中權增壯上眷
彌深恭惟某官氣直而溫材弘以毅稟衡山扶輿之
積人知鍾駿嶽之神師焚軒正大之傳天使壽熊湘
之學聞善若決疾惡如風粵從使指之膚出領制垣

詞教錄

卷之九

十一

之重茲貪膽落洗空當道之豺狼虜虜心寒驚遁繞
枝之烏鵲寬九重顧既三四年江左見導無憂固將
大用北門非準不可未免小留惟無敵知儒者之真
况有功見賢人之久徒得君重使若予工豹尾難粗
獻納上司於兩露熊旂犀節嗶嘑外震於雷霆營壘
旗幟初無所更朝野人士皆為之慶洞庭彭蠡可但
為分北之區廣漢江沱蓋亦繫二南之化况占雲綬
當護風寒竊窺往年根本宜固之言及讀近日事業
無窮之奏萬國王帛豈甘安王業之偏百年丘墟亦
貴度時賢之力願謹郊圻之申畫姑思牖戶之網繆

中興當用實材更訪英豪於物外上策莫如自治合
商得失於楮中與民守之吾庸多矣朝廷已深知治
行豈但儀簪索之班牙肅不足為公榮要當勉旃常
之績其雖無學術知有忠賢頃捧辟書輒干賓謁不
緣介紹豪稱人品之高尋困憂恫又為地主之累今
者尋塵驅之步復茲修賀燕之恭登樓而憶仲宣豈
但感凋零之迹下堂而執駿蔑或許傾結納之心

永轄

賀王右丞啟

宋王端明

登進儒宗參陪政路重熙累洽允惟一德之相求聚
詞敦錄

卷之九

士

精會神感矣千齡之罕遇綸言誕布輿論祇懼恭惟
其官問學際天謀猷映世維山仙系轉鶴望之風沅
淮水家聲擅烏衣之人物鳳閣持荷於西省鑒坡規
草於北扉直將追三代之文章豈復論兩京之制誥
至若進聯四近入贊萬微朝廷渴見於規摹縉紳想
聞其風采某蚤嘗傾慕晚獲披承風雨斯調企仰泰
階之明潤棟梁已就願承厦屋之幃幪

賀呂右丞啟

宋王灼

恭惟某官雄文華國敏識際天異春從容步武屢薦
於蓮燭殊私簡注姓名久覆於金甌果膺體貌之隆

進貳鈞衡之峻明良千載今古一時廟堂增九鼎之
基象緯炳六符之色某叨陪寮案幸托聲光未遑慶
牘之脩先沐謙函之辱舜官拜首允惟百志之熙周
輔同心坐庶萬物之治第深欣忭曷究感私

瑣聞

賀門下許侍郎啟

宋程頤

顯膺綸綍進貳機衡夷夏交欣朝野響動竊以東臺
地峻左省班清造膝嘉謀預聞乎大政沃心盛業密
贊於宏圖是為喉舌之司允謂股肱之任選用之重
古今所同恭惟某官道應直方器周遠大出偶重熙
詞敦錄

卷之九

十三

之運卓為名世之賢出入三朝始終一節屬聖心之
圖舊由江滙以召歸盤旋踰難進之風靜退保謙終
之吉千帆競過尚艤濟川之舟三年不飛曷測垂天
之翼格司真館均佚私庭雖久蔚於師言實陰儲於
帝眷碩膚能遜周公之赤舄方安舊物何求王氏之
青璫復得印音騰示與議交歸諒於轉漏之間已有
折衝之勢昔魯邦紆難由季子之來歸唐室中興自
晉公之再入得人之要其利不貲洪惟本朝臻此盛
事方將坐而論道力陳紹述之謨庶幾作成先王遺
見熙豐之治某尸官有守望廢無階賀厦之禽瞻華

檄而欲翼戀軒之馬後歸路以長鳴

賀梁給事中啟

宋蔡襄

輟立西垣通籍北省專銀臺封駁之任進項聞追越之班邦家之光海寓胥虞伏惟其官學窮奧蹟名冠倫魁元龜天地之機九鼎社稷之鎮被短褐而懷玉擅價翰墨之場結長綬而腰金策足功名之路凌風雲之佳會躡霄漢之清蹕騫騰夕拜之遷傾倒辰猷之告封詞頭而不下舊傳解事舍人之名批敕尾以復歸於觀儒者給事之效惟出令毋嫌於反汗則論議咸歎於回天仁人之利濟哉君子之道長矣可速

詞致錄

卷之九

十四

則速寔論諸公衮衮之升當言必言要為下士諱諱之益日三接而甚寵歲九遷而可量越海瀕而濯賢良已飛封侯之業游都城而取卿相方歌稽古之榮其刺首吏疆託身德寓悵阻光儀之久欣開寵渥之新鵬兩翼之垂天孰測南溟之運鳳九苞而瑞世但快朝陽之鳴歲律崢嶸禁途窅勿願精鼎食亟副瞻瞻

賀許給事啟

宋洪邁

疇績辰猷躋坐拜歲疑豹尾方看翠駕之常從矣兀龍頭又喜黃之身到名昭似日嶽如雷恭惟

其官北斗星樞西州雲錦追兩都之作見相如司馬遷之善鳴負三代之英與闕天散宜生而爭列輪事則義形於色臨機則膽大如身夷狄為之革心華夷得以增氣自宜補天子之衮胡為著侍臣之冠揭精鑑以題材重細璫而勸學言無不售道匪虐行進居管轄之司坐振紀綱之治若李藩之批還制勅與魏相之白去副封能大其官未幾而相此事寔寔之久矣我公慷慨以當之聊屈畫黃重門下駁違之寄便應進執握中書造命之權其搶頭爐鞴之中刮目綵綸之下圖南無路自甘從空地之飛窮北欲春當太

詞致錄

卷之九

十五

脩撰 秘閣

賀集賢楊脩撰啟

宋趙名誠

待詔承明之庭漠得人而為盛脩書麗正之殿唐置使以甚雄故子雲以詞賦擅名燕文以史筆自任迄今官司未改祿秩彌優公宴舉觴禮均四輔禁門通籍地接千廬自非學洞縑緗識參繫象博物幾乎子產屬文似於相如即何以記三篋之書諸儒歎伏獻四巡之頌當寧嘉稱允屬宗英式光俊選某官治行尤異秉心塞淵體大雅以成文蹈中庸之為德朱絃

雖越宛有正聲玉水方流自懷至寶由計偕而旅進
乃籍其以馳稱然庶幾觀於決科黃綬旋聞於隨牒
刺於南部載宣懸棒之威求瘼番禺益勵酌泉之操
適討論於邦典仍幹掌於關征聚貨殖於五都米鹽
斯劇考質文於三代綿蕝居多俄慷慨以上書果深
嚴而召試予津第一諒博極於天人江夏無雙且恣
觀於圖史顧亨途之伊始實與議之攸歸矧瀛洲列
僊之殊庭群玉上帝之冊府昔者金泥石檢嘗草東
封之儀縹帙芸籤重定開元之目今天孫候翠華之
幸星辟藏科斗之書必將講故事於乾封聿脩盛禮

詞教錄

卷之九

十六

賀刁秘閣啟

宋楊億

羣玉之府圖籍攸歸永明之廬俊賢所聚自非無該
文史洞達天人擅博物之稱負多聞之益則何以掌
蘭臺之秘記辨魯壁之古文克分承奕之非榮對鬼
神之問允資鴻博式副選掄恭惟某官竹箭貞姿天

球秘寶薦紳推慕負宸嘉稱群公奉金以交驩諸生
攝齊而請益紫宸引籍紅旆行春循吏之謚益喧於
十部望郎之選薦歷於三臺公望愈隆天眷彌厚屬
簡求於髦碩用刊正於縑緗輟明庭伏奏之勤副延
閣細書之選矧乃育材之地適鍾下武之期禮遇甚
優不至子雲之寂寥品流以別且無方朔之詎諧某
猥符竹之所拘揖風期而尚阻願言慶抃倍異等倫

秘監校書

賀陳秘監啟

宋熊克

渙頒龍檢晉總麟臺帝春愈隆亞六聯之妙簡官儀
詞教錄

卷之九

十七

益重總三館之清流典籍增輝播紳交馳竊以冊府
常虛於建長宸廷益重於選賢淳化裁儀中秘常煩
於舊弼元豐更制大蓬特昇於從臣益近而麓坡由
是階而升上而鳳沼自此塗而出天將大任道可前
知恭惟某官德性融明道心淵靜學能幾聖抑將在
軒輊之間道可致君蓋親見唐虞之際自復遊於帝
所即愈贊於皇猷司籍而別九流既獨專於書省揮
毫而奔萬象更兼典於詞垣皆極儒臣之榮蔚為賞
世之望果進班於長席愈妙簡於前旒某久間英符
偉聆新渥徒激危衷之喜尚嗟孤趾之留幸及承期

司離於劇邑繞更冀朔即遂拜於崇墉

賀曾校書啟

宋何臬

被召中宸警書東觀物情胥愜賢德有光其官自春
盛隆之時蚤膺文學之選下帷費舍六藝以造其淵
源揚笏路朝諸公皆矚於光價暫承劇寺還步殊塗
登天祿之峰嶠遊道山之清切玉杯繁露之異悉考
舊聞金馬碧雞之雄盡探奇迹豈惟閱簽軸之秘良
以養梁榦之才恩檢初傳儒林增杆其猶未遑於賀
牘迺見辱於謙滕其在感歲易勝敷叙

大小坡

詞教錄

卷之九

又

賀陳大諫啟

宋楊椿

光膺制檢首陟諫垣有爭臣者七人方資表率舉明
主於三代益賴箴規冕旒虛心箬綬增氣竊以重華
協帝必無求稷契之忠衆美效君孰不推王魏之直
方聖治內脩而總攬宜忠言入告以彌縫孰長熙朝
供奉之班必得昭代豪傑之士恭惟某官氣嚴而中
裕體粹而外冲與學根聖人之經周才濟當世之務
盡言無隱正色不阿果踐禁聯愈隆宸簡蓋魏徵之
奏剴切而當帝心况李渤之言優游而中時病豈但
嘉於諷議抑有取於弼諧某濫處郎闈猥通朝籍喜

承登侍從之列益告遠猷竊幸陪賓客之遊敢陳善
頌

賀大諫啟

宋熊克

特膺妙簡越踐要塗時稷契之忠言冠於諫省第開
鴻之德行錫以儒科柄任實階與情允屬恭惟某官
學該流略而洞視萬古文類盤詰而勒成一宗練本
朝之舊章審當世之大務徧臨三輔參領京輦之機
擢實六聯更貳儲闈之化將命既還於萬里陳謨益
契於九重茲簡清衷遂疏曠渥蓋蒼生待為霖雨姑
令諫譚之露而學者仰如泰山庸賜詞林之擢高步
詞教錄 卷之九 又

賀梁司諫啟

宋王十朋

光膺宸命榮貳諫垣當朝廷多事之時承風俗積弊
之後內有群陰之壅蔽外仍強敵之侵陵可謂不
而反諱大言既已比之使之馬今日何日而不監前
日其可忘覆轍之車幸遇正人適當言路固宜犯顏
而首論大事誰可削藁而徒為小忠天子以為是而
諫官以為非言有聞於前輩君子有所恃而小人

所畏事正賴於明公庶幾無愧古者之七人斯可上
繼堯朝之四諫某受知有素贊喜彌深輒獻狂瞽之
言少為忠讜之取

賀鄭正言除司諫啟

宋翰苑新書

就陟諫垣頓增國重免囊奏疏尚參西省之聯黃紙
除書遂正七階之品人後仁言之博士知元氣之還
贊書一傳輿言具稸其官脩名益代厚德鎮浮黃鐘
大鐻殆非近世之人物光風霽月綽有前輩之風
孤忠上簡於龍光清貴亟躋於鵷序冠冕角陰見
現而已消手批龍鱗木從緇而自直屬時霖哲渴想
詞教錄 卷之九 二十

賀湯司諫啟

宋劉克莊

孚號于廷名官以諫聖朝無間事不待批於龍鱗天
子有爭臣尤急聞於骨鯁識者相慶翕然同辭恭惟
國朝參考唐制莫要於御史府莫清於供奉官誦岑
參杜甫之詩日趨東省拜陽城仲舒之疏時守延英
向非一代之名流局副九重之妙選恭惟某官淵乎

似道浩然至副樓運樂衡泌之間微起遇風雲之會
公每抗論幸明主可為盡言眾亦望風意山人不樂
名利援禮以杜家臣之僭奮筆以誅世卿之萌謂君
然後有反坫塞門謂盜豈容竊大弓寶手鄭公所上
百奏莫不切心陸生每著一篇必蒙稱善後宮敬憚
於質肅貴璫欲避於淳夫乃冠伏蒲之清班以旌折
檻之直氣有若仲山甫之補袞方嘉賴之欲如神明
退之拂衣胡可得已行陟大坡之峻徑齊兩地之專
其側聽出綸不知折屐幸有要津為吾輩之盟主敢
以晚節累平生之故人獻徂徠聖德之詩尚能勉強
詞教錄 卷之九 二十一

察官

賀齊察院啟

宋熊克

召自計臺復居憲府惠文彈治豈惟舊物之還侍從
論思佇峻中司之擢有識交頌不謀同辭竊以邦憲
總于一臺官儀峻于三院動無掣肘凜乎山嶽之或
搖進不違顏朗然雲霧之為隔上聖方躬於總攬真
賢宜付與糾絕恭惟某官繼藉醇深規摹閎博妙學
淹貫通八索九丘之書雄文渾成全三光五嶽之氣
出翔久矣恬養浩然蚤進察於臺儀高懷勇退果益

降於曆春溫詔趣歸既臺閣之有光亦朝廷之增重
督簡書於肅政姑舉彛章侍冕旒於未央即陪密命
其猥分漚指遜聽除音莫同賓客之趨局勝寤寐之
喜

賀洪郎中拜察院啟

宋播芳大金

親擢郎潛進司臺察十年去國安泉石之膏肓一
起家任朝廷之耳目公無欣戚邦有榮懷恭惟某官
行守宮庭道探壺奧養以剛大獨扛百斛之龍文出
其緒餘連中八科之麟角惟其守專而退勇是以任
重而進難社下之內既均尋拜護軍之曲逆治中之
詞致錄

卷之九

七

足未展顧令乘障於陰平儀粉省以歸班封皇靈
論事回天有九方將批徑尺之鱗偃月生疑已不容
立仗之馬曾謂考功一出息之頃遂見拾遺九鑪火
之明星既圻於中台席遂前於半夜甫登表著徑拜
秉行獬豸觸邪難置豺狼而不問鷹隼始擊尤開龍
象之共觀聲聞破頭已足落膽升九山襟九川陂九
澤通地氣以上騰開四門明四目達四聰發天光而
下濟此真御史矣豈憂匈奴哉鑄金鼎以圖姦不難
調鼎察玉衡而齊政然後保衡其一寒瘃冰六暑戎
雪將追問閣而曝日喜聞臺閣之生風鵬鷁之在秋

天儻或寬於西擊鳥鵲之繞夜月願姑聽其南飛

賀杜察院啟

宋翟汝文

蝦從冊府權真憲臺當乾坤清夷之時居山嶽動搖
之地有識交頌不謀同辭自漢推三獨之雄至唐增
六察之峻風凜臺閣霜凝簡書乃近輔之所儲豈象
僚之可擬恭惟某官聲華籍甚氣節凜然頃由蜀道
而來遂出漢廷之右鑑明而塵垢不止鄙吝皆銷昂
銚而懸甍莫逢姦邪自屏果繇老氏藏室之秘進列
天家御史之雄某屬領使輅阻趨賓廡身自比稷契
祖風已繼於少陵君庶幾成康世業願追於如晦
詞致錄

卷之九

三

賀劉殿院啟

宋陳傅良

光奉恩綸進司風憲上念深矣師言穆然某官高明
有融中立不倚學得其要宜在四科之間論歸於平
不致九流之辨而又養以靜重黻於謙和自肅朝端
益隆物望往者一臺之長取諸三院之聯蓋啓沃帝
聰必獻納存之久而維持國是宜名實上下之孚
豈曰序遷政惟衆允矧屬清明之始方頃正直之賢
疇咨百工誰克堪弄印之憲孤立一意公遂躋三事
之班某辱在下風頗蒙異顧雖上體朋亡之義不欲
自言至存叨器使之恩敢忘歸德

賀威察院啟

宋真德秀

誕發之機分糾栢臺言路置六察官實司公道之朋
聖朝用一正士可立太平之基漢詔風馳周行霜凜
伏惟某官英姿挺特素節高嚴卓爾不群行庶幾乎
大雅時然見面望而知為吉人自登百羣之聯寢結
九重之眷容臺禮樂甫參議論之官憲府紀綱亟任
梓彈之寄方將龜鏡國家之治亂涇渭天下之是非
為正論之指南斥儉朋於有北坐令海內如慶曆嘉
佑之隆平肯使吳中獨敬與希文之專美某曩陪駮
式風仰賢猷切聽鳳鳴深為清時而喜敢同燕賀獨
詞教錄

卷之九

高

忻大厦之成

賀薛察院啟

宋劉克莊

出綈楓宸提綱栢府古者國有拂士莫如諫諍之臣
故事臺無長官尤重雜端之任贊畫初下與望翁歸
自昔明目達聰之朝必有犯顏敢諫之士有希文永
升實開天聖慶曆之太平無元城了翁誰為元祐建
中之命脉偉矣執事今日之拜凜然羣公先正之風
恭惟某官養孟氏之至剛聞曾子之大勇頃我鷹角
親將虎鬚舉扇障元規之塵安能況我裂麻沮延齡
之相不亦壯哉自拂袖觚稜之邊徑誅茅廬略之下

屬者負辰收倒持之柄臨朝思曲突之言趨歸邇英
俄提補闕皆謂霜稜之勁宜居風憲之雄益進昌言
永扶皇極某屬叨乘傳登聽置郵在右靈葉中何幸
獲陪于下客當留延門外自嗟不及于武人

宗卿

賀王秘監除宗卿啟

宋翰苑新書

東觀策勲西垣振武金枝光裏宴高九棘之班紅藥
香中獨妙五花之誥朝廷盛選儒者至榮共惟某官
學根六經文起八代富貴倘來之物於我浮雲神明
對越之心有如皦日萬事水流而不競孤標山立以
詞教錄

卷之九

二五

難移天不虛生世寧多見方領群仙於天上忽瞻一
佛於人間對薇閣之黃昏挹銀河之清泚言足以動
武夫感泣之志行足以平公子信厚之風一舉軒昂
諸公辟易度玉墀而升金掌人謂回翔首龍榜而到
鳳池上方嚮用亟躋近輔不建太平某辱軫心期忻
傳手筆驚人好句曾聞御柳之飛花滿地清陰上想
掖梧之依蔭

賀呂宗卿啟

宋方岳

擢從烏府董正麟宗上帝鑒觀四方獨系隆於我宋
文王本支百世思薦敘於吾儒乃啟塞塞之王臣糾

合振振之公姓是皆法從有偉名鄉非熊非羆非虎
公望久矣如圭如金如錫人快觀之式顯詔草之類
增我於闈之重某喜於賀厦出則無車猶未免鄉人
豈惟可太息者六耻獨為君子所賴有違尊者三敢
不彈冠倚顏聽履

卿監

賀岳總領除大卿啟

宋李劉

四牡奏最九扈升班王人不微夙序諸侯之上臣卿
雖少有光八使之間邊面驩然帝心簡在恭惟某官
天材敏邵地望穹華端腹精神解千牛之肯綮撐腸
詞致錄

卷之九

宋

文字空萬馬之躊躇豈惟建武功臣之家亦習正元
供奉之曲久將餉指仍領价藩蓋歸乎未遂登龍尾
見知則悅聊進豹樞卿不同乎暫掌九功之貳侯誰
在美巫膺一札之招某共飲玻璃未覩珪玠視之故
府龍猪竊幸於同官于彼新田燕雀敢稽於賀厦

賀黃安撫除大理少卿啟 宋李劉

晉卿叢棘升帥前茅乘八月之槎既瞻隨於斗柄回
二星之部仍典領於參旗四履驩然重臨幸甚恭惟
某官負材明允蓄德碩膚瀟灑澄深得龍津炳靈之
秀法與鬱積繼龜山正學之傳久留金馬之坊妙幹

木牛之運中兼閭制外檐戎輶遠略折衝南人不復
反矣從臣虛位東山以公歸子然河內競借於魁恂
宜闕中復留於蕭相峻升金掌併總玉鈴公去公來
信有關於輕重時行時止俱不失其光明共羨班景
倩登仙之除咸有樂正子為卿之喜佇盡護於諸將
遂進長於六官某凄其一寒去此十暑未問五馬二
毛之無用最覺孤鴻獨影之可憐矧縠波之素封今
掃地而赤立水旱重蓼蟲之苦風景增蓴鱸之思所
幸穎川黃霸之復來或察夜郎李白之可念老牛舐
犢誰敢論瓜葛之連孤鳳求凰或亦備蘋蘩之薦其
詞致錄

本卷之九

宋

為頌侯罔既鋪茶

史板

賀聶左史啟

宋李劉

中宸渙號左侍升賢夾立螭頭均為清切進攜龍角
愈近凝嚴彰清朝選用之公示君子登庸之漸恭惟
某官材全而業鉅學廣而聞多秀出班行固已芒寒
而色正凜然氣節不為義疚而利回五年省闈之彌
綸萬里戶庭之清晏賴舍人之解事為天子而記言
績用孔殷序遷惟允楚左史之能讀八索蓋儲倚相
之材唐中禁之用第一派亦為議政之地佳傳相期

於千載脩名剽跡於數公其遠落魚鳧阻陪燕雀甚
愧夫人厚頃嘗聞所聞而來屢為丞相言是有得不
得之命懣懣既令其膽破岷峨亦使之眼高望五雲
多處之星早登魁輔倩萬里橋邊之水聊送客心

賀黃左史啟

宋洪邁

騎省疇庸螭坳振武立雷霆之下屢聞劇切以責難
司雨露之邊更許直前而論事維新厥命不失其言
恭惟其官瑞應魁衡聲摩奎壁得三光五嶽未分之
氣務養其源讀八索九丘有用之書草窮所學夙著
六君子之望坐追三諫臣之風黑白既分丹青自炳
詞敏錄卷之九

卷之九

五

聖朝舉無缺事可少緩於歲規人主茂有戲言正欲
明於記注進躋左城密侍前旒移疇昔皂囊剴切之
誠示此日青史簡嚴之筆侍玉皇之香案共欽稽古
之榮築宰相之沙隄佇完濟時之業某久依霄蔭聳
揖氷街白髮相欺南國自嗟於留滯青雲可附河東
有待於吹噓

賀真右史啟

宋陳耆卿

楓宸渙號柱史升華峻直北扉矯矯麻頭之健筆搗
毫右陞英英簡上之清風疊組孔嘉垂紳不俾切以
唐虞雖遠都俞具載於典謨班馬不生筆削允資於

記注折旋螭首咫尺龍顏必有龍六為七之功足載
登三成五之治恭惟其官名宣宇宙氣壓岱嵩玉質
金相允矣文章之正印氷懸雪跡凜然節義之大開
以布韋寡二之姿擅科目無雙之選闊步亨軌橫飛
雋壘不俛首以隨時每抗顏而白事賈生通達氣少
和平仲舒淵源言多迂濶惟我公之聲效中有國之
膏肓以此猷為必能袞袞發揮神聖有公是公非之
權判白奸回無乍賢乍佞之惑直聲九鼎正氣千尋
上而國家宗社之榮下而海寓生靈之慶某懷人華
里在天門方借許當今文物之豪實為近世班行之
詞敏錄卷之九

卷之九

五

史館

賀鼎司諫兼史館啟

宋洪邁

周有司諫之職所以名官唐設大夫之階因而命服
處諍臣七人之任超散官五品之榮仍兼史閣之資
實聳士林之觀恭惟某官瑰琦邁俗純粹蘊中負王
佐之偉才擅人倫之嘉譽至誠遇物固璞玉以渾金
餘力為文必摘錦而布繡自決科於丹陛便隨牒於
四方主父欲厭於宦遊賈誼始聞於召對職司直筆

削青簡以惟勤班奉內朝服皂衣而已久果上書於
關下旋對策於禁中三道既成推平津於第一萬乘
斯覽喜相如之同時遂詔有司亟遷好爵華袞之職
俾効於彌縫名山之書再加於論次既臨軒而廷見
仍賜服以褒崇朱紱被躬式將旌德嘉魚發詠用慶
得賢固將大樹風聲克揚職業三進及雷一言興邦
更彰寒謬之名便歷訐謨之任豈但文石之上為驚
鷺之羽儀蘭臺之中正魯魚之譌謬顧惟祝望實異
等倫

賀張參政脩史啟

宋陸游

詞致錄

卷之九

年

誕布明綸總提鉅典固已動鵷鷺行之喜色而況在
牛馬走之後塵不能自已於寸誠是敢冒陳於尺牘
恭惟某官自天生德降命應期闡溫厚爾雅之文經
緯萬象負超軼絕塵之識鎮撫四夷位居台鼎而有
山澤清臞之容禮絕縉紳而無王公驕泰之意心虛
靜而觀復道冲用而不盈周公太公方隆夾輔之望
克典舜典更專黜陟之功賞以袞衣黃閣之尊下垂
蘭臺石室之事在天三后巍手下臨作宋一經信矣
無憾其偶蒙簡拔獲預討論已侵投老之殘年何補
不刊之信史仰傳嚴之霖雨韋預在廷端杜曲之桑

麻尚勞泚筆想典刑於諸老已媿空疎竭精力於
書敢忘策勵

國學

賀楊國錄啟

宋林豈塵

畫承三接晨誨諸生帝問嚴安恨見之晚士仰韓愈
快觀之先斯文有光吾黨增氣欽惟昭代截若彛章
至於授擢茂異之倫則必度越尋常之外然而由選
曹而登文石此事罕傳拔外官而儀辟派近比間見
天其或者道將行歟朝暮取一人焉而羣遂空東北
歸二老者而子焉往豈惟盛事卓掩前聞某官負三
詞教錄

卷之九

三

宰掾

代賀韓檢正啟

宋翰苑新書

渙發綸函晉陪正路與大臣上下其議論相業在焉
惟吾儒明習於典章國是定矣永言雅望簡在清
恭惟某官忠義相傳風流是似惟先正佐中興之運
有大勲勞繫皇考嘉貫日之精生賢輔佐言語妙於

天下知畧奏于上前屬時多禧光贊元老斷國論而謀政體惟克彌綸騰茂實而蜚英庶邁觀經濟行踐禁途之邃騰言寵渥之新某切仰令猷忻聞成命聖賢相逢張治具不在茲乎日月獻納為侍臣無出右者敬脩慶楮恪布消悰

賀胡檢詳啟

宋洪适

跡寵詞垣參華宥府樞機周密務講帝王之遠圖精神折衝與聞軍國之大政惟若相慶同然一辭共惟某官玉質端方金莖助爽文章餘事六一居士之典刑忠義大閑仲淹先生之氣象曾百年幾見之猶少詞致錄

全卷之九

三十三

雖一日九遷而未多步武幾庭編摩時政事殆炳於燭照謀何啻於淵深引而進之帷幄之中坐而籌之樽俎之上扼奸有術制變無形相若恨推轂之何遲天子欲虛襟而盡聽成冑中之武庫况有丹心冠頭上之進賢雅宜綠鬢某久沉白水幸附青雲話臺上之情未入春風之雙燕望樓頭之影尚憐夜月之鴻

爵封

賀定安郡王啟

宋馬騏

帝庭敷號王社跡思褒功而勞使臣方進蓬山之直

崇德以固宗子遂開涇水之封播告遐遐贊動觀聽以漢興中天二百載業既綿長周封同姓五十餘旗方敦飲庸有維城之傑蔚為祭酒之尊恭惟某官胃出神明任更師帥屏膏粱之習蕭然有寒士之風極翰墨之工粹然得作者之體輟將使指隸守宗藩雖甘泉豹尾之遊少稽輿望而磐石犬牙之任特簡淵衷佇備元戎十乘之容更視泰階六符之象某幸依洪庇歡聽新除非劉氏不王既承於顯冊以勝君為長用壯于熙朝頌詠既勤拙訥難盡

賀史相父追封越王啟

宋李劉

詞致錄

全卷之九

三十三

加冊元勳配祠清廟考十八侯定位之次惟蕭盡侑於祭廷應五百年異姓之封于越肇開於封土遂吾相顯親之願彰我皇念舊之恩宗社同休華夷胥澤恭惟某官始終三紀師保萬民湯於伊尹蓋學而臣之克同一德舜舉皋陶不仁者遠矣允協重華宜侑食以匹休曾易名之未稱思股肱於甘露想形貌於凌煙一卷之書必立師矧實先朝之舊學七世之廟可觀德誰踰烈祖之老臣徹彼土疆儼爾邁豆惟舅丕卑稱德峻加茅胙之分茲予大享先王永配樹馨之薦大昭異數夔梅前聞伏遇某官克享天心善繼

人志故國非謂喬木蓋倚世臣成績紀于太常以昭
先烈用宏茲責日篤不忘某世沐殊恩身逢盛事屬
嬰美疾莫陪東閣之賓疇允大邦切頌西平之子

建節

賀史督相啟

宋方岳

參持國柄董護戎垣江左有夷吾而復何憂正資妙
畧中國相司馬而母生事坐折遐衝天啟聖心瞻維
王佐共惟某官濟時以治安之策致主以太平之書
南鄭相北鄭相而譜世家豈特衣冠之盛大馮君小
馮君而難兄弟並開宗社之休薦紳竊仰其絳綸旒

詞教錄

八卷之九

三

冕渴聞其論議夜下庫牌之召席前丙枕之安廟謨
獨斷於一言國勢重增於九鼎予惟克邁乃訓已罄
嘉猷天將降任是人遂陪政路肆颺大冊兼總全師
蓋宰相外撫四夷允賴精神之運惟天子明見萬里
迄成道德之威遠候公歸丕承帝眷某猥縻相寄莫
遽庭班瞻被熊旂徒有執干戈之志已窮麗技願賡
洗兵甲之詩是開休顯之期式慶明良之會

賀朱丞相帥紹興啟

宋汪應辰

輟從絳帷就領帥藩還秘殿之隆名建行朝之巨屏
迎聞新命同極歡心恭惟某官德茂儒宗才優王佐

高明淵懿之學素博極於羣書疏通雄傑之文獨兼
全於數語名喧宇宙會感風雲徧敷簪橐之華亟拜
鈞衡之重適時多故能人所難夷狄長驅而談笑救
寧當匹馬渡江之日虎渠作逆而從容處决成五龍
夾日之功忠嘉昭宣識量宏廓久淹留於湖海實注
想於宸旒袞衣繡裳方趣還於北闕朱轡皂蓋聊借
重於東都諒亦假途即還揆路其受知頃歲阻關有
年蚤荷鈞陶采及菲葑之下比交印綬實慙糠粃之
前承教匪遙向風竊抃方炎曦之在候屬旌騎之成
塗跋履之間節宣是禱

詞教錄

八卷之九

三五

賀張丞相帥金陵啟

宋胡寅

光膺制綽榮鎮留都起自東山蓋夙推於雅望圖茲
南土遂益振於先聲凡有識知干胥鼓舞恭惟某官
當朝元老命世真儒學窮東海之淵源文擅西崑之
氣象方維真位仰八柱之承天海宇重光瞻五龍之
夾日關河響動宗社真安名遂功成來遊綠野神和
志定久伴赤松唯用則行而舍則藏斯進以禮而退
以義果逢感旦圖任元勳至公若氷生理如洗鑒彼
鳳板載嚴秘殿之崇班虎踞龍蟠全界上派之重地
運奇兵於掌上隨點虜於目中百城咸肅於威聲四

海垣周於和氣江山增勝疆場愈安瑯戈游旂允賴
金城之勢玄衮赤舄即還玉鉉之司某仰望光塵拘
塵職守潭潭公府比幸遂於鳬鵠兩兩台增即莫諧
於燕賀隆冬載候景貺來宜願言茵鼎之調仰副冕
旒之春

賀陳督相無宣撫啟

宋熊克

神旌北指方進取於中原天仗東旋獨仰成於上宰
量數路飛翰之旅慰兩河塗炭之民朝野懽呼華夷
震疊竊以元臣崇都督之任謝文靖總衆遂捷淮淝
宋平抗宣撫之權韓獻肅臨邊米屈靈夏曠古今而
詞致錄 卷之九 三

一遇選前後以相望昨屬羌胡輒渝盟誓驕蹙既蒙
於淮向邊烽亦警於漢裏獨犯歲星之所臨咸料佛
狸之必死獵狝孔熾用煩大駕以安臨徐方不日歸
留上台而經畧肆揚大冊無畀重權蓋漢將多才賴
陳平之畫護而蔡人新服資裴度之來宣恭惟某官
大業格天遠猷經世宵蟄禹卷聊試出其緒餘掌玩
四夷率皆得其要領時方無虞則裨贊廟謨而存持
正之體世或有警則措畫邊垣而高應變之才惟天
罔於成功宜帝賚於良弼比隨清蹕往視連營借前
箸於張良屢吹幄中之勝示輿圖之鄧禹時分麾下

之軍方將施策繼指示之謀布還定安集之政豈特
使河南之復庶幾令漠北之空既咨方叔元老之壯
猷誰謂匈奴中國之堅敵某夙陶塊比迭蔭煥煌靜
觀形勢之張仰義規摹之杜猥縻使傳阻造軍門相
同德而迄天誅即致干戈之戢奏膚功而定王國仍
觀衮繡之歸

賀衛參政除江西帥啟

宋李劉

九重圖任起東府之元勳十乘申咨撫南昌之故郡
蔚總崇之未藹紛時竹以爭迎曰殷鑒熙重臨華甚
恭惟某官智仁且勇直大而方崑山片玉之挺生天
詞致錄 卷之九 三

寧無意虎丘一輪之未滿公亦何心然夷狄之問寇
公與兒童之誦君實是關國體難久家居與我處賦
畝之中只成歸繫使人得湖山之外盡憫去思宜煩
熊旂犀節之嚴更借鶴嶺鸞峯之重軍民雷動共欣
吾父之重來道路風傳仍喜我公之未老凡自卯至
酉之交說蓋先庚後甲之素孚吾人七年流秋殺春
生之惠長天一色洗星移物換之悲昔黃霸之於潁
川及馬總之於鄆鎮雖云并泣詎足並言蓋申命宅
南之咨乃歸公于東之漸魁台齊色益足光牛斗之
盛霖雨思賢會即騎尾箕而上某一遠材館四候觀

臺造舟為梁鬢已蓬於灩澦荷戈與役骨幾葉於褒
斜難爭汗馬之功徑返屠羊之肆忽聞閨禮樂之有
神喜至捲詩書而欲狂偶見苦於小兒未得詣於大
府下榻而延孺子詎敢希舊物之收踵門而告文公
惟當致新毗之敬

代曹安撫賀衛參帥啟 宋李劉

譬咨舊弼出牧价藩泰階六符下照星沙之地元戎
十乘大開天柱之雲前茅甫臨全楚庑豫恭惟某官
洪深而肅括明允而篤誠魁下三台什榮進於素定
胃中五色補造化而不言由兩地以養恬為二天而

詞教錄

卷之九

宋

出守辰猷定命聯漢殿以通班甲令著忠盡衡山而
賜履王麟訢合竹馬驩迎令湘安流使嶽脩貢政平
訟理而無愁嘆聊寬南顧之宵衣國小地狹不足回
旋即侯東歸之畫錦某濫揚前軼幸及成瓜以望君
如歲之心願言叱馭然用汝作霖之命猶恐追鋒

賀蔣尚書帥發州啟

宋陸游

解中執法以暫均勞佚拜大宗伯而入侍禁嚴雖若
不得其言固亦未為弗遇乃抗投閒之請力斬就養
之榮詔諭靡從藩條初布上倚承宣之績士高廉退
之風恭惟某官直哉惟清淵乎似道慨歎許國肝膽

稟其輪困慷慨疾邪山嶽為之震動進率由於獨斷
卽早見於盡言未移桑蔭之淹入總栢臺之峻國方
增九鼎之重身已如一葉之輕魯人獲麟以為不祥
雖愛憎之叵測塞翁失馬未必非福抑倚伏之何常
某幸託里門獲趨賓席身世等薊管之棄孰憫餘生
姓名託甄冶之公尚須異日

賀許尚書帥蜀啟

宋程敦厚

天開綸綍煥日月之休光雲擁旌旄動江山之喜色
德望久隆於八座威名今浹於三川翹首傾瞻刺心
悚慕竊以禹貢惟敘分五服以正邦周制肇隆統十

詞教錄

卷之九

宋

連而建牧誕揚聲教實賴蕃宣矧梁州奠而執王奎
山暨蜀道通而承流澧水文翁建學肇興齊魯之風
廉范下車咸詠袴襦之政叱馭顯忠臣之操選材揚
樂職之章自非夙著英聲何以遠追前躅恭惟某官
羽儀王室黼藻人文炳靈自太嶽之名宗鑒裁得汝
南之品目早飛英於藝圃夙被眷於淵衷諤諤縉紳
之楷模堂堂國家之柱石卿雲呈瑞載史筆於螭頭
紅藥翻增代王言於鳳閣謀猷出納荐膺喉舌之司
事業贊襄克任股肱之倚出專方面隱若長城爰授
卽於文昌暫折衝於元帥南陽報政方騰愛日之休

聲右蜀頌條已播陽春之和氣岷峨擢秀參井增光
竚聽高吟一洗草堂之風月立臻美化再新石室之
絃歌行俟衮衣之歸克副金甌之選普施膏澤咸慰
具瞻其勉望履聲疎峴巖采雪山方重盡欽嚴尹之
來鼎俎若動願獻王褒之頌

賀葉尚書帥荆南啟

宋唐庚

輟班常伯寵寄元戎內閣邃嚴首預龜圖之秘上流
要重獨顯豹畧之奇將士傾心羗胡褫氣竊以漢江
揚之南紀疆理是先荆楚晉之西門經營尤重蓋內
接金陵之天塹而外連王壘之坤維豈惟守國之規

詞教錄

卷之九

四

模正得用兵之形勢肆疇傑望往殿會藩十乘先行
亦既佩龍淵之劍一戎大定將共掛天山之弓恭惟
某官卓識際天精忠貫日嶽降神而生肅允為命世
之才尹以道而要湯蚤負致君之學貳職版省則國
計以裕導旨機廷則王猷以宣連八座於中臺方資
率屬總十連於大府式賴幹才遙望兩都則故宗廟
宮室灑掃有期盡護群師則舊營壘麾幟光彩自倍
其退惟疎拙深荷眷憐雖謀帥安邊喜遐衝之坐折
然知已在外歎孤跡之嚆依意嚮深動辭訥難盡

賀秦龍學除帥啟

宋曾鞏

進參內閣就正中權輿然休光服於衆聽恭惟某官
智周物表識在幾先疏達變通之才蚤推於朝論英
奇敦厚之氣實嗣於家聲惟先朝辟國之初而執事
宣勞之際總齊邦賦已逾於三年躡領帥權各遍於
諸路山川不離於指顧草木亦熟其威名故一朝疏
授鉞之榮而舉軍恨登壇之晚幕府惟舊號令更新
某積媿疎愚久塵盼獎忘竟功名之會耻辱文字之
閒僅許屬韃獲伍西河之士猶能載筆往銘瀚海之
師瞻頌逾深情誠固既

賀王待制帥荆南啟

宋宋禹圭

詞教錄

卷之九

四

報政中都陞華次對密綴甘泉之法從雄鎮長江之
上游頓寬南顧之憂共得左符之選斷由當宁喜見
在庭恭惟某官才為吏師術本王佐副誠百鍊試之
而所向無前器受萬鍾用也而尚虛其半召是武康
之誥入騰京兆之聲三府交稱十行煥號紫荷陞禁
橐之貴黃金賜華帶之榮謂游办解牛既輦轂之下
先彈壓想虛絃落鴈必樽俎之間可折衝誰謂公安
乃得君重將褭然列置上衮頃遠矣賢若長城落日
樓頭想未歎依劉之對受簞席上顧已深見賈之思
某謬沐知憐方承庇覆隼旟在望靡皇前綴於賀裾

鳳沼遙歸尚幾先迎於召節其如歡頌罔罄敷陳

賀陳待制帥江西啟

宋戴翼

光奉王綸大開帥閫整頓吾閩之天地方蒞鼓之歸
來洗清江右之風塵又旌麾之暫出踴躍吏民之喜
歡呼父母之臨共惟某官橫水孤舟擎天一柱事業
皆自六經出得北山先生家學之源流人物若以三
國言真南陽老子王佐之才畧筆下不私一毫賞罰
胸中莫知幾萬甲兵未暇以小小設施者言之請舉
其彰彰勲績者數也歲在己丑盜起潢池聞諸父老
之言自有此汀鄆未嘗有此寇或者顛危之際若無

詞致錄

卷之九

望

我拍撫則亦無我民福星一路之歌謠生佛萬家之
香火然能以身任朝廷責誓不以賊為君父憂有是
駿功盍登鴻輔帝念江西數郡九幾罹兵旱之災卿
實斗南一人姑往任軍民之寄一札朝下單車夕馳
界上有此我杜公非汝杜公之爭軍中謂今小范老
非大范老之比方其歷境首誅八九渠兇孽諸奕棋
此最第一高著典刑既正風采可知它盜自束手以
額降汗吏亦革心而退聽蛇虎之害既去鴻鴈之居
自安不勞指麾悉就條理民何幸甚天實憐之星分
翼軫地接衡廬幸早了一方之規畫川用舟楫早作

原缺第四十三葉

在太公之履耳聞踴躍心喜依歸僅有腹心之言何
敢自嘿若令臂指之運尤當敬承縷縷欲陳拳拳未
竟

賀郭殿帥知揚州啟

宋胡應松

奏最殿嚴總戎邊閫煌煌金節方拱扶斗極於蒼霄
黃道之間獵獵神旗忽鎮壓江淮於絳節碧幢之下
稟奉九天之睿美亶宣萬里之皇靈驪動轅門和薰
比屋竊以羽林握天軍之要齊壇肅大將之威入則
陞戟周廬壯七萃八屯之衛出則雕戈錫盾顯五侯
九伯之征周條侯以太尉而將三十六軍遂平七國

詞致錄

卷之九

四十四

霍驃姚以司馬而領十四萬騎果克匈奴於赫聖朝
遐參漢制皇祐之平交廣狄武襄宣撫於荆湖元豐
之拓熙河郭宣徽總制於涇陝率繇禁列出殿帥垣
而况山西之將家無出汾陽之華裔中書二十四考
獨盛前朝南渡七八十年深隆奕葉列第交施於榮
戟豐功踵刺於鼎彝赫然芝檢之新藪是棠陰之舊
一代將相未數此平之祖孫三世威名可斷慶州之
父子恭惟某官虎視龍驤之勇鸞翔鶴峙之姿聯勿
陳而扈太微懋便蕃於睠渥封居胥而臨瀚海素懷
慨於功名方胡運之衰殘軫廟謨之經畫念雖坐籌

玉帳可折還衝不如馳至金城親上方略屬茲謀帥
無以易公輟環尹而作元戎上意蓋深於北顧總効
兵而泣大府先聲信傳於朔陲鳴劍抵掌以睨關河
望遠博穴以壘沙漠勒燕然之石垂之萬年挈輿地
之圖還之九廟與國無極視祖有光某骭髀書生蕭
疎冷職銅花欲蝕凜秋之劍芒鐵硯未穿淬毛錐之
筆陣耽瞻幕府願曳宸裾推越河之鋒方聳聽劉琨
勸進之表獻平淮之雅愧莫賡唐人皇武之詩

賀李帥啟

宋鄭厚

轅門伏鉞掃狂寇之陸梁天陛函綸渙宸恩之優異

詞致錄

卷之九

四十五

蕭印既還於舊貫左符仍渙於新題內聯八貫之官
班外擁中權之節制寵兼三接榮冠一時除目所加
僉言惟允恭惟某官虎頭封相猿臂家聲凜冽氣以
橫秋挺精忠而貫日雅量素推於遠密清風時見於
謙虛抱節起家欲效鯉庭之訓以身許國遂多金印
之祥埒淮陰背水之功邁竄德斷橋之勇比者山溪
之際寇竊為群蹂躪方州震驚生齒屬鋒車之入覲
率王旅以徂征未經歷於旬時已殄殲於醜類初聞
廟算欣千載之難逢既策戎勲沛九天之峻渥果見
功名於韓白佇觀政事之龔黃某頃以蓬蹤叨居蓮

幕側聞威舉良慰卑悰撫官職之羈縻恨關山之遠
邇有階引步阻觀森戟之陳驛騎傳音敢後孽戕之
慶

賀呂帥啟

宋熊克

渙出宸綸昂來帥屏仍進寶儲之直以光英蕩之行
竊以六朝最重於廣陵十國莫先於連帥雖臺瑩苑
瞻古跡之猶存虎節魚符睠兵權之特重況今日方
圖於恢復而此邦素積於經營築壘新城乃上相督
帥之所慕兵北府寔元戎練武之都匪簡瑰才曷堪
隆委恭惟某官道器宏遠德宇靚深膺見旅之殊知
詞致錄 卷之九 四十六

制置

賀陳制置啟

宋李良臣

密奉隆恩顯膺異數擁諸道兵權之重任一時帝命
之專久鎮侯藩增光帥幕凡居節制第切欣愉恭惟
某官濟世才高立朝人傑文章出於餘事術業本於

壯圖而卻穀之詩書兼吉甫之文武忠誠風著金百
煉以難回正直獨行玉三獻而始辨感遇風雲之際
會縱橫龍虎之輜鈴萬民望於縉紳結主知於黼座
邦畿之右伊維而南雄堞相高臥護列城之寄舟車
所會折衝千里之遙統十萬之王師宣九重之廟畧
胷中數國天下長城總戎遠達於重湖禦武佇寧於
全楚龔遂之息盜賊俾嚮化以自安冠恂之撫吏民
乃迎風而咸定舉賢能於不次錫綸綽於非常許以
便宜展盡經綸之術久於委任倚成捍蔽之功鳴騶
在塗抗旌入境郡邑想聞其風采官寮仰望其威名

詞致錄

卷之九

聖

某濫預分符側聆視印未識荊州之面已託庇於旂
幟仰瞻元禮之門但馳誠於履舄

賀李制置啟

宋方岳

誕聞制柵居守留臺南浦雲飛虎節占使星之動北
門天近麟符分卿月之暉於皇玉璽之威增重金陵
之勢帝意若曰時方顧憂盜亦吾民何至帶牛而環
起隄為黠虜幾欲牧馬而內窺使長江得人如孤羆
之據深叢則絕漠之域寧匪兕而率曠野繼我宗彥
維時人英恭惟某官風神肖老聃之仙文物孕長庚
之秀維弼畫河朔十三策每慨然於俎豆雍容之時

而敢為小范有胷中百萬兵雖投之於羽檄交馳之
地而不亂粵從鵠陞出擁霓旌遂令落霞飛鷺之墟
俄有明月大羅之警乃瞻陪京之重通同留鑰之嚴
俾盡護於列營諒聲聞於遐裔蠢彼小醜行當折蕞
而笞之如吾中原可且傳檄而定矣用底碧幢之績
遙觀赤舄之華江左有夷吾而復何憂允歸朝里中
國相司馬而無生事已折虜謀皇矣吾儒偉哉此舉
某屬聞綸綽如拜麾旋人一天我獨二天覲重啖安
期之棗行百里半九十里適將熟楚成之瓜寧少俟
於頃史幸毋忘於嚆昔

詞致錄

卷之九

聖

賀聶侍郎除制置啟

宋李劉

躋班禹閣宅牧蜀都輟言語侍從之臣盡護諸將藉
文武威風之帥式遏四夷渙穰風行坤垠雷動恭惟
某官氣凌海岱胸湛冰霜善於遊肯綮之間全牛立
解意氣淡經營之表凡馬坐空惟其日千里而有餘
是以歲九遷而無嫌驚臺鳳閣積彌縫輔贊之功螭
陛雖翹弘獻納論思之益上矜遠服中遣近臣弄印
無以易堯爰峻西清之職披圖指以示禹俾成北伐
之功惟真學士象十二月之班而大府帥總六十州
之重儼貌匪茹頃方叔之壯猷皇帝曰嘻命崇文而

奉詔不但洗岷峨之創又將蕩秦隴之妖玉壘既安
金甌必固其五年承乏百伎已窮賴公為父老而來
許我託子孫之契田間索粟看即騰新尹之諱門外
種瓜使可遂故侯之隱

京尹

賀戶部侍郎兼知臨安啟 宋李劉

帝重詞臣公遷閣老裁縫雲霧便應拜學士之真鼓
舞雷風更盡展舍人之樣恭微炳煥黃道開明恭惟
其官忠肅而惠和博習而脩潔清安秀骨下獨鶴於
人間厚德長材載六鼇於海上心醉六經之醴郁目
詞致錄 卷之九 五

營四海之溺饑文人多不護文細行易虧於大德宰
士固習為宰遠圖或奪於近功惟公超然過人遠矣
彌綸兩省標表九卿久兼內史之贊書茲正中朝之
三事惟天子之義範曰制以聖人之情見乎辭扶山
東之瘵戀漢恩而忍死回河朔之悍存唐祚於幾亡
一札可服於隗囂尺書足招於贊普不但取九制一
揮之敏亦非專四駢六儷之工俾萬姓咸曰大哉則
一字不容易也衣冠盛事風尊八葉之科翰墨大勲
詎止五花之判既敷華而緯國行迪哲以奠邦文章
於道未為尊風斯在下矣富貴乃吾所有時來則

為之某頃侍同朝且依鄰壁韓非老子又嘗共傳公
叔大夫詎望同升范村一寒哀之命也不哀之命也
杜陵十暑可以言歟未可以言歟聞恥納溝亦嘗推
轂上界足官府斷不希雞犬之仙散人拜江湖願往
入魚鰕之侶

賀趙尚書再留京尹啟 宋翰苑新書

輟臨邊閫留衛神臯蓋京師諸夏之本根所宜先固
而公族王室之枝葉當務親承故府握於尹釐以內
資於經理青瓊復舊紫橐增榮恭惟某官振振之英
溫溫其德言語妙天下機軸一家風采動朝端羽儀
詞致錄 卷之九 五十

百辟氣吞八九雲夢腹有數萬甲兵惟冕旒獨厚於
春知故輦轂風資於彈壓方其始至已知游刃之有
餘比及重來尤覺輕車之就熟惠極羽鱗之及姦無
毫髮之容清不可干寧免求全之毀久而自定益童
難揜之名况當規恢大業之秋可乏經濟中原之手
果膺異數往控上流然大臣不可暑行未容遠役知
淮陽待得君重孰與內寧因存司雨露之邊而聽履
星辰之上驪傳三輔豈惟竹馬之爭迎職復司空允
謂承明之三入展儒者已試之效佐君王內治之規
國本一強皇威自遠夷吾在江左今復奚憂蕭何鎮

關中終觀能用其謗焉故吏凄其冷官昔一見遽達
有負千里投公之意今已睽丹遇豈無三語為掾之
階信幸會之自天知命通之有日趨承方快自賀良
多廣厦萬間喜復湖上龜魚之蔭丹砂九轉乞成鼎
造雞犬之仙

詞致錄

卷之九

李

詞致錄卷之九終

詞致錄卷之十

啓劉門三

啓類

賀啓下

漕使

賀諸葛提刑除漕啓

宋劉克莊

妙選名儒就陞計使雖三山父老惜卽宿之暫移然
七聚生靈幸福星之未改統臨所暨扞蹈惟均恭惟
某官氣塞兩間名高九牧地負海涵之氣貫穿百家
日光玉潔之文流傳萬口科目足以發身而易退難
辭敢錄

卷之十

乙

進才業足以用世而深藏若虛晚遇先皇寢陪群
登車湖嶠凜白芷之風簷回首闕庭悵蒼梧之雲遠
屬者睿明繼照耆舊且思乃從故楚之區來按全閩
之境聞其風旨則善良吐氣挹其標致則鄙暴革心
於和氣祥雲之中有嚴霜烈日之意茲移使指就駕
漕車得非煮摘利饒轉輸權重上於監鐵之論有感
方欲變通公於王伯之辯素嚴必知取予深鄙富強
之說痛懲聚斂之人養基本以厚黎元捐錐刀以惠
商賈承風問俗脩明此日之皇華足國裕民講貫宅
時之相業佇看環召式遄袞歸某猥以孤生試茲劇

邑雖終年勞苦無赫赫之可書然一念拊摩有蒼蒼之在上日者躬負弩矢郊迎繡衣初之先容頗垂異顧方念寒蹤之奚托所欣春脚之潛回繫昔教條謹遵承於下邑矧今命脉實操制於上臺矯首雲天委身造化顧憫負山之力少推黃海之波全淵明歸去之風豈勝有愧處孟博澄清之下或可無憂

倉使

賀鄭提舉啟

宋播芳大金

禮榜聯名長記帝鄉之日月驛輶望拜甘隨宦路之埃塵儻富貴之無忘亦黃緣之有自恭惟某官古人詞教錄

卷之十

二

蘊籍當代老成文章自得於菁華度量莫窺其涯涘屢試蕃宣之命游揚華要之途方瞻郎宿之高輝獲喜使星之東指辭漢廷而出帳涉胥水以張禮幹山海以足國財咄嗟可辦省風俗而遵王制寬厚有餘豈坐席之久溫宜賜環之趨召某青衫未吏黃甲故人姓名長借其齒牙道義深銘於肺腑雖尺書久廢未嘗忘一日之間而樽酒相逢豈意在十載之後判輶車之初下在飛驛以攸聞適杜門正養於沉痾然撫枕不覺而大喜手疾未閑於竿牘體慙徒望於羽旌尚靳厚德之有容不以私憂而獲譴猶懼問遲留

之狀故歷陳繾綣之情且桑梓必恭願事大夫之賢者雖江山之遠將求長者而見之

賀謝提舉啟

宋陸游

顯膺帝制起擁使華雖輿論歎然謂未究大賢之蘊然用人如此誰不知公道之行恭惟某官躬貞獨簡貴之資蘊篤實誠明之學早竝遊於洛下晚獨步於江東談笑多聞文章爾雅履常應變雖與時而偕行據古守經蓋絕世而獨立風采聞於天下勞烈簡於上心自去清班久安真館付功名於昨夢若無意然顧富貴之迫人恐不免耳迨法官之決事付便郡以詞教錄

卷之十

三

優賢曾未踰年已聞報政入膺三接之寵出臨千里之畿明詔始傳吾黨相慶以謂名流之施設當有前輩之規摹班超之策平平陽城之考下下至於俗吏乃求奇功所願一洗簿書之塵庶幾少稱臺閣之望此自明公之所及豈須賤子之具陳冒瀆之深慚惶無措

賀王倉使啟

宋王邁

輟班郎省司庾輔畿太平宰相之家聲青輶猶舊皇華使臣之風采翠節一新嶽后前驅江靈起舞切謂將指於三輔莫重常平之一司粵自近年亶為遠

東南之力竭矣帑藏焦焚西土之事紛然符移旁午
況常水潦饑饉之後居多溝壑流離之憂觀風而得
偉人未春而有和氣恭惟某官章天奎壁鎮地嵩衡
八龍競躍於雲津俱稱相種一鳳獨儀於天表見謂
人豪垂陞舍選以策勛力遜孤寒而歛步游戲文章
之三昧呈露政事之一斑赤子字民河潤均京師之
福屏星照郡海康奏邦國之功入綴周行不趨捷徑
朱轡出守追還樂職之騷謠白鹿崇儒喚起鱸亭之
舊夢無何奏最有詔召歸雞舌之香方熏豹尾之班
在通人皆為之涎史公獨付之笑談一節請行六丁

誦教錄

卷之十

四

莫挽維先文定於此祥刑平反一語之仁全活萬人
之命功德如是祥祉如是雖隔賢聲刑獄幾何錢穀
幾何素閑相業世道隘甚人物眇然四牡載馳少駕
輕車於熟路三槐無恙歸留一柱於明堂伏念某家
地單平性天蒙督三載身依於綠水一朝望斷於白
雲壯氣索然見謂如雞之無味親榮已矣何心有鹿
之在蕉需次忍貧賣文為活幕府戍期之已及書生
宦譜之未開慶抃奚殫數陳罔既

憲使

賀浙西王憲啓

宋洪適

文奎寓直憲節升華江上擁麾已見波濤之帖息日
邊永繡更觀山嶽之動搖一道生風萬殊吐氣恭惟
某官學高柱史望重甘泉東坡六君子之游恨不全
於此世慶曆三諫官之列記曾見於斯人迅雷破柱
而不驚秋月照潭而自許雖時移而事變終道大以
難容付萬事於醉眼之中發一笑於塵容之外靜觀
頽浪獨能立砥柱於中流出鎮要津但見橫孤舟於
野渡有非常之人物胡不在於朝廷宜諸公包血指
之羞而天子思沃心之助扳援自近臨遣有先紫旬
持平要使星沉於貫索清朝振武已看雲接於蓬萊

誦教錄

卷之十

五

少焉歸奉萬年之觴自此遂前半夜之席徑煩補衮
坐底迂衡某塵冗埋頭文移掣肘化金無策五銖赤
反之幾何詆鼎有緣一粒丹砂而已足彈冠自喜削
櫝難宣

賀江東譙憲啟

宋真德秀

中詔起家外臺抗節民懷遺愛昔嘗敷惠澤於畿東
帝睽舊人茲俾按祥刑於江左寬條一布屬部交欣
恭惟某官敏識造微英猷邁往班香宋鮑文推行遠
之工夷靖惠和行有適中之懿自拾魏絳之第亟儀
清切之縣七寺為丞朝論稱其端靖九江作牧政聲

捕於歌謠自陞蘭省之高華旋搃瑤編之筆削禁遏
甚通方共溪於平登風操獨高乃徑成於勇退蓋志
本及人而謀身則緩故官雖在外而行道則同星輝
婺女之躔霜肅會稽之塹暫奉真祠之佚良深當寧
之思吳越之壤八九州咸屬按臨之會雪漢之章于
萬軸重新寓直之光顧無緩於平反庶不妨於趨覲
某揆能甚下席寵過隆八年鵷序之游六稔鰲坡之
直愧夫恩之難報乞偏郡以自程敢謂綸音驟敘使
指外庸何有內省靡寧同夢釣天曾未忘於曩契茲
驅原隰顧無新於良規

謝敬錄

卷之十

賀陳提刑兼安撫啓

宋王邁

龍門高峻屢容寒峻之攀鱗序荒涼復受使華之察
豈造物憐其困躓使末路有此遭逢敢飭墨卿晋干
籤帥恭惟某官清融水柱峻拔斗鈞石堂夫子之雲
孫學問有本北山先生之嫡嗣名節傳家方當累日
未東之時已有伊吳以北之志披肝許國掉舌籌邊
雪衣貂裘慷慨辦太原之檄風聲鶴唳笑談却淮甸
之兵草木知其威名夷狄問其年貌屬當鼙鼓之為
梗群然鴻鴈之離居嗟懦俗之脂韋仗无戎之斧鉞
毅然以身任朝廷責誓不以賊為君父憂卯受命辰

即行有崇文之勇決申上奏實報可從克國之便宜
南丹嚴保障之雄西帥習號令之素如暨師之治廢
疾半劑而蘇如國手之救危棋一着即活凱奏紛紜
而載路歸祠突兀以連雲上甚念功就畀以繡衣之
命時方謀帥復假之牙纛之權兵刑之脉絡相通臺
府之風稜益壯所以寬宵衣之顧慮豈徒誇畫錦之
榮煌如聞邊頭交馳露布知取勝而莫知持勝易納
降而未易屢降安保今日饑鷹之來歸不如向者猛
獸之反噬金亡可待韃勢方張當趣公入覲之時要
佐宋中興之烈濟時方略已優南渡之諸賢蓋世功

謝敬錄

卷之十

七

名更了北方之大事伏念某老之將至銳者已磨一
罹語穽以來三閱歲籌之久士不得志宜追誓墓之
風貧能驅人至草間鈞之賦無力可營於熱屬抗顏
甘就於冷官若何免蜀雪之嘲所恃有蘇天之庇腐
儒無用宜末高閣以待太平來事可為教磨石崖而
頌大業

賀寺丞陳提刑啓

宋鄭厚

肅膺褒制未按祥刑內通玉筍之班丞撫月寺外東
繡衣之斧節建霜臺方一道福星之臨如六月甘雨
之降先聲所至僉望已蘇恭惟某官清冷似冰量寬

如海六奇贊畫追戶牖之密謀九葉流芳踵古靈之
舊學不求梯援獨立岩稜涉歷江淮表裏之區諳究
荆襄便宜之奏功成制幕慶發州刀親提百萬衆熊
羆之師盡護十一州牛斗之鎮傳檄而定易地皆然
就加按察之權將底輯寧之效師失厥律民被其殃
天子遣皇華豈但咨詢而已名公肅王命正觀方略
所先蔓固貴於預圖器亦虞於所忌子孔欲著載籍
國僑去之而衆心向安裴豹將焚丹書宣子從之而
勇夫竭節必參權義可正紀綱馬首是瞻狙詐作使
惟沉幾於掌運之際自消患於指顧之間昌黎一入
詞教錄 卷之十 八

而鎮州平令公載驅而回紇拜不有君子其能國乎
必用真儒斯無敵者茂凝績用益固簡知如其本是
書生豈閑武事未除鴟集良難木鐸之宣適值鷓鴣
寧願席羶之冷不免孤矢之為備敢云俎豆則嘗聞
所幸六轡啓塗萬物吐氣登車澄清天下請自近邦
行部課試諸生首迎都騎心之所蘊言則難宣

賀范提刑啓

宋陳傅良

握別吳門未知後會來宣楚甸乃與旁觀爰方拂篆
之初不任盍簪之喜恭惟某官清朝聞望昭代典刑
富貴功名雖令多士風流蘊籍如公幾人蚤結聖明

之知寢躋華要之路過家上冢陳義固高攬轡登車
須臾為急言念江湖之阻嘗煩廊廟之憂茲惟祥刑
可以弭盜焉吾使無訟用能鞠草於園扉則人自不
寃安得弄兵之赤子少屈以此端歸有期某嘗託下
風又聯小事平生久要誠知不遐棄之心世事多違
恐有母疾驅之詔

茶馬使

賀周茶馬啓

宋周紫芝

六轡交馳遠播皇華之譽連城聳肅共傾按察之威
里俗駭觀士林欣慕竊以陝蜀萬里茶馬兩司飲人
詞教錄 卷之十 九

資積若之功行地用駒駉之力霜華期火已知利孔
之開駿骨生郊偏覺國威之重千網載路四種殊毛
土宜分催課之征地類有阜蕃之政立為憂憲委以
行臺必資經濟之才共講富強之計恭惟某官岳神
儲秀星昂降精學館古今之傳識洞天人之奧少游
壁水富有文章晚入仕塗諳該政術肅將臣節簡在
上心初分撫字之封旋入編脩之局幕賓開府都人
誇淑聞之陶竹馬迎郊邊郡重借留之冠宸衷軫念
朝望端歸解還銅虎之符召對金鑾之殿未溫魯席
已擁漢輅究詳土物之征監視邊防之用求之有藝

歷趙贊之始謀思則無疆過魯僖之善牧山澤之利
盡歸於公府田戎之備不匿於私家稅從什一之輕
虜有空資之困錢流地上疏開貨利之源籌運糧中
默破羗戎之膽非獨盡利國強兵之術又能申折衝
却敵之謀邊帥奏功璽書進秩王堂金馬肇分秘奧
之司東觀蘭臺漸開校讎之地掌開元之四部真東
壁之二星將參侍從之聯暫歷圖書之府前有柄用
此為要津當三冬兩雪之塗攬一道澄清之轡轡車
風駕故社驩迎衣錦還鄉笑指江山之舊還家上冢
先生阡陌之塵凡屬庇庥率增抃蹈某曩緣世契獲
詞教錄

卷之十

十

親下風久懷賀厦之心喜有拜塵之便

總管

賀張總管啟

宋真德秀

護細柳之屯屈司亞旅告及瓜之戍愧辱先施載戰
高情可稽報檟恭惟某官深雄而有立整暇而善謀
橫梁賦詩雅閑儒術輕裘緩帶克紹家聲鐸鳴賓闥
之聯清肅臚傳之句自違九陛數總伍符願我連營
已改旌旗之色仰君雋武會看旌節之傳某甚幸同
寅已欣快親典刑猶在仍尋射圃之盟氣槩相親預
寄烹魚之素

郡守

賀寶慶李知府到任啟

宋李劉

錫命堯符開藩龍邸鄴侯出守衍苦李之盤根召伯
來宣新甘棠之美蔭驪騰千里喜溢四隣恭惟某官
筆素世臣箕裘家學稟衡嶽之淑氣真磅礴而扶輿
汎濂溪之光風聊逍遙兮容與既贊星軺之畫又司
天塹之糧所去見思厥臨孔惠自合歸軒輝之供奉
顧猶試田里之循良惟此三湘壯哉二召教姚合之
句誇五雲才子之除參韓柳之詩詭萬里滄波之勝
矧今新府密邇故鄉汎掃松楸宿春糧而可至綿聯
詞教錄

卷之十

十

乘梓畫衣綉以何殊暫擁戟香亟遣圭親某漫為佐
貳正託附庸向忻一識於荊州今幸再依於劉表偶
欲叱叩疎之馭維隣燭之久分尚或濯滄浪之纓敘
宗盟而後去

郡倅

賀魏倅啟

宋周行可

疏恩玉殿半封金城邸報所傳輿情惟慨况悒悒之
所逮尤鼓舞以知歸恭惟某官器略宏深風猷秀整
凡周旋當世之務皆從容適時之才當宁眷隆欲共
濟中興之舉題輿望重始試觀開決之能歷數前世

之英雄多由此塗而施設矧茲潮郡自昔瀛洲嘉禾
宛然韓昌黎之舊德豐碑屹若陳文惠之高風允藉
鴻才庶攀賢躅穎方自露展驥足于海隅席想未溫
來鳳書於日下顧茲冗品幸屬下風特遂鳬鵲預深
雀躍

職曹

賀王教授啓

宋王叔珪

槐市聞風未識元魯山之眉宇蘭陵取友欣傳鄭博
士之才名瞻際非遙實緣其幸恭惟其官莊鵬奮翮
崑玉凝姿蜚學海之英拔穎每先於多士廣詞場之
詞教錄
卷之十
主
勇奪標迨遍於諸科暫分泮水之芹即邁斯庭之鷺
其濫丞支郡無補縣官愛莫助之方深憂於王事吾
知晚矣將得見於善人矧先十部之臨益重寸心之
感

邑宰

賀林宰啓

宋綦叔厚

疏渥清朝承流鉅邑山川增爽共迎鳬鵲之臨風俗
還淳暫屈牛刀之試恭惟其官規摹闕遠醞藉醇深
粹然家學之傳籍甚士流之仰才豪無敵一洗而凡
馬空政妙有神四顧而金牛解其隈克郡幕藩比官

寮都騎鼎來即遂披於樂霧雙魚寵及乃預拜於鄒
雲尺絨聊附於回翔寸抱第增於搖曳

試中

賀人及第啓

宋李守真

秦藝明庭策名上第喧前駟於廣路觀者肩摩落餘
藁於四方傳之紙貴望高時俊光動儒林乃太平養
士之功亦諸生稽古之力恭惟其官天姿峻激學術
粹深璧水升堂七年並席金鑾通籍一唱驚人蓋志
大而氣豪故實修而名至落落高騫於日下錄錚獨
韻於中御史真聲固遺風之自許平津相業不數
詞教錄
卷之十
主
歲而可期某夙仰英游阻聞緒論方欲効李邕之識
面慕盧仝之卜交奉詔殿廬幸觀落筆曳裾公府復
枉過門惠然投我以夜光何以報君之王案載懷深
厚但極感藏通衢在望絕足方適陽春白雪之音一
時寡和金玉堂之步指日可期某稊預盛時喜聞
榮捷雖仰洛中之價未親麈尾之談

賀第三人及第啓

宋吳叔玉

賜第宸廷聯名鼎甲傳玉音而申論藹桂籍以生光
恭惟其官經史淹該文辭瞻蔚卓爾功名之志見於
議論之英以資為郎欲獻相如之賦隨計詣闕果蒙

漢武之知殊科收摘領之功絕技有中眉之恨高名
始思實居季孟之間故事攸拘遂處王楊之後昭聲
華於白日開途轍於青雲某頃預攸司獲觀大對拔
象犀之寶本自因人標龍虎之稱徒欣得仕方傳盛
事賜賤長賤仰謙德之光亨增鄙悰之感激

賀試中館職啓

宋歐陽脩

被召試文陸華儒館伏以某官天麟異稟廟建至珍
學通古今之淵源言合質文之體要英躋高步群俊
夙以望風雄毅龍材妙選稱為得士果膺帝意入耀
書林給札揮毫聳如墻而駭目奏篇稱善喧貴紙以
詞致錄

本卷之十

七

傳都惟秘府之育賢乃熙朝之盛美優游歲課豈鉉
輟之是事選取國材實棟梁之此出蔚然茂業奚測
遠塗方懷忤躍之私遽辱置郵之問仰銜隆眷徒切
愧誠

賀試中賢良啓

宋楊億

制科攸設崇重賢良僊殿肇開是司圖史必得一時
之俊彥始膺萬乘之選掄恭惟某官蘭茝騰芳珪璋
挺質鍾南方之秀氣爰負美材歷州縣之下僚久淹
幼命明詔適求於茂典名卿爰觀於薦掄召對紫庭
絳膚清問揮毫洒落見武仲之不休對策稱嗟升平

津於第一翌日便領於成命十洲式慶於榮登暫淹
推月之曹豈測搏風之勢

被召

賀劉侍郎被召啓

宋毛敏

茂膺芝檢促覲楓宸大冊高文即踐鰲峰之峻贊元
經體佇觀鳳沼之澄聳動搢紳計安社稷竊以國家
垂萬年之統業儒術為一代之規模號令教條意悉
歸於忠厚公卿侍從選咸自於詞章用能跨虞夏之
彌文陋漢唐之雜霸恭惟某官景行先哲博極群書
窮游夏之淵源煥卿雲之黼黻閣中肆外茹古今
詞致錄

本卷之十

七

虎鳳蛟龍炳韓公之翰墨煙霞草木雄李白之篇章
參韶濩之皦純配商周之渾噩橫經東序久聞孔道
之明視草西垣坐見堯言之布至於激昂萬乘經營
四方引詩書之格言陳宗社之大計開陳切至見王
坐之動容成効著明且金旆之注記儻從曲突徒薪
之計當無逆坂轉圜之艱是膺宣室之恩再錫翹車
之寵討論潤色裨復古之大猷獻替論思訂禦戎之
上策遂膺贊列光踐階符陳伊訓說命之篇繼蒸民
崧高之什某用緣薄技誤辱隆知摘句分章久服樞
永之訓歌功頌德願操銘詩之辭情動於中言之不

足

賀宇文尚書被召啓

宋翰苑新書

宣闇策勳宸廷赴覲長城萬里久寬西顧之憂細札
十行肆發東歸之詔傳聞通逖聳動觀瞻恭惟某官
厚德鎮浮閔材經遠傳家服忠義之懿立朝殫獻納
之規七晉位於文昌往撫師於方面虜見汾陽而下
拜賊聞魏國而寒心茲受事以疇庸果疏恩而賜召
望君如歲已定懌於國人用汝作霖佇爰立於王佐
某側於成命倍邀勳賞二言竹重日耳言未記室前
旌不遠尚迎謁於修門

詞教錄

卷之十

七

加職

賀汪寶學加職啓

宋熊克

績著坤維寵頒宸極陞冠寶儲之職寔階台輔之除
一札疏榮百城增重竊以大藩總四路之師旅元侯
獨擁於帥旌延閣萃兩朝之圖書學士首聯於從橐
惟精神折衝之益遠故體貌風節之愈新恭惟某官
毓粹昭回儲精峻極早冠大廷之擢久聯清禁之班
昨自臨關改臨已蜀如張文定當至和之際鎮靜以
綏遠方若趙清獻在台下之間廉平以變舊俗規模
兼擅於前輩風采凜傳於外夷宜渙明恩以章殊最

雲章奎畫聊進寓於隆名台象斗樞佇入陪於基命
其猥聯朝序喜聽除書玉壘銅梁悵莫越於賓幕介
圭几爲冀即近於都門

賀芮顯謨加秩啓

宋周行可

疏渥中宸陞華內閣寶儲寓直寢鄰優禁之班繡指
趣還獨茂神幾之最有識交頌不謀同辭恭惟某官
縕籍醇樸規摹閑遠毫端扛百斛之鼎甗次容萬頃
之波風妙簡於帝衷久榮躋於卿列寵垂持橐偶回
方丈之風任屈乘輶復近長安之日兩躡臨於會府
三徧歷於提封玉節宣風既光華於原隰錦囊留韻
詞教錄 卷之十 七

賀張漕政秩啓

宋史百禮

驟駕轉糧久膺煩使飛郵傳命新陟崇階榮居六品
之班光勳二星之彩賓朋慶慰郡國驩呼凡屬獎題
率增抃蹈恭惟某官天球薦瑞岳鎮儲靈鄉評群行
之宗筆陣萬人之敵鵬程易舉驥足難留閱樞府之

牙籤卷王宮之絳帳便親東海出開千里之藩持節
夜即入奏九年之績英聲騰達夙望巍昂正柱下之
法冠明陝中之刑鼎肅將忠敏歷踐清華尚虛西掖
之除復領東州之節雲梯石棧不辭蜀道之難流馬
木牛遠訪草廬之製惠風扇物將乃發矧奮澄清之
志於攬轡之中講水陸之運於鑿潭之始蘇一方之
疲瘵權萬貨之低昂非獨有觀風聽吏之才又能善
富國強兵之術久勞心計簡在睿思降一札之璽書
嘉三年之課最優加賞典榮進勲階汪洋玉冊之恩
炳煥綉衣之寵表微一級雖含覽鑑之情車相九遷

詞教錄

卷之十

七

應有封侯之地甘泉上計宣室見思即趨曳王之班
行慰彈冠之望某鯉庭餘子管席舊遊棲遲黃綬之
蹤偃仰赤衡之影官資冷落幾成梅福之狂客路窮
愁常恐長卿之病追想下車之揖側聆增秩之榮揭
管操觚望風引領金蘭不改既協世契之私燕雀有
依敢後厦成之賀

入觀

賀張相入觀啓

宋毛敏

授齋鉞以出征獨高妙策奉介珪而入覲克奠皇居
宗社尊榮人祗忻豫既多受祉方歌吉甫之歸克和

厥中允賴君臣之訓世褒資於哲輔天宜錫於繁禧
恭惟某官天挺沈雄神資果毅以康王國久建晉侯
之勲克享天心孰高伊尹之德自峻升於袞路每顯
決於籌帷布令陳辭諱真儒之無敵治兵振旅期大
慙之克靖既誅淫慝之鯨鯢遂設功庸之筭簾臨大
江而誓衆必繫翊戴之功登喬嶽以告功終偶明昌
之運願寵綏於福履以隆就於功名某勉強餘齡撫
循遐壤制節謹度唯知遵職之勤經體贊元竊戴濟
時之願

宮觀使

詞教錄

卷之十

七

賀安觀文除節使開府宮觀啓

宋李劉

元老求閒清朝疏寵齋壇授鉞新大將之威儀揆路
影纓等上公之體貌仍峻竹宮之領用華梓里之歸
綸綺載揚紳綏胥慶恭惟某官材弘且毅器博而周
所守匪親化為計猥頃幾失劍門之壯無禮於君誅
如鳥雀公迄回汚水之朝是為非常之功宜受不次
之賞况克復四州於談笑而撫摩八載之瘡痍若時
登庸遂典樞機之貳聞命就道又成藩屏之留方深
虛佇之思忽控養恬之請素旌戢燾儼十乘以啓行

衡統統縱視三階而命秩仍從神園以佚安期是為
地上之僊何愧山中之相向也雲無心而出岫今則
水有時乎回淵惟出入將相之榮雖聖賢而難必至
功名終始之際尤古今之罕全貫一節於行藏知百
年之壽考從容甲第寧肯甘田宅之汙笑傲午橋自
可窮園林之勝其聳聞盛事敬仰高風季鷹思吳亦
欲為適志之舉司馬還蜀何當效負弩之迎

致仕

賀趙少保致仕啓

宋王安石

抗言辭寵得謝歸榮絲西省諫諍之官序東宮師保
詞教錄

卷之十

十

之位嚴庭鳴玉尚仍前日之班里舍揮金甫遂高年
之樂伏惟某官懋昭賢業亮聖時伯夷之直惟清
仲山之明且哲所居之名赫赫豈獨後思爾瞻之象
巖巖方當上輔遂從雅志實激貪風未即披承徒深
瞻仰

賀魏大參致仕啓

宋宋齊愈

懇謝領職寵頒殊渥冠崇班於書殿躋峻陟於文階
方疇霖雨之賢進顯秉筆乃抗浮雲之義早遂掛冠
帝惜老成之莫留士嗟明哲之難繼歷數聖朝之近
輔幾全賢德之高明泰和乞身而歸乃罷政之後姑

引年而去非釋位之初然猶野史屢書朝士交贊
而況位方居於廊廟名正勒於鼎彝竦巖石之具瞻
懷急流之勇退是為希曠孰與等夷恭惟某官命世
碩儒爽邦鉅哲佩龍淵之賜夙長文昌之六聯躋鳳
沼之班纔下丞相之一等既任安危之重復為進退
之光子房雖暫與赤松之遊安石必更為蒼生而起
某公蒙獎獎晚荷陶甄望有道之門墻自憐拘繫侍
鉅賢之几杖未獲周旋意傾嚮以彌勤詞鄙訥而難
盡

雜賀

詞教錄

卷之十

世

賀丞相從駕回啓

宋熊克

危蹕江畿亟掃空廬之跡還轅吳會益恢巖廟之圖
折衝已賴於精神厲節方加於體貌當此春陽之駘
蕩諒有神明之護持竊以益贊禹而征苗致兩階干
羽之舞尹相湯而伐夏併三殷寶王之俘惟其佐有
真儒所以動無疆敵比屬瓊裘之侮肆陪鑾輅之征
圖回皆中於事機宴衍遂平於亂略相武王而肆伐
既推尚父之謀震徐方而還歸宜誦太師之烈恭惟
某官才高帝賚望重民瞻四夷掌玩而虜固在於目
中萬卷胸蟠而語寧專於紙上坐籌漢帳子房首冠

於三人從幸渭橋玄齡親率於六騎兗渠既殄醜類
皆奔乾清坤夷即致中原之定天旋日轉暫隨大駕
之回成此鉅勳歸于真宰某猥馳原隰阻覲門牆還
豐而作小官佇慶三公之拜畫河而為晉土豈惟十
部之降願益展於壯猷用永扶於丕緒

賀陳憲平寇啓

宋戴翼

螭坳錫命龍節陞榮奏捷至三喜悉平於群醜論功
第一宣峻陟於穹班奎詠交歡臺治愈煥某官精神
秋水談笑秦風暗合兵書料賊無如料敵指麾介士
擒寇而必擒王籌策定於樽俎雍容之間號令行於
詞教錄

下卷之十

七

賞罰嚴明之際風走十八灘之曉鏡淨潢池天回一
十郡之春鋤耕綠野捷書來上朝論聳聞更生幾百
萬之窮民冕旒喜動接武八十一之元士繡斧光增
第師中之錫未償厥功必席前之問始究所學外勞
如許寧淹原隰之載馳中召沓來行見朝廷之大用
其身羈雷邑心繞霜臺側聆恩懷喜倍倫等合先馳
於慶犢愧邀在於偏隅首用先生作棟梁此日發西
江之軛不以下體采葑菲異時歸東閣之鈞

賀台州曾直閣啓

宋陸游

寵辭使節移鎮便藩上待老成惟恐弗當其意士聞

靜退自消競進之心凡有識知誰不驩喜恭惟某官
淵乎似道清而有容古學名家鬱為諸儒之領袖高
文擅世坐還兩漢之風流早踐清華屢當要劇民依
愷悌之政吏畏道德之威不言而令已行寡欲而人
自化好直無矯枉之過為善無近名之嫌歷考平生
追配古人而奚愧中更俗吏益知儒者之有功比由
真館之宴閒起奉中臺之委寄翔而後集汎然敢辭
子房避三萬戶之封曼容至陸百石而去當宁為之
太息舉朝仰其高風故擇名邦示優者德然而公議
所屬久安實難第恐賜環之來弗容坐席之暖某早
詞教錄

下卷之十

七

賀謝參政除萬壽侍讀啓

宋朱松

介圭入覲前席延登西學貪賢方渴謀猷之告殊庭
庀職聿彰體貌之隆明命誕敷與情胥慶伏以事師
古而有獲傳說稽首以復王義勝欲而必昌太公奉
書而端冕惟君正而國定蓋源澈則流清仰陪資訪
之勤允屬典刑之克緝熙聖學纂前哲之永圖眷倚
宗臣修本朝之故事恭惟某官學臻聖奧望冠耆英
經國高文遠追大訓亮天賢業簡在淵衷道德被於

希韋既廣成均之化精忠貫於金石又高社稷之功
亟協師虞進聞大政謀王斷國士多誦於格言尊主
庇民世已蒙於高澤方當陽之備重遽請外以均勞
詔甫趨於署行恩復延於晝接西清入侍儼觀列辟
之儀刑東閣荐開行正台階之符采某久於宗慕特
荷眷知聞道師門常預解顏之進飛章天陛誤沾薦
墨之餘竊自附於下風期永依於元造閔卑棲於莞
庫已籍褒揚拔滯迹於泥塗尚繁簡記依歸之素數
述奚周

賀丞相生日啓

宋張正已

詞教錄

卷之十

廿四

五百年之期也昔有開合德之符八千歲以為春願整
大年之祝紛賀僚於大府錫備物於公朝四海傾心
一詞贊喜恭惟某官稟天地中和之氣膺聖賢亨泰
之期名在圖書夙號中興之佐志安社稷獨成不世
之功援斯民於水火塗炭之深登太平於豐文明
之盛壽域亘八荒之表金城為萬世之基
世以無疆宜福祿自天之未艾慶傳寰島封誓山以
釀滄海之水不足以飲公之勲汗南山之竹不足以
紀公之德階符同耀挾宸極以常尊神岳比崇鎮坤
輿而益固永隆國壽共對天休某猥以么微久叨鈞

捕望公孫之賓閣莫則下僚歌史克之頌詩第傾善
祝

賀張叅政壽啓

宋播芳大全

日逢孤矢年迂松椿有是君有是臣宜為千齡之盛
旦俾爾昌俾爾艾長觀八月之清秋樂事駢闐驩聲
環匝其官儲精嵩嶽毓秀若川碩畫元勛久增光於
政府沉機深識獨軫念於邊庭雖一時議論之靡諧
柰百世聲名之益壯雲靈既掃日月方明爰誦告於
治朝以寵還於書殿獨茲均佚共以為疑與其抱高
明之節而枕石漱流豈若舒父鬱之才而興雲出雨
詞教錄 卷之十 廿五

賀李帥生日啓

宋張文饒

始生令旦表瑞中秋會辰於角亢之間壽星既見占
夢以熊羆之兆男子呈祥是惟不世之賢蓋亦應時
而出凡叨屬吏展慶今朝恭惟某官嵩岳儲神珠璣

甄粹流先天上昔為漢殿之星辰肖像人間將作商
岩之輔弼暫煩共理式重于蕃民遊愛日之中吏畏
肅霜之下威聲遠暨澄清南海之波誠意豪通霽足
西郊之雨仰茲厚德宜錫遐齡歲伴有于當繼僖公
之頌福陳纘五式符箕子之言某僻守遠方阻瞻大
厦紛紛鶴蓋相同非霧之陰赫赫龍門莫遂披雲之
便

正旦

賀嗣秀王啓

宋李劉

斗攜龍角又頒義仲之春雪滿兔園請賦梁王之壽

詞數錄

卷之十

廿六

恭惟某官宗藩明德政路崇班慶襲源流默應璫璣
之運實分玉帶益調玉燭之和宜從桃李之辰不介
椿松之祉某愧無善頌可賀履端曳鄒陽之裾方規
旅進授司馬之簡更佩謙光

賀丞相啓

宋毛敏

王正次春順孟服而謹始代天理物頌象魏以布和
宜有百祥永綏一德恭惟某官寅亮天地鎮撫國家
經體贊元勳運燮調之化行慶施惠存更開泰之辰
順受春祺永扶斗極其備員師帥遠託鈞陶春日載
陽雖抱衰遲之感農祥是正敢忘勸誡之誠

賀史相啓

宋李劉

鳳紀更端復對戊寅之曆龍纏回次又新甲乙之司
時維元臣坐膺純嘏恭惟某官勳高玉室忠簡帝心
以道德而位三公應千載明良之運理陰陽而遂萬
物成十年生聚之功宜誕受於春祺用永扶於皇極
某一違鈞範五見歲華身在西陲阻效椒觴之祝神
馳東閣輒輸竹簡之誠

賀監司啓

宋李劉

日月初躔星紀復回為赤奮地天交泰雲壚益播於
青陽時惟六轡之華茂輯百家之慶共惟某官德潛
詞數錄

卷之十

廿七

剛克道配陽休繡斧淑旂暫勸楚鄉之農事瑤車玉
仗還逢湘水之孟陬仁風轉蕙以汎蘭善類拔茅而
連茹某二年黔佐萬斛緇塵破崖岸而為文丞詎復
敢宣於歷馬瞻原隰之有華使尚祈出谷於春駕

賀黃制置啓

宋李劉

送赴壑之鱗喜避蛇於劍閣振治兵之甲行歸馬於
華陽啓寅車之勞還回午門而愷奏恭惟某官盛心
懿識惠氣威風橫腰下之黃升作眉間之色推腹中
之赤立為城上之祥嘯師律而泰生播民和於麥實
紅塵盡靖不妨圖夜觀之禁禁春回會歸杳晚珎

之仗某又看新曆真是陳人騎火照山純遙想元功
之盛賞雪嶺界天白何時尊酒以重論

賀周提刑啓

宋播芳大全

青帝執規驗三陽之引達繡衣持斧新六轡之光華
諒對端辰益哀純嘏恭惟某官氣鍾溫厚德尚和同
苞相透遞又逢梅於嶺驛甘棠蔽芾還鞠草於園扉
佇有召除亟登要近某罔功分閫有幸為寮對天地
交泰之時當馳善頌體官師相規之義正賴協恭

賀李提刑啓

宋李劉

重光覃開載新一歲之元五善六條誕布九重之意

詞致錄

卷之十

其

與時偕極何福不臻恭惟某官德配春融氣排冬凜
徧儀兵衛之畫戟出當霄漢之繡衣皇皇者華遣使
臣喚起曲肱之夢行行且止避御史過觀直指之威
仁風梅放與柳舒和氣竹苞而松茂某自憐苦李獲
蒂甘棠我有二天正託故人之莚士更三日尚希舊
雨之恩

賀提刑陳寺丞啓

宋鄭厚

陽回獻歲可規道長之機治應昔年已著風清之効
龍蹕初紀繡節增明共惟某官氣養立剛學振純正
文騰五色交輝泰運之更華令信四時允合歲功之

有序自六轡如絲之在手覺三軍挾纊以歸心籌密
運於戶庭之間情自得於江山之外霜露無非教豈
專肅殺之威天地大曰生中寓華萌之德空寇巢於
乘雪振王旅以如雷群陰力排萬彙氣吐茂對歲華
之盛豫占鼎輔之和某分教無能受知特異孤根培
植喜逢梅嶺之先春暖律吹噓頓釋芹池之獨冷化
月毫而展望敬雲宇以馳神

賀太守啓

宋林豈塵

龍蹕布朔正一元於七十二候之初鳳曆授時謹五
始於三百六旬之首惟賢人之順履符泰道之吉亨

詞致錄

卷之十

其

恭惟某官道直以方氣溫而厲播千里循良之政宣
九重寬大之條薰然和氣以襲人煖若新陽之煥物
五百年間世行應君明臣良之期二千石班春且介
小往大來之吉群情胥慶萬福攸同某奔走下僚棲
遲大庇椒觴薦壽慚慶謁之未遑寒谷回春正吹噓
之有待

賀趙婺州啓

宋李劉

玉律導和氣已諧於簇遠璇源襲祿慶益厚於瓜瓞
與國同休哀時多祉恭惟某官飛英宗邸賦政价藩
近尺五之天矜旃存爛方千里之地襦袴已溫某溫

綴素班阻撓戰術三朝受口海之籍肇啓上儀八荒
轉一氣之鈞佇觀歸來

賀通判啓

宋戴翼

曆日頌元忻際三陽之泰屏星增重懋膺百福之升
式對昌辰恪陳善頌共惟某官炳炳文章之鳳振振
仁厚之麟聞望顯昂胸襟冲粹共仰泰山北斗平分
霽月光風屬鳳紀之更新宜龍光之鼎至歌騰康海
想驥足之難淹詔下自天佇鵬程之直上某幸休履
屋候轉春規無階修敬於壽觴謹用披誠於慶牘春
生別駕薰陶分屬邑之輝日奉辦香者艾頌閔宮之
詞敢錄

卷之十

弄

賀通府啓

宋方岳

閭闔開黃道聿新鳳曆之元燕寢凝清香誕輯虎符
之瑞春融蔭管頌浹椒盤某官氣涵玉燭之和識造
機衡之妙音無禱而今衿汗青邁紀於竹書言如綵
而出綸泥紫雲於芝宇地天交泰朝野所需某三
見如響一歸挾北雲深戰衛諒鳴璆壤返之春日轉
觚稜錚錚難入之曉中和氣益熙皞詠均

冬至

賀太師啓

宋諸芳大全

琤灰浮煖一陽初動於黃鍾圭景迎長萬彙咸熙於
化國應受宜民之祿孰先同德之賢恭惟某官運契
千齡仁漸九有雍容廊廟轉一氣於洪鈞鼓舞華戎
調四時於玉燭祥紀卿雲之瑞德侔慶日之輝適三
歲以視祠環百神而受職雖肅肅方勤顯相之儀
簡簡穰穰遂叶朋來之慶某忝司外計邀在閭隩乘
使者之輶顧銜恩而有地望翹材之館繁薦壽以無
階頌詠攸深名言罔既

賀黃制置啓

宋李劉

陽月建子觀復見兩儀之心至日得壬帥師應三錫

詞敢錄

卷之十

圭

之命時維玉帳妙合璇璣恭惟某官濟北一縑汝南
千頃和門畫靜士知挾纊之溫候析宵沉民謝閉關
之樂願恐六日四分之鳳律將催五更三點之鵝行
獻履徑上於星辰合璧長依
實風寒雷在地中想魏博三軍之喜冰解漕下芝營
平一線之功

賀監司啓

宋諸芳大全

化國之日舒以長一陽來復君子之道溫而理萬福
攸同恭惟某官志在澄清動惟剛健如冬可愛易消
窮谷之寒與時偕行畫放旅根之暖德肖雲臺之瑞

咸謂吏膽之冰風吉有功已作觀風之李固朋來無
然更為入覲之韓侯某徒真柔玉莫追賀客三年官
受慶綬節物之蕭條數仞門墻欲探陽和之消息

賀樂提刑啓

宋李劉

縵陽襲篋綫畧延圭明謹用刑克廣好生之德靖共
介福諒哀滋至之休恭惟某官清徹氷壺和鍾玉律
崇陰晝永訟已息於焚氛葭室灰浮暖自回於嶰谷
某偶叨分闡正阻造門端策拂龜七日已占於不遠
聽笛鳴鳳九成更佇於來儀

賀彭知軍啓

宋戴翼

詞致錄

卷之十

圭

日運璇衡際際一陽之復星聯麾節茂膺百福之升
式對昌言恪陳善頌共惟某官以六經澤行四時春
二千石循良方徧作南安之化而十四州證察又散
為東廣之恩波屬迎愛日之長尤煥福星之彩梅開
春早已報暖於南枝芝檢星馳佇翹裝於北闕禁久
席二天之庇欣逢七日之來稱觴上制史之堂悵無
六翮吹墨奏小天之牘徒有一忱愧與賀并意非言
盡

詞致錄卷之十終

詞致錄卷之十一

啓劇門四

啓類

謝啓上

除授

除樞副謝宰執啓

宋歐陽脩

叨膺聖選俾貳樞庭渙命已行循涯匪稱伏念某學
非臻奧才不逮中仰屬昌期猥塵臚仕抱孤忠而自
顧獨立之易危自比古人每常嗟其柔懦有志當
世徒自愧於衰遲雖策勵之愈勤信技能之奚取久
尸厚祿進無補於高明屢乞方州冀漸謀於退縮敢
引寵謬及匪材伏遇某官協贊大猷翌宣元化為
時和石持物權衡急於甄才過及庸品第堅一節力
勉不能上酬聰睿之知次答陶鑄之錫

除門下侍郎謝宰執啓

宋司馬光

祇奉恩綸進參國論力避不獲冒慶充慙伏念某識
謝通才學非貫道荷三朝之眷遇極四禁之清華備
顧問於經緯頒詔條於藩服緣衰殘而自乞庇冗散
以取容彌歷歲時優游田里比卒陳編之業亟塵秘
殿之班誤簡聖知累紆召札方朝近陞遽陟東臺顧

惟朽邁之資曷稱輔相之任伏遇某官燮調鈞化勵
聖帝猷啓導淵衷甄收舊物致茲迂拙茂對寵休感
佩之私喻言奚既

除校書謝丞相啓

宋真德秀

上翰林主人之對謬貢芻言陪瀛洲學士之班遽陳
華選拜恩寵甚拊已懔然切以聖朝重英俊之儲同
府幸圖書之富匪特養以資望蓋將充乃見聞使旁
搜博覽優游文史之清庶潛省默觀磨礱器質之美
觀作人之有道殆與天之同功故菁莪既盛於一時
而豐芑尚遺於數世大者光明魁壘足以翼邦家小

詞教錄

卷之十一

上

者請重端方可以善風俗深嗟流弊寢異前觀育才
之意視以具文庇職其間指為借運至有身居儒館
心別驚於萬華名在書林手弗親於雋校鄙習相仍
而莫悟清途公是以反輕力回此風政在今日不有
魁奇之彥孰堪采擇之公如某者冥頑不靈孤苦自
奮蚤服師資之訓粗知學問之方連歲科名似未忘
於進取平生志願端不在干輕肥偶玷班行坐糜廩
祿瞽宗殷學無補斯文博士秦官何裨末議雖本為
貧而漫仕未嘗枉道以求伸胡然誤恩陟是清貫念
昔脫身於場屋益思銳意於簡編然家無鄴侯棟架

之藏徒日發董子下帷之憤今將徜徉東觀凌厲西
崑閱河圖寶訓人間希有之珍窺金匱石室歷代不
傳之秘刊訂偽謬含咀英華庶幾因文字以窺聖賢
之用心夫豈假梯媒以為富貴之張本昔揚雄之居
天祿蓋二三世而不徙官而常述之在集賢亦四十
年而後卒業故能發揮大典燦耀方來此前脩之所
已行而小子之所願學迄成微志有賴洪私幸遇某
官直道不回孤忠自許祗排群枉已去虞朝之四凶
汲引衆髦當思孟氏之三樂至於不佞亦在燕收片
令身遠於塵埃得以神交於篇牘期待過矣銘感何

詞教錄

卷之十一

上

如其敢不淬磨新功尋繹舊業丹鉛事點歎可勿殫
是正之勞金石無碑緇尚克守初終之節

除將作監直華文閣謝丞相啓

宋劉克莊

郡級使華十年迭試朝班閣職一旦驟遷絲毫無蹊
徑之板緣頂踵出廟堂之啓擬伏念某虛名多忤實
蹟有慚周旋陳元方鄭康成之間恍緒言之猶記交
惟丞相平太尉勅之際非啗舌之所能粵從公府掾
之免歸長為田舍翁而無憾然猶左符西泝單傳南
馳上察孤忠每欣赦虞翻之罪朝無死友居多讒韓

愈之人一招一麾屢起屢仆屬元台之捉筆由散地而駕輶發摘技窮終匪當道埋輪之手平安信遠不勝高堂扇枕之情叩聞陳宜去之言席薰拜弗俞之詔乃若陞華班序寓直圖書累梯登九天之雞令帆借一風之便謂孟博頃嘗出使慨然登車念揚雄久不徙官老於執戟詎敢望此日翹關開東之禮庶幾為異時墓道征西之題向非吾相之猶天誰與鰥生而為地伏遇某官衛武公之抑魯儀休之庶陛下諒其至公血誠海內目為鉅人長德上道揆下法守國之所賴以永存恩已出怨誰歸士或不知其寤啓逐

制教錄

卷之十一

四

除宗簿謝丞相啓

宋劉克莊

令枯朽亦玷光華然某將母不遑容身無所暴子蒙繡衣之遣豈不貪榮賀監以黃冠而歸終期得請

除兵部架閣制幹謝丞相啓

宋方岳

令伯陳情之表流出胷中喜淵明歸去之詞寓諸座右豈圖晚暮忽際休明雖遣巫咸而下招其如太史之留滯猶著朝籍且參閭謀好事抑掄已有移文於通客故人規祝願無圖利於大夫迨茲將暮之移亟有祠庭之請蓋鶴髮久相安於半菽而鷦巢止願借於一枝乃念衡泌之棲遲示以朝廷之收拾谷鶯初出恍驚遷木之榮海燕暫來深認捲簾之意非上相適奮庸於廊廟則孤生必終老于山林伏遇某官以帝者師為天下宰更聖化于膠柱不調之後還主柄于太阿倒持之餘進君子退小人每致嚴木莠之辨

制教錄

卷之十一

五

開誠心布公道亦不廢草茅之言遂使畸人忝陪髦

某受知至此圖報茫然雖資以事君粗識移忠之大義然不遑將母終希錫類之深仁

贊畫戎垣恍若邯鄲之步策名政府又為淮海之游江山未厭於逢迎歲月幾何其契濶一陶厚矣再駕懷然伏念某蠹簡故貧牛衣猶暖半畦夜雨甘自隨黃犢之饒兩鬢秋風已不作青山之夢等輩迫之於塲屋詞章奚有於度程亦惟山林鄙野之人未解世

俗嬖嬖之語寧為雞口雖別關先諸子之鳴幾上龍
頭而當路斥老生之慙時已不偶今其謂何故方解
襟懷於田間未免伍兜鍪於塞上每懷士雅風濤作
擊楫之聲竊憤元顏沙草瘞道邊之骨顧頻年之多
事豈吾國而無人乃飛塵餘韎韐之腥而淒兩嘯變
魑之鬼寧復煙火萬里之氣象抵傷山河兩戒之圖
書恨無能為惟有痛哭謂此曹宜東高閣請誅太平
矧多病欲歸故廬自知坎壈夫何誤渥仍贊舊知與
聞典故之藏增重賓僚之遺繫錯節盤根之無取然
輕車熟路之可尋芳藥楊州歎已老三生之杜牧苑

詞教錄

卷之十一

六

花觀裏笑重來前度之劉郎大哉塊土之中容此么
麼之賤恭遇某官以帝典熙庶績以皇極受群材日
月亭午而無斜陰已開治象天地既交而成泰道盡
入鈞衡念窮邊有北儼化之憂屬大閭重東諸侯之
寄遂使菁莪之樂育亦勤棧樸之能官某敢不夙夜
在公東西唯命文書盈於几閣固非庸陋之堪勝廟
筭運於籌帷式觀艱難之共濟庶洒腐儒之恥用酬
真相之知

除架閣謝丞相啓

宋李劉

十年出幕迷舊跡於新蹊一氣轉鈞納陳人於故府

援之置僦僦之後賦以棲遲偃仰之間競凡骨以
漸輕登危肝而知感切以周九職之任既重司書唐
六典之分已存掌故至若版曹之籍專之金耀之藏
在昔時特曰筦庫之官至聖世則為儲材之地栽培
拱把備震風凌雨之幃幪追琢珎璫供方澤園丘之
琮璧豈應庸下偶玷選中伏念某質窳無奇學落不
殖少時磊塊尚抱風雲之壯懷中歲跼蹐稍除湖海
之豪氣漫焉未能信之仕已不足畏之年生展挹
斗而揚箕竟失餘而得少奴星結柳而送鬼柩驅去
以復還周行萬里之關山復累一啣之坯冶馬伏轅

詞教錄

卷之十一

七

而踟躕直為仰秣之謀燕巢幕以差池猥沐捲簾之
願南宮攷藝濫厠使令東閣望塵曾微懇禱忽使接
紳紱之武遽令司几閣之文蠅頭牛腰姑備朝廷之
遺漏鼠牙雀角僅防吏胥之謾欺白日青春了無公
事黃簾綠幕宛是儒生非大鈞妙描物之仁則小人
無得與之理伏遇某官經邦碩德濟世元勲竊窺堯
舜君民之心豈數常平父子之業寶鼎九廟以永裳
之會金城四方於樽俎之前元齡入相二十三年求
賢則如一日吉甫薦士三千餘輩流澤蓋在異時顧
惟孤賤之蹤亦綴收羅之數某敢不溫尋宿學討理

初心商賈賄計班貲恐孤德懋懋官之意屬廉耻行
禮義圖先覺覺人之恩

除江東憲謝丞相啓

宋翰苑新書

置之閒散避飛語之中傷送以光華出翹材之啓擬
衆咸羨孤生之晚遇誰知費元化之曲成伏念某游
忝弓旌輒投畧獲怡然膝下戲披萊子之綵衣久矣
夢中奪去江生之色筆力耕以給公上閉關而絕交
游世皆云東野詩寒誤身至此客或謂君房語妙擣
手止之有一丘可以老焉雖萬戶不與易也敢謂朝
報登席之麻制夕分披拭之除書見車馬以驚情著
詞教錄

卷之十一

九

衣裳而顛倒方今聖君賢相亦既拔茅而彙征自昔
志士仁人豈若繫匏而不食頃忘驚劣遂許驅馳然
奏讞繁而耳目不能周封圻廣而足跡多未至田里
有呻吟顛賴之態郡邑少忠厚豈第之風每隱於心
為之顰眉欲絕以法多所掣肘固知當國擇子駿而
遣行終恐不才煩希文之勾去伏遇某官有伊訓說
命之學燕房謀杜衡之長手王尺以董材躬黃扉而
論道宸極下移千魁柄宸區益峻于巖瞻肆置忠厚
之風首振淹滯之振省循僥倖終始遭逢某敢不詳
慎為心哀矜弗喜乘輶攬轡期澄江左之清望日披

長安之遠

代陳制幹除監丞謝丞相啓

宋李劉

烏幘充員方驟通于閨籍維工列屬更躡造于朝班
不三閱月之間乃兩承天之寵感恩踰分付已增慙
切惟國朝立法之至公人材循序而後進欲其脫選
必限以六考而舉以五員至若轉丞非內之群院則
外之諸郡縱有特頒之殊渥亦難盡逃于常規蓋頃
得百年幾見之人乃可稱一歲九遷之命詎容異數
猥及凡材如某者稟質顯蒙賦材迂滯蚤記教忠之
訓未知造道之方摘句分章粗耻空談而無用陳力
就列豈敢大言以為欺容貌不能以勝衣智畧何有
於湊輻適英主際中興之運而遺黎懷內附之思遂
令白面之書生叨贊碧幢之元帥雖戎政無能為役
然君命寧敢辭難齊人端歸正可閔離離之黍周行
多士詎容伐坎坎之檀敢圖稟議之來游沐超遷之
寵甫離七階之選遽參二監之聯家人蓋有嚴君昔
居是職痴兒未了公事乃世此官既材能不及於中
庸又名實未孚於上下挈提至此稱塞為何共惟某
官命世宗工爽邦碩輔積十五年秉鈞之績成七十

卷之十一

九

城憑軼之功謂明王立政惟人當廣開於塗轍而宰相代天理物難純用於規繩將收度外之材用作邊隅之氣必使蒙臯比以出姑為買馬首之謀故畧等夷特用簡拔某敢不仰承恩意退激懦衷指心誓報於寵靈一事益思於忠敬得人朝廷得人幕下無愧石洪溫造之流遇我國士遇我衆人明辨中行智伯之報

謝侍從啓

宋陳傳良

備數監臨缺然補報陞華餽運益不自安靖惟厚幸之由端有衷言之助伏念某庸疎已甚迂濶奚堪少詞教錄

大卷之十一

十

所為燈火之謀大不過稻粱之利偶緣場屋之因嘗錄於宗工遂免州縣之勞浸陞於臚仕今已過望他無觀心凡其竊祿以妨賢特以便私而畢志不圖殘粹晚多而思所恨罷駕終乏風沙之力矧湖湘之重為江漢之衝宜得通才以應隆委顧職在辦護則有遲鈍不及事之憂誼當激揚則有姑息以愛人之患持是書生之短責其吏事之能處非其宜懷以為懼伏遇某官言為國是志與人同苟聞有時輩之名則取作朝廷之用乃加愛蓄尤切吹噓某敢不知所感與勉其偷惰雖無補秋毫之具安能及人然未

先朝露之年敢累知已

謝政府啓

宋陸游

貧不自支食粥已踰於數月幸非望及彈冠忽佐於名州孰知罪戾之餘亦在憫憐之數街恩曷報撫已知慙伏念某少也畸人長而獨學好莊周齊物之說樂以忘憂讀嵇康養生之篇慨然有志秉心不固涉世寢深兒女忽其滿前藜藿至於併日屢求吏隱冀代躬耕亦嘗辱記其姓名固欲稍畀之衣食費元化密移之力不知幾何悼孤生一飽之艱迺至如此卒叨薄祿實謂殊私此蓋伏遇某官黼黻帝猷權衡國

詞教錄

大卷之十一

十

論開公孫之東閣共欣多士之彙征解晏子之左騶不忍一夫之獨廢召來和氣力致隆平惟是魚腹之故城雖號烏蠻之絕塞乃知別駕實類聞官况惻惻方起於徒中宜凜凜過虞於意外固弗敢視焉曹而不問亦每當占紙尾而謹書豈有功勞能自表見念昔並遊於英俊頗嘗抒思於文辭既嗟氣力之甚卑復恨見聞之不廣今將窮江湖萬里之險歷吳楚舊都之雄山巔水涯極詭異之觀傾宮故墟弔興廢之迹動心忍性庶幾或進於毫分娛憂紓悲亦嘗勉見於言語儻粗傳於後世猶少答於深知過此以還未

知所措

除中書舍人謝宰執啓 宋蘇軾

起於貶所未及期年擢置周行遽參法從省躬無有
被寵若驚切惟人才進退之間實為風俗隆替之漸
必欲致治在於積賢雖一薛居州齊言不能移楚而
用范武子晉盜可使奔秦崔琰進而廉儉成風楊綰
用而淫侈改度誠國是以先定雖名散而可收拔茅
茹者以彙而征附馬棧者必先其直用舍既見好惡
自明人知所趨勢有必至今朝廷方講當世之務力
追前代之隆雖改定法令以便事而未足以成俗

詞教錄

金卷之十

主

是以登進耆老搜求雋良將使士知向方民亦有恥
如其者山林下士軒冕棄材少而學文本聲律雕蟲
之技出而從仕有狂狷攫鱗之愚溝中不顧於青黃
費下無心於宮徵誤蒙收拾已出優恩荐履禁嚴殊
非素望伏遇某官德配前哲望隆本朝名重圭璋上
助廟堂之用言為著蔡下詢卿士之謀餘論所加虛
名增重知丹心之尚在憐白首之無歸特借寵光以
寬衰病任隆才下恩重報輕直道而行恐非所以安
愚不肖之分充位而已又不足以解卿大夫之憂蚤
夜以思進退維谷恐懼戰越不知所裁

又

宋蘇軾

叨被宸恩典司帝訓捫心增懼撫已奚堪竊以上之
所以通治道悉民情下之所以播德音宣主志形容
鼓舞者是惟辭誥討論潤色者必繇人才然而時事
有殊體要不一撫慰以恩則暖如春日責勵以正則
凜若秋霜慮事疑而弗明豈勉丁寧而煩悉或理隱
而未喻自宜詰屈而聲牙必使有示四方傳之萬世
讀詔而義士嘆息聞檄而懦夫激昂惟我朝之治功
日新而主上之聖學天縱接語群下造次之際而言
合先王處畫萬機從容之間而理符六藝故凡我冠

詞教錄

金卷之十

主

入侍秉筆代言今尤謂於才難職弗容於倖進矧惟
外制日奉贊書宜得博古之士以稱右文之朝如某
者稟能不長涉道殊淺實用罔裨於一介殘編徒誦
於高言頃以東部之傳車召為太史之下走坐竊榮
祿固亦勤能乃使之番直掖垣記言殿陛越次見用
愧出老儒之先滿歲為真遂偕近侍之列伏遇某官
佐佑真聖韓旋化鈞指南本朝推轂多士培植甚微
之孚甲翼其長茂而成材吹噓至弱之鴻毛欲使剗
翻而戾漢敢不鞭策疲蹇濯磨垢昏上達明主之知
次酬元弼之造

除編修謝丞相啓

宋陸游

揆才無似得祿已優不知何取於聖時顧使輒塵於清選既難稱寒但有慚惶伏念某學術空疎文詞朴拙頃遊場屋未能絕出於武夫久返山林但欲追酬於歛乃至於手編簡冊身綴鵷鷺豈惟忘魏闕之心固已息邯鄲之夢敢圖一旦輒越稠人與聞國典之權輿猥備樞廷之掾史伏遇某官斯民先覺盛世元臣亮天以格物之誠化俗用脩身之道雖江海至廣固無待於細流念燕雀兼容亦何傷於大厦致茲久困遂得少通然而某天賦甚窮自量无審層臺起於詞教錄卷之十一古

謝施察政啓

宋陸游

起由散地畀以專城命出詞垣仰戴絳綸之寵名居節鎮俯懸章綬之華僮僕拜恩謚諄敘感伏念某薄才繇力多病早衰竊慕長者之餘風每思砥礪未聞君子之大通徒益顛危零丁稷下之遊寂寞漳濱之卧尚無漂母哀王孫而進食况有故人憐范叔而贈袍牛欲繫鐘誰其弗忍婦非束縵何以自還敢期累年不振之蹤忽有一旦殊常之遇先生分表喜溢情

涯惟茲山水之邦自昔詩書之俗脩門在望曾無日

近之嗟先世嘗臨獲慰露濡之感伏遇某官至仁善下威德兼容一引坐一解頽士託終身之重三吐哺三握髮野魚片善之遺賢能借勢以奮騰孤遠望風而傾屬自悲蓬梗獨遠門閭向使不為萬里之行固亦久在書生之末誦文章於方冊竊喜得師聞道義於薦紳亦嘗願學既積精誠之素果歸甄治之公旅進無階歎空馳于清夢餘年有幾懼終負於初心

謝黃參政啓

宋陸游

病餘弛分靳續食於叢祠望外踰恩俾牧民於近郡詞教錄卷之十一古

感深雪涕慙劇汗顏伏念某早歲多艱晚途益困岷嶓峻絕身行禹貢之書雲夢蒼茫口誦楚騷之句朱薛支離之骨辱招羈旅之蒐八千之路雖還五十之年已過視荒荒而益廢髮種種以堪哀斷港絕潢徒有朝宗之願朽株枯木何施造化之功雖存溝壑之餘生已是簪紳之棄物驚宿愆之盡洗知孤迹之少安如絲如綸詞出西垣之潤色有民有社地連右輔之封圻矧復巖瀨遺祠桐山故隱企高風之如在頽俗狀以自慙伏遇相公黼黻皇猷權衡國是衆仰規模之大人知議論之公謂設廉耻以遇群臣士斯自

好且蹈仁義則為君子人亦何常務與惟新不求其
備其謹當銘膺感德推髮思慙弱羽逸枝姑低回於
晚景靈丹點礪儻邂逅於初心

謝臺諫啓

宋陸游

貧念代耕之祿懇乞奉祠思開使過之門復令治郡
方窮閭之待盡非公議而疇依慙極驛頽感深雪涕
伏念某遭回薄命顛顛餘生隸業荒唐小學僅通於
蒼雅屬辭卑弱奇文徒慕於莊騷髮種種以將童心
搖搖而欲折食粥動逾於累月陳絺或至於隆冬不
能引分以掛冠廡隅已喪更復貪榮於懷綬愧懼可

詞教錄

卷之十一

去

知以此名城今為近輔九霄嘉氣日未過於長安千
載遺祠屋簷從於帝座孰為之地使有此行伏遇某
官備量海涵英安山立衆惡之而必察俯憐久困於
風波今老矣而無能尚使少紓於溝壑為國廣旁求
之路示人無終棄之才曾是妄庸曲蒙全護除書已
下徒叨漸洗之恩羸疾益侵無復激昂之日

除內翰謝張帥啓

宋劉珙

楚湘制閭備數罔功整禁代言冒恩逾分伏念某短
才何用朴學已陳四方蚤玷於清華兩郡茂書於善
敢期末路復冒脩門之雙燭之餘光恍驚昨夢訪

八軀之舊影有愧重来揣弱植以無堪實游談之有
自伏遇某官仁不遺舊義在相先雖一人同心雅辱
斷金之好然巧匠袖手第懷血指之慚寓書嘗見於
謝誠端介曲蒙於慶贊其為感佩同既敷陳

謝趙都大啓

宋陸游

攝郡墨之左符已逾素望備賓僚之右席復玷明恩
雖可知已老之頭顱猶幸得本來之面目伏念某下
愚不肖至拙無能陪蓬嶠之後塵最為薄命省桃源
之昨夢恍若前身茫然不繫之舟莫知稅駕之地豈
圖末路還汚除書蓋將問道質疑求備老聃之役豈

詞教錄

卷之十一

去

獨孽戕染翰預慶嚴武之詩樂我斯行幸甚過望伏
遇某官學窺聖域望冠時髦根於高明用以忠恕執
詩書之正印司翰墨之衆盟富貴不驕有偉周宗之
百世誠明自得屢班漢詔之六條方當有九遷之榮
而何難兼數器之地施及梗蓬之狄迹亦叨俎豆於
群英但不稱之是虞豈辱知之敢望已遵臺檄即發
山城紀文饒戎幕之談當從茲日窺逸少蘭亭之帖
或在暮春過此以還未知所措

除辭掖謝漕使啓

宋張安國

郎家安在方叨執戟之榮君舉必書遽陪載筆之末

冒恩至渥論報獨難伏念某猥以鯁生濫追時雋考
藝文於東觀隸牋奏於南宮忽誤聽聞進躋班列典
春秋上書之簡冊何有編摩望清光太微之冕旒空
塵供奉靡容辭避端自吹噓伏過某官學有本源智
周事物六轡按部式專開闢之推三接造廷即賜清
閒之燕不遺故舊曲借褒揚速勤驛吏之臨特拜雲
牋之賜齊誇有烏姑借喻於騁辭曾懼無鳩願推誠
於發樂祗深感忭莫既頌言

到任

高郵到任謝丞相啓

宋翰苑新書

詞教錄

卷之十一

文

頃辭東第往視西師駘晨征修路著雪虎符夜下
忽蒞秦郵身隨隻影之孤日趣九秋之變甫交賊職
宣諭勅書戴白垂髮遙空虛而出聽荒城斷壘慚笑
語以迎門不圖亂離復見官府知中朝之恤難與外
服以更生復以虛庸久馬閒散自改絃而善治始結
綬以登畿出相裕陵入奏便殿妄論中原之向背歷
陳前事之是非雖彼韓之驟暴強殆天亡者欲方今
之言戰守往身任之茲乘障以是來類請纓而自効
登埤一望積水四環南渡之物與楚俱必爭之地北
盟而後於淮為稍富之邦孽芽止間蹉跎至此佳兵

所處垂罄可憂軫念疲氓跣跣濡涸轍之潤布告德
屢空挾纈之言矧青徐野之相望有赤白囊之狎至
官無遺缺人盡銷兵采薇征夫語慣飛於技劍集木
歸羽心易動於傷弓將道之政齊之刑然急則念寬
則肆成樓夜靜戒傳警之無訛里門旦開覺驚魂之
漸定伏遇某官訐謨經遠長慮銷萌沿邊四十萬之
屯戴懷饑渴在廷勅什三之議默識短長疆場之間
風寒具護既芟稂莠深惜本根肆求柔主之人力任
拊摩之責遂容公麼獲備指令赤子龍蛇奮平治於
弗順烏啄參朮敢錯迓於攸施亟營園圍之方尚道
籌遠之顧

詞教錄

卷之十一

文

榮州到任謝丞相啓

宋李劉

佐黔巫之東鄙甘半刺之翱翔守巴楚之南榮累一
陶之坯治幕府十年之未久解巾兩火之可逃問關
半春辛苦萬狀甫茲領事率爾裁牋伏念某才不逾
人學徒泥古招諸生於館下幾毀於隨處別駕之鼓
中無材可展姑候及瓜之代式適行李之歸敢圖分
銅獸之符猥使展石龜之郡為和義之僻壤實光廟
之潛藩升軍開府獨未沾恩視邦選侯率多就近蓋
民田歲租止五千石而公使年計僅六百緡財匪鬼

金仰作鹹之潤郡資井養詎堪竭澤之漁地羽化
於皂胥而遂草薶以赤立欲俾尋常之外頓增十萬
之輪數畧入池宰保四郊之無擾強弩射市但嗟薄
命之先穿上下交征公私可痛弗獲於上不可治也
欲加之罪其無辭乎恭惟其官師保萬民弼亮四世
天欲吾君繼壽皇之聖帝賚我公紹忠定之勲禹以
功臯以謨適全絕德絳之果霍之勇抑又餘收不惟
垂紳正笏而措泰山之安且復守志勵操而抗浮雲
之節勤勞二紀無寸畧之敢休懇避三公至累年而
不受戒謹恐懼之如此熾昌耆艾以固然周公仰而

詞數錄

卷之十一

手

思之不迷動教伊尹聖之任也尤務旁招肆念愚儒
來効凋郡尚念其進退維谷戰兢履水思庶民所以
安恐有負十行之賜得一事可自罷庶幾免百謫之
盈輒脩謝上之紙併控申中之悃

本州到任謝執政啓

宋蘇軾

小器易盈宜處不爭之地大恩難報終為有愧之人
到郡浹旬汗顏數四湖山如舊魚鳥亦怪其意爭
訟稍稀吏民習知其遲鈍雖高嬰於寵劇庶幾於
安閒顧此蠢愚亦蒙微幸伏遇某官輔世以德
以仁嘉善而矜不能與人不求其備故令枉直

始於措步武於夷途收桑榆之暮景其敢不欽承令
德推本上心政拙催科自占陽城之考姦容獄市敢
師齊相之言庶寡悔尤少償知遇

潁州到任謝執政啓

宋蘇軾

入參兩禁每玷北扉之榮出典二邦輒為西湖之長
皆緣天幸豈復人謀惟汝水之名邦乃裕陵之故國
人淳事簡地穰泉甘豈惟暫養於不才抑亦此生之
可老恭惟某官嘉猷經世茂德範時元老廟堂自有
權衡之信餘生江海得同品物之安感佩之私筆舌
難既

詞數錄

卷之十一

世

知嚴州謝王丞相啓

宋楊芳大金

故里浮沉竊玉局再期之祿公朝杖拭付桐江千里
之民瓜戍非遙竹符甚寵感淪病骨愧溢衰顏伏念
某元祐黨家紹興朝士池魚淺濶本思自放於江湖
社櫟支離久已難施於斤斧繇治生之素拙因從宦
以忘歸頃自吳中久留劍外顧彼衣冠之兩萃頗以
文字而相從方深去國之悲敢有擇交之意流偶殊
於涇渭風自隔於馬牛睚眦見憎本出一朝之忿排
擠盡力幾如九世之讐說足羈執孰為別白縱免投
荒於大罰亦宜置散以終身且定遠未歸惟望玉關

之八 輕車已老猶護北平之盛秋豈有朝為閣閣
之之人暮竊畿輔承宣之寄伏遇某官學窮宗奧
熟靈堪與南山巖巖冠公師之重任赤舄凡几同宗
社之閑休念人才之實難悼士氣之不振挺陶至廣
收拾無遺方與物以偕春憫向隅之獨泣爨和輿論
開略彛章起安國於徒中較恩未大還管寧於海外
為力尚輕而某少非列於通才晚徒專於撲學棄鷄
肋而猶惜雖仰戴於深仁續鳧脰則自悲恐難逃於
薄命

通判到任謝簽樞啓

宋李劉

詞數錄

卷之十一

七

誨館下之諸生夙蒙采菲補黥中之上佐茲遂及瓜
揣弱念以易盈撫窮途而致感伏念某學不聞道才
無逾人負米為親飽固悲於弗泊析薪無子賤亦覺
其有涯顧平生竊祿以代耕乃三歲賣文而求活頃
申以柳易搆之請遂忘得隴望蜀之嫌愧在其肝悵
莫追於駟馬言提其耳甘束味於孤雄既待牧羝詎
容展驪茲出回天之力竟諧縮地之謀鮑叔不以我
為貪傷哉貧也伊尹恥匹夫不獲真君推之公豈謂
長史之有材僕固感國士之遇我伏遇某官爽邦良
弼輔世真儒欲立立人所學實資於孔孟匪求求我

陽子亦愧知聖命而不薦雖昔何如今與今何如
願公之求士甚士之求公庶皆有實元大厦之驩
斯不但屬廢小人之腹某敢不俯安雌伏仰任鷺飛
文儒申申詎能繼巫囁之公綽武岡矯矯尚及見江
左之夷吾

通判到任謝臺諫啓

宋李劉

詞數錄

卷之十一

七

課以入鼓譟以出更愧名浮頃從文學掌故之聯躡
綴國子先生之後經筵之嘲未發謗篋之惡已盈鄉
人不善者惡之成是貝錦相國之賜也大矣止於既
史荏苒三年僥倖貳郡軫之旁鶉之尾不惟非螭蟹
之宮丹之穴犀之穎近又築鯨鯢之觀然以非材之
典午同在協恭而同寅水火弗與百姓交寧頃餞別
風月不用一錢買何必平分伏遇某官道格君心誠
通治體進務閑邪而陳善退思激濁以揚清天豁露
繁南嶽要聞於鳴鳳水清霜潔北臺自肅於棲鳥始
試治中且游方外某敢不修其可願勉爾循思聳且

傷正欲不開於黜陟不得用又當且止於此

榮州到任謝杜制置啓 宋李劉

假守三榮叨塵統部牽江萬里既見吏民比嚮奏記以微名復敢修辭而謝上惟和義之斗絕寔夜郎之奎隈事簡地偏舊稱道院吏貪俗悍今類法場蓋一歲止五千石之經租而諸司近八十萬之折估郡資井養財匪鬼輸屬因權攝之多馴至綱維之敗壯哉雀鼠公肆侵牟翩彼鴟鴞交騰喧譟致連帥括三井之羨為屬縣代兩稅之輸上關閭制之聽聞下籍吏胥之專擅去其煩騰始云欽此以錫民信及豚魚今

詞教錄

卷之十

第

則改之而備塞莫非王事均是邦財黔其廬藉其垣正足為參元之喜馬若羊金若粟初何與張兵之家不才如其嘗仕于蜀亦知風寒之數處何止日費於千金與其捐潤下之鹹徒滋他族孰若助攻苦之淡以張吾君然一郡四邑之間有百孔千瘡之費得斗勺之水斯活矣庶逃涸轍之枯無尺寸之膚不愛馬寶恐剝牀之及恭惟某官弘深而肅括簡要而清通後勁中權文武作萬邦之憲外鎮內附精神折千里之衝定不奪牛於蹊田但欲捕鯨之害稼有憐薄命值雷轟薦福之碑或辱寬征使乳復零陵之穴乞從

舊圖以惠疲氓某敢不祗遵寬條布宣隆指修惻怛利之實銷愁恨嘆息之聲可以言未可以言亦恃有仁人之在上哀之命不哀之命更惟恕躁者之多辭歸倚惟深敷宣罔既

陞陟

三

代林提管謝三府啓

宋李劉

抱管權之文書真成為米守踐更之歲月有幸及瓜忤懷曲免於震凌川夢密藏其汗疾孰主張是遂躋登茲良勞大造之鈞陶敢廢小夫之干贖某冀衷有緒筆硯不靈勒罕盤跚僅脫身於異宰嶽嶠歷落姑

詞教錄

卷之十

第

策足於縣灘盍求泥軼之榮却落銅官之冗聚鐵成錯未能羨泉府之泉餉糟獨醒豈善會酒人之酒冒依行缺聊復坐曹二親高年一則以喜一則以懼三釜微祿時手為養時手為貧誰為元帥之謀載復步兵之饋歲糜月費不共桂王之費炊冬煖年登未辦布荆之包裹有懷親省屢願汰歸日食太倉之陳亦皆帝力人言長安之樂豈為我曹不自意全遂得善歲伏遇某官彌綸天緯涵養人材根闢唐樞各得宜與其進也風雨霜露無非教戒培植之福遂及於容容考亦書於下下其自非木石亦有肺腸烏獲力足

為氣足施維其時矣伯樂遇不暇遇不顧亦有命焉

代吏部宋侍郎謝丞相啟 宋陳著卿

參五材之訓飭攝事無庸陪四選之參裁真除有權
混鴻私之下被批駁實以增慙伏念某才術迂踈器
使寡薄父書蚤讀雖知激烈於古心吏事晚更未足
躋攀於時用獨以大鈞之曲播遂令小器之先盈凡
所踐更疇非躡越自先帝改絃之旦已玷班聯至聖
皇御極之辰遂躋禁從願末為他恩意如天俾微福
千前人且增光於後裔蓋風厲之道則已至矣而報
稱之實尚少缺如取圖渙渥於大君遂使升華於小
司教錄 卷之十一 共

代董侍郎謝吏部啟 宋李劉

六年請託大造於全生一旦異恩錄微勞而贖過
盡復官階之舊仍沾祠廩之新毫髮不出於他人頂
踵皆歸於化地伏念某夙無操挾積有僥逾州縣常
才既躋從甘泉之雲漸垣重寄更濫分益部之符指
心願報於寵光量力終牽於分量體廟謨安靜之意
何敢動兵承宣司臧汰之餘又難增戍然畫地而守
之策亦無日不討諸人會殘虜欲竄身於三秦聚重
兵專乘涎於西蜀計我師之籍無入萬人分邊面之
屯幾二千里上藉朝廷之威德下憑將士之忠誠首
珍渠魁既奏皂郊之一鼓繼殲群醜不留蟻冢之隻
詞教錄 卷之十一 共

輪偶興元偏帥殞於挑兵致散關諸卒潰而挺盜雖
在常阜去鎮之後難逃孔明貶秩之辜投畀囚山其
作活溪之老適逢沛澤遂叨汝水之歸茲遇飛龍之
御天曲念病駒之屬地錄其尺寸騎羽復於鴈門活
以斗升涸足蘇於鮒轍孰主張是遂登躋焉伏遇某
官柱石九埏網維八極談笑洗咸池之日從容封函
谷之泥博陸之益戶萬七千詎足報伊周之烈汾陽
之書考二十四自應徧齊晉之功方藏疾以匿瑕務
厲世而磨鈍復其官為子孫之計見此恩乃父母之
心某敢不仰佩殊私益磨晚節誘我松桂未敢勒北

山之移收之桑榆庶幾補東隅之失

代李制置謝丞相啓

宋劉克莊

禦戎弗績上孤東閣之知抗疏自言稍絀西清之職
恩歸造化愧溢心顏伏念某猥以薄材當茲重任知
主上垂愛南北寧忍開邊知廟堂不問甲兵專謀保
境我雖守信虜自敗盟首挫其淮右之鋒復斷彼山
東之臂期歲於此疆陲粗安豺狼無厭未飽其所欲
蜂蟻有毒已驅而復來睥睨六關度劉兩郡蓋神人
之共憤豈臣子之敢安事許便宜固有已頒之隆旨
法當牽制詎容不出於偏師文移但戒以戡攻吏士

詞致錄

本卷之十一

文

輒泛而深入泗城撓敗淮東驍快千里之籌既無
勝算責三軍之帥厥有常刑徒以寇尚在邊身方扞
塞念辭難之未可姑引咎以自歸上援街亭次稽好
水使伏歐刀之戮亦有甘心止裁籍案之班寧非輕
典信以公朝之寬大深我吾相之保全伏遇某官詢
美治功秉持憲度謂賞罰軍國之紀必合至公然勝
敗兵家之常無庸深咎况已自歸於司敗時為少屈
於刑章僅抑隆名尚叨舊寄某敢不堅凝初志懲艾
往愆建大將之鼓旗敢妨賢路奉祠宮之香火終託
化鈞

代孫隆興師謝相公啓

宋真德秀

治郡無功遽驟分於仲閭進班有命仍峻直於殿廡
以儒紳被遇之榮繇公衮見知之素伏念某囊緣薄
技獲玷周行職在禁嚴思事君之無隱官非諫諍乃
論事以不休意雖本於納忠迹或鄰於出位明良在
上獨知魏綰之亡他寵數相仍絕異賈生之不遇八
則侍楓宸而參內命出則持節節而守專城積有僥
適漫亡稱塞茲由平海改鎮洪都其地則三江五湖
襟帶之區其位則方伯連率鈇鉞之寄在昔所重于
今猶難吉水崕峒有未馴之獷俗富池湓浦有當阨

詞致錄

本卷之十一

文

之要衝茲皆必至之憂宜謹將然之備而人情狃於
僥倖軍政弛於因循尺籍五符之師或供他役百壘
千屯之長類處凡材雖幸存督府之名未始修充戎
之職盍疇耆哲稍畀事權訓卒治兵若曹王臯之在
唐室繹城脩備若李相綱之在中興豈維固一遠之
扞防抑亦壯兩淮之聲援退循篤怯曷稱使令恭惟
某官論道廟堂折衝枕席威神萬里外夷既憚於有
人慮及四方內地亦嚴於置帥孰云妙簡猥及迂儒
某敢不志慕古人心存王室鳴鑾佩玉敢窮歌舞之
娛運甓投標益勵恭勤之節

謝衛參帥舉閣陞啓

宋李劉

小子征簡而成章無能為役大鈞缺北而掃物有味
其言幸辱備於使令亦足謂之遭遇不應論薦便累
吹噓伏念某受質無奇望世亦狹童而強學粗知萬
物之皆塵壯不如人縱得一科而何補舍對白抽黃
之業為出朱八墨之謀人言棲枳之官失無鸞鳳詎
知求窮之志固異馬牛不圖賈子之泛湘偶際召公
之今陝望塵雅拜孰非夾道以疾馳敷衽嚙詞獨念
坎君之小異今以竿牘小夫之智効於詩書死帥之
前一年于茲五技窮矣可以止則止方願返於屠羊

詞教錄

卷之十一

王

莫之為而為駭忽勞於薦鷄亟嘗輸款願且避豈
期刺史之天決為將軍之地識字有數敢當淹博之
稱了事亦癡寧有疏通之實非相國賜之大禮之過
詎至是耶使天下洋然動于然來其必由此古之所
以求士今者於是見公恭惟某官身佩安危力闢造
化兒童之誦君實久佚丘園夷狄之問冠公暫司管
鑰察湖南之從事欲異此之空群雖有絲麻且揚糠
粃意者耻匹夫之不獲欲其收多士以攸奔無以我
公亟展伊周之業豈惟委吏得專文武之功某既累
公知寧當自棄少留東閣難掩人言魏勃之庸更達

南枝或備臣客馬周之對

謝宗卿啓

唐李商隱

某少實艱屯長無才術徒以與周同姓從魯諸儒託
阮籍之竹林攀郝詵之桂樹曲蒙題目猥被薦聞惟
我大朝克崇宗祏敘文昭武穆之位敦紹堯鑽禹之
親豈以斯文失於能者况一蒙旌錄再忝恩榮班資
將列於郝超職業幾踰於孫楚感結所至生死以之
登門在近縮地是思惟勤肺肝恨無毛羽

詞教錄

卷之十一

王

詞致錄卷之十二

啟劄門五

啟類

謝啟下

薦辟

謝曾參政薦舉啟

宋播芳大全

起亞相于午橋行將入覲薦謏儒於寅陛轉以上聞
趣裝如是其匆匆推轂胡為而汲汲仰窺盛意俯激
愚衷切以魏公用則所舉皆正直人司馬相則其徒
行經濟學或拔才於選調或引類於經筵蓋畫錦堂

詞致錄

卷之十二

一

嘯咏之時每詢人品而耆英會徜徉之際常訪才賢
況當聖主之勵精方召大臣於閒散必也搜羅俊傑
使之馳騁驚事功如某者素有苦心本無眉骨青衫素
髮消磨十八載之光陰黃髮短髯感慨百千年之理
亂但見與世枘鑿不為隨人桔槔來吟首著之盤正
在槐棘之里豈無蚍蜉之援可以攀躋自顧麋鹿之
群甘於恬退寧方為鑿趾曲而遷不知何取於高明
乃至垂情於寒畯豈必求乃予至有如程子之所規
故敷素以言猶愈知仲淹而不薦品題高而無實以
稱力量大而有請必行伏遇某官忠冠臣隣名在彛

鼎盛年勇退不依偃月之堂晚節益香好在靈光之
上有意北方之經理公豈宜西墅之夷猶江左有
言夷吾何憂得於親見齊國用樂正子為政誠所喜
聞方將錄夾袋以儲才乃先使錐囊之露穎某誓堅
素守圖報固知焉有文章得預元祐科名之列尚存
氣節要康慶曆聖德之詩

謝李參政舉獻納科啟

宋李劉

塵纓解縛方將發興於雲山宗袞垂褒欲使司存於
雨露喜固多於溢美耻乃在於過情其殆無私之私
豈容不德其德竊以士無賢不肖均欲希一世之知

詞致錄

卷之十二

二

德不孤有隣亦樂道諸人之善蓋近來仕進之徑實
罕由薦舉之門心肯命通底勞介紹言甘幣重自有
黃綠宗臣之秀十科本為何事冢宰之計群吏不出
此途遂令歲天之章僅作畫地之餅然其所見與眾
則殊樂莫樂乎相知止願出大賢之門下得不得之
有命寧須商小利於楮中矧如不腆之蹤可謂所持
者狹識字有數學何有於多聞了事亦癡才豈周於
庶務實不足以望粹然之器文不足以窺作者之藩
宜諸公惠者之登庸任此士江湖之落莫緊誰欺於
鑒我亮忽於明揚方正乃賢良之科必名門而後

之餘閱人多矣今起家二十石之薦舉世觀焉不應
九材猥玷異目伏遇某官清朝良弼名世真儒鍊色
石以補天親揮九日觸佞山而還望坐閱一星甫昇
川路之風煙適值罔罟之烽火內嚴殄捕外示招懷
賊憚崇文之名若杵接白民誦西平之子惟我有臣
俊又宜在於旁招巧拙猥容於雜進有如庸下亦備
數中其敢不勉自激昂圖惟稱塞有吏才更世事愧
非臨川老子之倫絕當世追古人敢忘眉山端明之
薦

詞教錄

卷之十一

三

謝董侍郎薦舉啟

宋李劉

隨驛騎之幕濫備執鞭刻公車之章遽蒙推轂心感
恩於破白面抱愧而發紅茲伏念某稟生多艱從宦
尤拙貴人令其出門下既不善於走趨大夫羅而致
幕中亦倍勤於收拾豈謂半年之內復為千里之行
治法征謀紛紛未定幕籌檄筆碌碌無奇然白日實
照其清誠則赤雲可占於勝氣况值匈奴百年之運
必復春秋九世之仇颺犀札而咤羣旄在此行矣對
龍額而獵麟脚切有望焉曾未輸橫草之勞何遽辱
采蘋之薦乏吳下阿蒙之學顧曰淹該無江南子布

之詞反云典麗裨益之功甚寡獎予之資何多伏遇
某官以社稷臣為詩書帥孤忠可貫于日月至誠足
達于天淵一鶴一琴人皆望清獻之出萬牛萬甕賊
必待崇文之擒佇觀十乘之行大作三軍之氣繫車
于之頸慰祖宗在天之靈犒匈奴之庭為蠻夷猶夏
之戒予以侈旂常之績歸而策鼎鼐之勲凡在紅蓮
綠水之間必入赤青之用其敢不力磨其鈍圖
稱所蒙揮羽銘山敢銜文章之小技冶金伐石願歌
竹帛之大功

詞教錄

卷之十一

四

謝帥臣薦舉啟

宋楊芳大

一行作吏未應絕山吏部之交千里投公何恨學靈
紫軍之語遽拜薦章之寵爰增仕版之光謝固無私
情豈能已念慰藉之甚厚懷喜荷以交并竊以百弊
於嶺海之南五服曰要荒之外氣穢已分於庾嶠質
清終變於貪泉人不畏其四知仕咸懼其五瘴瘴而
化枳雖云易地之使然薰之與蕕豈免同氣而俱臭
以道里既遠則在所可忽謂耳目弗知而靡所不為
方數年以來所習浸乖自近日以還此風漸革蓋監
司郡守既公其賞罰故頑夫汚吏稍知所勸懲然操
績未免於干求若刻章尤難其取于往者雖信而來

不可信今日為然而明日未必然視所以觀而力
所安曾莫莫其師以言進以德舉以行則
之齒牙苟非有灼見之明惟恐負失舉之累伏念
某脫身白屋効力仕途學術至迂而難極淹諫正經
其時而未詳詳疎碩俗狀塵容之可笑亦瘴氣蠻烟
之堪嗟錘之處於囊中烏能脫穎羅而致之幕下莫
藉為媒自甘隨鷲鳥之群誰肯作騏驎之顧夫何際
會有此提攜伏遇某官道以相傳仁為已任泰山非
斗而為世所仰春風夏雨則在天有功樂從珠履之
遊廣借布衣之譽以河內太守喜聞洛陽年少之才
詞敬錄

不卷之七

五

謝監司薦舉啟

宋朱廷玉

零落壯心未就求田之計裴回末路猶懷入幕之謀
中愧太心外慚微分戴恩逾腆跼地弗容伏念某數
則多奇資惟極陋始遊論墨謂功名可為而亦可期
速涉艱難知時命在彼而不在我雖已周於十載曾
弗既於一官諒拙疎之有餘故坎壈而未艾進惟聊

爾資升斗以代耕去亦欣然適榆枋而滿志偶參群
俊俾長諸生會明詔之一新事當責實碩諛聞之已
竭分合投閒懷曠官以自危思歛衽而不敢維常雖
夙夜之智力曾何補毫髮之事功矧積勞已久稽竄
斥人皆謂之丁年而弗顧公獨察其甚慙而可哀嗣
加薦論俾適夷途伏遇某官義高乎一世識並於前
人忠厚之風及物而愈廣剛方之氣秉節而弗回其
觀人也遺於短必求其長其薦士也因其才不移乎
勢愛知者所以感激而至於太息有識者莫不尊仰
而為之聳聞願樗櫟之散才乃門墻之舊物載矜流
詞敬錄

不卷之七

六

謝太守薦舉啟

宋趙德誼

浮湛宦牒久絕意於清流洒掃門牆忽盜名於下客
餘光所被善類知歸伏念某愚不通今拙而嗜古百
世而下莫究聖人之大全中年以來不堪世路之多
故簿書汨沒師友散亡驚短髮之半華悼初心其既

則尤失矣常當民散財殫焉方今之公惠
歛急豈學者之安行故嘗取予於權宜
於文法苟少紓於罷俗亦何愛於微躬所幸人
主大明日月其照我公盛德父兄乃心用能三歲之
間或致一毫之効然塵埃不可以薰沐拜起甚慚於
步趨舉歟而酌天漿坐數星辰之遠比竹而聞人籍
益知耳目之卑謂當黜而外之豈曰從之遊者惟時
指授不愛巧雕出五色於深囊既將脫其毛骨捐千
金於敬帚又復借以齒牙豈徒了於一生固足施于
後世伏遇某官道存長育業懋經綸世為儒者之宗

詞教錄

不表主

七

故常恐斯文之墜地身任天下之重故陰求當代之
遺材有如妄庸何以稱塞某敢不洗心矯節俯首下
風補剗息黔舍治人而治已淪肌浹髓持報國以報
公

謝薦舉啟

宋趙德莊

官分縣社初乏吏能書奉公車驟膺名薦荷恩增愧
撫已為榮伏念其魯鈍少文木愚乏警志有丘園之
素氣無湖海之慕慕君子有所不為知古人未嘗乏
仕猥軀俗駕濫綴官曹性頗愛山未忘餘習折腰為
米已負初心試館銅章詠臨花縣鳴琴不韻製錦空

政拙催科考宜書於下誰先傾倒人每見其
疲驚絕意於騰騰散木無心於斲削豈謂提衡之
鑒誤加推轂之私伏遇某官盛德表時淵謨經國
才優於剗劇厚性足以鎮浮允為世臣卓侍賢業
衡士類水鑑人才錄箕斗之虛名采非葑之下體縱
毛錐之脫穎許由瑟以升堂致此凡庸亦加品目功
借風雷之便許化龍校律調金石之音旁資牛鐸某
敢不勉以未至尊其所聞上答已知下逃官諉

又

宋趙德莊

三年去國從學官簿領之書千里推賢辱宗袞陽秋
詞教錄

不表主

八

之字雖異姓古人之為後然成材今日之居多特屈
公言豈非高誼惟汪氏蟬聯之緒出軒皇派別之餘
壽等神仙詞伯有魚龍之號名聞軍旅聖人書社稷
之功遙遙譜牒之相傳浹浹衣冠之不振雖更晉魏
之遠莫廁崔盧之間由斗以南敢自期於一狄沂江
而上曾不見於他楊豈期一代之髦英同繼百年之
鼻祖間生賢德膺運半千坐使衰宗去天又五爪飛
已興於嗣歲豫章方托於深根非無他人未足知已
矧何充及君公之貴而謝莊從康樂之遊宜其臭味
之同借以齒牙之重幸雖至矣誠其當然如其者天

與實頌人誰料理但欲陸沉於州縣未嘗鉤致於聲
名一命江湖無蛇蟻蟻子之技窮年書史有蟻蟻鳳
凰之朝中因俗駕之田益歎儒冠之誤政恐陸緒安
能元宗敢意門閭收為子姓力推寒士以報國且喜
當家之有人天生五材非聖賢而曷用河潤九里資
宗族以為多伏遇某官經術宏深人倫高妙青天白
日誰不仰於清明璞玉渾金終莫名於器用出入興
賢之省始終當宁之知付菁莪樂育之權為巖石具
瞻之地豈獨林宗之好士借之聲光因知祐甫之無
私多其親舊深憂謫薄難稱生成其敢不持此銘心
詞致錄 卷之十二 九

永為鏤肺腑國士品題之賜附名家閱閱之光

試中

謝試中館職啟

宋翟公異

奉對西清凜天顏之咫尺策名東觀近雲漢之昭回
顧影自慚無賴以寄惟石渠天祿之府秘金櫃玉板
之藏翰林墨客之文章河圖洛書之典訓恠如齊諧
之所志微至裨官之所收極備至於方言其流及於
瑣語煨燼竹簡荻羽陵汲冢之編科斗漆書譬魯壁
淹中之毒蓋古人禮求諸野而史官學在四夷僅有
典刑誰云古昔仲尼之悼惜馬猶及闕文夏禹之尚

遺禁以存追慕自非網羅百氏之學貫穿千載之間
約六藝以成章洞九流之領略孰能刪除繁穢放失
舊聞得商頌十二篇考次逸詩之缺取武成二三策
緒正古書之遺至於曉幼婦之微文釋血蟲之訓纂
討論疑識辨岐周拘鼎之銘義證古文跡東漢顯陵
之策唯時遴選益歎才難固將廣豪傑之儲頃以待
朝廷之問必如前哲增重此名而況切近禁嚴雍容
哺諾建章鳳闕望帝極之太微策府玉山應星躍之
東壁欲掄材於人物聊養望於歲時某意廣才疎心
勞志大空懷憂國見謂狂生中損末路之差池未分
詞致錄 卷之十三 十

昔人之憂患爰從宰掾入蓬蒿林汗青簡於長年絕
韋編於卒歲初無聞於是正獨能問於何如恭惟某
官德盛阿衡師惟尚父服袞衣繡裳之命數寵冠上
公偉龍章鳳姿之儀刑照映群辟略春秋責備之法
得天下英才之歸雖此妄庸不忘教育孰云晚出得
預斯文乃眷蓬山世唯舊物慨流波之未遠創風樹
之經悲再命及躬相望踵武惟先人嘗掌斯事並繼
前脩卒父業復總群書敢期故實永存陟岵之感終
靡蓼莪之篇然以碩儒之熟訓詰而誤爾雅之煥煥
大夫之識具教而名先古之獻武况乎淺陋無為闕

疑庶幾農馬之專可與蟲魚之注述陶唐至於麟趾
安所獲明頌聖主之得賢臣或能論著

謝試中宏詞啟

宋方雲翼

風宸射策舊聯都桂之名蘭省奏篇復冒齊竿之列
叨榮過矣揣分歛然竊以取士雖本於辭章論人莫
先於器識臯朔以俳諧自詆悔不通經王楊以眩瞽
相矜類難致遠攷片言於紙上得大槩於胸中惟純
儒含潤色之英聲諧韶護而正士蘊懷冰之操句挾
風霜何詞旨之無瑕蓋淵源之有自施諸實用號曰
通才觀歷朝選任之規見今日揄揚之意法始稽於

詞致錄

本表之止

士

紹聖建此一科事茲重於中興逮今五舉影華纓而
接武繁大筆以爭輝播告多方擅燕許絲綸之手形
容盛德掩卿雲黼黻之工善序者辨其華記事者提
其要勒成功於砥柱草木聞風述畫像於凌煙丹青
動色陋跛僂之露布小虞人之官箴暢皇靈於諭蜀
之詞揭大義於出師之表試所長於一日責其效於
終身宜得異流以光前躅如某者凡資不韻情學無
方究繁露於一經未識懷蛟之夢效甘泉於四賦終
漸吐鳳之材陪多士以造庭竊下科而試吏念希驥
之馬進十駕以何難而向晨之難肯一鳴而遂已嘗

殫綿力勉習殊科人共笑其材疎已獨憐其志拙焚
膏繼晷親細字於短檠安步當車拚悲歌於長鉞戍
期未至卒業可營每虞類鶩之羞復起彫蟲之悔泛
桃花之新浪尚認前津指楊葉之舊穿敢圖後失非
常枯之素曷收貫札之功伏遇某官受天鉅才為
國隆棟主張儒道障百川而東之儀羽天朝見一鶚
之直上執經惟幄避寵樞機宸衷資借筋之謀士類
倚持衡之力致茲猥瑣亦預甄收某敢不仰附餘輝
俯摩鈍質雖夫子之牆數仞未得其門然魯國之士
一人敢忘其教

詞致錄

八卷之止

士

又

宋石敏若

戰當與勝羞提大敵之戈矛寸有所長不負平生之
筆墨色與寵變汗逐魂飛切評古今之偉觀盡是乾
坤之英物瓊孟玉葦輝煌希世之榮觀陣馬風檣灑
落驚人之粹語峭心胃之山岳鏗咳唾之珠璣張膽
揚眉寫成和氣書牒點翰收入太平僅不為指紳望
封禪書是必作聖主得賢臣頌烜赫淮夷之雅鏗鉤
郊廟之歌此李唐開博士之途雖韓愈有中書之黜
獨當一面豈不誠大丈夫連中八科真可謂奇男子
故紹聖右文之際使紛袍擗管而來風蕩而鳴虎角

而重填胃學海震百川吞浪之聲破竹辭終森萬
倚天之劍多多益善凜凜大奇盡搜天下之奇才不
到孤生之名姓如其者羈酸牢落勃窣盤跚窺一
斑戰戰兩角頑鈍頗有窮鄉冰雪之容濁胃枯
無春草池塘之榮綠蕪安在黃卷相憐漫彎楊葉之
孤低躍桃花之浪謂薰酣文史者不可奪其志而沉
迷丹墨者異乎吾所聞三復斯言名教之中自有樂
一從作吏州縣之職徒勞人歸棲得助之江山再記
可親之燈火浩歎傷弓之鳥動輒驚弦其如墮食之
蟲未能忘苦比趨文陣強廁俊遊鼯鼠五技而窮鈔

詞致錄

卷之三

主

刀一割而鈍雖臨叩之詞客欲飄飄然乘江左之
軍但平平爾望不及此得之若驚伏遇某官有猷有
為可愕可駭氣撼八極此必神仙中人心雄萬夫自
是風塵表物特挈互鄉之童子收為吏部之門生某
敢不增益所不能敬修其可願輒馳窘步望毫釐尺
寸之功名誓覽塵編老三萬六千之日月

科目

謝及第啟

宋唐庚

射策楓宸已甘退黜第名籍尚獲采收叨被寵榮
惟知感慙切以文章君子之餘事忠義天下之大閑

方天子臨軒而策士豈徒求摘藻之華而諸儒充賦
以在庭蓋亦取切時之論欲考終身之節必觀其
之初宜有諫言少裨睿聽如其者少不好學老方讀
書左右圖史者十年涉獵經傳者萬卷莊心寢癖實
性成癖雖古今成敗之原粗知其畧而篆刻雕蟲之
學本非所長妄意揀金謾求市璞青天萬里堪嗟蜀
道之難白雪一聲難和郢中之曲笙竽異好水石難
投自與世不諧幾欲拂衣而去因緣附驥僥倖化
鵬入瞻天日之光親奉絲綸之詔周詢要務兼獲至
言顧為學之荒踈愧然無補若與時而高下誠所不

詞致錄

卷之三

古

為姑畫節以憐憫寧抱關而碌碌夫何獻白亦預拾
青伏遇某官匠石群材鈞鎔衆寡與人而不求備嘉
善而矜不能苟有寸長未加尺退謂其辭雖鄙訥論
不將迎棄在邊庭必能畏尸於馬單置之言路必能
碎首於龍墀薄示甄收或堪器使某敢不冰霜志操
金石肝腸獄訟簿書豈容辭於今日功名事業將育
望於他年庶免小人之歸永為國士之報

又

宋史天秩

程文秘禁上塵乙夜之觀唱第明庭幸預丙科之選
龍光被體愧汗溢頻竊以士欲得志而澤民儒以席

以待聘所學者立已立人之事所明者治家治國之經農炊不繼而有瞻足一切之心短褐不完而有衣被萬物之願立廣居而泰定養衆體以曲全浩氣塞乎兩間汪量極乎萬頃義之所在一介不以取人寄若儻來萬鍾何加於我以禮動以義止不榮通不愧窮守一性之宮庭斥小夫之禽犢筆歎如在處即顏巷之貧版築可捐出應傳巖之夢此為士者所以行已而有國者於是斂才翩然遷谷之驚振若充庭之驚謀王體而斷國是於以吐胃中之奇登金門而上玉堂故能任天下之重歷古有作用儒為先洪惟

詞教錄

卷之五

五

治朝崇尚儒道備成禮樂煥有文章主上以經術造士而人不讀非聖之書左右以儒雅飾吏而世皆知王佐之學治具脩舉人才作興處賢關者不厭藁鹽於鄉校者競紆衿佩山東山西有將相之器水南水北無釣耕之徒科詔一頒鄉書四集于懷歆向之學兄弟擅機雲之名揮袂如雲退毫似埜驚飛魚躍悉歸鼓舞之神車度馬閑盡入鞭馳之手試業以三年之遠攷言於一日之長宜得絕倫博習之才以應不席詳延之意如某者武皇遺種西蜀鯀生聞詩饋鯉之庭受教啖猪之手襲青瑣之舊物對黃卷之聖

人不辭一字之師謾習三冬之學兩登鄉舉旋試省闈驅馳危棧之中踐履畏塗之上往復萬里猶嘗膽之苦歧仰一第若登天之難抱負塵編棲遲故國夜堂松月有客子之悲吟春草池塘無王孫之好夢再拜神而乞助三揖鬼以送窮釣魚無計而信守不移畫虎未成而柳榆者衆間遇改元之赦中宣免舉之文傷弓之羽已怯於虛弦獻璞之趾又愁於再刖矣獨中路荏苒六期更開四壁之琴書屢變一窓之雪秋侵潘鬢臨鑑生悲愁入庾懷向風流悵賞音難必顧影自憐因嘗欲問舍求田又不忍裂冠毀冕感

詞教錄

卷之五

五

桑榆之晚景想塲屋之舊遊既叨再叙之恩願吐自鳴之氣省額六百儒冠萬千偶於沙汰之中亦在招延之內南宮奏籍北闕宣題策以道化而求設施之宜質之衆數而驗通貫之學仰聖詢之微妙顧素業之空疎思苦言艱幾於閣筆夜漁旦獵僅獲終篇方懷報罷之虞遽拜言揚之命天威鑠目臚唱駭魂黃甲勒符名籍恩綸之重綠袍手版身紆賜服之榮脫白屋之塵埃向青雲之歧路靜言忝冒實有黃鵠伏遇某官絳帳大儒青城名俊譽高日下望重斗南歷武賢關掃千人之筆陣竭來秘府紆萬丈之文虹旋

石室之書行赴金鑾之召溫潤如玉咳唾成珠羽
與斯文鑪錘後進殘薪振響最為堂上之音收鼓產
黃苦作籠中之物致使書癡之迹獲逢英毅之收某
敢不飭厲常心勉行所學請恭爾位不違君子之威
儀歸潔其身更向古人之名節庶全微志上荅洪私
雜謝

謝勅賚地圖啟

梁昭明太子

漢氏輿地形茲未擬晉世方丈比此非妙匹之長樂
唯畫古賢儔之未央止圖將帥未有洞該八藪混觀
六合域中天外指掌可求地角河源戶庭不出豈問
詞致錄

卷之五

七

千秋自識烏桓之地脫逢莊武方著博物之書

謝勅賚中庸講疏啟

梁簡文帝

若觀玄圭如觀金版洽日九披流光昭灼慶雲五色
垂采氤氲天經地義之宗出忠入孝之道實立教之
關鍵德行之指歸自非十年有聖得奉皇門無以識
九經之倫稟二門之致竊以周發上聖問五行於箕
子宣尼照極訪六儋於萇弘未有懸鏡獨曉仰灼神
鑒方知始畫八卦風義有慙正名百物軒轅為陋

謝東宮賚園啟

梁張縉

性愛山泉頗樂閒曠雖復伏膺堯門情存魏闕至於

一丘一壑自謂出處無辨常願卜居幽僻屏避喧塵
傍山臨流面郊負郭依林結宇憇桃李之夏陰對徑
開軒採橘抽之秋實而王畿陸海畝號一金涇渭土
膏豪傑所競徙居好時必待使越之裝別館河陽亦
資收荆之富此園左帶平湖脩陂千頃右臨長薄清
潭百仞前逼逸陌朝夕爽塏之富後望鍾阜表裏烟
霞之氣每臘春迎夏華卉競發背秋向冬雲物澄霽
晴瞰戶牖不異登臨升降階墀已窮歷覽舟楫所厭
累日不能究其源魚鳥之豐山澤不能喻其美

謝東宮賜宅啟

梁庾肩吾

詞致錄

卷之五

八

居異道南才非巷北流寓建春之外寄息雲臺之下
宣望地無秋隘里號乘軒巷轉幡旗門容憶蓋况乃
交垂五柳若元亮之居夾石雙槐似安仁之縣却瞻
鍾阜前枕洛橋池通西舍之流窓映東隣之棗來歸
高里翻成常侍之門夜坐書臺非復通燈之壁才下
應王禮加溫阮官成名立無事非恩

謝東宮賚辟邪子錦白襦啟

梁元帝

江波可濯豈藉成都之水登高為艷取映鳳皇之文
至如鮮紫齊紈聲高趙穀色方藍浦光譬靈山試以

照花含燭銀之狀將持比月亂含璧之暉

謝東宮賚米啟

梁庾肩吾

渚水鳴蟬香聞七里瓊山合頽租歸十縣其人慙振藻徒降雲間之松職濫更繁空撒家承之俸成珠委地事重逢仙游玉為糧珍踰入楚雖復激水滄流不待濫濟之說春風掃地方誦文學之篇

謝東宮賚古跡啟

梁庾肩吾

竊以仰巖遺轉入握成塵孔壁藏文隨開已藏石書有暗厨盡猶飛豈有跡經四代年踰十紀芝英雲氣之巧未損松鉦鵲反驚驚之勢不侵蒲竹必使酒肆詞教錄

卷之十

七

來人池流色變將損北海之蹟遠代西河之簡

謝趙王賚米啟

梁庾信

上林紫水雜蘊藻而俱浮雲夢清池開芙蓉而外發珍踰百味來薦畫盤恩重千金遂沾菲席凌霜朱橘愧此開顏含露蒲桃慚其不銷

謝趙王賚皂羅袍袴啟

梁庾信

懸機巧絲變蹕奇文鳳不去而恒飛花雖寒而不落披千金之暫暖乘百結之長寒永無黃葛之嗟方見青綾之重對天山之積雪尚得開衿冒廣廈之長風猶當揮汗白龜報主終自無期黃雀謝恩竟知何日

謝齊竟陵王使撰脩書籍啟

梁王僧孺

伏惟殿下銅爵始成早摘從后之句栢梁初構首屬駢駕之辭楚史所受曾下云述沛獻斯陳良未足採徒以願託後車以望西園之容攝齊下坐有粲南皮之遊謬服同於魯儒竊吹等乎齊樂

謝竟陵王示扇啟

齊王融

竊以六翮風派五明氣重若此圓綃有無玩寶輕綺雪羽繁並霜文子淑賞其如規斑姬儷之明月豈直魏王九華漢臣百綺况復動製聖衷垂言炯戒載奉詞教錄

卷之十

十

聽阮式範樞機

謝李相公示手札啟

唐柳宗元

省錄狂瞽收撫羈縲沐以含弘之仁忘其進越之罪感深益懼喜極增悲五情交戰不知所措某質性庸塞行能無取著書每成於廢疾進德且乏其馨香常願操筆賢門拘溜蘭室良辰不與夙志多違昨者踴躍殘魂奮揚蓄念激以死灰之然陳其敝帚之詞致之煙霄分絕派盼今則垂露在手清風入懷華袞溫褻於赭衣龍門俯收於陷井藻鏡洞開而秋毫在照文律傍暢而寒谷生輝化幽鬱之志若覲清明換

危之心如承撫薦非常之幸豈獨此生伏以淮海劇
九天之遙瀟湘參百越之俗傾心積念長懸星漢之
上流形委骨永離魑魅之群何以報恩唯當結草

謝河東公和詩啟

唐李商隱

某前因暇日出次西溪既惜斜陽聊裁短什蓋以御
細勝境顧慕佳辰為荒草以怨王孫借美人以喻君
子思將玳瑁為逸少裝書願把珊瑚與徐陵駕筆斐
然而作曾無足觀不知誰何仰達尊覽果煩屬和彌
復驚惶某曾讀隋書見楊越公地處親賢才兼文武
每舒錦繡必播管絃當時與之握手言情披襟得侶

詞教錄

卷之十三

主

者惟薛道衡一人而已及觀其唱和乃數百篇力鉤
聲同德隣義比彼若陳葛天氏之舞此必引穆天子
之歌彼若言太華三峯此必曰潯陽九派神功古跡
皆應物無疲地理人名亦爭承不缺後來酬唱罕繼
聲塵嘗以斯風望於哲匠豈知今日屬在所天坐席
行衣分為七覆煙花魚鳥置作五衡詎能狎晉之盟
實見取鄭之易不以累鼓惠莫大焉恐懼欣榮投錯
無地

謝江陵津致赴關啟

唐羅衮

某拙艱成性窮約處身寧甘殊祉之郎謬列伏蒲之

地昨以西京無象南國迷方蒼黃於河華之間流落
於漢地之外荊州劉表幸獲依棲南郡馬融叨陪訓
說妄從殺節以及熙春恩知將日月兼明惠郵與丘
陵比峻今則周傾再定禹會重修既憑桓后之功且
懼防風之戮輒將方計上軫冲襟伏惟令公韜藏世
量弘濟人心侈駢緜鏐委彼貨泉七百里以趨程茲
辰頓瞻二十萬之為贈今代所稀得不泣類鮫人慙
同劍客歸赤墀而有賴顧玄幙以難忘突劍觸鋒始
稱効酬之分抽毫命牘終餘感慨之誠竟乏推詞徒
揚懦氣銘誓殷切不任下情

詞教錄

卷之十三

主

平海寇轉秩謝政府啟

宋真德秀

銅竹分符實任九重之托營鈴撤警幸臻千里之安
宣責已優叨榮為懼伏念某材非敏捷志切撫摩田
里熙熙粗喜鼓桴之息波濤洶洶忽聞弁楫之驚念
非逆折其萌芽將恐難圖於滋蔓協兵民而進討來
將士之宣勤怙衆陸梁始猶出柙之兇望風披靡卒
為遊釜之魚迄憑藉於國威遂肅清於海服效非循
吏敢期漢璽之褒名在大夫俾陟唐階之選退循非
據莫獲終辭恭遇某官偉業濟時宏模復古可以予
可以無予姑從厲世之權簡厥修簡或不修密贊馭

臣之柄雖云驚怯敢昧激昂辭及罔功愧貽識於
翼心期報上誓輕死於鴻毛

江東賑濟無罪可待謝丞相啟

宋播芳大全

巧語上聞方抗章而自列隆恩下逮况救過以求誅
捧詔凌兢拊躬感惕某本慚通敏徒抱閑疎久侍軒
墀每見玉色憂民之切出乘使簿復觀墮書恤下之
頻誓竭駑材祇承德意屬江左並罹於旱暵而桐川
尤慘於周殘蒙賑贍之特優懼奉行之弗稱夙宵一
念民饑奚啻於已饑經畫百為王事特同於家事所
詞致錄

卷之五

五

異推仁恩而均被靡皇顧文法以自營頃當原隰
馳之時備親田野焦焚之實欲釋則人苦青秧之寡
欲濟則官無紅粟之儲抑立視其死歟既有負求芻
之托苟利專之可也又難逃矯制之刑與其失職以
偷安寧若殞身而任責勉效便宜之舉亟蒙報可之
音顧小臣敢越於拘攣見盛世素行於寬大是乃彰
朝廷之美何至于堂陛之嚴以王命而矧民難本其
所職貪天功而為己力焉有此心正虞止棘之讒乃
出剖符之守情狀深藏而臣則有愧先知語言妄議
以不倫本無足辯荷天日照臨之赫免風波淪陷之

危伏遇某官以至公而秉化鈞以深仁而培邦本謂
群臣之善亦王之善齊人嘗有格言而衆職之功乃
相之功抑子誠為確論凡悉力以裨荒政乃盡忠以
報公朝肯令諫諍之得行馴致是非之易位特加全
護俾逍謫詞某敢不仰佩鴻私益堅素守

致仕謝兩府啟

宋歐陽脩

獲解郡章許歸田畝荷聖君之念舊越常典以推恩
內自省循惟知感涕伏念某猥以一介之賤幸會于
茲之期學業素荒早接俊遊之末謀謨無取晚陪國
論之餘訖無報效之或聞徒蹈危機之可憂年齒遽

詞致錄

卷之五

五

暮疾病侵攻乃以難強之筋骸坐尸踰分之榮祿自
陳怨悵頗歷歲時猶蒙上之哀憐久乃賜其俞可奉
身而去悵負國之已多受寵至優但捫心而自愧伏
遇某官權衡萬物左右三朝思輔治於和平務敦行
於仁厚不遺故舊期卑俗於偷風過借寵光俾民知
於慶老致滋渙渥併及衰殘已甘屏於明時惟永歲
於大賜

敘事謝兩府啟

宋蘇軾

某為性甚愚篤於自信與人無忌拙於周旋頃者得
過監司造為浮謗寃塵上聽紛然罪戾之多傳播四

方重為衰老之愧飛章自理為計已疎雖循省之無瑕顧吹求之已密恃照臨於皎日信俯仰於平衡不俟辨明坐獲昭洗枯木再生於時雨敗舟獲濟於驚瀾名節既全死生為幸伏遇某官持大鈞於播物懸晶鑒以臨人定妍醜於須臾無施巧偽憐衰罷之易毀曲為保全德厚恩隆感深涕墮其老病既久懇求歸之未能荷戴雖多恐圖報之無日激切之至數述奚彈

代胡侍郎謝朝士賀生日啟

宋楊芳大舍

詞教錄

宋王生

集

生我劬勞撫六張而增感偉爾耆艾揅連璧以知懷恭惟某官厚德壺枯高詞數藻五十之年過二應憐坡老之衰三萬之日無多欲擬茶山之老華其斑白飾以青黃人情欲壽欲安顧所蒙矣君子善頌善禱何以報之

上卷

赴任

赴任上帥座啟

宋周茂直

結綬登畿舊嘗瞻於簪纓題與佐郡今復隸於旌麾永懷上國之游彌切高山之仰恭惟某官羽儀碩望藩翰閑才氣儲五緯之英華識冠九流之津涉聽履星辰之上嘗坐總於銓衡運籌帷幄之中猶與飛檄密旨彈壓治優於天府幹旋計裕於地官久彈告后之猷旋領牧民之寄金陵天塹鍾阜龍蟠守鳳鑄以居留握麟符而卧護民嬉樂土關千里之耕桑身作詞教錄

宋王生

集

赴任上推官啟

宋王清仲

姬宗奕燁仰瞻葛藟之縣餘幕春容喜見芙蓉之泛宜為際遇行遂趨承敬奉尺書敢通丈席恭惟某官銀潢稟潤玉牒聯輝江夏之畧而河間之賢朱虛之忠而東平之善麟千年而一角聲譽卓然鳳五色而先苞文華燦若信振振之公子為寒寒之王臣方彙

初於途姑借才於從事登樓與逸款秋夜以清
持牙高致朝來之爽氣即薦薦剡妙簡度
三千奮鵬程於溟渤去天尺五隸仙籍於蓬萊其
腐儒其末學分隨太史牛馬走之賤監登正元
龍虎榜之科初試尉曹未開吏事居有面牆之惠動
多摘堞之虞所賴依仁少稽曠職何其幸也獲披宿
霧於公堂又有甚焉願借餘波於君地

干求

上司刑太常伯啟

唐駱賓王

側聞魯澤祥麟希委質於宣父吳坂逸驥實長鳴於
詞教錄 卷之五 七

孫陽是則所貴在乎見知所屈伸乎知已故彫其樸
嶧山有半死之桐賞其音柯亭無永枯之竹伏惟某
官儀天聳構橫九霄而拓基浸地開源控四紀而疏
派自赤文薦祉曲阜分帝子之靈紫氣浮仙函谷誕
真人之秀本支百代君子萬年道叶神交黃石授帝
師之略德由天縱白星降王輔之精峯秀學山列三
墳而仰止瀾清筆海委九派以朝宗登小魯之嚴辨
練光於曳馬臨大吳之國識寶氣於連牛垂秋實於
談叢絢春花於詞苑辨河飛箭激牛翻白馬之津文
江散珠圓波漱驪龍之穴是川德茂麟趾削桐葉以

分珪道煥鶴池映桃花而曳綬既而揆留皇鑒忠簡
帝心奉職春宮燦離光於青殿代工天府明台耀於
紫宸綜理玄風燮調元氣含輝禮樂皎晷日以流光
毓彩文章映德星而開照若乃識度宏遠器宇踈通
明允篤誠盛業隆於厚土惠和忠肅玄功格於上天
則伊陟謝其緝熙丕成慙其保乂舉才應器與士無
私水鏡澄花炫金波於靈府冰壺徹鑒朗玉燭於神
機則鄧攸莫際其瀾盧毓罕窺其術故使妍媸各安
其分輕重不失其權五教克敷百揆時叙折衝千里
曾連談笑之功師表一時郭泰人倫之度加以分庭

詞教錄

卷之五

七

讓士虛席禮賢片善經心揖仲宣於蔡席一言合道
接然明於鄭階某蓬蘆布衣繩樞韋帶自弱齡植操
本謝聲名中年誓心不期聞達上則執鞭為士王庭
希千祿之榮次則捧檄入官私室庶代耕之祿然而
忠不問於十室學無專於一經退異善藏進殊巧宦
搏羊角而高翥浩若無津附驥尾以上馳邈馬難託
實欲投竿垂餌晦幽質於渭濱抱甕灌園絕機心於
漢渚幸屬乾坤浩大與觀鳥兔光華嵩山動萬歲之
聲德水應千年之色雖無為光宅欣預比屋之封而
有道賤貧耻作歸田之賦於是起來宛牖刊見金門

指帝鄉以望雲赴長安而就日美芹之願徒有
至尊蟠木之姿誰為容於左右明公幾成務
經邦一顧之隆駘足逾於仙驥片言之重魚目孰於
靈蛇庶望顧免維其動薰風於舜海從龍潤礎需甘
澤於堯雲則贈餘之魚希振鱗於吳水膳後之豕翻
化龜於魯津拜伏階墀增懼冰谷

上兗州啟

唐駱賓王

側聞未遇孫陽鹽車無絕塵之迹時逢和氏荆山有
連城之珍豈若聽清音於嬰餘則枯桐發響收夜光
於玄壁則惟石騰輝在物猶然況於含識者矣伏惟

詞教錄

不卷之三

七

某官鳳穴振儀龍門標峻瓊雕岳立表秀干雲霞煥
霜霏澄虛鑒物既而代工天府忠簡帝心擁熊軾而
撫百城建隼旗而臨千里坐棠敷惠恩纏去思剖竹
垂仁式歌來暮清凝夜燭化警晨鳥外勸九農內弘
五教導之以禮樂齊之以刑書約法遵寬設蒲鞭之
耻立言惟信控竹馬之期甘雨隨車雲低輕重之蓋
還珠合浦波含遠近之星至如則理稱難坐嘯匪易
披裳問疾垂愛景以字人褰帷廣聽穆薰風而扇物
繁霜秋降叶隼擊而防小人零露春濡飾羔旌而禮
君子於是仁必有勇更不忍欺美譽鬱於三齊芳猷

詞教錄

不卷之三

七

騰於萬古若乃清規遠鏡皎月色於雲臺玄鑒虛疑
穆松風於智府研機十篋探賾九流緝翠萼於詞林
絳鮮花於筆苑文江翻浪織玉漱以韜霞學海驚瀾
綴珠鱗於耀錦加以懸榻待士擁篲禮賢汲引忘疲
獎題不倦懷經味道之客望範圍而駿奔兼包流略
之夫窺義園以遐集求小善於毫芥碩正禮於二龍
振幽滯於沙泥許公明以一驥某淹中故俗體朴厚
之弘規稷下遺昭陶禮義之餘化頗遊簡素少閱縑
緗每蟋蟀淒吟映素螢於書帳莎鷄振羽截碧蒲於
翰池既而學異懷蛟才非夢鳥價不齊於南漢芳不
重於東山幸屬日月光華雲霞紛郁方結羨魚之網
將誼扣角之詞奮短翮於槍榆希高標之餘撝濯纖
鱗於消滴望鴻浪之微霑所冀碩昭曲流剪拂增價
則鉛刀起一割之用跛鼃致千里之行是知竊混吹
於齊竿濫飛聲於郢路抱山雞而自惡顧遠承以多
慙輕觸威顏不遑流汗

上兗州崔長史啟

唐駱賓王

側聞豐城戢耀駢電之輝俄剖沙丘振迹躡雲之轡
裁馳然則激湍侵星佩潛蛟於壯武騰鏑歷塊騁鏖
駿於咸陽且煦轍波鱗側羨鰲潭之躍觸龍短翼肩

聖鵬翮之飛是以齊郊夕唱牛散摸白石之詞漢境
朝趁車候驚拂塵之思伏惟某官騰瀾浴景露靈派
以含珠擢幹捐雲翮仙巖而聳桂崇基疊秀巨壑道
於周盟茂緒聯輝贊文場於漢威偉龍章之秀賈騰
孔雀之俊年叶鳳彩於英姿辨蟾精於昔日靈臺宏
遠馳霄練於霜潭用府幽深絢朝虹於璧水心波湛
漢泳魄難於黃陂情岳于天韞風雲於積嶽龍津共
濟競欣登御之車蕪室欽賢必擁澄清之轡鬱文脩
而耀彩藻逸潘花曄詞峯而銜價光浮衛王然則昆
溪既琢必見山川之精樹羽已懸行嗣雲詔之響是
詞教錄

下卷之五

五

以佐龜陰而演化務肅百城輔麟壤以宣風恩覃千
里徽猷克著逾盛德於休徵聲績聿宣軼英規於恭
祖佩呂刀而紹美已贊褰帷之遊屈龐驥而未伸將
騁仁風之駕加以側階引彥鑒宗子之微言倒屣延
賓辨王生之雅量故使圓流之下探鯨珠於長波高
岫之巔剖連城於山石某平符小器雖蚊末材斜帶
蟬桐戢睇陽之厚德傍鄭汝條慕賈賈時之勁貞但以
容膝二丘曲阜之縣遠切枕肱五畝咸鄰之錄已勞
磨石厭於糟糠負薪疲於鋸褐然則少奉過庭之訓
長趨克已之方又志書林咀風騷於七略振情藝圃

偃圖籍於九流灑惠渥於羊陂屢泛文通之麥峻曲
岸於鶯谷時遺公叔之冠雖不能縱逸韻於霜皋嘯
野致九天之響而頗亦蓄芬芳於露渾垂薰有十步
之芳而乃忽迹魯鴻非荆山之抵鵲遺名韓犬歎
阜之陸梁方今玉瑄躔秋金風動籟吳宮歸乙望陰
岫以依邊素林返鴻候陽潮而低舉簾金味道之子
侯纁帛以彈冠屑玉含臺之人望弓旌而翹足竊不
揆於庸識輒輕擬於揚庭所冀曲逮恩波時流咳
儻能分其斗水濟濡沫之枯鱗惠以餘光煦嬌棲之
寒女得使伏櫪驚塞希驥驥而蹀足竄棘翻翔排鷁
詞教錄

下卷之五

五

爲而刷羽則捐軀匪吝碎首無辭雖投報楊金君子
以之貽誠效誠魏草小人之所懷恩輕瀆威嚴深懼
履尾戴塵瞻覽迫甚蹈冰

上齊州張司馬啟

唐駱賓王

薛邑聞歌揖馬驩於彈鋏夷門命駕顧侯羸於抱關
何則志合風雲戴笠均乎乘馬倚諧道術忘筌貴手
得魚是以挹蘭言於斷金交蓬心於匪石庶清音默
聆賞流水於牙絃妙思通神叶成風於郢匠伏惟某
官以源白水浸地軸以輪波纂慶黃軒感星精而誕
命綴珠華於七曜聯玉葉於五雲至夫神石搞祥靈

鈞表貺千年馭鶴振仙氣於帝鄉七葉珥貂襲榮光
於戚里因以紛綸國牒昭晰家聲泊乎鹿走周原
秦圖乃興蜀蛇分沛澤翼曆運以開基常山王之玉
潤金聲博望侯之蘭薰桂馥羽儀百代掩梁實以霞
標鏤鼎一時罩哀揚而岳立故得重規遠鏡湛月路
以流清茂祉遐舒架雲門而擢秀飛英鳳穴藻五色
以凝華頤躍龍泉函九重而毓潤風情疎朗霜明月
湛之姿氣骨端嚴雪白冰清之槩若乃性符神授道
擅生知挫三端於情峯朝九流於學海博聞強記辨
晉國之黃熊將聖多能識吳門之白馬言泉漱迥驚

詞數錄

卷之七

七

瀑布以飛瀾文江澄清含濯錦而翻浪數規市以增
茂穆蘭室以流芳於是翔鯉應符觀光上國飛龍成
卦利見大人搏羊角以垂天展騁足而騰景翼貳藩
邱紹彭祖之清廉光贊外臺陳君回之亮直推公平
而折獄磔鼠謝其嚴明擁端慙而行仁化蛇慙其智
勇加以清規日舉湛虛照於冰壺玄鑒露凝朗機心
於水鏡譙光自收恭已愛人片善必甄揖虞翻於東
箭一言可紀許願榮於南金其疾抱支離材均臃腫
進不能握蘭分竹縮銀黃於雲臺退不能絕粒茹芝
鍊金丹於地肺而出沒風塵之內淪漂名利之間游

無毛薛之交仕乏金張之援塊然獨處者一紀於茲
矣然而日夜相代恐溝壑以非遙窮病交侵思薛羅
之可託常願處幽控寂追夏黃於商山樂道棲真從
魯連於滄海豈圖語默易典心迹難逃題橋之恨逾
深攀桂之情徒結是用絕心乾沒耽閱丘墳謁子持
於南荆訪康成於北海西遊梁益仰司馬王楊之風
東入臨淄慕淳于管晏之智瞻言前古徒欲思齊俯
惟當今空勞懷刺不意雲浮礎潤霜落鐘鳴揖郭泰
於仙舟有道斯在賞駿明於樽俎盛德猶存維雅調
清歌誠寡和於郢路而庸容濫吹竊混奏於齊等輕

詞數錄

卷之七

七

撮課囊揄揚盛德庶金波離畢零陸之石自飛瑞光
建寅蕭丘之火警熱學慙麟角德類鴻毛愧汗如漿
憂心若厲

上瑕丘韋明府啟

唐駱賓王

鴈龍戢翮負垂天而踞影伏櫪羈蹄望絕塵而蹀足
故以遊運過綬悟宋玉於嬰羅在藻迷波顧蒙莊於
煦轍是以臨淄遺婦奇東組於齊隣邯鄲下客教處
襄於趙相伏惟某官締址瓊峯靈岳蔽丹霄之景圖
基珠溜神派沃清漢之波玉札飛文綜宏詞於總傳
金巖緝藝味雅道於扶陽孕蘭畹而生姿澹瀾運高

詞致錄

卷之五

五

門之廢產銅溪而寫鐫荆藍資象德之橫幼辨致羊
演飛龍之秘策風談孔雀對家禽之麗詞赤野浮煙
價之光珠胎瑩色丹穴陪來儀之迅鳳彩含姿靈繼
轉辟絢逸照於蘭池神府驚顛韻清音於桂浦談叢
散馥韞餘氣於九蘭筆海流濤駭洪波於八水絳綃
麟向製錦鬼郊化浹下車恩孚攬轡德聲含詠仁風
飄十地之雄道化編誼惠露灑三天之渥猗中牟之
馴雉豈懼驍媒驚重泉之瑞鸞非關照舞維則塵飛
范甌垂銀有結綬之華而乃調理安弦烹雞色涵牛
之量加以招携白屋勸誘青襟遂使淑流遠客望
足以及雲蒸棲泌遺才款龍門而霧會其緯蕭束品拾
艾幽人寓迹雪壇挹危直之秘說託根磬者戢戰勝
之良圖幸以奉訓趨庭東情田於理窟從師負笈移
精識於書林至於九派百代頗探其異端萬卷五車
亦研其奧旨將欲優游三樂負杖以終年棲遲一丘
鳴絃而卒歲諒以糟糠不贍甘旨之養屢空簞食無
資朝夕之歡寧展是以祈南陽之捧檄擬毛義之清
塵思魯國之執鞭蹈孔丘之餘志屬以垂秋應節鴈
序戒時鷗金將露玉共清柳黛與荷綃漸歇實含毫
振藻之際離經析理之期不擇彫朽之材竊冀遷喬

之路輒期泛愛輕用自媒倘荆璞無見致疑夜光不
逢按劍則沉歎九死終望於珠璣首三泉徒希結草
載塵清矚踟躕影慙冒竇威嚴循心內駭

上梁明府啟

唐駱賓王

昔者聞歌薛邑賞禪缺於馮驩停駕夷門揖抱關於
侯子豈惟成風之斷妙思通神流水之絃清音入聾
況夫志合者蓬心可操情諧者蘭味寧忘伏惟某官
儀天峙構魯共控射牛之峯浸地開源驚濤疏釣鰲
之浦至夫封侯廟食掩金許以霞寨三主八公羣表
揚而岳立於是功超振鷺位典烹鮮水鏡澄瀾照翔
詞致錄 卷之五 五

詞致錄

卷之五

五

驚之舞影吟琴動操叶馴雉之雅音既而感德有隙
佐皇華而撫俗君子不器扈輶軒以觀風其蒲石橘
遷聲鄉蓬轉不叶十室無專一經攀驥逸而無由仰
鵬飛而自失公顧盼成飾咳噤為恩庶微潤於江波
冀求光於隣燭使幽禽遷木侶丹山於帝梧鳴石在
川應黃鍾於仙管

上鄭宣撫啟

宋陸游

顯膺大號出董成師自陝以西咸舞歌於德化從天
而下即震疊於威靈豈惟瀚海玉關之奏捷之音將
見詩士議郎上策勲之典士心聞於同分莫安竊以

當今秦蜀之權重無與比中原祖宗之地久猶未靖
既天定而勝人宜王明之受福非得太行黃河山川
所鍾之傑誰復慶曆嘉祐華夏太平之基先王克捐
後人上帝為生賢佐雖遠猷辰告暫違悵殿之深殿
肅大臣暑行式慰轅門之侯望復河關其自出知
筆之悉從恭惟某官氣壓群公才周萬務識若著
之先見論如山嶽之不揺湖海襟懷正在大床之獨
同廟堂風采未妨一壑之初心茲輟近司來恢遠略
獨臣同德何難運惟幄之籌真儒為邦寧止學獵見
之事已慶登壇而授鉞端觀推轂而出師先天下而
詞致錄 不卷之五

深憂方遠同於文正即軍中而大拜豈專美於熙寧
某沉落無歸棲邊可歎青衫去國十載于蘇白首任
州一人而已顧尚賒於委骨猶復覲於伸眉仰跂光
輝雖阻服弓刀之役銷張勲業或能助金石之傳過
此以還未知所措

上鄭宣撫啟

宋孫復

房推如晦遂同天策之登瀛妻薦懷英終藉虞淵之
取日慶希闢千齡之過借吹噓一字之褒刮垢磨光
研業豐城之劍澤身浴德雲從陶澤之梭無煩賁馬
之彈冠已荷孔融之薦雞故蕭夫子獎能太重而首

今君進德不休謂天下未嘗無賢苟有用我者僕
子不得進仕吾何以觀之要如崔相之擬官無若
平之奉法俾士有報恩之薦而賢無在野之遺恭惟
某官通德家聲廣文才譽題衡忠義差肩從諫之英
猷推轂賢才繼踵當時之盛烈德聲瑶林之秀量登
玉海之清邁曠遠之高標蘊森嚴之直氣才無文武
端如萬里之長城身係安危遂寢四郊之多壘既濟
民於仁壽遂卧鼓於邊庭履正奉公廓變西南之俗
輕徭薄賦惠康參井之墟洗雷政之煩苛成大功於
旦暮佇膺芝檢迅陟槐庭如山如河屏翰聖人之德
詞致錄 不卷之五

作舟作礪甄陶天下之民伏念某黃卷腐儒青袍衰
緒棄編憤悱朝昏太學之整鹽映雪飄零厭飲古人
之糟粕嶽嶠歷落之可笑險阻艱難之備嘗轉喉多
觸諱之聲炙手無可熱之勢幸託雲天之庇敢辭關
柝之卑恪修春蚓之書仰瀆右貂之重淮南雞犬傾
心五色之丹冀北駕駘妄意下金之市

上魏運使啟

宋播芳大全

聞宇宙之大名如瞻喬嶽抱江湖之渴夢今在下風
乏紹介以為容修辭誠而求見某聞士之任重固不
止獨善其身儒者道高先當知有貴於己若靡然斷

必至於舐痔以求車操行既卑國家何賴
卷舒之際不為燥濕所移如蘇文忠之違熙豐
亦不苟同於元祐若劉忠肅之惡童蔡然非強附於
伊川是名蜀珍可重觀公氣象視古等倫茲故
明月烏鵲之詩亟欲快景星鳳凰之觀恭惟某官
眼高四海曾著千年漢相有真宜居蕭曹兩吉之冠
鄭公所願蓋在稷契皋陶之良當炙手可熱之時寧
掉頭不顧之節長卿甫還於巴路元濟已叛於蔡城
神山可巢固自薄蓬萊而不即提槍未落必欲借荆
楚以同功雖卒成孺子之名然已立懦夫之志一麾
詞致錄 卷之五 五九

干倉使薦舉啟 宋播芳大金
鐵硯關心莫續盤洲之地脉繡衣具眼好開泮水之
天荒雖離奇了無先事之容而啐啄或有同時之理
不孤此志端係其逢昔者東坡之門卓然北斗之望
惟斯文之宗主盡在是故當世之豪傑皆歸之陳後
山之在徐嘗賦稻田待公秧之句黃山谷之游魏亦
哦小草有遠志之詩皆由郡文學之臣自負墨客卿
之列品題一出聲價倍增遂令四學士之名等華岳
而俱重以至六君子之選與坐日以並垂此風無傳
吾道誰屬必宗工鉅儒之繼作則文人才士之爭趨
詞致錄 卷之五 中

而出十暑于茲回視獨對三千字之人誰肯甘頰十
九年之刀萬牛不能回丘山之重四牡又復勤原隰
之馳要路在前聊養韓忠獻之器榮進素定何必王
文正之門然海內所以屬望於公蓋天下尚有可為
之事幸昌其志以濟斯民惟功名當久遠之圖則富
貴乃緒餘之事如其者居貧甚肆從仕難任失汗漫
九垓之期分甘控地逐侏儒一囊之俸豈必鑽天乃
遠隨黃鵠之梯蓋願事碧雞之使雖神索於大巫之
側當氣蘊於君子之前嗟遠道胡為來我幸將在此
居是邦事其賢者儻或許之

軒輊係於一言榮辱著於萬世賜之許可得所歸依
伏念某骨相相類性資參魯付悲歌於長鋏每思看
劍之文成甘活計於短檠自喜床頭之易在重親白
髮一第青衫將盤跼於蕪楚之塵又長轉於蘄鹽之
壑而需爪熟七見梅春訪三洪之謀於故國之中拜
一范之像於公堂之上枕湖光而醒夢可憐
之朝餐山色以療饑敢為飯不足之嘆顧此游之不
惡知其命之將通道日中明使星下燭宗武精文選
之真謂休覓於綵衣淵明讀山海之經俾願言於春
酒凡博我以文之意皆教之為善之思則當行部見

官之時得與振衣侍先生之教權輿有主料理無
難雖駭奔策馬之不前然見彈求鴉之貴早畫驅
鬼坐待東君伏遇某官盛世模型清朝柱石探遠詰
之丘索巽心洙泗之間紬秘府之圖書步武蓬萊之
頂斜飛背日夙駕觀風以胃中之鏡而照世吏之百
奸以肘後之方而起疲氓於九項且力扶於公議每
樂得於英髦已多桃李之芬芳肯使苑芹之冷落遂
忘躍冶有觀賞音能為點頭收作侯邦之下客想應
藉手追隨相館之翹材禱懇惟深鋪陳莫既

詞致錄

入卷之五

聖

上史丞相啟

宋播芳大全

索長安之未擬就辟書伏先範之門尚干賓謁特有
惓惓之意未敢察察而言輒以萬分寫之四六儀圖
愛助此周人待山甫之情俞受敷施亦虞舜舉皋陶
之意他無求者公幸聽之竊惟國家閒暇之時當思
文武長久之術况外夷之雲擾責內治之日嚴詎云
行字之通可緩苞桑之慮國虛難動民困易搖豈特
謀國之數公知諱用兵之兩字然能應則乃可謂定
故欲翁者未始不張今徒千里而畏人未思四境之
不治一氣先竭百為弗開群材付之乍倭以乍賢正

論聽其自鳴而自息耳目之受既狹心腹之委亦偏
為赤子為龍蛇未始得敵情之實以皮幣以犬馬但
云量自力之宜軍籍既隱於蔽蒙將材又阨於媚嫉
舟師未練馬政不修鑿斯池築斯城豈可無九攻之
具鍛乃戈厲乃刀孰能遏再鼓之衰仰而思之無非
事者上作而下不應朝廷每有是言外呼而內不聞
郡國亦為此論惟事事備乃可無患言人人殊何以
成功周得上漢得中策將安決蠡治內種治外責恐
宜分試考先朝立四總管之謀及觀諸儒分三大鎮
之說皆欲取之人望從而假以事權一用孔明陸遜
詞致錄

入卷之五

聖

之規模力行晁錯充國之論議移江上之也於淮上
實關表之粟如關中使權守禦之方漸講招懷之略
衆八方信則養威持重兩虎既傷則取亂侮亡是為
屈群策以共圖至無十功之可論與其待一朝之
患始出於茲孰若折千里之衝早為之所若任人而
疑疑人而任則閒事不實實事不聞何怪草野之私
言動違槐棘之成筭日月逝矣風雨萃之無謂天變
不足慮人言不足從庶幾君子有所恃小有所畏
恭惟某官堪輿間氣社稷世臣砥柱不移回平原黃
河之決終風且暄洗咸池白日之光力調更化琴瑟

之德復享和戎金石之樂如將道古今而譽德亦可
紀簡策以垂功然太師維垣輔隆興不滿一歲今西
平有子相嘉定行且十年此非門戶之私榮實負
坤之重寄用藥莫先於無病止車當在於未奔相亦
惟終邦其無數如某者拙由地稟猶不時宜獨竊考
治亂之原知當謹幾微之會貧賤不能以達志憂患
又從而熏心昔在服中欲上范文正之書而無路今
來闕下顧作石徂徠之頌而難言薦之吾相欲令主
金耀之書謀及乃心則姑願應銅梁之辟仰勤大搢
盍進小忠敢輸肺腑之微誠盡告腹心之元老一毫
詞致錄 卷之五 聖三

詞致錄卷之十三

啟類

通啟

內任

代通易尚書啟

宋朱湛廬

候長沙之星慚叨分闕望尚書之斗喜在鳴珂已脂
轄以首塗亟肇牋而抒敬恭惟某官輪囷與識絢爛
高文紅錦賜袍登仙仗鑾坡之上紫荷持橐在屬車
豹尾之中頡頏飛霞簸弄明月方欲作郊祀之歌以

詞致錄

卷之五

一

粉飾禮樂抑且規帝王之制而裁成典墳忽觀滄海
之浮雲盡付黃梁於昨夢詩書之教鵠舌天令變於
姬姬吟咏之落烏蠻人競傳於欵乃騎鯨故去跡鶴
俄還竊惟平生討論述作之工實得前日窮冥開寬
之力崑崙碣石細箋禹貢之山川鄉遂并田增釋周
官之制度已曠騰於紙價頗傳習於經生向使黃扉
紫闥而益顯其身安得玉佩瓊琚以大為不朽殆天
心之有屬豈世俗所能知舒卷隨時寧久篋中之團
扇論思有詔即還坐上之青瑣某猥以庸才荐膺重
寄繼常侍湖南之詠自顧非才聽任公戶下之規願

卷之三

通三侍郎啟

宋王邁

少而抱軫久瞻魁宿於瓊霄壯也彈冠行覩德星於
珂里雖素於左右殊無介紹然見之方冊不昧平生
敬飭詞惜于嚴分恭惟某官任重而道之遠表粹
而裏則劉方在韋布之時已負縉紳之望碧雲章句
歸蘭苑之謫仙黃甲科名叶湘川之佳讖別靈芸館
含香錦闥翠節朱轡幾滯黍苗之雨紫微紅藥曾依
香案之雲方為禁從以小留乃厥承明而丐去十連
為帥力蘊洞察之祇五嶺皆炎變作清涼之境胡然
詞致錄 卷之三 上

為眾所忌正坐其名太高一壑來歸六丁莫挽髮為
長而半白心思報國以常丹冠公不入中書莫答
縉裘之間裴相方遊綠野其如柱石之衰佇下綸音
徑司國柄伏念某弱植學貧只賣文固嘗感慨於
事功其柰間關於場屋天廷對策安陳憂國之孤忠
末第書名何惜避人之三舍來傍蓮池而漫仕已驚
爪戍之過期胡遲其來蓋恐素官之無譜或贊其決
以有違尊之可師惟願矜憐臭味之同庶有終始悒
悒之託俾遂親養得追官箴揚儀之無材力之可稱
正深廩廩必子賤待老成而後決尤切拳拳

通周太尉啟

宋洪适

近長安之日記陪天上之遊對江東之雲徒想軍中
之樂無從抵掌祇有傾心恭惟某官氣稟西山聲振
赤壁號萬人之敵名在伏波翰墨之場當八面之鋒
勇過晏子樽俎之畧中國襟喉之既固外夷心膽之
自寒况以真將軍堅壁之餘風而奉太夫人安輿之
一笑忠孝兩盡若是艱哉文武兼資特其細爾功既
高於敵愾賞未稱於酬勞擁中權於天塹之陽懷遠
算於祁連之北雖講止戈之武不忘擊楫之心江漢
草木之知名坐底三邊之靜山河帶礪之中誓亟膺
詞致錄 卷之三 上

兩鎮之勞某榆莢生涯菊花婦夢月明鵲繞每思
橫梁之詩秋高馬肥敢後寄加餐之字

通西外宗趙判啟

宋危昭德

屬尊麟趾率歸糾合之中郡昇龍溪幸與照臨之側
敬脩辭命以通姓名恭惟某官毓慶璇源分輝寶葉
氣和而守正學博而用閑文采宣明宛在劉向李邕
之右議論濬發深得晦庵濂溪之傳名殷殷以雷霆
仕駸駸乎霄漢入司天憲民自謂於不究出綰邦符
政復多於遺愛重以東平之善遂司西外之盟磐石
益強維城增重佇膺紫誥延侍奕旅豈無他人孰若

金枝之秀不有君子誰參玉鉉之崇某未習民庸猥承郡寄正自面牆於不學得無血指於旁觀尚推舍治之心時賜免戾之教河潤千里豈無及晉之波厦廣萬間是亦屏周之意

外任

通待制辛帥啟

宋林豈塵

疇庸壯固易鎮南昌棠舍陰濃不改江山之舊松階望峻載觀戟森之新先聲鼎來閩郡欲舞願趨承於末屬尤感發於私衷蓋謂自三光五嶽之氣分嘆其豪其有幾更四聖百年之

詞教錄

卷之十三

某之良難早耶

季子之來歸衆喜夷吾之獲得行其策則規恢豈俟於今方期父老之推牛開關持勞豈謂兒童之竹馬夾道俟迎抑九重深軫於此方乃三錫重勤於老手恭惟某官蓄雄剛之至德負超卓之奇才九卿高惟月之班四國編子蓄之績維是胷中之湖海飄然與造物者遊發為筆下之波瀾殆非食煙火人語脫畧軒裳之表逍遙巖壑之姿然而當世望其有為吾君引以自近旋由次對荐畀輔藩居中則可寢謀於淮南擇外則尚何憂於江左維咄咄之內地實襟帶於上流眷顧周行見大夫無可使者儀圖宿

一敵國豈不隱然不妨玉節之重臨佇聽金匱有命某低回一第連蹇半生素亡踰人矧未更事猥玷公朝之薦口重慚計牒之素餐會逢十乘之啟行欣託二天之履露豈若秦之視越瘠曾不動心倘如晉之用楚材或堪為後

通留經畧啟

宋王邁

西洛耆英滿傲三台之府南宗冷宦依樓數仞之牆先上日以通名望下風而起敬竊以先達之於後進世族之於素門勢分固殊投合亦寡惟无城之在宋問業有徒與了翁之居淮及門者衆而况三朝元老詞教錄

卷之十三

五

之嫡嗣一代人物之宗師稍有識知皆思歸向恭惟某官文章奎壁德望華嵩忠孝通乎神明出處關於世運故國謂有喬木稱到於今後人猶愛甘棠何况其子肆春秋之鼎盛歷中外以游揚郎省陞華風采耀鳴珂之列虜庭出使笑談護全璧之婦持麾把節於湘中易地建臺於江右仁心撫字山林野史之屢書陰德平反道路口碑之交誦開十連之帥閭屹百粵之長城惠行而龍戶驩呼威肅而鯨波恬靜柰外地去天之遠而浮雲蔽日之明一壺來婦六丁莫挽孟韓呂家傳之清白素所服膺而金張勢焰之熏蒸

多手勁草當疾風而不改寒花於晚節以尤香
山中白傳倡風流於九老植槐庭下晉公傳事
三郎傲睨軒裳追隨觴詠勝事園林清時鐘鼓
如許清閒上天將相孰為輕重平地神仙此固衣冠
之美慕其如冕旒之簡懷欲副嚴瞻行膺枋用伏念
某癖嗜嗜古樣不入時對策廣廷徒有空臆盡言之
直校文列陞乃罹疾聲大呼之讒比求宗邸之冷官
隨得翹林之化筆未能適道敢好為師幸大州本父
母之邦而年家忝子弟之列誘掖之以藥其失推執
之以玉于成既有耆德以依歸庶免生徒之嘲訕熏
詢敦錄 卷之七 六

和染教期為王孫公子之範樓舉滿拔淹金賴察父
指兄之提挈

通安撫衛大參啟

宋李劉

書生漫仕抗塵縣掾之卑卜史消辰隸後師連之下
藐塵埃之簿領鼓霄漢之符章斐然脩辭甚矣犯分
恭惟某官造道自得經德不四退然得聖人之清進
則任天下之重外凌雲之未剪內偃月之方深去而
違之十載孤舟之橫水時乎可矣一朝巨棟之擎天
不負獨對衮衣之詩畫洗兩造吾門之誦入參國論
出庀詞官卒以道而屈仲初何心於止速在外則極

旌旄羅弓矢公豈此榮其功之銘鼎彝播絃歌士誠
有望不謂聽麻於文德轉而分竹於武安長沙千里
之千古稱清絕洞庭九州之大新因繹驥茲勤二三
執政之行殆非尋常謀帥之比自天有命固已興宣
室之思惟帝念功寧久作南邦之式暫撫湘纍之蘭
芷即歸商鼎之益梅民無不獲之夫公有無窮之聞
某起家素賤受質朱愚學不前人空守嗜書之癖饑
來驅我遂生竊祿之饒不虞小吏之凌兢自託大鈞
之塊北蓬俊造而廁下列嘗累一陶囊章服而揖上
官惟當三沐

詢敦錄

卷之七

七

通浙西袁安撫啟

宋李劉

十年幕府負公事未了之瘼千里王畿隸華使周爰
之度聊步邯鄲之故欲瞻京兆之真輒脩偶儻之詞
薄飲畸孤之迹伏念某學惟洛誦家本唐餘因應試
而情農遂去民而就吏昨貪近祿浪賦遠游歷井捫
參再造魚鳧之國逾汚入渭兩經鳥鼠之邦偶爾得
歸置之勿論茲標破釜來問大鈞辱令芻狗之陳更
贊木牛之運舉頭見日良忻近咫尺之天滿腹飲河
政不過斗升之水然非有萬間之庇將若為三匝之
依伏遇某官器博而周材弘且毅無曲學以阿世言

言博士之風不錮人以收功挺挺司徒之烈徧儀隱
仕具載休聲惟長安諸夏之原視商邑四方之極宜
得翁歸之公紫仍蕪廣漢之聰明弄印無以易克持
教使之告舜京師浩穰已迎刃肯紫之間侍從論思
即聽履凝嚴之上尚念其不堪位置何足控持效韓
愈謹奉大尹之書非為文也慕劉向獨序馮翊之傳
尚有志焉

通楊安撫啟

宋危昭德

疏榮中禁移鎮上流晚行湘水之春想難攀於舊轍
日賞峴山之景喜已近於來音拜履未皇馳箋徑達

詞致錄

本卷之三

恭惟其官千齡異稟四海芳名得於忠孝之傳加以
淵源之學政方流於花縣聲已達於楓宸屬多壘之
為憂至奉情而強起虎符竹使甫臨鎮於近邊鶴唳
風聲已飛傳於遠塞過師枕席之上折衝構組之間
底定武功升華文監忽遠長安之日去開衡山之雲
平李悝之糴以備凶荒明卑陶之刑以肅姦宄紅旗
破賊既飛捷於九天黃麻似知告庭之即日適以
封疆之慮尚勤缺鉞之臨惟是襄州甲於京介景風
寒之要處實天陰之與區屬時傷創之甫寧如人廷
羸之方起亟脉正資於護養精神未暇於飾脩此問

甲兵既非晉人之犀利旋觀營壘亦非諸葛之規模
望公之來以日為歲得李牧而為守匈奴豈足憂哉
有充國以屯邊羗人不敢動矣上既寬於北顧公即
慶於東歸鎮撫有餘經綸何限某適官期之甫及服
吏役以維新白鹿陂頭猥贊碧油之寄青牛關外忽
傳紫氣之臨遙瞻行李之光深切望梅之意有河陽
之幕以致溫造雖愧非材勒淮泗之碑以頌晉公已
思濡筆

通李制置啟

宋朱復之

分楚服以殿藩胃膺寵數控吳都而制閭近接聲光

詞致錄

本卷之三

九

星聯軫墊以在天水會江流而宗海志同氣合賡往
神馳恭惟某官伊尹佐王之才班馬傳家之學淮壖
八議篇篇玉鑑之秋帝學一書字字金莖之露曩遊
碧落密侍清光決雲漢分天章將上規於典制呈琅
玕叫閭闔請下採於芻言身歸氓氓名滿宇宙以彼
外庸之績總此要衝之權昔天下曾劉走馬跳兵之
地廼禁中頗牧輕裘緩帶其間根本內強風寒外護
若周公瑾之方畧與陶士行之經營使人慨興千載
之思惟公豈在二人之下江山如舊斷為烏鵲之南
飛苑洛可依尚使犬羊之北走將益恢於上策以共

濟於中興某舊辱深知今慚並命在珠側而我穢幸
鄰照之見分其波及者君餘媿上遊之不逮

通葉憲使啟

宋戴翼

東壁清輝暫領繡衣之斧南昌小吏喜依玉節之麾
誓以身歸大造之陶鎔瀝此膽於細夫之竿牘犯嚴
造次殊命凌兢恭惟某官學老而文雄人今而道古
真才瑞世炳炳六泰階之昭符勁節凌霄巖巖九華
峯之鍾秀所養者得孔孟聖賢之定力故蕨而皆獲
高遠大之奇勲自登龍虎之上游造屏驂騑之雋軌
三異奏庸於花縣十行促覲於楓庭綸院褒揚官無

詞致錄

卷之三

十

允爵計司豐衍軍不乏需當明天子不諱之時居大
之夫敢言之地嘉謀告后鳳鳴于岡而梧桐以生正
色立朝虎猛在山而藜藿不採胡乃（天）回天之力華陞
維月之聯方觀要路之橫翔胡乃（天）流之勇蓋天
欲救細民於積年之涸轍故上特畀明公以十道之
祥刑除命甫馳列城交疎豪黠私相顧而喪魄閭閻
得一笑以伸眉蘓孺文果不受故人之私范范博真
有清天下之志雖江右總十一州之地顧駐蹕惟恐
朝廷不三五日之間別領褒璽某蟬蛸小用易為棄
家貧而笑饘粥之無田技拙而藉詩書以為業報

徑庠序飽二十年學舍之藿鹽負米朝脯奉八十歲
庭之菽水雖鴛板屢年之捷柰龍門萬丈之高迫
於癸未之春始玷慈恩之列仕不擇祿急於為親第
一尉如綫之微而畏務琴縣之集列茲劇邑之重尤
材所堪倘無歸嚮於中寧免課詞之及幸戴二
天之在上庶幾一日之能安河漢瞻星漸喜近榮煌
之座樓臺得月願永依臨照之光

代通四川趙茶馬啟

宋李劉

分巴跡之旌旗濫膺守土占益州之分野知有使星
欣竊庇之自今愧脩辭之已晚恭惟某官風猷凝遠
詞致錄

卷之三

士

天韻宏深博極羣書太乙之藜相照文燭萬丈長庚
之夢不虛藉未陳周召之詩書亦宜獻間平之禮樂
恬為丞之再轉甘出守之一麾刺銅虎之符游揚美
最護木牛之餉益茂膚功謂宜運海以搏鵬又使摘
山而市駿周原之茶膳膺色以緡奮魯垞之馬駒駟
爛如雲錦豈容黔突行有紫泥某頑頓之資疎鹵於
軍將指以出濫持天子之節旋無功而還不得月氏
之要領敢意冒升於荷橐且令假守於銅梁有如凌
藐仰荷含度東西之瞻使節儻未賦於旋歸前後之
間清塵尚有餘於同味

通王泉使啟

宋洪适

帥閭壽庸治臺陟寵行行且止而避御史威望素高
皇皇者華而遣使臣利權增重八鸞蒞止百雉聳觀
恭惟其官氣直而剛學純且博垂大名於方冊之上
殆四十年表清規於縉紳之間繞一二數入蓬萊鴻
之序進升猷參之班當瀾倒之衝而定力不移有壁
立之風而危言自信人方玩積薪之勢公獨為曲突
之謀獲巨奸於間不容穢之時制大變於危如累卵
之勢盡奪群邪之氣復開衆正之塗雍齒且侯魯連
已去吾在汶上矣誰謂留行君薄淮陽邪不妨臥治

詞致錄

卷之三

生

方寬北顧又趣東來闢天地之藏於笑談運造化之
功於掌握不勞笏畫自見錢流雖心計之長正難其
人然風采之著寧久於此立九府之圖法小施素簫
之功陳六符之泰階即試陶鈞之手某自甘獨冷共
笑太清久矣獲從諸公之遊今馬幸際一世之望倘
許執經而問難庶幾就道以漸摩江左之見夷吾何
難富國汝南之有顏子正賴鱗人欽嚮惟多鋪張罔
究

通福建李提舉啟

宋方蒙

躡跡鷓鴣嘗望魁壘之色以榮壯略得親使節之華

平生素見許以襟期職事又相關於脉絡喜而不寐
辭以見情恭惟某官貫日忠精彌天聲價奪龍頭而
鼓餘勇早嘗空冀北之群執牛耳而主齊盟今見推
斗南之一頃鄉鄰之有閑入帷幄以贊謀迄今五羊
之境安全藉六鰲之名重其出處進退之際乃理亂
安危所關遂上蓬山負著青藜之劉向至躡粉省眼
空皓首之馮唐幹魁柄惟少遲之扈屬車豈不可者
屬時皇上惠碩闕中潤四方霖雨之恩普一道福星
之照公舉刺而吏貪之盡洗薄征歛而民力之頓蘇
凜然如大行臺謹焉號真刺史然而時尚多故事有
詞致錄

卷之三

生

至難百年之局面轉危諸賢之國手可想力不弘固
無以勝此任用未盡亦何以責其功世道如斯公等
安在矧繇庸使徑拜頭廳永留槐位之芬芳大究菊
坡之事業某去國三暑錮身一寒懶再乞於鏡湖欲
永尋於盤谷忽叨乘傳莫許循牆願勍力之支離且
聰明之彈淺非得使者體何為馳原隰之車政恐好
事人欲勒回山林之駕幸是觀風之部最為近水之
臺甘苦必均休戚必同有無相通緩急相應與故人
飲雖非廉訪之所宜為君子僚惟願歲覲之樂告

通潭州馬通判啟

宋楊芳大全

榮膺宸綽顯貳价藩千里展長沙之平古稱清絕別
駕居刺史之半今得仁賢先驅有嚴和氣已溢恭惟
其官材猷猷遠識度閼吏勲業終歸於伏波雲仍固
在方畧何如於討虜風烈隱然久載休聲宜躋華貫
尚屏星之借重使湘水之安流清風明月之平分折
瓊枝而繼佩高蓋華軒之一丈齊玉軼而並馳邦國
不空公侯必復某失身副墨食志勾朱綴簿上而趨
閣前繞枝已久采水中而舉木末託蔭方新尚微風
雨之悒悒庶免塵埃之簞楚

通王知縣啟

宋方岳

詞教錄

卷之三

事

天各一涯幾費池塘之春夢地方百里適分隣壁之
夜光矧同班飛太史之鳬敘憑檣傳故人之鯉時其
後矣喜則寔然恭惟某官落霞孤鶩之辭英鷺雲遊
龍之墨妙斗以南斗以北獨高奎宿之驪江之西江
之東兩替使星之幙曩聞畫諾備極拊摩於以知寶
婺之源賴有此玉山之秀畫簾常窅夜戶自恬大夫
曰賢何乃奏瑤琴於五柳之縣天子在詔爾其銜瓊
裾於萬笋之班某一拜以還幾年於此方買犢業山
之底誰念吾民之最窮想停驂野驛之寒曾入君侯
大息敢不三沐願聞一言堯舜為吾君民毋憂擊

所管德之政兄弟繫欽比肩朝企金音庶幾三武

詞錄

卷之三

十五

宗藩

答豫章王啟

隋崔頤

理高象繫管輅思而不解事富山海郭璞注而未詳
至於五色相宣八音發各鳳鳴不足喻龍章莫之比
吳札之論周頌詎盡揄揚郢客之奏陽春誰堪赴節
伏惟殿下稟潤天潢承輝日觀雅道貴於東平文藝
高於北海漢則馬遷蕭望晉則裴楷張華雞樹騰聲
鵷池播美望我清塵悠然跼絕某燕南贅客河朔情
遊本無意於希顏豈有心於慕蘭未嘗聚螢映雪懸
詞致錄 卷之五 七

卷之五

七

頭刺股讀論唯取一篇披莊不過盈尺復况桑榆漸
暮藟藟空舉燭無成穿楊盡棄但以燕求馬首薛
養雞鳴謬萬鴻儀虎班驥早挾泰山而超海比報德
而非難堙崑崙以為池匹酬恩而反易忽屬周桐錫
瑞唐水承家門有將相樹宜桃李真龍將下誰好有
名濫吹先外何須別聽但慈旨抑揚損上益下江海
所以稱王丘陵為之不逮曹植儻預聞高論則不隕
令名楊修若切在下風亦詎虧淳德

內任

回西外趙知宗啟

宋林豈塵

若有命中攸寵渥之新碩輔司宗無越耆英之舊
方詹籍視儀之始亦侯邦借潤之初恭惟某官曾出
神明學通今古論議冠諸宗室夙擅白眉老成尚有
典刑今推黃考燕閒雖暇涵養益休鴻寶之方自奇
謫仙之詩無敵矧年高而德邵且屬近而行尊典周
室之宗盟宜薦司於麟趾為劉氏之祭酒行入對於
龍光某正爾依仁欣焉開命敢謂別裾之未久遽蒙
染翰以相先一日有似於三秋悵阻置杯之教兩地
匪遙於千里幸分障燭之輝

代回西外趙知宗啟

宋李劉

制教錄

卷之五

七

疏詔東平展親西外王曰叔父立愛始于家邦汝作
秩宗受祉施于孫子棣華韞韞祚祚綿綿共惟某官
大雅不群為善最樂箴規磨琢蹈衛武之流風忠義
輪囷聚劉向之封事庸專糾合之任助成睦族之仁
周之宗盟誰若滕侯之長唐之宰相豈遺德裕之賢
某側聽渙揚未遑旅賀召伯今治諒信如麟趾之詩
長卿倦游愧莫續兔園之賦

代回劉閣學啟

宋播芳大全

出綸北闕賜履東川臣作股肱宜職五言之納王之
侯岳存勤四國之藩西顧既寬南圖益大恭惟某官

清標拔俗厚德鎮浮二十四郡之無人已見真卿之節一千餘家之失火何勤長孺之行然使王帳之輕孰借銅符之重元戎小隊聊復班石谷之春方國細書恐趣侍雲臺之下其久燕居息復鳩僦功憑飛廉以寄聲君為厚報望噉噉而勿迫猶佇還歸

代田王太卿啟

宋李劉

入觀楓宸升卿棘寺民之攸暨久凝畫戟之清香王曰端歸復界青蓮之舊物恭惟某官器質庸敏機量浚明京兆有王之歌至今未泯江東無卿之嘆而去見思輟自銀符入跡金堂敬爾攸獄監于祥刑民自詞教錄
卷之五
以不克行課清明之效王言惟作命即登獻納之班其過沐幸臨更動委重旅寒冰玉覺執熱之頓清金錯瓊瑤愧報嘉之不腆

帥臣

四史督相啟

宋方岳

邊城分柵曾徵赤羽之勞書殿通班忽峻紫宸之寵無因至此何德以堪豈有方辭大常伯之除而迺驟辭真學士之冠已控陳於免贖愧負於賀言伏念其本乏備能誤膺重寄嚴政盜過而凌中夏端難護塞之非人發不郵緯而憂宗周竊憤臨淮之多過使

當衆莫安於丙枕趣兵符亟下於庚牌如有老熊當道之威安得佛狸窺江之事興言及是厥咎安歸願雖過走於大羊抑已大驚於鴻鴈慨煙火萬里之氣象幾不聊生撫山河兩戒之輿圖可為痛哭思欲自拘於司敗孰云苻拔於贊畫頭登麟趾之華愈重振水之懼茲遇某官潤澤以霖雨之手包涵於乾象之胸以其介圭入覲于王自任天下之重得諸傳臧矣立作相每嘆人材之難徵如腹背之毛亦玷齒牙之論然端殿所以昭異數而大相所以重中權願惟何人敢當茲選某抗章之懇得請為斯人欲天恩之詞教錄
卷之五
王成敢忘環報

代四成都吳制置啟

宋李劉

裁一箋而起敬未宜推謝之私累尺幅以鳴謙仍拜斷章之寵施輕報重虛往實來佩故舊之高情發義進之深愧恭惟某官知推人傑學覺天民屹偉績於控荆蒨奇勳於論蜀凜然趙清獻之氣節行以張忠定之規模撫五十四州之軍民瘡痍帖泰壯一百八監之門戶氣色晶朗雪山之重既多沙堤之築非遠某不堪視陰復此綴班無以公歸或一見而後去豈

惟我賀亦衆目之具瞻

代回李制帥啟

宋李劉

疇庸帥閭升鎮制垣犀甲熊旂名在江淮之草木麟
符魚鑰光通河洛之圖書甚慙師言可為國賀恭惟
其官材由世濟學與古稽自其不卑於小官人知將
降之大任故國非喬木之謂風盛仙李之根今人莫
棠隸之如皆近宮槐之影雅聞偉望尤抱長材濟分
丰虎之符妙落全牛之刃風寒數處人物渺然固封
守以畫郊圻徒得君重訖外庸而作丞輔無以公
某濫守洪都密依廣厦落霞秋水漸欲尋吳會之舟
詞教錄 卷之十三 二十

暮日春天安得對江東之酒

諸使

代董侍郎回四川辛運使啟

宋李劉

帖荆報政沂峽觀風原隰之事孔殷正煩咨度疆場
之虞未靖尤藉轉輸賢者之來民所欣賴恭惟某官
天資凝遠風韻浚明巍哉千佛之姓名早宜臺閣屈
折三神之步武晚落江湖茲煩漢節之華來假夔藩
之重跨澠瀕之象不辭王事之艱難俯常山之蛇要
識老臣之開濟飛騰自此翹企俟之某別德悅然為

僚幸甚尚憐往日聽夜雨於巴山安能扁舟披朝雲
於巫峽

回夔路王運判啟

宋李劉

序歷麾符榮將節傳彤襜繡斧新禮樂之光華赤甲
白鹽壯江山之彈壓既均六轡坐幹千艘恭惟某官
抱負甚奇踐揚茲久屢登一鶚之表綽著能聲四分
五馬之符居多善政有華將指不遠觀風認常山之
蛇默識木牛之運跨澠瀕之象佇觀畫鷁之來某漫
浪之期差池其羽走長安之日又陪上雍之祠占蜀
道之星還作高唐之想

詞教錄

卷之十三

二十

回尤提舉啟

宋播芳大金

去國奉祠久抱伐檀之塊起家進職忽叨分竹之榮
曾與謝之未皇何謙撫之甚寵恭惟某官見聞彈洽
議論崇欽尚書之履有聲典刑是似部使之斧直指
風采凜然皇華寧久於咨諏清切即觀於獻納某同
為吳客落楚鄉德必有鄰倚輔車而增重服之無
數藏簡牘以為榮

回湖北曹提舉啟

宋播芳大金

短衣疋馬又塵繁縠之班長馳雙魚如見繡衣之面
雖無以報敢誦所聞恭惟某官學本遺經用周當世

面浙東孟提舉啟

宋李劉

卷之三

并

回張恭馬殿

宋方岳

四鼎提船啟

宋翰苑新書

不卷之七

其

回鄂縣侯監稅啟

宋李劉

無隨西李博之材濫茲巢幕有夷門侯嬴之智亦爾
花開委贄相先報章敢後恭惟某官學卑衆楚家近

三燕衫曳枯荷難覓佳鬼之氣手摘玄草漫為拓落
之官暫屈關譏聊送吏隱佇漢庭之用老從吳市以
登仙其未洗滌過辱迂車轍載披郇翰有言何至於
失人儻憶郇筒無酒或容於酤我

田周監酒啟

宋李劉

叨恩試郡正懼曠職聯事同寮幸逢心勝愧陳箋之
不敏辱垂問之相先伏惟某官抱負恢宏典刑膺碩
皆屈糟丘之隱小試清醇諒知酒誥之篇益加醲郁
佇借騰踏即踐高華某老矣僂游胃焉遠戍對北海
而促私釀免俗未能交公瑾如飲醇醪同實是望其
詞教錄 卷之三 苗

為傾後罔既敷陳

田李監酒啟

宋李劉

元辛之號重光天四西顧副郊之稱單開日麗東迎
亨在泰通祥因履考恭惟某官清材曠達懿識規圓
蒼鷹絕瑕彌徭旦許之望青旗簇仗行登元會之班
涼對於菟之交益介踞龜之壽某尚稽賀牘過辱頌
言尚可歸田正有望土牛之送不堪立仗詎肯希槐
馬之賁

郡縣

田安慶陳知府啟

宋李劉

外不孤銅席之分俸客得遷只動尊臚之
不違脩記還辱鳴謙恭惟某官與學淵洄清標山峙
氣沮金石豈徒黃絹之好辭世掌絲綸宜得青瑣之
舊物亦既累年於東觀非惟百日於南宮乃懷棠棣
之碑徑賦桐鄉之政朱光嘗為皖守非此地耶汲黯
不薄淮陽今召君矣某久荒三徑又長十連望吳會
於雲間恨無飛羽借潁川之河潤但切馳心

田金黃州啟

宋李劉

百舍思賢夢過黃泥之坂一書委貶坐來赤墀之風
讀之灑然何以得此恭惟某官影纓聯仕脫潁奇材
詞教錄 卷之三 苗

為傾後罔既敷陳

苗

屢風月之平分蓋雲霄之獨步屬當冠至能與城存
遂就界於麾符俾益堅於保障綸巾羽扇訪故壘於
西邊畫戟清香歌大江之東去何以累君子猶有十
萬之贏進而疆本朝行膺尺一之詔某既乘下澤又
戀屬車邊秋一鴈聲漸起江湖之興人生五馬貴顧
精茵鼎之調

田姚開州啟

宋李劉

題慈恩之姓久遂託交傳盛山之詩始知出守遠勤
委翰更費屬辭共惟某官續三世科為諸儒倡頡頏
飛霞之佩宜在漢庭簞弄明月之珠久留蜀道會膺

表選亟有裏除其存守銅魚甚思尊鱗同年千里恍如琴上之星何日一樽共聽簾間之雨

回福州蔡守啟

宋陸游

識面卜鄰固常懷於鄙志杜門掃軌殊未接於英游於此相逢慨然永歎恭惟某官城南舊望江左名流高韻照人清言絕俗過眼不再真讀五車之書落筆可驚倒派三峽之水豈有如公之人物猶令隨牒於海邦政恐驛召之行弗容席暖之久某奔馳斗粟流落二年久親柱後之惠文高東牀頭之周頌會頌名理之語一洗簿書之塵

詞教錄

卷之三

三

代回晁南康啟

宋李劉

訪靈谷之煙雲既擁千騎懷廬山之風月忽寄雙魚忻然發函喜至折屐恭惟某官清門秀望名世真材即之溫然不減天球之器韻識其小者漫知月斧之精神方群飛之刺天寧一麾而出守兵衛森畫戟豈特唱韋應物之詩山水含清暉政欲考謝康樂之句徒得君重行矣公婦某密託桑陰既凋蒲質腰黃何愧山靈之移文頭白早歸煩謫仙之寄語

代回臨江丁知軍啟

宋李劉

行觀楓宸分華竹使朱轡皂蓋豈但人生五馬之榮

荒嶂清江盡在都城百雉之內恭惟某官者明山應潤春溫才名四十任久於許國刺史二千石甫此起家伊誰云從何見之晚吳城薦井表水蕭灘無嫌如斗之州正藉成風之力不容席煖行布輪迎某聯事方新懷歸已切叔度何暮定關襦袴定有無令尹重來試問人民之非是

代施倅回邵州王倅啟

宋李劉

累緹命駕引綬露章湖南二郡之豪雄今稱第一江右諸王之奇俊願屈平分下車之初載路相慶恭惟某官典刑炳蔚才清浚明梗楠大厦之材久於聳壑詞教錄卷之三三

詞教錄

卷之三

三

回新應靈趙知縣啟

宋翰苑新書

一門父子謂皆分唐叔之珪五色神仙顧少屈趙家之王有未委翰知可得朋恭惟某官千里名駒九苞威鳳宗室隨二千石能開議論之高文章長萬丈光

空想根崖之窟况已摩空而奏賦不難趾美以漢科
何為渭北清新之材乃屈河西樓涼之職吟詩之
則姑唱東野之詩登文石之塗師上南昌之疏其舊
交中壘今見休侯正望弓刀帖尾竊狗偷地雖却從
筆硯窺蛇神牛鬼之奇

回趙主簿啟

宋方岳

麟鳳分夜雪之燈未寒草夢魚素遠春風之訊適近
枳棲歧重論疇昔之心喜不隔同年之面共惟某宜
聲光如斗氣龍欲仙小篆佩苦錦囊吟盡風梅之
句太乙然青藜杖諸殘寶苑之秘書久已騰淡墨之

詞致錄

卷之五

夫

揮何至試勾朱之最雲深曉曉盡隨鴈之行花動
城式快鸞鳳之翥玗頒瑤札儀我銀潢某拙則未
於資亦不改弓韜一尉樽櫟之材何堪硯老半生藎
隨之味故在抵掌豈甘於俗吏折腰猶近於世情群
然虎吠之中以螫蜂蠆之毒官事未易了也無已太
廢吾道其果非耶奚為敢悞延覲金蘭之好惠垂玉
薤之規野梅吹江路之香尚須佳晤山而語廬高之
舊重挹清芬

學職

回本軍吳教授啟

宋戴翼

疏榮步檢典教芹宮學道愛人雖嘗佩聖門之教以
經餘吏今幸依師匠之模帝遣公來天為僕設共惟
某官治聲第一經術少雙以心傳曾子之心所學得
顏氏之學題千佛經而蚤馳雋軌作三語掾而蔚有
休稱方種德以欽刑又助君而明教蓋張南浦之風
猷如在而周濂溪之衣鉢尚存暫借文衡上續道脉
小子皆有造樂依鏗鏘之功先生自此外大作棟梁
之用不待煖席信見子環其朴矣無庸冒焉學製後
事祖豆而困於軍旅勞心保障而加之繭絲嗟我驢
技之已窮幸甚鱣堂之伊邇全資甄就庶獲歸全一
詞致錄

卷之五

手九

回衆學職啟

宋翰苑新書

濯太白之冰壺知臥月花之影磨文饒之璞玉願聞
水薤之規辱委贄之寵先愧識賢之緩後恭惟某官
炳靈世載文獻老成蚤聞高軒過之吟羅胸有耀詎
意古戰場之讀過眼還迷是宜不見於諸侯猶辱觀
過於吾堂九萬里風斯下顛培鵬路之程三千字日
未斜即對龍墀之影某茲蒙投璧始悟遺珠有司以
公不以情且相同於采藻於我無德亦無怨願更登

孫官

回張制機啓

宋方岳

公草飛剡帥門傳行人物渺然初歎四郊之多壘時
言如此孰爲萬里之長城茲得一賢增重九鼎共惟
其官以燕公大手之筆傳數城老父之書儒者乃知
兵乎用能決千里之勝丈夫當爲真耳豈惟記三篋
之亡試常慨披輿地之圖固已熟攷華夷之勢彼烏
乎逞我烏乎弱戰何爲勝守何爲堅了然胸中殆猶
燭照而龜卜運諸掌中寧慮秋高而馬肥有律兮旌
制教報

卷之三

辛

之招式後甲兵之洗政恐青油談笑雖賀得賢主人
然有紫禁煙花詎肯稽天下士某逝言已去于思復
來前度劉郎絕歎桃花之老我秋風張翰終懷蓴菜
之可人又將賦歸去來兮之辭亦姑作居無幾何之
計功名付公等相期久遠之看煙水有吾廬儻遂寬
閒之適願言載色共話此心

代回趙運幹啓

宋李劉

內幕主書濫竊機謀之祿外臺贊畫鼎來禮樂之英
意修同寅之恭適坐旁午之冗高情厚甚下問燁然
恭惟某官傑立宗標焯爲儒倡麟振振而一角鳳鸞

廟以九苞太乙吹燈豈特傳五行之學長庚叶燭因
宜光萬丈之文吾道非耶公等安在既低飛於松林
又屢泛於芙蓉輟天塹之元僚佐星軺之計吏快簾
雲雨似聞曾駐於舊帷庭戶湖山復見重來之賓佐
耶副皇華之咨度即登清切之司存某獲落東書卷
差一第不狩不獵豈能談笑於青油爲箕爲裘聊戲
斑斕之絲眼滿然薄陋安所依歸異事同寮儻憐草
木之吾味百聞一見當爲珠王之修容

回張縣尉啓

宋李劉

瞻海上之槎根差池於八月取圯下之履望傳授之
詞教報

卷之三

辛

一編袖賤臨之展表愧甚恭惟某官負材孔碩蓄學
不賢英英脩月之文飄飄凌雲之賦朝華本高於夕
秀夙知乃墜於暮成入對大庭良負誦書之三篋出
次遠閣尚賢不調之十年况長江素委之詩人豈市
門可淹於僊吏暫過輕舟於吳會即歸大老於周家
某甫欲款門先蒙命駕以霸陵李將軍之老儻不見
呵則天上張公子之賢敢忘加敬

回王僊尉啓

宋方岳

飄飄僊吏寧窮隱山冉冉老曹公有來妙墨彼美雙溪
之秀可忘三逕之荒共惟某官詩書典刑家世文

問訊浮熙之相印歲月幾何起分寶婺之天章江山
故在何意解牛之刃小還射鵰之方蓋鵬鵬九萬之
程始從足下想鴻鵠一雙之瑞已在目中某冒然得
川決矣學圃爾杞爾菊維今無吠月之驚某水某丘
誰與共耕雲之樂尚驅特健快觀匿犀

詞教錄

卷之五

五

詞教錄卷之十四

啓門七

啓類

回啓下

科目

回鄭狀元啓

宋真德秀

臚傳玉陛名冠璇魁自慶元屢策大廷孰若今日四
門之開雖長樂昔多首選未聞同時三俊之登鯁論
獲伸鵠行相慶共惟某官正學傳心本洙泗之舊妙
齡發聞有楊晏之風適九重側席以思賢乃千里彈

詞教錄

卷之五

五

冠而應詔歷陳偉論深究大原謂治亂安危之勢不
常要致察於圖回之始而便嬖昵近之私易惑當預
防於未兆之先惓惓彈愛國之忠鑿鑿抱適時之用
昌言天下之事無諱有司親結人主之知哀為舉首
夫既擅儒林之榮觀政須踵前輩之高風昔呂文穆
之事熙陵若王沂公之相仁廟科名發業既獨步於
一時功業光明復可傳於萬世伊誰儷美允屬當仁
身到黃扉自是榮塗之素定名標青史要觀盛烈於
無窮某學本空疎識非超卓群多士而試以藝選倫
雖預於司存取一人焉拔其尤裁擇端由於上意限

先枉駕辱賜長牋第深期望之情莫既數陳之情

回孫榜眼啓

宋真德秀

璧水蜚英鳳高士望玉階上對果亞掄魁新六館之榮觀壯七閩之盛事共惟某官清標絕俗勁氣橫秋學探精微期造聖人之與而身居窮約常懷天下之心飭躬允蹈於規繩抗志弗偷於金石比承清問獨罄丹衷鋪陳主德隆替之由力辯國論是非之正雖明白峭直不為媚俗之言而渾厚深醇自得告君之體衆共稱於卓偉公特出於緒餘夫既都儒者之至榮要必慕古人之盛節昔仁皇帝旁搜於多士若韓詞敦錄

宋真德秀

二

回馬探花啓

宋真德秀

錫第彤墀陞華鼎甲馬名千里軒昂御榻之前整戴三山縹緲僊遊之上輔畿得雋士族稱榮共惟某官筆鼓風雷胃吞雲夢居鄉必擇宛然一鶚之清風得

其甚雄虹之嘉頌日未東而薦書原上

屬當初政尤重臨軒中庸大學之書方垂咨問聖賢實理之用獨善數陳發而洛之正傳釋考亭之大義識微見遠憂治危明僉謂劉黃空臆之言出於董子潛心之業龍津一躍三十喜骨髓之成鵬翼高竄九萬搏扶搖而上翌日報泥金之帖雙親傾藥王之杯一經教子以有功群兒祝身而願學榜花姓字已開浮石之嘉祥汗竹功名更看伏波之大節其妹觀偉對深冀忠言未皇展慶於赫號乃辱迂臨於油幕繡請錄

宋真德秀

三

節序

代回傳大諫正啓

宋李劉

王正紀月肇頒象觀之和侯度觀時不對龍光之渥宜哀百祿以應三陽恭惟某官早伏諫蒲出分符竹陽春布德已行寬大之書肆夏升歌即展論思之蘊仁賢來止福履綏之其落日在簾浮雲出岫憶欄柯之邂逅又見東風及焙茗之後先願歸北闕

回畢安撫正啓

宋播芳大全

玉環璣又屆履端之始春生玉帳載迎善政之祥
恭惟某官豹略沈深虎符靜謐麥苗綠漲挽回幾千
萬戶之和柳葉青歸喚起二十四橋之夢三陽為泰
祥交升某方欲具箋猥勤委輸椒盤啓節莫殫頌
之私玉燭朝天願保功名之重

代回周馬帥正啓

宋播芳大金

正月始和光轉崇蘭之畹元戎小隊暖生細柳之營
恭惟某官克壯其猶共武之服東風解凍知挾纊於
雲屯北斗回杓即出綸於天陞某監持荷葉莫捧椒
觴玉漏聲長行或聯於朝著金卽斗大願益懋於勳

詞教錄

卷之四

四

名

代回李封州正啓

宋李劉

分符北闕宅牧南交騎竹交迎不問龍岡之吏驛梅
遠寄已知嶺表之春恭惟某官服襲典刑發舒政術
自為驛父技已敏於割雞及試海沂才益新於展驥
茲宣寬札出領隣封諒因報政之來即遂立朝之願
某凋零歲月點綴星辰遠方雙魚不盡相酬之意人
生五馬願收自養之功

代回紹興黃尚書正啓

宋李劉

陽生於子曆嚴伯趙之司星拱乎辰光榮文昌之

正從亞歲茂介新祺恭惟某官德稟中和氣全剛大
給符鳴履早儀喉舌之司均佚偃藩暫鎮股肱之郡
南至既書於魯史東歸宜詠於周詩某才無線長心
亦灰冷紫宸朝散空驚獨老之形容畫戟畫森願謹
凝香之寢衛

代回全州趙守冬啓

宋李劉

懷五更三點之驚行舊同班於吳下驗一寸四分之
牛畧今假蔭於黔中方圖修獻履之辭已先拜鳴謙
之寵故情未熟弱念易盈恭惟某官禮樂宗英侯王
相種決科唐殿肯吟麗日之煌煌宅牧湘源聊和舞

詞教錄

卷之五

五

風之濟濟對此重綬之候藹然五袴之歌魯雲必書
翻手隨看於短至趙日可愛舉頭即近於長安某比
德微芒甘心半刺地爐煨芋已漸恭南岳之禪山意
放梅儻尚憶西湖之飲

代回慶元程守冬啓

宋李劉

鳳簫寸全中黃鍾之律虎符分握凝畫戟之香履此
休辰宜其遐福恭惟某官氣全剛大德稟中和自引
治於潛藩迄坐寧於瀚海六宮一線添樂國之棠陰
五緯連珠接故家之樞柄何天之寵不日而還某
司秋雲莫捧春酒葭添六琯足知君子之亨

與鄰守啓

宋耿元

上印特承白髮之親關冒寵移居更畀黃閣之
鄰顧叨逾之已甚荷推攸之居多恭惟某官文選
先春之書筆追二王之法猶是正元之朝士合從甘
泉之從臣金雀上棲何久達於雙闕銅魚左佩第連
牧五城北聞蒼雲之美謠行趣溫宣之嚴謁盡歸
一老可嘆靈光之歸然同升諸公其在潁川之長者
其憂違台範監守土鄉避堂而舍蓋公莫展事賢之
禮載酒而品楊子徒知通德之居曾貢記之未遑忽
詞數錄
不奉之古
飛緘之先辱惟深愧感莫罄敷陳
4

與趙判官啓

宋劉克莊

塞垣竊粟砂然天掾之卑幕府泛蓮仰止元僚之重
既束裝而至境敢脩贄以及門共惟某官文成一
家書破萬卷昔慶曆之盛清獻見誦於名臣由建炎以
來忠簡獨稱為賢相宜惟望族登決雋科宜冀北之
空何周南之留滯側聞當宁方急備邊屬者專城
清求於頗牧有如後乘宜首載於鄒枚諒婉婉以
芳壽且颯颯而草檄少施餘智大策雋功宿生登臨
可但勒豐碑於峴首神僊指點又將引歸路於蓬萊

某涉世至迂承家不競菜羹陋巷粗安貧者之常
憲草堂雅有終焉之志因出營於親金偶來踏于京
塵既謀鄰境以需瓜甘學老人之種橘云何銷印莫
追失馬之還及此挈舟幾有葬魚之厄親友贊休休
之策上官移急急之符顧未暇於招魂又豈諳於析
律尚喜出庇臨之下庶親承教詔之餘雖無堂下之
言可裨采擇設有幕中之職竊冀優優

與江司理交代啓

宋劉克莊

鄰境注官方嗟失馬邊州除吏誤使續貂煩出命之
逶迤欲通名而縮瑟某官品疏英邁胃緒高舉世有
詞數錄
不奉之古
聞人遠矣衣冠之盛家傳儉德凜然冰蘖之清謂宜
玉立於班行何乃泥蟠於州縣可片言以拊爾知獄
吏之欺活千人者封行見門閭之大開當詣關別處
登畿某甘向閨中忽移塞上青袍行路誰憐杜老之
貧白浪沉舟幾殉彭咸之死甚矣窮途之可嘆坐於
榮路以有妨法令為師方未知淑後之計藥石愛我
必無靳告新之言

與張察推啓

宋劉克莊

幕下簡僚事權至重道傍試邑憂責匪輕屬當受察
之初輒講通名之禮恭惟某官天才奇逸以清

親玉樹琅玕之標覺我形穢挹金莖沆瀣之氣使人
意消以庾謝之風流加曹劉之才思夫何恬退尚此
滯留蓋初潛之地素高故上介之選亦逮竊聞公子
素馳魏闕之心將有神僊共引蓬萊之路某功名事
左耕釣趣深攀龍附鳳而化侯王彼皆有命烹羊魚
羔而作伏臘聊以忘憂昨忝封男蓋謀將母豈謂煎
熬已極揀藥莫施不勝臨深履薄之危預起向洋望
君之歎惟公談笑係我戚休雖縣譜未詳恐剗裁之
不及然藩條具在苟遵守則有餘

教授與交代啓

宋沈唐叟

詞致錄

不卷之五

九

承乏鱣堂久愧匏瓜之繫渴延騎從一新木鐸之音
行聞旌旆之戒嚴喜逐衣冠而相賀共惟某官斗南
獨步冀北絕群學有淵源洞聖賢之秘奧文無繩削
兼天地之純全早收功翰墨之場即抗志功名之會
三年枳棘已負鸞棲萬里扶搖式觀鵬運暫輟蓬山
之逸駕來為芹泮之主盟鄭廣文道出羲皇何憂獨
冷韓退之上規姚姒豈久校閒第虞坐席之未溫旋
被追鋒之迅召青衿終悵難留驥乘之蹤紫誥白麻
亟試鑒坡之手某濫司教導誤忝交承業也弗能
未免諸生之笑舊何能讀豈能逃弟子之嘲退斯

靴之在前大懼範模之不稱褰裳欲去掣肘未能春
服既成先布及瓜之諺秋陽以暴顧觀行李之來

詞致錄

不卷之五

十

婚啓

代姜寺丞回史丞相府定親啓

宋李劉

相門出相方託身槐棘之陰丞壁負丞敢妄意松蘿之附蒙以貴而下賤聘不腆之若人微福甚榮省心知愧恭承某官階蘭堪佩足繼史魚之風而某女澗藻可湘粗開姜鯉之教屈禮百僚之重好合二姓之驩君子不弛其親已敬佩曾公之訓公侯必復其始願益縣魏國之封

幼婚回啓

翰墨全書

詞教錄

卷之五

七

觀書月下 聞得婦於幼年折柳門前葉落問郎於同里况龔 並高於地望宜朱陳亦締於世姻令男已學吟龍茂著奇童之譽小女喜占鳴鳳愧無幼婦之辭雖嫁娶以長大為期然男女之婚姻貴早荷不棄長于隣近之陋願早諧雲郎年少之期好音速報鳳樓人此正嘉靖青春蚤作璿官客當繼前修

代南承嗣上中書門下乞兩河效周狀

唐柳宗元

戰敗夫差多會稽納官之子趙槌栗腹即長平死事之孤何則烈之餘色氣猛厲上將效於國用下欲濟其家聲所以奮激悽愴常思致命者也承嗣先父死難雖陽事存簡冊累降優詔榮及子孫爰自緝緝能升品秩肉食廩給未嘗暫停頃守涪州屬西蜀構逆將致死命以盡夙心寢戈嘗膽志願未究會刀筆之吏真以深文首級之差今復誰辨蒼茫之謗不能

詞教錄

卷之五

七

自明猶賴舊勳謫居樂土食人力之粟守無事之官奉養至誠無所陳露伏見明制興師討伐恒冀茂爾小醜尚欲連誅承嗣才非古人志慕前烈願得身當一隊効死戎行竭平生之忠懇申幽明之冤痛撫劍心往發言涕零嘗聞漢法有奮擊匈奴者諸侯不得擁遏又况丞相總軍國之重定廊廟之謀固當弘獎無所棄捐伏乞哀憫收撫以成其心

賀分淄青諸州為三道節度狀

唐柳宗元

言氣盡除和風溥暢裂壤既分其形勝經野必正其

封河濟異宜海岱殊服八命作牧無聞威福之澤
十國為連已肅澄清之政鼠無夜動鴉變好音惠澤
豈俟於崇朝仁化寧期於必代遂使瑯琊即畧田生
無慮其異謀聊攝姑尤晏子但聞其善祝恭以相公
謨參禹績制出蕭規光輔聖神永康黎獻其獲逢開
泰忝守方隅并躍之誠倍百罔既

迎范戶部狀

宋播芳大全

伏審顯膺召節入覲嚴宸解慶節之冰符臨西秦之
驛道軍旗抗路將覲於前趨星弁盡簪佇聆於燕語
緬惟春陽偃薄福履冲安方垂鑒之尚勤冀興居之

詞致錄

卷之十四

七

益護

謝董侍郎舉狀

宋李劉

隨驃騎之幕濫備執鞭刺公車之章遽蒙推轂心感
恩於破白面抱愧而發紅伏念某稟生多艱從宦尤
拙貴人令其出門下既不善於走趨大夫羅而致幕
中亦倍勤於收拾豈謂半年之內復為千里之行治
法征謀紛紛未定幕府微筆錄錄無奇然白日實照
其精誠則赤雲可占於勝氣况值匈奴百年之運必
復春秋九世之讎履屨札而咤聲旄在此行矣封龍
領而獵麟脚竊有望焉曾未輪橫草之勞何遽辱采

蘋之薦乏吳下阿蒙之學願曰淹該無江南子布之
詞反云典麗裨益之功甚寡獎予之實何多伏遇某
官以社稷臣為詩書帥孤忠可貫於日月至誠足達
於天淵一龜一琴人皆望清獻之出萬牛萬獲賊必
待崇文之擒佇觀十乘之行大作三軍之氣繫單于
之頸慰祖宗在天之靈準匈奴之庭為蠻夷猾夏之
戒于以峻旂常之績歸而策鼎鼐之勲凡在紅蓮綠
水之間必入赤箭青芝之用某敢不力磨其鈍圖稱
所蒙揮羽銘山敢銜文章之小技冶金伐石願歌竹
帛之大功

詞致錄

卷之十四

七

謝聶侍郎薦舉狀

宋戴翼

二年嚴邑分甘梅隱之淒涼一秩公車言重荷囊之
論薦榮甚初官之破白恍如再第之取青方目警一
鷄之書復手捧雙螭之輪椿松為之動色桃李自此
生輝捫心知歸稽首以謝切以向陽之木每易於為
春鬱潤之松最難於見日地勢之遠近既判人情之
取舍亦然故迹不在閣下之庭雖昌黎未免於疑信
而言必近堂上之聽斯驥茂獲預於提撕矧薦舉之
選甚艱而職令之負尤狹因循近日奔競成風下之
人急於求故惟任私情而不恤于公論上之人難於

謝陳提刑舉狀

宋翰苑新書

五

應故止及近地而無暇於遠方乃若破去拘攣之見而一付以公務求質實之才而不遺乎遠此則寒畯中千百幸也其在當路不一二見之如某者崎嶇半生僥倖一第竊祿以迎侍親老菽水亦甘潔足而佩服官箴壁冰自厲故處身數百里外常凜然如臨大府之前雖守官一二年間欲自以行平生之志祇自謹于修飭初不求於聞知敢期王公大人於采訪之中獨取小官下吏於疎遠之地古道自任今人所難細論華路之褒揚實倍它人之倫等舉詞多兩句而止今則二十字特書而最榮常例以照牒為先茲

謝陳提刑舉狀

宋翰苑新書

五

何人既辱玷山公之啓當思許國謹毋荒陸氏之莊過此以還未知所指

謝陳提刑舉狀

經年夜雨誰憐泮芹之清一日春風忽破庚梅之白郵筒飛墜奏牘光搖競看大使之文書乃親小夫之姓字不與釘金之記竟叨褒袞之榮品題十六字以甚嚴銘刻千萬言而不足竊謂先朝立薦舉之法是乃累聖開功名之塗不謂昔者網羅英物之公轉為後來周旋人情之具求而得也弗求則不得也倖途既開賢者與之不賢者亦與之濫茅寧免擢下惠之厄卑官臧文仲不能引絳老人之困泥塗晉趙武弗及知養成一世奔競之流遂致四維操履之玷故臨難無竭節之守而居官多曠位之愆在承平猶以為非况艱難烏乎曰可自匪孤風之卓立夫豈類彼之易回激揚之間趨嚮所決若某老心固動而德弗進年齒浸宿而意不揚雖聞先生長者之言粗知古道然滯經生學士之業猶汨虛文頓懷綉組之慚欲求耕獵之實偶投足於塵埃之地莫安心於禮義之容矜佩競趨於城隅絲竹不聞於堂上鄉隣之閒猶纓冠而徃敕門外之冠敗履席以偷安當同舟遇風之

立不顧奮執戈衛社之勇非學而能義有當然
計在泮水獻賦幸依魯僖之賢息潢池弄兵
在龔公之化曾非一介若有寸長寡其過而未能
所學之可取胡得之於物論併舉以為已榮伏遇
官崖畧甚高戶庭無壅登車有天下之志允藉澄
清推轂追古人之風不由請謁元使君當路萬物吐
氣烏大夫秉鉞多士拔充使致妄庸亦蒙收錄其敢
不益加砥礪無負鉤銘拜官公朝謝恩私門敬奉幸
侯之所戒遇非衆人待以國士當圖豫子之未能感
激無窮敷宣曷既

南教錄

卷之古

七

謝彭黃堂舉改官狀

宋翰苑新書

鴉飛春雪方蒙褒衮之華鶚送秋章又預誥余之賜
化治幹旋之力重師門成就之功深百拜周章萬分
榮感切以薦拔一路固欲援乎人才得失兩岐亦有
關於造化垂成遽壞幾嗟薦福之碑已失復全或及
相如之壁信於中自有消長乘除之理而在上實司
轉移闔閭之權苟或得成大非偶爾某者蹢躅不武
拙訥無文百不逮人一惟安分欲動叔向之聽既之
蠟言要求子公之書又無慈援甘委此身於造物敢
蒙榮望於窮途惟若天不棄於孤寒故今日欣逢於

方自下車之始游蒙推轂之仁薦以序陞俾之
出幽谷而遷喬木還之京剡甚矣障百川而回狂瀾
云終定者天然果孰為之地伏遇其官斯文元氣
前輩盛心品類曲成不使一物失所群才並舉惟恐
片長或遺知其之愚無他腸念其之拙無謬巧許之
一紙重若干鈞定力底柱而不搖公論持衡而平決
兩全所欲衆嘆其公某敢不稽首恩門服膺師訓行
脩何有期以經明民服未能勉之政理仍佩撫摩之
誨以為績效之圖益厲初心庶蒙鈞惠吹噓借便雙
鳬欲近於雲程消息指期一鴈佇傳於春信其為感

南教錄

卷之古

七

詠罔既編摩

長書類

與滿公琰書

魏應璩

昨者不遺猥見照臨雖昔侯生納顧於夷門毛公受
眷於逆旅無以過也外嘉即君謙下之德內幸碩才
見誠知已歡欣踴躍情有無量是以奔騁微僕宣命
周求陽畫喻於詹何揚情說於范武故使鮮魚出自
潛淵芳旨發自幽巷繁俎綺錯羽爵飛騰牙曠高微
義渠哀激當此之時仲孺不辭同產之服孟公不顧
尚書之期徒恨宴樂始酣白日傾夕驪駒就駕意不
宣展追惟耿介迄于明發適欲遣書會承來命知諸
謝敬錄

卷之十四

七

與嵇茂齊書

晉趙至

昔李叟入秦及關而嘆梁生適越登岳長謠夫以嘉
遜之舉猶懷戀恨况乎不得已者哉惟別之後離群
獨遊背榮宴辭倫好經迥路涉沙漢鳴雞戒旦則飄
爾晨征日薄西山則馬首靡託尋歷曲直則沈思紆
結乘高遠眺則山川攸隔或乃迴瞻狂屬白日寢光

崎嶇交錯陵隰相望徘徊九臯之內慷慨言

進無所依退無所據涉澤求蹊披榛覓路嘯咏清

良不可度斯亦行路之艱難然非吾心所懼也至若

蘭茝傾頤桂林移植根萌未樹牙淺搖急常恐風波

潛駭危機密發斯所以怵惕於長衢按轡而歎息者

也又北土之性難以託根投人夜光鮮不按劍今將

植橘柚於玄朔蒂華藕於脩陵表龍章於裸裎奏韶

武於蠻俗固難以取貴矣夫物不我貴則莫之與莫

之與則傷之者至矣飄飄遠遊之士託身無入之鄉

摠轡遐路則力前言之艱懸鞍陋宇則有後慮之戒

詞教錄

卷之十四

二十

朝霞啓暉則有疲於遄征太陽戢曜則情劬於夕惕
肆自平隰則遼廓而無覩極聽脩原則淹寂而無聞
吁其悲矣心傷悴矣然後乃知步驟之士不足為貴
也若迴顧影中原憤氣雲踊哀物悼世激情風烈龍
睇大野虎嘯六合猛氣紛紜雄心四據思躡雲梯橫
奮八極披艱掃穢蕩海夷岳蹴崑崙使西倒踞泰山
令東覆平滌九區恢廓宇宙斯亦吾人之鄙願也時
不我與垂翼遠逝鋒鉅靡加翅翮摧屈自非知命誰
能不憤悵者哉吾子植根芳苑擢秀清流希葉華崖
飛藻雲肆俯據潛龍之淵仰蔭遊鳳之林榮曜眩其

前色領其後良儔交其左聲名馳其右翱翔儔黨之間美姿惟房之裏從容顧盼綽有餘裕俯仰吟嘯自以為得志矣豈能與吾同大丈夫之憂樂者哉去矣嵇生永離隔矣氛氛飄寄臨沙漠矣悠悠三千路難涉矣携手之期邈無日矣思心彌結誰云釋矣無金玉爾音而有遐心身雖胡越意存斷金各敬爾儀敦優璞沈繁華流蕩君子弗欽臨書恨然知復何云

答從兄書

晉陸景

奉告清言溢目眷逮周委炎光已盛顧此勝宜仰承發止已次新林引邁務殷無妨怡賞三湘與區九疑

詞教錄

卷之五

七

形勝浮洲動浪聞眠鷗之舊境安流洞浦憶珠若之遺風昔景伯出蕃高風振古叔英之部清約見稱兄政譽平宣威和無濟加以夏石奇雲秋江迥月翰飛紙落理豐辭賦賞末與餘時希速憶睽離方遠川塗脩曠炎涼方改顧加珍勗綠字可傳白雲終閒心傷淚灑校筆無宣

誦建平王上書

齊江淹

昔者賤臣叩心飛霜擊於燕地庶女告天振風襲於齊臺下官每讀其書未嘗不廢卷流涕何者士有一定之論女有不易之行信而見疑貞而為戮是以壯

夫義士伏死而不顧者此也下官聞仁不可恃善不可依謂徒虛語乃今知之伏願王暨停左右少加憐察下官本蓬戶素樞之人布衣韋帶之士退不飾詩書以驚愚進不賈名聲於天下日謬得升降承明之闕出入金華之殿何嘗不局影凝嚴側身局禁者乎竊慕大王之義復為門下之賓備鳴盜淺術之餘獲三五賤伎之末大王惠以恩光顧以顏色實佩荆卿黃金之賜竊感豫讓國士之分矣常欲結纓伏劍少謝萬一剖心靡踵以報所天不圖小人固陋坐貽謗缺迹墮昭憲身陷幽圜復影吊心酸鼻痛骨下官聞

詞教錄

卷之五

七

虧名為辱虧形次之每一念來忽若有遺加以涉旬月迫季秋天光沈陰左右無色身非木石與獄吏為伍此少卿所以仰天槌心泣盡而繼之以血者也下官雖乏鄉曲之譽然嘗聞君子之幸矣其上則隱於簾肆之間則於巖石之下次則結綬金馬之庭高議雲臺之上退則虜南越之君繫單于之頸俱啓丹冊竝圖青史寧當爭分寸之末競錐刀之利哉下官聞積毀銷金積譏磨骨遠則直生取疑於盜金近則伯魚被名於不義彼之二子猶或如是况在下官焉能自免昔上將之耻絳侯幽獄名臣之羞史遷下室至

如下官當何言哉夫以魯連之智辭祿而不返接與之賢行歌而忘歸子陵閉關於東越仲蔚杜門於西秦亦良可知也若使下官事非其虛罪得其實亦當鉗口吞舌伏七首以殞身何以見齊魯奇節之人燕趙悲歌之士乎方今聖曆欽明天下樂業青雲浮洛榮光塞河西泊臨洮狄道北距飛狐陽原莫不浸仁沐義昭景飲醴而下官抱痛園門含憤獄戶一物之微有足悲者仰惟大王少垂明白則梧丘之魂不愧於沈首鵲亭之鬼無恨於灰骨不任肝膽之切敷因執事以聞

詞教錄

卷之五

圭

與陳伯之書

齊丘遲

將軍勇冠三軍才為世出棄鷹雀之小志慕鴻鵠以高翔昔因機變化遭遇明主所知不假僕一二談也朱鮪涉血於友于張繡刺刃於愛子漢主不以為疑魏君待之若舊况將軍無昔人之罪而勲重於當世夫迷途知反往哲是與不逮而復先典攸高主上屈法申恩吞舟是漏將軍松栢不翦親戚安居高臺未傾愛妾尚在悠悠爾心亦何可言今功臣名將薦行有序佩紫懷黃謹懼懼之謀乘軺建節奉疆場之任並刑馬作誓傳之子孫將軍獨覲顏借命驅馳旄裘

之長寧不衰哉夫以慕容超之強身送東市姚泓之盛面縛西都故知霜露所均不有異類姬漢舊邦無取雜種北虜僭盜中原多歷年所惡積禍盈理至焦爛况偽嬖昏校自相夷戮部落攜離首豪猜貳方當

詞教錄

卷之五

書

與劉孝綽書

梁簡文帝

執別灞池嗣音沮澗合璧不停旋灰屢復玉霜夜下旅雁晨飛想涼燠得宜時候無爽既官寺務煩簿領殷湊等張釋之條理同于公之明察雕龍之才本博靈蛇之譽自高頗得暇逸於篇章從容於文諷頓擁旄西邁載離寒暑曉河未落拂桂棹而先征夕鳥歸

已久載勞寤寐佇聞還驛以慰相思

荅湘東王書

梁簡文帝

暮春美景風雲韶麗蘭葉堪把沂川可浴弟邵南寒
訟時發甘棠之陰冀州為法暫止褰櫳之務唐景薦
大言之賦安汝遠連環之辯盡遊玩之美致足樂乎
吾春初卧疾極成委弊雖西山白鹿懼不能愈子預
赤丸尚憂未振高卧六安每思扁鵲之問靜然四屋
念絕修都之香皇上慈被率土甘露聿宣鳴銀鼓於
寶坊轉金輪於香地法雷警夢惠日暉朝道俗輻湊
詞致錄 卷之五 其

近畢集獨以疾障致隔聞道豈止楊僕有開外之
傷周南起留滯之恨

與蕭臨川書

梁簡文帝

零雨送秋輕寒迎節江楓曉落林葉初黃登舟已積
殊足勞止解維金關定在何日八區內侍厭直御史
之廬尤棘外府且息官曹之務應分竹南川剖符千
里但黑水初旋未申十千之飲桂宮既啓復垂雙闕
之宴文雅縱橫即事分阻清夜西園眇然未赴想征
廬而結歎望桂席而霑衿若使弘農書疏脫還鄴下
河南口占儻歸鄉里必逢青泥之封豨失明之詩

白雲在天蒼波無極瞻之岐路眷慨良深愛護波潮
歌最光彩

荅定襄侯餉卧筆書

梁簡文帝

筠皇多品條蕩雜名校色比奇獨此為貴自含蒼紫
似久暴於柯亭乍舒黝素若屢霑於朝水三伏餘炎
九折成用便可旅食南館高卧北窓

與何胤書

梁昭明太子

園公道勝漢屈節春卿明經孝莊北面况乃義兼
乎此而顧揆不肖哉但經途千里眇焉莫因何嘗不
夢姑胥而鬱陶想具區而杆軸心往形留於茲有年
詞致錄 卷之五 其

載矣方今朱明在謝清風戒寒想攝養得宜與時休
適耽精義味玄理息囂塵玩泉石激揚碩學誘接後
進志與秋天競高理與春泉爭溢樂可言乎樂可言
乎豈與口厭芻豢耳聆絲竹者之娛同年語哉方今
泰階端平天下無事修日養夕差得從容每鑽闕六
經汎濫百氏研尋物理碩略清言既以自慰且以自
警而才性有限思力匪長熱疾憤其神風眩弊其體
多慙過日轉便忘是以蒙求之懷於茲彌軫

與周弘讓書

陳王褒

嗣宗窮途楊朱岐路征蓬長逝流水不歸南北殊方

災涼異節木皮春厚桂樹冬榮攝衛惟宜動靜多豫
賢兄八開歌承開曲猶依杜陵之水尚保東坡之田
鐘跡幽蹊銷聲窮谷何其愉樂幸甚幸甚昔因多
疾亟覽九僊之方晚涉世途猶懷五岳之舉頃年事
道盡容髮衰謝芸其黃矣零落無時還念生涯繁憂
摠集視陰愒日類趙孟之徂年負杖行吟同劉琨之
積慘河陽北遊空思鞏洛灞陵南望唯見長安所貴
書生之魂還依舊里射聲之鬼無恨他鄉浮雲在天
邈無由矣會見之期長無日矣援筆攬紙龍鍾橫集

與徐僕射書

陳尹義尚

詞教錄

卷之五

七

漳濱江渙渺若天涯去鴈歸鴻雲飛難寄瞻言鄉國
泣珠淚而盈懷寤寐德音仰煙霞而疾首既而暑往
寒來愁雲滿塞河水自結非由漢后之軍草露恒嚴
寧假公超之術霜飄虎渠鉅知朔野之寒雪覆龍岑
徒憶清江之煖眷言疇昔邀矣假我係仰清顏頽常
豐勝雍容廊廟特宣匡奉之風偃息康莊無廢怡神
之道其望國窮魂繁憂積歲雖其未殞豈曰生年日
者謬忝後車陪遊上園曾觀禮樂見季子之知音經
奉侍言嗟鄭僑之博物如軍書愈疾之製碑文妙絕
之詞猶貴紙於鄴中尚傳聲於許下逮乎六百之年

仍離再三之酷吉凶禮數綿歷歲時嘗瞻茹辛齊同
艱險每冀穹蒼有感大國矜憫以禮言歸馭驛不
何期龜毛湮淪墜灑漳濱之水逸翮摩霄輕托蓬萊
之頂信知有幸無幸見生死之殊倫才與不才驗沉
浮之異趣昔秦昭趙璧還得連城晉失楚材直亡其
寶自國祚中絕行李不通等避世於桃源同留寓于
僊嶺每瞻牛侯想金陵之聖人今觀皇華知有熊之
建國賓堯仕舜猶是八才緯武經文方儔四貴昔楊
朱岐路悲始末之長離蘇武河梁歎平生之永別雖
復音塵可嗣終隔風雲夢想時通無因觀止依依望

詞教錄

卷之五

七

楚才陰有待百年將半輕生若是命也如何

遺崔順書

隋豫章王

昔漢氏西京梁王建國平臺東苑慕義如林馬卿辭
武騎之官枚乘罷弘農之守每覽史傳嘗竊恠之何
乃脫畧官榮栖遲藩邸以今望古方知雅志彼二子
者豈徒然哉足下博聞強記鈞深致遠視漢臣之三
俊似陟蒙山對梁相之五車若吞雲夢吾兄欽賢重
士敬愛忘疲先築郭隗之宮常置穆生之醴今者重
開土宇更誓山河地方七百牢籠曲阜城無七十苞
舉臨淄大啓南陽方開東閣想得奉飛蓋拽長裾藉

璫筵璫珠優歌山桂之脰塞賦池竹之檀樂其崇貴也如彼其風流也如此幸甚幸甚何樂如之高視上京有懷德相才謝天人多慙子建書不盡言寧俟繁辭

與逸人王真書

隋齊王暕

夫山藏美玉光照廊廡之間地蘊神劍氣浮星漢之表是知毛遂穎脫義感平原孫惠文詞來于東海顧循寡薄有懷髦彥籍甚清風為日久矣未獲披覲良深延佇比高天流火早應涼颺陵雲偃掌方承清露想攝衛攸宜與時休適前園後園從容立壑之情左

詞教錄

卷之五

先

琴右書蕭散烟霞之外茂陵卧病非無封禪之文彭澤遺榮差有歸來之作優游林雅何樂如之屬當藩屏宣條揚越坐棠餘訟事絕詠歌攀桂擣詞眷言高道至於揚旌北渚飛蓋西園託乘乏應劉置醴闕申穆背淮之濱徒聞其語趨燕之客罕值其人卿道冠鷹揚聲高鳳舉儒墨泉海詞章苑囿栖遲衡泌懷寶迷邦徇茲獨善良以於悵今遣行人且宣社意側望起予甚於饑渴相便輕舉副此虛心無信投番之談宣慕鑿坏之逸書不盡言更慚詞費

上吏部裴侍郎書

唐駱賓王

嘗謂理存手象非書無以達其微詞隱乎情非言不以筌其旨僕覽前事每讀古書見高堂九仞曾參負北向之悲積粟萬鍾季路起南游之歎未嘗不廢書輟卷流涕霑衣何者情蓄於衷事符則感形潛於內迹應斯通是布腹心罄瀝肝膽庶大雅含弘之量矜小人惻欵之誠某一藝罕稱十年不調進寡金張之援退無毛薛之遊亦何嘗獻策于時高談王霸街材揚已歷詆公卿不汲汲於榮名不戚戚於卑位蓋養親之故也豈謀身之道哉不圖君侯忽垂過聽禮以弓招之恩任以書記之事擬人則多慙阮瑀入幕則高謝都超昔聶政荆卿刺客之流也田光豫讓烈士之分也咸以勢利相傾意氣相許尚且捐軀燕趙甘死齊韓今君侯無求於下官見接以國士正當陪麾後殿奉節前驅賈餘勇以求榮效輕生而報施遂巡於成命躊躇於從事者徒以夙遭不造幼丁閔凶老母在堂常嬰羸恙慈藎無甘旨之膳松楸乏遷厝之資撫躬存亡何心天地故寢食夢想噬指之戀徒深歲時蒸嘗崩心之痛无極若僕者固名教中一罪人耳何面目以來三軍之事乎况屬天倫之喪毒踰七月違膝下之養忽以三年而凶服之制將終哀疚之

詞教錄

卷之五

手

成興言永慕舉目增傷夫怨於心者東鄰可以
石感於情者至性可以通神明故徐元直扣心
以求辭李令伯陳情以窮訴上以棄興王之佐命下
以全奉親之篤誠而蜀主不以為非晉君待之逾厚
此二者豈貪貪賤惡榮華厭萬乘之交甘匹夫之辱
乎蓋有不得已也儻有乾沒為心脂韋成性捨慈親
之色養許明主以驅馳內忘顧復之私外存傳會之
養薄骨肉厚榮寵苟背恩而自效則君侯何以處之
且義士期乎貞夫忠臣出手孝子既不能推心以奉
母亦焉能死節以事人假物議之無嫌實吾斯之未

詞教錄

卷之十四

五

信也况流沙一去絕塞千里子逆入塞之魂母切倚
聞之望就令歡以卒歲仰南薰之不貲而使憂能傷
人迫西山而何幾君侯情深錫類道叶天經明恕待
人慈心應物儻矜犬馬之微願憫鳥鳥之私情寬其
負恩遂其終養則窮魂有望老母知歸

與程將軍書

唐駱賓王

君侯懷管樂之材當衛霍之任豐功厚利盛德在人
送往事居元勲蓋俗智足以興皇業道足以濟蒼生
尚且屈公侯之尊仲管庫之士念某卑自旌賁之辰
即逢聖明之曆材不經務胡能成佐命之功智不道

時固克包周身之慮加以天資木強不能屈節權門
地隔蓬心不能買名時議常願為仁由己表義於吾
見幾可以絕機無用之為有用隨時任其舒卷與物
同其波流者矣其於木也魯班無所措其鈞繩其於
駕也伯樂無所製其銜策不悟聖朝發明敷之制若
侯緝雍熙之道曲垂提獎廣備游譚猥以檣櫟之姿
忝預賢良之薦當今鴻漸富學麟閣多英非游夏不
可以升堂非夔牙不可以擊節儻使片言失德事暴
區中匹夫竊議語流天下進乖得賢之舉退貽薄德
之譏恐不肖之軀為高明之累必能一盼增價九術

詞教錄

卷之十四

五

先登燕昭為市駿之資郭隗居禮賢之始則當效驚
駟之用飾固陋之心陶鑄堯舜之典謨憲章文武之
遺德上以完三才之能事下以通萬物之幽情勿復
將詞翰為行已外篇文章是立身岐路所恨禁門清
切造別無緣官守牽纏風期有限某尚期辭滿儻泛
孤舟萬里煙波舉目有江山之恨百齡心事勞生無
畧刻之歡嗟乎流水不窮浮雲自遠露襟此別把袂
何時恃以平生之私忘其貴賤之禮

答負半千書

唐駱賓王

辱惠書及詩把翫無厭暫如有叙上言離恨下勗交

惜鳥以猛風乾蘇之談摘以驟雨濕薪之喻雖聞善
則徒道存於起予而擬人失倫事均乎託物借如誠
說蓋足下之所不知儻或劇談豈吾人之所仰望夫
鯢之為魚也潛碧海泳滄流沉鯢於渤海之中掉尾
乎風濤之下而濠魚井鮒自以為可得而齊焉鵬之
為鳥也刷毛羽恣飲啄戢翼於天地之間宛頸乎江
海之畔而雙鳬乘鴈自以為可得而襲焉及其羽化
垂天搏風九萬振鱗橫海擊水三千寧豈借輪於榆
楸假力於在藻資江濱涓流之水待掘泉揚塵之風
故張子房古之達人也擊水搏風之適焉兼買臣古

詞致錄

卷之五

七

之屈士也戢翼沉鯢之致焉足下雅得古人之致不
近先賢之遇自守莊筌無嬰魏網亦寧不知在藻槍
榆之力非擊水搏風之助哉而詞旨慙慙深所未論
蓋言爾志豈若是乎夫人間百年物理千變名利窟
辱之情立矣愛增毀譽之迹生焉有道在則尊德成
而上幽貞為虛白之室靜默為太玄之門知軒冕是
僅來悟榮華非力致苟斯道不墮亦何患乎無成而
欲圖倥倖於權重之交養聲譽於眾多之口斯所以
陽朱徘徊於岐路阮籍怵惕於窮途嗟乎霜徒露來
歲寒不待山高河廣離會無時桂樹寒花公子去而

志近松巖春草王孫遊乎不歸去矣負生遠離隔矣
音塵不嗣情其勞矣畏途空谷靜躁殊矣惠存好我
無容爾音

上雍州高長史書

唐李嶠

蓋聞君子以時消息從道污隆故其處則閉重玄坐
虛白龍盤鳳峙桂郁蘭芬下生川嶽之氣上發星辰
之象其出則摘景光吐文質風雲相召日月爭明撫
八翼而登泰階提七星而酌元氣夫然故終始亨吉
進退利貞其當休明之期推去就之分滄州密邇未
徵嘉遁之文閨閣洞開不列亨衢之步顧嘗希仕尺

詞致錄

卷之五

七

寸狗狻斗升胥僕之與鄰奔走之為役婆娑塵垢之
中蹉跎藩籬之際區區短懷亦云可見抑貧賤寔須
降志顛沛不可違仁是用終夜九迴一朝三省懼斯
言之或玷將細德之為累至於有文無害之政得玉
喪寶之譴服以周旋庶乎聞達然以守其愚直任此
拙宦雖入門無為言之侶出谷罕求聲之援生平琴
曲惟以下調相哀疇昔朋遊詎有中入見識誠不幾
手幽蘭芳蕙實有愧乎枯木朽株自獲忝微班預聞
賤事佩紛綸之雅訓承肅穆之清塵亦曾越嚴序趨
下風希口吻之芳音候眉宇之陽氣而堂上百里驂

明無微器之因門下三千毛遂之慶囊之地雖顛披
心膽進款誠雲漢逾風流遂遠夫客果有能不孤
彈劍之食士實難盡誰知執矢之工此昔人所以慷
慨於神交殷勤於知己者也伏惟某官目門翔照天
池撫翼厨開銘鼎座列歌鍾吐娓娓之言榷堂堂之
望河陽春樹開四照於詞林洞庭秋水清九派於心
鏡若夫標置度量權衡物理蕭公畫策不探弘遠之
規孟子持籌未極精微之數粵若登金閣排玉堂利
見九五差蹤二八或奏昌言伏丹墀而心啓乃廻天
獎憑紫樞而目送南宮秘署出入生光西京神輔指
詞數錄

不卷之五

五

歷成俗固已羽儀振鷺黼黻群龍某家本燕南居臨
趙北負書懷刺方致維衆之禮貴帛翹車幸枉錯薪
之駕愷悌之慈允洽數腴之好不忘洎解褐中林辭
農下邑希光東壁猶是貧女舊鄰激水西江非復達
人前惠鄙賤之質未改提獎之恩已別昔時薑桂早
得因地而生今茲桃李翻以無言受棄豈非時亨其
會命塞其通者乎今餘秩無幾解巾有日便當歛襟
初服收拙後塵何去何從羅龜策之喊茶自開自落
任天地之榮枯宜其卷舌吞聲滅影削跡不垂執事
之紀無煩左右之聽徒恨勤誠累歲而丹慙不通

前彌年而白頭成謬所以低回岐路舒懷心
擗厥而不能已夫引往納來江海所以深屈損上益
下乾坤所以光大是故虛己之求有居位而申道汎
接之愛或開懷而受物若乃崇峻官垣高輪閭奧使
屬睇之目隔逾深而瞻窮仰止之心限彌高而望絕
御賓以之失位簞客以之無門將恐慕義之夫思為
黃鶴之舉企景之客不作真龍之遊願君侯垂古人
之風中國士之分假其白璧之勢接以黃金之言不
念當年要之卒歲則重如熊掌府中饒取義之賓輕
若鴻毛節下有徇生之士敢薦狂妄惟君擇焉

詞數錄

不卷之五

五

荅杜刺史書

唐王績

側聞淵明對菊非復禮義能拘杖夜攜琴唯以煙霞
自適登山臨水適矣忘歸談虛語玄忽焉終夜僻居
南渚時來北山兄弟以俗外相期鄉閭以狂生見待
歌去來之作不覺情親詠招隱之詩唯憂句盡惟天
席地友朋交風新年則栢葉為鐸仲秋則菊花盈把
羅含宅內自有幽蘭數叢孫綽庭前空對長松一樹
高吟朗嘯挈榼携壺直與同志為群不知老之將至
令復整理簪屨脩束精神揖讓邦君之門低昂刺史
之坐遠談精粗近棄醇醪必不能矣亦將恐乃狗貽

嘉稌社見嘲去矣君侯無落吾事

詞致錄

卷之十四

去

小蘭類

荅呂生簿

宋王十朋

某官斯文老匠後進名師不倦學古之心尤高鑄人之手聲望煒燁平生知識最多人物魁梧他日富貴何患行見公朝之薦鶚寧憂小邑之栖鸞願調護於鼎茵佇翺翔於臺閣

與汪中丞

宋楊芳大全

中丞負王佐才為御史長以暴公子之威名而持斧以裝中立之德望而視師風采所加華夏咸聲悍將為之落膽狂虜不敢貫弓一正天下如其仁不有君

詞致錄

卷之十四

去

子其能國大夫出利國家安社稷茲其時哉宰相上佐天子理陰陽執先公者某受知不淺贊喜為多方苦瘡痍之侵復伸祠秩之請望門墻其愈遠瞻履焉而莫遑想旌旆之已旋諒紀綱之益振倚頤大拜續走賀緘

合尖類

代黃主簿上樓倉求合尖 宋播芳大全

瞻使槎於霄漢無地修容抗薄領之塵埃以身得察
聞高標之戍削絕末俗之資緣遂忍耻以自鳴望微
恩於面顧切以為山九仞止虞一簣之虧持綆百尋
斯動三途之望故功莫崇於引重而恩無大於成終
必以為無益而舍之則未有不求而得者伏念某疇
輻百戰渡落一科樓枳棘之叢中但合出朱而入墨
舉芙蓉子木末安知泛綠以依紅偶効役於轅門遂
贅員於幕府文書堆案真成俗吏之為獄訟如絲粗

詞致錄

卷之十

壬九

了癡兒之事兩蒙連率交刺公車惟是緇衣之三章
尚須華袞之一字月明遶樹自憐烏鵲之何依海上
問津或謂斗牛之可訪惟是夙蒙於廉察未嘗得効
於使令冒然有言可謂不韙然苟以平昌之言足信
則或知尹公之取必端徑援筆以點睛當勒銘於刻
骨恭惟某官盛名如畫和氣猶春自其甲進士之科
即合庾佐王之學百川既倒屹砥柱之固存萬木盡
僵凜嶺松之獨秀由曲臺之議禮謂正筆以記言居
然偏城欽此大惠田里之無愁嘆有偉茂庸原隰而
有光華亟將使指福星所照早魃已消然設有膠東

謝茶馬使合尖代

宋李劉

三萬戶之流民必將旬江西斗升水而活我尚煩周
度為此曲防然後遣四牡之歸于以扈六飛之馭思
天地之大矣念人物之眇然歎善鄭來請從隗始主
簿能令公喜今謂斯何使者或不汝容信乎命矣

詞致錄

卷之十

甲

寡助之恨而志士無苟合之期兩不相達一至此極
況如某輩可謂小知緬想舊學之碑有慙元獻不傍
貴人之戶却似小山第恐荒簪笏之家未免厲布韋
之業蓋墮十載於大學僅竊末科草茅一介之狂言
幾於大僇甫息浮湘之世冒隨諭蜀之車錄錄無奇
安有幕中之辯沾沾自喜若為席上之珍偶蒙諸臺
共刺乘矢為山九仞極知一簣之虧撞鐘千鈞此豈
寸莛之力誰其從史辱此吹噓樂莫樂兮相知何敢
急於自衛遲之遲而又久諒欲察其所安好不異於
緇衣褒果踰於華袞退惟內僕反稱疑重之姿正愧

中乾何取純深之學殆微點睛之筆俾紙換骨之丹
人訝其通籍之階宜淹而速自恐負親民之寄雖寵
若驚恭惟某官風鑒精明天機沉邃逶迤苞樹盡周
道之端歸蔽蒂甘棠殆召公之是以峻東壁圖書之
領專西秦權牧之司相馬舉肥恐小駟有足乘之理
煎茶有味思大匠無可棄之材欲令轅下之駒設備
籠中之物故雖弄印迄使在鎔某敢不謹佩此恩力
鞭其鈍公車薦士諒不收私報之情直道事人特此
答曲成之造

詞教錄

卷之十五

空

詞教錄卷之十五

祈告門

朱表類

天慶觀啟建告謝表

宋劉克莊

奉拒曾以精裡已蒙加惠薦蘋蘩而昭荅庸釐微忱
伏願帝鑒孔昭天休滋至九扈奏金穰之喜四時調
玉燭之和

賀玄天上帝生辰表

宋劉千林

玄天立極太古一初皇覽錫嘉莫春三日王女散花
於天際金人捧劍於水心鸞鳳鏘鳴龜蛇扞躍恭惟

詞教錄

卷之十五

一

以虛為體與道合真晞髮陽阿紛總總其離合飛旗
騰霄皇剡剡今揚靈內交水火之精上直虛危之宿
氣清天朗日吉時良敬祀辦香遙瞻帝座九韶一御
造元始觀清都萬歲千秋蕩勾陳觀玄帝

又

氏名缺

長安水裔禊修士女之辰淨樂宮中瑞毓天人之相
沐咸池而晞髮援北斗以酌漿萬聖旁羅八鸞遙昌
恭惟鎮天立極治世存神大轟高牙表獨立兮山上
長劍幼艾焱遠舉兮雲中前招搖以導征後飛廉而
升屬見希有相為特妙尊聞大古八千歲為春秋孰

知紀壽歷玄都四萬劫如旦暮但視長存

賀純陽真人生辰表 宋劉辰翁

佛生五日有開鶴會之祥仙列三陽來集鷺洲之上
俯慙初地仰視後天恭惟與造物以同遊長上古而
不老先天一氣存於丹訣以無窮是月純陽况乃金
精之將滿揆今初度悟此長生共攀方朔之桃來上
安期之棗伏願旁日月遊宇宙乘清氣御陰陽使圯
上一編不絕傳於今日即寰中萬劫始得見於光身

詞致錄

卷之十五

二

青詞類

江西祈雨青詞

宋播芳大全

天惟至仁久寬水旱之譴吏實有罪仰累陰陽之和
既閔雨之歷時敢叩關而請命伏念臣濫膺上指出
使近畿深惟冥頑固陋之資莫副惻怛丁寧之訓徒
積勤於夙夜冀無負於幽明然而風采不足以聳服
豪強惠愛不足以撫綏鰥寡政媮愒日田疇曠陂澤
之修訟積淹時囹圄困圯楊之繫務均力役而或蔽
於所見思廣賑恤而或緣以為姦既莫致於善祥懼
卒罹於饑饉是用諏辰之吉稽首以陳伏望推善貸
詞致錄 卷之十五 三
之慈滂曲成之惠雖有司曠職宜伏雷霆之誅然比
屋何辜流為溝壑之瘠若復未回於洪造遂將絕望
於有秋敢殫皇皇哀迫之誠冒貢悵悵吁嗟之禱庶
格九霄之澤少紓一道之憂稼穡順成儻僅蒙於中
熟里閭疾苦誓靡壅於上聞

謝雨青詞

宋播芳大全

天九關之在上精誠可以徹聞兩三日而成霖枯槁
為之盡起恭陳薄薦冒貢丹衷伏念臣領此偏州迨
今累月上無以布宣寬大而道屯膏之咎下不能撫
摩凋瘵而格解澤之功跼蹐靡遑吁嗟上訴敢謂叢

霄之應曾無決日之淹月離畢以示期山出雲而功
職風霆下擊淵壑交流井汲如初家享一瓢之樂
儲可繼士寬半菽之憂商旅通行道途鼓舞彼有遺
籽此有滯穗方將均惠於惻發冬無愆陽夏無伏陰
更冀黜消於疾癘敢忘兢惕仰對生成

詞教錄

卷之五

四

疏語類

天基聖節道觀啓建疏

宋椿芳大全

聰明而作元后有開繞電之祥富壽以祝聖人肅奏
望雲之請春融藥茂天贊蘿圖伏願道邁崆峒世綿
邦郛洛書五十六字休符丕赫於龜文天皇萬八千
年歷數莫窮於鳳紀

祈雨疏

宋王十朋

旱不自作端縣郡政之荒民亦何辜仰異天心之憫
月厲流火時逢亢陽百穀不得其生群黎無以爲命
咸切望霓之志輒彈請禱之誠閉諸陽而繼諸陰
詞教錄 卷之五 五

乏董生之術油然雲而沛然雨頽興宋國之苗

告文類

祈晴文

宋孝武帝

幽明失序，就陰則滯，連雲霖淫，注而不替，潤既達時，澤而非惠，幸輟霖而吐景，權停風而飲翳，昭驚輅於天郊，光龍旂於田際，未稱得施，黍稷獲藝，增高廩於嘉年，登十千於茲歲。

祀魯山神文

梁邵陵王綸

竊以首山鬱律，表二叔之清風，趙國隱淪，擅三公之靈迹，北坂祠城，流光夜起，東嶺叢室，甘雨晝零，故能徵應不騫，介福無爽，金壇玉宇，是衆妙之遊，邀丹崖詞教錄

卷之五

六

翠幄信靈人之嚮，像霓裳亂蓋，轉月車而競前，駕衆乘豹載靈旗而摠集，江妃漢女含睇來，趙湘娥洛嬋宣言在側，鳴璫撫劍，決席徘徊，絳節陳竿，滿堂繁會，莫椒懷稱之歡，傳厄代舞之樂，桂醪溢於羽樽，蕙肴盈於蘭藉，既醉既飽，景福攸同，不震不騰，神保是格，忽載之薦，已畢慶報之澤，攸先顧化昌而俗阜，俾多祐之在旃，同匪石之無轉，欣滯穗之有年，惟東皇兮戾止，等南山而不騫。

賽嶧山廟文

梁沈約

我皇體天御宇，望日表尊，備樂變乎笙鏞，鬱禮簫於

俎豆，邇無不懷，遠無不肅，鳥革玄素之容，草移丹綠之狀，泉露改味，日月重光，仰惟大王，年踰二百，世無四代，揚玉楸，布瑤席，秦梁楚趙之亞，把瓊茅而延佇，燕衛宋鄭之音，結流風而成曲，九疑之來，蔽日三山之駕，若雲。

詞教錄

卷之五

七

祭文類

祭游丞相文

宋劉克莊

於惟聖宋名相比肩萊公英偉或惜其學之未至疎
水純粹或疑其才之稍偏堂堂克齋庶幾於全其師
旨後溪之密付其家訓忠公之嫡傳其論諫古人之
遺直其文章天下之至言其溫如春其重如山其虛
如谷其靜如淵寶紹之初已抱負夔高之望端嘉而
後遂伯仲韓富之間方爰立皆伏其德量既退處猶
問其貌年儻斯世之欲治蓋再秉乎化權意歸泉之
有日忽騎箕而登天懷善類之相吊致遺恨於逝川

詞教錄

卷之五

八

惜當國之尤淺竟齋志於重泉使久居於朝
死於挽率其立政與造事必掩後而光前烏厚軫之
謂愛公可也要未為知公者焉祁國梁溪僅儀數席
上印而去不失為賢苟為不然雖久且專路公晚節
出涕於落旄鉞槐相遺命祝髮以易貂蟬孰如我公
得閒於亡恙之日辭寵於未厭之先於心無一毫之
倖矣是氣塞兩間而浩然宜乎生荷重名發錫美謚
勒之鍾鼎垂之簡編言念昔者甲午初元麟寺樞府
兩相周旋每嘉史草亦獎奏篇公既登庸我復招延
十年九斥一日驟遷本典故之稀闊越尺度之拘攣

雖薄才慙于韓祿然昭代法乎淳乾在廷斷斷獨公

惓惓曾不旋踵局面復翻公去廊廟我歸田園去夏

浪出宿痾沈綿作書訣公駢履蒼牋我猶偷生公為

飛士懷一飯矧出陶甄道之云遠阻哭墓阡紫銖

卑謫螻鯀酸寒追記丙午攝乏披垣偶偕竹湖訪公

留連合詞勸公時事實難方欲為國立太平之基豈

可使身無一日之安公拱手曰某有去耳子各勉旃

其詞之嚴色之毅吾二人者退而嘆曰此其所以為

果山歟烏虜公與竹湖莫起九原我著斯言以俟史

官

詞教錄

卷之五

九

祭蔡大參文

宋葉夢鼎

山頽木壞哲人其萎此非人事之細故端有關世道
之盛衰文公既沒學出多岐高者馳幻誕之說拘者
泥文義之疑矯者竊形似以蓋空虚之質恠者飾艱
深以文淺近之辭不有耆英孰挈綱維惟公以西山
九峰為祖為父節齋覺軒為友為師合全體之大用
於實踐收善類之命脉於瀕危一語弗酬接浙而馳
故道合則黃扉紫闥重金而疊組不合則蘆峯雲谷
幅帽而深衣何蒼生之無福而天不憖一老之遺
依公通德閱歲特期昔賦明月而慨千里之隔今望

脩舍而無一會之期痛死生之永訣庸殄瘁以與悲
惟醉薦枕匪哭吾私

又

宋搢芳大全

嗚呼我登公門近甫踰月樽俎笑言欲猶未歇胡為
轉頭遽成死別駭計書之儻來為痛哭而摧裂哀哉
一見之頃乃為千古之闊嗚呼惟公襟懷陽春志操
玉雪聖處窮探國慮深切引裾廷爭中嘗激烈拂衣
遠逝曉更永訣逝而笑傲東山之野猶壁立南都之
鐵天胡不相於斯文遽殞此堂堂之傑昔嘗誦王會
稽之語曰人物方眇然而蔡公遽如此令人氣短而
詞數錄 卷之五

傾何暇筆舌

祭工部侍郎程公元岳文 宋方回

嗚呼公之面不可得而見矣公之所以為人猶可得
而言是嘗處山林而有臺閣之氣遊場屋而有縉紳
之風者乎有衛玠之丰神而不為西晉之清曠者乎

黃憲之襟度而不尚東都之崖異者乎孝弟兩全
而內行無憾者乎忠恕一視而外交無間言者乎
俗之下久矣落落者不可與圖合皎皎者不可與謀
全抑士以此出而不遇也非特風俗之敝亦氣質之
偏有以召之蓋士方奮然欲為所為稜角鋒撐光芒
發露未形論諫已聞強直之聲未試經綸已見激昂
之意於是乎不羈之謗難御之疑推不去矣然或有
鑒於此折而從彼者則未免枯於物欲之蔽以枉取
直以屈求伸小則熟爛衰頹大則依阿附和利其同
已者稍喜之而心鄙之者亦不勝其衆則士亦何便
於此由是二人而觀之與其敝也寧偏雖然又孰若
敝與偏俱無如我公者哉和風慶雲盎然春生大圭
拱璧渾然天成此上之人所以樂於汲引而下之人
所以不至於旁觀而嚴憚者也一旦為學省官蹈虎
尾拔鯨牙去宰相所不能去之巨璫諫行身黜浩然
賦歸而後天下知公非一於柔者景咸之間騫翔言
路霆轟電擊風拉霜摧怪魅妖魍縮舌破膽賈貴矣
未嘗有絲毫嫖戀名位意未幾丐郡奉親回嘗謂公
其稟也粹故人不得以所忌者病已其學也醇故人
不得以所喜者誘已不偏於氣質而又不蔽於物欲

斯近世之人豪也。吾意公將為泰父之九三。包天下之荒而回也。亦不遐遺。豈謂命不可測。而變為離九三。鼓缶之歌。人物彫殘。世道狹阨。公則已矣。進乃有。一種卑汗淺陋之士。敢以霸心。雄氣行之。慙慙。不敢以直辭正色行之。朝廷能以深機險穽。施之朋友。而不能以忠肝義膽。施之君父。願指氣使。尾高。起揚。可以誑其僕妾子弟。而色厲內荏。外強中乾。不可以誑天下士大夫。嗚呼。此等人不死而公乃死邪。回賊。姿甚拙。蒙賞特深。說項之言。猶存。依劉之念。永已。門陰伏聞。訃驚號。几筵在陳。空言寓真。惟公神來。

詞政錄

卷之五

士

歎文類

王晨觀別脩功德歎道文

文苑英華

原夫襄城迷往。明牧童之可求。函谷知來。顯至人之所得。固以宵寘。孰有恍惚。非無獨見。且垂多岐。復與道之遠也。庸可量哉。今屬鴻鴈賓。秋飭羊司。玃其等。奉為皇帝存誠。香火。冥懇。雲天。希用專精。默諧禱望。伏願災消。中夏稔穰。穡以盈箱。兵息南溟。鑄戈鋌而益柱。熙後五行。皆序四維。畢張歌我。舜風。復此周道。

謝琰錄

卷之五

十三

榜類

請致道住持酒榜

宋程敦厚

王無功著五斗先生傳大誇物外之高蹤杜子美作
八僊飲酒歌成說杯中佳趣蓋絕塵離俗之士多
飛觴舉白之人憑羨酣以養生集醪醪而去病聞中
山之酒千日孰不流涎傳南都之醪十旬皆相慕義
投于江以破句踐巵為雨以救成都為世外之逍遙
遊唱天上之步虛曲事屬高道理絕常人共惟某人
祿謝萬鍾味思九醞同聖賢于一致混醉醒于兩忘
一斗百篇喜謫仙之狂筆三行百拜笑吾教之煩文

詞教錄

卷之五

十四

類玉山而屢接高標解金貂而常逢貴客不鄙宜城
之竹葉何嫌南國之榴花蘇東坡昔日之松醪常供
痛飲阮步兵公厨之綠醪曾發酩酊欲求文學之蟬
不空顧許周顗之量難敵今也火雲威熾玉露將零
聞袁紹河朔之遊思陪邂逅說山公高陽之會亦欲
臨池鶴馭未行金壘已到道宇之生涯淡泊沉酒而
不至破家山觀之氣味清虛荒耽而無憂敗度況坐
有神仙之客門無榛雜之賓吐丙吉之車中貴人不
給卽卓之甕下酒家無辭宜同濟濟之人共適陶
陶之性後會難再高風莫禁雲馭他年集眾真共碧

落霓旌異日講盛宴於蓬萊事未可知茲不復道

詞教錄

卷之五

十五

序

三月三日曲水詩序

南宋顏延之

東方第既載皇王之迹已殊鍾石畢陳舞詠之情不一雖淵流遂往詳略異聞然其宅天衷立民極莫不崇尚其道神明其位拓世貽統固萬葉而為量者也

有宋函夏帝圖弘遠高祖以聖武定鼎規同造物皇上以敝文承曆景属宸居隆周之卜既永宗漢之兆在焉正體毓德於少陽王宰宣哲於元輔畧緯昭應

詞教錄

卷之十六

山瀆效靈五方雜遘四噢來暨選賢建戚則擇之於茂典施命發號必酌之於故實大予協樂上庠肆教章程明密品式周備國容眡令而動軍政象物而具箴闡記言校文講藝之官采遺於內轡車朱軒懷慕振遠之使論德於外穎並素羣并柯共穗之瑞史不絕書棧山航海踰沙軼漠之貢府無虛月烈燧千城通驛萬里穹居之君內首稟朔丹服之首迴面受吏是以異人慕嚮俊民間出警蹕清夷表裏悅穆將徒縣中宇張樂岱郊增類帝之官飭禮神之館金歌邑誦以望屬車之塵者久矣日纏胃維月軌青陸皇祇

始后王布和之辰思對上靈之心以惠庶萌

之節加以二王于邁出餞戒告有詔掌故爰命司曆獻飲之禮具上巳之儀南除輦道北清禁林左闕巖墜石梁潮源略亭阜路芝廕苑太液懷魯山松石峻崦葱翠陰烟游泳之所攢萃翔驟之所往還於是離宮設衛別殿周微旌門洞立延帷接抵閤水環階引池分席春官聯事蒼靈奉塗然後升秘駕亂緹騎搖玉鑾簇流吹天動神移淵旋雲被以降於行所禮也既而帝暉臨幄百司定列鳳蓋俄軫紅旗委旃肴藪芬藉觴醪泛浮妍歌妙舞之容銜鈕樹羽之器三

詞教錄

卷之十六

二

奏四上之調六莖九成之曲競氣繁敷合變爭節龍文飾鸞青翰侍御華商殷至觀聽鶩集揚袂風山舉袖陰澤靚紫藻野衮服緝川故以殷賑外區煥衍都內者矣上膺萬壽下提百福布筵稟和闔堂依德情盤景遽歡洽日斜金駕總駟聖儀載佇悵釣臺之未臨慨豐宮之不縣方且排鳳闕以高遊開爵園而廣晏並命在位展詩發志則夫誦美有章陳信無愧者歟

三月三日華林園馬射賦序

梁庾信

巡洛夏后瑤臺之上或御二龍周王玄圃之前猶駭
八駿戒大周之創業也南正司天北正司地平九黎
之亂定三危之罪雲紀御官鳥司徒職皇王有秉曆
之符玄珪有成功之瑞豈直天地合德日月光華而
已哉皇帝以上聖之姿膺下武之運通乾象之露啟
神明之德夷典秩宗見之三禮變為樂正聞之九成
克已備於禮容威風總於戎政加以卑宮菲食皂帳
綈衣百姓為心四海為念西郊不雨即動皇情東作
未登彌迴天眷兵革無會非有待於丹鳥官觀不移

詞教錄

卷之十六

七

故無勞於白燕銀筵金船山車澤馬豈止竹簞兩草
共垂甘露青赤三氣同為景星雕題鑿齒識海水而
東王烏戈黃皮驗東風而受吏於時玄鳥司曆蒼龍
御行羔獻冰開桐葉萍生皇帝幸於華林之園玉衡
正而泰階平間闔開而勾陳轉千乘雷動萬騎雲屯
落花與芝蓋同飛楊柳共春旗一色乃命群臣陳大
射之禮雖行拔楔之飲即用春蒐之儀止立行宮裁
舒帳殿陛無玉壁既異河間之碑戶不金鋪殊非許
昌之賦洞庭既張承雲乃奏騶虞九節狸首七章正
飾五彩之雲壺寧百福之酒唐弓九合冬幹春膠夏

青瑩赤羽於是選朱汗之馬校黃金之
不飲羽御竿吟猿落馬鐘鼓震地埃庭漲天酒以
行饒由鼎進彩則錦市俱移錢則銅山合徒太史
鼓而論功司馬張旃而賞獲上則雲布雨施下則山
藏海納實天下之至樂景福之歡欣者也既若本
低金波欲上天顧惟穆賓歌惟醉雖復暫離北關聊
晏西城即同鄴水之朝更是岐山之會小臣不舉
詔為文以管窺天以蠡酌海盛德形容豈陳梗槩

滕王閣序

唐王勃

詞教錄

卷之十六

四

南昌故郡洪都新府星分翼軫地接衡廬襟三江而
帶五湖控蠻荆而引甌越物華天寶龍光射牛斗之
墟人傑地靈徐穉下陳蕃之榻雄州霧列俊彩星馳
臺隍枕夷夏之交賓主盡東南之美都督閻公之雅
望榮戟遙臨宇文新州之懿範謠帷暫駐十旬休暇
勝友如雲千里逢迎高朋滿座騰蛟起鳳孟學士之
詞宗紫電清霜王將軍之武庫家君作宰路出名區
童子何知躬逢盛饌時維九月序屬三秋潦水盡而
寒潭清煙光凝而暮山紫儼驂駟於上路訪風景於
崇阿臨帝子之長洲接神僊之舊館層巒聳翠上出

飛閣流丹下臨無地鶴汀鳬渚窮島嶼之繁
勝蘭宮列岡巒之體勢披綉閣俯雕甍山原
盈視川澤盱其駭瞻閭闔撲地鍾鳴鼎食之家
迷津青雀黃龍之軸紅銷雨霽彩微雲衢落霞
鷺鷥飛秋水長天一色漁舟唱晚響窮彭蠡
鴈陣驚寒穀斷衡陽之浦遙吟俯唱逸興遄飛
蒹而清風生纖歌凝而白雲遏睢園綠竹氣凌
之樽鄴水朱華光照臨川之筆四美具二難并
窮睇眄於中天極娛遊於暇日天高地迥覺宇
興盡悲來識盈虛之有數望長安於日下指吳
詞教錄 卷之六
雲間地勢極而南溟深天柱高而北辰遠關山難越
誰悲失路之人萍水相逢盡是他鄉之客懷帝閭而
不見奉宣室以何年嗚呼時運不齊命途多舛馮唐
易老李廣難封屈賈誼於長沙非無聖主竄梁鴻於
海曲豈乏明時所賴君子安貧達人知命老當益壯
寧知白首之心窮且益堅不墜青雲之志酌貪泉而
覺爽處涸轍以猶懼北海雖賒扶搖可接東隅已逝
桑榆非晚孟嘗高潔空懷報國之心阮籍猖狂豈效
窮途之哭勃三尺微命一介書生無路請纓等終軍
之弱冠有懷投筆慕宗慤之長風含簪笏於百齡奉

展啓於萬里非謝家之寶樹接孟氏之芳鄰他日過
庭叨陪鯉對今晨捧袂喜託龍門楊意不逢撫凌雲
而自惜鍾期既遇奏流水以何慚嗚呼膝地不常感
楚難再蘭亭已矣梓澤丘墟臨別贈言幸承恩於偉
餞登高能賦是所望於群公敢竭鄙忱恭疏短引一
言均賦四韻俱成
送并州吳上人詩序 唐楊炯
三元日月不能改弦望之期四序炎涼不能移變通
之運况乎人生天地嶽鎮東西良時美景始電激而
雲蒸臨水登山忽風流而雨散道其常也復何言哉
詞教錄 卷之六
上人天骨多奇神情獨王法門梁棟豈非龍象之輝
晉國英靈即是河汾之寶道尊德貴所以名稱並聞
盡性窮神所以身心不動徧觀天下暫游城關劉真
長之遠致雅契高風習鑿齒之宏才深期上德芝蘭
一面暫悅新知垂棘連城將游舊府鷄山法衆餞行
於素漣之濱麟閣良朋祖送於青門之外是日也河
山雨氣原野秋陰風煙淒淒而禁籞寒草木落而城隍
晚雲中振錫有如鴻鵠之飛水上乘杯更似神僊之
別左右為之魂動金石由其色變恒山岱岳看寶鼎
於風雲帝里神州對長河之落日兩鄉綿邈何當惠

遠之遊千里相思空有關山之望群賢會議咸可賦
詩題其爵里編之簡牘

送朝監還日本國序

唐王維

舜觀群后有苗不格禹會諸侯防風後至動干戚之
舞興斧鉞之誅乃貢九牧之金始頒五瑞之玉惟我
皇上大道之行先天布化乾元廣運涵育無垠若華
為東道之標戴勝為西門之候豈甘心於却杖非微
貢於苞茅亦由呼韓來朝舍於蒲萄之館昆彌遣使
報以蛟龍之錦犧牲玉帛以將厚意服食器用不寶
遠物百神受職五老告期况乎戴髮含齒得不稽顙
詞數錄 卷之六 七

屈膝海東諸國日本為大服聖人之訓有君子之風
正朔本乎夏時衣裳同乎漢制歷歲方達總舊好於
行人滔天無涯貢方物於天子同儀加等位在王侯
之先掌次改觀不居蠻夷之邸我無爾詐爾無我虞
彼以好來廣閑弛禁上敷文教虛至實歸故人民雜
居往來如市朝司馬結髮遊聖負笈辭親問禮於老
聃學詩於子夏魯借車馬孔丘遂適於宗周鄭獻編
衣季札始通於上國名成太學官至客卿必齊之美
不歸娶於高國在楚猶晉亦何獨於由余遊宦三年
願以君羹遺母不居一國歎其畫錦還鄉莊舄既顯

而思歸關羽報恩而終去於是稽首北闕裹足東轅
篋命賜之衣懷敬問之詔金簡玉字傳道經於絕域
之人方鼎爨樽致分器於異姓之國瑯邪臺上迴望
龍門碣石館前爰然鳥逝鯨魚噴浪則萬里倒迴鷄
首乘雲則八風卻走扶桑若薺薺島如萍沃白日而
簸三山浮蒼天而吞九域黃雀之風動地黑蜃之氣
成雲森不知其所之何相思之可寄嘻去帝鄉之故
舊謁本朝之君臣詠七子之詩佩兩國之印恢我王
度論彼蕃臣三寸猶在樂毅辭燕而未老十年在外
信陵歸魏而逾尊

詞數錄

卷之六

初春於圭峰送益府賓客軍宴詩序

唐駱賓王

分首三秦馳情千里青天白日非舊國之春秋玉笋
金樽是他鄉之杯酒况復圭峰南望切登高之情渭
水北流動臨川之嘆於時寒光將歇春景未華殘雪
飄花猶開六出輕冰涵鏡未解三川晨風軫孫楚之
情岐路下楊朱之淚雖載言載笑賞風月於離前而
一詠一吟寄心期於別後詩言志也可不云乎

上官昭容文集序

唐張說

側聞七轍無主緯呂綜其和五綵無章黼黻交其麗

之寶大王以是經天地究人神開寂寞鑑幽昧文之
辭義大矣其上官昭容者明洲挺生才華絕代敏識
聰瞻探微錯幽開卷海納宛若前聞搖筆雲飛咸同
宿構景龍之際六合清謚內峻圖書之府外開修文
之館搜英獵俊野無遺才右職以精學為先大臣以
無文為耻每豫遊宮觀行幸河山白雲起而帝歌翠
華飛而臣賦雅頌之盛與三代同風豈惟聖后之好
文亦六與主之協讚者也古者有女史記功書過復
有女尚書決事官閣昭容兩朝專美一日萬機顧問

詞教錄

卷之十六

九

不遠應接如響雖漢稱班媛晉譽左嬪文章之道不
備佳之功則異迹秘九天之上身沒重泉之下嘉
猷令範代罕得聞庶姬後學烏乎可仰然則太君據
四海之圖懸百靈之命喜則九圍挾纊怒則千里流
血靜則黔黎又安動則蒼眈罷敝入耳之語諒其難
手貴而勢大者疑賤而禮絕者隔近而言輕者忽遠
而意忠者忤忤寄寢柔曼誘掖善心忘味九德之衢
傾雲六藝之圃故登岷巡海之意寢剪胡刈越之威
息峻臺琬服之態消從禽嗜樂之端廢獸使溫柔之
教漸於生人風雅之殷流於束葉非夫玄黃毓粹

思泉妙扶識群靈挾志誕異人之寶授興王之
其孰能臻斯懿乎鎮國太平公主道高帝妹才
王人昔嘗共遊東壁同宴北渚條來忽往物在人亡
惘離瑄之殘言悲素扇之空曲上聞天子求榭房之
故事有命史臣叙蘭臺之新集

秋日於益州李長史宅宴序

唐駱賓王

夫以五岳樓真直眇清溪之上六爻與遐寂冥滄海
之濱斯並激俗矯時獨善之風自遠懷材韞價無濟
之道未弘某官玄牝凝神虛舟應物得喪雙遺巢由

詞教錄

卷之十六

十

與許史同歸寵辱兩存廊廟與山林齊致乘展驥之
餘暇俯沉屨以開筵曲浦澄漪似對任棠之水茅亭
興洽如歸山簡之池加以秋水盈襟寒郊滿望洲渚
肅而蕙葭變風露凝而荷芰疎忘懷在真俗之中得
性出形骸之外雖四子講德已頌美於中和而五際
陳詩未形言於大雅爰命虛諛題其序云弁側山頽
自有琴歌留客操瓢染翰非無池水助人盡各賦詩
貳貽樂事

暮春太師左右丞相諸公於韋氏逍遙谷

燕集序

唐王維

姑射人蓋方外海有蓬瀛地非宇下逍遙谷天
近者上官有之不虞大倫存乎小隱跡空峒而身
未緩朝承明而暮宿青鸞故可尚也先天之君俾
有省歡心格於上帝喜氣降為陽春時則賓客王
公黼衣方領垂璫珥筆詔有不名命無下拜熙天工
者坐而論道典邦教者官司其方相與察天地之和
八神之泰聽於朝則雅頌矣問於野則賡歌矣乃曰
猗哉至理之代吾徒可以酒合讌樂考擊鐘鼓退於
彤庭選辰擇地右班劍駟六駟畫輪載轂羽幢先路
以詣夫逍遙焉神臯藉其綠草驪山啟於朱戶渭之
詞教錄

卷之十六

上

美竹客之嘉樹雲出其棟水源於室瀟陵下連手萊
地新豐半入於家林館層巖檻側陋師古節儉惟新
升聖巖谷先曙義和不能信其時卉木後春句芒不
能一其令花遲窈窕蘅皋連漪驂御延佇於叢薄珮
玉升降於蒼翠於是外僕告次獻人獻鮮樽以大罍
烹用五鼎木器擁腫即天姿以為飾沼毛蘋繁在山
廬而可薦伶人在位雲綺始敷齊瑟懷慨於座右趙
舞徘徊於白雲哀流松風珠翠煙露日在蒙汜群山
夕嵐猶有濯纓清涼據梧高詠與松喬為伍是義皇
上人且三代之後而其君帝舜九服之內而其俗華

一時嘆而不書罪在司禮竊賢楚傳常詣茅堂之
俗作謝右軍忽序蘭亭之事蓋不獲命豈曰能賢

冒雨尋菊序

唐駱賓王

白帝徂秋黃金睽友解塵成契冒雨相邀問涼燠則
鴻鴈在天叙交遊則芝蘭滿室砌花舒氣還同載酒
之園岸葉低松直汎維舟之浦參差遠岫緇雲將野
鶴俱飛滴瀝空庭竹響共兩轂相亂抑折巾於書閣
行閣飄颻挹雅步於琴臺坐聞流水字中秣北競落
文河筆下蛟龍爭投學海珠簾映水風生曳露之濤
詞教錄

卷之十六

上

錦石封泥苔濕印龜之岸泛蘭英於戶牖座接難談
下木葉於中厨池烹野鴈墜白花於濕桂落紫蒂於
疎藤雖物序足悲而人風可愛留姓名於金谷不謝
李倫混心迹於玉山無慙叔夜

記類

東山記

唐張說

東山體含真靜思叶幽曠雖翬亮廊廟而緬懷林藪
山曲有別業鳥嵐氣入野榛煙出谷石潭竹岸
松籥藥碗虹泉電射雲木虛吟惚恍疑夢間閑忘歸
茲所謂丘壑變龍衣冠巢許幸溫泉之歲也呈上聞
而賞之廼命掌舍設幣金吾劃次太官載酒奉常抱
樂停輿輦青霽佇輦綸於紫氣百神期於谷口千
官飲乎池上緹騎環山朱旆焰野絕觀室巷途歌傳
壑是日即席拜公逍遙公名其居曰清虛原幽棲谷

詞致錄

卷之十六

主

景移樂極天子賦詩王后帝女竈嬪邦媛歌焉和焉
以寵德也加以中宮敷序謂我諸兄引內子於重幄
見兒童於行殿家人之禮優崇棣之詩作於是實其
筐簞下以昭忠信之獻賁其束帛上以示慈惠之恩
朝野歡并君臣義洽夫飛翠華歷炎嶺至道之主也
紆紫綬期赤松素履之輔也千載一時難乎此遇故
雨唯合舍衆星聚德雅道光華高風久塞寒谷魚景
露崖潤色猗猗盛事振古未有篆之玄石貽代厥後

號州三堂記

唐呂溫

應龍乘風雲作雷雨退必蟠螭以全其力君子役智

全則精用不竭深山大澤其所以蟠螭乎高齋清池
其所以宴息乎號州三堂者君子宴息之境也開元
初天子思二南之風並進宗英共持理柄龍大而近
匪親不居時惟五王出入相授承平易理逸政多暇
考卜惟勝作為三堂三者明臣子在三之節掌者勵
宗室克構之義豈徒造適亦實垂謹居德樂善何其
盛哉然當時漢同家人魯用王禮棟宇制度非諸侯
居後刺史馬君錫因其頽侈始革基構豐而不侈約
而不陋以琴樽詩書之幽素易綺紈鍾鼓之繁喧惟

詞致錄

卷之十六

十四

林池煙景不讓他日觀其廣踰百畝深入重廊迴
屈盤脊島交映溟渤轉於環堵蓬壺起於中庭浩
天成孰曰智及春之日衆木陰坼岸鋪金纖沈滄
耀其水五色於是乎襲馨櫛奇方舟逶迤樂魚時翻
飄葉雪飛泝沁環迴隱映差池咫尺迷路不知所歸
此則武陵僊源未足以極幽絕也夏之日石寒水清
松密竹深大柳起風甘棠垂陰於是濯纓漣漪解帶
升堂畏景火雲隔林無光虛甍沈沈皓壁如霜弱扇
不操南軒清涼此則楚襄蘭臺未足以滌炎鬱也秋
之日金殿掃林翳鬱洞開太華爽氣出闕而來於是

手絃琴端居景物廓如月委皓素水涵空虛鳥驚寒
沙露滴高梧境隨夜深疑與世殊此則庾公西樓未
足以澹神慮也冬之日同雲千里大雪盈尺四眺無
路三堂虎白於是乎置酒褰帷凭軒倚檻瑤階如真
玉樹羅生日暮天霽雲開月明冰泉潺潺終夜有聲
此則子猷山陰未足以暢吟嘯也於戲不離軒冕而
踐夷曠之域不出戶庭而獲江海之心趣近懸解跡
同大隱序閨四時之勝節宣六氣之和貴而居之可
曰厚矣若知其身既安而思所以安人其性既適而
思所以適物不以自樂而忽鯁寡之苦不以自逸而

詞教錄

卷之十六

五

忘稼穡之勤能推是心以惠境內則良二千石也方
今人亦勞止上思又息州郡之選重如庭臣由是南
陽張公輟揮翰之任受剖符之寄遊刃而理此焉坐
肅靜政令若水木全戶民如魚鳥馴致其道闇然日
章小子以通家之愛獲拜牀下且齒諸子侍坐於三
堂見知惟人不敢無述捧筆避席請書堂陰俾後之
人知此堂非上燕遊亦可以觀清淨為政之道

論類

廣絕交論

梁劉峻

客問主人曰朱公叔絕交論為足乎為非乎主人曰
客奚此之問客曰夫草蟲鳴則阜螽躍雕虎嘯而清
風起故細緼相感霧涌雲蒸嬰鳴相召星源電激是
以王陽登則貢公喜罕生逝而國子悲且心同琴瑟
言鬱郁於蘭茝道協膠漆志婉變於墳簞聖賢以此
鏤金版而鐫盤孟書玉牒而刺鍾鼎若乃匠人輟成
風之妙巧伯子息流波之雅引范張歎歎於下泉尹
班陶陶於永夕絳繹縱橫烟霏兩散巧歷所不知心
詞教錄 卷之十六 七

計莫能測而朱益州汨鼻叙粵謨訓揠直切絕交遊
比黔首以鴈鸕婉人靈於豺虎蒙有猜焉請辨其惑
主人忻然而笑曰客所謂撫絃微音未達燥濕變響
張羅沮澤不覩鴻鴈雲飛蓋聖人握金鏡闡風烈龍
驤虓屈從道汙隆日月聯辭贊壺壺之私致雲飛雷
薄顯棣華之微旨若五音之變化濟九成之妙曲此
朱生得玄珠於赤水謨神庖而為言至夫組織仁義
琢磨道德徵其愉樂極其陵夷寄通達於下遺跡
江湖之上風雨急而不輟其音霜雪零而不渝其色
斯賢達之素交歷萬古而一遇逮叔世民訛狙詐威

起谿谷不能踰其險鬼神無以究其變競毛羽之輕
趨雖刀之末於是素交盡利交與天下蚩蚩鳥驚雷
駭然利交同源派流則異較言其畧有五術焉若其
寵釣董石權壓梁竇雕刻百工鑪錘萬物吐漱興雲
雨呼喻下露露九域聳其風塵四海疊其燠灼靡不
望影星奔藉響川驚雞人始唱鶴蓋成陰高門旦開
流水接軫皆願摩頂至踵陳膽抽腸約同要離焚妻
子誓徇荆卿港七族是曰勢交其流一也富埒陶白
貲巨程羅山擅銅陵家藏金穴出平原而聯騎居里
閨而鳴鐘則有窮巷之賓繩樞之子冀膏燭之末光

詞致錄

卷之十六

七

邀潤屋之微澤魚貫見躍庭沓鱗萃分鴈驚之稻梁
需王竿之餘瀝銜恩遇進款誠援青松以示心指白
水而旌信是曰賄交其流二也陸大夫譙喜西都郭
有道人倫東國公卿貴其籍甚搢紳羨其登僊加以
歛頤賦頻涕唾流沫騁黃馬之劇談縱碧雞之雄辯
叙溫煥則寒谷成暄論歲苦則春叢零葉飛沉出其
顧指榮辱定其一言於是有弱冠王孫綺紉公子道
不挂於通人轂未適於雲閣攀其鱗翼丐其餘論附
騏驥之旄端軼歸鴻於碣石是曰談交其流三也陽
舒陰慘生民大情憂合歡離品物恒性故魚以泉涸

而煦沫鳥因將死而哀鳴同病相憐綴河上之悲曲
恐懼實懷昭谷風之盛典斯則斷金由於湫隘勿顛
起於苦蓋是以伍負濯漑於宰嚭張壬撫翼於陳相
是曰窮交其流四也駢驚之倫澆薄之俗無不操權
衡秉纖續衡所以揣其輕重續所以屬其鼻息若衡
不能舉續不能飛雖顏冉龍翰鳳雛曾史蘭薰雪白
舒向金玉淵海卿雲蔽散河漢視若遊塵遇同土梗
莫肯費其丰菽罕有落其一毛若衡重鎚銖續微影
撇雖共工之蒐慝驪堯之掩義南荆之跋扈東陵之
巨猾皆為匍匐逶迤折枝舐痔金膏翠羽將其意脂

詞致錄

卷之十六

八

韋便辟導其誠故輪蓋所遊必非夷惠之室苞苴所
入實行張霍之家謀而後動毫芒寡忒是曰量交其
流五也凡斯五交義同賈粥桓譚譬之於關關林回
論之於甘醴夫寒暑遞進盛衰相襲或前榮而後悴
或始富而終窮或初存而末亡或古約而今泰循環
翻覆迅若波瀾此則徇利之情未嘗異變化之道不
得一由是觀之張陳所以凶終蕭朱所以隙末斷焉
可知也而翟公方規然勤門以箴客何所見之晚因
此五交是生三累敗德殄義禽獸相若一累也難固
易携譬訟所聚二累也名陷譽喪貞介所羞三累也

古人知三弊之為梗懼五交之速尤故王丹威子以
橫楚朱穆昌言而示絕有旨哉近世有樂安任昉海
內髦傑早縮銀黃夙昭民譽通文麗藻方駕曹王英
特俊邁聯橫許郭類田文之愛客同鄭莊之好賢見
一善則盱衡扼腕遇一才則揚眉抵掌雌黃出其肩
吻朱紫由其月旦於是冠蓋輻輳衣裳雲合輜輶
轉坐客恒滿蹈其間闕若升闕里之堂入其奧陽
登龍門之阪至於顧盼增其倍價翦拂使其長鳴
組雲臺者摩肩趨走丹墀者疊跡莫不締恩狎結
繆想莊惠之清塵庶羊之微烈及瞋目東粵歸轍洛
南數錄
卷之六
光

浦總帳猶懸門罕漬酒之彥墳未宿草野總動輪
賓競爾諸孤朝不謀夕流離大海之南寄命郵馬之
地自昔把臂之英金蘭之友曾無羊舌下泣之仁
慕邱成分宅之德嗚呼世路險巇一至於此太行孟
門豈曰漸絕是以取介之士疾其
切製棠果
之長驚獨立高山之頂歡與麋鹿同群
雲濁誠耻之也誠畏之也

文類

上梁 勸農 移文

秋崖新居上梁文

宋方岳

折腰五斗米未寒鷗鷺之盟蓋頭一把茅聊作龜魚
之主浩然小築雅矣俸遊秋崖老子本自犁鋤誤親
華硯朋友相遇而問字勸趨文石之班君王頗說其
能詩每與儒臣之選政爾細書於冊府誰令贊畫於
軍門如彼同僚可羞噲伍退而問舍孰與仲多引歸
袖而拂天星攜簡書而卧雲壑百十年相公碑下久
矣寂寥數月間工部眼前忽焉突兀山林有味花柳
詞數錄
卷之六
年

無私鍾山之英草堂之靈當識秋崖此意太虛為室
明月為燭未問康廬主人咨爾工師聽予謹頌

建英德殿上梁文

宋王安石

天都左界帝室中經誕惟僊聖之祠夙有神靈之宅
嗣開宏構追奉睟容方將廣舜孝於無窮豈特尚漢
儀之有舊先皇帝道諒五泰德貫二儀文摘雲漢之
章武布風霆之號華夏歸仁而率屬蠻夷馳義以駿
奔清蹕甫傳靈輿忽往超然姑射山無一物之疵迨
矣壽丘臺有萬人之畏已葵鼎湖之弓劍將游高廟
之衣冠今皇帝孝奉神明恩涵動植纂禹之服期成

萬世之功見堯於堯未改三年之政乃眷董倫之吉
壤載管館御之新宮喜協前彞述追先志孝嚴列峙
寢門可象於平居廣拓旁開輦路故存於陳迹官師
肅給斤築隆施揆吉日以庀徒舉脩梁而考室敢申
善頌以相歡謠

代申嚴州勸農文

宋陸游

蓋聞為政之術務農為先使衣食之粗充則刑辟之
自省當職自蒙朝命來剖郡符雖誠心未格於豐穰
然拙政每存於撫字觴酒豆肉曷嘗妄蠹於鄉村銖
漆寸絲不敢輒營於私利所冀追胥弗擾墾闢以時

詞致錄

卷之十六

主

春耕夏耘仰事俯育服勞南畝各終蓊蓂之功無犯
有司具樂舒長之日今者土膏既動穡事將興敢延
見於耆年用布宣於聖澤清心省事固守令之當為
曠土游民亦父兄之可耻歸相告戒恪務遵承上以
寬當宁之深憂下以成提封之美俗

北山移文

齊孔稚圭

鍾山之英草堂之靈馳煙驛路勒移山庭夫以耿介
拔俗之標瀟灑出塵之想度白雪以方絜干青雲而
直上吾方知之矣若其亭亭物表皎皎霞外芥千金
而不眴屣萬乘其如脫聞鳳吹於洛浦值薪歌於延

新固亦有為豈期始終參差蒼黃反覆濯子之悲
慟朱公之哭乍迴迹以心染或先貞而後黷何其謀
此嗚呼尚生不存仲氏既往山阿寂寥千載誰賞世
有周子雋俗之士既文既博亦玄亦史然而學遯東
魯習隱南郭竊吹草堂濫巾北岳誘我松桂欺我雲
壑雖假容於江皋乃纓情於好爵其始至也將欲排
巢父拉許由傲百世蔑王侯風情張日霜氣橫秋或
歎幽人長往或怨王孫不遊談空空於釋部覈玄玄
於道流務光何足比消子不能儔及其鳴騶入谷鶴
書赴隴形馳魄散志變神動爾乃眉軒席次袂聳蓬

詞致錄

卷之十六

主

上焚芟製而裂荷衣抗塵容而走俗狀風雲懷其帶
憤石泉咽其下愴望林樾而有失顧草木而如喪至
其紐金章綰墨綬跨屬城之雄冠百里之首張英風
於海甸馳妙譽於浙右道帙長檣法筵久壘敲扑諠
囂犯其慮牒訴倥偬裝其懷琴歌既斷酒賦無續常
網繆於結課每紛綸於折獄籠張趙於往圖架卓象
於前錄希蹤三輔豪馳轂九州牧使其高霞孤映明
月獨舉青松落陰白雲誰侶矧戶摧絕無與歸石運
荒涼徒延佇至於還颺入幕寫露出楹蕙帳空兮夜
鶴怨山人去兮曉猿驚昔聞投簪逸海岸今見解蘭

經塵纓於是南嶽獻嘲北隴騰笑列壑爭機攢峯疎
請慨遊子之我欺悲無人以赴吊故其林慙無盡淵
愧不歇秋桂遺風春蘿擢月騁西山之逸議馳東臯
之素調今乃促裝下邑浪楫上京雖情投於魏闢或
假步於山房豈可使芳杜厚顏薜荔蒙耻碧嶺再辱
丹崖重滓塵遊躅於蕙路汚渌池以洗耳宜扁岫幌
掩雲閑歛輕霧藏鳴湍截來轅於谷口杜妄轡於郊
端於是叢條瞋膽壺領愁魄或飛柯以折輪乍低枝
而掃迹請迴俗士駕為君謝逋客

詞教錄

卷之十六

七

碑

頭陀寺碑文

齊王巾

蓋聞挹朝夕之池者無以測其淺深仰蒼蒼之色者
不足知其遠近况視聽之外若存若亡心行之表不
生不滅者我是以掩室摩詰用啟息言之津杜口毗
邪以通得意之路然語彞倫者必求宗於九疇談陰
陽者亦所幾於六位是故三才既辨識妙物之功萬
象已陳悟太極之致言之不可以已其在茲乎然文
繁所筌窮於此域則稱謂所絕形乎彼岸矣彼岸者
引之於有則高謝四流推之於無則俯弘六度名言
不得其性相隨迎不見其終始不可以學地知不可
以意生及其涅槃之蘊也夫幽谷無私有至斯響洪
鐘虛受無束不應况法身圓對規矩冥立一音稱物
宮商潛運是以如來利見迦維託生王室憑五衍之
軌採溺逝川開八正之門大庇交喪於是玄關幽鍵
感而遂通遙源濬波酌而不竭行不捨之檀而施洽
群有唱無緣之慈而澤周萬物演勿照之明而鑒窮
沙界導亡機之權而功濟塵劫時義遠矣能事畢矣
然後拂衣雙樹脫屣金沙惟恍惟惚不暇不昧莫繫
於去來復歸於無物因斯而談則懷遠大千無為之

寂不撓焚燎堅林不盡之靈無歇大矣哉正法既沒
象教陵夷穿鑿異端者以違方為得一順非辯偽者
比微言於目論於是馬鳴幽讚龍樹虛求並振頹綱
俱維絕紐蔭法雲於真際則火宅晨涼曜慧日於康
衢則重昏夜曉故能使三十七品有尊祖之師九十
六種無藩籬之固既而方廣東被教肆南移周魯二
莊親照夜景之鑒漢晉兩明並勒丹青之餘然後遺
文間出列剎相望澄什結轍於山西林遠肩隨乎江
左矣頭陀寺者沙門釋慧宗之所立也南則大川浩
汗雲霞之所沃蕩北則層峰削成日月之所廻薄西

詞教錄

卷之十六

圭

毗城邑百雉紆餘東望平阜千里超忽信楚都之滕
地也宗法師行潔珪璧擁錫東游以為宅生者緣業
空則緣廢存軀者惑理勝則惑亡遂欲捨百齡於中
身殉肌膚於猛鷲班荆蔭松者久之宋大明五年始
立方丈茅茨以庇經象後軍長史江夏內史會稽孔
府君諱觀為之薙草開林置經行之室安西將軍鄧
州刺史江安伯濟陽蔡使君諱興宗復為崇基表刹
立禪誦之堂焉以法師景行大迦葉故以頭陀為稱
首後有僧勤法師貞志苦心求仁養志纂修堂宇未
就而沒高軌難追藏舟易遠僧徒聞其無人懷挾毀

而莫構可為長太息矣惟齊繼五帝洪名紐三王絕
業祖武宗文之德昭升嚴配格天光表之功弘啟興
復是以惟新舊物康濟多難步中雅頌驟合韶漢炎
區九譯沙場一候卑在於建武焉乃詔西中郎將鄧
州刺史江夏王觀政蕭維樹風江漢擇方城之令典
酌龜蒙之故實政肅刑清於是乎在寧遠將軍長史
江夏內史行事彭城劉府君諱誼智刃所遊日新月
故道勝之韻虛往實歸以此寺業廢於已安功墜於
幾立慨深覆簣悲同棄井因百姓之有餘問天下之
無事庀徒揆日各有司存於是民以悅來工以心競

詞教錄

卷之十六

圭

巨丘被陵因高就遠層軒延袤上出雲霓飛閣逶迤
下臨無地夕露為珠網朝霞為丹雘九衢之草千計
四照之化萬品崖谷共清風泉相渙金姿寶相永籍
閒安息心了義終焉游集法師釋曇珍業行淳修理
懷淵遠今屈知寺任永奉神居夫民勞事功既饒文
於鍾鼎言時稱代亦樹碑於宗廟世彌積而功宣身
逾遠而名劬敢寓言於彫篆庶髣髴乎衆妙辭曰
質判玄黃氣分清濁涉器千名含靈萬族淳源上派
澆風下黷愛流成海情塵為岳皇矣能仁撫期命世
乃睽中土聿來迦衛奄有大千遂荒三界殷鑒四門

幽求六歲亦既成德妙盡無為帝獻方石天開綠池
祥河輟水寶樹低枝通莊九折安步三危川靜波瀾
龍翔雲起著山廣運給園多士金粟來儀文殊戾止
應乾動寂順民終始法本不然今則無滅象正雖開
希夷未缺於昭有齊式揚洪烈釋網更維玄津重祀
惟此名區禪慧攸託倚據崇巖臨曉通壑溝池湘漢
堆阜衡霍瞻瞻亭阜幽幽林薄媚茲邦后法流是挹
氣茂三明情超六入眷言靈宇載懷興葦丹刻翬飛
輪奐離立象設既開睟容已安桂深冬煥松疎夏寒
神足游息靈心往還勝情西振貞石南刊

詞教錄

卷之十六

七

丹陽上庸路碑

梁徐陵

在天成象咸池屬於五潢在地成形滄海環於四瀆
國險者固其金湯儲蓄者因於轉漕貨財為禮專侯
會通厥田為上皆資滲漉大矣哉坎德之為用也是
以握圖之主財以利民御斗之君因之顯教上哉少
昊初命水官逝矣高陽爰重冥職舜為太尉於是九
澤載疏禹作司空然後百川咸導開華山於高掌鑿
靈沼於周源莫匪神功皆由聖德我大梁之受天明
命勞已濟民有道稱皇無為曰帝若夫雲雷草創剪
商黜夏之勲鑄寶鼎於昆吾安能紀勒陳鴻鐘於豐

岳豈易論揚斯固名言之所絕也及乎膺斯寶運大
極橫流屈至道於汾陽勞凝神於藐射聖人作樂簫
韶備以九成結玉盡禮春官總於三代豈止金門桴
竹玉尺調鍾公帶獻明堂之圖匡衡建后土之議若
斯而已矣天降丹鳥既序孝經河出應龍乃私周易
若夫固天將聖垂意藝文五色相宣八音繁會不移
漏刻纔命口占御紙風飛天章海濫皆紫庭黃竹之
詞晨露卿雲之藻漢之兩帝徒有詠歌魏之三祖空
云詩賦以為彭老之教終沒愛河儒墨之宗方難火
宅豈如五詩八會之殊文天上人中之妙典雪山羅

詞教錄

卷之十七

七

漢爭造論門鷲嶺名僧俱傳經藏香象之力特爾未
勝秋兔之臺書而莫盡忠信為寶懷析免於白駒明
德惟磬山川舍於駢犢至如月離金虎泥染石牛蒼
蔚朝興滂沱晚注而清蹕繞動纖羅不搖高閑將臨
油雲自關陽鳥馭日寧懼武賁之弓飛雨彌天無待
期門之蓋震維舉德非曰尚年若茲居艷猶莊在漢
溝如白馬既碾廣陵之江山曰金牛孰辨梅湖之路
專州典郡青鳬赤馬之船皇子天孫鳴鳳飛龍之乘
莫不欣斯利涉玩此脩渠乍擁楫而長歌乃擬金而
鳴籟斯寶曠世之奇功無疆之鴻烈

溫湯碑

梁庾信

咸池浴日先應綠甲之圖砥柱浮天始受玄夷之命
仁則滌蕩埃氛義則激揚清濁勇則負山餘力弱則
鴻毛不勝仲春則榆莢同流三月則桃花共下其色
變者通為五雲之漿其味美者結為三危之露煙青
於銅浦色白於鉛溪非神鼎而長拂異龍池而獨涌
灑胃滯腸興羸起瘠秦皇餘石仍為鴈齒之階漢武
舊陶印用魚鱗之瓦山間湧水實表忠誠室內江流
彌彰純孝豈若醴泉消疾聞乎建武之朝神水齋痾
在乎咸康之世嵩岳三僊之館不孤擅於天池藥陰
祠教錄 卷之六 壬

百丈之泉豈獨高於蓮井

周故大將軍趙公墓碑

梁庾信

若木拂日長蛇委天龍圖幕河之光神鼎連雲之氣
六辯構宇五運徵祥是以維嶽降神自天生德奕脂
點漆日角珠庭為子則名高五都為臣則光照千里
華蓋中天之奉未階其峻金淵浴日之水不盡其源
歲在調車年方竹馬月內桂樹切問能訓石上木生
懸思即悟泉驚孝水竹動寒林三行克宣八翼斯舉
大周建國宗子維城設壇封人分司典命豈獨司隸
之臺鮑宣累葉丞相之府韋賢重代方衛青之張敖

冊重元勳韓信之登臺榮高獨拜戶封八縣恩保
冠恂之功邑啟萬家事極曹參之賞園開蕭勤行戶
苔生載酒屬車幸無寬氣慮因軍府或聽鳴琴巫牧
冀城穎藩就抵豪傑歛手貪殘解印加以上谷精兵
漁陽噪鼓北臨高柳南望長榆匈奴下馬之山貴相
藏酒之谷莫不遠慕威嚴逢乘風化屈產垂棘既有
滅號之兵王官羈馬非無絕秦之路公以正正鼓旗
閑閑車軌服叛威邊筭無遺策但中外久勞積斯災
疾山川則並走群望賓客則諸侯在門是以請壽承
明言歸湯沐方詢夏郊之祀或辨桑林之榮分流之
祠教錄 卷之六 壬

八卷之六

壬

嶺未登晚塞之城望母死於子子死於親慈孝之
道一朝摠集音尋聽訟猶見寒棠還顧空營惟餘哀
柳六年六月婦壘秦州玄甲啟路追論驃騎之功龍
旂贈行深悼東平之遠公亮直惟忠溫恭惟孝居之
仁義飾以禮樂風神機警聰敏精明早毅於官墻無
形於喜愠金版玉策之記枕藉忘疲蘭卉芝花之園
膏映必舉碣石秋雲昭陽落月思風含臆言泉流吻
翩翩書記則阮瑀陳琳荏荏風流則王濛謝朓語其
百發子絕於猿吟論其百中劍深於鴈陣枚乘之望
梁苑不憚棄官樂毅之求燕路無辭千里至如應變

將墨雷電立成帷帳謀猷孫吳關合有品藻人理之
志有清平天下之心鵬路忽摧龍津遂壅嗚呼馬援
之誠兄子義存謹飭王况之事世叔情深愛敬

趙國夫人紇豆陵氏墓碑

梁庾信

夫人姓竇扶風平陵人親其朝議列侯則莫能抗禮
安豐奉圖功臣則咸推上席外戚列傳既聞建武之
書仲山古鼎或表單于之獻祖某官父某官孟津秦
誓當預同德之臣咸陽違約克贊先登之主並得位
入六府功參八柄夫人有文在手有象應圖榮曜夙

詞教錄

卷之六

七

彰徽華早茂肅恭以禮受教於公官言容以德有聞
於師氏及乎進賢君子內主邯鄲琴瑟在堂輜輶是
服長久於節不無秋菊之銘履端於始或有椒花之
頌堂止莊姬掩淚楚相知慙定姜閭齊兵不入某
年冊拜趙國夫人漢王聞立義之婦邑以延鄉齊侯
見有禮之妻封之石窰異代同榮差無慙德柱國殿
下居若木之一枝在天潢之別派揚旌玉壘驅傳銅
陵南通向日之民東被無龍之國夫人從政月峽贊
德雲門錦濯江波還臨織室山明石鏡即對粧樓既
而玉律頻移金爐不變胡香四兩嗟西域之使稀靈

草一枝恨瓊田之路絕孫子荆之傷逝怨起秋風浩
安仁之悼亡悲深長簾况復僂臺永別無復蕭鼓傳
母長歸唯留琴曲雲雨去來既留連於楚后光陰離
合實惆悵於陳王

唐故特進贈開府儀同三司楊州大都督

南府君睢陽廟碑

唐柳宗元

急病讓夷義之先圖國忘死貞之大利合而動乃市
賈之相求恩加而威則報施之常道睢陽所以不階
王命橫絕凶威超千祀而挺生奮百代而特立者也
時惟南公天與奉勇神資機智藝窮百中豪出千人

詞教錄

卷之六

七

不遇典詞鬱麗眉之都尉數奇見惜挫猿臂之將軍
天寶末寇劇憑陵隳突河華天旋虧斗極之位地圯
積狐狸之穴親賢在庭子駿陳蕃以佐命元老用武
夷甫委師而勸進惟公與南陽張公巡高陽許公遠
義氣懸合計謀大同誓鳩武旅以遏橫潰裂裳而干
里來應左袒而一呼皆至柱厲不知而死難狼睨見
黜而奔師忠謀朗然萬夫齊力公以推讓且專奮擊
為軍馬兵馬使出戰則群校同殫入守而百雉齊固
初據雍丘謂非要害將保江淮之臣庶近南之秦
復援我義類扼於睢陽前後捕斬要遮凶氣連阻漢

兵已絕守疏勒而彌堅虜騎雖強頓肝眙而不進賊徒乃棄疾於我悉衆合圍技難窮於九攻志益專於三板偏陽懸布之勁汧城鑿穴之奇息意章羊蓋鄭師之大臨甘心易子鄙宋臣之病告諸侯環顧而莫救國命阻絕而無歸以有盡之疲人敵無已之強寇公乃躍馬潰圍馳出萬衆抵賀蘭進明乞師進明乃張樂侑食以好聘待之公曰救邑父子相食而君辱以燕禮獨何心歟乃自噬其指曰噉此足矣遂慟哭而返即死孤城首碎秦庭終憐無衣之賦身離楚野徒傷帶劍之辭至德二年十月城陷遇害無傳燹之

詞教錄

卷之其

七

數息有周苛之慷慨聞義能徙果其初心烈士抗詞痛滅洪之同日直臣致憤惜蔡恭於累旬朝廷加贈特進揚州都督定功為第一等與張氏許氏並立廟睢陽歲時致祭男在襁褓皆受顯秩賜之土田墓刻鮑信之形陵圖龐德之狀納官其子見句踐之心羽林字孤知孝武之志舉門關於周典徵印綬於漢儀王猷以光寵錫斯備於戲睢陽之事不惟以能死為勇善守為功所以出奇以耻敵立謹以怒寇俾其專力於東南而去備於西北力專則堅城必陷備去則天討可行是故即城陷之辰為尅敵之日世徒知力

保於江淮而不知功靖乎醜虜論者或未之思歟公諱霽雲字某范陽人有子曰承嗣七歲為婺州別駕賜緋魚袋歷施涪二州服忠思孝無替負荷懼土宇久遠德意不形願斷堅石假辭紀美惟公信以許其友剛以固其志仁以殘其肌勇以振其氣忠以摧其敵烈以死其事出乎內者合於貞行乎外者貴於義是其所以奮百代而超千祀者矣其志不亦宜乎廟貌斯存碑表有託洛陽城下思卿之夢儻來麒麟圖中即圖之詞可繼

原州百泉縣令李君神道碑

詞教錄

卷之其

七

唐楊炯

金城裂地之灾王弩驚天之禍蹴崑崙以西倒蹋泰山而東覆三微歷數盡薰歇以殷沉萬國衣裳咸土崩而瓦散是故殷憂啟聖聖人騰海岳之符草昧興王王者受風雷之趾則有思窮高識潛觀赤伏之萌識洞機祥暗察黃星之兆天懸兩日詢去就於河宗地震三州考興亡於柱史危邦不入亂邦不居剪荆棘而叩天門臨詞場而對休命及其玄黃再造日月重輪功成而不居名遂而身退南華吾師也親居賤賦東方達人也安乎卑位然後武城絃唱優游禮樂

之中彭澤琴樽散誕義皇之表雖杜當陽之六
菊猶存而薛孟嘗之池臺風煙遂歇悲夫死生命也
貴賤時也用之則行舍之則藏出處者君子之恒務
左右之攸宜吾聞其語矣今見其人也君諱楚才衛
明衛縣人也昔統樞神電軒轅氏之馭百靈貫月祥
星顯項氏之臨四海金科作範高丘有帝系之雲玉
札披圖幽谷有真人之氣由是公侯策命厯千載而
彌昌鍾鼎歡娛經百王而不替豈直將軍列位孫吳
暗合之兵協律當官天地冥符之樂若斯而已矣曾
祖某直城西望高關東臨非無置驛之歡實有前軍

詞教錄

卷之十六

七

之寵瑯玕負海八門都督之榮漳潁控河百代封侯
之貴大父某文塲筆海焰爛等於星厓班固談業鏗
鏘叶於風雅九千里之丹鳳始踐王門七十日之黃
龍初階郡職考某顏回稱太平王佐月角殊姿仲由
稱禮義霸臣星衛瑰狀唐都晉野有恒山太嶽之風
墨綬銅章有錯節盤根之化若夫于公之宅駟馬爭
驅辛氏之門五龍齊駕英靈不已還當命代之期將
有後徵克保承家之業東郊競日探秘跡於機衡西
蜀談玄測靈心於造化雄才壯思首九奏而和八音
彈見洽聞披五車而接三篋加以興居禮樂出入孝

忠簡於一人備於萬物子旌疊湊始命賢良幣帛交
馳載微巖穴從微至著溫觴萌枯地之波積小成高
覆簣漸排雲之構隋大業十二年補謁靈臺散從員
外郎非其好也屬千三否運百六災年諸侯窺王鼎
之尊天子厭金陵之氣出尤則命風召雨桀黠於中
州共工則折柱傾維崩騰於海縣能扶天下之危者
必據天下之安能除天下之憂者必享天下之樂我
高祖神堯皇帝所以從人望宅靈心鎮天關迴地軸
鼓鼗雷駭親張霹靂之威旗羽星懸手握招搖之柄
君冲情索隱妙美知來候東井而考前聞裂西河而

詞教錄

卷之十六

七

尊故事扶三畧之奇謀蘊六韜之秘訣義寧二年授
車騎將軍仍於邛州鎮守皇階甫闢猶勞尉候之虛
天步初夷尚有風塵之警示之以文德陳之以武功
所以夜戶不扃重門罷柝六年轉中山府左列南州
舊俗淫其白獸之祠西棘餘毗背我黃龍之約王師
直進陵劒棧以長驅廟路遐宣指銅丘而決勝七年
詔君討襲楓天棗地金門玉帳之營方對同著剡木
弦弓之射以此衆戰誰能敵之以此攻城何城不克
雲出而星曜龍騰而鳳飛一鼓而擒四姓三戰而平
百蠻大者非唯二十七人拓土開疆豈直五千

上還行飲至修爵策勲焉禮也俄以爭功
王綸遐遷勝府通塞有命潘安仁
在天卜子夏之餘論無階封禪空歎息於周
紀望夏臺竟懷遠於漢北太宗承聖皇之大寶奉
之休則雷師入濟光華四極旌賢救過惟新之
奉宜春禁苑太液神池浸石菌而揚波掘金莖而掘
露南經丹徼恒陪萬乘之遊北統黃山再奉三驅之
禮當是時也穆穆焉煌煌焉濟濟焉銛銛焉一陰一
陽而有序自南自北而無外猶復中宵不寐殷勤多
詞教錄 卷之六 七
士之林晏景忘疲渙汗非常之辟十四年應詔四科
舉射策登甲第明於國家之大體達於人事之始終
可謂宰相之璞可謂皇居之寶漢京才子親承宣室
之談魯國儒生行踐中都之邑尋授鳴沙累遷百泉
糾通紫微却負黃州涼秋九月寒沙四面平雲匝隴
處處而秋陰圓魄低開蒼蒼而夜色君乘輜演教
級臨人德被三城風移五縣抽琴命操還臨單父之
堂擊石飛鳴即對李泉之學朋以御下將水鏡而通
輝清以立身共冰鏡而合照神行有感方登玉鏡之
階靈化無方獨歎 卷之六 七 有一以顯慶

元年十二月八日終于官舍君年十一丁艱朋友相
哀家人不識昔稱曾閔今日苟何近古以來未之有
也大業末年皇綱漸紊不掃一室自懷包括之心獨
守太玄且忘名利之境于時房杜並以江海相期煙
霞相許付同心之雅會訖列頸之良遊或開戶讀書
累月不出或登山涉水經日忘歸斯賢達之素交蓋
十年之一遇泊塵埋丘岳海沒三山辭後而奉周背
楚而歸漢深謀遠慮即良平無以加也行軍用兵則
韓彭不能尚也數奇命蹇遂無望於高門自往月來
竟消歿於下邑情均寵辱則萬象同歸跡混彭殤則
詞教錄 卷之六 七
百齡俱盡浮生若寄大漸彌留遺誨子孫庶幾薄塋
等梁鴻之宅兆邈矣佗鄉符祭仲之高居依然新鄭
唯仁與達君其有焉存榮歿哀此之謂也夫人宋氏
左丞士順之曾孫建安司法長文之季女霜淒月瑩
菊艷茗華淑問秀於閨房柔風洽於詩禮琴前鏡裡
孤鸞別鶴之哀竹死城崩祀婦孺娥之泣長子某十
輪方駕萬石駢衡窺上帝之兵鈴入先王之閒府指
蒼天而永訴血不霑襟對白日以長號悲來填臆於
是總麻執友素蓋賓朋傳祖德於高陽考豐碑於太
學庶使城隍一變猶知鄧艾之名陵谷三遷尚識鍾

絲之字

溧陽貞義女碑

唐李白

皇唐葉有六聖再造八極鏡照萬方幽明咸熙天秩
有禮自古及今君君臣臣烈士貞女采其史傳名節
尤彰可激清類俗者皆掃地而祠之蘭蒸椒漿歲祀
同缺而茲邑貞義女光靈翳然埋名古遠琬琰不刻
豈前修博達者為邦之意乎貞義女者溧陽黃山里
史氏之女也以家溧陽史闢書之歲三十不移其志
清英潔白事母純孝手桑蕘而不龜身激漂以自業
當楚平王時雲忠助諫苛殘厥政焚於尚斬於奢血

詞致錄

卷之六

七

流於朝赤族伍氏怨毒於人何其深哉子胥始東奔
句吳月涉星逝或七日不火傷弓于飛逼迫於昭關
匍匐於瀨渚捨車而徒告窮此女目色以臆授之壺
漿全人自沉形與口減卓絕千古聲凌浮雲激節必
報之讐雪誠無疑之地難乎執借如曹娥潛波理貫
於孝道聶舛殞肆槩動於天倫魯姑棄子以卻三軍
之衆漂母進飯沒受千金之恩方之於此彼或異爾
卒使伍君開張閭閻傾蕩鄢郢吳師鞭屍於楚國申
胥泣血於秦庭我亡爾存亦各壯志張英風於古今
雪大憤於天地微此女之力雖云為忠孝之士亦焉

能咆哮烜赫施於後世也望其溺所愴然低迴而不
能去每風號吳天月苦荆水響像如在精魂可悲惜
其投金有泉而刻石無主哀哉邑宰榮陽鄭公名要
家康成之學世子產之才琴清心閒百里大化有若
主簿扶風竇嘉賓縣尉廣平宋陟丹陽李濟南郡陳
然清河張昭皆有卿才霸略同事相協緬紀英淑勲
銘道周雖陵頽海竭文或不死

詞致錄

卷之六

卑

辭類

歸去來辭

晉陶潛

歸去來兮田園將蕪胡不歸既自以心為形役奚惆
悵而獨悲悟已往之不諫知來者之可追實迷途其
未遠覺今是而昨非舟搖搖以輕颺風飄飄而吹衣
問征夫以前路恨晨光之熹微乃瞻衡宇載欣載奔
僮僕歡迎稚子候門三徑就荒松菊猶存攜幼入室
有酒盈樽引壺觴以自酌眄庭柯以怡顏倚南牕以
寄傲審容膝之易安園日涉以成趣門雖設而常關
策扶老以流憩時矯首而游觀雲無心以出岫鳥倦
飛而知還景翳翳以將入撫孤松而盤桓歸去來兮
請息交以絕游世與我而相遺復駕言兮焉求悅親
戚之情話樂琴書以消憂農人告余以春及將有事
於西疇或命巾車或棹孤舟既窈窕以尋壑亦崎嶇
而經丘木欣欣以向榮泉涓涓而始流善萬物之得
時感吾生之行休已矣乎寓形宇內復幾時曷不委
心任去留胡為乎遑遑欲何之富貴非吾願帝鄉不
可期懷良辰以孤往或植杖而耘耔登東臯以舒嘯
臨清流而賦詩聊乘化以歸盡樂夫天命復奚疑

歲類

大實歲

唐張蘊古

今來古往俯察仰觀惟辟作福為君實難主晉天之
下處王公之上任土責其所求具秦陳其所倡是故
恐懼之心日弛邪僻之情轉放豈知事起乎所忽禍
生乎无妄是以聖人受命拯溺亨屯歸罪於己因心
於民大明無私照至公無私親故以一人治天下不
以天下奉一人禮以禁其奢樂以防其佚左言而右
事出監而入諫四時調其慘舒三光同其得失故身
為之度而聲為之律勿謂無知居高聽卑勿謂何害
詞致錄
集卷之五
慎小就大樂不可極樂極生哀欲不可縱縱欲成災
其室羅八珍於前所食不過適口惟狂罔念丘其精
而池其酒勿內荒於色勿外荒於禽勿責難得貨勿
聽亡國音內荒伐人性外荒蕩人心難得之貨終亡
國之音淫勿謂我尊而傲賢慢士勿謂我智而拒諫
矜已聞之夏后據饋頓起亦有魏帝牽裾不止安彼
反側如春陽之露難乾蕩蕩恢恢漢高天度撫茲庶事
如履薄臨深戰戰慄慄用周文小心詩之不識不知
書之無偏無黨一彼此於胸臆捐好惡於心想象棄

而後加刑衆悅而後行賞弱其強而治其亂伸其屈而直其枉故曰如衡如石不定物以限物之懸者輕重自見如水如鏡不示物以情物之鑒者妍媸自生勿渾渾而濁勿皎皎而清勿汶汶而闇勿察察而明雖冕旒蔽目而視於未形雖黼纁塞耳而聽於無聲縱心於湛然之域遊神於至道之精知之者應洪纖而效響酌之者隨淺深而皆盈故曰天之經地之寧王之貞四時不言而代序萬物無言而化成豈知帝力而天下和平吾王撲亂戡以智力民懼其威未懷其德我皇撫運扇以淳風民懷其始未保其終爰述

詞教錄

卷之五

聖

金鏡窮神盡聖使人以心應言以行包括治體抑揚詞令天下為公一人有慶開羅起祝援琴命詩一日二日念茲在茲惟人所召自天祐之諍臣司直敢告前疑

連珠類

演連珠

晉陸機

臣聞世之所遺未為非實主之所珍不必適治是以俊乂之藪希蒙翹車之招金碧之巖必厚鳳舉之使

又

臣聞頓網探淵不能招龍振網羅雲不必致鳳是以巢箕之叟不眎丘園之幣浣渭之民不發傳巖之夢

又

梁宣帝

甯聞盈虛之道維修平而必破損益為用在至象而無獨是以謂地之厚而東南缺惟天為大而西北懸

詞教錄

卷之六

聖

臣聞烈風不扇之根朽壤誠微遂實崇山之峭是以一去不經威於赫怒千乘或致忘於巧笑

又

梁庾信

蓋聞謀猷是習權變須長時增齊竈或卧燕壘是以井陘之兵如鴻毛之遇火長平之卒若秋草之中霜

又

蓋聞執珪事楚博士留秦晉陽思歸之客臨淄羈旅之臣是以親友會同不妨懷撫悽愴山河離異不妨風月關人

擬連珠

事文類聚

蓋聞艷麗居身而以絨眉入妬真華炤物而以絕等見猜是以班姬辭寵非無妖冶之色楊子寂寞寧乏炫耀之才

又

蓋聞廉將軍之客館翟廷尉之高門盈虛倏忽貴賤何論是以平生故人灌夫不去門下賓客任安獨存

八錄

卷之六

聖

檄類

李敬業討武曌檄

唐駱賓王

偏周武氏者人非溫順地實寒微昔克太宗下陳曾以更衣入侍洎乎晚節穢亂春宮密隱先帝之私陰圖後庭之嬖入門見嫉蛾眉不肯讓人掩袂攻讒狐媚偏能惑主陷元后於暈翟致吾君於聚麀加以虺蜴為心豺狼成性近狎邪佞殘害忠良殺子屠兄弑君鳩母人神之所共疾天地之所不容猶復包藏禍心竊竊神器君之愛子幽在別宮賊之宗盟委之重任嗚呼霍子孟之不作朱虛侯之已亡燕啄皇孫知詞致錄 李敬業 漢祚之將盡龍禁帝后識夏庭之遽衰敬業皇唐舊臣公侯冢子奉先君之成業荷本朝之厚恩宋微子之興悲良有以也袁君山之流涕豈徒然哉是以氣憤風霜志安社稷因天下之失望順宇內之推心爰舉義旗以清妖孽南連百越北盡三河鑣騎成群五軸相接海陵紅粟倉廩之積靡窮江浦黃旗匡復之功何遠班聲動而北風起劍氣衝而南斗平喑鳴則山嶽崩頽叱咤則風雲變色以斯制敵何敵不摧以冀區功何功不克公等或居漢地或叶周親或膺重寄於話言或受顧命於宣室言猶在耳忠豈忘心一

杯之土未乾六尺之孤安在倘能轉禍為福送往事
居共立勤王之師無廢大君之命凡諸爵賞同指山
河若或眷戀窮城徘徊岐路坐昧先幾之兆必貽後
至之誅請看今日之域中竟是誰家之天下

諭晉陽慈州檄

文苑英華

蓋聞率土莫非臣妾念在三之訓明王伐不敬有嚴
討貳之刑義士不求生以害仁智者能轉禍而為福
其畢棄咎咸與惟新我國家九葉繼明億年凝命大
保以上采薇以下內撫外從漢鉉於壯視粟於南德
洋風普神旌遙列竊寐咸誅克治時邕猶有青丘之

詞教錄

卷之六

罪

梗舜仁天憐未除丹浦之凶李懷光奮渤海之俘授
蒲洋之節始謂狙之作使不虞鷹之易颺韓命醴泉
粗展勤王之績請朝行闕輒衷犯上之謀猶念前勲
屢縻好爵張萌芽於霜電悖木水之本原升鸞之謀
肆行巢父之使弗返奪二軍而賊良將割三輔而翦
近畿豕心莫悅鴉音不革已復漢京之日月載揚周
旅之霆雷幕府承命齊壇建牙列正正之旗堂堂之
陳莫我敢承赫赫聲濯濯厥靈有征無戰渾侍中
率同陝之士韓僕射統邠寧之師唐節度虎視邠坊
駱將軍熊時鎮國風雲助氣草木為兵詔參伐以清

氛命招誓而繕怒不竣前茅之遏即成獨柳之誅惟
爾三州之士夫夙被紫朝之德澤嶠從處仲適受逆

汗運事隗囂豈為賊守鼎魚假息穴兔貼危犯大義
者衆必構作不善者神弗赦歷數古今所記未聞叛
逆獲全惟岳阻兵汜膏薶斧朱泚竊號亦梟藁街矧
茲狄孽敢干天罰犬馬猶有主覆載不容鯨鯢取以
封脅從罔治聖上禹湯罪已文武行仁凡鳴獠假王
之妖首鼠觀釁之將莫不匿瑕宥戾礪垢滌郵雖三
子猶存蓬艾之間豈太陽不回葵藿之照尚武王命
共惟帝臣勿相依於輔車以俱焚於玉石僅能洗心

詞教錄

卷之六

罪

效順解甲來歸勳獻關東疏封帶礪融全河若絕烈
旂常若迷復怙終猶豫不斲頭于顯戮謚為至愚豈
惟數言多方亦特遺臭千秋請釋三者永有一心者
定爾功復見于霽雨戮戮武化歷朝庶幾世變以風
移檄到如章書不盡唐

牒類

為裴中丞伐黃賊轉牒

唐柳宗元

天啟昌期大功畢集神開興運微惡盡除黃少卿等
歷稔逋誅舉宗肆暴恃狡免之穴陰伏倫安憑孽狐
之丘跳踉見恠以為威振不射天網可逃侵逼使臣
隳犯王畧恣其毒害速我誅鋤敵國盡在於舟中過
師已期於席上謂宜投戈頓顙面縛乞身歸郡邑於
王官效黎獻於天吏而乃繕兵補卒增壘閉途正當
天討之辰更積鬼誅之罪眾輕闢蟻勇劣怒蛙縞矢
當強弩之初孤豚債肥牛之下事同拾芥力易摧枯
詞數錄 卷之六 事

秒忽蜂腰虛見辱於齊斧突梯鼠首溫欲寄於旋頭
勤絕有時不索何獲某拱稽致命執銳忘生車甲既
備於小戎鯨鯢豈逃於誅倖切觀上畧總帥中權戰
士義激於身心列校勢成於臂指張之技盡出於
山林投距之材偏微於川洞賞懸香餌令布疾雷莫
不鼓舞戎行虔恭師律投軀不憊於羽檄足唯俟
於牙璋今月某日奏事官米蘭迴捧受詔命神飛首
勇足蹈心馳懽聲洽於萬夫勝氣橫於千里國客不
入履且及於寢門家事勿關土已墳於左閭即以日
全軍出次分道並進所期戮力敢告同心孔大夫

其直冠時清明格物全體許國一心在公兵精食浮
為日固久容府揚中丞以義烈為己任勲襲太常案
南李中丞以英武為家風業傳彞器並膺邦寄克達
皇威南則浮海濟師共集堂堂之陣東則橫江誓眾
用成善善之功以此鼓行坐觀盡敵刑惟勿喜誅有
可哀微側之勇冠一方竟就伏波之戮焉嘉之威行
五嶺終摧下瀨之師嗟此陋微自貽擒滅勉成良畫
速致殊勲雖荒徼之地固不勞於有征而昇平之年
將自此而何事書之竹帛實謂揚名事須移牒陞管
以成犄角

詞數錄

卷之六

事

教類

復臨丹陽教

梁簡文帝

昔越張修猛川弘美績遠延善政實著民謠吾冲弱寡能未明理道猥以庸薄作守京河將恐五袴無謠兩岐難頌思立恩惠用布風猷

建平王聘隱逸教

齊江淹

夫鷄夏已沒大道不行雖周惠之富猶有魚潭之士
漢教之隆亦見棲山之夫迹絕雲氣意負青天皆待
絲螭驤首翠虬來儀是以遺風獨扇百代餘烈激厲
後生斯乃王教之助古人之意焉吾稅駕舊楚憩乘
詞教錄 卷之六 壬
汀潭挹於陵之操想漢陰之高而山川遐久流風無
沫養志數人並未徵采善操將棄良用慨然宜速詳
舊禮各遺繚招庶暢此幽襟以旌蓬華

永嘉邵教

齊丘遲

貴郡控帶山海利兼水陸實東南之沃壤一都之巨
會而曝背拘牛屢空於畝畝績麻治絲無閒於室巷
其有耕灌不脩桑榆靡樹邀遊鄧里酣醕卒歲越伍
乖鄰派宕忘返才異相如而四壁獨立高懸仲蔚而
三徑沒人雖謝文翁之正俗庶幾龔遂之移風

答移市教

梁庾信

昔張楷碩儒尚移弘農之市宜宮妙篆猶致酒壚之
客况復德總邨周聲高梁楚希風慕義之士舉袂成
帷卧轍反車之流摩肩相接遂使王充閱市之處遠
出荒郊石苞販鐵之所翻臨崖岸聖德謙虛未忘諠
湫欲令吹簫舞鶴還反舊鄧賣卜屠羊請辭新闢而
交貿之黨好留曲岐之衆難遣

詞教錄

卷之六

壬

判類

恩賜綾錦出閭判

南宋劉穆之

某就日輪探占風削旌旆既踰葱嶺便集葉街頻承湛露之恩幾荷油雲之施至若綾開煮鶴映睢浦以成文錦緝翔鸞艷江波而濯色近九重之厚錫充萬里之輕齋關司以寄重咽喉任光襟帶物皆違樣既生非馬之疑事乃出蕃須計鳴鷄之失既緣恩賜有異常途勘責不虛固難留滯

京令問喘牛判

文苑英華

二京分邑墨綬居官三揖通班黃圖作宰自可遙聞

詞教錄

卷之六

牛

善政廣樹嘉猷江陵叩頭止風有驗洛陽強項據地無從何得道乏良規人餘惡少翳桑墻下不見童子懷仁垂楊路傍唯聞暴客相殺一朝之忿爰揮白刃百年之命遽掩黃泉縣宰既不開口死者固難瞑目人雖進路事屬退朝忽此逢牛翻能駐馬群非向楚詎是因風氣似還吳猶疑見月但以時流愛景寒結層冰自有慘切之容元無溫燠之候六畜行觀致端四時坐見失宜此乃丞相及言何煩邑宰無詰操刀之術罕明代斲之嗤難免憂喘不憂殺正是越司問牛不問人豈非離局以為妄干任事實亦離計卜條

御史推屬吏判

唐張鷟

棲鳥之府地凜冽而風生嘶馬之臺氣威稜而霜動懲奸嫉惡實藉嚴明肅政彈非誠宜允別某位參持斧職在埋輪履暴勝之清微乘葛豐之雅烈冠施鐵柱貴戚傷心花叢綉衣奸豪斂手近辭端右遠屆衡陽聯翩紫蓋之峯迢遞蒼梧之野但御史推數受委非輕有罪必刑無幽不察神羊竦角必觸邪人隼鷂驚飛先驅惡鳥推鍾建之罪特奉絲言舉張恭之辜無虧格式正當直指豈是輒干准犯量科宜從解退

詞教錄

卷之十六

馬

詞致錄後跋

侍御古燕李公按部兩浙也重念東南民力既登之衽席矣又以文章與世上下亦司風紀者所必慮也于是以所輯詞致錄者刻之授下吏守欽為役仍命綴片言於末簡嗟夫下吏海畔逐臣斤斤守局

詞致錄

後跋

一

鑄奚能脩古為文哉第既勉而竟事幸竊窺其槩矣何敢謝不敏緊惟駢四儷六疇不以雕蟲小之謂其詞非古也孰知義畫帝謨非古所稱六籍哉然對待成章勲華澤色此繪句所自始矣後之作者亦自尋聲訓典璀璨陸離茂以加焉

柰何競騁芬華借色揆天雕龍之

技者亦什五也積而至于今日則更師效浮靡雅馴不存流宕若江河公謂揀時之弊徒諤諤抗章若李治書月露風雲之嗟其名高矣卒無以挽江左之薄曷若植一範型以使之趨哉迺搜竹素之編自

詞致錄

後跋

二

六代以及唐宋凡為四六體者悉取而品衡之得七百餘首皆華實並茂不詭于雅道它穠郁菁麗弗覲之矣孔子曰辭達而已矣辭止于達斯為極致去是即富麗奚足尚之公顏其錄曰詞致蓋孔子意也儻脩詞者弦轍是編力祛浮靡

于世道裨益豈淺鮮哉

萬曆丁未仲夏屬吏兩浙都轉運
鹽使司同知蒲陽唐守欽恭跋

詞數錄

後跋

三

詞致錄十六卷

兩江總督
採進本

明李天麟編天麟大興人萬曆庚辰進士官至監
察御史巡按浙江是集皆載詞命之文分制詞進
奏啟劄祈告雜著五門中又各分子目所採上自
漢晉下迄於宋頗勝明末之猥濫然意主於剽剝
詞藻仍餽飣之學耳

江臯小築集三卷

〔明〕李元弼編

天津圖書館藏明萬曆四十年自刻本

附《四庫全書總目·江臯小築

集三卷》提要

江臯小築集序

江臯大有佳處數君子少長園廬
之間相視莫逆更執雅故用相比
習每興發放舟長嘯睜雙眼向天
際槎逼之犯斗江臯已有知己而奇
勝未盡脩述也數君子鮮不自酣
壺然不為竹間壚頭人亦不作鄴
中詞名而勝情勝具能事其勝
於江臯者則主人實為數君子所
效夫江臯之主人詩腸漉漉者吾固
江臯者亦然未嘗聞江臯者更不
能已則廣眉半額之好不言而齊

也省江皋不能無詩有其人江皋
者不能不為江皋人詩此江皋之所
稱勝也大聲至止篇汗琳琅其挽
致蓋遠或不盡一水木之奇亭榭
之郁况於江皋猶未大寤而今宰
官長者騷墨之勝得省於江皋
主人又不謂是千古勝事耶余從
江皋最後過主人喜令余知江皋
無一追趨而深主人之心乎夫竹徑參
差此君操也快哉此風臺屹然也
皓月在樓鏡光如練渣滓微也西園
之蔬南畝之禾皆款自耕此亦余之願

言者余故知其勝矣間習僻朗上
崔嵬大張似於江皋意稍有得雖
湖海氣差未短少而涼濮間想終
不自鏤割也僅得微大偉蚤畢好
物從主人灌園之役貸山陽餘利以
共數君子歡日坐秋水呼牛馬長
歌以嗣諸宰官長者之響亦將不
為海客所笑乎余當以江皋為
知己奚独主人云
昔
萬曆壬子季春朗上居士眷弟方
遂千頓首拜譔



江皋小築集上卷

江皋主人靖吾李元弼輯

社友 約吾洪 信 校

青霞溫臯謨

甥 恪存趙 響 編

倣弦梁天植

門人文峯張開詩 錄

侄 海雲李 擅

江皋小築集

卷

古

十景題詠諸名公先賜者業踰念載後陸續

題賜亦有數獲時命奚童珍貯一笥正思散

逸第歲久時殊不無蠹害且間有存亡懷念

爰授剞劂永永弗磨且俾各後裔知先人良

會雅好云爾所梓俱仍賜來原稿不敢少更

字句僅有漏失未刻者亟當見示以便續梓

云 江皋主人白

日觀高為表

虛閣迎薰

蕭疎一徑長蒿萊背郭茅堂遠市開日靜捲
簾塵不到清風時過竹間來

如亭聽籟

空亭曲曲散披襟松薜成園桂作林吹萬忽
送蘋末起嘯歌猶似峇幽音

層臺遠眺

江皋小築集

高

臺枕江流一壑迴天高地遠倚崔嵬羅浮直
對瑤為室若木東窺海似杯

庭院飛花

爛熳橫塘錦樹遮菟園蘭坂結為霞香飄萬
點堪娛酒何用臨風悵物華

課耕涉趣

一片春雲遶池匝平田細雨荷鋤立長壠黍
苗鋪綠陰最是巾車幽意愜

八栢環青

列栢逶迤綠水傍
葱菁偃蓋競生光
憑君看取歲寒操
長與萱花映北堂

梅塢涵春

水泉欹動幽巖雪
菟苑先披曉樹風
自是叢林千玉綴
春光多在海南東

荔磯釣月

華圃朱明嘉樹垂
珊瑚環水照新枝
丹葩赤

江集小集集

高

實鄰漁火月出磯
邊理釣絲

玄關鏡水

關門抱一玄
非白明鏡無波水
自澄恬漠祇今能
得道因君雲石悟
三乘

星槎晚泛

輕舟柔櫓蕩波紅
蓮渚蕭蕭烟雨中
薄暮隔江殘照入
徜徉魚鳥樂應同

五橋傳敏功

虛閣迎薰

高閣憑虛迥自如
蕭疎群卉掩深居
薰風一枕初醒夢
湯炷名香讀道書

如亭聽籟

如如亭上解忘機
徙几窓前望翠微
靈籟一聲天欲洗
不知清露點人衣

層臺遠眺

江集小集集

傳

高臺鬱鬱倚雲岑
閒眺誰知望遠心
中有草衣霞外客
年年水石自陰森

庭院飛花

小山獨坐戀遲暉
漠漠松陰有鶴歸
靜裡不知花落盡
一庭嘉綠轉霏微

八栢環青

清時寄傲草堂靈
列栢森森拂漢青
幽壑芳姿凌雪色
疎櫺掩映誦黃庭

課耕涉趣

十畝新畬種秫時
呼童荷插日相遺
是非不問真吾適
孺子風流今在茲

梅塢涵春

寒塢風香不染塵
堪憐何遜賦先春
芳姿嫩蕊猶含凍
消息惟憑寄遠人

荔磯釣月

荔子垂丹俯釣磯
閒看水落羨鱸肥
漁舟唱

江皋集

卷一

罷炊煙散自在
中流載月歸

玄關鏡水

閑閑晴檢白雲篇
一點光浮若鏡懸
竒問應知頻過酒
雪舟何日共譚玄

星槎晚泛

已賦逍遙入紫烟
乘槎何處覓張騫
滄波泛汎無羈束
誰識人間有謫仙

中吾車鳴時

匡閣迎薰

高閣凌空對曉曛
一顰長共海鷗群
清風拂練如相訪
自起披襟向楚雲

如亭聽籟

紫氣遙連睥睨開
丈人河上枕流回
海天一望如穠色
盡日笙竽樹杪來

層臺遠眺

江皋集

卷一

勞勞應接走芳埃
樹色波光次第來
正好登臨成一醉
雲山那不屬層臺

庭院飛花

茅簷咫尺接南溟
眼底煙花逐隊青
恰好逍遙向寥廓
不妨蝴蝶滿柴扃

課耕涉趣

短褐扶筇試飲牛
呼童荷篠到甌窰
幽居款識農桑苦
不為持豚祝滿篝

八柏環青

霜幹森森覆龍陰繞亭蒼翠伴瑤琴稔知太
谷還如此日把芳尊柏葉斟

梅塢涵春

羅浮春色照東官綠萼香浮雪欲乾僊客每
憐詩興逸參橫疎影倚闌干

荔磯釣月

荔子斑斑映釣臺嬋娟好為故人來絲綸擲

江阜小築集

車

下忙收拾拾取天香付玉醅

玄關鏡水

白雲千里接遙天海上長留玉鏡懸詞賦如
君饒筆札觀濤幾染紫鸞箋

星槎晚泛

斜陽穩色滿滄洲醉擁沙棠汗漫遊應策舊
時朋好在不知誰共李膺舟

壯其王猷

虛閣迎薰

孤閣憑虛納晚涼清尊遙對芡荷香湘簾盡
日宜高捲迎取南薰一味長

如亭聽籟

坐倚如亭夜正孤疎林空見月平鋪忽聽樹
杪微風起錯認笙簫乍有無

層臺遠眺

層臺高構對江潮海色嵐光入望遙謬倚危
欄長極目冥鴻千里快雲霄

庭院飛花

庭院春回白晝遲飛花片片逐遊絲相看莫
向風前舞留得餘香撲酒卮

課耕涉趣

一犁烟雨帶微曛閒課兒童事晚耘自是鹿
門堪涉趣西風回首見黃雲

八栢環青

五桂燕山獨擅芳三槐曾羨晉公堂何如八
栢環青翠寒入郊原色尚蒼

梅塢涵春

寒梅幾樹傍江隈香滿梢頭並臘開遙憶明
年春更早上林須寄一枝回

荔磯釣月

擬向溪頭弄晚濤荔林斜月印江臯磯頭未

江臯小築集

五

可輕投餌只合長江釣巨鰲

玄關鏡水

曾尋真訣叩玄關動靜相忘水鏡間滿鑑波
光澄澈處坐臨清夜不知還

星槎晚泛

晚泛溪頭博望舟銀河穩水淡悠又歸來未
暇君平卜知有文光犯斗牛

漢章梁上雲

虛閣迎薰

飛閣玲瓏洞綺窓輕飈披拂灑衣裳疎簾潤
簾涼如水支枕冷然到上皇

如亭聽籟

證得真如覺路開聽聞都斷萬緣灰空亭跌
坐看明月一片松濤天際來

層臺遠眺

江臯小築集

七

踏上瑤臺十二重丹梯縹緲鎖芙蓉分明覓
得遊仙路遲爾蓬萊第一峯

庭院飛花

雲構深沉翠幕垂繁英豔蕊怯風吹東皇不
為停仙馭剩有金鈴綴綠枝

課耕涉趣

漠漠平田黍稻賒短筇斗酒過農家酣歌耳
熱還相勞咲殺齊人祝滿車

八栢環青

古栢亭亭秀可餐環迴宛似八龍蟠非憐黛
色參天長惟羨貞心共歲寒

梅塢涵春

疎影稜稜迥出塵暗香杳杳不勝春江皋入
望羅浮近夢裏應逢勸酒人

荔磯釣月

丹荔飄香月影高野航不繫浪滔滔幸人何

江皋小集

上二

泰任公子長傍磯頭釣六鰲

玄關鏡水

參透玄關悟六通本來色相摠成空寒潭碧
練澄如鏡惟有青蓮現此中

星槎晚泛

霜冷蕙葭淡月斜西風獵獵度仙槎何妨直
上靈津去莫問成都賣卜家

景舒董江都

虛閣迎薰

誰信人間有十洲高華寧復出斯樓幽虛不
碍雲來往頓覺涼生五月秋

如亭聽籟

靜對幽亭別有天幾回冥慮現青蓮海風吹
度松濤徹猶似帟聲入耳傳

層臺遠眺

娛老林塘一室寬臺連雲漢足雄觀登臨便

江皋小集

寄

覺乾坤小青白何勞世上看

庭院飛花

最愛東風大有情吹紅飄紫舞簷輕春深晴
霽餘香遍不讓成都錦繡城

課耕涉趣

江皋亭畔寄幽栖讀罷離騷又課犁不為涉
園成士隱阿衡原自起田谿

八栢環青

飄紅萬木爾含青三五參差拂畫庭任是繁
霜倍凌剝貞標不改自亭亭

梅塢涵春

江南春信任誰傳野塢梅花已報先冷蕊香
飄浮玉笋不妨開閣恣留連

荔磯釣月

丹荔垂垂覆釣磯磯頭涼月映荷衣持竿取
魚江皋小築集

興魚何羨釣得川璜後載歸

玄閔鏡水

洞石臨漪白晝閒守玄終日閉長閑坐來漸
覺紅塵遠雲在青天水在灣

星槎晚泛

銀漢光澄八月秋且將一葦溯中流尋源直
上靈津去取石那知犯斗牛

冲玄陳諫

虛閣迎薰

綺閣凌空接上台紫雲長護迴氛埃披襟莫
待朱絃奏自有薰風入座來

層樓縹緲登偏長颯颯輕風拂面涼閒捲疎
簾拖枕簟皋林時送碧荷香

如亭聽籟

靜裏真如萬慮輕天風吹竅忽成聲朝來一
派琅璈奏嗒矣蒙莊可結盟

空亭徙倚正淒清無數松濤天際鳴洵是境
如心共遠不須躄寂學無生

層臺遠眺

獨上高臺眺十洲乾坤今古自悠悠蓬萊不
用飛輪到萬里微茫一望收
百尺丹梯擁翠叢四時佳氣鬱菁葱憑欄指
點江山外一咲那知眼界空

庭院飛香

萬綠千紅開落英輕風吹屑撲簷極陽和散
入人間去不用當筵下水晶

碧院陰濃紫翠園朱欄十二對春暉亂紅滿
徑花茵合日玩芳菲盡醉歸

課耕涉趣

一犁春雨半蓑雲綠野逍遙到夕曛領畧農
家幽意足前村燈火已繽紛

擬築青門學種瓜帶經聊自傲烟霞不因日
涉那成趣耕鑿真堪閱歲華

江皋小集

卷五

八栢環青

翠蓋銅柯拂紫烟托根名苑自何年萬株浪
說留金谷誰似江皋廠列仙

井香凝露自堪飧長與喬松閱歲寒鶴節偏
宜雲外賞虬枝應傍雪中看

梅塢涵春

江梅千樹蘸清流暖律初回小洞幽窗外寒
香清入夢却疑身世在羅浮

參差瓊樹倚江濱嫩蕊繁英照眼新調鼎由

東甯結實一枝先報嶺頭春

荔磯釣月

澄潭千頃淨煙波日理長竿擁釣簑荔子磯
頭江月白夜來偏得和漁歌

水氣涵虛皓魄浮苔磯片石共悠悠長江一
望澄如練却怪遊鱗不上鉤

玄閑鏡水

寶筏玄津只自知一泓清淺與心期後來色

江皋小集

卷五

相元非有探得玄珠掌上持

汪汪千頃碧於藍靜對玄閑好自忝欲問源
頭消息在滿江明月印寒潭

星槎晚泛

晚涼林外啓柴扉閒棹仙槎趁夕暉塵世莫
言銀漢杳坐看乘月到支機

江渚涼颼暑氣消得魚沽酒信蘭橈醉來暫
宿蘆花岸月滿前溪起暮潮

太猶梁文烜

虛閣迎薰

飛閣臨漪俯釣臺
踈櫺八面趁花開
遙知適意虞絃奏
時有薰風送爽來

如亭聽籟

如如亭上會真吾
靜裡乾坤自有無
解識箇中間籟意
幽禽不用向人呼

層臺遠眺

江皋小築集
凌霄臺觀足登臨
海外青山入望深
勿謂江湖廊廟隔
高岡應待鳳凰音

庭院飛花

春深庭院有飛紅
片片餘香殿晚風
坐數落英須愛惜
不教隨水過橋東

課耕涉趣

布穀催耕處處啼
一簑煙雨憶磻溪
有莘原負天民望
會起阿衡活衆黎

八栢環青

翠栢參差倚碧天
靈根聯植蔭環連
云何若木東隅好
饒爾長遮玳瑁筵

梅塢涵春

滿塢寒梅踈影斜
瓊姿春遣伴霜華
偏宜秋桂飄香後
又報東風第一花

荔磯釣月

江皋小築集
紅荔溪邊月漸高
誰將六物狎波濤
竿頭百尺絲綸在下
釣還應得巨鰲

玄閨鏡水

石上瑤花色自瑩
玄閨水鏡更清冷
晴雲飛蓋盈朱履
共許探珠問日星

星槎晚泛

尊酒扁舟月正明
流光隨汴俗塵輕
星河一帶清如許
莫問支機且濯纓

翫望余道南

虛閣迎薰

縹緲危欄瞰八荒披襟乍可敞新涼
絃更奏南風曲頃信虞廷有和章

如亭聽籟

孤亭寂寂晝冥冥隱几翛然靜鍊形
為報管絃休聒耳刁調清響在林坰

層臺遠眺

梧桐旗嶺鬱龍從斗絕層臺峙此中
覽勝儻窮千里目萋南雲物望來空

庭院飛花

院落深沉花自風天然點綴勝人玉
何須脂粉施塗抹賸有蒼苔襯淺紅

課畊涉趣

流雲盈壑雨盈畦布穀頻呼鷓鴣啼
想是報人春事急湯携畚鍤過橋西

鷓鴣音必弼

八柏環青

遠望明霞不可攀獨憐列柏勢迴環
年來學得長生訣堪茹瑤芝共駐顏

梅塢涵春

滿塢幽香玉作叢亭亭素質對春風
縣知東望羅浮近青鳥時來入夢中

荔磯釣月

月色光寒印海方潮頭初長岸微茫
主人歌

試絃綸手故向磯頭擬釣璫

玄闕鏡水

小構玄闕傍水湄捲簾長日挹漣漪
忘魚更覺渾忘我樂意那能語惠施

星槎晚泛

日落風恬浪乍停孤槎蕩漾漾在寒汀
何當直向靈津去遂使君平詫客星

岸文龔必登

虛閣迎薰

百尺梯雲閣影懸東洲烟景入尊前憑闌欲
奏宮商曲披豁南薰動五絃

如亭聽籟

雲滿溪亭坐起遲靜聞天籟勝朱絲清機深
省誰能會一卷南華手自披

層臺遠眺

主人矯々氣如虹獨上高臺望遠空弱水颿
輪三島外瓊樓金闕五雲中

庭院飛花

坐惜芳菲詩欲就景憐幽絕酒堪携庭前惜
憶長安道凌亂紅香送馬蹄

課耕涉趣

迎梅雨足杏花前禾黍雲披負郭田卜稼勸
農歸去晚草堂明月竹溪煙

八栢環青

偏宜隱映三蓬徑不減蕭疎八桂林酒裏香
浮元日醉雪中青耐歲寒心

梅塢涵春

移得孤山萬樹雲嫩香微蕊白繽紛人間未
識春消息塢裏瓊瑤已報君

荔磯釣月

荔園陰濃白石磯烟波不濕芰荷衣閒乘釣
艇垂綸去緩唱菱歌棹月歸

玄關鏡水

瑤圃玄關別有天霓衣長日挾飛仙堪携二
女凌波步來照東江水鏡前

星槎晚泛

槎泛銀濤露氣清支機何必問君平乘潮東
去滄溟近坐聽天雞看日生

見日譚清海

虛閣迎薰

憑虛天外者何人信手朱絃是舜琴不為乘
涼貪解愠千年流水有遺音

如亭聽籟

風亭天外幾迴聞不是林森入鳥群人世固
知難問竅敢云鳴籟落紛紛

層臺遠眺

百尺高臺生紫煙萬方雲水遠相連京華一
望情何限欲駕飛鸞會衆仙

庭院飛花

日長無事倚晴暉何處香風入繡幃十二碧
闌春似海亂紅時逐錦雲飛

課耕涉趣

有莘元為寄閑情豈謂今傳萬古名三聘敢
云前代事穠來禾黍滿郊坰

八栢環書

栢樹憐君手自我何年分種到蓬萊千枝盡
是凌霜色管甚開花闌艷開

梅塢迎春

臘前飛雪正紛披上苑瓊姿喜遇時青帝欲
迴天上輦一花先報狀元枝

荔磯釣月

荔紅千樹灑江舟試問誰桴釣月遊聖主

只今垂拱治豈容飛騎入神州

玄關鏡水

半畝方塘一鑑開日長鷗鷺不須來冥心共
對情何限不信人間有劫灰

星槎晚泛

銀河七月水西流翺首雙星是女牛太乙直
人何處問蓮花今已作僊舟

扶陽何荆玉

虛閣迎薰

最愛南來一味涼日長開閣坐明窓午間歌
枕堪沉着不去却却道忙忙

如亭聽籟

大弭小龢吹應萬到得無聲怒却誰始覺是
非隨意有如元不帶將來

層臺遠眺

江阜小集

何一

一踏層臺眼便空萬山如霧色濛濛羅浮四
百都埋却獨出飛雲一箇峯

庭院飛花

庭院深淺花滿林飛來一片看人襟勸君不
用驚紅瘦風送些兒點綴春

課耕涉趣

近山艸長宜黃犢近水潮多足綠苗不是登
山即臨水可將生計問漁樵

八柏環青

一團叢翠影重重秋霽疑烟分外濃怪得有
香來百和鎖枝藂裡過來風

梅塢涵春

風流始知香到席月臨還訝雪漫天青皇行
卻先傳譚洩漏春光在隔年

荔磯釣月

荔子如丹覆釣磯晚涼垂釣月生時青絲拂

江阜小集

何一

水搖紅錦香餌驚波皺小眉

玄關鏡水

紅塵不到玄門裡朝夕幽人學閉關獨有庭
前鏡湖水可堪長對定中閑

星槎晚泛

乘舟酌酒偏宜晚上下天光覆水清待得月
華來照席便教身坐玉壺冰

心宇陳玘

虛閣迎薰

篆煙香藹上簾櫳
虛閣涼生透錦叢
坐對北窓渾一味
虞絃相解午陰濃

如亭聽籟

華亭高構納新涼
適意翛然引興長
萬竅噶千清響徹
坐聽玄籟自徜徉

層臺遠眺

江華小集集
巍樓雄跨碧江隈
玉簾珠簾掩映開
入望微茫煙景好
酣歌一曲即蓬萊

庭院飛花

玉樹瓊葩翠且重
倚雲映日競芳濃
曉風吹舞深庭院
無限春光滿眼中

課耕涉趣

一犁春雨滿烟蓑
喜見西疇樂事多
乘興不妨閒步屨
雅歌擊壤更如何

八柏環青

孤直森羅翠蓋擎
瑞烟騰鶴舞蒼精
經霜黛色還蔥鬱
匝地陰濃麗日晴

梅塢涵春

江南春暖雪初晴
麗苑群葩未吐英
只有一枝先破臘
芳馨爛熳擅魁名

荔磯釣月

妃子香凝玉露清
冰輪浮動蘸波平
垂綸蕩漾雲穿影
一段寒光徹底澄

玄關鏡水

源頭活水湛空浮
透入玄關一處幽
冰鑑靜分晴色曉
月光凝魄漾波流

星槎泛月

暝色微茫入夜闌
潮生蕩槳向江干
仙槎泛泛尋溪轉
一醉狂歌任渺漫

飛閣尹朝綜

虛閣迎薰

高閣嵯峨枕碧滄
憑空遙俯白雲長
冷然頓覺涼颼透
一簾清風到上皇

如亭聽籟

風林浙瀝鳥啼春
攬翠亭芳官俗塵
會却玄玄喧亦寂
籟中何事辨天人

層臺遠眺

遙躡雲根步達觀
翩躚鶴馭欲生翰
胸中八極乾坤濶
世上那煩白眼看

庭院飛花

風煖園林百卉新
錦霞片片舞芳春
客來不用呼童掃
一醉還憑作卧茵

課耕涉趣

郊原春雨足桑麻
平楚為園學種瓜
嗤世利名多妄覲
每操豚酒祝汙邪

八栢環青

石磴陰森長薜蘿
蒼園喬栢挺銅柯
由來大谷齊天地
不數平泉雁翅多

梅塢涵春

月浸梅窩似蕊宮
冰綃碎剪競春工
淡粧自入師雄夢
猶帶香魂倚晚風

荔磯釣月

簾捲清風理釣鈎
荔紅波綠趣悠悠
綠空湯寄竿中月
譏笑嚴安愛着裘

玄關鏡水

檻內僊翁檻外漪
玉輪高掛鏡光垂
看來水月冰心在
湛定渾如八斛池

星槎晚泛

蘭橈秋晚御纖阿
慢櫓吳姬採芡荷
一曲橫塘吹玉笛
却疑身世在銀河

集虛趙弘猷

虛閣迎薰

手倦拋書夢未成
炎蒸何事故相縈
乘涼憶上凌虛閣
消盡煩襟轉自清

如亭聽籟

逃虛要使雜喧違
翻聽笙竽似若非
靜裏靈籟得真趣
孤亭不覺坐忘歸

層臺遠眺

江華小集集
蒼茫六合笑壘空
萬象參差指顧中
共道憑高舒眼孔
冥心寧識更昭融

庭院飛花

萬紫千紅片片勻
一番開落自然因
穠華不必論金谷
酹酌惟知麴米春

課耕涉趣

閒來出郭課春田
悵恨如閒隴上旋
莫笑傭耕多浪說
抱懷原是燕鴻偏

一、栢環青

栢株環列鬱蒼菁
飽諳風霜餘愈貞
栽莫容蘿蔓附好
移梅竹結寒盟

梅塢涵春

玉蕾藏春未破葩
一枝橫壓塢邊斜
行人共指林逋宅
應有清香賽雪華

荔磯釣月

磯頭坐愛綠陰連
倒浸冰輪夜愈鮮
定有妖蘿貪餌出
垂綸牽動碧潭煙

玄關鏡水

玄關深敞俯滄浪
穠霧澄清一鏡涼
洗硯乍侵銀兔影
流觴旋動玉蟾光

星槎晚泛

滾滾長江不盡流
晚涼邀月上虛舟
尋源直到榆花境
那恤星辰犯斗牛

吹蒸張文錄

虛閣迎薰

開軒不愛自家涼一珠清陰遍八方高枕却
啗陶五柳夢中誰與到羲皇

如亭聽籟

悟到無心慮不營拈花靈會法曇輕于喁巧
送天然曲摠是如如耳外聲

層臺遠眺

江皋小築集

卷一

吹一

兀兀層臺倚太清主人非抱庾公情月明鋪
練空塵界海上三山又一瀛

庭院飛花

成都花箔錦為茵香趁杯濃琥珀新故遣氤
氲夫女散非關一片減於春

課耕涉趣

七月姬公動帝看田家作苦味堪酸課中具
識盤餐意不為幽貞勵伐檀

八栢環青

飲中如並八為僊香葉栖凰不記年為問乍
時蒲與柳霜心留得幾殘煙

梅塢涵春

何遜楊州舊有名疎枝半吐影橫清明朝有
客欣携酒分付東風好放瓊

荔磯釣月

無餌鉤垂一線風荔磯樂矣許濂同群魚化

江皋小築集

卷一

吹二

作忘機鳥日夕迎波向海翁

玄閨鏡水

一碧澄鮮徹古今源頭脉脉此中尋主人靜
對心如洗曾有紅塵半點侵

星槎晚泛

蕩漾晴空蕞渡川驚傳太乙月中蓮知君妙
脫回頭岸一棹清光處處圓

抑菴陳大業

虛閣迎薰

凌虛高閣倚天開
閣外浮雲任往來
坐對南薰清氣爽
翻疑身世在冰臺

如亭聽籟

古木蕭森鳥不驚
靜觀宇宙寂無聲
焚香默坐心如水
惟聽天空萬籟鳴

層臺遠眺

江皋小築集
步上層臺眼界空
一層一眺玉玲瓏
舉頭紅日天邊近
回首白雲望正融

庭院飛花

沉沉庭院鎖春愁
片片花飛逐客遊
傳語花神好回護
願教長插美人頭

課耕涉趣

抱膝長吟誦讀頻
一犁耕破隴頭春
呼童涉盡田家趣
疑是當年樂有莘

八栢環青

八株翠蓋聳天奇
老幹如龍節不移
合抱棟隆華國器
托身元是萬年枝

梅塢涵春

遜雪三分色可誇
暗藏春色早抽芽
個中自有調羹味
先向東風第一花

荔磯釣月

磯頭五月荔枝紅
明月垂絲細浪中
聖世不聞妃子笑
一竿惟見有飛熊

玄關鏡水

參偈譚玄日閉關
蒲團打坐自閒閒
鏡空水淨渾無迹
魚躍鳶飛任往還

星槎晚泛

一葉扁舟泛晚流
西湖煙景一般秋
回頭是岸君須記
莫問張騫犯斗牛

侍庭范欽

虛閣迎薰

高閣涵虛四望開
揮毫永日集雄才
踈簾半捲薰風動
會送荷香入酒盃

如亭聽籟

夜坐如亭酒正呼
碧空雲盡月輪孤
忽驚何處聲方起
疑是乾坤弄管竽

層臺遠眺

江阜小築集
層臺數尺傍江干
花氣蒸人景色漫
倚危闌望西北五雲深處是長安

庭院飛花

庭院春深花亂開
飄香舞片逐人來
三千珠履芳筵集
一曲鸞音佐酒盃

課耕涉趣

柳條輕濕雨晴餘
喜課農畊且帶書
但覺眼前生意滿
東風吹綠入苗畬

八柏環青

八柏團青一畝陰
興來樽酒日登臨
龍標翠蓋凌霄起
豈擬淮南桂樹林

梅塢涵春

雲鎖千峯凍未開
忽看梅蕊吐江隈
今人盡道春回早
誰解天機不斷來

荔磯釣月

荔子垂垂映晚濤
一輪明月落江皋
柔絲且試投竿餌
暫借蟾光作巨鰲

江阜小築集

范一

玄關鏡水

步入玄關氣轉清
一泓寒鑑碧相迎
紅塵不到心如洗
照見千秋萬古情

星槎晚泛

森森喬樹擁林丘
水碧山青接素飀
翹首銀河真咫尺
星槎清泛晚悠悠

李漸蕃

虛閣迎薰

中天樓閣接微茫，坐對南來一味長。
解慍未須絃裏奏，樽開花外有微涼。

如亭聽籟

碧雲涼月思偏長，獨坐如亭酒一觴。
萬壑寒生風細細，清音隨處有笙簧。

層臺遠眺

江皋小築集

翠一

亭亭高閣枕江隈，簾捲寒雲四望開。
醉倚危欄時極目，朱明煙霧鬱崔嵬。

庭院飛花

燕語鶯啼春欲稀，空庭無事坐花飛。
紛紛蝶頻相逐，故促餘紅點客衣。

課耕涉趣

落花紅破隴頭雲，雨霽平疇綠正分。
剩有鹿門遺址在，等閒隨地樂耕耘。

八栢環青

羅列森森栢數株，連枝並秀可誰如。
歲寒萬木彫零盡，猶自葱蒼拂太虛。

梅塢涵春

東風猶未到江臺，冉冉梅花已占魁。
自是粵南春信早，逢人聊贈一枝回。

荔磯釣月

荔滿溪頭水滿津，晚涼隨水弄綵綸。
開來暫適玄真趣，還繫長鰲巨海濱。

江皋小築集

翠二

玄關鏡水

習靜玄門已破關，蕭然無俗一心閒。
清光自得長如許，人世浮塵任往還。

星槎晚泛

蒹葭秋水暮烟橫，明月同登李郭船。
致語舟人頻蕩槳，直應高上斗牛邊。

集玉王濟川

虛閣迎薰

危欄百尺倚天開
虛牖浮雲任送回
隱几捲簾渾自得
清真恰對故人來

如亭聽籟

靜裏心閒只自如
聲塵不入耳根祛
涼風敲碎琅玕月
剩有松濤灑六虛

層臺遠眺

江皋小築集
葉一
甚浮萬疊欲摩霄
極目河山望轉迢
橫劔倚空凌北斗
乘風直擬駕扶搖

庭院飛花

畫樑新燕喜宜春
花氣香浮欲醉人
饒有洛陽千種色
舞筵贏得錦為茵

課耕涉趣

耕雲耨月兩優游
步屨扶筇趣轉幽
點破一犁春雨綠
瞻蒲鷄黍熟新疇

八栢環青

黛色濃侵太谷年
纔纔翠結鬱蒼煙
移根羨爾凌霜骨
不數人間浪詠仙

梅塢涵春

山寒萬片雪連雲
紅紫芳菲揔未芬
聊向塢梅占氣色
一枝新噴玉龍文

荔磯釣月

荷香十里月初舒
錦荔斜侵拂釣渚
謝却羊裘風細處
不妨呼酒餌江魚

江皋小築集

葉二

玄關鏡水

洞裏玄關本自扃
千株松下兩函經
客來問道無餘話
鏡在青天水在瓶

星槎晚泛

李郭仙舟泛晚秋
銀河漾漾月悠悠
綠誰拾得支機石
笑傲天邊犯斗牛

麗明蘇尚勸

虛閣迎薰

疎櫺高棟已生涼最愛南來一味長開把琴
尊消白晝隔溪猶送芰荷香

如亭聽籟

靜坐幽亭漏欲催瀟瀟清籟自天來憑闌聽
到無聲處真境如如亦妙哉

層臺遠眺

江華小集
凌虛樓閣碧玲瓏步上丹梯眼界空北望長
安天咫尺九重宮闕五雲中

庭院飛花

芬菲未忍委輕塵旋逐香風上繡茵最愛翩
翩雙蛺蝶庭前繾綣為留春

課耕涉趣

頻頻布穀語林蕓蠟屐拖雲出曉田共喜一
犁春雨足片時耕破隴頭煙

八栢環青

錦石瓊葩自歲華栢株三五亦從遮接柯不
改千年色相對庭前共一家

梅塢涵春

陽回生意已潛萌綠杏緋桃尚未芬惟有梅
花消息早南枝先占上林春

荔磯釣月

江華小集
荔熟林頭燕燕飛葛衣輕拂坐苔磯一竿欲
把長鯨釣月色蒼茫未忍歸

玄關鏡水

促席譚玄在此間重門洞闢隔塵寰心如小
水無纖礙坐看鳶魚自往還

星槎晚泛

蕩漾僊舸水竹隈忘機鷗鳥近人來臨流汎
有如泉酒一任狂歌醉月回

勵明梁應高

虛閣迎薰

切雲虛閣倚江流
簾捲薰風六月秋
輕透葛衣清亦得
不妨載酒日追遊

如亭聽籟

如亭獨立思蘧徐
萬竅嚶嚶落太虛
靜倚闌干聽不盡
人間何事有仙居

層臺遠眺

中天突兀聳高臺
幾許登臨亦壯哉
水色山光頻極目
綵雲西去數蓬萊

庭院飛花

花滿江臯迥市塵
春深誰為酹蒼神
客來不籍蒲團坐
笑聚飛紅作繡茵

課耕涉趣

書暇呼童荷短鋤
種禾初罷又栽蔬
興來日涉真成趣
滿眼生機可自娛

八栢環青

萬葉森森翠可餐
主人環植傍闌干
芳姿茂幹四時色
勁節猶能傲歲寒

梅塢涵春

淡淡清香一逕潏
先春寒玉滿園林
千紅萬紫供吟思
獨有梅花最賞心

荔磯釣月

荔樹陰陰繫短航
天青雲白映波光
一竿擲

向江心去不釣江魚只釣璜

玄關鏡水

逶迤曲徑遶芳塘
步上玄關眇八荒
一鑑水光天上下
紅塵不到月蒼蒼

星槎晚泛

微風吹浪晚滌湘
蕩槩中流烟霧開
西去不知前路遠
直從牛渚泛三台

用予彭世詔

虛閣迎薰

雲屏翠幙野煙蒼高閣臨江引望長誰謂檢
書清味少故人相對一襟涼

如亭聽籟

野亭林木鎖芳煙世外身心世內緣欹枕覺
來涼籟入却疑僊樂下鈞天

層臺遠眺

江皋小集

彭

高並黃金百尺臺平臨日月彩雲開劍橫北
斗成天象觸目河山錦繡裁

庭院飛花

春院春深入酒盃曉風花片逐人來粧成朱
瑟翻紅甲舞袖爭裁蜀錦迴

課耕涉趣

一犁新水問兒童飽飯桑陰卧午風謾道躬
耕老虞舜到來樂事幾人同

八栢環青

翠擁鴻濛雪後姿風雲長護萬年枝獨憐脂
藥人間壽猶有巢烏帶月窺

梅塢涵春

四海春光蕩漾催苑梅先信一枝開暗香笛
裏江南曲素影偏凝雪色來

荔磯釣月

長夏平林熟荔丹苔磯新水自漫漫空江不
下驚魚餌曾寄綵綸月一竿

江皋小集

彭

玄關鏡水

隱几玄門晝不關每因奇字醉應還湖光一
鑑芙蓉色長對冰心祇自閑

星槎晚泛

翠管銀瓶樂未涯岸花堤柳掩流霞人從霄
漢瞻牛斗李郭乘風泛晚槎

四一釋性和南嶽名僧

虛閣迎薰

高閣凌虛象外縣南來風景獨冷然幽人倚
檻堪消暑萬里山川在目前

如亭聽籟

自得閒心物外情空亭偏愛話無生不知清
籟其誰發獨坐猶聞天地聲

層臺遠眺

上客翩翩何處來不妨載酒共登臺徘徊長
嘯江天外襟拂雄風亦快哉

庭院飛花

庭院幽深曲磴斜賞心疑是野人家春回處
處啼鶯早簾外香風送落花

課耕涉趣

穿雲帶雨歇春犁種豆南山盡豆箕但使酒
酣常耳熱田家真樂有誰知

八栢環青

蒼蒼古栢氣陰森凜凜虬枝植上林奇榦獨
凌霜雪色青柯猶帶歲寒心

梅塢涵春

深塢寒梅正發花春風月色影橫斜尋幽夢
醒空惆悵良夜令人興轉賒

荔磯釣月

千尺垂綸坐落暉還同鷗鳥自忘機有時釣

罷磯頭月靜看閒雲片片飛

玄關鏡水

遙望玄關紫氣連瑤池水月鏡中天流分萬
派歸滄海清徹源頭不記年

星槎晚泛

有客乘槎海上遊乾坤浩渺一虛舟清晨借
問君正語昨夜星辰犯斗牛

覺一道人梁敬之

虛閣迎薰

誰家高築倚雲開握手登臨破綠苔坐挹南薰塵慮遠更從何處問蘭臺

如亭聽籟

聞道如亭闢俗緣如亭清景果天然等閑獨倚雕闌聽更有松聲和管絃

層臺遠眺

步入江臯亦快哉層樓高聳並崔嵬登臨每謂長安近翹首依然入望來

庭院飛花

園庭景色畫圖開魏紫姚黃列翠苔更有一般真可羨落卷飄佐紫霞盃

課耕涉趣

道從何處適相宜且向田園樂片時除却往來車馬客帶經還有幾人知

八栢環青

石几清涼日色稀數株蒼栢列成圍畫長仙侶閑敲局悞却傍觀幾度歸

梅塢涵春

庾嶺移根傍四隣一枝曾寄隴頭人只今鼎鼐多懸望莫向稍頭久戀春

荔磯釣月

荔熟磯頭夜正涼一輪明月蘸滄浪扁舟獨

隱垂竿釣豈是當年渭水姜

玄關鏡水

踏上玄關世界輕玄關光景有餘情門環素練堪供謝况復水輪徹底清

星槎晚泛

瑟瑟西風入素秋銀河耿耿夜悠悠乘槎直擬衝牛斗不媿當時博望侯

海石徐兆魁

虛閣迎薰

士人耻懷居而亦重遊息虛閣有餘薰豈為
眠與食雲霞自卷舒延覽無終極興至但憑
欄何必生八翼

如亭聽籟

野亭亦人境不受市塵喧世與我俱遠無然
生畔援苔澗深不測桃李故無言側耳一何

江華小集

徐一

聞清籟爭林園

層臺遠眺

不盡江山趣油然森以具層臺倚方隅萬象
同煦嫗蓬茨得大觀會境即真遇雲霄有歸
鴻應否生遐慕

庭院飛花

林丘少塵事羸得歲時春開落元無定風來
重逡巡舞蝶戀牆慢遊蜂撲坐茵豈謂盡無

情片片欲依人

課耕涉趣

古人耕且食令人學耻耕安識其中味隴畝
多餘榮有莘饒誦讀粟里無經營此自君南
陔日涉以怡情

八栢環青

名園足餘青花鳥日相迎試閱歲寒候列栢
故崢嶸味苦翠自若霜侵節愈明穠冶豈其

江華小集

徐二

儕挺挺邁群英

梅塢涵春

百昌喜春回在在錦成堆不待春先放寒姿
獨有梅塢因梅並重春與塢相催歲歲梅花
期賞心共徘徊

荔磯釣月

獨坐漁磯上岸憤試垂綸荔影搖波間水天
皓如銀我懷月可酌誰與月同新所志不在

魚持竿自沉吟

玄關鏡水

至人能善息日日掩重關水鏡遠當戶澄然
心自閒塵纓猶可濯玄鬢任其斑應有跨牛
人相憐一解顏

星槎晚泛

江臯水曲端彷彿浣花村一葉宜晴晚駕言
問桃源棹擁波間月魚驚曲裏頃何處採菱

江臯小集

徐三

女同泛不同言

蘭洲王而御

沐初堂

別業依江潯高堂號沐初清虛宜凜雪疎豁
任居諸閉戶揮玄草褰帷檢素書預知龍卧
處應作一蘧廬

挹薰樓

高閣入雲平依微近玉京蒼煙連廣漠薰吹
上檐楹意遠天同迥緣空暑盡清自然能解

江臯小集

洲一

愠何用舜琴鳴

如如亭

漫說西天竺君亭亦祇林垂簾堪入定閒坐
自明心鳥過聽新偈雲留豁遠襟真如多妙
趣此地得來深

飛花庭院

芳徑遶雲斜虛亭百卉遮白飄秦嶺雪紅墮
赤城霞風入分香謁暝籠護絳紗年來春色

早更向上林誇

達觀臺

思豁登臨目來遊江上臺風煙千里合雲樹
萬山迴笑指滄波濶襟披岱色開興酣吾欲
賦媿乏大夫才

芸暉圃

勝地開瑤圃環堦長綠芸凝脂明似玉葉細
密如雲每覺暉盈室那令蠹蝕文牙籤君舊

江皋小築集

洲二

業長此挹清芬

環栢石

古栢八為行亭亭翠蓋長貞心元傲雪勁節
飽經霜泛盞香浮綠蟠虬色帶蒼石床時靜
對寒色助飛觴

梅花塢

幾株庾嶺雪萬斛隱侯春冷蕊瓊為朶踈枝
玉作鱗寒入枚生賦清含水部神江城休弄

笛幽趣正宜人

竹徑

秀色琅玕遍蕭騷一徑中影翻鸞婉轉聲戛
玉玲瓏豈少嵇康侶元高蔣詡風王猷今滿
宅清賞與君同

釣磯

不作臨淵羨登臺自息機月涵新水濶雲觸
晚風微靜對鷗為侶閒收芟緝衣他年求澤

江皋小築集

洲三

畔人擬子陵磯

喻一李如榴

虛閣迎薰

雲物綺牕虛玲瓏八面開暑從神鳥去清白
故人來水色侵簾幙花香入酒杯泠泠吹不
斷斜倚玉山頽

如亭聽籟

有懷列子御自得羲皇心共結林中契時聆

空外音着花知蕙轉經竹似龍吟
日夕起蘋末清清披我襟

層臺遠眺

呼吸通霄漢平臨俯近川
半空飛鳥度遠樹海雲連煙
雨斜陽外人家脩竹邊登臺重搔
首吾欲問青天

庭院飛花

拂曙亂鶯啼芳叢咫尺迷人疑
竹林賞地似

江華小築集

喻一

武陵溪飛盡沾春酒飄香點燕泥
東皇元有意結實滿前堤

課耕涉趣

郭外杏花庄相看趣正長
犂翻春雨綠車覆暮雲黃見說
三農苦仍聞五里香逢年多樂
事吟咏寄奚囊

八栢環青

聳壑連青翠移根覆石欄
含貞常自喜帶雪

不知寒直幹凌風雨高枝宿鳳鸞
門前饒五柳誰作後凋者

梅塢涵春

試傍寒梅問孤芳占短牆
一灣斜弄影片月暗生香雪霏
枝頭盡梨花夢裏長巡簷方索
笑春意滿橫塘

荔磯釣月

一往觀魚樂呼來不掉頭
猶餘濠濮想空寄水雲幽浩渺
天低樹蒼茫月上釣紅塵飛騎

江華小築集

喻一

絕清賞自悠悠

玄關鏡水

淡味天生一光輝映四鄰
鬚眉宜鑑水魚鳥復親人豈以
動中趣而遺靜裏真此心如可
洗千頃絕埃塵

星槎晚泛

綠水遶孤城漁燈傍晚明
乘風破巨浪呼酒解餘醒月過
千門曉潮生一艇橫自能依棹
望何事問君平

自注錢大猷

唐閣迎薰

別業初開城北隈，迎薰虛閣迥崔嵬。
風香透侵簾入竹，色光搖拂檻來。
雨過松蘿浮遠翠，月明歌吹落深杯。
晝長暫寄南窓傲，欹枕從教蝶夢回。

如亭聽籟

夜色蒼茫萬籟嗟，如亭靜聽思踟躕。
微斗氣雲端落，啁啾穩聲葉下初。
鳳嘯却從登嶺後，梵音原自出虛餘。
江臯不是潯陽浦，何事琵琶到艸廬。

層臺遠眺

層臺高構倚雲孤，緩步登攀路轉迂。
咫尺峰巒關象緯，微茫煙水遶城區。
亂絃入夜歌相應，綺席留賓酒屢呼。
眺望渺然空世界，百年天地祗斯須。

庭院飛花

院宇陰森一徑通，萬花開遍廣庭中。
移來疎影枝枝瘦，飛入鮮葩片片紅。
好鳥啼春過別圃，遊蜂遙夜宿芳叢。
東皇顧借長為主，歲又花時許暫同。

課耕涉趣

一犁春雨喜新晴，口涉園林興趣生。
放舸乘潮携饍具，停桡到處餉農耕。
滿車休羨齊疆祝，對案還嘉冀野情。
收穫千鍾留林釀，持螯殊喜綠尊盈。

八栢環青

列栢連雲遶檻西，亭亭幢蓋八株齊。
簾開繡幙長松並，月浸朱欄百卉低。
劔閣遠瞻遺廟肅，霜臺近聽夜烏啼。
青青柯葉渾無改，黛色依然望不迷。

梅塢涵春

天轉瑤衡沙氣迴塢梅先已報春魁枝枝窠
蕾凌寒吐習習幽香傍月來吟苦湯憐何遜
興慙成堪羨廣平才歲華未是當搖落怪底
城頭玉笛催

荔磯釣月

朱實纍纍夾岸垂持竿偏喜月橫枝風搖柳
線牽遊舫浪捲桃花漾釣絲星象每臨煙水
曲蟾光偏照富江湄時來湯展經綸手車後

還看帝者師

玄關鏡水

縹緲玄關漾鏡湖霏微秀色月平鋪沙邊風
起斜飛燕天外帆張急避鳬情逐暮雲歌遄
發斗移深夜酒頻呼登臺院覺星辰近豈滯
滄波老釣徒

星槎晚泛

城外滄江勝若耶晚涼邀客泛星槎銀蟾璫

璫湖光潤錦纜舒徐鴈影賒遠浦漁歌侵座
劇平隄樹色入簾斜夜歸不向君平卜猶覓
醍醐對絳紗

右亭史記事

虛閣迎薰

危欄先已動微涼况復南薰灑客裳驅雪入
懷寧有色隨花飄坐但聞香日長尚想虞絃
遠風至應憐楚調芳消暑倘然能獲此何妨

高處數徊翔

如亭聽籟

空宇高臨衆竅前日聞吹萬轉翛然琤琤響
動雕甍月縹緲音流畫棟煙側耳却疑清夜
梵傾心疑誦六時禪誰云起自青蘋未能復
馳聲到坐邊

層臺遠眺

崇階屹立勢偏雄駐舄憑虛四望通直視天

壤襟帶下俯窺城郭盡園中身沾飛靄形神
杳足亂浮雲眼界空百二山河如許壯達觀
元已入心胷

庭院飛花

江干庭院艷年芳冉冉花飛侶洛陽幾處和
風隨蝶舞有時迎兩伴鶯翔衝簾忽訝膜脂
冷襲袂常疑錦繡香恍若仙姬鳴珮下金鈿
重墮素茵旁

江皋小築集

史三

課耕涉趣

農事時維及仲春西疇何地不堪親以茲畝
畝幾畦稼勞却岩廊一德身省處是耕觀是
穫山將為歷野為莘自從寤寐勲華後唯此
巾柴樂最真

八栢環青

節並長松總不厭青又露葉著寒條虬形屈
曲姿偏古翠羽扶疎色更饒浥雪故能明媚

景抱雲猶自麗層霄春葩穠萼渾穠艷孰與
參天入沈瀟

梅塢涵春

群芳待煖始繁華汝獨衝寒自放花誰奪化
工無限妙倏分離落數枝斜幽香習習霜應
妬疎影離離玉共誇蜂蝶試令偷着眼詎宜
飛去入隣家

荔磯釣月

溪頭錦樹絢新晴入暮披衣弄月明倚樹正
深垂釣想臨溪寧薄羨魚情竿綸並得任公
術物色應圖漢武形勿謂荒郊空閭寂嫦娥
長伴有餘清

玄關鏡水

皓竅涵虛盡日開皎然澄澈詎徒哉靜時索
照千形出動處逢源一線來不獨滌洄成變
化更能揮拭絕塵埃人間水鑑元非乏為問

無私且屬誰

星槎晚泛

萬緯含光徹夜清沿流隨意進船輕空明倒
着齊橈影波靜偏傳鼓柁聲簫鼓忽疑天上
奏旌干如在鏡中行興移頗似山陰棹獨訝
寒江雪未生

霍林張應申

挹薰樓

江集小集

史

傑閣高憑逼絳河翛然炎夏擬如何窓臨水
竹陰霏合簾捲煙霞爽氣多遠目不隨飛鳥
盡微風時曳荷雲過景純浪怪若華換郭璞
百尺
樓賦藉若
華而增怪漫鼓南薰發浩歌

如如亭

為園早已戒情塵小構懸知亦勝因望裏林
臯皆法界門前溪水即玄津佛言色相原無
着誰悟空華合有真不信如如亭上坐苾芻

何異宰官身

達觀臺

地僻寧知勝覽偏層臺四望迥風煙山河不
礙尊前地日月長懸檻內天黃鵠摩空招可
下青鸞為使語曾傳漢武神
明臺事不知世間人多
少試向金臺問列僊海中有金臺
仙常遊其上

課耕處

啼殘鵲鵲曉牕虛極目原疇錢鏐音剪初種

江集小集

張

秣可能供歲釀膽蒲聊共餉新畬勸農詔望
古壤耕瞻
蒲勸耕雲釋月心無繫較雨推晴案有書已
是一犁春夢破不妨蹤跡近樵漁

梅花塢

標格如君稱去聲隱侯栽梅成塢倍清幽素心
自愛存貞白芳徑何妨到阻脩香雪披叢風
韻迥玉鱗飛砌月華流亦知奕葉榮僊李揔
是春光此畫收

竹徑

琅玕低徑碧雲涵縱擬元卿也不慙客有求
羊非却掃古賦開却掃賢逢愁阮幾沉酣蛇附畫
翻拔地節已迥鸞尾梢雲清可耽豈為往來
供嘯咏主人材亦擅東南

狎鷗蓬

郭外溪邊車馬稀草堂花徑久忘機金門十
載非蓬累玉局千龜咲鶴歸坐玩空山嘒落
日行看新水沒寒磯襟懷只許輕鷗識相狎
煙波待奮飛

芸暉圃

綠野芳洲圃幾畦種芸春滿曉萋萋枝分徑
竹琅函散葉雜河榿翠暈齊芸枝如竹葉如槐漢殿
不妨存舊數洛陽宮殿記顯陽諸殿相門應
耻受新題唐權相元載直愁蠹食神僊字碩
托餘香護赫蹄芸香辟蠹赫音慶蹄薄紙也

環栢石

花堦桂壑迥半綿栢石森環境自懸長擬綴
珠縈赤水依然醒酒踞平泉施蘿駁音蘄駁蘚幾
風雨卧月凌霜多歲年見說赤松時上下中
林曾否對譚玄

飛花院

綠酒青尊春未稀萬花亭館醉芳菲風前舞
應垂垂節陌上歌翻緩緩歸錦樹步搖嬌並
顫墨林綵筆巧同揮莫教燕蹴鶯嘒去撲席
沾泥怨落暉

聚吾林敬脩

虛閣迎薰

岩崑高閣俯星辰坐對南薰作主賓香送露
荷開白羽影搖煙竹迥紅塵蘭臺詞賦誰同
調河朔風流自可親儻許逃虛頻取醉披襟
深酌豁吾真

如亭聽籟

如如亭上晚風輕獨倚朱闌夜氣清萬竅煩
吹橫碧落半天流響下空明謾疑太乙朝真
珮翻訝緱山度月笙坐久露深涼似洗殘樽
呼燭復同傾

層臺遠眺

高臺巍望莽蒼蒼極目遙天破大荒翰海波
光搖潏潏崦嵫山色入扶桑三千世界輿圖

江阜小築集

林一

壯十萬煙花罨畫張最是薊城多王氣祥雲
迢遞起朝陽

庭院飛花

曾呼羯鼓擅天工帝女新粧送晚風幾樹龍
蔥添嫩綠一枝搖曳換殘紅蛛絲綴片張新
錦蝶翅尋香戀舊叢不獨開時堪對酒玳筵
飛舞賞心同

課耕涉趣

入望平疇小築間春深十里雨潺潺數林布
穀啼聲合千耦連歌樂意閑載聽擊壤知帝
力幾因嘗饁識農艱田園日涉真成趣莘野
柴桑並可攀

八栢環青

何年新甫帶雲移翠繞青環自四時勁節不
緣冰雪改孤根惟許蟄龍知離奇遠寫鑪峯
勝森鬱遙隣葛嶺祠幾度過從難去汝采花

江阜小築集

林一

餐實亦療饑

梅塢涵春

植梅深塢雪叢叢忽見南枝煖漸融老幹橫
斜濃着月寒英疎淡靜含風興撩水部神偏
王句索孤山調轉工為問羅浮他夜夢可能
無意薦師雄

荔磯釣月

丹荔垂垂拂釣磯月明沙煖鯪魚肥直鉤謾

擲青蘋動獨繭頻牽白鳥飛嚴瀨風波終物
色渭流烟雨且蓑衣占星協卜年來事會擬
連鰲合負歸

玄關鏡水

深溪蘿洞鎖雲煙剌水當關漱澗鮮人為問
奇頻過酒客緣看竹幾探玄霞翔碧樹千峯
出月印澄波一鏡圓最是無營堪遠俗濯纓
吾興故翩翩

江阜小築集

林三

星槎晚泛

蕪葭過雨晚潮平載酒中流泛月明蕩槳魚
龍驕欲語忘機鷗鳥不相驚未論博望槎頭
石會有潯陽水上聲滿地江湖人共適乘風
破浪獨含情

席竹翟恂章

虛閣迎薰

風動簫韶萬里酣倚闌相對五雲涵文章氣

色占眉宇易簡神情引鼻參玉女峰高門外
紫靈翁源濬檻前藍披襟揮塵任天性人上
羲皇羨斗南

如亭聽籟

宴坐如如寂俗氛心遊象外復何聞盈虛海
運聲從律竅穴風琴響過雲翠幄不牽人撫
案丹崖曾有客移文眼前世味同鷄肋道在
壺中一篆薰

江阜小築集

翟一

層臺遠眺

丹梯百尺出林扉極目憑虛遍四圍雲淡羅
浮諸島近風生海月亂帆飛林光靜帶團朝
曙花影晴分弄晚暉乘興求歌森桂樹遊行
賞勝頓忘歸

庭院飛花

晝永簾垂萬慮微逍遙坐嘯看花飛身閒自
覺無羈是性逸誰嫌不着非欲舞且隨風引

竹多情偏學雪粘衣玉姬解佩難勝此銀漢
懸榆可庶幾

課耕涉趣

耆年通貴值平堦雅尚明農咏聖涯暫息雲
衢馳鳳轄頻經草露濕芒鞋從心豈但開三
徑府物須知寓六骸為報相看休浪訝江干
風景似無懷

八栢環青

名園嘉樹總華腴栢向隆冬秀更殊帶雪懸
冰徒歲晏集鵷儀鳳只龜徂何妨白眼狂相
對共羨清標道與俱就此開尊無不可何如
仙府有三珠

梅塢涵春

北郭為園多植梅春光不俟淑風回花明日
與瓊爭麗葉布時看翠作堆生意長留天地
色芳心久抱揔摛才品題自有揚州興郢雪

何難對月裁

荔磯釣月

玉漏迢迢潮已生江頭片月向人明持竿豈
是漁翁計對景真同仙客情樹下壺觴頻藉
草沙邊鷗鳥互尋盟隣家錯比被裘者懶慢
無心借釣行

玄關鏡水

懶後妄境嘆雲泥白法傳神意自西界徹河
山天宇靜照懸日月海光齊草玄卒歲情偏
適出定嘲風思不迷靈覺攝心猶證果更將
何處問菩提

星槎晚泛

天空風習月華生一葉扁舟自在行近眺城
池連塔影俯聆絃管叶潮聲竹間駐槩題詩
去花外邀賓盡醉傾容與漫遊同赤水勝緣
不是世間情

青林陳又開

虛閣迎薰

乘潮放舸江臯路笑撥紅塵入煙霧迎薰高
閣凌青霄軒窓習習薰風度我來興發時一
登微涼兩腋驅炎蒸何因白日生羽翼更上
瑤臺第一層

如亭聽籟

如如古亭萃森爽琴瑟天外流清響絲雲千
片掛朱闌玉露遙天下僊掌坐來夜久塵慮
清疎林漏月如有情呼童洗醖更呼酌遮莫
天鷄催曙鳴

層臺遠眺

達觀高臺何律岬上薄青冥俯雲物躋攀直
躡最高層飄飄如在蟾蜍窟凭闌四顧心眼
開泰山如拳海如杯乘風御氣興無賴擬跨
鵬翻時盤迴

庭院飛花

百花庭院爭紅白酒光入面濃香發酒痕未
減花已飛滿地殘紅慘鴉鵲苔堦拾片挹芳
塵澗水流香送暮春殷勤寄語花神道來歲
閒時還問津

課耕涉趣

陽和布護土膏溢田間啼鳥催耕急田夫舉
趾春雨勻侯主省工春草綠東疇亞旅多如
雲瞻蒲望杏何紛紛欲知稼穡艱難意共聽
農談到夕曛

八栢環青

八栢青青最出群宿雲屯霧含清芬連枝接
葉密如幄下視衆木徒續紛石臺陰合如厦
屋苔痕斑駁連錢簇賦詩行酒醉且歌三伏
炎蒸清亦足

梅塢涵春

江梅煖入南枝長雕瓊琢玉揚孤芳羅浮明

月嫌疎影東閣微風傳暗香漫誇桃李春光
好梅花已占春光早相逢信是百花魁衝寒
日對梅花塢

荔磯釣月

五月磯頭荔子紅火齊萬樹垂薰風東山月
白晚潮上坐向磯頭收釣筒詹何之綸玄真
竹波動月搖金簇簇何當釣得渭川璫後車
旋應非熊卜

玄關鏡水

江皋小築集

青三

草玄關門春不開草玄關外多莓苔下臨止
水靜如鏡濯纓濯足滌塵埃我緣問字頻來
徃案頭玄草常蕪兩天光上下見鳶魚道心
盡洗安排障

星槎晚泛

月澹風恬溪水平采菱何處放歌聲一尊共
上青蓮舫雲淨天空沙鳥鳴中流盪槳迷遠
近武陵溪在誰堪問酒酣枕手卧船頭一任
姮娥笑容鬢

青城翟廷謨

虛閣迎薰

楊子垂花徑鶯池灑墨林堂虛時雨潤閣敞
夏雲陰翰藻親魚鳥文心洽古今冷焉清吹
入白謂上皇人

如亭聽籟

擾擾乾坤內如如有此亭人天同法界歲月
但玄冥列樹非成障無關未可扁真如空色
相時見一蓮青

江皋小築集

城一

層臺遠眺

世人皆尺土未上達觀臺萬里長風至千峰
積翠開天臨海鏡濶劔拂斗文迴安得高懷
侶超然暢舉杯

庭院飛花

三春陶和氣別院正芳菲淅蕩吹輕片鮮榮
上舞衣醅方寄暢齊契豈相違繼繼東皇

意年華未息機

課耕涉趣

磻谿三畝宅帝業一鴻毛
彼美丘園道何來
玉帛勞雲泥朝印展月露晚浸袍
日涉皆成趣應非事桔槔

八栢環青

亭亭翠羽蓋蔚蔚青雲姿
直幹比君子寒柯歷歲時
幾將苔蘚合一任女蘿施
風動池邊影亂龍戲綠漪

江華小築集

城二

梅塢涵春

寂寞孤山後棲遲庾嶺分
幾從僂客夢欲問隴頭人的的
明香雪
益照玉麟漢官傳
剪綵先報一枝春

荔磯釣月

離離映朱實湛湛浴清濱
下坐漁磯石中含
太古人持竿不設餌
釣月豈驚鱗謾擬披裘

者應於象緯真

玄關鏡水

紅塵飛不到却掃有玄關
一鑑平如掌迴廊
逶迤似彎昔人曾喻性而我亦澄顏
向晚波心月終霄濯魄還

星槎晚泛

興逐山陰夜人乘上漢槎
或逢牛女會別自訪仙家
取石窺鯨室停撓揆月華
未窮滄海意漁笛滿蒹葭

江華小築集

城三

鐘呂吳芎歌

虛閣迎薰

高構涵虛敞人荒南來一味灑衣裳負鵬壯
擊三千里從虎期乘九五昌逸思空中邀禦
寇醉眠枕上識羲皇亦知解阜人間世滿院
荷花倍送香

如亭聽籟

雲鎖深林晝未開刁調萬壑靜塵埃心偕野
馬忘喧寂袖握尼珠沒去來風入松間堪拂
操烏啼花裏好啣盃是非不接真如耳却笑
巢由枕漱隈

層臺遠眺

百萬山河粵鎮雄登臺極目思何窮元知六
字多遼廓無復層巒障遠空雉堞低垂雲漢
外虹橋遙矚夕陽中蜃樓不識高如許翹首
青天問去鴻

庭院飛花

碧欄干外落紛紛惱亂隋宮剪綵新嫩蕊已
拋今夕艷香枝還抱隔年春因風宋殿遙飛
片隨水仙源識問津無那芳庭深鎖住繡茵
時復坐幽人

課耕涉趣

春雨霏微洽陌阡一犁耕破隴頭煙青牛盡
負謳童出黃犬時隨餉婦前撲厚幽風歌播
穀升聞虞德在于田清時不作歸來賦太史
占書大有年

八栢環青

列栢江臯屯密翠繩繩綠葉帶明霞三槐座
上無多植五柳門前並一家閱世合園俱皓
首希僊服食變黃芽歲寒最挺凌霜幹不與
群芳競物華

梅塢涵春

東皇昨夜遣花神散入南枝宿素茵玉笛樓
中吹未落瓊葩隴上折還新詩成香染黃昏
月歌罷聲傳白雪春莫把閒情歸水部垂垂
應待昂調珍

荔磯釣月

江南中夏荔枝紅綠水名園湛碧空幾點疎
星沉玉餌一竿明月上絲筒拂蘿坐煖雲根
霧吹夢搖紅水面風莫訝垂綸甘賁迹漢圖

江皋小集

呂三

曾入富春中

玄闕鏡水

柱下書成抱膝吟紅塵心遠靜中深風搖止
水情同湛草長平湖色不侵青飯日斜知雋
味素琴雲寂覺希音俗嘲豈作楊雄解應有
侯芭杖屨尋

星槎晚泛

客到龍門興自翩晚槎疑犯斗牛邊潮生汐

沒歸何處天上人間豈眇然煙景五湖思范
蠡秋風八月憶張騫白榆兩岸穿歸棹已辨
成都買卜錢

江皋小集

呂四

姪棧奕繁父

虛閣迎薰

高閣憑虛洞綺窓薰風習習灑衣裳涼生白
苧侵肌透荷度青蘋入簾香泐矣虞絃聞解
愜愉然羲枕滌清商湘簾半捲沉煙細徙倚
危欄白晝長

如亭聽籟

蕭瑟商飈散滿林野亭吹萬湯披襟刁調忽
起青蘋末淅瀝遙聞綠樹陰何處臨風疑玉
珮那堪對月雜寒砧冷冷虛谷傳空響傾耳
令人思不禁

層臺遠眺

縱步稜層睇碧空孤臺嶮岨勢何雄城連山
色環青黛橋鎖江流跨彩虹忽訝鳥飛平地
上翻驚人語半天中憑高欲御扶搖去翹望
遠氣鬱蔥

庭院飛花

駘蕩春光入院清一簾紅雨寂無聲香魂暗
逐疑蟾窟玉片紛披似武陵日映遊絲蜂漫
採風翻成陣燕還驚誰云南北渾難定時把
餘芬更有情

課耕涉趣

瀾茫春水足田疇遍插秧針事未休十畝苗
畚時稅駕一犁煙雨日驅牛且看餉饁如賓
敬何事持豚祝滿篝遙憶鹿門高逸叟分畦
種秫已成穠

八栢環青

數榦摩霄不可攀亭亭植峙勢迴環青標不
改凌霜質翠葉常留羽客顏野徑濃遮棋韻
碎石臺森護鳥聲開盤桓不減瑤池侶時向
飛雲跨鶴還

梅塢涵春

江南昨夜煖先回野塢涵香獨有梅錦石高
雲相掩映疎枝冷盡絕塵埃瓊姿待放瑤臺
艷玉朶偏從雪嶺栽欲寄隴頭春信早一枝
還占上林開

荔磯釣月

纍纍丹荔綴瓊枝向晚臨江把釣垂百尺長
竿投蜃窟一輪明月映玻璃求鰲應具任公
技維祚終持尚父絲誰謂天淵殊迥隔廣寒

江皋小築集

雲三

宮已接馮夷

玄關鏡水

誰向關頭悟解玄濠梁觀泳契真詮風來水
面波瀾動月印川心皓鑑懸道妙池魚呈活
潑心澄止水蓄淵泉一泓何事清如許湏問
源流了俗緣

星槎晚泛

一蓑中流縱所之扣舷同愜賞心期竹深纖

月漁歌晚笛半疎星鶴唳時縱棹扁舟疑訪
戴採蓮聯舸狎群姬非干河朔留連興祇是
乘槎犯斗移

江皋小築集

雲四

總題江臯十景

莞沙表昌祚

城流灌溪江東洲水環帶劃然若地另潮汐
通溟海盈盈斷鷺塵周覽更莖塏瑋抱惟李
君抗志蒐百代四焉館載築益友群相待獨
以心匠運初作十勝槩南薰虛閣入靜聽如
亭籟涼燠任所宜四序渾空界層臺眺遠岫
俯視繁花落課耕日成趣八栢青靉隲左紐

江臯小築集

表

表

枝擅奇祖武瞻如在探春向梅塢暗香敵蘭
蒨荔磯月華鮮橫竿漱清瀝玄關抱曲沼浩
鑑天光滙星槎宵泛泛興觸歌歎乃物感
能齊幽棲樂無改暇奉板輿驩不籍萊麻
或尋鴈詠適恍惚平原會或借停燕游義
骸外遊廬等古今潛曜隨真宰長風起南
天縱翺觀埏垓

倬星黃儒炳

江干有名園云是高人卜構亭臨歌岬墀戶
隱叢竹息機自狎鷗開徑時掃榭東臯課耕
餘鷄豚倚杖牧遠煙長薄浮暖若雲中屋迴
塘清且漣坎坎歌伐輻壯圖負經綸勸駕賁
相屬干祿易淄磷微尚貞韞匱寄謝當途子
罄折徒碌碌

如麓廬瑱田

江臯小築集

黃

黃

高人卜築東洲上地控茅溪紛蕩漾杰閣迎
薰奏古絃危亭聽籟宜清况眺遠層臺敞盡
圖花飛深院增屏障三時且課童案盛辛歲
非虛望八栢已搏陰服食成僊胡可量寒梅
鳴丹荔磯春凝香雪聊酌盞月映紅雲弄釣
絲幽軒臨水鏡清泚鑑鬚眉星槎當晚泛擊
汰訖波隨舒徐開拓饒風致如斯大概難言
備旦夕主人奉檄行寧獨西庄王給事

中樓王克思

嘯傲凌千古煙霞景自聯江臯開勝會庭院
集名賢虛閣心逾寂如亭意匪禪登臺瞻北
關送酒舞前筵栢石僊群劇柴關獨扣玄先
春梅正放中夏荔偏妍最課三農足長書大
有年興來閒涉趣樂極泛歸舫共推司馬實
尤羨李青蓮寧須覓東海尊酒賦瑤編
九如王萬壽

江臯小集集

二主

憑虛高閣並如亭坐對南薰簾謾聽臺陰吟
邊花散錦野耕閒處栢垂青春融梅塢香初
放月掛漁竿荔正馨了悟關頭玄已剖興來
猶自泛河星

晉園鄭春

薰閣閒清籟層臺數落花農耕看午饁叢栢
集昏鴉荔映磯頭月梅含塢裏霞譚玄叅妙
訣乘興泛仙槎

起霖王前諫

桃李自名園何如江上原近關饒遠致背郭
足林樊滿座元非偶如雲共有騫四虛開戶
牖一吹奏簾塢賴發心逾靜如真俗不喧層
塔爰極目青白兩相渾彩綯天花散庭砌錦
為藩青葱環栢色綠澳滌玄根閒釣磯頭月
時開塢裏尊紅塵並雪色隨意坐寒溫菽水
園蔬美桑麻芳桂繁乘流天不夜買酒薄雲
屯勝擬武陵口應誇上若村當年香洛社此
日有龍門

江臯小集集

霧

月湖謝昂七言古

清溪一帶抱江流密樹煙村夾岬幽背郭茅
堂遠塵跡環江選勝列瀛洲脩脩繞徑琅玕
玉嚶嚶鳴鳥時相求中有高人最軒豁四焉
之館聊優游綺䟽四面玲瓏徹霄漢稜層構
畫樓習習薰風來永晝彷彿疑身傲羲皇遊遙

聞涼籟起天末如亭爽颺時啾啾憑高眺遠
一何極俯視山嶽如培塿歲稔片片繁英盛
續分子結盈枝頭煙阜日出農耕急饁餉親
嘗遍綠疇八栢蒼青森護石高枝拳曲如蟠
虬橫斜踈影藏深塢冷蕋涵香月色浮暫理
竿綸坐磯石何勞纁聘親羊裘玄閑時扣塵
心息動靜同原道與謀扁舟載月來歸晚疑
是乘槎犯斗牛賞茲勝槩樂無極豈任居諸
春復秋不以三公移善養喜圖家慶樂林立
承權日暇時清適且邀良友相綢繆琳琅賡
韻裂金石笑指河山入酒甌嗟予久逐鷓鴣
志忝藉葭葦辱晚收追陪每附賓筵末靜坐
機忘狎海鷗詩豪咳唾饒珠玉點檢奚囊駕
勣侯江臯之主凌飈起廊廟仍為國計憂三
徑松筠間鎖月還將東道偶吾儔

光嶽梁奇

風流爭訝謫僊才百尺層臺遠郭開梅塢春
光先漏洩玄關鏡水任紆迴乘槎晚釣磯邊
月聽籟時傾栢裏杯花落滿庭看舉趾薰風
長日自南來

蔡嘉胤崇錫父

卜築江臯稱地雄名園生事若為同竹徑逶
迤四馬館清溪環帶遠山矇沐初堂上南薰
祀庭院飛花酒厄入文昌高閣列巋然緩步

江臯小集

蔡

層臺眺雲物悠悠聽籟坐如亭簇簇朱鱗八
栢青湯巾玄關凭水鏡磯頭釣月狎鷓鴣春
涵晚報梅花塢課耕涉趣芸暉園亭翫夕興
泛星槎且適窩中明月好憩雲洞薜荔牆殘
箇簷望豈寄窗飛蓋西園供咲傲躍如心目
任徜徉江聲和月色樹影射池光選勝饒佳
致東洲舊草堂主人豈為林泉癖遮莫藏脩
或游息龍門聲價濟清閑莘野渭濱須物色

瑞石周之紀

迎薰高處風烟迥籟散亭秋聽轉賒望去層
雲連遠樹興來庭院滿鶯花一犁雨足耕中
趣八栢杯深洞裏霞梅塢月磯無限勝玄津
還擬泛僊槎

衡岳鍾興國

江臯之上何者磯江臯之景何芳菲主人結
搆南薰閣迎得南薰入繡幃夜靜如亭天籟

江臯小築集

周

發層臺眺望風蕭颯萬片飛花撲北牕一犁
雨足畊南陌青青八栢秀晴天梅塢涵春太
極前荔浦蘭舟堪釣月玄關鏡水印澄淵秋
來還擬乘槎去飄然直上星河渚相逢織女
問真源始知不是塵凡處

約之父張惇

村居不厭幽江臯敞平陸雖與入境通頗喜
雲林獨列栢蔭交衢垂蘿翳深屋春枝梅

開夏蕞荔先熟洗藥傍清渠誅茆課馴僕振
衣登層臺遠岫列如簇清籟時一聞泠泠應
空谷應笑世中人紅塵負流俗

其二

君本風雲人惟有煙霞契屏居二十年居然
若遺世同時通籍人早已朱紱貴而君騁高
蹤牽蘿紉薜荔垂竿或竟日散帙以卒歲雲
來意自怡客去門常閉亭榭志幽深豈曰侈

江臯小築集

約

宏麗頤言從之遊誓得肆遐睎

樊王家

江臯主人卜幽築江臯一水環堤曲樹杪翻
將海氣青蘿陰捲尽村烟綠別館開亭次第
開碧桃丹荔錦綵迴畫永風生啼鳥遲月明
潮撼釣魚臺主人逸興時呼酒主人胃中魚
不有題詩白壁重連城結客黃金高似斗繁
華富貴眼中花金谷平泉事已賒愛君欲就

江皋宿散髮溪邊眠落霞

秋日余附靖老仙舟而南出示余江皋小
築詩刻似耽泉石今則令宜陽矣易父衡
泌而折擔公何心惟其時耳妄意續貂為
之廢叶和雷怒蛙非其倫以聲侶也抑亦
俟其後云

徐璋

卜築尋幽小隱家主人何事滯天涯已從陶
徑開叢菊今向潘庭學種花十畝素間成獨

江皋小築集

六

樊

往五湖烟景樂還賒江皋不盡樓霞地畱與
年來既歲年

江皋題詠

豈寄窗

省非黃文學

出世非逃世瀟關卧北窗此身豈寄傲竟日
侶羲皇

且適窩

宇大身非藐閑閑且適窩天寬無物碍自適
適人多

層臺遠眺

同宇初一菁

江皋小築集

六

誄一

憑虛幾欲出塵寰漫步瑤臺紫翠間侵曉遠
看離海日撥雲遙望隔湖山熒煌金碧千重
聳縹緲烟花萬井環珍重廟廊心正切舉頭
何處是燕閑

星槎晚泛

煙嵐方斂色蒼蒼雲樹依微帶夕陽盡舫乍
移歌轉劇漁燈掩映興偏長洞簫赤壁雙蓬
鬢雪夜山陰一羽觴逸思暫隨鷗鳥跡海天

涼月且徜徉

虛閣迎薰

敬虛戴 霍

凌空高閣迥對闌白雲長手捲拋書卧薰風

一枕涼

課耕涉趣

一犁春雨深竟畝勤耕鑿中有課農人真知

田家樂

如亭聽籟

滄源劉大湘

江華小集

詠二

兀坐如亭對綠陰真空覺後迥塵心晚來何

處風瀟颯散作雲和碧玉音

梅塢涵春

群芳搖落擅榮華映雪凝寒自一家最是嶺

南春信蚤高枝先發上林花

虛閣迎薰

若存殷一德

綺閣凌清漢登臨興自佳荷風當戶入一枕

到無懷

層臺遠眺

倚雲開玉壘黛色有無中縱目一舒嘯翩翩

若御風

如亭聽籟

陳承龍

松楸搖響度亭陰靜聽如如萬籟森一曲蕭

搔飛木末乾坤清韻自瑤琴

星楂晚泛

蕩漾煙波潮晚生滄浪幾棹濯纓聲朝來聽

江華小集

詠三

得君平語昨夜銀河有客星

虛閣迎薰

五嶽劉紹高

高閣凌空控斗牛薰風習習此中收珠簾半

捲虞絃奏目斷燕雲是帝州

飛花庭院

萬紫千紅次第開飛飛無限點蒼苔馮尊共

對論心久曠有春光入酒杯

梅塢涵春

向若蔡亭松

江南初報早春回試問寒梅開未開青帝昨
宵傳信息一枝先占百花魁

星槎晚泛

閑來乘興泛星槎蕩漾銀河弄月華牛女只
誇張博望誰知元禮是仙家

庭院飛花

適吾王用康

暖煙晴日錦成堆幾片因風上舞臺蜂蝶撲
香休浪呀後園如許未曾開

分題十景

趙梁謝蔡五子遊江臯即席分咏

虛閣迎薰

恪存趙 響

高閣南來一味涼捲簾長日傲羲皇翛然頓
覺塵襟爽仍送芙蓉十里香

如亭聽籟

徹弦梁天植

露冷瑤堦月滿天坐深良夜寂如禪何來涼
籟生商思非竹非絲韻自然

層臺遠眺

健吾梁為誠

何處高臺插碧空登臨諸子氣如虹醉來極
目乾坤小萬里山河指顧中

庭院飛花

孔來謝聖慶

庭院春深花正飛千林萬樹舞芳菲閒來偶
得東風意猶帶餘香共醉歸

課耕涉趣

獻菴蔡兆祥

綠水平原春事幽秧針時插遍田疇閒看鱖

餽如賓敬肯放阿衡效許由

八栢環青

恪存

黛色虬枝三五株森森環石酒堪呼貞標雅
有凌霄操不獨霜臺可集烏

梅塢含春

徹弦

春早江南雪乍晴羅浮香藹夢中清冰姿飲

雪藏深鳥留取先開上苑英

荔磯釣月

健吾

江皋小築集

分二

丹荔垂垂入眼濃開筵載酒得相供晚來醉
弄磯頭月鈞落江干起卧龍

玄關鏡水

孔來

地僻關玄萬象幽子雲讀易卧羲周關前一
碧空虛鑑惟有乾坤倒影浮

星槎晚泛

獻菴

入夜潮生水滿川扣舷歌發興流連洽泗莫
問支機石恐訝乘槎日月邊

蘇張翟諸子載酒集江皋見壁間有五子

分題十景詩遂依景賡詠

虛閣迎薰

次瑩蘇 球

稜層樓閣敞江城徙倚登臨萬慮輕豈是炎
蒸緣地却脩然冰雪為誰生疎簾風入笙簧
細畫棋雲開錦繡明再把琴尊銷晚況不知
月浸渚梁平

如亭聽籟

敬玄張 鐸

江皋小築集

分三

萬籟渺然來聽之在何寄默默聽於虛妙哉
聽者至

層臺遠眺二首

耀蒼蘇 瓊

閑倚高臺望眼賒碧空雲靜欽殘霞乾坤不
改河山色目極天涯似一家
博望雲山天際外遙看烟樹翠微中由來極
目窮千里知在層臺第幾重

庭院飛花

浴日張 渚

理料東風太有情吹華漸見實分明主人拈
弄干吟興五色還從筆陣生

課耕涉趣

青虬張人龍

不貴邵瓜奇非耽蔣徑異只就此耕中領畧
生生意

八栢環青

吹瑩

雕欄結構林塘曲老栢環栽石磴前八樹銅
柯標日月千秋黛色傲霜煙栖烏朱府元脩

江阜小築集

分四

美練葉田鸞已證仙知是貞心邁群卉任教

紅紫自芊芊

梅塢涵春

敬玄

根向倚雲移遠過旁蹊擲春光滿上林吁嗟
已全借

荔磯釣月二首

耀蒼

垂垂丹荔拂晴川把釣磯頭月色娟獨擬臨
流懷古跡渭濱嚴瀨景依然

朱實離離綻欲鋪月明垂釣意徐徐臨川但
適閑中趣所美磯頭不在魚

玄關鏡水

浴日

晴波漱艷靜娟娟何但澄襟足覈玄曾躍雙
魚供毋饌鄉人指點陸姜泉

星槎晚泛

青虬

一棹近雲間織女支機否棹人總不知知虛
度何有

江阜小築集

分五

鳳凰臺分題李孝廉江阜十景

余莞鳳臺詩社初幾二百禩乃先哲宴遊
吟咏所也余生也晚從諸君後續脩之月
有會會有吟咏續先哲高標以俟後之君
子適李靖吾君有江阜十景郡邑諸縉紳
名士多題之余輩登臺興發取次賡咏順
意成章即各體弗論揔之點綴光景抒寫
性靈云爾 孫光祚識

虛閣迎薰

虛谷翟承譽

飛閣玲瓏四望開
重簾高棟鬱崔嵬
涼生烏几薰風透
暑散湘簾爽氣來
碁局聲隨幽鳥度
酒杯惟得故人陪
當年東閣連河朔
今雨英風又屬誰

又

復菴孫光祚

太宇自清虛
誰構空中閣
好風從南來
煩蒸散寥廓

李東小集集

分六

如亭聽籟

見陽何 蓋

如如亭上對秋清
坐息塵機萬籟鳴
三十六天誰獨勝
夜來真覺道心生

又

霞谷翟承學

天籟本無聲
真聽不在耳
吾性自如如
茲亭聊復爾

層臺遠眺

杏堂曾 暉

為愛林塘泛舸來
共乘晴色上層臺
目懸山

海輿圖小身入青冥
象緯開南北風煙歸指顧
古今形勝漫逕迴莫論望外無窮事
且盡忙中有恨杯

又

奕川鍾 沂

飛步躡天根
引手揆月窟
飄然萬仞間
一眺了無極

庭院飛花

虛谷

春深庭院萬花稠
零亂殘紅不待秋
繁榮自

李東小集集

分七

憐風雨色踈枝偏
重蝶蜂愁紛披
金谷苔鋪錦
飛舞瑤空燕蹴毳
開結不須論
早晚即看朱實滿枝頭

朱實滿枝頭

又

奕川

春谷萬花深
飛紅滿簾箔
莫恨妬花風
復前元有剝

又

粵梧張 相

榭闌分得上林春
玉蕊瓊枝叨錦茵
幾片前

從浮太白天花應與共傳神

課耕涉趣

見陽

十畝平時一雨過千夫倣載樂春和熙然婦
子頻相勞笑和堯天擊壤歌

八栢環青

虛谷

森森老栢帶煙嵐水雪頻年且自酣綠接王
槐同瑞應翠分陶柳盍朋簪日移密葉重陰
合風動蒼枝秀色含片石傳觴忘坐久杜陵

江皋小築集

分八

滋味見清談

又

見陽

八栢連枝結翠園宿雲屯霧媚朝暉四時不
斷青青色幾度相看與俗遠

梅塢涵春

復菴

一枝羅浮春移在江皋窟雪花雖未開已抱
和羹實

又

杏堂

江梅初放向南枝深塢涵春蝶未知爛熳
香風遠遙橫斜疎影月頻移廣平愛重偏成
賦和靖情多自有詩畱取巡簷供索笑江城
羌笛莫輕吹

荔磯釣月

霞谷

江上荔初紅磯邊新水濶獨有釣鰲人長竿
弄明月

玄關鏡水

粵梧

江皋小築集

分九

洞門玄草白雲封一鑑澄清萬徑踪且就江
流賒月色蒲團打坐問三宗

又

奕川

草玄關外水滌泗雲影天光一鏡開來徃無
期幽興足始知人境有蓬萊

星槎晚泛

霞谷

星河亘長天江皋共流注試問乘槎人曾否
支機去

又

杏堂

六幕烟銷秋氣清
短槎浮月晚風輕
抱珠龍卧夜初靜
狎客鷗眠夢不驚
夾岸芙蓉迎棹出
低空河漢傍人明
支機有石知多少
牛渚長懸博望情

陪題十景

虛閣迎薰

侄應桂遂良父

虛閣凌霄傍斗寒
披襟高坐並琅玕
捲簾葵

江皋小集

分十

氣南來好天祿
書成試一看

又

侄日芳公望父

稜層五雲高閣浩
蕩八極昭融讀罷
羲皇清

畫捲簾時挹薰風

如亭聽籟

侄呈器卓英父

萬籟原無籟如亭
獨自聽雷聲淵嘿
裏白卷

是傳經

層臺遠眺

侄仲惇庶翼父

登臺舉步閑摩空
咫尺間雲烟籠萬
樹靄氣擁千山

庭院飛花

侄孫文昭道表父

入眼韶華景色融
幾番紅雨拂簾櫳
非貪送酒前筵舞
且喜枝頭子結叢

課耕涉趣

侄孫覺斯古心父

布穀聲殘已及時
春深南畝事鉉基
徐看野盞堪娛興
惟念幽風七月詩

江皋小集

分十

又

曾侄孫興周見遇

莘野春雷動呼童
誅草萊個中自有
樂幣聘

莫相催

八栢環青

應桂

八栢森陰挺拂雲
翠圍庭院四時春
恩叨庇

尾承甘露猶得霏
微入酒巾

梅塢涵春

呈器

梅花開滿塢春色
足前林莫道疎枝
笑巡簷

半不禁

荔磯釣月

仲惇

夏日樹鳴蟬明珠顆顆圓釣魚酌新酒月影

滿前川

玄關鏡水

日芳

鑑澈雲影天光靜對青山綠樹此中活潑
魚獨得孔顏樂處

又

文昭

江皋小築集

分十二

洞門寂靜鎖幽居一鑑波光映太虛無限
魚昭道妙滿亭玄艸子雲書

星槎晚泛

覺斯

日落潮生月色妍扁舟何處泛張騫尋源一
棹滄浪曲聲逸榆花入渚煙

又

興周

入夜銀河靜乘槎泛斗牛相將試舟楫誰訝
訂江鷗

虛閣迎薰

瑞石周之紀

飛閣紅塵外逃虛懶著書薰風對瑤瑟清興
復何如

如亭聽籟金線繫芙蓉中玄表裳

月到亭初靜風來籟有聲江潮不斷古今清
螢入疎林花弄影夜搖高木鳥微驚鴛夢醒
鳳儀鳴悠悠流水可誰聽

層臺遠眺

輝字孫珪

江皋小築集

分十三

近郭環青障層臺四望開雲山千萬樹舉目
是蓬萊

庭院飛花步表調

勵脩梁志勤

春深桃欲褪風動莖呈薰高枝瑤月夜節銀
海棠蝶舞紅堆錦楊柳鶯迴綠作茵香不盡
翠叢新飛花送酒杜賢人

課耕步趣

如璞孫瑜

稼穡生涯事耕耘樂處多古來君與相都在
此中過

八栢環亭

瑞石

梅竹同盟侶青青繞堵寒凌雲饒意氣休作
七松看

梅塢涵春

同前調

中玄

仙郎閑裡翫神女醉中看羅浮深洞即江干
瘦影橫斜秋不斷疎枝高掛月長存生意滿
素心懸陽和無日不名園

荔磯釣月

輝宇

夏至日加長磯頭荔正香持竿弄明月舒卷

江臯小築集

分古

任行藏

玄關鏡水

如璞

主靜透玄關真如在此間鏡湖清澈處應對

此心閒

星槎晚泛

同前調

勵脩

海國風煙靜滄江波浪平數聲漁笛一帆輕
河源夜半穿雲影牛女秋中問月明蘭槳定
玉壺清搖指僊舟過洞庭

江臯小築集下卷

江臯主人靖吾李元弼輯

社友

約吾洪信校

青霞溫臯謨

甥

恪存趙響編

傲弦梁天植

門人文峯張聞詩錄

侄海雲李橙

江臯小築集

下卷

宴集詩自叔江臯迄今宴會凡幾分韻賦詩十常

六七即席揮毫頗多或粘壁或扇頭或書斷束屈

指幾三十模今存刻僅僅百餘首散逸業過半矣

諸名公存有原稿幸發梓焉

寄贈詩刻不滿百豈生平愿貽珠玉僅止此耶蓋

有涉江臯者方刻之且散逸常什五即近歲猶然

况十年前乎非敢有所擇也好我

諸名公存有佳稿幸始終之

江臯主人白

江臯小築集下卷

宴集

丁亥元夕兄飛雲携酒挹薰樓集陳乃軒
李明宇趙思日洪約吾與酣放歌不佞弼
筆而壽諸劄氏匪獨紀雅會也亦增江臯
之勝云

乃軒得人字諱啓心

六街穠李促香塵片舸垂楊動角中最愛名
江臯小築集 下卷 乙

園依綠水合憑高閑醉芳辰羽觴飛月窮愁
破談馥叢雲火樹新長嘯天門應咫尺凌風

思作叩關人

明宇得乘字諱殿揚

春宵城郭競張燈爛熳行歌盡酒朋點點星
橋雲外出翩翩鳳華月中勝須彌雪擁三千
界渤海風高萬里鵬聖主只今祠太乙不
妨人擬漢枚乘

思日得湖字諱襄

野曠危樓夜可呼佳辰得爾復携壺浮雲海
上還今古宿霧天邊乍有無近酒繁燈元逐
吹傍人清月故侵湖朋遊此際真豪舉爛熳
先拚醉共扶

約吾得雲字諱信

芳洲步屨何須數滿地塵喧此不聞曲水予
沙宜對酒早春佳節足論文習池誰復追山
江臯小築集 下卷 二

簡玄草因探惜子雲日入江干燒燭坐隔城
歌管信紛紛

飛雲得樓字諱元表

名園依水足芳遊出郭移尊興倍幽春草池
塘新得句故園天地晚登樓南洲火月千峰
外北極風雲萬里留高會此逢杯莫却合謀
深醉伴江頭

靖吾得香字諱元熙

榮煌城市競春光
偏愛尋幽草堂
授簡俱為青眼客
移尊况復鬱金香
樓間海色當窓見
劍倚山雲繞檻長
病骨頓蘇良夜醉
更從何處覓儔方

春日集如亭分賦 昔臘月念又八日

李殿揚呂言甫得連字

椒花采采媚遙天
荏苒韶華春可憐
萬里風雲雙劍外
百年蹤跡一尊前
青絲織手還今

江東集

下卷

三

古白雪新詩自惠連
欲問真如何處是
醉鄉終日泛銀舩

陳玘節韶甫得搖字

春日如亭酒共招
桃花初萼柳初條
謝家詩句池塘夢
習氏賓朋馬首驕
疎懶已知成盍浪
登臨何用歎飄搖
過逢多是龍山彥
無限光風拂石橋

趙彙用贊甫得觴字

繞郭園林足任狂
孤亭天外鬱蒼蒼
飄窓翠竹輝輝靜
布席疎梅宛宛香
隔岬風雲邀翰墨
當溪絃管促飛觴
君家伯仲江東並
聞說池塘草已芳

翟廷策伯勳甫得林字

隔歲看春春氣深
菜盤清賞謾相尋
烟涵水郭家家靜
風轉蹊桃片片陰
問字只過楊子宅
放歌同入阮公林
欲將潦倒隨江曲
日落

江東集

下卷

四

雲生興不禁

洪信孺成甫得明字

出郭移尊咲解醒
名園幽賞復春明
玉盤傳菜須今日
彩管題詩愧此生
入座梅花飄短局
近人雛燕下虛楹
物華時事看流轉
把劍衝雲歲序驚

尹璋崑選甫得森字

最愛如亭風物好
園林泉石自蕭森
碧窓霧

宿飛簾濕朱拱雲移晝棟陰迎氣柳條晴欲
動當春梅蕊凍仍侵陽回喜見天流轉惆悵
江湖北極深

兄元表敬可甫得嘉字

狂歌累出難逢醉杯筭宜人獨爾嘉觸目蘿
烟晴俱色稱心亭榭晚猶霞絲傳細菜迎春
入劍舞飛花競酒斜塵世飄零須盡醉蒼蒼
元易鏡中華

元稹小集

下卷

五

元弼相所甫得杯字

客至蓬門午始開童知晨已掃蒼苔主賓天
地青陽會今古衣冠靜下才柳引乍歸春色
寤亭深長使樹香田欣逢莫問浮雲事且盡
尊前細菜杯

夏至對酌聯句

尋盟載酒問荆扉晴吾五月亭深暑氣微音
霞拂楊荔垂堪小摘晴吾戀林蟬噤未驚飛

杯傳竟日難辭醉青霞坐扣玄譚解息機千
載芳辰頌我輩晴吾暫時移棹肯相違青霞

明字和

問訊江皋扣竹扉憑虛應覺協風微魚吹細
浪深深見花逐游絲景象飛李白金龜原意
氣太真玉鏡妾神機蟬鳴鴟亂何須問遮莫
登臨原不違

江華小集

下卷

六

李殿揚曰昔昌黎東塾賡歌愉快一時焉

奕千禪何者愛而傳也余披靖吾青霞二
妙夏至詩哀然珠聚爛然錦彰庶幾韓孟
埒駕矣殆所謂聲應氣求者耶於是忘膚
淺嗣微音云

萬曆丁亥夏至後一日識

江阜晚泛詩引

余聞辭咏什往嗜記客每以什叩余肆今索
江皋者番至余曰嘻噤知江皋緒哉思陶隱

謝匪直什爾客業已聆觀初會龍頭集元眇
復游江築矢劬墳遂司瑋直瞰寰載而脛之
昨薦三書寧寒暑不輟者猶然蕪矣矧葆嫠
繫詰羌為繇矚閨哉暇起抒巡籟簇互夏奇
者嘖嘖至飛鷁流珠奇甚無論對時鏗然鳴
哀然盛乃獲鍾陳協應興昌涯哉移時近擊
附官寮明虞微明祝故儻所謂群玉曰聖唐
步客曰子不辨什洞然若斯詎知江皋主人
江皋小集集 卷十 七
寔余東山作者余方困鉛淮媿負才哉聊告
索客條縷鋟鏤因諭寓之律動江關者敬紀
居諸于首

萬曆丁亥中秋前四日李約齋要甫書

江皋晚泛分賦得林字

江皋幾赴論文約尊酒移舟向晚林靜裏山
光雲外見筵前樹色霧中深烟霞世路憐吾
女烏雅人情自古今擗揖高歌明月在可堪

蓬髮二毛侵

鍾善鳴以報

得涼字

江水新添數尺強濯纓何處不滄浪波空迤
照涵高閣荷靜扁舟納晚涼遠浦笛聲孤雀
香芳汀蘭佩暮雲長陶然一嘯清歌簇石上
藤蘿片月光
陳啓心輔德

得舟字

避喧盛夏集江頭極目洪濤滾滾流牢落弟
兄雙短髮沈淖天地一虛舟滄浪洛罷還長
嘯尊酒豪來散百憂總是高陽行樂處何須
蓬島覓僊遊
李殿揚昌言

得明字

夏日林園賞已清方舟高宴復群英蕪天濤
浪晴偏湧薄暮風雲江自鳴動興沙鷗迎棹
促近人新月落波明回櫓見說蛟龍避誰疑
星文動 帝京 李元表敬可

得樓字

凌風取醉謫仙樓乘興還如上小舟日落尊
開千嶂合波空雲盡萬山浮菱歌斷續鶯鳴
渚雪翻飛杜若洲河朔舊遊君莫問振衣
同賦越江頭

林 培培之

得生字

青天入夜吾徒在海月高懸簫鼓鳴短髻江
湖飛棹傲暮雲濤浪錦帆輕蛟龍避醉深無

江皋小集

下卷

七

語松栢凌室却盡清世事悠悠難俱說欲將

幽側問無生

趙 襄用贊

得扶字

平明挈伴尋幽賞帶月狂歌此泛湖潮急雲
連猶萬竹岬低浪暖逐群鳬興飛肯負征蓬
遠目斷能堪斗酒呼爛醉恍如天地轉不妨
携手謾相扶

李元弼相所

得蓉字

風林長夏快相從向晚携壺興倍濃天外飛
濤雲萬里尊前明月雪千峰江湖短髻青萍
合草澤回舟彩鷁衝翹首美人何處是涉溪
徒自把芙蓉

溫臯謨爾弼

江皋晚泛識蹤跡也且旌同志不佞即剪
焉無似豈敢離邊詩可以興有以也夫儻

云郢城七子則吾儕何有焉願毋同類而
姍點之也青霞謨跋

江皋小集

下卷

十

冬日李孝廉招同王將軍李明經酌挹薰

樓得留字

宜菴何予方

凌寒同眺謫僊樓極北岩峩是帝州征鴈遠
從雲外度輕鷗時狎鏡中遊右軍走筆書長
練水部題詩愧上頭疑有虞琴藏太古薰風
不斷四時留

同賦用前韻

石川王 寵

寒色何妨興倚樓真如何遜在揚州尋芳喜

有道遙興浪跡慚多汗
湯遊早種菊松同里
社與宜長者鷗鷺狎沙頭
登臨此日堪逢
李好向龍門一醉留

同賦得才字

明宇李殿楊

丹梯九折上樓臺
盛發飄飄萬里來
四望山河平野合
百年尊酒好懷開
仲宣不倦登臨興
何遜還多作賦才
勝會難逢須盡醉
驪駒門外莫頻催

江華小集

下卷

士

同賦得歌字

靖吾李元弼

草廬習靜對滄波
忽漫旌麾拂薜蘿
天地儘容舒眺覽
雪梅偏喜放高歌
淹留佳客無蕪味
潦倒深杯只濁醪
見說問奇清興在
不妨楚外更相過

李靖翁招飲郭外別業

王寵

晴空出郭眺扶桑
星聚偏宜有美堂
四壁圖書人似玉
一溪花竹語生香
酣歌物色登高

閣倚劒風霜度野航
震雨濟時期自適
高懷寧戀水雲鄉

寒臘重飲李孝廉達觀臺

前人

出郭尋梅散客愁
重開尊酒對滄洲
流猗欤灋含奇景落日依微縱遠眸
珠海漁舟懷梓里
事也黃扉青瑣贊皇猷
事也高情不盡酣歸晚雲白山青足勝遊

中秋後如如亭賞桃花

江華小集

下卷

士

半干山人楊

秋高白露映蕪葭
倏覩園桃吐艷花
紅點萬叢應勝錦
紫標八月故飛霞
河陽片片安仁賞
玄觀枝枝夢得誇
總是春光先漏洩
獨能無意答圓沙

花溪主人記

天入名園眼倍賒
如亭八月足桃花
蒸蒸麗日呈芳色
苒苒祥雲映瑞葩
欲奮禹門先兆

浪更徵麟趾叶宜家花神解報真消息把酒
酣歌興未涯

青霞主人謨

千年超忽如亭景八月徜徉頃遜杯已見芙
蓉臨水秀條驚桃萼遶枝開霞鋪閨苑花神
護錦簇天台淑氣培春色羯來良不偶漢家
應擢董生才

如如主人粥

江皋小築集

下卷

七

夏日貢實今又花艷艷黃桃未足誇祇綠媚
客供清賞不謂先春占物華隔岬聽歌杯愈
劇臨池促席興還賒賞心取醉尋常事莫問
城頭月色斜

重遊寶安九日李靖老招登達觀臺同李

明宇陳星劔共賦 白石山人寵

群山擁翠接秋光劔倚樓臺俯草堂令節今
逢重九日菊萸初向故人香臨風對酒情何

洽遲月高歌興轉長刻曲何妨重訪戴任教
萍跡寄他方

明宇李殿揚

輝輝百里德星光嶺海詞人聚一堂青眼共
看佳節會黃花斜映酒卮香天空雲淨開襟
遠臺峻風高引興長今日登臨成勝事明年
萍梗自他方

星劔陳夢斗

連州人

江皋小築集

下卷

七

百尺青天立金風淝二儀習池無限興鄭谷
更稱奇佳節欣逢賞清觴樂未涯四人諄講
德同醉却歸遲

元粥

敢道危樓百尺光憑虛覽勝集茅堂龍山酒
盡冠逾整陶徑秋高菊倍香佳節千年情不
負陽春一曲和應長休誇四美還今日儒雅
風流又季方

時石川公子在席

中秋後一夕集江臯得遊字 飛霞

病起移尊出郭遊
高秋雲物興全幽
江濤半落仍衝檻
桂閣初虧尚滿樓
聯袂醉疑林竹逸
揮毫人擬建安儔
圖歸兩岸笙歌入
指點寒雲傍晚舟

得酬字

太初

江村卜築尋幽地
况值佳辰許並酬
日落騰芳雙璧合
月華初霰萬山秋
花開小酌供新

江集小集集

下卷

五

興社結群鷗得舊
遊故醉習池憐夜色
錯教人擬仲宣樓

得薰字

靖吾

高秋銀漢淨
霾雲坐挹風微散
妙薰最愛
樓餘庾月却憐塵
榻點羊裙捲簾玉
露踈疎
滴吹蓬梅花細細
聞萬事糾紛何足
問擬酬
尊酒重論文

得樓字

青霞

蕭森晴夜挹薰樓
四郭清烟靖素秋
問字漫勞呼野醪
濱濤元未惜孤舟
人間到席空中合
夢裏明花海外浮
不必憑高嘆蓬落
男兒何處不應劉

載酒江臯送靖吾之端州 前人

癸水天空盡野濱
悠悠西棹破江氛
炎天荔浦還芳草
晴日星岩白雲西
岸蒼山當落葉五
湖青髮惜離群
金樽潦倒憐秋色
期爾黃花對夕曛

江集小集集

下卷

七

和韻留別

元弼

瑟瑟秋聲粵海濱
狂濤衝舸淨江氛
照人明月飛陽雪
拂悶芳尊倚暮雲
野性故憐牛馬走
坭途難判鹿麋群
東帆到處秋仍好
取醉看花盡日曛

抵端重九偕駱心亭黃復亭遊七星巖有懷溫仲子 元弼

幾載僊嚴夢登臨值菊辰
捫蘿僧狎客落帽
鳥窺人興劇頻呼酒狂來却任真
獨憐同調
迥去住轉傷神

初冬十日偕諸友人江臯稱觴梨園紛沓
爛醉長夜為壽星漫賦時將北征燕致別

意云

李殿揚

白雪紛披萬象新壯遊詞客正生中
氣橫北
斗雙龍
劍樂奏南飛幾故人
僊李盤根還此

江臯小集集

下卷

七

日長楊猷賦擬三春牧豬報簪儂家事莫遣

青娥袖拂塵

初堪

為汝稱觴載酒過傳籌偏得近僊娥
香凝素
手嬌無力花入瓊樓豔更多
月露連篇裁楚
句風情千種托齊羅
自憐不惜黃金貴買笑
燕因柰若何

陳玘

爭羨英才早擅名江臯庭院又新成
函關
氣青山繞閭闔祥雲白晝生
五袞年華遽氏
德一池春草謝家情
侑觴不盡高歌祝
况復
驪駒送遠征

王盛

念昔論文歲月馳黃花白雪降申期敢將白
雪酬知己且獻黃花滿壽卮
瑤室日高萱永
茂龍門星朗鳳來儀
經綸早為蒼生出
莫待

江臯小集集

下卷

六

明朝髮有絲

過酌江臯為北征勸駕

蘇尚勸

彩鷁翩翩澤國秋江臯相送上
皇州青尊
歌管行邊壯白鴈風烟劍外浮
萬里雲霄雙
健翻千層桃浪一僊舟
看花紫陌人如玉幾
度相思月滿樓

蔡嘉寧

負郭幽居倚碧瀾
窓涵旭日麗雲端
當塔着

翠圖書帶遶檻紛芳燦玉蘭車轍徘徊停夜
語物華浮動向陽歡主人勿謾誇龍卧大地
蒼生起謝安

飲水鏡軒

前人

為愛涼風倚碧漪一尊賓主共襟期香嬌紅
蕊侵雕檻啼頻黃鶯轉綠枝裙妬石榴人是
玉曲辭金縷雪裁詩平泉酒後知無恙疎散
公榮子敬宜

江臯小築集

下卷

七

辛丑清明日飲江臯小築

朱樵

鄉土風烟信美哉憐君卜築枕城隈開軒山
色空中盡隱几潮聲江上來隔竹鶯塵元不
到狎人鷗鷺豈相猜况逢令節同朋好秉燭
飛觴月滿臺

重過江臯小築得雲字

攢雲

閑來尊酒課耕耘念我重過坐日曛浴鶴千
池通曲澗藏書高閣護晴雲談玄共結烟霞

侶遠俗能忘鹿豕群丘壑宜人君莫恋好持
三策出江濱

初冬江臯夜集

徐兆魁

十月九夜氣初涼美人猶擁菱荷裳星輝河
漢人聯席雪滿江亭酒共觴且放好懷隨永
夕肯慳餘量負清商相逢莫訝黃花晚雪蕊
金葩味並長

秋杪集飲江臯漫賦

周一士

江臯小築集

下卷

十

為憶龍門此際過芙蓉欲暮柰秋何白衣席
上頻添酒青女霜前暗度梭不分桃源飛片
玉生憎天外墮雙娥當場莫訝周郎顧且畫
雲和一曲歌

江臯偕劉青閣痛飲觀畫漫題

題竹菊

飛雲表

獨樹琅玕已自奇更臨寒菊迥幽安任教歲
晚群霜妬直節凌雲竟不移

牡丹

前人

憐君獨艷殿春光
竟壓羣芳夙擅場
絕品久傳傾國色
濃枝仍自鬱仙香
游蜂逐徑休輕過
舞蝶迎風莫浪狂
池上舊堪靈運賦
但來須醉共花傍

清秋如亭讌集

獻菴蔡兆祥

卜築清幽近水潄
著書瑤草日蕭森
百年交誼驩投轄
四座雄談侈盍簪
傍月征鴻橫遠

江皋小築集

下卷

王

浦自天涼籟散疎
林酒闌却愧中郎
操一曲那堪郢國音

載酒江皋餞請吾
青霞計偕北上

莞石尹瑾

李郭仙舟曉日開
河橋晴色入清杯
延津倚劍雙龍合
銀漢乘槎萬里來
白雪梁園堪作賦
黃金燕市共登臺
曲江並騎春風細
南國雲翔鴈翅迴

同賦

梧臺戴記

聯翩雙翼向天門
曾是重溟變大鯢
聖主垂衣正儀鳳
紫雲宮闕逐文鴟

其二

遙憐健羽透春雲
風雨連床舊論文
柳色千門看倚玉
曲江人說鳳毛分

其三

烟水鷗群把釣絲
忽看鴻起大江湄
青冥萬里遮疑目
悵望鴛行有所思

江皋小築集

下卷

王

李殿揚

征帆無恙挂通津
携手河梁倍憶神
漢主臨軒三適集
天人揮筆五雲陳

其二

大鵬乾臆總奇才
揭調原從漢魏來
忽漫陽關無限意
莫辭美酒夜光杯

其三

六子論文爛熳遊翩翩同醉挹薰樓眼看去
佳渾如夢半入燕州半粵州

同韻

洪信

一雙龍劍躍龍津漫道乾坤物有神直向百
年看意氣遂令千古失雷陳

其二

堪憐年少太真才北望燕臺御李來一夜片
帆天共遠離筵休擲掌中杯

其三

尊前俱是舊同游不見三城趙倚樓萬里雙
鴻今且去孤帆何日度 皇州

同賦

陳啟心

澤國東南羨二鴻相呼相喚葦花叢清秋露
冷天門曉聯翩扶搖駕遠空

其二

寒沙跡漸粼粼錦碧落長吟戛玉音幽薊雪

晴春似海脩翎交映五雲深

王素業

發船簫鼓還尊酒匣劍芒寒動碧潯九萬風
搏須比翼八千蟾淖更同心路逢嶺嶠梅初
雪歌徹離筵菊尚金元禮太真稱賦者獻成
丹闕 主恩深

王維藩

別爾河橋朔雪中俄驚天際有雙鴻帆開直
北長安近浪暖花明相映紅

又

翩翩鴻起五羊城望闕雲霄萬里程海內已
傳龍斂合集池還擬鳳和鳴

飛雲表

三子超南省通家俠氣豪詞源傾岳瀆筆陣
掃風濤矯矯祥麟角雙雙彩鳳毛論交驅管
鮑問業失蕭曹策射黃扉上才誇白雪高雲

鴈天駘賦遲爾續遺騷

又

同前

嚴風蕭蕭日云暮海月當空淨如素畫舫簫
鼓發中流天際傷離愁欲賦江皋雄飲憶吾
曹擊釵酣歌膽氣豪聯襟並臂累數月六翮
人稱彩鳳毛忽然聚散如飛雨二妙同征三
並處一鵬留滯尚三城海運南溟將欲舉人
生會合豈盡同走兔西飛日又東孤帆爾輩
何匆匆臨行莫放金尊空臨行莫放金尊空
丈夫要在能許國期爾麟臺第一功

江皋小集集

卷下

圭

省弦迂士約

翩翩意氣振蜚聲迢遞關河事遠征鳬翥擬
隨雙鷗動鳳文遙映九苞明結遊不盡中宵
酒攀附應憐此日情磐衍和鳴春正早江皋
花發聽流鶯

關鎮明

旭日初升海曙晴雙鴻遙向鳳皇城關河雪

霧騰飛急驛駘風高羽翮輕釵倚長天頻極
目杯搖銀海速離情三春禁苑花明候期爾
扶搖九萬征

舟送珠江再賦俚言別靖吾青霞二弟

元表

炎海珠浮寺荒亭設餞游雲恬孤嶼出天濶
暮江流爾去光依日吾歸靜狎鷗春鴻如可

江皋小集集

卷下

圭

寄無惜付滄洲

宿挹薰樓

瑞明溫可貞

月明露醉倚高樓萬井烟寒玉杵秋地似鑑
湖開別島人從銀漢攬神州疎雲漠漠千山
度清梵微微五夜浮但使江皋江是酒何妨
日日此淹留

磐石鍾公恕

郊館留賓泛菊觴移尊虛閣悅蒼蒼綺疏平

接星河色玉樹低含水鏡光砧杵萬家淒夜
月鴈鴻千里喚寒霜坐中亦有清狂客歌枕
長歌興未央

月湖謝 曷

葉落初秋雁度遲交驩泉石足幽期何來珠
履頻移席共宿玄亭數問奇自喚是賓還是
主却慚能飲不能詩園林盡日無拘束觸目
琅函酒滿卮

江皋小集集

下卷

七

元弼

蕙葭采采江天晚一笑連床爽氣侵入夜光
芒雙劍合登樓披豁百年心詩成謝眺饒清
韻曲奏鍾期有素琴最是風流擅江左太真
誰復並徽音

自亳移滇便歸飲于江臯時七月望日

溫可貞

勝地悔為別移官喜暫歸主人虛左席客子

自初衣池館秋生色松筠晚弄暉共拚良夜
醉欲去思依依

同溫刺史集江臯

梁為誠

式燕良朋集團亭綺席重巡簷嘶五馬引佩
躍雙龍桂樹紛紛白蕙葭采采穠一尊秋色
滿心賞快相從

同賦

元弼

金飈蕭瑟暮江秋掃石欣迎並轡遊倚劍共
看星斗氣開尊同破古今愁長林日落砧聲

江皋小集集

下卷

七

急遠水雲歸鴈影浮久別乍歡歡更別何時
重泛剡溪舟

夏至江臯賞荔分賦

得琚字

敬宇何紹聖

嘒嘒林蟬咽雨餘幾竿脩竹稱清居橫塘碧
樹惟堆錦積案細縹只著書丹實千林時並
賞玄言半壁興還舒尊開賴有如澠在一醉

江頭集琬琰

得聲字

恪存趙響

綠樹濃陰夏日晴隔江時唱採蓮聲名園風物饒珍美更羨荷筒佐側生

得歌字

傲弦梁天植

江皋亭上景偏多蕩漾蓮舟鼓柁歌黃鳥親人調好語彤雲護客索詩應薰風冉冉來青竹朱實離離映綠波但使荔枝供白墮何妨

沉醉舞蹉跎

得來字

靜菴駱凌霄

小築多佳勝招遊及夏來荔枝紅匝地麴米綠浮杯細雨沾歌扇馴鷗狎釣臺醉深時藉草休笑玉山頽

得旋字

健吾梁為誠

朱夏長林隔市喧招携詞客集名園聲過耳濃陰迥花氣蒸人百和旋萬顆勻圓縈水

國千林丹艷映江村寧饒涪漱誇奇品對景還思上至尊

得霞字

我劬周夢龍

杖入竹溪沙尋閒大隱家酒過牆外白荔枝海邊霞丹實開銀甲冰漿映玉華相逢須盡醉浪說棗如瓜

得孟字

羅樵溫可權

荔枝名園綺席開同依密樹坐莓苔一溪漱灩雲爭麗萬顆殷紅錦作堆已訝冰丸供碧椀更看玉液漾金盃不妨飽食仍拚醉緩步江頭泛月回

得圖字

明初范緝

午月陰生候尋芳過竹區舟橫葵水渡人入輞川圖酒進蘭陵液盤飧齊火珠不辭歸酌日莫倩誰扶

得宮字

若木溫益謨

龍門高譙集群公丹荔垂垂映碧室坐倚陰
濃浮太白行蹇芳蔚擘輕紅水晶恍發波斯
匣玉露疑分太乙宮喜附連枝陪勝賞揮毫
誰並長蘇雄

得枝字

抱一陳向明

序屬天中樂事宜側生初熟子垂垂繁荷結
綠成新帳芳樹凝紅滿故枝輕解朱衣香馥
郁漫持白玉潤水姿 聖明優罷南方詔留

助驂人送酒卮

得粧字

兄擴宇士表

卜築湘箔遠草堂垂垂丹荔水雲鄉迎薰翠
葉清陰匝映日紅姿火樹粧縱棹飛觴偕李
郭蹇芳駢賞引求羊當令漸却遐方貢安得
宮人帶笑掌

得堂字

元弼

佳節俄驚已伏陽呼童速客過茆堂聯鑣肯

怯江天熱把袂狂談特地涼漫道荔枝三百
顆偏宜竹葉萬千觴端明識後傳新譜歲歲
相期取次掌

余於靖吾兄夙好也濶別多年幾成岐路
一日謂余曰江臯集剗剗垂成可獨無言
乎余感今追昔相對悵然偶以夏至賞荔
詩帙示余觸興成篇不暇計其工拙也

蘭洲王而御

江臯小築集

下卷

三

昔年星聚擬高陽別後頻驚月滿梁分韻如
亭稀授簡問奇玄閣憶飛觴漸看荔譜無新
什喜續瑤編有近藁踪跡未須憐泛梗且將
人世付滄桑

春遊二十韻時江臯主人偕其兄敬可予
亦從兄爾惇

溫臯謨

昆友尋盟北江臯載酒時潮平溪活活風細
日遲遲欸客魚相問迎人大不疑洞深松竹

潤堂古桂蘭滋玩物吾何有偕春固在茲君
能聯棟萼吾亦叶塤簷鴈影看雙度嚶鳴聽
共怡層簷翻紫燕密樹響黃鸝弄色花爭笑
含香蝶共嬉傳盃頻引滿散步緩相隨櫻敞
清薰襲亭虛萬籟披達觀延遠睇鏡水澹幽
姿露頂依嘉木忘機理釣絲盤桓香雪徑容
商紫茸墀月入荷池漾尊於栢石移景和情
倍適興劇樂忘疲荀陸文章並羊何氣味宜
採葵歌互和夢草句偏奇鄭重彈冠意儻佃
倚杖思香山與栗里皓首以為期

同賦

翟恂章

海潤炳靈燁宇宙開芳鏡裏鬱蔥蔥天垂岐
峻三衡接地迥煙消百雉崇積翠氤氲倚翰
墨含清縹緲煥雕蟲憑葛冶金壇古鳳引
蕭笙石室龐王氣頒斌被廣運葆光原隰匹
崆峒卧龍帝夢山中相乘鯉人傳河上翁繫

江華小築集

卷十

五

江華小築集

卷十

五

景遊蒙瑛更發鑑輝澄霽瑞偏陰神情制作
由皇錫心境形容邁國工緣砌嫩苔斐秀壁
隔溪新泚漾文虹虛堂莊籟絃相叶滿座震
薰抱自冲岫倚青螺晨送目波洄藍練晚收
筒平林絕翕梅將白環浦晶英荔放紅墻下
桑麻需日用堦前蘭桂課時豐鴛鴦騰有凌
霄翮軒冕那能詎智籠菴藹結鱗連冀北歲
幾非霧襲番東璫蘇淨入荷香湛玉案殷依
栢影寤不負百年長作主敢論萬物竟為銅
吁嗟會俗牽塵想覺悟勞生憶酒功應化湯
疑殊性橘居安便得去心蓬要津咸裂行多
蹶岐踞徘徊世已窮稻穫新筍邀上客詩分
險韻試豪雄一尊身外乾坤付五際人間歲
月龍生草咏歌欣散步聚星占奏貫圓空薜
蘿雅葉奇文合牛斗寒芒寶劍通結駟千門
技速雀飛冥四野渚來鴻誰云輕世膝常擁

尚許從心玉可攻同調據床陪笑語披襟聊
浪醉春風

同賦用溫韻

元弼

郊館占星聚高軒恣枉時庭閑風淡蕩簾捲
日舒遲客至奇應問鷗群狎不疑花明雲氣
爽葉潤露華滋伐木情猶昔連枝會在茲韓
華呈棣萼和樂洽墳寃葭玉時和倚松雲脫
並怡減衣閑白羽岸幘聽黃鸝下榻憐同調

江皋小集

下卷

五

鳴舷且共嬉棹移天欲破舟泛岸相隨江樹
含烟媚汀花宿霧披芝蘭投氣味蒲柳異丰
姿空谷傳虛籟深林拂釣絲蓬蒿紫野徑蘿
蔓沒堦墀頃覺居諸易寧論桑海移襟期聊
對適笑語竟忘疲主與賓偏洽情於景更宜
南金君並美東閣我無奇已愧孤尊酌能無
後會思願言頻命駕心賞永為期

初夏遠觀臺對月得濃字

林敬脩

乘閒過小築坐語自高春對酒看新月登臺
見遠峰兔華窺短髮鶴夢憇疎松漸覺人烟
迥堪忘世味濃

得東字

王而御

謗誇河朔堪逃暑喜傍高臺爽氣通清眺雲
中雙闕迥劇譚花下一尊同涼生竹徑含新
月靜入松林度晚風醉倚歸槎疑泛斗萍踪
明日任西東

江皋小集

下卷

五

得臯字

元弼

入夏尋幽興亦豪一尊移棹問江臯劇談千
古心逾壯縱目長空望轉勞寶釵光搖波月
動德星遙聚海天高酒闌蕩槩乘潮泛回首
酣歌愧二毛

得雲字

檀

高臺突兀水之濱詞客開尊對夕曛萬頃蟾
光天宇靜千章樹色座中分杯傳河朔來清

賴目極潮生捲暮雲此地過逢唯二仲江關
詩賦不如君

載酒江臯賞菊

陳鳳閣

搖落西風歲序賒却憐離畔有黃花誰將白
髮驚時暮共對青尊感物華近水樓臺疑閬
苑平疇鷄黍即胡麻淵明笑傲歸三徑醉卧
羲皇自一家

李君讀禮踰年斷會章酒余與敬字何君

江臯小集

下卷

三

餉之江臯蔬損常什五紀之

洪信

莫以今年似舊冬終天何日涕無從蓼莪意
味誰堪語風木情懷爾自濃蒼髮可辭梁肉
會紫泥應到若堂封相看俱是綈袍色曾幾
萱幃手線縫

夏日何見陽翟紹心翟日宣曾日輝張庶

夫鍾紹魯李以詵梁崇卿林聖輿陳華漢
載酒過李相所江臯酌環栢石興酣聯句

帶水郊居僻林招遊意氣親何新荷搖翠蓋

李古栢遠紅塵細路饒苔蘚曾平池躍錦

鱗林風林堪却暑張花塢尚留春梁白鳥依

青草翟玄蟬噪綠筠鍾初疑勾漏洞陳忽訝

武陵津何坐有携尊客曾門盈問字人杯傳

銀鑿落翟盤引紫綵尊李興發頻移席張狂

來不着巾聚茵誇許慎林技輶笑陳遵李桂

棹歸乘月梁蘭橈捷有神曾相過是幽事陳

江臯小集

下卷

三

百遍莫辭頻李

過江臯湯題

王一新

涉趣江臯興欲飛層雲遠樹暎臺輝獨將鏡
水抽玄藻共對南薰美玉徽花院飄香春滿
塢星槎不夜月橫磯坐深風靄青青栢籟散
如亭聲正稀

承江臯祖別偶占

方遂千

出郭臨溪滑開尊傍石寒樹光浮淡月霜氣

上雕欄買撤勞勞去登臺漠漠看風塵青巖
在搔首一彈冠

其二

憑高眺天際百里見蒼茫且拚群芳興何愁
七聖狂不空尊北海疑是路南塘坐久漣漪
處時為叔度汪

夏日江臯贈集

太循梁文烜

蒼狗橫空雨正繁過逢欣得且盤桓譚玄祇

江臯集

下卷

九

媿千秋業避暑還開五月樽贈細玉鱗工部
酌舞鬪金縷辟疆園綠知愛客過虛左雅道
于今可並論

再讌江臯登達觀臺

畫舫青尊向晚開相携欣上達觀臺千家形
勝逶迤合萬里風雲次第來對酒不孤今夜
月看花須聽早春雷當年河朔應誰是索笑
東南盡百杯

冬日黃愁忠林禎燦車宜仲梁幼寧高正
甫麥德微携具訪李相所年丈于濠上水
亭分賦

得微字

黃思諫愁忠父

東來猶紫氣因共款郊扉潮長水雲晚江清
烟嶼微感時語轉劇思往涕堪揮縱有南游
嘆無言易息機

得東字

林應奎禎燦父

江臯集

下卷

四

年來飛雁一相通握叙猶疑夢寐中興似王
猷乘夜雪過從元禮挹高風看君征馬情偏
壯愧我幽居賦未工把酒更期連日醉扁舟
容易各西東

得江字

車鳴時宜仲父

旅館臨洲渚芳亭似畫樓竹林思六逸雪夜
到三江即曲誠難和長城未易降一尊聊共
醉莫遽返麾幢

得時字

梁元禎幼寧父

江臯遙別忽經時
濠上重來興亦奇
挂席恍從規外過
繫舟還傍鏡中移
逢人皂帽空懷刺
對客清樽獨賦詩
良會直須忘去住
故交惟有白頭知

得居字

高為表正父父

歲色幽期在冥心
濠上居人烟夾岸
密寒雪斷流餘篋
著瑤篇滿衣仍旅
食初向聞繫舟處
吾欲傍樵漁

江臯小集集

卷下

聖

得徒字

麥秀岐德徵父

誰道襟期可易圖
三年踪跡斷江湖
花前見雁遙相憶
雪裏移舟幸不孤
隔岸凍雲窺下榻
當軒寒色散圍爐
舊遊屈指今能幾
莫惜酣歌倒玉壺

得稀字

李元弼相所父

繫纜江亭對夕暉
喜聯騶御枉荆扉
尊移愛

汝論心重賦就慚予雅
和稀鱸膾却先榮
解組雁行曾昔聚
初衣年來忽斷瞻
雲想魏闕長懸頭不違

集江臯題曉春燕喜圖

周一士

東風昨夜吹簾幃
晨光欲吐天熹微
卿雲乍擁朱輪出
千門萬戶含光輝
遊人早起開春宴
到處尋春春不見
上林一樹映江臯
霞光隊隊紅於霞
頻來喜鵲噪花間
乳燕鳴鳩樂

江臯小集集

卷下

聖

意闕百子池頭人似玉
飛花庭院酒如山
酒酣玉漏催銀燭
醉客揮毫滿華屋
筆底能迴四座春
化工巧奪詞人目
歲歲花開陌上遊
春去秋來不自由
何如春色歸圖畫
長與丹青萬古留

赤壁圖為李相所年丈題

番禺年弟高為表

剪就生綃畫赤壁
憑眺古今情非一
蕭蕭高

樹來清風澹澹澄湖秋月白學士才藻宋冬
流早探石室玄冥搜掌握南宮西掖制割符
杭制歷黃州一麾出牧海隅滋心情洒落超
留滯陳力薄書未云疲轉於烟霞有深契秋
色蒼然萬象新聊同客子汎臨津倚棹放歌
凌郢里逍遙寧復嘆波臣西連漢水吞雲夢
東窺樊城接楚塞羊公峴首碣已磨蜀相抱
膝吟安在後先汗漫躡雲根峭壁空江注海

奔吁嗟孟德雄橫艱詎博詞人一泛樽余友
青蓮富蘊籍開軒映澈冰壺色相逢塵態頓
能捐江皋遍植洞庭橘奇才本自致青雲峨
眉楚望欲平分更喜故人工射策

謂溫青霞進士與丈

同結社也拔茅休勒稚圭文

錦堂春藹圖為靖吾夫題

林敬脩

尋真曉入江皋路萬紫千紅簇煙霧珍禽恠
石爭鮮妍滿地春光隨杖屨春光澹澹花冥

冥枝頭盡日懸金鈴龍眠老史畫奇絕故將
綵筆傳丹青主人却愛春光媚共玩新圖饒
雅致我來恍惚融心神輞川金谷何軒輊花
間錦雉馴不驚飛來嬌鳥爭枝鳴海棠雨濕
朱唇破牡丹風動紅粧明補天餘煉中林起
莓苔斑駁張新綺顧瞻不斷四時花悠然坐
我春風裏君家有酒萬石餘孔融坐下長不
虛披圖深酌夜忘去呼童秉燭仍躊躇堂開
錦繡人如玉四壁生綃新未觸獨憐以景最
逼真為掇錦堂春藹曲

烟渚浮槎圖為相所四兄題

王而御

側身轉覺乾坤小塵世驅人徒擾擾乘槎聊
傍水雲鄉澹蕩烟光何浩淼每隨鷗鷺浴滄
波手拍銅壺自放歌日把絲綸臨極浦晚依
牛斗汎明河采蓮戲逐菱歌起貰酒狂呼白
雲裡眼底風雲任卷舒閑中日月何窮紀興

酣移棹向江皋笑倚蓬窓首漫搔紛紛世上
繁華客那知天地有吾曹吾曹行樂尋真境
玩弄孤槎心不兢渭濱嚴瀨并高蹤烟水逍
遙倍清迥紉蘭緝芰足優游洞簫明月載船
頭滿目紅塵飛不到夜深時復過王猷

從五羊過訪李年丈江皋漫賦 高為表

一水盈盈遠萬家却居更卜潯洲斜青山入
牖圖金谷白浪迎門捲玉沙幽籟不禁風塢

江皋小集

下卷

集

竹異香紛度石林花邀懽却問雲霞侶千里

山陰興未涯

喜高年丈遠訪江皋用韻賦謝 元弼

幽居地僻野人家脩竹垂楊夾岸斜祗以
書供閒寂謫勞僂舸駐江沙交情羅雀閑三
徑世誼逢君羨五花驩劇不妨占太史平原
應擬興無涯

中秋後五日廖太學肖松韓計偕月峰沙

萬戶原白同集江皋

得雲字

廖景棟

知己名園集悠然世外分新蟬吟野樹遠浦
暗平雲客醉頻呼酒交深可共饋山川從此
隔魚鴈杳相聞

得多字

韓上桂

卜築江皋歲月多煙霞高卧近如何一泓秋
水浮新月十畝荒田半綠莎草就自舫楊子

江皋小集

下卷

集

宅雪霏誰和郢人歌層軒許借青雲色幽徑

閒過詠薜蘿

得風字

元弼

蕭瑟金飈水郭中清尊偏得故人同依微樹
色侵杯綠綽灼蓉花入望紅梁苑詞華饒郢
雪柳營訂策壯雄風相看不盡豪吟興應念
長途獨轉蓬

承錢江皋漫賦留別

廖景棟

飄然雅况草萊間，握別憐予不可攀。
自嘆風塵多白眼，何如尊酒對青山。
秋高木落砧聲急，夜靜香消客思閒。
此後江臯徒入夢，莫雲江上鴈飛還。

秋日同廖丹實再遊江臯 廖山西人，席有名妓。

名妓

韓上桂孟郁父

將適江臯路，言遵洲渚遊。
寒烟猶縹緲，疎荻已蕭颼。
叩此玄扃杳，欣茲勝地幽。
登堂情自

江臯集

下卷

中

廊俯檻意，如求曲沼魚。
從躍叢林鳥，任投臺高風。
乍響竹動翠，還浮上客來。
燕趙雄文集阮劉，氣能摧五岳。
藻敢軼中州，語洽幽蘭拂。
歌清白雪流，相看矜一笑。
况復艷雙眸，銀燭催將盡。
金樽溢未收，嚴城寒漏急。
歸道野蛩愁別去，情翻戀沉吟。
興轉悠至今，衣袂色猶帶。
芰荷秋。

江臯招酌先主人至獨步躍如口占二絕

冲玄尹守衡

漫說相招早，自催忽然移。
步到花臺第，令臺畔青尊在。
莫問主人來未來。

每到江臯思，自幽迎春好。
鳥亦相求孟山池，館偏相似一月應從一度遊。

李相所約游江臯，別業阻雨既霽，放艇重

携移坐出所藏卷帖相示，臨別登臺如不能去。

能去

昭余盧廷龍

江臯集

下卷

中

折簡臯亭續昔游，瀟瀟風雨更夷猶。
主人愛客頻開徑，野水兼天遠放舟。
霽後長林清暑氣，花間散帙俯江流。
徘徊不用仍投轄，賸有高臺豁送眸。

夏日遊江臯

無逸道人梁敬之

宛似恒河曲，祇陀太子林。
可談無住法，偏愜出塵心。
竹葉寒聲細，梅花雪色深。
滄浪吹玉笛，夜夜水龍吟。

精舍傍江流津梁彼岸頭人煙如舍衛山色
似羅浮心度恒沙劫身同象外遊從來香積
飯不在鉢盂求

奉香南華別李靖老

前人

去路青山外長林綠樹陰獨憐泉石癖人共
水雲心聞梵香花遠尋幽古洞深與君惆悵
別策杖自登臨

集江臯得觀文昌張僊妙像喜賦

江臯小集集

下卷

平九

方遂千

選勝為宮現法輪莊嚴今見一珠新大千劫
轉龍蛇幻高四臺看燕雀馴王氣劒浮星漢
色慈雲衣護水田人憑軒正會團藥夜綠酒
黃花歲共因

重陽登達觀臺今賦得香字 梁應高

招飲高臺上遐觀盡八荒歡來誰是客醉後
興徭狂雲薄酒沽急風傳紫帶香不須投井

轄歸思已相忘

得眸字

林敬脩

高臺萃嶽凌丹丘九日招携開遠眸川原遶
席錯新錦星漢低空浮酒甌客子帽歌風獵
獵主人歌竟思悠悠醉來共把茱萸看此會
更誰同勝遊

得杯字

梁兆奇

達觀臺傍水雲隈海色秋風襲襲開天上客
星看此夕人間良會自今來金莖沆瀣元沾
席石壁烟霞共舉杯不用登臨頻悵望暮天
鳴鴈更徘徊

得簪字

元弼

集客登臺石磴重一天秋色醉芙蓉振衣坐
染流霞濕倚劒行看王氣鍾迎節紫萸今共
把賞心黃菊歲相淺抽詞賸有羊何侶賦就
凌雲興轉濃

得秋字

李 橙

風急天高景色幽經過忽漫野亭秋登臺載
酒穿雲度落帽敲詩晝日留醉把茱萸飛菊
竿暝依蘆葦蕩蘭舟相看雅有逃禪趣愧我
長征敝客裘

得重字

梁敬之

黃花錦石澹秋容曲檻層臺紫翠重正長習
池魚競戲客來蔣徑鶴先逢機忘鷗鳥群偏
狎香積菩提味自濃何異龍山恣意賞晚歸
休問景陽鍾

得開字

陳向殷

搖落空悲宋王才招携幽興此中開黃花應
節商量發白雁凌空次第來破帽任教風自
落今題寧用雨相催登臨莫話牛山事佳節
須成一醉迴

右詩成輒錄便即付梓初未遑論賓主也

重遊江臯別業乙卯初夏

濠上方逃暑江臯屢見招薰風來夏木曲水
酌生潮石磴危能躡雲山淡可描幾回歸路
暝漁火照蘭橈

將歸山房相所諸君載酒舟中話別席有
琴客

同前

河梁尊酒送將歸綠綺朱絃為一揮幽壑壁
沉魚夜出晴空雲靜雉朝飛廣陵絕後聲仍
續流水孤揚聽亦稀為訊墨洲黃叔度別來
誰對理金徽

沙將軍招酌江臯因贈

羅奕佐

結靜聞君嚴市喧尋幽疑入武陵源半生文
苑名非遜百畝江臯道自尊布席故當苔砌
輒采芳應徧藥畦繁相過湯牝旌麾暇盟社
從今附執鞭

相所丈招同元明諸丈再過江臯

同前

一丘君獨寤三徑此重開
酒自林間出船從溪上來
異花香入座脩竹翠當杯
不假山公騎偏宜汎月回

乙卯七夕集李相所江臯池亭得二首呈

政坐有梨園女樂無負良宵

虛舟鄧雲霄

竹裏群賢水外亭佳期惆悵醉還醒
銀河浸月秋來淺玉珮行空夜可聽

天上鵲橋迎窈窕

江臯小集集

下卷

七

窈人問鳳管奏娉婷扁舟載伎仙
槎近誰道

雙星勝客星

其二

彼美休歌水一方樽前紅袖列成行
輕盈妙舞低垂手宛轉清聲急繞梁
乞巧誰家針線冷沉酣此夕夢魂香
百年樂事知能幾總付桑鄉與醉鄉

石林周一士

七月七日潮水平主人款客出郊垌冠蓋如

雲雜履舄水行陸走紛相仍開筵直向芸暉

圖王軸牙籤不知數片片輕鷗狎近人玄津

鏡澈梅花塢脩竹檀欒繞徑青如亭萬籟氣

淒清達觀臺上邀謠舞鶯喉宛轉調新聲遊

人雜俗看何許笑語懽騰課畊處環栢蘿葱

秀可食花飛庭院如紅雨櫻開四面挹薰風

鵲橋一帶銀河通雙星隱隱度雲雨天上人

江臯小集集

下卷

七

間此夕同荔磯月上橫塘暮坐客翩翩咸詞

賦青蓮居士興轉豪授簡揮毫掃煙霧人生

取樂莫蹉跎帝子年年幾度過梨園法曲留

連會不醉無歸奈興何

瑞明溫可貞

牛女清宵願不違人間天上兩依稀雙星度

處雲為護三徑開時翠作團豈謂良緣偕窈窕

窈猶疑乘暇到支機自慚生計由來拙乞巧

何心望斗幾

元弼

鵲橋遙望五雲深佳夕朋從得並臨風雨總
為牛女淚星河偏動歲時心十年世事看雄
釵百尺危樓乾巧針佐酒更逢歌妓密微酣
那惜共狂吟

讀靖老七夕詩敬步嚴韻

雲玉湛然

徙几堦前夜正深相思遙望彩雲臨銀河已

左學小集

卷下

五

見牛即度烏鵲惟聞織女心壯志未舒憑引
領交懷那惜教穿針由來白也詩無敵肯念
離人獨苦吟

同前

光岳梁兆奇

可堪翹首綵雲深天上人間此並臨白璧未
消三別恨青雲疑負百年心清霄機杼雙星
渡午夜樓臺間巧針人世合離元不易郢歌
誰復動長吟

遊江皋小集

五百甲子老生麥如京

東里開基接海涓龍門輕爾習家池諸天雲
擁神仙座群木星生父子枝先月臺知邀紫
桂化龍魚臺坐靈芝墨花素祥青蓮趣題咏
千千寫十奇

同麥正老遊江皋

蔡夢松

江閣巍崇近海濱琪花瑤草自森森天高疑
是桃源勝地迥偏誇上苑珍詞客繽紛懸翰

左學小集

卷下

五

跡德星環聚喜豪吟興文啓胤祥光霽他日
重遊興倍深

江皋讌集

史記事

習家池館傍林立景物千重一盼收水樹故
邀天籟合亭臺遙帶月光浮青青栢葉時薰
華白白江魚晚上鉤卜畫興高歡未足夜長
仍作泛舟遊

夏日集江皋

友弟林坦

倚舟幾轉到門前
蘭徑松軒罩翠煙
樂事還同濠上興
好風偏待竹林賢
百年長寄壺觴裏
三伏潛消水石邊
掃得花茵旁池岸
醉來吾伴白鷗眠

江上集

卷下

七

寄贈

李相所諸君北旋過訪青門別業留酌暮

懷李敬可

十洲唐守敬

獻賦明時實壯游
歸來仍及桂花秋
剡溪舟放高歌入
竹徑風回暑氣收
公等已先占彩筆
故人多是傲滄洲
天涯散合渾常事
目斷蕪葭落日愁

承靖吾兄索書江臯扁聯却寄 前人

江上集

卷下

七

避俗青門遠世氛
喜承飛札最慇懃
知君作賦卑玄晏
老我揮毫愧右軍
客賞園林題墨跡
車填門巷綺聯分
相看意氣還今古
十日平原未足云

仲春過江臯值雨賦贈北上 翟廷謨

芳草萋萋綠未乾
盍簪人共過江干
幽香半逐燕泥濕
嫩蕊偏嫌蝶粉寒
豈有濁醪頻問字
却將春色上征鞍
鶯花莫恠顛風雨
饒取

年來帝里看

李孝廉別業新成賦賀

祁一美

習家臺榭枕城隅，戶牖迎陽啓畫圖。
龍馭壯懷懸魏闕，鷗盟清夢暫江湖。
韋編祗合籌金鑑，列座還應叩玉壺。
燕雀遶樑多喜色，會看眉宇長群雛。

陳少登

龍門高第喜初成，燕雀樑翻羽翮輕。
紫氣早

江皋集

下卷

二

看花正滿珠簾朝捲日，先迎萱金普砌春風。
煖蘭玉團階雨露，崇由北衣冠旋馬地，夔龍
千載集 宸京

陳啓心

秋杪弘開出郭堂，暈飛畫棟敞朝陽。
喜看白屋祥光見，況有黃花晚節香。
橘柚江皋來楚，輕尊壘虛白走瑤漿。
芳塘半畝堪垂釣，日日

意鮮傍母堂

招飲江皋謗賦稱謝

范欽

卜築江皋信美哉，樓臺東控海門開。
無邊玉樹逢春起，不斷青雲接漢來。
投轄獨憐酬野逸，登龍今喜挹風裁。
曲江宴錫酣歌裏，還憶高陽並舉杯。

登達觀臺

祁應震

步履江皋裏，登臺共賞心。
花飛春滿院，竹靜綠成陰。
玉袖連襟劇，銀燈照夜深。
主人能醉客，從此數過尋。

江皋集

下卷

二

過李靖老江皋，諷誦壁間聯句用韻續貂。
請政 梁廣譽

新安掌教
歸善人

江干移棹問荆扉，為愛名園倚翠微。
水鏡臺邊鳬共浴，挹薰樓外燕交飛。
簷花徑草俱生意，樹色蟬聲總化機。
取醉欲期山吐月，肯教心賞願相違。

飲沐初堂賦謝

鍾繼樸

增城司訓
四會人

入洞風烟細重重竹徑森山光長照座海色
謾流雲劇飲情偏壯雄譚思不群羯來春意
好那得更論文

招飲江臯偶事羈不果赴

洪信

聞道江臯樂事賒舞衣歌扇醉筵斜高陽朋
舊還誰長河朔風流好並誇霏屑幾搖冰玉
塵芳名應泛木蘭槎盈盈一水違歡賞休問
天門五嶽霞

江臯小築集

下卷

溫雨弼微赴江臯盛誇選妓責老纏頭後

乃知其戲也因成戲咏

前人

不分無緣並綠觴却教坐客詫紅粧放歌白
雪慙同調醉舞迴風枉斷腸捉臂爭盧達漫
興纏頭重錦尚成章綺筵朱履深狼藉那少
溥于五石狂

江臯賦贈時李將有喜事

前人

一別江臯動數秋依然烟竹淨沙鷗聚星本

為蘭亭會飛韻今傳鄴水流話雨未應緩舊
事高風搖落憶同游萱花正是宜男草且著
斑編勸玉甌

莫春聞鶯懷李相所兼詢王于聖劉奕唐

蔡嘉寧

撲簾紅蕊颺輕絲遶樹鶯聲太睭離聲好每
緣憐日永情多應是怨春遲風流供奉崑山
玉文雅劉郎挂樹枝沅芷澧蘭原有恨西清

江臯小築集

下卷

花鳥更逶迤

花日懷江臯小築

前人

憶汝山房春事嬌碧桃銀杏媚花朝輕風入
座香烟細遠色侵簾山黛遙閣迥琴尊供咲
語樓高書釵麗雲霄主人岸幘池亭上徙倚
雙鳬啜野藻

初夏代簡約訪江臯

前人

偶憇長羸望太清片雲街日過東城新看近

帝榴花放更妬交枝楚雀鳴性僻未堪偕客
語心貧難向故人傾相思欲買王猷棹一哄
囊空伏友生

秋日病中懷江臯主人

王素業

世態交情聚吾生獨有君病多非縱酒愁劇
轉停雲地僻琴聲寂天寒樹杪分江臯風景
好那許細論文

靖翁靜攝江臯詩以訊之

范欽

江臯集 下卷

五

病後存真靜神清癘不侵高山曾景仰流水
復知音老我渾如夢懷君獨此心為霖舒健
翻應念白頭吟

用韻率答

元弼

一病經旬再凝寒可更侵慙予無善攝愛汝
獨知音咄咄嗟諧俗踽踽自苦心燕京頻悵
望抱膝日長吟

閨九夜同范憲琴醉飲懷弟飛花庭院

兄元表

月閨東籬菊已芳江南今夕又重陽青天半
落流霞艷碧海高懸片月光踞入三江同縱
飲鴻飛千里伴還鄉飛花庭院春逾好遲爾
携壺問草塘

余過江臯旬日談酌驩甚別佐茶陵承靖
吾年丈佳章遠訊用韵奉答兼送梁裕菴

東歸云

清宇吳道昭

江臯集 下卷

六

紅亭莫惜醉離觴前路脂車動曉霜馬度桂
山當十月帆回珠海是三陽梁園賦罷雲連
袖粵客歌來雪滿塲東望故人鄉國思青衫
頻濕楚湘傍

涇陽別溫青霞寄懷靖吾李年丈

作所表 敬

朔風吹浪錦帆輕別酒那能繫片程江上美
谷秋乍冷洲邊杜若雨初晴浮蹤共作天涯

客薄宦多慙地主情卜築江臯人似玉風流
誰並李膺名

江臯主人惠搭肩賦謝

陳啓心

誰向初寒解問兄綈袍愛女古今情負暄煖
合龍顏獻萬里霜飈任遠行

靖吾翁還東邑載酒舟別兼贈卮言

王寵

青雲客思勝陰何避暑來遊五穗坡入檻碧

江臯集

下卷

七

峰者不畫出閑紫氣望偏多論心化日頻沽
美問字玄亭憶更過愧我髮華叨御李清風

明月動驪歌

即席留別

元弼

三城雲樹拂斜暉興盡飄然解纜歸豈有奚
囊千彩筆謗芳尊酒點征衣江山去住心無
繫賓主東南頭不違惆悵河梁分手後登臺
翹首鴈飛飛

將之京留別李敬可相所昆玉 洪信

一空騷社二難同供奉前朝自國工詞賦世
家天下望壘麓諧樂古人風六鰲山下淹征
騎五鳳樓頭盼遠鴻別後相思芳草綠春風
並入謝池中

和韻答贈

元弼

廿載論文意氣同梁園詞賦爾稱雄江樓火

樹遲征旆歧路鶯花入暖風析袂謗應賡白

江臯集

下卷

八

雪彈冠寧獨賦雙鴻看花帝里心俱切無限
離情酒醖中

遊閩寄懷

溫臯謨

閒寂山城客低吟苦憶君琴書虛夜月砧杵
度斜曛雲想斑衣麗秋知桂樹芬如亭尊酒
在誰與細論文

遊羅浮憩參天巖見此巖絕勝因題其石
曰溫仲子為李季子選此石遂成一律

青霞

捫蘿躋絕勝，卧壑吸飛湍。身覺憑虛過，天疑上界寬。縹浮雲競白，苔剝字仍丹。選石留題在，何年御李看。

銅陵江上夢江臯歡酌

兄元表

銅陵江上憶江臯，萬木青山首重搔。吳苑雪留還賦頌，楚天寒入盡波濤。清風倚檻紛難強，白晝看雲夢易勞。未到池塘先得句，孰憐

江臯小集集

下卷

九

靈運獨揮毫

舟次涇陽有懷挹薰櫻

同前

窮愁至後惟高枕，病起人扶足散憂。檻外千山迎棹出，尊前重峽挹江流。當歌韻帶泉聲古，倚杖雲移石影幽。久別惠連佳句少，思君長向挹薰櫻。

將還五羊初羨仲素仲奎周憲侯李相所同遊茅溪江臯泛舟放歌相對歡甚別去

乘潮夜發山月江濤依依故人色也舟中

寄懷四章

日觀高爲表

其一

逍遙溪上似平生，斗酒逢君十日傾。此夜起看殘月影，蒼茫猶傍別時情。

其二

客裏風塵杳自閒，蒹葭無恙未堪還。青雲不少高陽侶，杖底終懸葛令山。

江臯小集集

下卷

十

其三

茅廛溪頭去問津，渚花吹送渡江人。征驂瞬息扶胥道，一夜濤聲入夢新。

其四

片帆飛度掠千峰，去去翻令思萬重。東望斗間多異氣，翛然岳色映芙蓉。

李孝蕪午日施錢句以紀之湯書江臯壁

中

蔡嘉寧

簫鼓催佳節郊原仰歲時錦衣稱趙客彩鷁
醉吳姬六博追遊舊千金乾渡奇聞閭徒想
像歌舞自逶迤亦有征求困能無俯仰悲向
人皆束縕村婦憶蒸梨奔走空存骨倉皇問
者誰推心唐李約應世宋彭箕天地同周
流離盡覆茨負裘歌帶索扶杖嚙來熙承事
今誰並于門慰我思遐方知有待開濟復何
疑青史銀為管蒼生口是碑贈君九子粽萬
載以為期

江臯小築集

下卷

十一

江臯雨招不及赴却寄

前人

西度春風負草堂遙憐佳興獨徜徉能無
燭催鼉鼓定捲銀波促羽觴曲徑逶迤穿
蝶石欄遲麗度鴛鴦月明客散狂歌後玉樹
迎風入醉鄉

已酉發珠江靖吾年丈佳章華行依韻賦
別

徐兆魁

萬里江亭再問津鴈行今日惜中分風生劍
珮勞為贈歌發驪駒忍遽聞報國十年空攬
轡憂時百念付排雲遙聞薊北風烟急誰共
燕然早勒勳

燕市名駒卷送李靖老計偕北上

年弟陳果

群才天府計比年聖主新調六御先白壁

共知三獻楚黃金猶自重趨燕慚稱片玉齊

江臯小築集

下卷

十二

通籍未合雙龍限各天臨路獨愁雲樹杳聽
鶯應向上林偏

年弟盧龍雲

憶共當年聽鹿鳴春花幾度倍關情並遊
帝里顏誰厚此日公車事竟成色借宋雲開
寶殿香分漢露溢金莖燕臺索駿由來重况
復人誇御李榮

梁有謙

龍驤風入四蹄輕臺上先收萬里名誰惜千金求絕足按圖元是渥洼精

又

五花雲錦展霜毛天下名駒慶所遭爾合主恩芻秣重不知誰是九方臯

朱完

翩翩征鴈度滄洲有客乘風薊北遊海上掛帆開祖席雪中飛騎入

江皋小集

下卷

七

王州千山朔氣梅爭發三月春光柳向柔此際彤庭知獻策好將勲業達宸旒

劉克平

昂昂千里資蹀躞欲何之燕市名元重秦庭電可追一朝辭渥水雙劍起龍池首著春三月天開應獨宜

楊應龍

送客正高秋青尊得暫留踈烟連海嶠明月

照僊舟鵬圖冲霄漢龍光割斗牛春風三月裏獻賦

帝王州

天津春晚一晴一陰有懷同社兄弟

溫臯謨

江臯遙望憶春晴青眼相看幾弟兄魚事倚壚頻索笑有時鼓棹共尋盟風開細簡枝枝色日射新葵片片明安得羽翰生兩腋便馮

江皋小集

下卷

七

羊角到前楹

其二

惆悵滄洲春已深柳烟含日半晴陰嚶鳴寡和偏飛動龍性難馴自古今醉擁綈袍寒欲盡狂來岸幘凍仍侵憑誰問訊高陽侶手把瓊枝思不禁

郴州懷弟相所

兄飛雲

新詩貽我共稱奇謬倚柳流獨爾思萬樹波

濤天外壯一尊雲霧雨中移兵戈易下憂時
淚遲暮猶含抱璞悲滿地江湖難並醉幾回
春夢謝家池

清明江臯泛舟

同前

栖遲草澤回孤棹興發憑高日已斜時序開
尊逢故舊鄉關牢落愧年華雲凝湖海千峰
暮春盡樓臺萬樹花况插垂楊當令節可無
沉醉答流霞

江臯小集

下卷

十五

遊雙江寄懷

同前

秋深搖落大江隈憐爾新詩白雪才池夢風
花宜秀句別來誰與共登臺

過王于聖有懷江臯主人

蔡嘉寧

寶樹清居寄隱幽蒼苔白石足淹留綺疏花
氣傳脩竹碧簾涼生起翠楸君愛疎狂翻倒
徙我怜文秀擅登樓新芻却病桃花酒何日
青蓮共勸酌

上巳登達觀臺更訂明日之約 前人

竹門斜闥映松杉碣石蹲堦列畫巖吟眺高
臺搔短髮盃傳殘照未歸帆傍簷或簡團脩
楔夾道垂楊送舞衫來歲陰晴知健否不妨
明日更飛緘

上巳後一日同茂才王于雄招孝廉李相
所飲于城西館 前人

昨朝脩禊江臯北今日開尊驛水西雅咏未

江臯小集

下卷

十六

醉王氏帖餘歡還待謫僊携日長隣媪茅柴
熟春到蓬門菜甲齊枉沐不妨騎馬過埽時
那惜醉如泥

江臯送春

前人

共向江臯送晚春江臯花鳥尚堪親葵榴帶
咲偏宜酒燕雀啼嬌不避人踏勝儘教衝暮
雨賞心且莫負芳辰飛花庭院春長好扶醉
重來景更新

喜李靖老誕公子

陳鳳韶

乾坤間氣自鍾奇何物寧馨此俊兒萬里長
庚光映宙九霄雛鳳快來儀金莖酒注千秋
露寶樹香聯五桂枝世業箕裘應不忝振振
宜爾肇螽斯

宗任通

極目蒼天處處明長庚夢叶紫雲迎光騰上
苑莊椿茂色動瓊宮寶桂榮鮮底玄珠驚錯

江臯小集集

下卷

十六

落藍田壁玉麗品英盈庭朱履覘華萼爭道
充閭不輟聲

自東官赴循州中途阻風追李靖吾舟不

及用李韻

主而御

棹發東官望古循靈雲漠漠黯江濱牙樯逆
擊風雷動錦纜斜穿雪浪頻定有蟄龍思欲
奮豈緣毒魃故難馴僊舟李郭無由並遠道
憑誰一問津

北征贈言

蔡秉光

朗耀南樓月翱翔北闕情花開千片錦浪繞
五羊城惜別難為贈携壺不忍傾鳥催帆去
急山逐水流清賦獻青蓮美功成善長貞靖
忠報明主旋聽鳳池賡

江臯集刻成閱元夕立春兩宴會感今思
昔恍然成句呈江臯主人 洪 信

昔年同社幾騷人蹤跡飄零記未真忽見新

江臯小集集

下卷

十六

編存舊雨潛然有恨問高旻蘭心豈化荒原
草雪調空留鄴水濱衰朽自慙君自壯向來
離合懶重陳

讀江臯集寄懷三十韻有引 翟廷謨

予昔放浪形骸恣情遊覽朋來之益江山
之助時一嘯發足以暢豁幽懷有天際真
人想無何情隨事遷碌碌膝下俛仰一室
感慨係之忽忽此况又已白衣蒼狗耳茲

靖吾君惠教刻集撫卷興懷翻然技癢因
記曩時梁石樓明府過莞青霞君載酒江
臯招予在席花陰月夜皓齒青娥予獨譚
浪把酒浩歌回首昔遊已為陳迹拭目二
君公車並轡蹀躞後先視予泉石膏肓烟
霞痼疾其亦今之視昔乎興感之由因成
三十韻奉寄為時事居諸共發一嘆如曰
三百而後往往寓窮愁之士則予何有

江臯小集

下卷

十九

我有一束素寫心千百言薄云緘咫尺聊且
備寒暄弱冠真無似壯懷亦可論盍歡劇孟
子掉臂辟疆園不問輕肥貴惟知道義尊形
骸當日忘氣槩此生存過阮能青眼如陵具
綠樽絮羹延上客染翰賦高軒異姓聯金友
垂年契玉昆盛名曾御李挺義風標溫詠古
驪先探談今蝨便捫一觴同上已十日對予
原高誼雲天隔浮生歲月奔風塵振短褐時

俗曝長禪自泣楊朱淚誰招楚客魂路遺新
俎豆行斷舊簾幘墮入饌偏宜筍忘憂賴有萱
款賓陶母舍謝客翟公門地迴應無累家貧
得避喧經年多疾病往事少扳援脫幘非為
達吹瓢豈謂煩未同秦漢代莫問武陵源遽
信龍猶卧隨者鳳欲騫僊舟青翰舫星象紫
微垣今代圖麟閣他時畫鹿輜似君雙逆驥
而我一窮猿忝禮思儒行原詩愧素餐百朋

江臯小集

下卷

廿

雖重錫一顧實深恩屈宋才堪駕曹劉氣可
吞相期共千古揮手任乾坤

贈李孝廉歸粵

鷄鳴山
寺住持

僧正琇

清秋愛汝共登臨達士風流在賞心麗藻已
知飛白雪靜緣今喜結青林開尊日落杯中
影下榻雲生檻外陰只恐握珠歸粵海憑高
對月不成吟

江臯景昔曾游之未盡其趣今得主人唱

和雄章深樹夙願短章求政 譚逢時

主人卜築林塘幽八詠風高破四愁客至青
尊浮白日豪來詩興滿南州山環翠擁橫溪
碧城背松聲曲水流我亦浪遊曾覽勝白蘋
紅蓼渡江洲

李年丈見貽江臯集獲睹諸名公雄裁及

不佞遊寶安時留別之什記憶日月頗長

遠矣感念今昔因賦贈是詩燕呈素聚老

江臯小集集

下卷

廿

庶憲待丈讀禮後當勸駕北上亦了此一

段春官緣也

高為表

睽違思特甚何得慶遭逢布帽芒屨至充符

有道容姓名欣附驥門第艷登龍四紀駒徒

過千秋策可從馬蹄凌朔雪法乘叩南宗碩

果知輿載含毫賦恨濃余猶慙那易君自慕

周顒卜築江中勝希心物外踪青蓮才藻麗

白酒與情鍾小草他年樹雲霞應幾重

排律投贈李靖吾求政 雲中廖景株

千古文章事雄才邁等倫謳吟工雪調純粹

見天真早脫囊中穎高超席上珍文光凌北

斗俠氣重南濱片玉賢科策雙金致主身龍

門登未果驥尾附來新叢桂開詩社幽蘭結

德鄰還思依玉樹終日受陶甄

靖吾靜癖戒酒惠我榼樽賦此

洪信

雙罇渾是聖陸海更饒珍醉飽誰分我動渠

江臯小集集

下卷

廿

見故人文園消渴久梁苑賦詩頻欲問金丹

談黃庭一采真

將乞京弭與攀酌李相所承錫佳章途次

寄禽

盧廷龍

閑閱幾載卧江臯結束匆匆覺爾高孤楫興

來徐訪戴新詩疊出敏於曹綢繆未盡傾幽

興信宿聊同醉濁醪握裏驪駒猶佩誦一絨

迢遞託鴻毛

題江臯別墅

雲中肖松廖景株

到處名園好江臯爾蹤稱寰區靖有數山水
妙難并香入花間麝詩傳柳外鶯坐來光滿
座應有夜珠生

其二

幻醫苦難却到茲方廓然空青石一片虛白
室千椽地接莊嚴國人遊堯率天百年何足
算吾與爾俱僊

江臯小築集

下卷

其三

快矣遊玄圃居然坐赤城星橋跨星漢天構
接天京變化蛟龍氣棲遲猿鶴情雲中有江
客同爾鑑湖清

其四

石上東山句池邊逸少書羨君耽二妙時自
愛三餘一榻水雲淨半窓松月虛興來眠不
得洗酌弄蟾蜍

賀年伯靖吾弄璋

吳亭歌

昨夜天饒謫長庚入夢新逡巡浮玉液縹緲
聽天鈞紫氣初涵瑞明珠一握珍龍門聲價
待秋水君為神

春望憶江臯集古

侄應桂

不到東山久江臯已仲春空村為見鳥疎快
頗宜人白浸梨花月青埽柳葉新幾時杯重
把重與細論文

江臯小築集

下卷

入寶安得遊江臯小築賦贈

七律

武林儀吉張起鴻

主人卜築江臯東結茅咲傲烟霞中西園山
水更奇絕况復飛雲藹長虹綠蘿古洞幽
僻石壁飛泉半在空金聲從此發孤嘯萬象
歸真寂化工此翁潛輝遠幾兆卜築暗與長
庚通霓裳杖履蒼苔濕藥竈琴牀碧靄濛白
雲天際時舒卷搖落晴窓萬慮融探元忽爾

入宵默藏脩滅跡羲皇同俯仰乾坤自林樾
浮沉物象如萍蓬携鶴人云李郭仙鍊石還
疑居葛洪信是高風起遐曠引領意趣遊無
窮有時倦臥西軒雨逸夢常騎北海龍幽人
棲遲恆隱志遂覺朝市如樊籠醉狂持釣溪
中月或達長吟松下風飛山返照泉石冷江
聲月已溪雲澁黃髮漁樵老天地白日羽翰
凌崆峒泛觀金紫爭榮寵誰與虛無齊始終
江臯主人重余贈世間漸爾輕華嵩
江臯主人惠以綈袍賦謝

覺一道人梁敬之

幾年蹤跡亦堪悲况值天空木落時梵閣未
忘藜閣夜解衣何幸授衣期即看白雪誰同
調更託朱絃自不疑千載綈袍憐往事任教
寒色滿江湄

再訪江臯別業

端菴袁學貞

卜築元穠勝尋盟興獨饒晴雲閒繞郭曲水
細通潮命酌青樽倒論文赤幟標因君愛疎
散月下更停橈

其二

名園欣再過一徑繞扶疎樓閣觀何壯幽深
景自殊棲心時汲古清聽每逃虛暫息圖南
翮誰云大隱居

兩承解衣口占再謝

梁敬之

李膺文采擅中原倒屣當時禮獨尊戀戀襟
袍誰得似百年天地一龍門

遊寶安留別相所詞丈

羅奕佐

家住羊城路杳漫鳳臺一別幾重歡當筵命
酒行邊促倚棹題詩思轉難豈以才名逢雅
好何當高從擁江干歸舟載得新詩盡懷望
臨風夜夜看

承惠江臯詩集賦謝

楊弘勳

南國詞人羨汝曹
騷歌白雪滿林臯
詩成靈運生池草
賦就江淹夢彩毫
肯以連城償白璧
却憐孤月照宮袍
中原試問誰雄長
千載峨眉調最高

乙卯北征贈言

中秋後三日集李靖老江亭時主人將赴公車因以為別

陳向廷

誰憐秋已半把酒一登臺
林月徘徊見風軒

江皋小集

下卷

四

次第開當歌來爽氣行
樂付深盃坐久忘歸路
城笳且莫催

此地邀懽日翻為惜別行
遠霞天外落孤棹
水中清六息搏風翼中宵聽雨情
往來吾不厭猿鶴豈須驚

秋日公餞李靖老年兄席上讀陳美无扇

頭謹步韻賦贈

徐兆魁

爾自空群足遙看郭隗臺
錦帆何日掛霜劍

倚天開煖淨澄江
色情深濁酒杯加
飡聊為囑春信
佇相催

其二

久處忽別去看君
在此行紅亭樽酒綠塵路
晚風清好快扶搖
翩那牽隴畝情都門如有問
泉石幸無驚

送李相所年丈會試蕪寄溫爾弼明府

梁元禎

江皋小集

下卷

五

李侯弱冠青雲士
半生却卧青山裏
鳴來燕去本悠悠
虎變龍蒸寧已已
憶昔同君賦秋雄
譚闊步常高視
緇衣頗厭洛京塵
麻鞋却羨羅浮美
故園千畝竹成林
新詩數卷蒼苔為紙
江皋唱和得王裴
海內知交識溫李
只今徒步上公車
往代平津安足擬
大器由來合晚成
遠志未須愁暮齒
遙看隄嶺即章江
取次浮舟過吉水
美人佳政在鳴琴
舊侶清

遊應倒屣把臂論交總蕙蘭披裘道故皆桑梓携將荆璧叩秦關解贈吳鉤入燕市梁生老去返林丘謝客年來棲栗里雙鳥空瞻葉縣鳧尺書且托湘江鯉

送靖吾丈北上

年弟麥秀岐

北走長安又問津江皋且暫輟垂綸齊竿不必工諧世楚璧終須善遇人偃蹇廿年番碩果風雲一日起前薪禁林花樹爭含色合待

江皋小集

下卷

卷

青蓮點筆新

其二

客衣初換越羅單秋半趨程尚未寒連夜月華延去棹沿途風葉點征鞍黃金價在登臺易白首交深賦別難書上定驚相見晚看君載筆奉宸歡

年弟高為表

遁跡江皋著萬言秣清時復望中原百年菽

水依親舍一日彤雲遇主恩塞雁北來猶接翅滇鯢南轉運騰騫君家素有驚人句長策于今獻至尊

其二

朝聞結束借吹噓江上蕪陵玉露初才侔長卿題漢柱策成徐樂對公車衝星越鐔雙鉤壯朔雪燕臺萬里餘同藉交情原不淺河梁携手重躊躇

江皋小集

下卷

卷

黎邦璘

江皋久擬定鷗盟賦就凌雲又北征在握明珠元照乘逢人白璧自連城涼生衣馬宜長道春入鶯巷滿帝京愧我窮交無寶劍一輪秣月贈君行

湛然

送別長安去扁舟萬里征離情江水遠極目海雲平春色看垂柳晴光聽轉鶯承恩歡款

醉飛馬鳳皇城

梁逢登

趨謁 承明去莫疑幽棲且與舊山辭
聲名已向詞林重經術還應漢室知
龍劍夜光聊獨倚貂裘寒色更相披
由來老驥能殊衆一遇孫陽定尚奇

黎邦城

習習霜風吹白蘋五雲南去有通津
暫遠鷺

江皋小築集

下卷

辛

霍三秋夢且奮驂騮八尺身繹路
荅枝牽別思上林鸞韻待詞人懸知
紫陌鳴珂客爭識

龍門御李新

陳驥

握別三秌晚揚舲萬里遙休論霜雪
夜喜際聖明朝賦捷金門畝花看上
苑嬌春風知得意題寄慰瀟條

林敬脩

大匣龍泉夜夜鳴陸離搖佩照秋清
寒雲匹馬曾遊路明月孤鴻別後聲
萬里舟航班景倩千秌詞賦馬長卿
曲江春醉看花遍早向青蒲翼治平

袁賀

少年經畧著英聲此日雄飛萬里程
海內文章驚白雪座中霖雨起蒼生
月明星斗揮龍劔雪滿青徐入燕京
側席只今應有待金甌

江皋小築集

下卷

辛

還擬覆賢名

彭世詔

仙舟明發趣神京未盡離筵萬里情
過市驂驄曾復顧乘風鳴鶴自先聲
九街柳色青萍合三殿花香彩筆明
獻納有司存雨露願多封事答昇平

蔡嘉胤

匆匆駿足上燕臺把酒江皋一快哉
候館不

堪疎柳折渭陽其柰片帆催雲連斗氣青萍
壯星聚仙舟白雪栽獨對縱橫須彩筆好憑
雙鯉寄江隈

金蘭范應科

秋入粵江蘋仙舟好問津一杯情自劇雙劍
意逾親北海樓遲舊東山引望新瘡痍猶未
起應有治安陳

侄孫茂桂

江皋集

下卷

五

蕙葭秋色錦帆催戀別江皋祖帳開庭院飛
蒼迎彩鷁河橋垂柳映金罍圖南健羨搏鵬
翼薊北爭看倚馬才無限蓀枝瀕渥泥上林

紅杏待春回

步陳美翁江亭贈別韻二首 侄孫北斗

清秋饒爽籟嶺望一登臺鵬翻南溟舉龍光
北斗開岸花迎去棹江月促行盃春滿長安
色林鶯處處催

對酒江亭夜遙看萬里行黃金燕市重白雪
郢中清遠鴈橫秋色孤帆惜別情長楊如有
賦應識鬼神驚

吉水李日宣

為訪平原吉水隈同宗況得共徘徊忘形莫
問誰兄弟傾蓋還疑舊往來馬首風烟輕萬
里龍泉夜色上三台相要盡倒宜春在分取
瑤林第幾杯

江皋集

下卷

五

靖吾親家之官分宜余時落拓都門為之
言別不覺真發并非綺語以榮其行漫錄
郢政似不禁余之往也小作四首如次

方遂千

曾向江干蚤著韓露華初重宰臣冠無言老
天收名晚勲業何人起灌壇

其二

錦色新看濯歲華遙遙仙令漫浮槎分江想

有餘閒地記得春融早種花

其三

君去文江江上鄰故人相見一重論只堪杯酒商前事說官情也愴神

其四

惆悵都門一別番囊琴相送入袁州山狂已到臨岐處應見柳榆五月裘

李靖吾父母強而令分宜非其所欲也因

江皋小築集

下卷

三

賦以壯之行情見乎詞矣

吉水李日宣

幾年高卧擁虬鳶莞爾分符現宰官仙李漸看谿是錦郎星應照鐵生冠鍾山暝合雙鳬瑞黍谷春回五月寒猶有江皋清意在鈴岡勝處好登壇

送李靖吾令分宜

徐璋

藜火曾親子夜功觀光此日可誰同河邊虎

渡千溪淨天外鳬飛萬里空劍拂霜花秋色冷橋開烟樹曙光曠宜陽今作文翁蜀嘶馬還看避道驄

虎林陳法祖

渺渺章江上翩翩潘令過蕪葭秋漲滿機杼曉鍾多庭轉匡山月灘分石渚波懸知駐車日竹馬聽童歌

黎元望

江皋小築集

下卷

三

昨夜郎星耀碧天安仁竹馬政連縣風雲旦歲秋曾奮仙掌當空露更鮮百里重憐才九罄九重旋見席虛前子虛慚賦難為贈榆榔笑日邊

附稿引

李君相所吾粵國士也束髮受書
即聖賢自許嘗曰男兒落地便當
立三不朽安能溷牛馬走祿、沒
身已哉與之尚論古人非其至者
則曰姑舍是至於鄉先哲則白沙
所忻慕也論勲業曰其惺菴龍塘
乎論詩曰其蘭汀崙山乎他亦曰
姑舍是卜築江臯習靜藏脩暇日
偕客賦詩稿就輒什襲鮮示人若
非其好焉迨今江臯集成而附刻
其稿觀者廼共詫曰不啻為詩之

江寧小築集

附稿引

乙

至於斯也蓋惟余知君之彙選
唐明律也殫十餘年之力而為之
品題其蒐羅廣矣冥契遠矣取精
多矣吾鄉風雅之道得君而大振
茲集也固立言之一班乎君勵志
好脩其奉板輿歡也靡不聚順也
其孝可移也朝家至計靡不核而
練也上而宮掖下而窮簷其纖細
委折靡不推見而洞悉也立德立
功拭目觀之矣三不朽之業匪君
安屬後茲先至視陳龐五先哲不
溟滓然弟之哉君以集稿遠遺安

江寧小築集

附稿引

二

旬曰是集之刻乃仲實從史成之
然貂續無乃贅乎余為之展誦一
篇一引滿于、酣暢恍在江皋水
竹間肩隨膝前而上下其議論也
輒題數語于簡首

萬曆壬子人日眷弟溫可貞書于

滇南之百練軒

江皋小築集

附稿

三



江皋小築集附卷

江皋主人靖吾李元弼著

社友

約吾洪 信 校
青霞溫臯謨

甥

恪存趙 響 編
微弦梁天植

門人文峯張聞詩

錄

侄 海雲李 檀

江皋小築集

附稿

七

客讀江皋集輒然嘆曰江皋之集君主之乎君主
之而佳製稱附稿何也余曰詩不期爾我而期於
傳美斯愛愛斯傳諸君之作體裁因人人殊而逼
唐婉杜同臻妙境一也刻而傳之斯集乎斯集乎
何有於拙稿附刻集後欲並傳耳所謂附驥尾而
名益顯非耶客曰有是哉毋亦君之謙謙終吉也
余輩拭目觀之不獨進乎技矣遂綴述客語而終
贊曰附稿

江皋主人元弼識

江臯主人附稿

夏日江臯晚步集杜四首

其一

去郭軒楹敞江村八九家竹風連野色宿鷺
起圓沙柳枝弱津流脉脉斜寬心應是
酒稚子夜能賒

其二

野外堂依竹蹉跎又六年夕陽薰細草森木

江臯小集

附稿

乙

亂鳴蟬山晚浮雲合江鳴夜雨懸平生耽勝
事把酒意茫然

其三

卜居期靜處可以賦新詩江飛競渡日荷靜
納涼時葉潤林塘寒沙暄日色遲晚來高興
盡少有外人知

其四

仲夏多流水風含廣岸波蹉跎暮容色隱映

野雲多門逕從榛草江天足芰荷年侵頻悵
望吾醉亦長歌

月夜如如亭同溫青霞對酌集杜句

同調嗟誰惜君來慰眼前雲溪花淡淡石瀨
月娟娟步屨深林晚疎籬野蔓懸草堂尊酒
在恣意向江天

同賦

青霞

到此應常宿長吟野望時圓荷浮小葉宿鳥

江臯小集

附稿

二

擇深枝野樹歌還倚殘樽席更移此時同一
醉似向習家池

送劉生之西粵集唐句二首

其一

重惜芳尊宴許遙悲水國秋杜不知心賞夜

韓况復送行舟實叔樹隔朝雲合李加江連

暮雨愁維王知君心興遠韓何日大刀頭適

其二

蒼梧萬里路劉長卿極目思依依羅隱積翠含微

月戴馬西風滿客衣許棠野花看欲盡張九齡分袂

忽多違王勃相送情無限張祐涼天鴈正飛張喬

送王養菴之令寧遠集唐句二首

其一

握手一相送維王秋山獨鳥吟盧照潮平兩岸

潤王石跡九疑深戴叔倫坐惜離居晚錢起行憂

報國心李隨波無限月杜甫佳政在鳴琴元

江華小築集

附稿

主

其二

海國秋風夜李南征歷漢陽林水傳雲夢曉

皇甫橋熟洞庭香戴馬鳥雀荒村暮杜甫江津萬

里長楊炯看君妙為政杜甫南畝起耕桑冉

送岳陽王公子之楚集唐句五首

其一

碧落涵秋景王駱賓方尊別故人陳子昂野烟新

驛曙千楚色萬家春韓翃岐路風將遠高適交情

老更親杜甫從來離別地許側望苦傷神杜甫

其二

何地堪相餞岑參時當大火流李舉杯聊勸酒

揚輟棹艤仙舟王駱賓惆悵烟郊晚韋應物蕭條

楚地秋岑參無窮別離思高適折此淹留杜甫

其三

寧親為令子王維行李戀庭幃宋之問野色籠寒

霧沈佺期清江照綠衣孟浩然別蓮花欲暮杜甫

江華小築集

附稿

四

落鳥俱飛姚鵠何處看離恨張翥蒼茫對夕暉王維

其四

握手河橋上周瑒秋風動客衣劉長卿閑情蕪黑

嘿王維別恨轉依依李治水色南天遠李烟波北

渚微賈至知心從此別杜甫轉覺故人稀李加

其五

郊外誰相送王維車徒促夜裝方離觴千里遠

鑪山路九峰長孟浩然樹色含殘雨喻池風泛

早涼楊素書如可嗣王驥實莫學晉嵇康康

丁亥生日兩舍兄觴我江臯慨然書懷

十月十二寒氣新驚看三十七年心疎狂賦

賦孤裘散漫以窺園種髮侵醉合東樓藜菊

吐望來北極暮雲深慈顏更喜年餘健弟勸

兄酬東燭對

琴侶伯兄移席花間鼓琴賦贈

汝素能琴若連枝會亦奇髮皓心未老曲奏

席堪移傲雪菊萬朵先春李一枝侵簾還月

色潦倒足襟期

七夕飲溫氏山房

何人北郭廠高筵把臂歡呼興劃然宇宙風

流諸子在古今離合兩星懸城頭急雨消殘

暑花塢芳尊感昔年却愛相逢深意氣乘槎

遙傍斗牛邊
郭生枉過不值代東寄謝

溽暑經旬事灌園偶緣江郭倒芳尊青春結

駟憐看竹白晝堪羅獨掩門片片飛花苔未

掃嚶嚶留客鳥頻喧僊舟李郭還今古乘興

那能醉四馬

郭生用韻答謝

淡雲疎雨扣重門見說江臯道已尊刻曲心

情虛雪棹茂陵詞賦白文園題裙未寫芝蘭

味看竹唯聞鳥雀喧李郭齊名吾豈敢狂友

誰謂似劉焉

偕友人河亭避暑

河朔還誰蹟舊歡凭欄長夏水漫漫興來萍

會須沉醉江閣風生五月寒

七夕寄懷張海寰棘戰粵西

片片征鴻度晚霞數聲涼籟落榆花明河萬

里天如水爭羨張生八月槎
又

乞巧佳辰夜氣清西風砧杵不勝情高秋莫
負尊前月桂海珠江一樣明

壽郭光祿夢菊

遙羨汾陽世澤長喜瞻南極耀祥光三朝元
老心逾赤七袞丘園髮未蒼屏翰英聲騰宇
宙斗山清範肅宮牆蒼生社稷惟公在會見
蒲輪下建章

九日壽范亦琴

江皋小築集

附稿

七

蕪葭凝碧曉蒼蒼况復南箕燭畫堂嶽降婁
金逢盛世尊開雲液對重陽書聲夜月虞絃
合玉樹秋風橘井香不挿茱萸自強健年年
同醉菊花傍

壽祁圓山

愛爾懸弧日陽田萬象春風雲來紫氣天地
轉洪鈞岸柳踰波綠江梅應節新年年桃艷
日莫惜聖中頻

壽何見陽翁席上步黃禹東韻

臘月十又一嘉君壽域開古稀齊案合覽揆
彩衣陪鳳翅翩翩起龍降歲歲杯九還知有
訣頻向火中裁

壽王光祿尊夫人

仙郎喜動承恩詔賢母心娛屆壽期戲就
綵衣亭是慢宴高春酒玉為卮人問嘉樹紛
蘭桂天上冊書紀歲時青鳥西來傳信息蟠
桃東海正迎曦

江皋小築集

附稿

八

壽劉母

玉樹冬青不記年凌空雪色自相鮮光涵碧
漢搖銀燭曲傍流霞入綺筵瓊島遠傳青鳥
信僊風吹度白雲篇隴西舊與彭城近醉舞
從教彩袖翩

榮封雙壽卷為張司馬尊人題

忽飛丹鳳九天來白髮雙垂壽域開此日萊

衣光照眼百年梁案笑嘶杯湖西水遠承家
舊塞北風清濟世才知是 聖明偏雨露會
看南極映三台

寫章游壽卷為李令公尊堂賦

粲彩鸞章相映鮮錦衣春酒醉瓊筵花邊佩
玉承 恩者傍母呼蒿祝萬年

又

霞綃龍文御墨香翩翩鶴髮照河陽春風萬

江皋小築集

附稿

九

樹桃花發飛上瑤池錦綉裳

賀南安守溫瑞明誕日時值奏最

青眼相看半百年丹心已徹九重天應馳綸

綍 龍章錫更喜翩遷鳳翩連 帝里栽棠

依日月滇池分竹靖風烟論功奏最懸弧會

賸有勲名北斗邊

送董令公入覲

三策才華夙擅雄循良兼有漢賢風千官環

珮嵩呼並萬國衣冠拜舞同日繞龍鱗金闕
曉天回御幄彩雲紅從容宴後黃金錫共道
清朝第一功

送楊令公奏最

天人蚤歲獻彤墀出宰東藩遡四知春入橋
門桃萬樹雪融郊野麥雙岐栖鳶已布仇香
澤補袞何慚吉甫詩課奏明光原第一賜金
增秩未應遲

江皋小築集

附稿

十

送李令公晉北計曹

握別江亭萬里津芙蓉遙映錦袍新入濡慮
愛依良牧 帝念軍儲急俊臣驩過三山萊
袖彩花明雙闕鳳城春東南民力今逾竭封
奏遲君達 紫宸

送上人節之還衡山

曾渡湘衡一葦流遠携衣鉢入羅浮尋真風
悟洪儒訣問月偏耽庾亮櫻杖錫霏微珠海

月風旛縹緲洞庭秋雄裁不為名山秘方外
寧辭汗漫遊

送鄧念津之令鹽城

白雪才華舊有聲看花帝眷屬鹽城離筵
杯酒君堪醉薄暮風雲江自鳴寒入烟花籠
遠棹青歸柳色趁行旌遙知勲業齊高密豈
羨當年竹馬迎

江天雲樹卷送陳懷義歸閩

江天雲樹卷

附稿

士

江城二月草芊芊詞客言歸思黯然說叙百
年原劇壯飄蓬雙鬢總堪憐尊開北郭群花
媚奇問如亭獨草玄京國春風無限好可能
同醉五雲邊

將軍行送王右川歸羊城

將軍昭代重麒麟西遊杖鉞銷侵氛屯花夜
冷倦占雲乞歸咲傲珠江濱相思移棹剡溪
曲擁爐寒倚青尊玉凌風取醉挹薰樓一歌

一詠鳴絲竹君不見功成身退漢留侯烟霞

長伴赤松遊又不見封侯投筆班都護雅好

詩書友千古霏霏凍雪上河梁驕駒唱微聲

琅琅河陽明發春光媚憶汝花前重舉觴

珠海纒楊卷送鄒賓川陞延平二守

秋盡芙蓉夾岸開天涯離思香難裁帆連珠

海烟波曉劍倚延津斗柄迴六載循良推卓

茂當年詞賦軼鄒枚重逢斗酒知何地莫惜

江天雲樹卷

附稿

士

春風寄隴梅

海珠酌別尹莞石掌科還朝壬午

珠江歲晏淨寒烟無那驪歌此并船南浦傍

萱驩已足北宮鳴珮語還懸紅雲近覩龍

顏喜青瑣徐承鳳詔宣聖主從容容世務

願言阡陌盡公田

送王蓋吾任瓊驛宰

尋春共向粵江濱半醉夷猶却任真試看萬

花無限意那堪斟酒送行人

又

皇華亭塢柳青青匹馬駢駢自遠征勿謂
崖天萬里却憐到處有逢迎

送羅明兄之令興寧

少小隨君聽鹿鳴高才先得屬專城季方敢
自稱難弟叔子由來不及兄春到衡陽新雨
澤風流西隴舊家聲八句歡歡心俱切鴻鴈

江臯小集集

附稿

七

分飛無限情

送王于聖如浙省親

江臯春早柳森森握別河梁思不禁龍劍天
邊搖斗氣太行山上望雲心槐庭勲業還橋
梓蘭室交情自古今鴈蕩天台形勝甚登臨
那得矢徽音

病起口占呈友人

滿擬清明劇何期驟疴成先塋遲謁掃女嫁

費經營病久其朋棄形枯如鏡明夏來喜新
間披帙學長生

元夕載酒江臯送洪孺成令尹時仲兄如
柳翟塔如汀各附舟偕行即席賦贈兼寄
懷清流興寧西令公

璀璨憐燈夕那堪送遠征王卮斟別思金柳
拂行旌湘水遲吾仲閩陽省我甥各諗清政
暇曾否念同盟

江臯小集集

附稿

七

寄懷翁湛源太守

越雋循良寄海陬曾飛雙鳥覲宸旒
翹望遙千里蔽芾遺榮閱數秋福曜光臨天
北極玉符仍綰粵南州偏承雨露邀方洽五
指層巒五馬遊

其二

海內時髦衆所推一麾雄鎮出南陔扶山晴
映朱幡色崖水光涵白雪才製錦蜚華留寶

還珠芳譽重瓊臺遙知竹馬趨迎日共道

翁化蜀來

送麥禎暮年丈令萬年

遙看楚水日悠悠惜別關河一葉秋客裏青
楓孤劍外尊前明月大江流鳬從帝里雙
飛入花發河陽萬樹稠知爾循良聲藉藉政
成能念把薰樓

江臯贈別陳一齋得流字

江臯小集集

附稿

五

高義閩陽識太丘東芻今日遠維舟穗城忽
憶團珠月蘭圃堪憐秣馬遊不謂批鱗餘勁
節何因列題締名流休論宿草尋常事腸斷
黃公舊酒樓

送黎青江家甥之任南安倉使兼懷趙思

日賴州兄飛雲學博四首

度支正喜承新寵儲運艱難賴汝供報答

君恩須努力莫言菲祿易踈慵

其二

庾梅春半晴初實粵橘風恬晚正香迢遞東
山頻悵望白雲天外更徜徉

其三

廿載風塵憶舊遊片帆章貢大江流政成知
共書屏績不獨西京賦倚樓

其四

共羨南安翅米春幾回驩咲醉芳辰到來杯

江臯小集集

附稿

五

酒如相問為說池塘草色新

喜溫南安守膺薦

碧落香飄大火流縈懷天外思悠悠烟含嶺

嶠千山色風動滇南萬木秋岐路曉逢霜露

肅蒹葭人遠水雲浮喜觀薦剡仍遷秩遲爾

鳴珂薊北樓

寄懷袁聚霞大參薛介屏憲副

岩峩金馬挿天來峻極衡陽特地迴龍氣斗

間何日合鳴音江上隔年裁薇垣風動花驄
色栢府霜清盡我開鄉里衣冠還二妙勲名
應並著麟臺

登岳先聲卷為解少令榮薦

單車來佐治清譽邑人傳北海尊常滿南州
榻獨懸夜間千里月春暖萬家煙不但龍門
誦長歌敲節篇

送劉群玉應選北上

江皋集

附稿

七

擊筑江皋酒未闌可堪分袂向長安瑤池夜
月千峯雪驛踏梅花一騎寒赤羽晴曛明旭
日彩雲春色擁琅玕鳴珂十里花如錦吾欲
凌風附羽翰

題忠孝廉節圖

無逆披圖日危疑負戾時翻憐植圭壁雷電
鬼神知

雲靄千山白山迴萬壑陰雲山千萬里咫尺

太行心

玉立青山曉結揮白晝長紅塵飛不到一瓣

月明香

勁節凌霜日炎晶天復燃檢書燒燭夜罷折

欲明天

送方太守歸楚

春風遙動使臣旌無限元元借冠情雄鎮喜
開南嶽色微猷時見瘴烟清板轅無計心應

江皋集

附稿

七

折起草還當日共明莫向楚雲遲繾綣九
門旋聽鳳珂鳴

候慈谿陳座師

繁澗優娛拂絳袍清微黃髮樂林皋九重

微起裁鸞詔萬里扶搖看鳳毛蘿月却移微

月色松風猶帶栢風高臨軒時下蒼生問

未許東山醉濁醪

其二

解組歸來結隱淪
深源紫望越江濱
開燒丹汞香猶滿
時漱雲芽色愈新
風動菊松欣晝永
露濃桃李荷陽春
樞趨不盡瞻依念
短札遙撼倍愴神

題椿萱永茂圖為友人壽兩尊人

洪生此日拜庭闈
椿樹萱花相映輝
獻壽並添長命酒
當筵還舞老萊衣

吳君仲良從新都遊吾莞餘兩月所矣一

年集小集

附稿

十九

日偕王于聖載酒遊我江臯適不佞穗城
行末由接款君儼然貽我聯帖且取案頭
舊帙書麗情十首見教旋圖展謝而君又
問舟五羊矣如數賡寄志神交意云

聞君麗藻駕三何春
日鳴騶忽漫過漂泊却
慚東道主遙知看竹興偏多

雨霽園林思不禁
趨人鳩燕況春深
微吟暗憶知音侶
嘯倚高山跨絕琴

萬片風花足斷腸
銀鈎君軼漢中郎
揮毫一咤流雲起草色
蓬門夜有光

北廊江臯積翠遙
芳尊期爾醉鮫綃
春殘未遇翻成別
心折無能解佩刀

疑艷穠枝萬點紅
賞心愁斷故人同
持醪獨對青天酌
一笑烟霞醉眼中

水鏡花穠擲色歸
柔條風急未應稀
神交盡在形骸外
目極雲山碧四圍

年集小集

附稿

辛

纖纖文賦敵官鍼
杖屨湖山豈陸沉
白璧風塵君自愛
許身吾已愧南金

左屈才雄更有誰
羨君積學辨龍癡
問奇載酒玄亭後
遮莫垂楊聽子規

無事日長春但眠
悠悠世故總難牽
吳門有客貽瓊玖
膠漆爭如意氣堅

幽栖地僻紫苔封
車馬天涯恨未逢
安得長房能縮地
平原十日酒千鐘

送飛雲兄應選北上

萋萋池草閨方初一片征帆萬里餘
獻策君今名藉藉連枝誰復醉如如
關心叢樹蟬聲嘒極目長天雁影疎
欲慰白頭倚門望逢人多寄數行書

其二

珠江驪唱盡同盟况復原鷁析別情
夾岸芙蓉當錦席燕天濤浪促行旌
龍頭共淬心逾壯鷁首相看鬢漸輕
為國儲才今日事休誇詞賦擅西京

江皋小集集

附稿

主

壽黎屏山九十一

豪來輕棹過丹丘
瓜棗携將紫氣浮
九十春秋猶健食
千年家世舊飛遊
長蛇泉石烟霞僻
新拜朝廷禮數優
賦就岡陵歡把盞
桃花春酒正初筵

寄贈董擴卷大司寇

微鳴琴入帝京綵綸閣下白雲卿
風裁抗疏冰霜肅簪筆舒丹日月明
曳履共看新渥寵彈冠還慶舊同盟
遙瞻山斗鴻音杳夜夜相思遠鳳城

清明美人携榼江皋與朱叔祥同酌

燠日遲遲愜解裘
懶登旗嶺漫移舟
人疑瓊島三千界
春靄雕欄十二樓
對景肯慳浮白興
放歌聊恣踏青遊
多情最是垂垂柳
江上漁翁亦滿頭

江皋小集集

附稿

主

贈增城鄒明府

鳳山僊令天下奇
玉壺皎皎冰雪姿
花深簾捲春晝永
鶴韻琴鳴世所稀
東南旱魃黔黎厄
救荒自古無奇策
憐君軫念在民艱
長孺淮陽倉預發
閭閻菜色盡顛連
一朝塵甑起新烟
龜峰鶴嶺頓生色
萬姓同歌良牧賢
嗟予亦切同胞視
推食那能均梓里
汚潢勺水

活潑鱗遠讓恩波南粵暨何當握手抱陽和
坐使萬國蒼生同登皞皞春臺治

送梁裕菴楚遊蕪懷盧祉所吳清宇兩茶
陵

五噫歌罷酒盈觴結客千金劍有霜波靜片
帆過鄂渚月明孤鴈度衡陽中林蘭蕙憐同
藉大厝才名最擅場聚散百年良不偶都門
則共醉花傍

江皋小集

附稿

五

中秋待月憶去歲是夕同遊諸友

去年同醉茶江棹今夕開尊忍獨違叢桂芬
飄鱗影暗高枝環匝鵲驚飛淒清天氣岐寒
暑紛糾人情孰是非待月危樓不勝思夜闌
何處擣征衣

王總戎再招舟酌席上口占蕪約訪唐十

洲

將軍高義薄雲河坐擁樓船海不波照眼菱

荷涼自淨行人鴈鵲晚偏多長楊此日相送
賦細柳當年勸梳妝結駟青門還有約可能
連日共駐轡

送陳白沙恒宇考績之京

春早江亭柳乍華維舟悵別酒堪賒白沙曙
色留循吏紫氣雲間望漢槎數載壯猷元報
國三生情誼屬通家饒君先醉燕關月遲我
榮香上苑花

江皋小集

附稿

五

贈醫官范少泉

愛汝岐黃奕世賢堂開保壽粵江邊天台西
望瞻雲氣蘭井南分遍橘泉已羨燮調推國
手還期弘濟衍家傳相逢欣道長生訣應信
壺中別有天

壽姻夫余崧嶽氏

滿目韶華瑞氣新昌期鍾嶽正生申棠栽三
地花封靄桃結千年漢苑春台昂才名推梓

里度支聲譽重楓宸霞觴遙祝慚葭玉翹望
長庚耀笏紳

賞菊索題限韻童時作

野館論心日東籬菊已花狂歌淹夜月縱酒
惜年華漫發陶潛興猶憐宋玉嗟相逢今意
氣取醉思無涯

秋日遊許公巖陳生效舜留款

風急天高萬木秋其誰凝眺瞰江流舟橫野

江皋小集

附稿

十五

峽慚元禮星聚危巖見太丘潦倒開尊心欲
醉佯狂下榻意先投東籬漸爾芳菲日好白

江皋十日遊

送鮮少尹晉涿州別駕

秋深叢菊映江皋送客分題試彩毫席上飛
花團繡幄簷前啼鳥送香醪哦松簾捲和風
細折柳舟移海月高喜有漢家青史在至今
猶自數蕭曹

其二

馬蹄明發又長安把酒驪歌蠟炬殘庾嶺路
從鷄唱度燕臺書向雁行看憂時髮白丹心
壯結客囊空旅思寒龍劍分飛今夜月暮雲
春樹立江干

登燕子磯同徐何張孫鄭諸同袍暨濮都
閻分賦得文字

絕巘孤亭半倚雲豪遊海內雁為群時清暮

江皋小集

附稿

十六

府能言賦星聚雄才豈但文六代豪華青眼
盡兩儀南北大江分相逢不盡登臨興且對
磯頭促共醺

鷄鳴山夜酌留別臨江胡欽宇大

繫馬都門狎野僧何人傾蓋意蒸蒸學箕最
爾家聲舊倚劍慚予國士稱嶺海雲遙飛羽
急峽江秋抄落花凝相看此夕猶携手明日
鷄山誰共登

同夕留別瑞州教思存二絕

秋入江千雁影翩那堪去住思茫然狂歌爛
醉尋常事無限離情繫遠天

粵客懷歸不可留故人白下尚維舟驪駒忽
和金風起吹徹晴雲兩地愁

贈如常上人

地閒柴門寂天空肅氣涼何來方竹杖點破
徑苔蒼天竺雲依路曹溪玉泛香摩松東向

江皋小築集

附稿

主

日重憶過茅堂

送張海寰薦元之京四絕

少年詞賦汝稱雄廿載歡呼意氣同一曲驪
駒人萬里彈冠寧獨賦雙鴻

青青楊柳暫維舟秉燭那堪獨上樓惆悵河

梁忍揮袂月明飛夢遶江頭

西甌鵬徙漢臯枚市駿黃金郭隗臺忽憶舊

遊歌舞地花前能否待銜杯

十年磨劍送君行西北風塵仗肅清到日長
楊初賦就直須慷慨請長纓

又集古戲贈隨行媚子二絕

冬至陽生春又來梨花梅花參差開可憐懷
抱向人盡莫怪頻頻勸酒杯

打鼓發船何郡即歆行不行各盡觴猶驚往
歲同袍者惱斷蘇州刺史腸

王于雄初度

江皋小築集

附稿

主

遙憐中允聲名舊塵世休驚髮易華半百省
雲俱會甲廿年交誼稱通家輝輝孤色明秋
日脉脉沙圓應晚霞奎壁會併南極麗春風
翹首上林花

表作所年丈佳章遙寄會謝

卧雪才華夙擅名燕京幾度並長征百年湖
海雙龍合萬里雲霄一羽輕入夜參商天外
見懷人笳管夢中清响嶙奇石堪娛興遲爾

江臯訂舊盟

王岳陽館賞菊即席用譚見口韻戲贈丹桂月桂兩美人

朋從此日賞心時
忽漫佳人緩步隨
見說天香原異種
任教離菊鬪芳菲

休道巫山十二峰
多情金菊對芙蓉
狂來莫厭重携手
長嘯東山未易逢

送劉少尹致政歸安慶

江臯集

附稿

五

挑封曾喜佐鳴琴
何事投簪粵水潯
驛路鶯花催去棹
故園松菊候知音
離筵後有冠裳集
戀轍應憐父老心
把酒臨歧情共遠
相思異日自棠陰

贈維揚周山人

百尺瓊枝簇簇花
三秋叢桂旖旎香
賒舊遊夜市清如許
遮莫臨風問若耶

銀河漠漠水溶溶
咫尺天涯路易逢
最愛飄

然塵外客肯令風雨妬芙蓉

送馬揮使鎮大鵬二絕

石畫新推馬伏波
南標銅柱奠山河
一方正喜狼煙息
三箭遙聽壯士歌

旗章旆旆蔽晴空
漢使樓船鎮粵東
訓練強兵鯨島靜
何慚宗慙競長風

代東寧遠王公子

盛世翩翩最羨君
風塵那忍復離群
裁詩奪

江臯小集

附稿

三

錦還中允揮翰游
龍駕右軍地折衝
陽孤雁盡天迴雲
夢大江分趨庭禮
暇窮諸勝莫惜新
篇寄遠聞

陳枯月謝孔來晚酌江臯因懷周陳二子

薄暮酣歌酒乍醒
芙蓉晚色靜江亭
攬衣笑

折東山屐擊筑空
疑荀氏星萬里西
風悲過

雁中原落日嘆浮
萍孤城悵望緱山
近何日

聯鑣過竹塢

遊溪南葉養晦白菊間出黃花邀賞索賦
有客扁舟剡曲來相看花發湯登臺休誇靈
桂香三種忽見芳叢色西開白雪紛披疑月
魄黃金點綴照霞杯藥欄天遣驚奇異索賞
慚非作賦才

題年兄王省軒光祿飛雲洞十二景

雲洞藏春

古洞幽栖寂寂間雲斜日悠悠律轉陽回龍

奮沛然霖雨九州

山樓挹翠

萬仞芙蓉峭削危樓百尺凌空綠樹青山排

闌天風吹入簾櫳

一區玄草

玄草一區閒寂浮丘千古芳隣最愛籠鵝墨

妙飄飄瀟灑出塵

藕花池館

極水紅粧欲語隨薰香氣宜人愛客荷筒共
賞悠然茂叔天真

綠野耕雲

五畝園中獨樂一犁烟雨三春莘野鷺鷥未
起可誰充舜君民

蘭亭碧鑑

一鑑凌波蕩漾高亭九畹蘭芳春色永和如
舊年年曲水流觴

龍洞巢雲

千尺禹門桃浪九天雷雨龍翔凜凜水壘夜
月桓桓白簡秋霜

三徑琴尊

出岫閒雲暖隼菊松三徑猶存一曲朱絃獨
奏十千美酒盈尊

五湖烟景

百頃波光潋灩凝眸烟色空濛側席東山丹

起功成豈向湖中

白雲在望

結勝浮丘深島山光水色迴環疑望月溪清
梵數聲鐘磬雲間

小瀛野泊

停橈暫憩芳渚罷釣時狎輕鷗橫笛幾聲何
處彷彿身在瀛洲

泛湖釣舫

江阜小築集

附稿

五

上下水天一色湖光烟樹霞流獨釣清溪夜
雪月明花影船頭

送同年高日觀比部還京

維舟喜接飛雲會把酒那堪薊北征極水荈
渠當錦席傍人鷗鳥逐華旌梯航合浦明珠
盡燧燧重關遠戍平耿耿法星還玉署肯將
憔悴念蒼生

已亥中秋同岳陽舟餞陳美用進士奉使

還朝

歲歲茲辰聯勝賞可堪分手更天涯飛騰共
羨三春色奉使還諄八月槎補袞定應留畫
省聚星何日醉京華酒闌夜半驪歌發極目
燕雲望轉賒

其二

蕪葭秋水正蒼蒼握別三城戀遠航北塞氛
清仙使節中天月色故人觴少年作賦推司
馬為政風流識季方久矣東南民力竭好將
封事達明光

江阜小築集

附稿

五

雙松圖壽周逸士

凌空偃蓋垂雙松不伍衆卉傲嚴冬根盤鉄
石凝琥珀枝聳拳曲蟠虬龍亭亭並植夏后
社蒼蒼獨遇秦皇封撐拄乾坤長不老偏承
雨露日邊濃

瞻龐遐思卷為余茂才題

冥冥游魂恨久狙繼懷猶自隔朝補聽殘鳥
鳥傷心折目極流雲血淚枯鶴唳風聲疑笑
語簾閑晝永憶歡呼嗟予同是追思者徒抱
終天未繪圖

題祁圓山隱君僊跡石

留跡遺芳不記秋養真深處謬重遊庭虛石
磴溪聲細日朗樓臺樹色浮東望朱明通白
鹿西來紫氣貫青牛知君得授長生訣笑對

蓬瀛海上洲

同王執夫謁蘇文忠祠

循州並舫問江津春日同遊興倍新象嶺湖
邊空茂草鶴峰亭畔頗宜人徒思徃哲瞻遺
像無自行厨薦野蘋懷古維舟良不偶煥脩

祠宇更誰因

祠稍傾歎
脩者故云

莫春王蘭洲載酒偕遊白鶴峰西湖諸勝
白鶴峰頭湖水濱登臨隨處任吾真女牆荒

草連疑目古樹啼鶯不避人未讓眉山探勝
日還如曲水對芳辰右軍卻飲予沉醉轉覺
交情老更親

惠陽塔邊阻風望蘭洲船未至獨酌

景色遲遲自杪春尋芳同指惠江濱陡翻風
惡舟旋駐畏近崖巉塔傍人謔趣奚童杯強
進仍呼柁老語還親石交聯舸來何暮遙望
推蓬月又新

上巳集江臯懷龍頭社中諸友

青青楊柳白蘋洲並舸江干足勝遊十里芳
菲脩禊事百壺醕酹曲觴流林花着雨紅粧
麗谷鳥啼春翠管幽遙憶鷄壇同硯席何時
沉醉倚江樓

飛雲洞九里香

麗日移新樹亭亭九蓋芳主人長愛客共對
浥清香

題邑學博形廷奏最卷

聲聲才華迥出塵江皋乘興喜相親青氈薦
剡勤烏府綠髮橫經動紫宸道倡東南千
古思恩深桃李萬家春三鱣應兆當年事旋
見徵書下莞濱

贈鄧瑞宇文學膺獎

長楊曾抱獻明光化日春風洽海邦奏最
九重應雋擢河陽知爾擅循良

江皋集

附稿

圭

其二

栢府霜風入夜清嘉君奏績上承明天顏
一笑思賢宰還擬商霖沛遠溟

楊一所外翰按臺重薦卮言志賀

伯仲埏篿叶九天閔西芳譽紹家傳青氈自
愛琅玕色繡斧重膺薦剡先春入橋門桃李
艷朝來旗麓斗山縣鳳毛况復翩翩起世藉
恩光日月邊

其二

千年庾嶺鍾靈哲五載玄亭問字過高閣清
芬餘首霜當堦化雨浥菁莪橫經譽望烏臺
重寵命榮膺鳳闕多聖主只令勤側席彤
廷應喜振鳴珂

端陽送董令公榮取

下帷久抱菟生念對策先馳紫閣聲瀕海幾
年歌瑞麥開河萬里耀霓旌朱輪繡斧趨新
命黍角蒲觴戀舊情袖裏爐香清夜永可能
時念寶安城

江皋集

附稿

圭

壽徐隱君

隱君高卧粵江湄笑向烟霞茹紫芝月明醉
聽滄浪歌潮平細弄桐江絲幽棲久抱岩廊
志滿架詩書課孫子計然俯仰非其倫嫖脩
彷彿燕山氏清秋菊月五雲和勝日壺觴喜
氣多琅琅清韵裂金石流霞滿酌朱顏酡鶴

鷓鴣杳玳瑁筵君當為我疏酒泉我當為君招
列僊等閒再赴瑤池宴一醉一詠三千年

送安武曹之京榮襲

熊羆千古誦鷹揚愛汝傳家爍有光須斬樓
蘭還報國送君萬里贈干將

其二

帶礪忠貞明日月清秋旌節動關河甘泉儻
運穿楊巧落盡雙鷗莫自多

江皋集

附稿

圭光

木樨盛開代柬社交同賞庚辰

去年秋入栽新桂兩度開花今對看彈鋏獨
歸生計拙抱琴誰念酒杯寬雙株帶月踈踈
影嫩蓋含風點點寒却憶同心陶謝在儼然

榮興醉闌干

歐陽少尹入計制不能偕短章志別

歐陽起
家明經

昔年辛苦淬吳鉤今日分曹試壯猷節操承
家原永叔風流為政自康侯陽回庾嶺梅千

玉夜色幽燕雪萬樓詞客寂寥逢上計金亭
供帳思悠悠

留都偕何徐陸諸同袍遊弘濟寺逢王任
菴不至寺在楊子江觀音岩之側

豪來結駟扣禪扉到處岡頭重振衣雅愛高
僧花徑掃却憐王子剡舟違千峰落木凌空
下萬壑晴雲入望飛倦倚危岩聊極目可堪
羈思正依依

江皋集

附稿

中

江皋集杜句有引

余有夏日江皋晚步集杜四首傳之廿年
所矣亦有和之者矣茲竣梓附稿客見而
誚之曰江皋四時景也足下江皋主也獨
夏日有集何乃薄三時耶余嘿然無以應
遂集之如夏日章數

春日四首

元日到人日傳杯不放杯早花隨處發嬌燕

入簾迴風起春燈亂鷗邊水葉開長歌意無
極倚杖更徘徊

謬道春來好江臯已仲春幽栖身懶動久坐
惜芳辰何處鶯聲切那知柳亦新百年渾得
醉更覺老隨人

看花雖郭外萬里過清明樹密當山徑櫻孤
屬晚晴留連春夜舞侍立小童清江邊踏青
罷長嘯一含情

江皋小集

附稿

五

徐步移班杖西郊向草堂江湖深更白梅杏
半傳黃寂寂春將晚團團月隱牆灌園曾取
適疎懶意何長

秋日四首

養拙蓬為戶應門試小童桑麻深雨露杭稻
熟天風種竹交加翠連山晚照紅清秋望不
極此日意無窮

三伏適已過寒砧昨夜聽叢篁低地碧錦樹

曉來青苔蘚山門古乾坤水上萍坐開桑落
酒醉舞為誰醒

衆壑生寒早蒲荒八月天水煙通徑草霜倒
半池蓮滿谷山雲起空林暮景懸漸知秋實
美發興自林泉

浙浙風生砌江邊問草堂清秋多宴會地僻
懶衣裳綴席菜羹好青懸薜荔長季秋時欲
半迥立向蒼蒼

江皋小集

附稿

五

冬日四首

十月清霜重江邊獨立時山風猶滿地菊蕊
獨盈枝野潤烟花薄天寒橘柚垂綠尊須盡
日排悶強成詩

天宇清霜淨山林跡未賒荒村建子月何事
入朝霞雪岸叢梅發風前徑竹斜平生憇息
地目斷更雲沙

晚景江村僻孤城隱霧深雪雲虛點綴時物

自蕭森天畔登樓眼君恩北望心百年嗟過半空費短長吟

寒日經簷短呼兒問朔風江城孤照日霜雪滿飛蓬細草偏稱坐清樽幸不空乾坤萬里眼望遠歲時同

送姚昭字入覲還黔

江館新涼散沈寥朝天飛旆轉迢迢詞壇喜汝雲霄並幕府今看瘴厲銷驛路花明巴蜀

江皋小築集

附稿

中

迴海山高擁夜郎遙那堪久別成惟聚回首分携匹馬驕

壽錢肖溪八十有一

佳節重陽瑞氣催聯翩遙進紫霞杯歲時昔報芹生色爛熳徐看菊又開授簡已傳黃石訣敲詩寧數謫仙才非彫喜際周家卜不負當年月旦推

送胡令公入覲

迢遞霓旌海國遙蓬萊鷁鷺喜趨朝都門雪霽天顏近粵嶠花深匹馬驕縹緲雲中飛佩寫絃歌風細叶簫韶懸知青瑣虛前席翹首台垣望斗杓

初冬夜坐

湯坐江皋興不孤獨耽書札擬潛夫寒衣未授當陽月濁酒徒勞入夜呼皓鑑懸空遙映席詞壇知己半分符百年事業頻看劍一醉

江皋小築集

附稿

四十四

狂歌扣玉壺

送鍾勉可溫爾揚遊黔兼懷溫思南大夫西南筇竹萬山雲把酒霜前白雁聞四海朋舊渾浪迹百年交誼惜離群調高流水絃聲迴夢入池塘草色芬明到黔陽憑致語太真寧獨重榆枌

江皋春讌賦贈劉二奕唐得雲字

年少風流最羨君多才子駿蚤能文一尊風

雨憐同調千頃汪洋迴不群
遲日看花春欲暮
疎簾移席書生雲逢人且謔
誇連壁潘岳
芳名萬古聞

贈素娥麗人時泊余倚亭

嬾嫵看春異昔時何因汝過賞襟期
飛花共豔回風曲對酒俄驚咏雪詩
西子未應唐相妬東家休評魯人疑
兔花裊絮從今古握手層臺有所思

其二

蕩槩江臯慰索居朱欄薄暮倚知
野歌聲偏逐濤聲壯醉色遙連月色
初紅拂絲蘿誰李衛絳僊才調女相
如惟呼盡在形骸外莫問蕭娘一紙書

送楊文源少尹晉宰武宣

金亭話別氣偏雄海色清秋思不窮
桂華燕山爭毓秀桃栽潘縣耳舒紅
明時喜仰翔雲

翮別緒長懸佐治功西粵未須嘆
來暮艱堂先已兆三公

其二

攀轅幾欲醉相歡行旆翩翩曉色寒
海國雲霄懸斗宿宣城父老候江干
地高旗嶺名同峻天入銅標績共看
莫道遐陬淹驥足晴雲飛鳥上長安

送溫爾弼方仞翔北上壬子

詞客乘槎向北征江臯惜別不勝情
霜前鴈度燕雲迥春早梅開庾嶺明
方叔徽猷元壯國太真擣藻擅芳聲
上林三月花如綺知爾聯翩醉鳳城

江臯夜坐有懷鄧虛舟僉憲

如亭閒寂淨琴張惆悵離群玉漏長
興劇詩裁看刻燭坐深花下憶傳觴
青萍龍劍三天耀翠栢烏樓六月霜
遙望美人湘水隔擬隨

雁渡衡陽

壽初同字七十一

度索緋桃簇錦霞陽生綬室動飛葭弧杓星
燦祥光靄琥珀盃傳瑞氣賒搦管裁詩饒白
雪巡簷索笑對梅花誰云霄漢玄纁迴應到
茅溪處士家

聽飛瓊美人琵琶十絕

嬌歌豔舞碧雲流淡淡新粧賽莫愁目斷彩

江華小築集

附稿

四七

霞雙鳳香琵琶誰續白江州

其二

袞服閑粧閑俠斜遇雲聲韻競豪奢含情笑
作龍香撥恐是當年萼綠華

其三

高樓薄暮酒微醺曲奏清聲聒耳聞促拍未
終銀燭冷玉繩低轉夜將分

其四

拍手相看盡酒徒飄然歡笑重當壚徐娘舊
日風情在猶幸君恩暱念奴

其五

繡幄朝來控玉鈎觴飛花下按涼州青樓久
矣無清夢繾綣尊前憶舊遊

其六

眉鎖青螺畫未成琵琶空作斷腸聲曲懷不
遣旁人解疑是潯陽客裏情

江華小築集

附稿

四八

其七

芳心一片惜年華弱態柔情護絳紗莫湯和
戎彈出塞只今邊將靖胡沙

其八

曲繞樑塵雜四絃粧成何意閑婢娟當筵鐵
撥清歌發美酒寧辭醉十千

其九

新傳曲譜怨湘娥爭贈纏頭博豔歌不盡嘈

嘈絃索動侍兒終日抱雲和

其十

疏絃洞越轉清幽萬壑飛泉指下流恐值貞
元閑樂日南宮調柱按新秋

至日舟次阻雨因懷溫仲子長途雨雪暮

季子北舟未發口占成律

候潮鹿步水瀰茫雨雪霏霏復一陽握袂科

名三不愧揚旌前後兩齊芳盟鷄自昔憐同

江皋小築集

附稿

平九

調策馬衝寒悵異鄉抽筆長楊應有賦肯令

華髮老馮唐

泊五羊盧元明業戒北舟乃繫纜招同黃

太史酌白雲樓得長字

移舟朔雪繫濠梁詞客招携興倍長喜對簷

梅供索笑更攀堤柳趣行觴當筵太史饒清

韻並席幽人自野狂明發河橋重分手可堪

離思正茫茫

題梁幼寧茅岡十五景

香茅宇

青山茅屋靄蒼蒼匝樹幽花遶徑香箕坐清
陰群籟息捲簾長日傲羲皇

列岫亭

點點青螺錦嶂開草亭林壑白雲堆主人雅
有幽棲興自在扶筇日往來

桔槔廡

江皋小築集

附稿

平

十畝蔬畦學灌園祇緣習靜遠塵喧漢陰機
息消煩慮不比堪羅掩翟門

苓簪室

虛空生白道機存隱几終朝可悟言蓬蓽已
知殊境界幽香差可擬蘭蓀

華平沼

清漣一水澹空明隊簇紅鱗逐浪輕會景正
當濠濮想臨流端可濯塵纓

紅梅徑

玉質瓊姿雪色浮誰將丹艷綴枝頭當階幾
許橫斜影恐訝桃林錯放牛

採菱渡

輕舟一葉弄滄浪采采芳洲杜若香何處菱
歌依古岸隔林驚起宿鶯鶯

石蟹溪

何來瑞石倚溪橫彷彿沿堤郭索行好向溪
石蟹溪

頭輕拂釣日斜風起暮潮生

蟋蟀坪

入戶當時巧作聲獨饒清韻近人鳴金閨一
段遼陽夢夜促寒衣織未成

扶荔灣

幾許勻圓火樹粧離離丹實映林塘寧饒渚
淑濤奇品祗博宮人一笑嘗

蕉林

颼颼西窓細雨催疎林滴博韻悠哉只綠衣
綠君家事携得神娥夜半來

旅渚

佳實沉雲夾岸香蔓寥洲渚吐幽芳盟鷗海
上忘機叟笑采菱菰足稻梁

石樓

縹緲璇房接太虛巍巍翠嶺稱僊居坐窮碧
落忘今古時掃飛雲只著書

石戶

洞戶玲瓏一竅空琤琮瑤室午生風光螢四
壁饒瓊玖知有僊源略可通

石牀

枕襟天地獨徘徊瑤草琪葩錦幙開畫水不
妨暮韻碎飛花時見點蒼苔

台輔騰英卷為少府公祖考績

使君文采誇才傑早歲鳴珂趨鳳闕揚旌別

駕五羊行輓諸海國歡聲徹綰符曾攝寶安
城萬戶絃歌戴福星隨車雨潤花城錦露晁
春回麥穗青歌襦已切來何暮不獨殊恩浹
中上流膏權稅撫雄關譯諭獻琛來鏡澳清
脩數載一官貧摘伏裁奸更有神騰騰德譽
懸朱烏藉藉才名著白麟政成奏最三千牘
孔邇恩覃十六屬桑間馴雉過魯恭梁上懸
魚駕羊續三年佐却詠棠陰照詔頒餘奏宓

江華小集

附稿

卷

琴喜親御屏書漢吏曾聞巖築起商霖自知
伏擬慚驚馬孫陽一顧千金價北海尊同秉
燭開南州榻向披襟下聖明所仗唯有公
葉會送集變龍只今台輔思賢詰會見

下九重

陸霽宇年丈螺源社草見寄短章附贈

多君文藻擅風流同籍依稀四十秋社結螺
源推小陸政成閩海軼中年三春倚檻相懸

切萬里聯舟悵昔遊喜接鳳毛搏采翮可堪
離思隔滄洲

送黃倬星太史還朝

茸茸草色迴晴綠露井緋桃錦雲簇新鶯細
柳媚韶華入眼春光總堪掬粵南薊北路迢
遙湯唱驪駒匹馬驕綠蔭垂楊遮夾道躊躇
分手重河橋驛路花明燕館月倏忽趨瞻瞻
鳳闕登壇視草直鑾坡荀班邁羽鵠行綴菁
菴史筆擅才豪天下斯文慶所遭石室琅函
盈寶錄千秋執苑足英髦青宮黃閣思賢輔
鄉里衣冠推獨步木天華署轉清階藻譽隆
隆欣仰慕嗟予謫劣寂無聞願附青雲自置
身只今伏櫪思蹀躞奮翮直欲隨飛騰知君
早入明光殿掀揭才猷應大展剗犀斷鱗太
阿鳴一劃昇平掣閃電

壽廖慎吾少尹時次公至自大同

風流佐治循聲最嶽天中喜更逢萬里清
芬聯瑞萼一尊明月自哦松遙膺烏府殊恩
寵再借龍門渥惠重翹望雲川騰紫氣授經
還爾驪僊踪

陳白沙望峰初度

十年兩度宦羅浮葛令群僊得並遊投轄清
尊開北海披襟塵榻下南州綠蒲丹荔供長
夏玉檢金章紀百秋覽揆適逢新豸寵稱觴

吳粵簪名流

贈雲中廖肖松國學省兄寶安二首

挾策南來粵海陬輝輝花萼共登樓陸離文
劍騰清漢蹀躞名駒騁遠遊璧水雄才飛雪
調羅浮仙度徹雲丘臨軒渴下徵賢詔賡有
聲幸重帝州

其二

菲菲棠棣映琴鳴三晉長驅萬里程世綵堂

開臺諫重楚才名動漢侯評沙頭佳兆呈灘
瀾天際高飛羨鵲鶴惠我瓊瑤霏玉屑知君
詞賦擅西京

餞廖丹實歸大同

祖席江干曙色催依依疎柳趁驪杯香飄玉
粟三秋色馬嚼金啣萬里迴湖海知心憐說
劍燕關遲爾獨登臺莫教尺素雲中隔翹望
崑鴻付短裁

題張孟奇笠枝圖

張公清福應無比何人貌入丹青裏不凋不
琢葛天民彷彿東坡蘇氏子驪峰榕水寄幽
棲時牽青牛飲上溪松雲烟月徜徉處踏踏
行歌醉似泥辭榮戴笠穿雙屐兩手握衣聊
自適短髮蓬鬆覺笠寬清高無復論冠舄不
問天時陰更晴閑行那管山與城游雲不繫
東西影野鶴寧知去住情人生塵世渾春夢

異代形神心跡共怪殺清狂趙子昂不圖制

院金蓮送良工畫却後人師更有追蹤張孟

奇等閒敝屣二千石笠屐相從隨所之茫茫

宇宙何寬窄六十蘇公官屢謫相隨笠屐兩

三年奚似張公纔半百承歡有子更有孫詩

滿奚羹酒滿尊儕伴共邀風與月真脩惟有

道機存釣可鮮耕可粥西園公享清福堪笑

世人徒碌碌深源不起蒼生何宦海升沉無

定局君不見昔四皓辭却商山維漢祚又不

見嚴子陵罷釣桐江入帝京徵書再起蒲輪

詔冠履追隨福更清

步韻卷謝增城吳鍾呂年姪

花前一別動經春相水寒雲入夢新東望春

垣輝澤外南來郢雪奏天鈞懸知白璧由來

美為羨藍田賞識珍會說扶搖雙翮健佇看

龍性恰如神

題陳伯房集雅齋

南州新第宅東晉舊風流雲護圖書潤窓含

景物幽乾坤容放浪朋從故淹留遮莫臨池

興鶯聲取次求

江臯緩步有懷余崧岳趙栢岳二姻夫

舒懷無奈倚江臯翹望蔭葦意轉豪楚水遙

連千頃碧吳雲重映萬峯高何來朔雪搖孤

幌欲遣幽情只濁醪雅羨風流二太守雲霞

曾否念緇袍

舟中步韻贈覺一道人

相見偏憐晚知君契已深詞雄飛白雪道重

自南金去住原無着堅持獨此心相看端不

厭侵膝共長吟

遊茶江葉海崙款酌仍許夜月泛舟不果

戲嘲謝之

宿約來相訪傾尊慰眼前興酣情更劇月夜

許移船何事催
聲急多時艤岸邊
偏知畏醉客
不若恣留連

俚語會謝葉翼鑑兼呈長公

秋入蕙葭暑未收
懷人明月一扁舟
譚空座上逢支遁
乘興溪邊問子猷
伯仲墳塋俱意氣
主賓天地此淹留
相逢莫訝歸帆速
尊酒期傾粵海頭

秋日有懷溫青霞吉水二首

江皋小築集

附稿

李

憶昔分携粵海東
別來翹望五雲中
詞華宇內知難並
勲業吳西故自雄
雙劔斗間何日合
一尊秋色可誰同
相看意氣凌霄外
擬獻

長楊愧未工

江亭閒寂漏聲遲
清夜懷人倒玉卮
幽壑生風靈籟爽
遙天如洗月華披
文江露浥棠陰遍
漢渚香飄桂影移
心折故園長極目
喜看槭素雁歸時

菁莪最績卷為陳冲玄外翰

扮榆雅誼喜傳經
鐸振貴陽著大名
型塋夙高韓北斗
詞華早擅漢西京
青璽坐洽菁莪化
絳帳香餘首宿清
奏最只今承寵渥
佇看嘉詔出彤庭

麥禎菴年丈招酌賦謝

獵獵長風吹短纓
梅花初發此時情
寒雲黯淡迷鴻影
零雨霏微擬漏聲
短髮相逢須盡

江皋小築集

附稿

李

醉百年交誼定同盟
梁園舊侶論心處
賦有凌雲白雪清

寄會

麥秀岐

歲晚期君竹下遊
于時雨雪滿菟裘
一尊握手情難盡
半日論心話未休
別後聽鶯空閉戶
風前聞雁每登樓
誰知春興偏相憶
賦就新詩忽見投

省遊將歸高日觀
年丈載酒賦詩送別

語答謝

江臯梅發射窓虛短棹揚舠返故廬江國喜
聯鴻鴈影扁舟頻展故人書明時雅誼青雲
重振世詞華白雪餘不盡交遊期後會相看
寧遣詢音疎

原倡

高為表

郵籤時報海潮虛紫氣江臯指葛蘆杯底欲
酣千日酒笥中新秘八分書帆檣颺度扶胥
江臯小集集 李
急衣袖冬霑朔雪餘容易風烟經歲隔莫教
憑鯉舊游疎

冬日謁瞻鶴亭分得靈字虛元明先壠

冒雪行遊車暫停松楸深鎖舊趨庭眠牛卜
兆開佳隴瞻鶴疑眸有草亭陟岵當年遺風
恨束芻何日酌先靈抱携不盡追隨興落日
悲風散野垌

初春壽馮旗陽年丈

羅家結管勝蓬萊瑞鶴庭階翠羽開滿眼睛

光流琥珀九霄佳氣下瑤臺花當媚景新醅
酌鳥弄歌聲度曲來世誼聯翩稱兕觥南山
俚賦若為裁

秋日壽黃忠所年丈

南山飛翠上瑤臺錦綉庭開紫氣迴綵服光
涵三島外鳶簫聲徹五雲隈丹燒日暈存金
鼎酒泛黃英貯碧杯遙祝九如慶初度翩翩
世誼共徘徊

梁石樓館賞紅梅得霞字

江南誰寄隴頭花此日依然感物華爛熳疎
枝凝絳雪芬芳清影散紅霞一尊醉入仙郎
夢百首詩成水部家對此自能供索笑豔桃
銀杏不須誇

投賦答

初夏虛元明羅幼良諸大弟江臯佳章見
江城間寂接煙波有客停車問薜蘿廿載轉

憐生事拙青霄聊得故人過一尊酒醉浮雲
暮三逕遂開返照多今古交情元不忝新詩
誰和郢人歌

夏日盧元明招泛舟得東字

扁舟招泛海門東一鏡波光映碧空看劍幾
年元意氣論心此日尚飄蓬千章古木江帆
亂十里疎林細雨濛擊楫中流思正切夕陽
回首送飛鴻

江華集

卷一

七

北征諸君子贈言華行舟艤英州又中秋
酌月短章賦答

一舸英州繫白蘋月華今夕喜重輪風翻叢
桂天香動寒入蕪葭露滴頻對影金杯凝灝
氣多君玉屑薄高旻燕雲萬里堪乘興漫著
浮槎且問津

重陽吉水衙齋賞菊各賦重陽二韻

粵水庾山隔萬重何緣佳節得相逢杯傾竹

葉情逾切笑對籬花興倍濃古署錦紋殊艷
艷文江琴韻自淙淙饒知為政風流在曾念
江臯曉鍾右重字

其二

憶自雲霄判鴈行別來驩晤值重陽當筵鳳
彩偏殊衆乍會鳬飛喜欲狂泛菊已謀良夜
醉移舟仍向水雲鄉遲君策馬朝天去攜手
酣歌燕市傍右陽字

江華集

卷一

七

仲冬徐州登陸口占

甯發風聲急泥途覺苦辛都門何日至卿念
此時頻阮籍非嘲我馮唐媿殺人幸偕猶子
往語語解傷神

過杭城徐肩鴻馬恒谷連日邀酌西湖短
章志景用徐葦蕪韻

一舸西湖上笙簫媚遠天梵鍾依古岸漁火
映前川對酌頻飛竿重遊漫扣舷維舟清興

劇驚起宿鶯眠

其二

日落波涵照移舟向柳亭橋低難縱棹山峭
駐征艸款乃漁張網狂歌客刺舠主賓稱二
美同醉若為醒

發錢塘陳心宇馬恒谷聯舟仍投佳章用
韵占答

解纜聽濤響欣逢二妙過遊湖情共適泛海

江皋小集

後序

李奎

興偏多秋入風迎棹更深月映波計期未分
手得醉即狂歌

過子陵釣臺未登

富春艤棹炎蒸甚未敢躋攀釣嶺行百丈絲
綸魚豈餌一泓清澈浪空鳴漫傳橫足星辰
見何似麗眉羽翼成誰謂羊裘原有意詞人
懷古自分明

江皋小集集後序

平按於靖吾君系會兄二十年來
言相訂也行相砥也其恩致大夙
相親也兄紫幕尹和靖善養之恩
純孝肫肫平鄙少離膝下數鬻粟
施財貳廣仁猶耽嗜經籍其腹笥
盈疇其留題滿如其盲焉恂恂疇
曠斯標格寶安才藉以被允錫何
止江皋江皋太坪詭甚近左右水
洄淵坐勢周遭窺窺君卜築其間
蓋不欲速功名輩藉以恬性怡情
發野靈抱非若坐谷之人耽空宇

寂者之所好也而並謂詩采以聞
巷出以幽憤遂令玉曙同藏參策
茹蓄而詩始駁雜夫詩澹志也衣
最清物也非觸平發非游覽不能
盡發管李俱奉以蓋代之才蚤脫
尋常纓緋踪跡幾徧東南佳山水
處其言曰想咫尺通虞帝座恨不
携謝眺驚心詩煒曾問青元耳壯
哉詩不可訖已君承此奉之後輒
以其雄雉鶻逸之氣發而系激楚
婉約之章罩籠天地包括萬物齊
神不及牖而其所驚奮者說者謂

漫江火火助云余雖習於僻陋乃
得厚於携數數布步江皋如此地
盤鬱百千萃若存神物護持以詩
明古止其點綴而君卜築之後土
木破文繡棟宇矯翬翼軒亭獻翠
樓閣凌空蕙圃以洞閃日而玲瓏
石磴危臺插地而光輝芳樹瑤艸
穿雲而扶疎飛泉淵奧凝眸而昭
察于時集同志偕縉紳賢豪長者
游焉詠寒輝塵執弭戶外之屢嘗
滿酣歌落日盞中之酒不空而情
脉脉未已也諸公獨進而曰李拱

奉好游覽恨不當吾輩今庶幾得
一當者其在江皋歟江皋之勝者
其在詩章載牘韻分賤宣金曼玉
景中之景象外之象竊不纏纏獨
寫既彙成帙猶慮其後稍散逸也
爰命梓人并出篋中佳製鐫就以
章不朽鄙第漫而誦之目光洞豁
心竇弘開殆坐瀟之響琮琤然枯
瑩之吹蕭蕭然均足標幟盟壇而
辟隱之代也予以系茲周官齊天
樂惟心所造故濠梁之趣與豕俱
忘而匪麓結廬風流至今可想見

中情繁白一賤一什翩翻有凌雲
之致其无賴之旨喝歎抑江皋之
首系卷發也周之江皋江皋不扣
而所扣者諸君子之賤贈茲集序
吾臥暗主心之遠操次以窺主心
之樂天也

告

嘉曆歲輪壬子仲夏朔日

眷會弟姚應陽頓首拜



07305

江皋小築集三卷

兩淮馬裕
家藏本

明李元弼撰元弼字靖吾廣東人萬曆中卜築江
皋題爲十景集友朋唱和成編而以所作詩稿附

錄焉

韓文杜律二卷

〔明〕郭正域輯評

故宮博物院圖書館藏明閔齊伋刻朱墨套

印本

附《四庫全書總目·韓文杜律

二卷》提要

評選韓昌黎文序

謝疊山選昌黎文教童蒙世
儒見一斑不覩其全曰昌黎
易與也一見秦漢諸子諸史
目眩神搖曰昌黎不秦不漢
也讀其三上宰相書曰是干

韓文

序

祿而急於遊大人也暨原道
原性不暢佛理佛骨一表不
作佛事曰昌黎不玄解不了
悟也憲宗迎佛骨於大內此
有漏之因何異盲人焚香待
佛昌黎輕富貴齊死生危言

危行不惑不懼不作人天小
果佛氏所謂謗佛者乃贊佛
者也王衍談老莊而見縛石
勒稽首請稱帝號呂惠卿親
覩文殊而灑淚以媚安石有
如妾婦媚子由先生觀之卽

韓文

序

絕口不言佛固深於佛者也
先生爲監察御史論宮市貶
陽山令權知國子博士論刺
史成黨貶封溪尉議淮蔡事
改太子右庶子暨遷刑部侍
郎又以諫迎佛骨貶潮州刺

史不啻三黜矣屢起屢蹶屢
蹶屢伸幾言幾忤幾忤幾言
萬仞壁立百折不回橫亘六
合豎立三界富貴不淫威武
不屈豈甘祿而急於遊大人
者哉世儒評先生文無如先

韓文

序

生自評上窺姚姒下逮百家
怪怪奇奇不主故常無所不
有無所不妙大而化之故而
新之臭腐而神奇之夫抉珠
襲沫之徒論事則班馬非真
班馬也論理則莊老非真莊

老也真爲班馬者不見所爲
班馬者也真爲老莊者不見
所爲老莊者也先生於秦漢
何有哉先生之文無易言也
歐陽文忠作唐史僅載其進
學解佛骨表暨潮州謝表鱷

韓文

序

四

魚文四篇第進學解不盡脫
偶語蓋自賓戲客難解嘲化
出非其至文也佛骨一表卽
世尊見之當微笑以爲真知
我鱷魚文驅風雷感昆蟲合
鬼神矣潮州表以文章自命

目無唐人其他如平淮西南
海神廟諸篇槩未之及文忠
以爲與孟雄相表裏而佐佑
六經真千載知言蘇子瞻曰
先生命立磨蝎宮所至不偶
由今觀之憲宗一讀謝表惻

韓文

序

五

然憐之卽以示宰相命改袁
州宰相讀其進學解奇其才
卽改史館修撰知制誥中書
舍人當時君相不可謂不愛
才也比於後世聽之如風過
耳而深求之且成罪案矣先

生非不偶也余見近日文士
依傍人門戶不能自立間與
蹈襲一二殘膏剩馥侈然自
命而於秦漢神理精力索然
無有惜然莫解故選數首於
南雍以示多士雖未能盡先
生文較之疊山取舍則各有
合矣

江夏郭正域撰

韓文

序

六

郭明龍先生評選韓昌黎文目

論佛骨表

再與鄂州柳中丞書

送鄭尚書序

送幽州李端公序

送楊少尹序

送董邵南序

送李愿歸盤谷序

韓文

目

送高閑上人序

藍田縣丞廳壁記

燕喜亭記

毛穎傳

諱辯

進學解

送窮文

南海神廟碑

衢州徐偃王廟碑

曹成王碑

平淮西碑

祭鱷魚文

祭柳子厚文

祭河南張員外文

祭十二郎文

歐陽生哀辭

韓文

殷中少監馬君墓誌銘

柳子厚墓誌銘

貞曜先生墓誌銘

佛宗古也。如也。獨不感。福田。勝。乎在佛門。而北。若文字。無。痛。

韓文

論佛骨表

臣某言。伏以佛者。夷狄之一法耳。自後漢時。流入中國。上古未嘗有也。昔者黃帝在位百年。年百一十歲。少昊在位八十年。年百歲。顓頊在位七十九年。年九十八歲。帝嚳在位七十年。年百五歲。帝堯在位九十八年。年百一十八歲。帝舜及禹。年皆百歲。此時天下太平。百姓安樂。壽考

韓文

論佛骨表

然而中國未有佛也。其後殷湯亦年百歲。湯孫太戊在位七十五年。武丁在位五十九年。書史不言其年壽所極。推其年數。蓋亦俱不減百歲。周文王年九十七歲。武王年九十三歲。穆王在位百年。此時佛法亦未入中國。非因事佛而致然也。漢明帝時。始有佛法。明帝在位纔十八年耳。其後亂亡相繼。運祚不長。宋齊梁陳元魏已下。事佛漸謹。年代尤促。惟梁武帝在位四十八

國史記
有

諸雜錄
多未
述

韓文

論佛骨表

年前後三度捨身施佛宗廟之祭不用牲牢。晝日一食止於菜果。其後竟爲侯景所逼。餓死臺城。國亦尋滅。事佛求福。乃更得禍。由此觀之。佛不足事。亦可知矣。高祖始受隋禪。則議除之。當時羣臣材識不遠。不能深知先王之道。古今之宜。推闡聖明以救斯弊。其事遂止。臣常恨焉。伏惟睿聖文武皇帝陛下。神聖英武。數千百年已來。未有倫比。卽位之初。卽不許度人爲僧尼。道士又不許創立寺觀。臣常以爲高祖之志。必行於陛下之手。今縱未能卽行。豈可恣之轉令盛也。今聞陛下令羣僧迎佛骨於鳳翔御樓。以觀昇入大內。又令諸寺遞迎供養。臣雖至愚。必知陛下不惑於佛。作此崇奉。以祈福祥也。直以年豐人樂。徇人之心。爲京師士庶設詭異之觀。戲翫之具耳。安有聖明若此。而肯信此等事哉。然百姓愚冥。易惑難曉。苟見陛下如此。將謂真心

韓文

論佛骨表

事佛。皆云天子大聖。猶一心敬信。百姓何人。豈合更惜身命。焚頂燒指。百十爲羣。解衣散錢。自朝至暮。轉相倣效。惟恐後時。老少奔波。弃其業次。若不卽加禁遏。更歷諸寺。必有斷臂禿身。以爲供養者。傷風敗俗。傳笑四方。非細事也。夫佛本夷狄之人。與中國言語不通。衣服殊製。口不言先王之法。言身不服先王之法服。不知君臣之義。父子之情。假如其身至今尚在。奉其國命。來朝京師。陛下容而接之。不過宣政一見。禮賓一設。賜衣一襲。衛而出之於境。不令惑衆也。況其身死已久。枯朽之骨。凶穢之餘。豈宜令入宮禁。孔子曰。敬鬼神而遠之。古之諸侯。行弔於其國。尚令巫祝先以桃茢祓除不祥。然後進弔。今無故取朽穢之物。親臨觀之。巫祝不先桃茢。不用羣臣。不言其非。御史不舉其失。臣實恥之。乞以此骨付之有司。投諸水火。永絕根本。斷天下

之疑絕後代之惑使天下之人知大聖人之所
作為出於尋常萬萬也豈不盛哉豈不快哉佛
如有靈能作禍祟凡有殃咎宜加臣身上天鑒
臨臣不怨悔無任感激懇悃之至謹奉表以聞
臣某誠惶誠恐

昌黎雖不達佛理而氣勁在釋門中幾乎獨
覺矣藏中必即惠其擔簦直截掃除外
境大畧相似

韓文

論衡卷八

四

再與鄂州柳中丞書

愈愚不能量事勢可否比常念淮右以靡弊困
頓三州之地蚊蚋蟻蟲之聚感兇豎煦濡飲食
之惠提童子之手坐之堂上奉以為帥出死力
以抗逆明詔戰天下之兵乘機逐利四出侵暴
屠燒縣邑賊殺不辜環其地數千里莫不被其
毒洛汝襄荊許潁淮江為之騷然丞相公卿士
大夫勞於圖議握兵之將熊羆貔虎之士畏懦

韓文

再與鄂州柳中丞書

五

賊蹤其肯杖戈為士卒前行者獨閣下奮然率
先揚兵界上將二州之守親出入行間與士卒
均辛苦生其氣勢見將軍之鋒穎凜然有向敵
之意用儒雅文字章句之業取先天下武夫關
其口而奪之氣愚初聞時方食不覺弃匕箸起
立豈以為閣下真能引孤軍單進與死寇角逐
爭一旦僥倖之利哉就令如是亦不足貴其所
以服人心在行事適機宜而風采可畏愛故也

是以前狀輒述鄙誠眷惠手翰還答益增忻悚夫一衆人心力耳目使所至如時雨三代用師不出是道閣下果能充其言繼之以無倦得形便之地甲兵足用雖國家故所失地旬歲可坐而得況此小寇安足置齒牙間勉而卒之以俟其至幸甚夫遠徵軍士行者有羈旅離別之思居者有怨曠騷動之憂本軍有饋餉煩費之難地主多姑息形迹之患急之則怨緩之則不用

韓文

兩廣節制使中丞李

六

命浮寄孤懸形勢銷弱又與賊不相諳委臨敵恐駭難以有功若召募土人必得豪勇與賊相熟知其氣力所極無望風之驚愛護鄉里勇於自戰徵兵滿萬不如召募數千閣下以爲何如儻可上聞行之否計已與裴中丞相見行營事宜不惜時賜示幸甚不宜

是

送鄭尚書序

嶺之南其州七十其二十二隸嶺南節度府其四十餘分四府府各置帥然獨嶺南節度爲大府大府始至四府必使其佐啓問起居謝守地不得卽賀以爲禮歲時必遣賀問致水土物大府帥或道過其府府帥必戎服左握刀右屬弓矢帕首袴鞬迎郊及旣至大府帥先入據館帥守屏若將趨入拜庭之爲者大府與之爲讓至

韓文

送鄭尚書序

七

一再乃敢改服以賓主見適位執爵皆興拜不許乃止虔若小侯之事大國有大事諮而後行隸府之州離府遠者至三千里懸隔山海使必數月而後能至蠻夷悍輕易怨以變其南州皆岸大海多洲島颶風一日踔數千里漫瀾不見蹤跡控御失所依險阻結黨仇機毒矢以待將吏撞塘呼號以相和應蜂屯蟻雜不可爬梳好則人怒則獸故常薄其征入簡節而疎目時有

將領事形
公嶺南之
事畢以此
函

却由引云

燒外利

所遺漏。不究切之。長養以見子。至紛不可治。乃

草薙而禽獮之。盡根株痛斷。乃止。其海外雜國。

若耽浮羅流求毛人夷。直之州。林邑扶南真獵。

于陀利之屬。東南際天地。以萬數。或時候風潮。

朝貢蠻胡賈人。舶交海中。若嶺南帥得其人。則

一邊盡治。不相寇盜。賊殺無風。魚之災水旱癘。

毒之患。外國之貨。日至。珠香象犀玳瑁奇物。溢

於中國。不可勝用。故選帥常重於他。鎮非有文。

韓文

送鄭尚書序

武威風知大體。可畏信者。則不幸往往有事。長

慶三年四月。以工部尚書鄭公為刑部尚書。兼

御史大夫。往踐其任。鄭公嘗以節鎮襄陽。又帥

滄。景德。德。棣。歷河南尹。華州刺史。皆有功德。可稱

道。入朝為金吾將軍。散騎常侍。工部侍郎。尚書

家屬百人。無數畝之宅。僦屋以居。可謂貴而能

貧。為仁者不富之效也。及是命朝廷莫不悅。將

行。公卿大夫士。苟能詩者。咸相率為詩。以美朝

看昌黎
韓文公集
韓文公集
韓文公集

政以慰公南行之思。韻必以來字者。所以祝公
成政而來歸疾也。

韓文

送鄭尚書序

送幽州李端公序

端公處
州平暇
而賦

今志不省
開係

作文要
道人心
民保國
方可
之文
人而

元年今相國李公爲吏部員外郎愈嘗與偕朝道語幽州司徒公之賢曰某前年被詔告禮幽州入其地迂勞之使里至每進益恭及郊司徒公紅帟首驛袴握刀左右雜佩弓報服矢插房俯立迎道左某禮辭曰公天子之宰禮不可如是及府又以其服卽事某又曰公三公不可以將服承命卒不得辭上堂卽客階坐必東向愈曰國家失太平於今六十年夫十日十二子相配數窮六十其將復平平必自幽州始亂之所出也今天子大聖司徒公勤於禮庶幾帥先河南北之將來覲奉職如開元時乎李公曰然今李公旣朝夕左右必數數焉爲上言元年之言殆合矣端公歲時來壽其親東都東都之大夫士莫不拜於門其爲人佐甚忠意欲司徒公功名流千萬歲請以愈言爲使歸之獻

送楊少尹序

韓文

送楊少尹序

七

昔疏廣受二子以年老一朝辭位而去於時公卿設供張祖道都門外車數百兩道路觀者多歎息泣下共言其賢漢史旣傳其事而後世工畫者又圖其迹至今照人耳目赫赫若前日事國子司業楊君巨源方以能詩訓後進一旦以年滿七十亦白丞相去歸其鄉世常說古今人不相及今楊與二疏其意豈異也予忝在公卿後遇病不能出不知楊侯去時城門外送者幾人車幾兩馬幾疋道旁觀者亦有歎息知其爲賢以否而太史氏又能張大其事爲傳繼二疏蹤跡否不落莫否見今世無工畫者而畫與不畫固不論也然吾聞楊侯之去丞相有愛而惜之者白以爲其都少尹不絕其祿又爲歌詩以勸之京師之長於詩者亦屬而和之又不知當時二疏之去有是事否古今人同不同未可知

波

古人誌文
不忘

也。中世士大夫以官爲家，罷則無所於歸。楊侯始冠，舉於其鄉，歌鹿鳴而來也。今之歸，指其樹曰：「某樹，吾先人之所種也。」某水，某丘，吾童子時所釣遊也。鄉人莫不加敬，誠子孫以楊侯不去其鄉爲法。古之所謂鄉先生，沒而可祭於社者，其在斯人歟！其在斯人歟！

有靈化育

韓文

送董邵南序

十二

送董邵南序

燕趙古稱多感慨悲歌之士。董生舉進士，連不得志於有司，懷抱利器，鬱鬱適茲土。吾知其必有合也。董生勉乎哉！夫以子之不遇時，苟慕義強仁者，皆愛惜焉。矧燕趙之士出乎其性者哉！然吾嘗聞風俗與化移易，吾惡知其今不異於古所云邪？聊以吾子之行卜之也。董生勉乎哉！吾因子有所感矣。爲我弔望諸君之墓，而觀於其市，復有昔時屠狗者乎？爲我謝曰：「明天子在。」上可以出而仕矣。

韓文

送董邵南序

十三

初在唐新志在言外

起得高
使為高
信胎
兩我口
古也
口由
或曰
母也

六朝
出个中
近

送李愿歸盤谷序

太行之陽有盤谷。盤谷之間。泉甘而土肥。草木
藥茂。居民鮮少。或曰。謂其環兩山之間。故曰盤
或曰。是谷也。宅幽而勢阻。隱者之所盤旋。友人
李愿居之。愿之言曰。人之稱大丈夫者。我知之
矣。利澤施於人。名聲昭於時。坐於廟朝。進退百
官。而佐天子出令。其在外。則樹旗旄。羅弓矢。武
夫前呵。從者塞塗。供給之人。各執其物。夾道而
疾馳。喜有賞。怒有刑。才峻滿前道。古今而譽盛
德。入耳而不煩。曲眉豐頰。清聲而便體。秀外而
惠中。飄飄輕裾。翳長袖。粉白黛綠者。列屋而閒居。
妬寵而負恃。爭妍而取憐。大丈夫之遇知於天
子。用力於當世者之所為也。吾非惡此而逃之。
是有命焉。不可幸而致也。窮居而閒處。升高而
望遠。坐茂樹以終日。濯清泉以自潔。採於山美
可茹。釣於水鮮可食。起居無時。惟適之安。與其

韓文

送李愿歸盤谷序

十四

合題

有譽於前。孰若無毀於其後。與其有樂於身。孰
若無憂於其心。車服不維。刀鋸不加。理亂不知。
黜陟不聞。大丈夫不遇於時者之所為也。我則
行之。伺候於公卿之門。奔走於形勢之塗。足將
進而趨。起口將言而囁。嘯處穢污而不羞。觸刑
辟而誅戮。微倖於萬一。老死而後止者。其於為
人。賢不肖何如也。昌黎韓愈聞其言而壯之。與
之酒而為之歌曰。

韓文

送李愿歸盤谷序

十五

盤之中。維子之宮。盤之土。可以稼。盤之泉。可濯。
可沿。盤之阻。誰爭子所窮。而深廓其有容。繚而
曲如往。而復嗟。盤之樂。今樂且無。央虎豹遠跡。
今蛟龍遁藏。鬼神守護。今呵禁不祥。飲則食兮。
壽而康。無不足。今奚所望。膏吾車兮。秣吾馬。從
子于盤兮。終吾生以徜徉。

開以直裁
入理

送高閑上人序

苟可以寓其巧智使機應於心不挫於氣則神
完而守固雖外物至不膠於心堯舜禹湯治天
下養叔治射庖丁治牛師曠治音聲扁鵲治病
僚之於九秋之於弈伯倫之於酒樂之終身不
厭奚暇外慕夫外慕徒業者皆不造其堂不嘖
其戢者也往時張旭善草書不治他伎喜怒窘
窮憂悲愉佚怨恨思慕酣醉無聊不平有動於

韓文

送高閑上人序

十六

神解使
旭見上常
德例

心必於草書焉發之觀於物見山水崖谷鳥獸
蟲魚草木之花實日月列星風雨水火雷霆霹
靂歌舞戰鬪天地事物之變可喜可愕一寓於
書故旭之書變動猶鬼神不可端倪以此終其
身而名後世今閑之於草書有旭之心哉不得
其心而逐其跡未見其能旭也為旭有道利害
必明無遺錙銖情炎於中利欲鬬進有得有喪
勃然不釋然後一決於書而後旭可幾也今閑

三轉

得止於位
是

師浮屠氏一死生解外膠是其為心必泊然無
所起其於世必淡然無所嗜泊與淡相遭頽墮
委靡潰敗不可收拾則其於書得無象之然乎
然吾聞浮屠人善幻多技能閑如通其術則吾
不能知矣

韓文

送高閑上人序

十七

藍田縣丞廳壁記

有得悅
近六印
御外書
紀何莫不

丞之職所以貳令於一邑無所不當問其下主簿尉主簿尉乃有分職丞位高而偏例似嫌不可否事文書行吏抱成案請丞卷其前錯以左手右手摘紙尾鴈鶩行以進平立睨丞曰當署丞涉筆占位署惟謹目吏問可不可吏曰得則退不敢略省漫不知何事官雖尊力勢反出主簿尉下諺數慢必曰丞至以相訾謗丞之設豈

韓文

藍田縣丞廳壁記

十八

端使然哉博陵崔斯立種學績文以蓄其有泓涵演迤日大以肆貞元初挾其能戰藝於京師再進再屈於人元和初以前大理評事言得失黜官再轉而爲丞茲邑始至喟曰官無卑顧材不足塞職既噤不得施用又喟曰丞哉丞哉余不負丞而丞負余則盡枿去牙角一躡故跡破崖岸而爲之丞廳故有記壞漏汚不可讀斯立易桶與瓦墁治壁悉書前任人名氏庭有老槐

奇語

四行南牆鉅竹千挺儼立若相持水澆澆循除鳴斯立痛掃溉對樹二松日哦其間有問者輒對曰余方有公事子姑去考功郎中知制誥韓愈記

韓文

藍田縣丞廳壁記

十九

古人何嘗
不情也

燕喜亭記

太原王弘中在連州與學佛人景常元慧游異日從二人者行於其居之後丘荒之間上高而望得異處焉斬茅而嘉樹列發石而清泉激輦糞壤燔樵翳却立而視之出者突然成丘陷者呀然成谷窪者爲池而缺者爲洞若有鬼神異物陰來相之自是弘中與二人者晨往而夕忘歸焉乃立屋以避風雨寒暑既成愈請名之其

韓文

燕喜亭記

二十一

丘曰埃德之丘蔽於古而顯於今有埃之道也其石谷曰謙受之谷瀑曰振鷺之瀑谷言德瀑言容也其土谷曰黃金之谷瀑曰秩秩之瀑谷言容瀑言德也洞曰寒居之洞志其入時也池曰君子之池虛以鍾其美盈以出其惡也泉之源曰天澤之泉出高而施下也合而名之以屋曰燕喜之亭取詩所謂魯侯燕喜者頌也於州民之老聞而相與觀焉曰吾州之山水名天

韓文

燕喜亭記

二十一

下然而無與燕喜者比經營於其側者相接也而莫直其地凡天作而地藏之以遺其人乎弘中自吏部郎貶秩而來次其道塗所經自藍田入商洛涉浙湍臨漢水升峴首以望方城出荆門下岷江過洞庭上湘水行衡山之下繇郴踰嶺暖犹所家魚龍所宮極幽遐瑰詭之觀宜其於山水飲聞而厭見也今其意乃若不足傳曰智者樂水仁者樂山弘中之德與其所好可謂協矣智以謀之仁以居之吾知其去是而羽儀於天朝也不遠矣遂刻石以記

毛頴傳

毛頴者中山人也其先明眎佐禹治東方土養萬物有功因封於卯地死爲十二神嘗曰吾子孫神明之後不可與物同當吐而生已而果然明眎八世孫眎世傳當殷時居中山得神僊之術能匿光使物竊短娥騎蟾蜍入月其後代遂隱不仕云居東郭者曰魏攸而善走與韓盧爭能盧不及盧怒與宋鵠謀而殺之醢其家秦始

韓文

毛頴傳

二十一

皇時蒙將軍恬南伐楚次中山將大獵以懼楚召左右庶長與軍尉以連山筮之得天與人文之兆筮者賀曰今日之獲不角不牙衣褐之徒缺口而長鬚八竅而趺居獨取其髦簡牘是資天下其同書秦其遂兼諸侯乎遂獵圍毛氏之族拔其豪載頴而歸獻俘於章臺宮聚其族而加束縛焉秦皇帝使恬賜之湯沐而封諸管城號曰管城子日見親寵任事頴爲人強記而便

敏自結繩之代以及秦事無不纂錄陰陽小筮占相醫方族氏山經地志字書圖畫九流百家天人之書及至浮屠老子外國之說皆所詳悉又通於當代之務官府簿書市井貨錢注記惟上所使自秦皇帝及太子扶蘇胡亥丞相斯中車府令高下及國人無不愛重又善隨人意正直邪曲巧拙一隨其人雖見廢棄終默不洩惟不喜武士然見請亦時往累拜中書令與上益

韓文

毛頴傳

二十一

卿上嘗呼爲中書君上親決事以衡石自程雖官人不得立左右獨頴與執燭者常侍上休方罷頴與絳人陳玄弘農陶泓及會稽褚先生友善相推致其出處必偕上召頴三人者不待詔輒俱往上未嘗怪焉後因進見上將有任使拂拭之因免冠謝上見其髮禿又所摹畫不能稱上意上嘻笑曰中書君老而禿不任吾用吾嘗謂君中書君今不中書耶對曰臣所謂盡心者

因不復召歸封邑終于管城其子孫甚多散處中國夷狄皆冒管城惟居中山者能繼父祖業太史公曰毛氏有兩族其一姬姓文王之子封於毛所謂魯衛毛聃者也戰國時有毛公毛遂獨中山之族不知其本所山子孫最爲蕃昌春秋之成見絕於孔子而非其罪及蒙將軍拔中山之豪始皇封諸管城世遂有名而姬姓之毛無聞賴始以俘見卒見任使秦之滅諸侯賴與

韓文

毛綱

二十四

有功賞不酬勞以老見疎秦真少恩哉

不直戲文意戲史矣

諱辯

愈與李賀書勸賀舉進士賀舉進士有名與賀爭名者毀之曰賀父名晉肅賀不舉進士爲是勸之舉者爲非聽者不察也和而唱之同然一辭皇甫湜曰若不明白子與賀且得罪愈曰然律曰二名不偏諱釋之者曰謂若言微不稱在言在不稱微是也律曰不諱嫌名釋之者曰謂若禹與兩丘與蔭之類是也今賀父名晉肅賀

此經名律
必本朝
史記論凡
生

韓文

諱辯

二十五

舉進士爲犯二名律乎爲犯嫌名律乎父名晉肅子不得舉進士若父名仁子不得爲人乎夫諱始於何時作法制以教天下者非周公孔子歟周公作詩不諱孔子不偏諱二名春秋不譏不諱嫌名康王釗之孫實爲昭王曾參之父名皙曾子不諱昔周之時有騏期漢之時有杜度此其子宜如何諱將諱其嫌遂諱其姓乎將不諱其嫌者乎漢諱武帝名徹爲通不聞又諱車

轍之轍爲某字也諱呂后名雉爲野雞不聞又諱治天下之治爲某字也今上章及詔不聞諱許勢秉機也惟宦官官妾乃不敢言論及機以爲觸犯士君子言語行事宜何所法守也今考之於經質之於律稽之以國家之典賀舉進士爲可耶爲不可耶凡事父母得如曾參可以無譏矣作人得如周公孔子亦可以止矣今世之士不務行曾參周公孔子之行而諱親之名則

韓文

諱

二十六

帶賦詩

從容語
戰中
不從名虎
解

進學解

國子先生晨入太學招諸生立館下誨之曰業精於勤荒於嬉行成於思毀於隨方今聖賢相逢治具畢張拔去兇邪登崇峻良占小善者率以錄名一藝者無不庸肥羅剔抉刮垢磨光蓋有幸而獲選孰云多而不揚諸生業患不能精無患有司之不明行患不能成無患有司之不公言未既有笑於列者曰先生欺余哉弟子事

韓文

進學解

二十七

先生於茲有年矣先生口不絕吟於六藝之文手不停披於百家之編記事者必提其要纂言者必鉤其玄貪多務得細大不捐焚膏油以繼晷恒兀兀以窮年先生之業可謂勤矣舐排異端攘斥佛老補苴罅漏張皇幽眇尋墜緒之茫茫獨旁搜而遠紹障百川而東之迴狂瀾於既倒先生之於儒可謂有勞矣沈浸醲郁含英咀華作爲文章其書滿架上規姚姒渾渾無涯周

詰殷盤、佶屈聱牙、春秋謹嚴、左氏浮誇、易奇而法、詩正而葩、下逮莊騷、太史所錄、子雲相同、工異曲、先生之於文、可謂闕其中而肆其外矣。少始知學、勇於敢為、長通於方、左右具宜、先生之於為人、可謂成矣、然而公不見信於人、私不見助於友、跋前疐後、動輒得咎、暫為御史、遂竄南夷、三年博士、冗不見治、命與仇謀、取敗幾時、冬暖而見號、寒年豐而妻啼饑、頭童齒豁、竟死

韓文

進學解

二十八

何裨、不知慮此而反教人、為先生曰、吁、子來前、夫大木為杗、細木為桷、構榱侏儒、椳闑扂楔、各得其宜、施以成室者、匠氏之工也、玉札丹砂、赤箭青芝、牛溲馬勃、敗鼓之皮、俱收並蓄、待用無遺者、醫師之良也、登明選公、雜進巧拙、紆餘為妍、卓犖為傑、校短量長、惟器是適者、宰相之方也、昔者孟軻好辯、孔道以明、轍環天下、卒老于行、荀卿守正、大論是弘、逃讒於楚、廢死蘭陵、是

八出思言
而後得自
者若子矣

二儒者、吐辭為經、舉足為法、絕類離倫、優入聖域、其過於世何如也、今先生學雖勤而不繇其統、言雖多而不要其中、文雖奇而不濟於用、行雖修而不顯於眾、猶且月費俸錢、歲靡廩粟、子不知耕、婦不知織、乘馬從徒、安坐而食、墮常塗之促、促窺陳編、以盜竊然而聖主不加誅、宰臣不見斥、茲非其幸歟、動而得謗、名亦隨之、投閒置散、乃分之宜、若夫商財賄之有亡、計班資之

韓文

進學解

二十九

崇庠、忘已量之所稱、指前人之瑕疵、是所謂詰匠氏之不以杙為楹、而訾醫師以昌陽引年、欲進其稀苓也。

撰辭

送窮文

元和六年正月乙丑晦，主人使奴星結柳作車，縛草爲船，載糗輿糒，牛繫軛下，引帆上檣，三楫窮鬼而告之曰：聞子行有日矣，鄙人不敢問所塗，竊具船與車，備載糗輿，日吉時良，利行四方，子飯一盂，子啜一觴，攜朋挈儔，去故就新，駕塵彌風，與電爭先，子無底滯之尤，我有資送之恩，子等有意於行乎？屏息潛聽，如聞音聲，若嘯若

韓文

送窮文

三十一

者他寫入
神鬼志
史不從

啼春歎嘔嚶，毛髮盡豎，竦肩縮頸，疑有而無，久乃可明。若有言者曰：吾與子居四十年餘，子在孩提，吾不子愚；子學子耕，求官與名，惟子是從，不變於初門；神戶靈我叱我呵，包羞詭隨，志不在他；子遷南荒，熱爍濕蒸，我非其鄉，百鬼欺陵；太學四年，朝蓍暮鹽，惟我保汝，人皆汝嫌，自初及終，未始背汝，心無異謀，口絕行語，於何聽聞？云我當去，是必夫子信讒，有間於予也，我鬼非

虞
步

韓文

送窮文

三十一

見
寫
此
人
力

人安用車船鼻嗅臭香糗輿，可捐單獨一身，誰爲朋儔？子苟備知可數，已不子能盡言，可謂聖智情狀，既露，敢不迴避。主人應之曰：子以吾爲真不知也耶？子之朋儔，非六非四，在十去五，滿七除二，各有主張，私立名字，捩手覆羹，轉喉觸諱，凡所以使吾面目可憎，語言無味者，皆子之志也。其名曰智窮，矯矯亢亢，惡圓喜方，羞爲姦欺，不忍害傷。其次名曰學窮，傲數與名，摘抉杳微，高悒羣言，執神之機。又其次曰文窮，不專一能，怪怪奇奇，不可時施，祗以自嬉。又其次曰命窮，影與形殊，面醜心妍，利居衆後，責在人先。又其次曰交窮，磨肌戛骨，吐出心肝，企足以待，真我讎。寬凡此五鬼，爲吾五患，饑我寒我，興訛造訛，能使我迷，人莫能問，朝悔其行，暮已復然，蠅營狗苟，驅去復還，言未畢，五鬼相與張眼吐舌，跳踉偃仆，抵掌頓脚，失笑相顧，徐謂主人曰：子

知我名凡我所爲驅我令去小黠大癡人生一世其久幾何吾立子名百世不磨小人君子其心不同惟垂於時乃與天通攜持琬琰易一羊皮飫於肥甘慕彼糠糜天下知子誰過於予雖遭斥逐不忍子鍊謂予不信請質詩書主人於是垂頭喪氣上手稱謝燒車與船延之上座

上軍讀書富之私以而不得進學解托之

門說而不暢以又質之鬼神矣善寫悲憤

韓文

送高文

三十三

有以腹

南海神廟碑

海於天地間爲物最鉅自三代聖王莫不祀事考於傳記而南海神次最貴在北東西三神河伯之上號爲祝融天寶中天子以爲古爵莫貴於公侯故海嶽之祝犧幣之數放而依之所以致崇極於大神今王亦爵也而禮海嶽尚循公侯之事虛王儀而不用非致崇極之意也由是冊尊南海神爲廣利王祝號祭式與次俱昇因其故廟易而新之在今廣州治之東南海道八十里扶胥之口黃木之灣常以立夏氣至命廣州刺史行事祠下事訖驛聞而刺史常節度五嶺諸軍仍觀察其郡邑於南方事無所不統地大以遠故常選用重人既貴而富且不習海事又當祀時海常多大風將往皆憂惑既進觀顧怖悸故常以疾爲解而委事於其副其來已久故明宮齋廬上雨旁風無所蓋障牲酒瘠酸取

韓文

南海神廟碑

三十三

具臨時水陸之品。狼籍籩豆。薦裸與俯。不中儀
式。吏滋不供。神不顧享。盲風怪雨。發作無節。人
蒙其害。元和十二年。始詔用前尚書左丞國子
祭酒魯國孔公爲廣州刺史兼御史大夫。以嚴
南服。公正直方。嚴中心樂。易祗慎所職。治人以
明。事神以誠。內外殫盡。不爲表襮。至州之明年。
將夏。祝冊自京師至。吏以時告公。乃齋祓視冊。
誓羣有司曰。冊有皇帝名。乃上所自署。其文曰。

韓文

南海神廟碑

三十四

嗣天子某謹遣官某敬祭其恭且嚴如是。敢有
不承。明日吾將宿廟下。以供晨事。明日吏以風
雨白。不聽。於是州府文武吏士凡百數。交謁更
諫。皆揖而退。公遂陞舟。風雨少弛。權夫奏功。雲
陰解。皎日光穿。漏波伏。不興。省牲之夕。載陽載
陰。將事之夜。天地開除。月星明概。五鼓既作。牽
牛正中。公乃盛服執笏以入。卽事文武賓屬。俯
首聽位。各執其職。牲肥酒香。罇爵淨潔。降登有

數。神具醉飽。海之百靈。祕怪。慌惚。畢出。蜿蜿蛇
虺。來享飲食。闔廟旋臚。祥飈送颿。旗纛旄麾。飛
揚。掩藹。鐃鼓。嘲轟。高管。噉譟。武夫奮擢。工師唱
和。穹龜長魚。躍踊。後先。乾端坤倪。軒豁呈露。祀
之之歲。風災熄滅。人厭魚蟹。五穀胥熟。明年祀
歸。又廣廟宮而大之。治其庭壇。改作東西兩序。
齋庖之房。百用具修。明年其時。公又固往。不懈
益虔。歲仍大和。耄艾歌詠。始公之至。盡除他名。

韓文

南海神廟碑

三十五

之稅。罷衣食於官之可去者。四方之使。不以資
交。以身爲帥。燕享有時。賞與以節。公藏私畜。上
下與足。於是免屬州負逋之緡錢。廿有四萬。米
三萬二千斛。賦金之州。耗金一歲八百。困不能
償。皆以丐之。加西南守長之俸。誅其尤無良不
聽令者。由是皆自重慎法。人士之落南。不能歸
者。與流徙之胄。百廿八族。用其才良。而廩其無
告者。其女子可嫁。與之錢財。令無失時。刑德並

流地方數千里不識盜賊山行海宿不擇處所
事神治人其可謂備至耳矣咸願刻廟石以著
厥美而繫以詩乃作詩曰

南海陰墟祝融之宅卽祀於旁帝命南伯吏情
不躬正自今公明用享錫右我家邦惟明天子
惟慎厥使我公在官神人致喜海嶺之陬旣足
旣濡胡不均弘俾執事樞公行勿遲公無遽歸
匪我私公神人具依

韓文

南海神廟碑

三十六

此碑特以祀事為崇海神固不可知也

得觀

衡州徐偃王廟碑

徐與秦俱出柏翳為嬴姓國於夏殷周世咸有
大功秦處西偏專用武勝遭世衰無明天子遂
虎吞諸國為雄諸侯旣皆入秦為臣屬秦無所
取利上下相賊害卒償其國而沈其宗徐處得
地中文德為治及偃王誕當國益除去刑爭末
事凡所以君國子民待四方一出於仁義當此
之時周天子穆王無道意不在天下好道士說

韓文

徐偃王廟碑

三十七

得八龍騎之西遊同王母宴于瑤池之上歌謳
忘歸四方諸侯之爭辯者無所質正咸賓祭於
徐贊玉帛死生之物于徐之庭者三十六國得
朱弓赤矢之瑞穆王聞之恐遂稱受命命造父
御長驅而歸與楚連謀伐徐徐不忍鬪其民北
走彭城武原山下百姓隨而從之萬有餘家偃
王死民號其山為徐山鑿石為室以祠偃王偃
王雖走死失國民戴其嗣為君如初駒王章禹

刺史帥其部之同姓改作廟屋載事於碑後九
十年當元和九年而徐氏放復爲刺史放字達
夫前碑所謂今戶部侍郎其大父也奉行視農
至於龍丘有事于廟思惟本原曰故制犮樸下
窄不足以揭虔妥靈而又梁榆赤白墜剝不治
圖像之威黜昧就滅藩拔級夷庭木禿孰祈昨
日慢祥慶弗下州之羣支不獲蔭庥余惟遺紹
而尸其土不卽不圖以有資聚罰其可辭乃命

王之聞孫世世多有唯臨茲邦廟土實守堅嶠
之後達夫郭之王殲萬年如始祔時王孫多孝
世奉王廟達夫之來先慎詔教盡惠廟民不主
於神維是達夫知孝之元太末之里姑蔑之城
廟事時修仁孝振聲宜寵其人以及後生嗟嗟
維王雖古誰亢王死於仁彼以暴喪文追作諫
刻示茫茫

曹成王碑

王姓李氏諱臯字子蘭謚曰成其先王明以太
宗子國曹絕復封傳五王至成王成王嗣封在
玄宗世蓋於時年十七八紹爵三年而河南北
兵作天下震擾王奉母太妃逃禍民伍得間走
蜀從天子天子念之自都水使者拜左領軍衛
將軍轉貳國子祕書王生十年而失先王哭泣
哀悲弔客不忍聞喪除痛刮磨豪習委已於學

韓文

曹成王碑

四十

稍長重知人情急世之要必一不通侍太妃從
天子于蜀既孝既忠持官持身內外斬斬由是
朝廷滋欲試之於民上元元年除温州長史行
刺史事江東新列於兵郡旱饑民交走死無弔
王及州不解衣下令倍鎖橫門悉弃倉實與民
活數十萬人奏報升秩少府與平袁賊仍徙祕
書兼州別駕部告無事遷真於衡法成令修治
出張施聲生勢長觀察使噎媚不能出氣誣以

孝子忠臣
苦心盡力

情其志不
傳

奇功而事

過犯御史助之貶潮州刺史楊炎起道州相德

宗還王于衡以直前謾王之遭誣在理念太妃

老將驚而戚出則囚服就辯入則擁笏垂魚坦

坦施施即貶于潮以遷入賀及是然後跪謝告

實初觀察使虐使將國良往戍界良以武岡叛

戍衆萬人斂兵荆黔洪桂伐之二年尤張於是

以王帥湖南將五萬士以討良爲事王至則屏

兵救良以書中其忌諱良羞畏乞降狐鼠進退

韓文

曹成王碑

四十一

王卽假爲使者從一騎蹕五百里抵良壁鞭其
門大呼我曹王來受良降良今安在良不得已
錯愕迎拜盡降其軍太妃薨王弄部隨喪之河
南葬及荆被詔責還會梁崇義反王遂不敢辭
以還升秩散騎常侍明年李希烈反遷御史大
夫授節帥江西以討希烈命至王出止外舍禁
無以家事關我哀兵大選江州羣能著職王親
教之搏力勾卒羸越之法曹誅五昇艦步二萬

錢長子改
失有之

人以與賊還。張鋒蔡山踣之。剗斬之。黃梅大縣
長平。發廣濟。掀斬春。撤斬水。撥黃岡。焚漢陽行
蹤。汊川還。大勝。斬水界中。拔安三縣。拔其州。斬
偽刺史。標光之北山。稽隨光化。枯其州。十抽一
推。救兵州東北屬鄉。還開軍受降。大小之戰。三
十有二。取五州十九縣。民老幼婦女不驚。市買
不變。田之果穀下無一跡。加銀青光祿大夫工
部尚書。改戶部。再換節。臨荆及襄。真食三百王

韓文

曹成王碑

四十三

之在兵。天子西巡于梁。希烈北取汴鄭。東略宋
園陳。西取汝潁。東都王坐南方。北向落其角距。
賊死咋。不能入寸尺。亡將卒十萬。盡輸其南州。
王始政於溫。終政於襄。恒平物估。賤斂貴出。民
用有經。一吏軌民。使令家聽戶視。姦宄無所宿
府中。不聞急步疾呼。治民用兵。各有條次。世傳
爲法。任馬羣。將慎。將錫。將潛。偕盡其力。能。薨。贈
右僕射。元和初。以子道古在朝。更贈太子太師。

道古進士司門郎。刺史隨唐睦。徵爲少宗正。兼
御史中丞。以節督黔中。朝京師。改命觀察鄂岳。
斬沔安黃。提其師以伐蔡。且行泣曰。先王討蔡。
實取沔斬安黃。寄惠未亡。今余亦受命有事于
蔡。而四州適在吾封。庶其有集。先王薨於今二
十五年。吾昆弟在而墓碑不刻。無文。其實有待。
子無用辭。乃序而詩之。辭曰。

太支十三。曹於弟季。或亡或徵。曹始就事。曹之

韓文

曹成王碑

四十三

祖王。畏寒絕遷。零王黎公。不聞僅存。子父易封。
三王守名。延延百載。以有成王。成王之作。自
其躬。文被明章。武薦峻功。蘇枯弱強。艱其姦倡。
以報于宗。以昭于王。王亦有子。處王之所。唯舊
之視。蹶蹶陸陸。實取實似。刻詩其碑。爲示無止。
也。

起時定所

平淮西碑

善回漢

記它功

包七版在道
不

天以唐克肖其德聖子神孫繼繼承承於千萬
 年敬戒不怠全付所覆四海九州固有內外悉
 主悉臣高祖太宗既除既治高宗中肅休養生
 息至于玄宗受報收功極熾而豐物衆地大孽
 牙其間肅宗代宗德祖順考以勤以容大恩適
 去根莠不薊相臣將臣文恬武嬉習熟見聞以
 爲當然睿聖文武皇帝既受羣臣朝乃考圖數
 韓文
 貢曰嗚呼天既全付予有家今傳次在予予不
 能事事其何以見于郊廟羣臣震懾奔走率職
 明年平夏又明年平蜀又明年平江東又明年
 平澤潞遂定易定致魏博貝衛瀘相無不從志
 皇帝曰不可究武予其少息九年蔡將死蔡人
 立其子元濟以請不許遂燒舞陽犯葉襄城以
 動東都放兵四劫皇帝歷問于朝一二臣外皆
 曰蔡帥之不廷授于今五十年傳三姓四將其

遠時以

樹本堅兵利卒頑不與他等因撫而有順且無
 事大官臆決唱聲萬口和附并爲一談牢不可
 破皇帝曰惟天惟祖宗所以付任予者庶其在
 此予何敢不力況一二臣同不爲無助曰光顏
 汝爲陳許帥維是河東魏博鄆陽三軍之在行
 者汝皆將之曰重胤汝故有河陽懷今益以汝
 維是朔方義成陝益鳳翔延慶七軍之在行者
 汝皆將之曰弘汝以卒萬二千屬而子公武往
 韓文
 計之曰文通汝守壽維是宣武淮南宣歙浙西
 四軍之行于壽者汝皆將之曰道古汝其觀察
 鄂岳曰愬汝帥唐鄧隨各以其兵進戰曰度汝
 長御史其往視師曰度惟汝予同汝遂相予以
 賞罰用命不用命曰弘汝其以節都統諸軍曰
 守謙汝出入左右汝惟近臣其往撫師曰度汝
 其往衣服飲食予士無寒無饑以旣厭事遂生
 蔡人賜汝節斧通天御帶衛卒三百凡茲廷臣

諸將進兵
次第

諸將進兵
次第

汝擇自從，惟其賢能，無憚大吏。庚申，予其臨門。送汝曰：「御史、予、閔士大夫戰甚苦，自今以往，非郊廟祠祀，其無用樂。」顏胤武合攻其北，大戰十六，得柵城縣二十三，降人卒四萬。道古攻其東，南八戰，降萬三千，再入，申破其外城。文通戰其東，十餘遇，降萬二千，愬入其西，得賊將輒釋，不殺，用其策戰，比有功。十二年八月，丞相度至師，都統弘責戰益急。顏胤武合戰，益用命。元濟盡

韓文

平海西碑

四十六

并其衆，洄曲以備。十月壬申，愬用所得賊將，自文城因天大雪疾馳百二十里，用夜半到蔡，破其門，取元濟以獻，盡得其屬人卒。辛巳，丞相度入蔡，以皇帝命赦其人。淮西平，大饗，奏功。師還之日，因以其食賜蔡人。凡蔡卒三萬五千，其不樂爲兵願歸爲農者十九。悉縱之，斬元濟京師。冊功，弘加侍中，愬爲左僕射。帥山南東道，顏胤皆加司空。公武以散騎常侍帥鄜坊丹延，道古

往事

進大夫文通加散騎常侍，丞相度朝京師，道封晉國公。進階金紫光祿大夫，以舊官相，而以其副總爲工部尚書，領蔡任。既還奏，羣臣請紀聖功，被之金石。皇帝以命臣愈，臣愈再拜稽首而獻文曰：

韓文

平海西碑

四十七

唐承天命，遂臣萬邦，孰居近土，襲盜以狂，往往在玄宗崇極而圯，河北悍驕，河南附起，四聖不宥，屢興師征，有不能克，益戍以兵，夫耕不食，婦織不裳，輸之以車，爲卒賜糧，外多失朝，曠不嶽狩，百隸怠官，事亡其舊，帝時繼位，顧瞻咨嗟，惟汝文武，孰恤予家，旣斬吳蜀，旋取山東，魏將首義，六州降從，淮蔡不順，自以爲強，提兵叫譟，欲事故常，始命討之，遂連姦鄰，陰遣刺客，來賊相臣方戰，未利，內驚京師，羣公上言，莫若惠來，帝爲不聞，與神爲謀，乃相同德，以訖天誅，乃勅顏胤，愬武古通，咸統於弘，各奏汝功，三方分攻，五萬

乃天君上

西出太平

用蔡人位
麻動部

韓文

平遠西

四十九

其師太軍北乘厥數倍之常兵時曲軍士盡發
既蒯凌雲蔡卒大窘勝之邵陵鄖城來降自夏
入秋復屯相望兵頓不勵告功不時帝哀征夫
命相往釐士飽而歌馬騰於槽試之新城賊遇
敗逃盡抽其有聚以防我西師躍入道無留者
領領蔡城其疆千里既入而有莫不順侯帝有
恩言相度來宣誅止其魁釋其下人蔡之卒夫
投甲呼舞蔡之婦女迎門笑語蔡人告饑船粟
往哺蔡人告寒賜以繒布始時蔡人禁不往來
今相從戲里門夜開始時蔡人進戰退戮今肝
而起左殮右粥爲之擇人以收餘德選吏賜牛
教而不稅蔡人有言始迷不知今乃大覺蓋前
之爲蔡人有言天子明聖不順族誅順保性命
汝不吾信視此蔡方孰爲不順往斧其吭凡叛
有數聲勢相倚吾強不支汝弱奚恃其告而長
而父而兄奔走偕來同我太平淮蔡爲亂天子

功

治

韓文

平遠西

四十九

伐之既伐而饑天子活之始議伐蔡卿士莫隨
既伐四年大小並疑不赦不疑由天子明凡此
蔡功惟斷乃成既定淮蔡四夷畢來遂開明堂
坐以治之

祭鯪魚文

維年月日潮州刺史韓愈使軍事衙推秦濟以
羊一猪一投惡谿之潭水以與鯪魚食而告之
曰昔先王既有天下列山澤罔繩獨刃以除蟲
蛇惡物爲民害者驅而出之四海之外及後王
德薄不能遠有則江漢之間尚皆棄之以與蠻
夷楚越況潮嶺海之間去京師萬里哉鯪魚之
涵淹卵育於此亦固其所今天子嗣唐位神聖

韓文

祭鯪魚文

五十一

慈武四海之外六合之內皆撫而有之況禹跡
所揜揚州之近地刺史縣令之所治出貢賦以
供天地宗廟百神之祀之壤者哉鯪魚其不可
與刺史雜處此土也刺史受天子命守此土治
此民而鯪魚睥然不安谿潭據處食民畜熊豕
鹿麋以肥其身以種其子孫與刺史亢拒爭爲
長雄刺史雖駑弱亦安肯爲鯪魚低首下心必
必覘覘爲民吏羞以偷活於此邪且承天子命

對鬼神法
有司向

嚴正

有司小

以來爲吏固其勢不得不與鯪魚辯鯪魚有知
其聽刺史言潮之州大海在其南鯨鵬之大蝦
蟬之細無不容歸以生以食鯪魚朝發而夕至
也今與鯪魚約盡三日其率醜類南徙于海以
避天子之命吏三日不能至五日不能至
七日七日不能是終不肯徙也是不有刺史聽
從其言也不然則是鯪魚冥頑不靈刺史雖有
言不聞不知也夫傲天子之命吏不聽其言不
徙以避之與冥頑不靈而爲民物害者皆可殺
刺史則選材技吏民操強弓毒矢以與鯪魚從
事必盡殺乃止其無悔

韓文

祭鯪魚文

五十二

韓公前身當是神道中來其精神通鬼
神而志風雷

尚書祭柳子厚文

維年月日韓愈謹以清酌庶羞之奠祭於亡友柳子厚之靈嗟嗟子厚而至然邪自古莫不然我又何嗟人之生世如夢一覺其間利害竟亦何校當其夢時有樂有悲及其既覺豈足追惟凡物之生不願爲材機鋒青黃乃木之災子之中棄天脫羈羈玉珮瓊瑤大放厥辭富貴無能磨滅誰紀子之自著表表愈偉不善爲斲血指

祭柳子厚文

五十二

汗顏巧匠旁觀縮手袖間子之文章而不用世乃令吾徒掌帝之制子之視人自以無前一斥不復羣飛刺天嗟嗟子厚今也則亡臨絕之音一何琅琅徧告諸友以寄厥子不鄙謂余亦託以死凡今之交觀勢厚薄余豈可保能承子託非我知子子實命我猶有鬼神寧敢遺墮念子未歸無復來期設祭棺前矢心以辭嗚呼哀哉尚饗

祭河南張員外文

寸土浮海
一息

維年月日彰義軍行軍司馬守太子右庶子兼御史中丞韓愈謹遣某乙以庶羞清酌之奠祭於亡友故河南縣令張十一員外之靈貞元十九君爲御史余以無能同詔並跼君德渾剛標高揭已有不吾如唾猶泥滓余慙而狂年未三紀乘氣加人無挾自恃彼婉孌者實憚吾曹側肩帖耳有舌如刀我落陽山以尹黠孫君飄臨

祭張員外文

五十三

武山林之牢歲弊寒兇雪虐風饕顛於馬下我泗君眺夜息南山同臥一席守隸防夫觚頂交跼洞庭漫汗粘天無壁風濤相厯中作霹靂追程盲進颿船箭激南上湘水屈氏所沈二妃行迷淚蹤染林山哀浦思鳥獸叫音余唱君和百篇在吟君止于縣我又南踰把觥相飲後期有無期宿界上一又相語自別幾時遽變寒暑枕臂歆眠加余以股僕來告言虎入廐處無敢驚

逐。以我驂去。君云是物不駿於乘。虎取而往。來寅其徵。我預在此。與君俱膺猛獸果信惡禱而憑。余出嶺中。君埃州下。偕掾江陵。非余望者。郴山奇變。其水清寫。泊沙倚石。有還無捨。衡陽放酒。熊咆虎嘯。不存令章。罰籌蝟毛。委舟湘流。往觀南嶽。雲壁潭潭。穹林攸擢。避風太湖。七日鹿角。鈎登大鮎。怒煩豕狗。鑿盤炙酒。羣奴餘啄。走官階下。首下尻高。下馬伏塗。從事是遭。子徵博

韓文

卷之五十五

五十四

士君以使已相見京師。過願之始。分教東生。君掾雍首。兩都相望。於別何有。解手背面。遂十一年。君出我入。如相避然。生闊死休。吞不復宣。刑官屬郎。引章許奪。權臣不愛。南昌是幹。明條謹獄。氓獠戶歌。用遷澧浦。爲人受瘡。還家東都。起令河南。屈拜後生。憤所不堪。屢以正免。身伸事蹇。竟死不昇。執勸爲善。丞相南討。余辱司馬。議兵大梁。走出洛下。哭不憑棺。奠不親筆。不撫其

子葬不送野。望君傷懷。有隕如瀉。銘君之績。納石壤中。爰及祖考。紀德事功。外著後世。鬼神與通。君其奚憾。不余鑒衷。嗚呼哀哉。尚饗。

奇強琳浪

韓文

卷之五十五

五十五

祭十二郎文

年月日季父愈聞汝喪之七日乃能銜哀致誠使建中遠具時羞之奠告汝十二郎之靈嗚呼吾少孤及長不省所怙惟兄嫂是依中年兄歿南方吾與汝俱幼從嫂歸葬河陽既又與汝就食江南零丁孤苦未嘗一日相離也吾上有三兄皆不幸早世承先人後者在孫惟汝在子惟吾兩世一身形單影隻嫂常撫汝指吾而言曰韓

韓文

祭十二郎文

五十六

氏兩世惟此而已汝時尤小當不復記憶吾時雖能記憶亦未知其言之悲也吾年十九始來京城其後四年而歸視汝又四年吾往河陽省墳墓遇汝從嫂喪來葬又二年吾佐董丞相於汴州汝來省吾止一歲請歸取其孥明年丞相薨吾去汴州汝不果來是年吾佐戎徐州使取汝者始行吾又罷去汝又不果來吾念汝從于東東亦客也不可以久圖久遠者莫如西歸將

家
人
名
山
作
僕
子
評

成家而致汝嗚呼孰謂汝遠去吾而歿乎吾與汝俱少年以爲雖暫相別終當久與相處故捨汝而旅食京師以求斗斛之祿誠知其如此雖萬乘之公相吾不以一日輟汝而就也去年孟東野往吾書與汝曰吾年未四十而視茫茫而髮蒼蒼而齒牙動搖念諸父與諸兄皆康強而早世如吾之衰者其能久存乎吾不可去汝不肯來恐旦暮死而汝抱無涯之戚也孰謂少者

韓文

祭十二郎文

五十七

歿而長者存強者夭而病者全乎嗚呼其信然邪其夢邪其傳之非其真邪信也吾兄之盛德而夭其嗣乎汝之純明而不克蒙其澤乎少者強者而夭歿長者衰者而存全乎未可以爲信也夢也傳之非其真也東野之書耿蘭之報何爲而在吾側也嗚呼其信然矣吾兄之盛德而夭其嗣矣汝之純明宜業其家者不克蒙其澤矣所謂天者誠難測而神者誠難明矣所謂理

者不可推而壽者不可知矣雖然吾自今年來
蒼蒼者或化而爲白矣動搖者或脫而落矣毛
血日益衰志氣日益微幾何不從汝而死也死
而有知其幾何離其無知悲不幾時而不悲者
無窮期矣汝之子始十歲吾之子始五歲少而
強者不可保如此孩提者又可冀其成立邪嗚
呼哀哉嗚呼哀哉汝去年書云比得軟脚病往
往而劇吾曰是疾也江南之人常常有之未始
韓文
祭十二郎文
五十八

餘奴婢並令守汝喪吾力能改葬終葬汝於先
人之兆然後惟其所願嗚呼汝病吾不知時汝
歿吾不知日生不能相養以共居歿不得撫汝
以盡哀歛不憑其棺窆不臨其穴吾行負神明
而使汝天不孝不慈而不得與汝相養以生相
守以死一在天之涯一在地之角生而影不與
吾形相依死而魂不與吾夢相接吾實爲之共
又何尤彼蒼者天曷其有極自今已往吾其無
韓文
祭十二郎文
五十九

諸眼涕淚盡限傷神情真語真

歐陽生哀辭

歐陽詹世居閩越自詹已上皆爲閩越官至州佐縣令者累累有焉閩越地肥衍有山泉禽魚之樂雖有長材秀民通文書吏事與上國齒者未嘗肯出仕今上初故宰相常袞爲福建諸州觀察使治其地袞以文辭進有名於時又作大官臨莅其民鄉縣小民有能誦書作文辭者袞親與之爲客主之禮觀游宴饗必召與之時未

韓文

歐陽生哀辭

六十一

幾皆化翕然詹于時獨秀出袞加敬愛諸生皆推服閩越之人舉進士繇詹始建中貞元間余就食江南未接人事往往聞詹名閭巷間詹之稱於江南也久貞元三年余始至京師舉進士聞詹名尤甚八年春遂與詹文辭同考試登第始相識自後詹歸閩中余或在京師他處不見詹次者惟詹歸閩中時爲然其他時與詹離率不歷歲移時則必合合必兩忘其所趨久然後

韓文

歐陽生哀辭

六十一

去故余與詹相知爲深詹事父母盡孝道仁於妻子於朋友義以誠氣醇以方容貌嶷嶷然其燕私善諠以和其文章切深喜往復善自道讀其書知其於慈孝最隆也十五年冬余以徐州從事朝正於京師詹爲國子監四門助教將率其徒伏闕下泉余爲博士會監有獄不果上觀其心有益於余將忘其身之賤而爲之也嗚呼詹今其死矣詹閩越人也父母老矣捨朝夕之養以來京師其心將以有得於是而歸爲父母榮也雖其父母之心亦皆然詹在側雖無離憂其志不樂也詹在京師雖有離憂其志樂也若詹者所謂以志養志者歟詹雖未得位其名聲流於人人其德行信於朋友雖詹與其父母皆無憾也詹之事業文章李翱旣爲之傳故作哀辭以錄余哀以傳於後以遺其父母而解其悲哀以卒詹志云

求仕與友兮遠違其鄉。父母之命兮子奉以行。
友則既獲兮祿實不豐。以志爲養兮何有牛羊。
事實既修兮名譽又光。父母欣欣兮常若在旁。
命雖云短兮其存者長。終要必死兮願不永傷。
友朋親視兮藥物甚良。飲食孔時兮所欲無妨。
壽命不齊兮人道之常。在側與遠兮非有不同。
山川阻深兮魂魄流行。祀祭則及兮勿謂不通。
哭泣無益兮抑哀自強。推生知死兮以慰孝誠。

韓文

歐陽生哀辭

六十二

嗚呼哀哉兮是亦難忘。

愈性不喜書。自爲此文。惟自書兩通。其一通
遺清河崔羣。羣與余皆歐陽生友也。哀生之
不得位而死。哭之過時而悲。其一通。今書以
遺彭城劉君伉。君喜古文。以吾所謂合於古
諸吾廬而來。請者八九至。而其色不怨。志益
堅。凡愈之爲此文。蓋哀歐陽生之不顯榮於
前。又懼其泯滅於後也。今劉君之請。未必知

歐陽生其志在古文耳。雖然愈之爲古文。豈
獨取其句讀不類於今者邪。思古人而不得。
見學古道。則欲兼通其辭。通其辭者。本志乎
古道者也。古之道不苟譽毀於人。劉君好其
辭。則其知歐陽生也無惑焉。

韓文

歐陽生哀辭

六十三

殿中少監馬君墓誌銘

君諱繼祖。司徒贈太師北平莊武王之孫。少府監贈太子少傅諱暢之子。生四歲。以門功拜太子舍人。積三十四年。五轉而至殿中少監。年三十七以卒。有男八人。女二人。始余初冠。應進士貢在京師。窮不自存。以故人稚弟拜北平王於馬前。王問而憐之。因得見於安邑里第。王軫其寒饑。賜食與衣。召二子使爲之主。其季遇我特

韓文

馬君墓誌銘

六十五

厚。少府監贈太子少傅者也。姆抱幼子立側。眉眼如畫。髮漆黑。肌肉玉雪。可念。殿中君也。當是時。見王於北亭。猶高山深林。鉅谷龍虎。變化不測。傑魁人也。退見少傅翠竹蒼梧。鸞鶴停峙。能守其業者也。幼子娟好。靜秀。瑤環瑜珥。蘭茁其芽。稱其家兒也。後四五年。吾成進士去而東游。哭北平王於客舍。後十五六年。吾爲尚書都官郎分司東都。而分府少傅卒。哭之。又十餘年至

今哭少監焉。嗚呼。吾未耄老。自始至今。未四十年。而哭其祖子孫三世於人世。何如也。人欲久不死而觀居此世者何也。

因少監而及其三代弟兄。無一語道少監。生平止就交情上生感。另乞一銘。

韓文

馬君墓誌銘

六十五

劉子厚墓誌銘

子厚諱宗元七世祖慶拓跋魏侍中封濟陰公曾伯祖爽爲唐宰相與褚遂良韓瑗俱得罪武后死高宗朝皇考諱鎮以事母弃太常博士求爲縣令江南其後以不能媚權貴失御史權貴人死乃復拜侍御史號爲剛直所與游皆當世名人子厚少精敏無不通達逮其父時雖少年已自成人能取進士第嶄然見頭角衆謂柳氏

韓文

柳子厚墓誌銘

六十七

有子矣其後以博學宏詞授集賢殿正字僞僭廉悍議論證據今古出入經史百子踔厲風發率常屈其座人名聲大振一時皆慕與之交諸公要人爭欲令出我門下交口薦譽之貞元十九年由藍田尉拜監察御史順宗卽位拜禮部員外郎遇用事者得罪例出爲刺史未至又例貶永州司馬居閒益自刻苦務記覽爲詞章汎濫停蓄爲深博無涯涘而自肆於山水之間元

爲子厚從
脫却不失
尺寸

不爲王孫
文士

沈地文章
不多

柳州一政
以爲誰也
不多

和中嘗例召至京師又偕出爲刺史而子厚得柳州旣至歎曰是豈不足爲政耶因其土俗爲設教禁州人順賴其俗以男女質錢約不時贖子本相俸則沒爲奴婢子厚與設方計悉令贖歸其尤貧力不能者令書其傭足相當則使歸其質觀察使下其法於他州比一歲免而歸者且千人衡湘以南爲進士者皆以子厚爲師其經承子厚口講指畫爲文詞者悉有法度可觀

韓文

柳子厚墓誌銘

六十七

其召至京師而復爲刺史也中山劉夢得禹錫亦在遣中當詣播州子厚泣曰播州非人所居而夢得親在堂吾不忍夢得之窮無辭以白其大人且萬無母子俱往理請於朝將拜疏願以柳易播雖重得罪死不恨遇有以夢得事白上者夢得於是改刺連州嗚呼士窮乃見節義今夫平居里巷相慕悅酒食游戲相徵逐詡詡強笑語以相取下握手出肝肺相示指天日涕泣

似有指

昌黎先生集卷之六
墓誌銘
子厚

子厚

三轉

誓生死不相背負。真若可信。一旦臨小利害。僅如毛髮比。反眼若不相識。落陷穽。不一引手救。反擠之。又下石焉者。皆是也。此宜禽獸夷狄所不忍爲。而其人自視以爲得計。聞子厚之風。亦可以少愧矣。子厚前時少年。勇於爲人。不自貴。重顧藉。謂功業可立就。故坐廢退。既退。又無相知。有氣力。得位者。推挽故。卒死於窮裔。材不爲世用。道不行於時也。使子厚在臺省時。自持其身。已能如司馬刺史時。亦自不斥。斥時有人力能舉之。且必復用。不窮。然子厚斥不久。窮不極。雖有出於人。其文學辭章。必不能自力。以致必傳於後。如今無疑也。雖使子厚得所願。爲將相。於一時以彼易此。孰得孰失。必有能辨之者。子厚以元和十四年十一月八日卒。年四十七。以十五年七月十日歸葬。萬年先人墓側。子厚有子男二人。長曰周六。始四歲。季曰周七。子厚卒。

韓文

柳子厚墓誌銘

六十八

乃生女子二人。皆幼。其得歸葬也。費皆出觀察使河東裴君行立。行立有節。槩重然諾。與子厚結交。子厚亦爲之盡。竟賴其力。葬子厚於萬年之墓。者舅弟盧遵。遵。涿人性謹順。學問不厭。自子厚之斥。遵從而家焉。逮其死。不去。旣往。葬子厚。又將經紀其家。庶幾有始終者。銘曰。是惟子厚之室。旣回旣安。以利其嗣人。

韓文

柳子厚墓誌銘

六十九

貞曜先生墓誌銘

唐元和九年歲在甲午八月己亥貞曜先生孟氏卒無子其配鄭氏以告愈走位哭且召張籍會哭明日使以錢如東都供葬事諸嘗與往來者咸來哭弔韓氏遂以書告興元尹故相餘慶閏月樊宗師使來弔告葬期徵銘愈哭曰嗚呼吾忍銘吾友也夫興元人以幣如孟氏賻且來商家事樊子使來速銘曰不則無以掩諸幽乃

韓東

貞曜先生墓誌銘

七十一

序而銘之先生諱郊字東野父廷玢娶裴氏女而選爲崑山尉生先生及二季鄧郢而卒先生生六七年端序則見長而愈奮涵而掾之內外交好色夷氣清可畏而親及其爲詩劇目鉢心刃迎縷解鉤章棘句指擢冒腎神施鬼設間見層出唯其大詭於詞而與世抹擻人皆劫劫我獨有餘有以後時聞先生者曰吾旣擠而與之矣其猶足存邪年幾五十始以尊夫人之命來

奇

集京師從進士試既得卽去間四年又命來選

爲溧陽尉迎待溧上去尉二年而故相鄭公尹

河南奏爲水陸運從事試協律郎親拜其母於

門內母卒五年而鄭公以節領興元軍奏爲其

軍參謀試大理評事挈其妻行之興元次於閬

鄉暴疾卒年六十四買棺以斂以二人輿歸鄧

郢皆在江南十月庚申樊子合凡贈賻而葬之

洛陽東其先人墓左以餘財附其家而供祀將

韓文

貞曜先生墓誌銘

七十二

葬張籍曰先生揚德振華於古有光賢者故事

有易名況士哉如曰貞曜先生則姓名字行有

載不待講說而明皆曰然遂用之初先生所與

俱學同姓簡於世次爲叔父由給事中觀察浙

東曰生吾不能舉死吾知恤其家銘曰

於戲貞曜維執不猗維出不訾維卒不施以昌

其詩

萬曆丁巳夏六月烏程閻齊伋識

有懷望高
雲簡表

批點杜工部七言律序

今律詩奉子美爲規萬矣中
晚學子美猶然中晚也宋元
學子美猶然宋元也昭代詩
道昌明上拊前哲或肖其貌
或依其聲或得一體或具而

杜律序

微夫皆學子美未學子美之
學也流俗小眼但曉聲貌若
不以聲貌而以神情不合而
合罕知其合矣吾謂善論文
者無如孔氏善論詩者無如
孔氏其論文曰辭達而已達

難言哉心所欲言口能出之

口所難言筆能寫之才卽從
心學不竭才如畫如話文至
達而止矣其論詩曰可以興
情到感生理舉心動聽者神
搖是詩之致而風人之旨也

杜律序

曰可以觀朝家規爲政俗嫩
惡得失備矣是詩之事而雅
頌之弘也曰可怨可怒遭變
遘難寄慨咏懷如泣如訴是
詩之情而騷人之微也又曰
多識鳥獸草木之名連類比

物充實光輝格物致知是詩之學而爾雅之能也又曰事父事君不本倫常理道焉資不正心術風教何補焉用詩爲是詩之理而易書禮樂之教也有唐諸家或以婉約或

杜律

以鉅麗或以勁直或以宕蕩或淫靡而令人喪守或鬱結而令人離憂或閒曠而無所重輕或感歎而不出榮遇原本吾夫子之言則合者鮮矣子美其選也子美自言熟精

選理夫不祖三百篇不漁獵漢魏六朝而求子美於子美吾未見子美也吾嘗約略子美之詩槩有數種有直抒衷臆粉澤盡謝愈真愈淡愈淡愈真者賓至所思旻公劒外

杜律

諸什是也有包羅景物沈酣濃郁如錯綺繡如奏管絃者秋興諸什是也有和平閒雅輕重有倫如鳴和鑾如被冠冕者登高閣夜露下諸什是也有危側反聲崎嶇險健轉

石轟雷改絃促柱者城尖霜
黃諸什是也有直寫世變兼
之論言如傳如記世謂詩史
者諸將恨別諸什是也綜其
奧妙不越數端而於孔氏之
言亦可以弗畔矣其有一二

杜律序

五

名篇流俗共傳原屬吠聲本
非心賞遂成戶誦落帽正冠
有何佳境歲暮鄉愁有何實
際宗匠相沿習而不察莫敢
平反往往有之約而言之甚
匠心竭力處上薄騷選彷彿

風雅而其率易懈怠處亦濫
觴宋人比於學究愚不揣薄
劣謬爲拈出子美有靈不以
佞爲賢矣夫詩之爲教溫柔
敦厚近代詞人好自夸毗視
高足揚不溫不柔矣儼薄輕

杜律序

六

佻以爲要渺骨不附肉不敦
不厚矣溫則情深柔則興遠
敦則分量重厚則意念正微
子美吾誰與歸

江夏郭正域撰

杜子美七言律目

奉和賈至舍人早朝大明宮舍人先世掌

絲綸

題張氏隱居

鄭附馬宴洞中

贈田九判官梁丘

贈獻納起居田舍人澄

城西陂汎舟

杜律

九日藍田崔氏莊

崔氏東山草堂

臘日

宣政殿退朝晚出左掖

紫宸殿退朝口號

曲江二首

曲江對酒

曲江值雨

題省中院壁

曲江陪鄭八丈南史飲

送鄭十八虔貶台州司戶傷其臨老陷賊

之故闕爲面別情見於詩

因許八奉寄江寧旻上人

題鄭縣亭子

望嶽

至日遣興奉寄兩院補遺二首

杜律

早秋苦熱堆案相仍

所思

卜居

堂成

蜀相

賓至

江村

狂夫

進艇

野老

南鄰

恨別

暮登四安寺鐘樓寄斐十廸

和裴廸登蜀州東亭送客逢早梅相憶見

寄

客至

杜律

野人送櫻桃

江上值水如海勢聊短述

寄杜位

送韓十四江東觀省

王十七侍御掄許攜酒至草堂奉寄此詩

便請邀高三十五使君同到

陪李七司馬阜江上觀造竹橋卽日成往

來之人免冬寒入水聊題短作奉簡李

公

嚴中丞枉駕見過

野望

奉酬嚴公寄題野亭之作

嚴中丞仲夏枉駕草堂兼攜酒饌得寒字

秋盡

吹笛

野望

杜律

聞官軍收河南河北

送路六侍御入朝

又送辛員外

涪城縣香積寺官閣

章梓州橘亭餞成都寶少尹

九日

將赴荆南寄別李劔州弟

奉寄別馬巴州

登樓

滕王亭子

玉臺觀

奉侍嚴大夫

奉寄高常侍

奉寄章十侍御

將赴成都草堂塗中有作先寄嚴鄭公五

首

杜律目

院中晚晴懷西郭茅舍

宿府

至後

撥悶

十二月一日三首

寄常徵君

題桃樹

崔評事弟許相迎不到應慮老夫見泥雨

怯出必愆佳期走筆戲問

峽中覽物

灩澦

白帝

七月一日題終明府水樓二首

黃草

九日

登高

杜律目

諸將五首

閣夜

白帝城最高樓

立春

赤甲

愁

江雨有懷鄭典設

雨不絕

晝夢

卽事

暮春

季夏送鄉弟韶陪黃門從叔朝謁
返照

示獠奴阿段

見螢火

簡吳郎司法

杜律目

又呈吳郎

詠懷古跡五首

卽事

秋興八首

單山人隱居

柏學士茅屋

送李八祕書赴杜相公幕

冬至

小至

舍弟觀赴藍田取妻子到江陵喜寄三首
奉送蜀州柏二別駕將中丞命赴江陵起
居衛尚書太夫人因示從弟行軍司馬
位

人日

送王十五判官扶侍還黔中得開字

宇文晁尚書之甥崔或司業之孫尚書之

杜律目

子重汎鄭監前湖

多病執熱奉懷李尚書

江陵節度使陽城郡王新樓成王請嚴侍

御判官賦七字句同作

又作此奉衛王

見王監兵馬使說近山有白黑二鷹羅者
久取竟未能得王以毛骨有異他鷹恐
臘後春生鶯飛避暖勁翮思秋之甚眇

不可見請余賦詩二首

夜

公安送韋二少府匡贊

留別公安太易沙門

曉發公安數月憩息此縣

贈韋七贊善

小寒食舟中作

長沙送李十一衡

杜律

燕子來舟中作

酬郭十五判官受

遣悶戲呈路十九曹長

暮歸

杜子美七言律

奉和賈至舍人早朝大明宮舍人先世掌

絲綸

五夜漏聲催曉箭九重春色醉僊桃旌旗日暖

龍蛇動宮殿風微燕雀高朝罷香煙攜滿袖詩

成珠玉在揮毫欲知世掌絲綸美池上于今有

鳳毛

題張氏隱居

杜律

春山無伴獨相求伐木丁丁山更幽澗道餘寒

歷冰雪石門斜日到林丘不貪夜識金銀氣遠

害朝看麋鹿遊乘興杳然迷出處對君疑是汎

虛舟

鄭駙馬宴洞中

主家陰洞細煙霧留客夏簟青琅玕春酒杯濃

琥珀薄冰漿碗碧瑤瑤寒悞疑茅堂過江麓已

入風磴靈雲端自是秦樓壓鄭谷時聞雜珮聲

如此秦樓鄭谷亦是創見

杜律自是若非微字清婉不免凝肥去慢貴此義

結句弱

珊瑚

贈田九判官梁丘

崆峒使節下青霄，河隴降王欵聖朝。
宛馬總肥春苜蓿，將軍只數漢嫖姚。
陳留阮瑀誰爭長，京兆田郎早見招。
麾下賴君才並入，獨能無意向漁樵。

贈獻納起居田舍人澄

獻納司存雨露邊，地分清切任才賢。
舍人退食

杜律

收封事，宮女開函近御筵。
曉漏追趨青瑣闥，晴

窻點檢白雲篇。
楊雄更有河東賦，唯待吹噓送上天。

上天

城西陂汎舟

青蛾皓齒在樓船，橫笛短簫悲遠天。
春風自信牙樯動，遲日徐看錦纜牽。
魚吹細浪搖歌扇，燕蹴飛花落舞筵。
不有小舟能盪漿，百壺那送酒如泉。

九日藍田崔氏莊

老去悲秋強自寬，興來今日盡君歡。
羞將短髮還吹帽，笑倩旁人爲正冠。
藍水遠從千澗落，玉山高並兩峰寒。
明年此會知誰健，醉把茱萸子細看。

崔氏東山草堂

愛汝玉山草堂靜，高秋爽氣相鮮新。
有時自發鐘磬響，落日更見漁樵人。
盤剝白鷄谷口栗飯

杜律

黃青泥坊底，芹何事西莊王給事。
柴門空閉鎖

松筠

臘日

臘日常年暖尚遙，今年臘日凍全消。
侵凌雪色還萱草，漏洩春光有柳條。
縱酒欲謀良夜醉，還家初散紫宸朝。
口脂面藥隨恩澤，翠管銀罍下九霄。

宣政殿退朝晚出左掖

根

終電肥滿

天門日射黃金榜春殿晴曛赤羽旗宮草霏霏
承委珮爐煙細細駐遊絲雲近蓬萊常五色雪
殘鵲亦多時侍臣緩步歸青鎖退食從容出

每遲

紫宸殿退朝口號

戶外昭容紫袖垂雙瞻御座引朝儀香飄合殿

春風轉花覆千官淑景移晝漏稀聞高閣報天

顏有喜近臣知宮中每出歸東省會送夔龍集

杜律

鳳池

曲江二首

一片花飛滅却春風飄萬點正愁人且看欲盡

花經眼莫厭傷多酒入唇江上小堂巢翡翠苑

邊高塚臥麒麟細推物理須行樂何用浮名絆

此身

朝回日日典春衣每日江頭盡醉歸酒債尋常

行處有人生七十古來稀穿花蛺蝶深深見點

人以為巧
句甚佳
四句自出
神

水蜻蜓款款飛傳語風光共流轉暫時相賞莫
相違

曲江對酒

苑外江頭坐不歸水精春殿轉霏微桃花細逐

楊花落黃鳥時兼白鳥飛縱飲久拚人共弄纈

朝真與世相違吏情更覺滄洲遠老大徒傷未

拂衣
春殿一作官殿

曲江值雨

杜律

城上春雲覆苑牆江亭晚色靜年芳林花著雨

臙脂落水荇牽風翠帶長龍武新軍深駐輦美

蓉別殿謾焚香何時詔此金錢會暫醉佳人錦

瑟旁

題省中院壁

掖垣竹埤梧十尋洞門對雪常陰陰落花遊絲

白日靜鳴鳩乳燕青春深腐儒衰晚謬通籍退

食遲回違寸心衰職曾無一字補許身愧比雙

清室一氣如
小龍使至衣
是補例律詩
不若得得者
要與主可
以如格不格
服而已

老健有情此
非在旗幟
官殿風微而
句比

南金

曲江陪鄭八丈南史飲

崔嵬江頭黃柳花，鵝鵲鵝鵲滿晴沙。自知白髮非春事，且盡芳樽戀物華。近侍卽今難浪迹，此身那得更無家。丈人才力猶強健，豈傍青門學種瓜。

送鄭十八虔貶台州司戶傷其臨老陷賊之故開爲面別情見於詩

杜律

鄭公樛散鬢如絲，酒後常稱老畫師。萬里傷心嚴譴日，百年垂死中興時。倉皇已就長塗往，邂逅無端出餞遲。便與先生應未訣，九重泉路盡交期。

因許八奉寄江寧旻上人

不見旻公三十年，封書寄與淚潸潸。蒼蒼來好事，今能否老去新詩誰與傳。碁局動隨幽澗竹，袈裟憶上汎湖船。聞君話我爲官在，頭白昏昏只

醉眠

題鄭縣亭子

鄭縣亭子澗之濱，戶牖憑高發興新。雲斷嶽連臨大路，天晴宮柳暗長春。巢邊野雀欺燕花，底山蜂遠趁人。更欲題詩滿青竹，晚來幽獨恐傷神。

望嶽

西嶽崢嶸竦處尊，諸峰羅立似兒孫。安得僊人杜律

九節杖挂到玉女，洗頭盆車箱入谷無歸路。箭括通天有一門，稍待秋風涼冷後，高尋白帝問真源。

至日遣興奉寄兩院遺補二首

去歲茲辰捧御牀，五更三點入鵷行。欲知趨走傷心地，正想氤氳滿眼香。無路從容陪笑語，有時顛倒著衣裳。何人錯憶窮愁日，愁日愁隨一線長。

憶昨逍遙供奉班。去年今日侍龍顏。麒麟不動
爐煙上。孔雀徐開扇影還。玉几由來天北極。朱
衣只在殿中間。孤城此處堪腸斷。愁對寒雲雪
滿山。

早秋苦熱堆案相仍

七月六日苦炎熱對食暫餐還不能每愁夜中
自足蝸況乃秋後轉多蠅束帶發狂欲大叫簿
書何急來相仍南望青松架短壑安得赤脚踏

杜律

層冰

所思

苦憶荊州醉司馬。謫官樽酒定常開。九江日落
醒何處。一柱觀頭眠幾回。可憐懷抱向人盡欲
問平安。無使來故憑錦水將雙淚。好過瞿塘滬
湍堆。甚足鍾情。

卜居

浣花溪水水西頭。主人爲卜林塘幽。已知出郭

聖清賢淑底。性
相仲之問見伊
岐王宅裏九雲
前已映穿塵裏

陽向洛陽九江日
落一柱觀頭遙看
鳴鳳始知處女無
數一雙三寸兩箇
一行自來白米相
親相連生情不
自今以後此等皆
聲華縱橫有得對
氣太家數不可無
俗眼之所遺更以
爲天

少塵事更有澄江銷客愁。無數蜻蜓齊上下一
雙鴻鵠對沈浮。東行萬里堪乘興。須向山陰上
小舟。

堂成

背郭堂成蔭白茅。綠江路熟俯青郊。楹林礙
吟風葉籠竹。和煙滴露梢暫止。飛鳥將數子頻
來語。燕定新巢。旁人錯比楊雄宅。懶甯無心作
解嘲。

杜律

蜀相

丞相祠堂何處尋。錦官城外柏森森。映階碧草
自春色。隔葉黃鸝空好音。三顧頻繁天下計。兩
朝開濟老臣心。出師未捷身先死。長使英雄淚
滿襟。

賓至

幽棲地僻經過少。老病人扶再拜難。豈有文章
驚海內。謾勞車馬駐江干。竟日淹留佳客坐。百

此詩在文選
此其佳處
語意妙

川律
全首如此
一字一佳矣

年羸癯_レ癯_レ儒餐不嫌野外無供給乘興還來看藥欄

江村

清江一曲抱村流，長夏江村事事幽。自去自來
梁上燕，相親相近水邊鷗。老妻畫紙爲棋局，稚
子敲針作釣鉤。多病所須惟藥物，微軀此外更
何求。

狂夫

律

萬里橋西一草堂。百花潭水卽滄浪。風含翠篠娟娟淨。雨裊紅蕖冉冉香。厚祿故人書斷絕。恒飢穉子色淒涼。欲填溝壑唯疎放。自笑狂夫老更狂。

進艇

南京久客耕南畝，北望傷神坐北窓。
亦親如自得之意，又詩中此畫引老妻
乘小艇，晴看穉子浴清江。俱飛蛺蝶元相逐，並
蒂芙蓉本自雙。茗飲蔗漿攜所有，瓷甌無謝玉

善叙事

白之洗州

詩中不可無此

清室
如話

淺溪小艇
是實景然
此有至是
味

清室一子
此話

爲缸

野老

野老籬前江岼回柴門不正逐江開漁人網集
澄潭下買客船隨返照來長路關心悲劒閣片
雲何意傍琴臺王師未報收東郡城闕秋生畫
角哀

南鄰

錦里先生烏角巾園收芋栗未全貧慣看賓客

枉律

兒童喜得食階除鳥雀馴秋水纔深四五尺野
航恰受兩三人白沙翠竹江村暮相送柴門月
色新

恨别

洛城一別四千里。胡騎長驅五六年。草木變衰
行劒外。兵戈阻絕老江邊。思家步月清宵立。憶
弟看雲白日眠。聞道河陽近乘勝。司徒急爲破

暮登四安寺鐘鼓寄裴十迪

暮倚高樓對雪峰。僧來不語自鳴鐘。孤城返照紅將斂。近寺浮煙翠且重。多病獨愁常聞寂。故人相見未從容。知君苦思緣詩瘦。太向交游萬事慵。

和裴迪登蜀州東亭送客逢早梅相憶見寄

起得情

東閣官梅動詩興。還如何遜在揚州。此時對雪

杜律

十二

遙相憶。送客逢春可自由。幸不折來傷歲暮。若為看去亂鄉愁。江邊一樹垂垂發。朝夕催人自白頭。

客至

清室一氣如始

舍南舍北皆春水。但見羣鷗日日来。花徑不曾緣客掃。蓬門今始為君開。盤飧市遠無兼味。樽酒家貧只舊醅。肯與鄰翁相對飲。隔籬呼取盡餘杯。

無味

野人送櫻桃

西蜀櫻花也自紅。野人相贈滿筠籠。數回細寫愁仍破。萬顆勻圓訝許同。憶昨賜雷門下省。退朝擎出大明宮。金盤玉筋無消息。此日嘗新任轉蓬。

江上值水如海勢聊短述

全首不才題事

為人性僻耽佳句。語不驚人死不休。老去詩篇渾漫興。春來花鳥莫深愁。新添水檻供垂釣。故

杜律

十三

春而嫩

著浮槎替入舟。焉得思如陶謝手。令渠述作與同遊。

寄杜位

如此詩杜使陷賊道

近聞寬法離新州。想見歸懷尚百憂。逐客雖皆萬里去。悲君已是十年流。干戈況復塵隨眼。鬢髮還應雪滿頭。玉壘題書心緒亂。何時更得曲江遊。

送韓十四江東觀省

清一第
如法
此美自
謂深悲極
怨

寫事無味
度

霜威促山簡
語疎不佳
自俗見

亦暢亦平
可取可舍

如此下合
歡字雅晚
頗疑其誤

兵戈不見老萊衣，歎息人間萬事非。我已無家尋弟妹，君今何處訪庭闈？黃牛峽靜灘聲轉，白馬江寒樹影稀。此別還須各努力，故鄉猶恐未同歸。

王十七侍御掄許攜酒至草堂奉寄此詩
便請邀高三十五使君同到

老夫臥穩朝慵起，白屋寒多暖始開。江鶴巧當幽徑浴，鄰雞還過短牆來。繡衣屢許攜家釀，早

杜律

蓋能忘折野梅，戲假霜威促山簡。須成一醉習池回。

陪李七司馬阜江上觀造竹橋卽日成往來之人免冬寒入水聊題短作奉簡李公
伐竹爲橋結構同，寒裳不涉往來通。天寒白鶴歸華表，日落青龍見水中。顧我老非題柱客，知君才是濟川功。合歡却笑千年事，驅石何時到海東。

善叙事

翰不平書
接此

前空一氣
如語

善叙事

嚴中丞枉駕見過

元戎小隊出郊垌，問柳尋花到野亭。川合東西瞻使節，地分南北任浮萍。扁舟不獨如張翰，卓帽應兼似管寧。寂寞江天雲霧裏，何人道有少微星。

野望

西山白雪三城戍，南浦清江萬里橋。海內風塵諸弟隔，天涯涕淚一身遙。唯將遲暮供多病，未

杜律

有涓埃答聖朝。跨馬出郊時極目，不堪人事日蕭條。

奉酬嚴公寄題野亭之作

拾遺曾奏數行書，懶性從來水竹居。奉引濫騎沙苑馬，幽棲真釣錦江魚。謝安不倦登臨費，阮籍焉知禮法疎。枉沐旌旄出城府，草茆無逕欲教鋤。

嚴中丞仲夏枉駕草堂兼攜酒饌得寒字

清健朴野

竹裏行廚洗玉盤花邊立馬簇金鞍非關使者
徵求急自識將軍禮數寬百年地僻柴門迴五
月江深草閣寒看弄漁舟移白日老農何有聲
交歡

秋盡

秋盡東行且未回茆齋寄在少城隈籬邊老却
陶潛菊江上徒逢袁紹杯雪嶺獨看西日落劒
門猶阻北人來不辭萬里長爲客懷抱何時得

杜律

好開

吹笛

吹笛秋山風月清誰家巧作斷腸聲風飄律呂
相和切月傍關山幾處明胡騎中宵堪北走武
陵一曲想南征故園楊柳今搖落何得愁中却
盡生

野望

金華山北涪水西仲冬風日始淒淒山連粵嶺

自然壯麗

蟠三蜀水散巴渝下五溪獨鶴不知何事舞饑
鳥似欲向人啼射洪春酒寒仍綠目極傷神誰
爲攜

聞官軍收河南河北

劒外忽傳收薊北初聞涕淚滿衣裳却看妻子
愁何在謾卷詩書喜欲狂白首放歌須縱酒青
春作伴好還鄉卽從巴峽穿巫峽便下襄陽向
洛陽

杜律

送路六侍御入朝

童穉情親四十年中間消息兩茫然更爲後會
知何地忽慢相逢是別筵不分桃花紅勝錦生
憎柳絮白於綿劒南春色還無賴觸忤愁人到
酒邊

又送辛員外

雙峰寂寂對春臺萬竹青青照客杯細草留連
侵坐軟殘花悵望近人開同舟昨日何由得並

清空一氣
如話
寫意真
切愈朴而
近

馬今朝未擬回直到綿州始分首江頭樹裏共誰來

涪城縣香積寺官閣

寺下春江深不流山腰官閣迴添愁含風翠壁孤雲細背日丹楓萬木稠小院迴廊春寂寂浴鳥飛鷺晚悠悠諸天合在藤蘿外昏黑應須到上頭

章梓州橘亭餞成都賈少尹

杜律

秋日野庭千橘香玉杯錦席高雲涼主人送客何所作行酒賦詩殊未央衰老應爲難離別賢聲此去有輝光預傳藉藉新京兆青史無勞數趙張

九日

去年登高鄴縣北今日重在涪江濱苦遭白髮不相放羞見黃花無數新世亂鬱鬱久爲客路難悠悠常傍人酒闌却憶十年事腸斷驪山清

路塵

將赴荆南寄別李劔州弟

使君高義驅今古寥落三年坐劔州但見文翁能化俗焉知李廣未封侯路經灩澦雙蓬鬢天入滄浪一釣舟戎馬相逢更何日春風回首仲宣樓

奉寄別馬巴州

勳業終歸馬伏波功曹非復漢蕭何扁舟繫纜沙邊久南國浮雲水上多獨把魚竿終遠去難隨鳥翼一相過知君未愛春湖色與在驪駒白玉珂

杜律

登樓

花近高樓傷客心萬方多難此登臨錦江春色來天地玉壘浮雲變古今北極朝廷終不改西山寇盜莫相侵可憐後主還祠廟日暮聊爲梁父吟

謂不辭親別
知必爲我果
也東湖主語
居或已州未
物耶
善叙事
謂光主廟中乃亦
有後主此亡國者
何足祠後使人思
賢父之恨而
已梁父吟亦與
主感也武侯以主

善叙事
以事並觀
故有下句

滕王亭子

君王臺榭枕巴山，萬丈丹梯尚可攀。
春日鶯啼脩竹裏，僊家犬吠白雲間。
清江碧石傷心麗，嫩蘂濃花滿目斑。
人到于今歌出牧，來遊此地不知還。

玉臺觀

中天積翠玉臺遙，上帝高居絳節朝。
途有馮夷來擊鼓，始知嬴女善吹簫。
江光隱見鼉鼉窟，石

杜律

勢參差烏雀橋，更有紅顏生羽翰。
便應黃髮老

樵漁

輸作去聲，今人以爲詩未必能用也。

奉待嚴大夫

殊方又喜故人來，重鎮還須濟世才。
常怪偏裨終日待，不知旌節隔年回。
欲辭巴徼啼鶯合，遠下荆門去鷁催。
身老時危思會面，一生襟抱向誰開。

奉寄高常侍

善叙事

汶上相逢年頗多，飛騰無那故人何。
總戎楚蜀應全未，方駕曹劉不啻過。
今日朝廷須汲黯，中原將帥憶廉頗。
天涯春色催遲暮，別後遙添錦水波。

奉寄章十侍御

淮海維揚一俊人，金章紫綬照青春。
指麾能事回天地，訓練強兵動鬼神。
湘西不得歸關羽，河內猶宜借寇恂。
朝覲從容問幽側，勿云江漢有

杜律

垂綸

將赴成都草堂塗中有作先寄嚴鄭公五首

得歸茅屋赴成都，真爲文翁再剖符。
但使閭閻還揖讓，敢論松菊久荒蕪。
魚知丙穴由來美，酒憶郫筒不用沽。
五馬舊曾諳小徑，幾回書札待潛夫。

處處清江帶白蘋，故園猶得見殘春。
雪山山后候

善叙事

無兵馬錦里逢迎有主人休怪兒童延俗客不
教驚鴨惱比鄰習池未覺風流盡況復荊州賞
更新

竹寒沙碧浣花溪橋刺藤梢咫尺迷過客徑須
愁出入居人不自解東西書籤藥裹封蛛網野
店山橋送馬蹄肯藉荒亭春草色先拚一飲醉
如泥

常苦沙崩損藥欄也從江檻落風湍新松恨不
杜律

高千尺惡竹應須斬萬竿生理祗憑黃閣老衰
顏欲付紫金丹三年奔走空皮骨信有人間行
路難

錦官城西生事微烏皮几在還思歸昔去爲憂
亂兵入今來已恐鄰人非側身天地更懷古回
首風塵甘息機共說總戎雲鳥陣不妨遊子菱
荷衣

院中晚晴懷西郭茅舍

善敘事
無陳言外

拱句

幕府秋風日夜清澹雲疎雨過高城葉心朱實
堪時落階面青苔元自生復有樓臺衝暮景不
勞鐘鼓報新晴浣花溪裏花饒笑肯信吾兼吏
隱名

宿府

拱句

上下沉著

清秋幕府井梧寒獨宿江城蠟炬殘未夜角聲
悲自語中天月色好誰看風塵荏苒音書絕關
塞蕭條行路難已忍伶俜十年事強移栖息一

杜律

枝安

至後

清空一氣
如話

冬至至後日初長遠在劔南思洛陽青袍白馬
有何意金谷銅駝非故鄉梅花欲開不自覺棣
萼一別未相望愁極本憑詩遣興詩成吟詠轉
淒涼

撥悶

聞道雲安麴米春纔傾一盞卽醺人乘舟取醉

子美七言律
每篇放諸此
又參差竹枝
之上三首皆
然

非難事下峽銷愁定幾巡長年三老遙憐汝換

柁開頭捷有神已辦青錢防顧直富令美味入

吾唇

十二月一日三首 吳微

今朝臘月春意動雲安縣前江可憐一聲何處

送書鴈百丈誰家上瀨船未將梅蘂驚愁眼更

取椒花媚遠天明光起草人所羨肺病幾時朝

日邊

杜律

寒輕市上山煙碧日滿樓前江霧黃負鹽出井

此溪女打鼓發船何郡郎新亭舉目風景切茂

陵著書消渴長春花不愁不爛熳楚客惟聽棹

相將 好語

即看燕子入山扉豈有黃鸝歷翠微短短桃花

臨水呀輕輕柳絮點人衣春來準擬開懷久老

去親知見面稀他日一杯難強進重嗟筋力故

山違

諸君不韻
其微微若第
二句已見至
階前鳴向人
甚矣

寄常微君

白水青山空復春微君晚節傍風塵楚妃堂上

色殊衆海鶴階前鳴向人萬事糾紛猶絕粒一

官羈絆實藏身開州入夏知涼冷不似雲安毒

熱新

題桃樹

小徑升堂舊不斜五株桃樹亦從遮高秋總餽

鄰人實來歲還舒滿眼花簾戶每宜通乳燕兒

杜律

童莫信打慈鴉寡妻羣盜非今日天下車書正

一家

崔評事弟許相迎不到應慮老夫見泥雨

怯出必愆佳期走筆戲簡

江閣邀賓許馬迎午時起坐自天明浮雲不負

青春色細雨何孤白帝城身過花間露濕好醉

於馬上往來輕虛疑皓首衝泥怯實少銀鞍傍

險行

峽中覽物

曾爲掾吏趨三輔憶在潼關詩興多
巫峽忽如瞻華嶽蜀江猶似見黃河
舟中得病移衾枕洞口經春長薜蘿
形勝有餘風土惡幾時回首一高歌

滌瀨

滌瀨既沒孤根深西來水多愁太陰
江天漠漠鳥雙去風雨時時龍一吟
舟人漁子歌回首估

杜律

二十六

客胡商淚滿襟寄語舟航惡年少
休翻鹽井橫

黃金

白帝

白帝城中雲出門白帝城下雨翻盆
高江急峽雷霆鬪古木蒼藤日月昏
戎馬不如歸馬逸千家今有百家存
哀哀寡婦誅求盡慟哭秋原何處村

七月一日題終明府水樓二首

果能

高棟層軒已自涼秋風此日灑衣裳
條然欲下陰山雪不去非無漢署香
絕壁過雲開錦繡珠松隔水奏笙簧
看君宜著王喬履真賜還疑出尚方

虞子彈琴邑宰日終軍弄繡英妙時
承家節操尚不泯爲政風流今在茲
可憐賓客盡傾蓋何處老翁來賦詩
楚江巫峽半雲雨清簾疎簾看弈棋
無一字不盡

杜律

二十七

黃草

黃草峽西船不歸赤甲山下行人稀
秦中驛使無消息蜀道兵戈有是非
萬里秋風吹錦水誰家別淚濕羅衣
莫愁劬閣終難據聞道松州已被圍

九日

重陽獨酌杯中酒抱病起登江上臺
竹葉於人既無分菊花從此不須開
殊方日落玄猿哭舊

撰句

國霜前白鴈來弟妹蕭條各何在干戈衰謝兩相催

登高

風急天高復嘯哀。清沙白鳥飛回無邊落木。蕭蕭下不盡。長江滾滾來。萬里悲秋常作客。百年多病獨登臺。艱難苦恨繁霜鬢。潦倒新亭濁酒杯。

諸將五首 多少蘊藉一唱三歎

杜律

二十八

漢朝陵墓對南山。胡虜千秋尚入關。昨日玉魚蒙葬地。早時金盃出人間。見愁汗馬西戎逼。曾閃朱旗北斗閑。多少材官守涇渭。將軍且莫破愁顏。

韓公本意築三城。擬絕天驕拔漢旌。豈謂盡煩回紇馬。翻然遠救朔方兵。胡來不覺潼關隘。龍起猶聞晉水清。獨使至尊憂社稷。諸君何以答升平。

五言全好
用諸論

洛陽宮殿化為烽。休道秦關百二重。滄海未全歸禹貢。薊門何處覓堯封。朝廷哀職誰爭補。天下軍儲自不供。稍喜臨邊王相國。肯銷金甲事春農。

回首扶桑銅柱標。冥冥氛祲未全銷。越裳翡翠無消息。南海明珠久寂寥。殊錫曾爲大司馬。總戎皆插侍中貂。炎風朔雪天王地。只在忠良翊聖朝。

杜律

二十九

錦江春色逐人來。巫峽清秋萬壑哀。正憶往時嚴僕射。共迎中使望鄉臺。主恩前後三持節。軍令分明數舉杯。西蜀地形天下險。安危須仗出羣材。

閣夜

歲暮陰陽催。短景天涯霜雪霽。寒宵五更鼓角聲。悲壯三峽星河影。動搖野哭千家聞戰伐。夷歌幾處起漁樵。臥龍躍馬終黃土。人事音書漫

撰句
兩句共見奇
麗若上句何
之與不詳詩
未易語此

寂寥

白帝城最高樓

城尖徑仄旌旆愁。獨立縹緲之飛樓。峽坼雲霾龍虎睡。江清日抱鼉鼉遊。扶桑西枝封斷石。弱水東影隨長流。杖藜歎世者。誰子泣血遡空回。

白頭

立春

春日春盤細生菜。忽憶兩京梅發時。盤出高門

杜律

行白玉菜。傳纖手送青絲。巫峽寒江那對眼。杜陵遠客不勝悲。此身未知歸定處。呼兒覓紙一

題詩

赤甲

卜居赤甲遷居新。兩見巫山楚水春。炙背可以獻天子。美芹由來知野人。荊州鄭薛寄書近。蜀客鄰岑非我鄰。笑接郎中評事飲。病從深酌道吾真。

一事兩句
不相屬

四語為止
了事

推德清舊
秘勝

蔡寬夫詩以子
美語為骨。落底心
杜猶樹花。其目亦
明為其體以家。
春風日。食黃
魚為伴。猶體以江
上。推家。推樹。推春
寒。知。而。出。球。為。為
新。句。雖。若。為。戲。然
不。害。其。格。力。也。

石燕神女廟
得奇佳詩字
校俗更好

愁

晏殊

江草日日喚愁生。巫峽泠泠非世情。盤渦驚浴底心性。獨樹花發自分明。十年戎馬暗南國。異域賓客老孤城。渭水秦山得見否。人今罷病虎縱橫。 自注：此戲為吳歌。

江雨有懷鄭典設

晏殊

春雨闇闇塞峽中。早晚來自楚王宮。亂波分披已打听。弱雲很籍不禁風。龍光蕙葉與多碧。點

杜律

注桃花舒小紅。谷口子真正憶汝。听高溪滑限

西東

雨不絕

晏殊

鳴雨既過漸細微。映空搖颺如絲飛。階前短草泥不亂。院裏長條風乍稀。舞石旋應將乳子。行雲莫自濕僊衣。眼邊江舸何忽促。未得安流逆浪歸。

畫夢

晏殊

二月饒睡昏然不獨夜短晝分眠。桃花氣暖。眼自醉春渚。日落夢相牽。故鄉門巷荆棘底中。原君臣豺虎邊安得務農息戰鬪。普天無吏橫索錢。

卽事 吳體

暮春三月巫峽長。晶晶行雲浮日光。雷聲忽送千峰雨。花氣渾如百和香。黃鶯過水翻回去。燕子銜泥濕不妨。飛閣捲簾圖畫裏。虛無只少對

桂律

瀟湘

暮春

臥病擁塞在峽中。瀟湘洞庭虛映空。楚天不斷四時雨。巫峽常吹萬里風。沙上草閣柳新暗。城邊野池蓮欲紅。暮春鴛鴦立洲渚。挾子翻飛還一叢。

季夏送鄉弟韶陪黃門從叔朝謁

令弟尚爲蒼水使。名家莫出杜陵人。比來相國

此詩雖神
亦通於山
許子美亦
公不爲名

兼安蜀歸赴朝廷已入秦。拾舟策馬論兵地。拖玉腰金報主身。莫度清秋吟蟋蟀。早聞黃閣畫麒麟。

返照

恨句

楚王宮北正黃昏。白帝城西過雨痕。返照入江翻石壁。歸雲擁樹失山村。衰年肺病惟高枕。絕塞愁時早閉門。不可久留豺虎亂。南方實有未招魂。語不輕易發。恨更多。

桂律

示獠奴阿段

山木蒼蒼落日曛。竹竿裊裊細泉分。郡人入夜爭餘瀝。穉子尋源獨不聞。病渴三更回白首。傳聲一注濕青雲。曾驚陶侃胡奴異。惟爾常穿虎豹羣。

見螢火

巫山秋夜螢火飛。簾疎巧入坐人衣。忽驚屋裏琴書冷。復亂簷前星宿稀。却繞井欄添箇箇。偶

清室一氣
如結

善叙事

本集二字下得
好兩句連精

經花榮弄輝輝滄江白髮愁看汝來歲如今歸未歸

簡吳郎司法

有客乘舸自忠州遣騎安置瀼西頭古堂本買藉疎豁借汝遷居停宴遊雲石熒熒高葉曉江風颯颯亂帆秋却為姻婭過逢地許坐曾軒數散愁

又呈吳郎

杜律

三十四

堂前撲棗任西鄰無食無見一婦人不為困窮寧有此祗緣恐懼轉須親即防遠客雖多事使插疎籬却甚真已訴徵求貧到骨正思戎馬淚盈巾

詠懷古跡五首

支離東北風塵際漂泊西南天地間三峽樓臺淹日月五溪衣服共雲山羯胡事主終無賴詞客哀時且未還庾信平生最蕭瑟暮年詩賦動

用議論

此兩句語甚堪笑辭詩皆若此實快活人

江關

搖落深知宋玉悲風流儒雅亦吾師悵望千秋一灑淚蕭條異代不同時江山故宅空文藻雲雨荒臺豈夢思最是楚宮俱泯滅舟人指點到今疑

異代即不同時今人便以為重不肖月事信得及

起得在否

杜律

三十五

中論

蜀主窺吳幸三峽崩年亦在永安宮翠華想象空山裏玉殿虛無野寺中古廟杉松巢水鶴歲時伏臘走村翁武侯祠屋長鄰近一體君臣祭祀同

諸葛大名垂宇宙宗臣遺像肅清高三分割據紆籌策萬古雲霄一羽毛伯仲之間見伊呂指揮若定失蕭曹運移漢祚終難復志決身殲軍

而論其氣

務勞

即事 晏殊

天畔羣山孤草亭江中風浪雨冥冥一雙白魚
不受釣三寸黃柑猶自青多病馬卿無日起窮
塗阮籍幾時醒未聞細柳散金甲腸斷秦川流
濁涇

秋興八首

八首極力振奮却自
悲涼不露感傷

八詩大體沉
雄富麗未傷

玉露凋傷楓樹林巫山巫峽氣蕭森江間波浪
杜律

三十六

無限意盡言
外故自不厭
小意數乃不
可拂拂耳

兼天湧塞上風雲接地陰叢菊兩開他日淚孤
舟一繫故園心寒衣處處催刀尺白帝城高急
暮砧

夔府孤城落日斜每依北斗望京華聽猿實下

此皆香爐推
此意悲語
亦大朴

三聲淚奉使虛隨八月槎畫省香爐遠伏枕山
樓粉堞隱悲笳請看石上藤蘿月已映洲前蘆

荻花

千家山郭靜朝暉日日江樓坐翠微信宿漁人

此詩無所
得也

還汎汎清秋燕子故飛飛匡衡抗疏功名薄劉
向傳經心事違同學少年多不賤五陵衣馬自
輕肥

聞道長安似弈碁百年世事不勝悲王侯第宅
皆新主文武衣冠異昔時直北關山金鼓振征
西車馬羽書遲魚龍寂寞秋江冷故國平居有
所思

蓬萊宮闕對南山承露金莖霄漢間西望瑤池
杜律

三十七

律句有如此日
覺難得

降王母東來紫氣滿函關雲移雉尾開宮扇日
繞龍鱗識聖顏一臥滄江驚歲晚幾回青瑣點
朝班

起便是

此句寫中司
之德懷故京之
思不覺遙遠乃
得見焉

瞿塘峽口曲江頭萬里風煙接素秋花萼夾城
通御氣芙蓉小苑入邊愁珠簾繡柱圍黃鶴錦
纜牙樯起白鷗回首可憐歌舞地秦中自古帝
王州

昆明池水漢時功武帝旌旗在眼中織女機絲

虛夜月石鯨鱗甲動秋風波漂菰米沈雲黑露
冷蓮房墜粉紅關塞極天惟鳥道江湖滿地一
漁翁

昆吾御宿自逶迤紫閣峰陰入羨陂香稻啄餘
鸚鵡粒碧梧棲老鳳凰枝佳人拾翠春相同優
侶同舟晚更移綠筆昔曾干氣象白頭吟望苦
低垂

覃山人隱居

杜律

南極老人自有星北山移文誰勒銘徵君已去
獨松菊哀壑無光留戶庭予見亂離不得已子
知出處必須輕高車駟馬帶傾覆悵望秋天虛
翠屏

柏學士茅屋

碧山學士焚銀魚白馬却走身岩居古人已用
三冬足年少今開萬卷餘晴雲滿戶圍輕蓋秋
水浮階澗決渠富貴必從勤苦得男兒須讀五

車書

送李八秘書赴杜相公墓

青簾白舫益州來巫峽秋濤天地回石出倒聽
楓葉下櫓搖背指菊花開貪趨相府今晨發恐
失佳期後命催南極一星朝北斗五雲多處是
三台

冬至

年年至日長爲客忽忽窮愁泥殺人江上形容

杜律

吾獨老天涯風俗自相親杖藜雪後臨丹壑鳴
玉朝來散紫宸心折此時無一寸路迷何處是
三秦

小至

天時人事日相催冬至陽生春又來刺繡五紋
添弱線吹葭六琯動浮灰所容待臘將舒柳山
意衝寒欲放梅雲物不殊鄉國異教兒且覆掌
中杯

妙在平別
真切

此君在如存
皆書札語

舍弟觀赴藍田取妻子到江陵寄三首

汝迎妻子達荊州消息真傳解我憂鴻鴈影來
連峽內鵲鴿飛急到沙頭曉關險路今虛遠禹
鑿寒江正穩流朱紱即當隨綵鷁青春不假報
黃牛

馬度秦山雪正深北來肌骨苦寒侵他鄉就我
生春色故國移居見客心歡劇提攜如意舞喜
多行坐白頭吟巡簷索共梅花笑冷藥疎枝半

林律

不禁

庾信羅含俱有宅春來秋去作誰家短牆若在
從殘草喬木如存可假花卜築應同蔣詡徑爲
園須種邵平瓜比年病酒開涓滴弟勸兄酬何
怨嗟

奉送蜀州柏二別駕將中丞命赴江陵起

居衛尚書太夫人因示從弟行軍司馬位

中丞問俗盡熊頻愛弟傳書綵鷁新遷轉五州

情宜一系
如話

宜遊迎春堂
弟能言

寫於此位

防禦使起居八座太夫人楚官臘送荆門水白
帝雲偷碧海春與報惠連詩不惜知吾斑鬢總
如銀

人日

此日此時人共得一談一笑俗相看樽前柏葉
休隨酒勝裏金花巧耐寒佩劒衝星聊暫拔匣
琴流水自須彈早春重引江湖興直道無憂行
路難

林律

送王十五判官扶侍還黔中得開字

大家東征逐子回風生洲渚錦帆開青青竹竿
迎船出白白江魚入饌來離別不堪無限意艱
危須仗濟時才黔陽信使應稀少莫怪頻頻勸
酒杯

宇文晁尚書之甥崔曠司業之孫尚書之
子重汎鄭監前湖

郊扉俗遠長幽寂野水春來更接連錦席淹留

退出浦葛巾欹側未迴船樽當霞綺輕初散棹
拂荷珠碎却圓不但習池歸酩酊君看鄭谷去
黃緣

多病執熱奉懷李尚書

衰年正苦病侵陵首夏何須氣鬱蒸大水淼茫
炎海接奇峰碑兀火雲升思霑道暘黃梅雨敢
望宮恩玉井冰不是尚書期不顧山陰野雪興
難乘

杜律

四十二

江陵節度使陽城郡王新樓成王請嚴侍
御判官賦七字句同作

樓上炎天冰雪生高飛燕雀賀新成碧窓宿霧
濛濛濕朱栱浮雲細細輕杖鉞寒帷瞻具美投
壺散帙有餘清自公多暇延參佐江漢風流萬
古情

又作此奉衛王

西北樓成雄楚都遠開山岳散江湖二儀清濁

近人集
此詩小注

還高下三伏炎蒸定有無推轂幾年惟鎮靜
裾終日盛文儒白頭授簡焉能賦魂似相如爲
大夫

見王監兵馬使說近山有白黑二鷹羅者
久取竟未能得王以毛骨有異他鷹恐臘
後春生鸞飛避暖勁翮思秋之甚眇不可
見請余賦詩二首

雲飛玉立盡清秋不惜奇毛恣遠遊在野只教

杜律

四十三

心力破于人何事網羅求一生自獵知無敵百
中爭能恥下驥鵬鵬九天須却避免經三窟莫
深憂

黑鷹不省人間有渡海疑從北極來正翮搏風
超紫塞玄冬幾夜宿陽臺盧羅自覺虛施巧春
鴈同歸必見倩萬里寒空祗一日金眸玉爪不
凡材

夜

棋句

語各珍重

樓臺

露下天高秋氣清空山獨夜旅魂驚疎燈自照
孤帆宿新月猶懸雙杵鳴南菊再逢人臥病北
書不至鴈無情步簷倚杖看牛斗銀漢遙應接
鳳城

公安送韋二少府匡贊

逍遙公後世多賢送爾維舟惜此筵念我能書
數字至將詩不必萬人傳時危兵甲黃塵裏日
短江湖白髮前古往今來皆涕淚斷腸分手各

律律

風煙

留別公安太易沙門

隱居欲就廬山遠麗藻初逢休上人數問舟航
留製作長開篋筭擬心神沙村白雪仍含凍江
縣紅梅已放春先踏爐峰置蘭若徐飛錫杖出
風塵

曉發公安數月憩息此縣

北城擊柝復欲罷東方明星亦不遲鄰雞野哭

公自注斗魁
下兩相比
為三台但語
曰城南李杜
去天尺五

寫得真事
不用雕琢

起得健

說事轉暢

如昨日物色生態能幾時舟楫渺然自此去江
湖遠適無前期出門轉眄已陳迹藥餌扶吾隨
所之

贈韋七贊善

鄉里衣冠不乏賢杜陵韋曲未央前爾家最近
魁三象時論同歸尺五天北走關山開雨雪南
遊花柳塞風煙洞庭春色悲公子蝦菜忘歸范
蠡船

律律

小寒食舟中作

佳辰強飲食猶寒隱几蕭條戴鶻冠春水船如
天上坐老年花似霧中看娟娟戲蝶過閒幔片
片輕鷗下急湍雲白山青萬餘里愁看直北是
長安

長沙送李十一衡

與子避地西康州洞庭相逢十二秋遠颺尚方
曾賜履竟非吾土倦登樓久存膠漆應難並一

自引李杜
亦楚

辱泥塗途晚收李杜齊名真添竊朔雲寒菊倍
離憂

燕子來舟中作

即物寫心
不著詩家

湖南爲客動經春。燕子啣泥兩度新。舊入故園
嘗識主。如今社日遠看人。可憐處處巢居室。何
異飄飄託此身。暫語船檣還起去。穿花度水益
霑巾。

酬郭十五判官受

律律

四十六

才微歲晚尚虛名。卧病江湖春復生。藥裏關心
詩總廢。花枝照眼句還成。只同燕石能星隕。自
得隋珠覺夜明。喬口橘洲風浪促。繫帆何惜片
時程。

遣悶戲呈路十九曹長

棋句

江浦雷聲喧昨夜。春城雨色動微寒。黃鸝並坐
交愁濕。白鷺羣飛大劇乾。晚節漸於詩律細。誰
家數去酒杯寬。唯君最愛清狂客。百過相過意

未闌

暮歸

吳體

古樂府少
及

霜黃碧梧白鶴栖。城上擊柝復烏啼。客子入門
月皎皎。誰家搗練風淒淒。南渡桂水闕舟楫。北
歸秦川多鼓鞀。年過半百不稱意。明日看雲還
杖藜。

先生服膺子美直。謫所得與相印診蓋已達
窾中微。乃若子美七言古今宗匠。昔人有謂
律律

四十七

之聖矣。白陸之暇。誰能指之大都無古人之
瞻識。而欲尚友古人。正自難耳。如其真與
樂安在。以佞爲恭。自有此評。而後進於今。知
兩趣舍矣。子美而有知者。能無點首。先生而
前在宋。唯劉須溪時寄此意。是用取先生所
平報於南雍者。更付之梓。而索書劉樂以附。

烏程閻春叔識



韓文杜律二卷

內府藏本

明郭正域編正域有批點考工記已著錄是編選錄韓愈文一卷杜甫七言律詩一卷各爲之評點大抵明末猖狂之論如謂佛骨表不知佛理之類多不足與辨所評杜詩欲矯七子摹擬之弊遂動以肥濁爲詬病是公安之驟乘而竟陵之先鞭也

頻陽集四卷

〔明〕劉兌編

南京圖書館藏明萬曆四十二年刻本

附《四庫全書總目·頻陽四先生集四卷》提要

頻陽四先生集序
頻陽令劉君景澤甫政成之暇爰
稽鷄菴張公石疊李公斛山楊公
暨今立山孫公之文若詩選且彙
焉付之剞劂既成褰乃文學杜君
子謙甫持而過余山居問序余誦
之輒慙然嘆曰休哉茲表先風後
之典也劉君蓋有當於心矣豈徒
詩文之選云往余旁攷載籍見學
士家譚說古今文詞率謂六經後
有史記三百篇後有杜詩則文當
學馬詩當學杜固矣乃論者且謂
太史公識不逮理而宗杜者亦唯
取其忠憤憂國之心恒見諸辭焉

殆有味乎其言之也何也辭以盡
言氣節為衛言以盡意理義為宗
而忠愛者固其本也假令忠不至
則義不立義不立則節不著節不
著則氣不克即詞邁注哲紙貴洛
中其於

國運風化奚裨哉余嘗聞之谿田馬

先生稱說

國朝名臣獨頻陽有三賢輒惓然仲
惓然思焉其謂鸚鵡庵公文質彬彬
求仁得仁斛山公匪躬寥寥節不
可奪揆之事實誠當也第謂石疊
公為才兼文武而於劾罷中丞奏
禁權璫事似尚未盡白焉竊嘗論

在公墓表中矣無何乃見立山公
者力却當路之請不樹巨闥之坊
則又羨其屹然獨立有三賢之風
云於乎精忠勁節正氣讓猷均足
砥狂瀾而翊

國運非淺鮮也今讀其文若詩其哭

哭忠憤之心儼然令人生氣頗可

但以文詞視邪即此弭于人曰頻

陽有四賢信矣後有聞風而興者

又孰不曰四賢垂範之功大也然

則劉君梓集之意謂不在斯哉謂

不在斯哉

萬曆甲申仲冬之望渭上陽谷山

人南軒書

張陽四先生履歷

張統字昭季，潯陽富平人。洪武初舉經明行

爲京兆教授，遷東宮侍正，歷通政司左叅議，通

政使十四年。天兵下雲南，改布政司，右叅議尋

右布政使，遷左布政使，在雲南最久。有凡建置

皆所裁定，民大悅。二十四年入覲，課最天下

第一，遂進超吏部尚書。靖難師至，酌不入口，自

經于吏部堂後，平生著作甚富，因遭大難，遺稿

不存。集中刻者，特傳自雲南之一、二云。

類稿

卷之一

前

一

李宗樞字子西，潯石疊富平人。嘉靖癸未舉進士

授諸城令，以治績拜御史，攬轡上谷，言邊務十

事，歷官河南藩臬，皆有政聲。會虜寇河汾，大宰

科道交章可大任，才皆首列，尋以按察使晉巡

撫河南，右僉都御史，扼要禁奢侈，盡便宜中

州，若裨席然。會病卒，不竟所施。所著有石疊集

茲刻未盡

楊爵字伯脩，潯斛山富平人。嘉靖乙丑舉進士，授

行人，選御史，疏五事，上陳繫獄七年，值火災

世廟念爵忠，赦之。

穆廟改元，贈光祿寺少卿，廕

孫恒，今官上林監正。平生居官，居家一介不苟

取，與執喪廬墓尤出至誠。君子以爲忠孝全節

云。所著有周易辯解中，屬解斛山遺稿，今刻特

其畧

孫丕揚字

潯立山富平人。嘉靖丙辰舉進士

功授行人，選御史，承命巡關，建議皆宗社大計

按順天，按江北，兩畿居憂中六年。所糾劾皆一

時不敢言者，尋遷大理寺丞，累遷撫真定等處

類稿

卷之一

前

一

右僉都御史，功陞右副都御史，食二品俸，開府

四年。外威內懷，畿輔之民戴如父母，且力却當

路，請不爲巨闕，書街樹坊，有中流砥柱，稱家居

數年，著作稱富以公崇尚謙德，不欲經茲刻，僅

拾自門人之私錄者

頤陽集卷之一

新安景澤甫劉 允選

米脂子謙甫杜 本益校

郛縣宗伊甫程 希洛輯

慰人心以隆治道疏

楊爵

臣惟人主一身萬化本原履至尊之位膺艱大之責用人行政是非得失方在幾微而關於民心之向背天命之去留即甚可畏也是以聖帝明王深察乎此制治於未亂保邦於未危事無

頤陽集

卷之一

微而不謹時無暫而不懼為大於其細而國難於其易然後天人交與而可以延國祚於永久矣方今天下大勢如人衰病之極內而腹心外而百骸莫不受病即欲拯之無措手之地以臣觀之其危亂之形將成目前之憂甚大也大抵因仍苟且兵戎廢弛奢侈妄費公私困竭奔競成俗賄賂通行遇災變而不憂非祥瑞而稱賀謔語面諛公肆欺罔士風民俗於以大壞而國之所恃以為國者掃地盡矣勝危亂而反之治

安此在

陛下所以轉移率勵之者何如耳況常朝

覲大比之期百司多士濟濟來趨延頸思化人人切

仰極重不可反幾失則難濟伏願

陛下汲汲於此時留心焉以為善後之圖也臣以病

居林下者八九年誤蒙

聖恩賜之起用擢以耳目之官任以糾劾之責受

命以來晝夜耿耿每思

國事日非而臣於

頤陽集

卷之一

國恩有未報至於痛心流涕者有之臣請畧舉目

前之所見其大要足以失人心而致危亂以貽

聖心之憂者為

陛下告誠不悉默默保位以上負

陛下之私恩下負生平之所學也伏願

聖明垂聽為臣竊惟天下之患莫大於以危為安以

苟為利實則可憂而以為大可樂法家拂上日

益遠而快意肆情之事無敢有齟齬於其間積

弊而至於盡則不可得而救矣此實天下之大

患也往年夏末入秋恒陽不雨畿輔千里已無
秋禾既又立冬無雪暖氣如春元旦僅雪即止
民失所望洵洵無聊憂旱之切遠近所同此正
陛下微樂減膳率臣下以祈惠寧之時也而在

廷之臣如太學士夏言數人者乃以爲靈瑞而稱頌
之其欺天罔人不亦甚乎其不幾於安危利藹
而以大可憂者爲樂耶孔子告顏淵爲邦在遠
佞人若是而謂之佞人者非耶大臣之職輔君
當道志於仁而先天下以爲憂者也無忠亮體
國之心而居人臣之極位所謂小人而乘君子
之器也歟天下之治安可得耶又如翊國公郭
勛者中外皆知其爲天下之大惡

朝廷之大蠹也勛之舉動踪跡豈能逃於

聖鑒維

陛下盛德優容不忍即罪

神謀遠慮自有所處臣愚以爲奸不可近惡不可長
若止之於微遏之於漸則

朝廷優禮人臣之體貌未失而勳戚之餘裔亦得

類陽集

卷之一

三

四

類陽集

卷之一

四

五

以保全而善終也或使惡孽潛干政柄則
群狡趨赴善類建處其爲天下國家之禍日益
深矣治道去其太甚者此其爲害治之人之甚
所當急去而不可緩也凡此任用用人足以失
人心而致危亂者一也天生斯民立之司牧君
人者奉天以安民而使之各得其所也民不得
所則其心不能無怨民心怨則天意可知矣古
者民勤於食則百作廢今民勤食不可得而至
於離散離散無所歸而至於死亡臣近巡視南
城兩月中凍餓死者八十人此一南城一郭耳
其計五城未知有幾目所不及見而在於千萬
里之遠者又未知其有幾孰非

陛下之赤子也而顛連無告委命溝壑蓋望一豆羹

蔬食以延須臾之生而不可得也此正

陛下愛民惜財與天下休息之時也而土木之功十
年於此矣而尚未止工部屬官添設者至數十
員又差部臣遠備雷壇以一方士之故浚民膏
血而不知恤則民何以得其所哉民惟耶本本

國窮民之力盡民之財是自發
而國何以爲國乎昔漢文帝惜百金之費
一臺以海內富庶隋氏以盛傾宮室而至於
國傾

以爲鑒成則宇內生靈之慶也況今北虜跳梁
內寇煽惑警報日聞加以頻年災沴上下一空
百計取之愈爲不足而興作未已以結怨於天
下此其足以失人心而致危亂者二也唐虞二
代之立君臣每以勤敬之道交相警成其見於
經傳者如堯舜兢兢業業無怠無荒而惜寸陰
湯坐以待旦文王日不暇食武王以敬而勝怠
故能壽躋耄期治隆熙泰是數聖人所以崇德
益壽善政和民之道不外乎敬與勤而已矣曰
公召公之相成王也周公則以逸而戒之召公
則以敬而勉之蓋敬逸之間身之脩否政之理
亂所由分此固周召忠若總綱之心也
陛下即位之初勵精有焉不逞寧虞皆以敬一歲須
示天下其於堯舜二王之道蓋已一得之矣

年以來因

聖體違和

朝儀間闕

經筵未講大小臣庶

朝參謝辭未得一親

聖容敷奏復遂未得一聆

天語若是者今已久矣夫

天位者艱難之器非遠樂之具也

陛下

身

卷之一

六

天地百神賴以享六軍萬民賴以安一日二日有萬

幾之繁近聞

聖躬調順大獲福履中外臣民罔不歡慶況以春氣

漸和人思新化庶官入

覲雖雖肅肅來自萬里之遠者執不欲鞠躬垂委北

面舞蹈望

龍顏以慰快親之心乎易曰聖人作而萬物覩正今

日之事也若未得瞻於咫尺

天顏之下以仰育乎顯若之敬臣恐人心日益怠惰

中外日益渙散非隆古君臣同寅協恭以臻太平之氣象也此其足以失人心而致危亂者三也執左道以惑衆聖王所必誅而不宥者也今異言異服列下

庭苑金紫赤綬賞及於方外之士臣不意

陛下睿哲先物明見萬里而所爲一至於此夫保傅

之職坐而論道古人謂官不必備惟其人故非

道隆德盛極天下之選者不足以任此責今舉

而畀諸迂怪之徒輕之若泥品之末則名器之

濫至此極矣且

陛下以天縱之聖資爲

上天之元子若遠宗帝王之道近守

祖宗之法細旃廣廈之下與公卿賢士講論治道則

心正身脩與天地合其德與日月合其明和氣

致祥罔有天災而山川鬼神莫不寧矣安用假

此妖誕邪妄之術列諸法禁之地而藉之以爲

聖躬之福耶甚非

聖天子所以崇正遠邪平平蕩蕩奉三無私以化天

下之道也臣恐風聲所及人起異謀豪傑之士聞而解體貽四方之笑取百世之譏於

聖德國政所損不細此其足以失人心而致危亂者

四也古人有言君聖則臣直

陛下臨御之初延訪忠謀虛懷納諫其於狂直敢言

之士往往矜宥故一時臣工恃

陛下之能容敢以直言冒干

天聽言過激切而獲罪亦多有之自此以來臣下懷

危慮禍未聞敢有犯顏直諫而爲匡救逆心之

論者昔人論求言之益以爲勉強以聽不若悅

而從之悅而從之不若道之使言蓋人臣持祿

保位者多而忘身以徇國者少雖識見有明暗

言論有得失在

陛下明日達聰鑒別取舍於黜陟賞罰付之公論則

可矣若震之以

天威加之以危禍如往年大僕卿楊最者言出而身

即死近日翰林院左贊善兼脩撰羅洪先等皆

以言罷斥此於

國體治道所損甚多伏願

聖明少致思焉成湯大聖人也仲虺稱其改過不吝

從諫弗咈高宗有商之金主也傳說告以木從

緣則正后從諫則聖以二君作聖之功為萬古

人主之龜鑑也臣非區區為一楊最等惜也但

歷觀古今以來有天下國家者未有不以任諫

為興以拒諫而亡者也今而後惟有素懷忠義

之者非虛心任進甘退固亦必深自悔箴

為懷身計矣孰敢發口以論天下之事哉臣恐

類陽集

卷之一

九

忠蓋杜口則讒諛交進上德不能下達下情不

能上通安危休戚無由以見而堂陛之近即遠

於萬里矣此其足以失人心而致危亂者五也

凡此數者關於天下之治亂

國勢之安危貽

聖心之憂誠未已也伏望

皇上念

祖宗創業之艱難思今日守成為不易察臣忠悃

覽臣所陳賜之施行戒飭夏言修為忠貞之道以報

國家崇碩禮遇之恩於耶勛則豫有以裁抑而保

金之止土木之功開諫諍之路屏邪妄之術

陛下仍以慎獨養天德以天德達王道以慰人心以

祈

天祐則莊敬日強而眉壽永於千億虛靈照物而忠

邪莫可遁逃其為

宗廟社稷萬萬年無疆之福

聖子神孫萬萬年無疆之規者端在此矣臣不勝戰

慄懇切之至

類陽集

卷之一

十

陳言邊務疏

李宗樞

竊惟先王之世守在四夷而制馭之方嚴乎內

治故猾夏之典徂征之謀唐虞以來未之有改

也今夫宣府大同二鎮近屏

畿甸遠控胡疆在西北諸邊尤為切要而防禦之

道固有不可忽焉者矣嘗莊誦我

聖祖之訓曰胡戎與西北邊境互相密邇累世爭戰

必選將練兵時謹備之欽此

聖慮宏淵

神謀睿鑑誠萬世安攘之良策也夫何承平已久邊

備日弛考諸未冒漸渝

初制然弛而不振文武弗為變則必通堯舜之治

恭惟

聖人御極百制維新世登大順其於團營將士尤

特加選練既

勅大臣以提督又

勅科道以糾察蓋將自內及外自近及遠而諸邊將

士一何幸也於此仰見我

皇上安不忘危

心不自聖其與

聖祖之訓

先聖

後聖同一揆矣臣奉

命巡按隆慶州并宣大等處地方頗力微任重夙夜

憂惶周爰咨諏歲且更始閱邊備而思重臣之

遣驗邊臣而思考察之嚴校邊軍而思簡汰之

舉察邊防而思敬順之增繕邊餉而思本色之

慮慮邊儲而思屯政之脩歷邊地而思官軍之

改詢邊患而思所治之設飭邊鎮而思充發之

移教邊弊而思買功之禁遂釐十條自忘愚陋

復味萬死上請

聖明伏望

皇上俯垂

天鑒倘蕩寬之語

大聖不遺而封菲之微薄言下采誠邊方之福天下

之幸臣愚之大願也臣無任隕越待罪之至

類陽集

卷之一

○

遣重臣以脩邊備臣聞履霜馴致夫堅冰之

至桑土資撤于未雨之初而先事之防未發

之禁古之人恒汲汲也今夫四夷之患莫甚

于西北而西北諸邊莫弱於偏頭三關莫要

於宣大兩鎮三關之患在人其弊也離兩鎮

之患在已其弊也廢何武屬門寧武稍近腹

裏而偏頭一關孤懸極邊該鎮馬步官軍不

過一萬有奇而復分布各該城堡雖有山西

民壯可以助守而不可以臨敵雖有遊兵一

枝可以禦寡而不可以拒衆每遇遠賊或駐
青山子或駐暖泉峪或由葭麥黃甫諸川或
由平虜并朔而下必西請兵于延綏相去八
百餘里東請兵于大同相去七百餘里然虜
不又留兵難猝至抑且各鎮外相顧顧內分
彼此雖應援赴救例不敢違而觀望遲延緩
不及事是以往往地方被掠官軍失利益分
殊力敵人心之離其勢使之也天下之兵言
精者必曰邊兵言邊兵必曰宣大臣未見之
猶夫言也既見之猶夫兵也臣皆巡歷兩鎮
見其紀律漸疎多因循以延日彌令漸縱每
姑息以取容又重之以烽候不嚴要害不固
器械不利訓練不實名雖出兵實則送虜名
雖按伏實則耗糧若此之類不能悉舉蓋法
久弊生兵事之廢其時使之也幸無大警猶
兩支持萬一虜衆大舉深入以無備之地不
振之兵欲阻其莫遏之勢是則可憂也然
明主危治世而勅時幾大預防而圖不見必

命夫臣以總制之尤隆以重職假以重權職重則人
自服權重則令易行而離者可使之合廢者
可使之興矣伏乞
勅下吏兵二部議擬於文職大臣之中推其素知邊
事一員查照近年文責孟鳳馮清等事例請
勅一道總制大同宣府山西偏頭等三關及陝西延
綏地方凡軍馬錢糧邊防賞罰俱聽隨宜處
置應具奏者奏
請定奪如三關有警則調遣應援分布設令不出於
多門兵如集于一鎮仍親歷各邊通閱兵馬
相稅籌畫因勢變通弛張因革務俾邊鎮協
恭武備畢舉虜營遠遁朔土惟康益隆
聖神之治永延
宗社之休此今日第一急務也
一嚴考察以慎邊臣聞將者國之輔人之司
命三軍與之俱治與之俱亂者也蓋關外之
寄任之責專而丈人之吉用之貴審故曰置
將不可不察也方今諸邊將領臣不敢謂其

皆不賢亦不敢謂其皆賢而武備之不備兵
氣之不揚未必非斯人之責也夫何積習相
沿因循日遠以奔競為謀以誦說為賢以便
佞為才以顧忌為智以飭貌為勇人之視之
亦以此為優劣抑且患失者百計以固其位
患得者多方以竊其爵憂深於安攘而志切
於士卒者未之聞也然非考察精選振作而
一新之則愈趨愈下彼之得失不足恤而軍
旅之死生疆場之得喪

國家之安危可慮也伏乞

勅下兵部議擬會同都察院通將各邊將領自總兵
以至副參遊擊嚴加考察稽其素履考其成
功驗其心跡酌其才能應存應去應調應改
俱奏

請定奪仍著為定例五年一次舉行則倖位者速脩
職者勸而激勵奮發之下必有忠貞武毅之
才矣

一舉簡汰以精邊軍臣聞天子無皆勇之將而

將軍無皆勇之士蓋強禁之等固不可以徒
同而變通之方亦不容以終異臣觀兩鎮之
兵宣府鎮原額旗軍一十二萬一千一百一
十八名見在七萬四千三百四名大同鎮原
額旗軍五萬三千八百二十一名見在四萬
九千二百六十五名以數計之不為少矣有
奇兵有遊兵有援兵以

制觀之不善矣然而緩急莫濟者豈徒兵之罪
哉蓋簡汰不行無以別其材力之強弱技藝
之能否而致之用為耳伏乞

勅下兵部議擬行各該巡撫都御史會同鎮總等官
每歲仲冬倣問久教大閱之期會集諸軍嚴
加試驗如胡寅所謂簡汰其疲老病弱升擢
其壯健驍勇在鎮城則先儘奇遊三營次及
前後二營在各路則先儘前哨次及各哨如
年力精強技藝便熟是謂上兵收之以為先
鋒年力雖強技藝未熟是謂次兵收之以為
後選年力不堪技藝無能是謂下兵置之守

成以供雜役上者食糧一石五斗次者一石
下者五斗米歲再舉因其進退而升降之則
在上者思受知報効之志在下者思慕奮
發之勇由是而嚴其教訓查照弘治九年兵
部尚書馬文升題

准事訓練選十分諳曉馬步刀法者每營二名各千
軍人學習通曉以一教十以十教百以百教
千以至五兵之內莫不皆然仍使之辨其旗
物一其心志習攻取進退之節陳威儀貴賤
之等少長有禮疾徐有節其大閱之際仍查
照洪武六年事例騎卒步兵試驗技藝各該
都指揮指揮千百戶總小旗俱以軍士之中
否為賞罰將見兵無不精以之伐敵懷服保
大定功協于師貞何往不利但因循者以守
舊為良顧忌者以事重為慮殆未之思耳昔
趙雄嘗謂造士之初舉口雖一惟不惑乃能集
事又臣犬馬之私望于

聖明者也

一增墩墩以便邊防墩墩之利遠瞭望以知出
沒時傳報以便禦守出戰拒敵固勢之所不
能也宜府一鎮沿邊墩臺相去甚近聲呼可
以相聞警報易於速達又加以山路阻障城
堡絡繹通賊之徒各有定所防守固難矣大
同則延袤曠闊地勢平漫至于天漠有大邊
有二邊二邊去鎮城九十里大邊又去二邊
九十里然大邊足以知大舉之來二邊足以
報竊入之虞重邊之慮亦周矣奈何墩臺
相去甚遠是稀疎或二十里或十有餘里方接
一墩瞭望不及砲火難傳是以墩臺每為攻
毀墩軍被其虜殺警報不明出沒不知官軍
難於應援居人行旅莫知趨避或入寇之時
不敢舉放砲火既出之後方纔補添攻毀墩
臺不敢脩築以致年復一年墩臺益少備禦
益難每聞大邊守哨官軍私帶針線耳墜梳
篦等物與賊賈賣擬法固為難容原情實不
獲已蓋彼孤懸漠外日與賊鄰傳報既難應

援實難情奪于畏懼而勢難于支持
以望高巡哨失於飛報以致隔城損軍
境虜掠重則坐斬猶在秋後次則充軍尚可
生還而攻毀墩臺死在瞬息輕重緩急已較
然也置之必死之地而禁其竊生之具繩以
莫犯之法非惟彼不能堪而易於故違在我
已先失其處之之道矣伏乞

勅下兵部議擬行該鎮鎮巡等官哨探賊營遠去

兵部集

卷之一

九

息稍寧之時會調各營各路之兵起借夫役
分土立限凡大邊二邊墩臺疎疎之處相其
地勢一一添補舊墩壞者即為脩葺仍於南
北添築傳接砲火墩臺直抵鎮城每墩以七
人或十人守之本鎮軍或不足即以河南山
西備禦之軍與本鎮相兼守哨仍督令各墩
置備器械及佛朗機等項砲石如一墩被攻
兩墩夾打彼此相衛墩臺可以無失砲火飛
傳應援可以猝至仍行各官并將通賊之路
亦因其形勢剷削挑濬或為拒馬深溝或為

品字大窖如平地可為止息者暗藏地雷地
砲之機險處可為計勝者陰置窩弓伏弩之
巧各方設險處處有備庶幾遠勝足以知其
備至設備足以拒其驟入人畜易于趨避
車便丁應援矣

一處本色以裕邊餉昔孔子論足食足兵於不
得已也必去兵以存食是食有重于兵者以
今宜大兩論之

兵部集

卷之一

辛

國帑之制每軍月給糧一石後以其不繼也每歲
本色折色各居其半又以其不繼也每歲一
二月支給本色餘皆折色折色之價少則六
錢多則六錢伍分雖稍有本色之積俱備按
次之用而月糧不與焉夫以邊鎮之軍征戰
無時調遣靡定餘丁在族者尚支持於少賴
匹夫應役者實困苦於無聊終歲所仰在於
月糧每月所得止于若此以尋常市價斗米
銀錢計之多者僅能易米六斗五升是三食
而吳其一也况乎歲多凶歉價每沸騰所失

又可知矣。糧既不足，更無商賈之業，兼有俯仰之累，身迫于饑寒，而情牽于家室，如之何？不沮抑其圖報之心，而消索其勇敢之氣也。夫民衣食足而後知禮義，至于軍乃歎其衣食而責其忠，豈情也哉？臣以為欲遏儲本色之克，不獨在于發京運之銀，開監引之中，時屯種之微，權輸粟之例，而民糧不處本色，不復終莫之能濟也。已今之論者，必曰：「貧矣，析色猶難矣。」然據外以安內，養軍以衛民，勢有緩急，分有輕重，昔也如何，而可行今也如何，而難復，不可以不深長思也。伏乞

類陽集

卷之一

主

勅下戶部議擬九山、西、河南、山東應派宣大二鎮稅糧省分各請

勅一道責令各該布政司、右布政使一員專理，分派糧稅，不得假手書吏。每歲預防各屬州縣地方有無災傷，年歲有無豐歉，戶口有無增減，別其等則，酌其多寡，務將邊糧俱派上則上門人戶，各該巡撫、都御史預將本鎮米價開

送戶部轉送各省，坐派價值，務足邊鎮一石之數。其徵完解起之際，布政司總部等官查照先年舊例，親詣各邊督併交納。各該巡撫、都御史仍會同總理糧儲郎中分派，城堡酌議時估，如糧銀符市井之價，大戶無添信之苦，則悉令其易本色。以上倉各軍每月支給本色糧米一石，時或米價大貴，雜買不堪，則即以原派價值或給散官軍，或收候召買。那移見在倉糧支給，則廩有餘，儲兵無艱食，而效死之忠不作于戴

類陽集

卷之一

主

恩之下者，未之有也。

一脩屯政以輔邊儲。昔漢臣趙充國謂屯田內有亡費之利，外有守禦之備。古今良法，莫有過焉者也。

國家之制大率以衛所軍士三分守城，七分屯種於守禦之中，而得耕穫之利，且耕且守，足食足兵，法固善矣。但遵行之久，則有不盡然者。如萬全都司并所屬屯田共一萬九千六百

五頃七斗二畝六分一釐一忽半一千一百二十八隻山西行都司并所屬屯田共一萬一百一十八頃二十畝五分五釐牛一萬七千八百一十五隻牛隻歲報俱是虛名屯地日荒半為曠土何則膏腴之地失業者率權豪勢要之歸姦貪之輩私鬻者多水坍沙壓之詐或換陵移址公然抵盜或有糧無地平白已陪考其而籍多夙弊而難憑究其界限指他地而妄報固非一朝一夕之故也又加以邊方之軍與腹裏不同蓋腹裏之軍征戰之時少安逸之日多是故得以盡力耕耘兼資守禦而邊方之軍將令一呼軍旅畢集使其遇砲火傳報之警待田畝耘耨之夫舍耒耜而稱干戈非惟時有所不逮而勢亦有所不能也是以歷年以來軍不暇耕也多派餘丁舍餘計一人給其一分又以力不能供也分派餘丁舍餘每二人共其一分間有一二猶在正軍者本軍歲支月糧十三石止納也

糧六石更無別差晏然閑散以在官十二石之糧而易糧六石占軍一名此臣之所未喻也蓋國家之制籍此以資糧非緣此以病軍也失今不為之料理則弊日益深田日益蕪而將來為力益難矣伏乞勅下該部議擬查照弘治年間差員外何文縉清查事例選差風力部屬一員請勅一道前詣宣大二鎮會同各該巡撫都御史并總理糧儲郎中管屯倉事等官先將屯地追完簿籍詢訪知識之人逐一清查丈量除在豪者悉皆追奪盜賣抵換者悉皆改正照例叅問及見在者查照分撥外中間如有水坍沙壓是實及山坡石澗不堪耕種者大同則查納牛具銀兩新開熟地宣府則查公務驛傳團種等項熟地擇其肥饒者而補給之查補明白除去正軍悉選殷實餘丁舍餘計名分撥每人給以由帖一紙明開四至條段令

其收斂或力貧身故更代之日即以此帖告
官轉給仍備造冊籍

奏繳其撫按即中僉事等官以至都司衛所各衙
門各收一本以備參考戶部于年終仍將各
鎮完過屯糧分數別其等第奏

請將巡撫即中僉事等官完者量行勞獎欠者量行
罰治倘兩鎮清查有益通行各邊各省一體
施行則夙弊可清姦人知警因地之利足兵
之食其為利也博矣

類編

卷之十一

十五

一政官軍以墾邊地查訪得宣府鎮順聖川東
西二城先於天順年間設立馬房牧養

御馬後以不便罷革該巡撫葉都御史

奏將前地分給牧馬各軍屯種每名六十畝歲納

細糧三石草七束五分弘治年間議將各軍

掣回宣府鎮城操備遂於各衛所摘撥舍餘

餘丁赴彼種地納糧每月食糧一石名為團

種之軍以其無統也乃編立司伍設把總管

隊官負以率之每城又設守備一員以統之

但管隊把總等官俱於蔚州懷來宣府前左

等衛選補更替彼往此來官無常職迎新送

舊軍無定志又加以文卷無印信之可據田

糧無冊籍之可稽剝削于下侵盜于公糧無

完歲訟無虛日弊用是作而姦由此起矣以

其糧之難徵也各該官負每放各軍月支糧

內扣除二斗七升五合以補應徵糧草各軍

每月實支糧七斗二升五合夫以庶民之家

分田于衆尚取歲租以供養况前項地皆平

類編

卷之十一

十五

曠土頗肥饒每軍分撥六十畝利亦廣矣歲

止納細糧三石草七束五分較之屯田賦亦

薄矣猶且扣官糧以納官而彼每歲尚食糧

八石六斗九升豈惟法失其宜是並其耕守

之初意亡之矣臣查得各衛俱五所惟蔚州

一衛官軍獨多分為八所團種地內間有餘

丁耕者俱無月糧亦能辦納而團種各軍族

內餘丁頗多是官有剩負耕有餘夫不可不

為之一慮也伏乞

勅下戶部議行該鎮巡撫都御史再行酌議

請將蔚州衛多餘三所官倉并各印信俱更調下

聖川東西二城地既相鄰官亦是用即將

團種各軍分編百戶亦如各所之例其蔚州

衛見遺三所旗軍分撥五所帶管仍查同種

地內除見係餘丁耕種者仍舊外其餘但係

各軍名下耕種者俱令退給各該餘丁一體

辦納各軍照舊支糧專一撥備聽其調遣戰

征則官軍均便糧草易完而事體亦相安矣

順陽集

卷之一

文

一設所治以禦邊患大同鎮之東為聚落驛西

為高山站相去鎮城各六十里而聚落之北

有採掠山高山之北有馬頭山俱深藏胡虜

之處是以每次入寇自東採掠山而下直犯

聚落又其南則大同縣方城東平等處自西

而下直犯高山又其南則懷仁應州等處此

要衝之地出沒之塗也但兩驛之中軍人不

過二百里送之數尚且不敷征戰之役夫復

何望往陞鎮城兵馬聞報而出虜已得利而

歸是以行旅不敢出於其途居人不敢耕於

其野近年以來兵馬按伏多在於此動經旬

月不獨錢糧糜費亦且軍馬疲勞此事之不

可不備而不容于不慮者也查得先為地方

事該巡撫大同都御史張文錦題要將二城

比照先年井坪所事例添設二所各置守備

千百戶等官分撥大同城原額冬夏操備馬

步土兵鑄降印信銅牌銓撥官攢人役仍將

勘撥功臣田土及近山荒地每土兵一名撥

順陽集

卷之一

文

給一百畝領種後以地方多事迄今未暇

巡歷該鎮詢之軍民悉皆稱便撥之事無

甚相宜伏乞

勅下兵部議擬行該鎮鎮巡等官再加會勘酌處

有利地方查照本官原題

准事理斟酌損益議擬奏

請倘蒙

俯賜施行則兵雖添設糧不加多而按伏之肯防禦

之利兼得之矣

一移克發以實邊鎮查得問刑條例內一款軍
職有犯監守常人盜受財枉法滿貫律該斬
絞罪者俱發邊方立功五年滿日還職仍於
原衛所帶俸差操

大明律內一款望高遠哨之人失于飛報若被賊侵
入境內虜掠人民者杖一百發邊遠充軍欽
此律以絕奸例以輔法意本軍矣法亦嚴矣
但今邊方立功之官多發隔鎮當者照例納
銀給文回衛猶濟公家之用貧者通同納賄

私自逃歸祇資官吏之奸克軍之人本是正
軍原額之衛極臨邊境解發隔鎮或幸遭近
裏之地買免逃回更反脫哨備之勞未嘗成
尺寸之功充行伍之列是彼缺不歸實用上
下止是虛名固知事終之罪惡不可贖而幸
免之數多不可計所以為國之不便然官之
之情逃于隔衛而不逃于本鎮畏于守
而不畏于克軍伏乞

勅下法司議擬今後邊方應嚴在功軍職俱送本鎮

總兵官嚴查撥各營各路令其自備鞍馬器
械跟隨按伏截殺有功者則定其等第贖罪
復職無功者則量增年限候滿回衛其應該
充軍正軍亦送本鎮總兵官嚴查撥極邊墩
臺比照常川守哨事例令其終身守哨庶幾
可以除奸可以正法可以充軍祿可以責成
功矣

一禁買功以清邊弊查得問刑條例內一款臨
陣報有新獲賊級者紀功官從公審驗若有
錢買者賣者俱問罪係官旗就在本衛係軍
發邊衛民并軍丁人等發附近俱充軍欽此
今宣大二鎮近邊土人名為佃夫居鄰屬界
頗稱驍勇每遇達賊入寇搶掠各家協力同
心時或殺賊斬首多不報官私相買賣事發
罪固難容原情實有所自蓋小人之心惟利
是視而邊方之官惟功是貪每賊首一顆多
者得銀百餘兩少者不下七八十兩而在官
實例止銀叁十兩舍其少而就其多是以寧

圖其利而不恤其法也及至紀驗之時或
認其首級之真而莫究其從來之弊以致
國家之爵祿傳世及之子孫天下之弊莫有大于
此者弊之可惡莫有甚于此者也伏乞
勅下兵部并法司議擬鄉夫斬獲首級一顆不願授
職者於三十兩之外量增若干著為定例此
後有犯賣者照例充軍地方兩鄰人等連坐
以罪買者未授職銜照常發遣已授職銜比
依詐假官之律坐以斬罪奏

張陽集

卷之一

五

四

請定奪仍行撫按官申嚴法典明為省諭則紀法者

無所憾而冒爵者有所警矣

預計邊儲疏

李宗樞

臣聞聖王嚴內治以攘外非直簡訓卒伍繕治
器械為爾矣以兵為用以食為輔未有相悖者
也神農之教石城十仞湯池百步帶甲百萬而
亡粟弗能守也是知帝王之兵以全取勝而食
固在所重矣今夫宣大重鎮也地鄰胡虜近衛
京畿當

國家西北之衝甲兵數萬堡壘絡繹烽燧時傳視
他鎮誠要矣然而官廩不恒克士卒不恒飽何
哉因循之弊久而事機之會失也蓋兩鎮地瘠
民稀風寒霜早民間耕穫粟本不多又加以通
米年穀不登市價騰湧往歲戶部發銀各省徵
解不能早至召商糴買多是後時後時則粟寡
粟寡則價高價高則利微利微則難懸重價以
邀之而四方之商不至至亦難完也是故戶部
之發各省之解非不至也

張陽集

卷之一

五

四

內帑之須非不多也補欠濟急祇卒為折色之需
耳是故錢穀之司珍藏本色而不肯輕放貪侵
之卒希望本色而不可必得如之何官廩恒克
士卒恒飽也且謹以目前之事論之如去秋年
歲順成米穀頗賤當是時也官庫無積部省解
發未到司

國計者有懷莫措商人歎進無由延至冬末京運
銀兩方至而市價已增斗數已減是猶可為也
奈何補欠濟急目前僅足而數外無餘又延至

奏未大不如前矣通遣戶部侍郎張帶銀二十萬兩鹽四十萬引方來兩鎮召商羅買始則久召不至終則雖認不納使督餉大臣高坐又待以望秋成無能為也蓋商人之業恒計本而射利今利必本傷其不樂趨而延避者亦情也若去歲秋成之際得此二十萬兩之銀可得今三十萬兩米穀之用是坐收十萬兩之利以是觀之遲速先後之間其事之難易利之多寡何如也今歲兩鎮地方兩賜時若數年曠見爽頗稔收秋亦可望此皆我

類陽集

卷之一

三

三

皇上玄德凝和天休協應錫豐年不獨遑徵軍民之福臣等待罪曠官之幸也臣查得宣府萬全都司萬億庫大同府銀億庫見在銀兩數俱不多止可供目前數月官軍月糧之用其山西河南歲派銀兩非至冬盡春初必不能至若待其至而始議召商之舉是復蹈往歲因循之弊而再失此事機之會也伏望

皇上照臨邊鎮隱恤貧軍重念機每難逢時多易失

勅下該部速為議擬或發太倉銀兩或借六僕馬價每鎮計其軍馬之費可足三四年之用各發銀數十萬兩差官急運務在八月以前前來交兌再

勅兩鎮巡撫都御史各會同管糧郎中即日召商議買分認城堡米穀麥豆隨宜收納仍查萬全都司山西行都司大同府收貯尖丁公務牛具高稅土頭小脚等項臣與巡撫及各衙門賊罰銀兩俱羅買另貯備賑限在年終事完造冊

類陽集

卷之一

三

三

奏緣查考萬一太倉蓄積不多太僕馬價備用即以兩鎮將來歲派之數扣免補還先後不遠彼此亦便伏惟

陛下察之儻荷

聖明來納俯賜施行一時之費似多而將來為利甚大兩鎮之積有備而萬一值警無虞食足兵強以攻則取以守則固以戰則勝懷敵附遠何往弗利伏惟

陛下留神焉

乞蘇民困疏

孫玉揚

臣聞天下無不敝之法而有不敝之人非法之難也所貴在人者調停酌處令不為百姓病足耳往者

皇上念

國虧民苦察有司之貪肆者而黜斥之一時仕路稱清民苦稱蘇海內士庶莫不頌

皇上之仁臣甫按順天見貪官之若民者即已盡去貪政之流風者猶或尚存竊謂不盡取而更之

恐有治人無治法甚非所以廣

德意而恤民瘼也臣謂當今及時酌議者莫要于州

縣之政及時禁革者莫要于州縣之官州縣之

政清則民可安于田里而無愁嘆之聲矣有曰

議里甲為臣聞富庶為立國之本里甲乃公賦

之源古人徙民富以實京都者將重元氣而培

國本也今宛大之邑里無全戶如知縣黃元吉

趙所查通薊之間野有荒田如知縣劉文彬之

所議斯民也公賦取于斯公差取于斯者也何

戶可令無人甲可令無戶若此耶臣查得各州

縣境俱有流寓人戶甚者幾與主戶半焉田于

此土既借名客籍而業應公差離乎故鄉又假

言進戶而規避公稅與殆非所以為裕財實戶

計也臣欲查其客寓之戶入居版籍之中父居

長子孫者即以補里之缺戶甫至初開墾者先

以補甲之缺丁而流寓之銀仍照舊追焉夫是

銀也私徵出于有司加派在于額外多者數及

千兩少者不下百金比考其出納則以供書辦

名項隸州縣公用此耳而不可勝查者殆不止

一順天府屬也臣謂以此流寓民力供茲妄費

孰若協濟均徭惠彼困窮應徵流寓千兩者該

縣即蠲其主戶均徭之千兩應徵流寓百金者該

該縣即減其主戶均徭之百金則以客戶實主

戶百姓陰受其福取要費作正費供用不虧其

數不惟客戶之奸者不得逃一年避一年之差

而主戶之窮者亦庶寬一分受一分之惠有曰

議丁糧為臣聞輜蹄交集驛遞不足當事者不

得已而約為權宜之計丁糧之議所以起也胡
貪肆守令又借而加派之乎日支月支科歛無
算大攤小攤費用無絀假名色以愚人之耳目
外丁糧以取民之脂膏如順義如盧龍皆種種
可屈指也夫衝要郡邑猶可借口于供客僻靜
處所奈何剝民以肥已臣謂莫如建為之議統
計州縣之衝僻總定丁糧之多寡驛使交馳者
寧多派之母務裁減令百姓受除取之害道路
不衝者必盡革之母謂姑息使奸人富囊篋之
積酌數既定然后照依攤糧之制定為常支之
規每歲該攤幾何令盡收之入官每月所費幾
何令盡報之當道通計每歲之數以為可久之
法有餘者登之循環以補不足大少者取之積
餘以濟公用外此而有分毫加派于民者即屬
漁獵之吏無疑也撫按所至必坐賊問究焉庶
幾貪墨之士有所警心瘡痍之民少可息肩有
曰議差役為臣惟取民供官事使之分排年應
役里甲之常使役其力而不盡其財則亦胡不

可者臣查各府所屬買馬鋪陳多科適里棉帳
器皿濫派盈庭如房山則告及里胥如興濟則
染及縣尹不有以撙節酌處之則以茲子遺之
民如之何而能勝無窮之擾也臣惟諸物出自
排年例俱每年一換者也計其所費每甲每年
以數百計矣百姓殊甚苦之然一馬匹也一鋪
陳也一棉帳器皿也豈僅可以供一年之用而
止哉大都非貪官所侵則積吏所獲河間之事
是左券也臣謂公用諸物與其各甲另買每一
年而致官吏之侵漁孰若十甲合處可數年而
省閭里之民膏馬匹一也各甲相傳倒換者見
年賠之鋪陳一也幾年應用破壞者該甲補之
而棉帳而器皿亦若例不換焉則見年里甲既
不敢損壞官物而不病于傷財下年里甲亦不
致告苦公費而不病于傷力貪吏即有放利之
心寧能無名而加派百姓乎閭閻排年之困庶
幾其少蘇耶伏乞
勅下戶部從長計議里甲額數應否借補丁糧銀兩

應否酌議差役繁苦應否調傳統擬上

請有便于民毋以善小而不為有益于事毋以政

而難更則畿輔民隱庶去萬分之一而排年

章可免九空之虞再照貪肆之吏論列遍于各

省則知貪肆之迹沿襲遍于諸郡是民瘼之當

恤不特順天諸府為然也更乞

聖明通察議處庶

天恩之浩蕩閭巷稱寧吏治之嚴肅瘡痍有賴

乞脩戎政疏

孫玉揚

類稿

卷之一

見

臣聞禦虜之策莫先于自備兵家之畧貴防

未然故夫無事而為有事之慮籌邊之務第

得矣使安于烽堠之息付經畧于高閣滿于

守之功遂調度以息肩而軍士之疾苦閑營之

訓練邊圉之防守胥置不問焉萬一有警將焉

賴之矧春防未過不當自信為無恐醜虜不測

不可盡委為無能則圖安攘大計者不得不為

萬全慮也臣愚謂今當及時儲舉者其說有幾

惟

聖明裁之一曰軍士之疾苦不可不恤蓋其苦同

吳起所以成功市租犒士李牧斯為良將則是

優恤軍屬固將以為無敵之險預也胡今之

鎮之軍則不然乎長于智者供掃除之役富于

財者備納班之用而留以掛名于行伍者則

賞夷官錢之有派公差私室之有役雖踰和

將者亦不肯分毫為軍士念矣夫

朝廷之設邊士也將與共守此華夷之大界也而

士之所恃以資身者惟月餼止耳即使無名之

類稿

卷之一

甲

擾不使累及分毫臣猶慮其不足柰之何稱此

暇豫之時悉為聚斂之計若此也臣歎月餉之

支定為監臨之制兵備駐劄處所聽會同叅遊

官委官監散通判駐劄處所聽會同叅遊官身

親唱名如黃花如三屯諸無理餉官營鎮者聽

干附近州縣協同支散而逃亡軍士扣除糧餉

仍與臣巡關報為管軍官敢有扣糧者監臨官

叅治監臨官敢有寬縱者許臣叅治庶幾軍有

不足數者一唱名而可查糧有不足數者一

封而可驗則月月寓查盤邊儲之意管管寓清
補軍士之法即有欲責軍扣糧臣知其難矣二
曰關營之訓練不可不實蓋兵必常練斯為有
制之兵士必常教斯為有能之士未有不教而
可以即戎者也乃今日剿鎮之將臣伏察之猶
有所不滿者利月餼之充囊尺籍既虛借鄰營
以實伍軍藝亦疎諸營相效互為奇策非一朝
笑而金鼓常鳴者臣不多聞也不有以禁之則
閱兵以東路者得參以西路之卒受賞于主兵
者得籍乎客兵之藝如是而欲兵之練惟日閱
而求其精也得乎竊謂臣等之閱視歲每止于
一次將領之僥倖計求免于一時在東關如郭
琬之恤軍在西關如程九思之教士不可種種
得也臣欲議為之法照依閱視之制定為稽考
之則月有所較令該管參遊閱之季有所考令
該路兵備閱之事完通查分數達之巡閱而聽
賞聽罰以為將士勵焉仍通與臣知會騎射屢
優可備緩急者紀錄之以聽薦拔騎射屢劣虛

糜糜餽者關白之以聽彈劾即使邊虞之常
無忌諸士之時教庶幾四時皆閱兵之課百將
皆閱兵之官行之既久兵將相識騎藝益熟又
何慮乎軍士之不精營伍之不強也哉三日邊
圉之隄防不可不嚴蓋天下有道守在四夷則
邊之設險固所以內中國而外四夷也然一蹊
不備則一路不堅擺守之費咸歸于無益耳今
之守邊者隨山伐石以設天險沿邊築牆以禦
衝途法非不良也顧山路之水徑常泛溢手秋
高而脩守之人力每束手以無計如石塘如潮
河密雲之通衢何限如冷口如灤河永平之寇
徑亦多若不早為謀慮誠恐勢必窺伺臣欲取
沿山之石做蓄水之制于河流要害處所率作
堤為高擬數尺必水可以浮行厚擬數丈使勢
難以衝壞則蓄水既多足以阻南牧之騎而倒
流為患有以省戍守之勞仍令諸兵備會同各
參遊曲水小徑胥不遺焉始事任督撫備築完
事聽巡閱查勘庶幾有山者恃山為險有水者

恃水為國區區醜虜尚能飛渡乎哉然猶有
說焉邊方之備運籌在于督撫管理在于總兵
備築在于叅遊分查在于兵備胥不可諉者使
其談邊之文具雖繁安邊之實事未舉寇不警
也姑為偷閑之計政方脩也遽為目前之安則
于邊事終難乎有裨矣伏乞

天語叮嚀督撫大臣嚴率各邊將領照兩防分定地
方務四時常為巡視要見某路軍士糧餉有無
尅扣教練有無怠弛隄防有無脩築有功者賞
之有罪者懲之仍每季將巡視緣由題

知通候臣等大閱時總計為母幸其無事而高坐一
隅毋急于安居而苦役三軍毋樂于自污而求
脫百計則同心同事可蓄不戰之威而足食足
兵自寒遠人之膽邊方大計庶幾有補于萬一
乎

預慶西鎮善後事宜疏

孫丕揚

臣惟真保焉

名輔要地臺牆伏

廟謨畢工夷夏大防固儼然壯

中國之威矣念兵將之畧尚當過計效桑土之謀
應懷永圖臣欲及是時為萬全之慮庶險于一
時者可垂百年備于無事者可恃有事大馬一
念惟

聖明擇焉一日處守邊之士衝邊兩鎮延袤千里總
計邊卒數僅三萬人以里計里可三十人守止
爾似此零星蜀抗黠虜增戍卒人餉俱難清逃
軍緩急不濟求救燃眉似莫如借用土居之人
使臣嘗督工邊疆面問父老約令無警力田有

警暫戍敵臺許其安家守牆借其協力人心翕
然願往各道眾謀僉同臣欲將邊內邊外二十
里許每一村立一有德行村長以領村中之丁
壯每十村立一加冠帶總長以領十村之村長
而總理于管關府官籍其姓名認其信地常時
任耕任商不得點名打卯以擾其室家警時赴
臺赴牆暫令披甲執銳並避其妻子能獲首級
者一體坐功臨牆規避者一律治罪近據易州

井陘兩道揭稱邊村鄉夫萬人在司農不費日
餉而兵已足在邊民不趨城堡而家以固公私
兩利軍餉不煩似亦一計也但本鎮邊界紫荆
馬水坐落宛平保安界上倒馬茨溝安置靈丘
廣昌境中不奉

成命動即掣肘此當預慮者一也二曰慶守邊之將
目觀真保防秋例有客兵衛所屯籍名為軍操
易淩百姓名為鄉夫計數將逾百萬統軍全無
將官赴邊任選任速何異兒戲點名或老或少

類稿

卷之一

五

安望推鋒浮圖屈膝陣亡佳微口碑足鑒近年
青成各道遠慮必須將領亦知官增軍擾獨念
事變始通臣款官之可兼攝者假以事權軍之
難併理者增一主將查得保定鎮班軍有保定
五衛八百一十四名茂山衛一千二百五十名
真神二衛八百一十六名以上三項共二千八
百八十名合照領班事例于大寧都司添設領
班都指揮一員防秋責令赴邊操守秋完仍令
四衛輪操方為穩妥又查得保定鎮操餘保定

類稿

卷之一

五

五衛一千五百十五名保茂紫荆衛所舍餘
百名騰驤右衛操餘一百名真定衛操餘一百
八十八名河間衛操餘三百五十名以上五項
共二千六百八十八名似當即令大寧巡捕都
司不妨原務統領防秋又查得保定鎮領班易
州八百二十四名涑水縣六百一十八名廣昌
縣一百三名保定府屬民壯八百五十名以上
四項共二千三百九十五名似當令保定清軍
同知不妨原務防秋統領又查得真定鎮操餘
定州衛八百九十名騰驤右衛一百名以上二
項共九百九十名係守倒馬關者似當令倒馬
參將不妨原務防秋統領又查得真定衛操餘
九百名神武右衛五百五十五名武功右衛三
十五名騰驤右衛二百五十名以上四項共一
千七百四十名係守饒陽營者似當令芳溝參
將不妨原務防秋統領以上諸將有軍各衛所
聽其屬轄原領千百戶聽其轄董分定軍操秋
初許先期徵兵秋完許中定撤兵無事令營團

練有報就近擬邊營印管操官安于因循襲于
責放許各官恭呈難以軍法嚴責重即究賊忒
治庶幾事體歸一營陣整肅此當預慮者二也
三日震守邊之糧臣惟師行糧從兵家所急臨
渴掘井達者所忌今西關衝邊千里門戶部止
設倉五處耳今又議增鄉夫係出常供數外有
營之邊餉可缺而禾譜手據易州道按察使高
文薦議則欲紮荆馬水原設戶部四倉之外自
備七倉天津關一倉以供得勝城九口洪水口
一倉以供梨園嶺七口松陀安一倉以供大燒
嶺四口相連洞一倉以供道水口二口葫荻口
一倉以供西水溝四口黃草安寧靜安各一倉
以供本口倉房每處五間每間議銀三兩期萬
曆五年春初舉土掘井怪道副使游季勳議則
欲挿箭嶺蓋廠房十間以供本嶺茨溝營蓋廠
房十間以供本管及查狼牙口孤懸亦當另置
一倉以供本口以上兩道邊界議增十所倉房
酌處間數俱當議作十間以八間作廠房以二

間作門戶以一間居廠軍方為完備價止三兩
恐不堅美當議四兩方可永久共該用銀四百
兩近日脩牆蓋某查餘四百有明歲臺牆無工可
備餘剩灰孰有料可用乘此暇時暫將一脩奏
續甚易為謀頗遠及查儲倉之粟邊地甚難內
郡之蓄近日頗富保定府穀積至八萬合無于
內取七千石真定府穀積至四萬合無于內取
三千石明春穀貴之時聽易州井陘兩道照數
委官糶賣明秋穀賤之時聽將前項銀兩委官
沿邊糶買既省腳價之勞又得新潔之粟倉中
有姦弊者聽兵備道稽查廠房有損壞者聽叅
將官脩理邊境安枕成軍支戶部之糧此粟不
許混動風火偶傳鄉夫給新倉之粟口軍亦許
借支計儲粟用僅半月論濟急甚便遠倉此當
預慮者三也四曰增守邊之險臺牆之工積數
年人力而告成臺牆之外尚無限山梁而當滿
總之險者剗削平者種樹不惟材木不可勝用
抑且臺牆增一重險虜即長技勢無所施似當

將邊外應備處所令兵備道各查邊界偏坡已
剷若干里未剷若干里樹木已茂若干里應種
若干里因此邊工之完立為設險之限始于萬
曆五年定為計防考功若覈臺牆之法然主兵
每歲兩防客兵每歲一防秋防完日某主兵將
領兩防種過樹若干剷過坡若干客兵將領
一防種過樹若干剷過坡若干恭將以一邊計
功罪守備把總以一口計功罪勞多者據功薦
揚勞少者覈實論斥六年邊工不許以五年抵
數七年工程不許以六年混開至于動工之始
必某將派某口即係秋防之分地某防脩某處
即係本口之接樣覈功既易成効可考行之數
年似當底績此當預議者四也五曰永臺牆之
利目今臺牆功稱巍巍臺上軍士當預約束軍
不攜家則居臺之志不固臺不得軍則守臺之
器無人况日久雨雪之浸淫每年泥灰之損壞
皆賴臺軍以典守者則營房殆不可不設也臣
欲每臺軍五名房十間每間銀一兩總計本鎮

敵臺得三百五十六座查該用料銀三千五百
六十兩係易州道者許按察使高文薦于保定
存糧內支用係井陘道者許副使游季勳于真
定存糧內支用脩工即委臺軍工完仍居家口
臺牆火器付軍執掌小有懷遺者脩補量臺遠
近設官管理間有逃曠者約速工稍多守備把
總徑自脩理工再多主兵恭將協同完葺臺牆
有跡不報守把者責在臺官損壞既不即肯
脩者責在恭將守備把總有離任者查其一口
恭將有離任者查其一閱臺牆有無損壞營房
有無坍塌臺上火器火藥有無短少通照內地
交代倉庫之規查明方許離任如有損壞短少
仍令補脩補造斯邊工年年常新邊將人人畢
力此當預議者五也六曰處鄉夫之糧嘉靖間
虜寇寧靜浮圖寇白石挿箭當事者不得已而
派用易涑之鄉民為之寬差徭許供丁給行糧
以示優恤一時暫借禦虜爭來襲為常規既幾
升斗之月糧又無毫釐之布花年每秋深催赴

信地臣初甚恤其勞亦人穀各二石彼已甚德
獨念荷戈之夫歲有月餉南畝之人秋無糊口
而驟令防邊似非經久之計也亦欲放歸田里
又恐空虛邊疆臣查得河間府原有民壯銀二
千兩歲解易州道產鄉夫守邊係節年脩臺支
用者臺工已完銀兩無礙合將各鄉夫易州八
百二十四名涑水縣六百一十八名廣昌縣一
百三名照依軍糧小月銀數給與防秋鄉夫每
月四錢五分每年各三箇月舊例行糧仍許煎
支新增谷石明年停止月餉既備責成可實赴
邊愆期者軍法同行臨伍私逃者從重治罪軍
民一視威惠並行耒耜之人似可收什伍之效
以當預議者六也臣長于內地暗于邊猷偶有
書生管見如此伏乞
勅下兵部再加酌議倘有可采覆議施行則目前之
臺塼不為虛設日後之金湯可以永固未必非
安攘之一助也

議脩畿輔城垣疏

臣惟

京師之有通津猶人身之有股肱也以供

天都保障之資寓焉以儲

國需咽喉之重關焉是其城池之要緊何如也

者

皇上念澤城重地發

御膳之銀

允府臣之請一時工作百堵齊興于今屹然成一

天險矣惟通州之城臣謂緊要不在澤城之下

則脩築之功似亦不當在澤城後也何也

國家歲運四百萬石計留之通城者已十之四矣

然是錢穀儲于斯也設有衛所以衛

京都則是甲兵戍于斯也輪蹄交集鷄犬相聞則

是客貨民居聚于斯也是其關係之重奚啻十

倍諸郡已也况查東西二城俱有損壞處所在

東者係屬舊城外則以磚為表損壞猶為不多

內則以土為裏坍塌查為不少在西者係屬新

城李都御史建議于正德間接脩五尺王都御

史建議于嘉靖間添脩五尺論其高則以累次
加築巍然與舊城等論其厚則以功非一手
然與舊城異若不亟時脩築則歲月之經歷既
久雨水之浸壞愈多竊恐舊城之工力不多者
將為工程浩大新城之損壞幾於漸為費用
增多此殆不可不及時脩築者也查得原脩
灣城銀兩尚餘一萬二千六百三十九兩八分
銅錢四百九十文係前御史董光封題奉
欽依解到各差賦罰者見財通庫則無文思與其貯
之庫中置之無用孰若借脩通城似為有益伏
乞

勅下工部從長計議通州二城是否緊要賊罰餘銀
應否動支如其可也查得餘剩銀兩盡備通城
費用何處低薄可仍舊而增為高厚何處坍塌
可新脩而另為基址悉聽該部酌議請旨
上裁庶幾天恩之浩蕩通灣兩需要地之城也余湯
永固矣再照舊城高四丈六尺圍九里十三步
新城高四丈一尺圍八里餘即新城南牆一面

坍塌者計一十九處已不下三百三十丈矣而
甕城之加添女牆之脩理角樓之改造不與焉
所議前項銀兩誠恐費用不給合無查照灣城
事例將日應解戶工二部銀兩暫行停止并所
留備賑二分盡數查出通解該州以贍脩理之
用如再不足仍于各差聽部酌處量為解撥以
濟一時之急則通城脩理庶幾有賴乎然工必
就于責成事必假以歲月仍乞

皇上令該部查照灣城之例責成府臣之委臣與巡

倉御史仍不時稽察焉至于各差賦罰多為灣
城所用而各處問理恐亦積貯不多合無遲以
歲月容令陸續解發以補不足則事以漸而就
緒人不勞而功舉是又臣狂瞽之一得也

乞開言路疏

孫玉揚

臣惟言官者

朝廷之耳目言路通塞世道治忽係之古昔聖帝
明王莫不和顏色達聰明詢芻蕘故能來忠諫
之益而垂太平之業于不遠近該戶科都給事

中李已等言事過直伏蒙

廷杖下獄給事中陳吾德亦編籍焉已等之

疏詞委狂慙罪復何肆第念已等之榮辱若甚

微而言路之關係則甚大使言官以已為戒則

必將以言為諱萬一有大利害大興革誰復敢

犯

天顏而入

告之乎且已等以言為職即有激切亦忠于

陛下之職分耳此其心可原也况今熱甯之期在獄

者尚蒙

矜恤之仁而乃置已于縲絏之中恐亦

天心之所惻然者伏乞

恩赦其狂瞽將李已

俯賜釋放或容照舊供職其陳吾德仍乞

召還以光

聖德則

皇上浩蕩之恩將與古帝王比隆而言路益開矣

○酌議考察事宜疏

孫玉揚

臣惟

國家大典每三歲總計群吏而黜陟之所以使治

民勞者有所勸治民逸者有所懲也隆慶五年

大當諸司入

覲之期至則吏部都察院例當會同考察此固舉措

懸于一時風動關于四海使于是不多方以酌

議之萬一作惡及於善類何以懼天下之惡作

好及于匪人何以勸天下之善殆非所以令百

司庶府見也臣不揣葑菲之微願效芻蕘之見

一曰稽實政以察群吏臣惟奔走為恭者多不

違于民事之留心矯情干譽者每無厭于自備

之用力此務實務名之辨君子小人之界也使

考諸吏而于此不察容有患狀未顯冒不虞之

譽赤心自負蒙求全之數者矣如是而何以作

賢者之氣俾之肯于任事而不動心耶合無今

次考察專以民事為主名為循良者當考其里

甲均徧之何如斯才力之短可畧也志在安懷

者當考其禦寇安民之何如斯嚴刻之迹可畧

也倘有置瘡癢於不問縱小過而必處付閒闕
于不知縱才名而必懲庶幾任怨任勞者不枉
其才似庶似能者難售其奸歎驅天下吏而皆
使之為民其機莫先于此者二曰懲顯惡以肅
群吏臣聞士有百惡其最在貪士有千惡其最
在酷豈不以貪者足以傷民財酷者足以傷民
命乎使考諸吏而于此不重容有善于延譽得
以好貨而漏網巧于小才得以濫刑而尸位者
矣如是而何以使民之安于田里而無愁嘆之
聲耶合無今次考察務嚴貪酷之禁官箴有玷
者必黜勿以虛名而姑宥民命不堪者必黜勿
以人言而或遺廉于前而貪于後者必黜以為
改節之戒慈于東而酷于西者必黜以為戕民
之懲倘有異常貪酷仍照新例提問庶幾巧于
溫飽有所畏而自察樂于鍛鍊有所懼而從恕
款驅天下吏而使不害民其法莫良于此者三
曰赦小過以惜群吏臣惟大德不踰者小德或
容有可議衆好所歸者衆惡難保其必無是在

吏部都察院持天下之公隨材以器使焉耳使
考諸吏而不酌其材以愛養之臣恐以數尺之
朽而棄連抱之材殆非所以儲棟梁而成巨室
也况一官而三守嗣之者又安必其賢于居之
者也合無今次考察期以平恕為尚存心之尤
明正大者君子也勿以尺枉而並棄其直立
之有守有為者君子也勿以一背而並棄其
數不必于取盈苟賢矣昔以千今以百可也苟
不必于物數彼以多此以寡可也庶幾大節卓
然者有所恃而為善細行偶失者有所容而自
新歎驅天下吏而使之遷善其法莫良于此者
四曰禁流風以全群吏臣惟人才難陟
廟堂之公議甚明撫按之考評可據固非搢文飛
語之可以中傷亦非賣緣鑽刺之能以倖免也
第不根之謗難謂讐口盡無作孽之輩容有清
議共棄使于是而不嚴以繩之非所以肅法紀
而示大公也合無今次考察
命都察院判為大字榜文通衢張掛嚴行巡城御史

多方緝訪但有投遞文揭不許聽受能捉獲者
賞之潛通往來不許接見能緝捕者賞之庶幾
擒壬不得肆奸善良得以安枕至于被黜之吏
仍宜開門省愆倘有恃借廢棄以造言噴
天聽而無忌俱照弘治元年事例發遣為民則
朝野肅清紀綱昭布款絕天下奸而使不得肆其
法莫良於此者伏乞

勅下吏部都察院議為倘有可採

賜之施行則于吏治未必無小補云

○科舉疏

孫玉揚

臣惟順天鄉試內以榆冀北之英外以羅海守
之俊而況益之以

恩選若今歲矣乎此殆非各省肩也使不隨事而曲
防焉則博古通今者將擠于夾帶之流剝頭移
花者得眩乎品題之鑑固臣監試者責也則夫
關防事宜城有不容不預焉

天聽聞者其一曰稽鄉行蓋取士以文固以口孔孟
者信其身頗曾也第援例之人多有身家之弊

且一人也在海監縣為錢瑞映而殺人抵罪在
國子監為錢與映而京闈中式旋雖處分于監
關已玷多矣即今國子生中如與映者安保無
也況祝天類輩業已夙聞至乎若不辨之于早
即使又擬毆蘇萬一入教何利焉臣謂今計莫
若取所考監士通送禮部查覈果係暫送入監
未經查問實歷俱照

明例不得應試夫然後彷彿鄉舉里選之意果有清

白可信仍取同官保結方入試為不繼脫額良

才俱不得以親以舊濫送濫保違者通曉臣等

指名奏究庶幾賢科不參以匪人真才可得于

士類其二曰革題紙蓋大比掄才必嚴鎖鑰厚

藩離者將以樹內外之界而峻其防也近日三

場之題目甫下百官之題旨偏傳場中卷尚曳

白場外喧已塞路泄漏之弊莫此為大而恬不

為恠何哉無恠乎物議叢生如徃迹焉也倘有

通神之輩臣胡以防之臣謂革之便若謂事不

可已請于卯利諸生入場之後內簾方發

進呈之封務使捧贄官負亦不知是何題目待
事畢鎖院然後傳題紙于堂上必士交卷出門
乃始送題紙于繙紳則內外得以戒嚴情法兩
不相妨庶幾同于門牆無所容奸蔽其耳目難
於措手其三曰審試卷夫士以卷試將以一日
之長而察其優劣之品格關係之重何如也聞
之分房閱卷正副送諸總考尚得品其驥黃落
卷置諸高閣絕不問其醇疵倘一時識見不協
或一人精力以倦蒼海遺珠之嘆能保不乎
思以主考之兩人閱落卷之四千偏之則力委
不能已之又才有可惜如未旋榜目如外省
小總裁例聽選同考中之有目力者數人盡查
珠卷分校五經仍書官名于卷面批取去于卷
中果有才思出衆毋以既落而不錄正卷未堪
毋以避嫌而姑留事完之日通將看過正副落
卷扣足原數送臣查考且一以驗分房苦心一
以防奸人作弊其有通無筆迹者聽臣奏究庶
幾場無遺賢才無漏網其四曰慎關防臣聞士

子科場入門有布簾懷携之當筆在場有傳送
抄文之可慮其責在監門巡緝官內簾拆彌有
索錄之強良出門迎榜有截錄之要奪其責在
五城兵馬使彌封所有暗彌之記謄錄所有差
敗之奸對讀所供給所有因循完事飲食不潔
之弊其責在各所官而內外監理則臣御史事
焉若不嚴繩以法虛套相仍可愧也今次場中
若有仍前宿弊係諸生者容臣照題
准事例先于場門枷彌係各官者容臣量所犯輕
重先于場內戒飭通候事完應送問者送問應
奏究者奏究庶幾官生信畏紀綱嚴明此就緊
要諸務為
皇上陳耳若節年題奉
欽依事理容臣等欽遵查行茲不敢舉為
天威噴為伏乞
勅下禮部再加詳議如果臣等所言不謬亟為議覆
施行則國家大典未必無小補云
頤陽集卷之一終

頤陽集卷之二

新安景澤甫謝

米脂子謙甫杜本益校

郾縣宗伊甫程希洛輯

新孔子廟學記

孫丕揚

高皇帝養章孔子範海內之士習諸置令所即廟廊
之庠序之設富平士頤學孔子者匪朝夕故云嘉靖
時關地震甚廟學圯歷春秋亡弘正絃誦聲比隆慶
壬申始史大夫理廟貌為棟梁粗就媒孽橫生嗣是
邑政急循良而緩詩書矣又十年當萬曆庚辰劉大
夫見而恙之大恐教學疎廢無以培士俊進博士第
子而問故則數徃以對問錢穀則數里鴻臚李君以
對又觴鴻臚而問故則顧千金代公費以對右簿趙
君亦力贊意是都史巡察藩臬府州胥聞而善之僉
謀既協相廟學規陋不稱具瞻爰增營焉大夫又鑒
輟遠嫌身經畫督責之任而銖兩出入即肩諸鴻臚
壁聖殿創庫堂益廡齋葺戟星仍各冠坊又進經閣
以位形勝而歲亭啟聖名宦鄉賢傍及兩師廨魁星

樓一切飭舊更新頻舉興闕舉備丹漆節稅舉以法
故始事于庚辰九月告成于辛巳八月費勸鴻臚蓋
千緡焉又拾殿材損公使卜庠址隙地為憲史堊以
備諸大夫行部之視學者費亦數百金奇公不文咸
民不匹勞甫數月而宗廟之美官牆之麗煥然聖域
視嘉靖間廟于斯學于斯鴻臚于斯自若也何侯大
夫而始興乎非應與明兼勞偕怨任百年積廢欲排
眾口而力興能耶於乎難矣哉釋菜有日大夫歎告
來學垂諸百世孫丕揚曰余嘗博觀休明之運于齊
宋間而知尊禮孔學必不可少云大和元氣在唐虞
三王時矣不能俾暴秦之不坑焚于后漢唐小康安
德繼美不能俾伏元之不腥穢其流茲陰以尾陽治
以子亂非人所能為也天也計休明之期由孔子而
前迄于堯千七百有餘歲執中傳心聖聖繼體為世
也君者是為世也師屈指率天下以暴桀紂禹腐紂
數君者天盡可扶持全安之由孔子而元亦千七百
有餘歲中間七制三宗暨隆元詎辟止耳不有集大
成主綱常可師千古者以尊禮其間令人曉然知所

趨向則將喻利而不喻義幾何不相率而為萬世長
夜如秦元為也故俯仰人心懔如黨錮寧捐軀而不
肯犯天下之諱強如藩鎮尚折節而不敢犯天下之
名亂如狄元甘舟甘海甘市而不忍犯天下之義總
之綱維明而人心正也若是乎教化之有益于人國
其然則天必生德孔子學必宗法孔子帝者必師禮
孔子至要切矣富平士代際 熙朝日履身于俎豆
禮樂非孔學不學也懷玉一售遽進清廟登明堂即
唐虞宇宙固職分內事矣視孔子阨于末周何雲泥
耶是在諸士自樹何如耳夫肖聖之賢三千人中七
十子也列 科者僅以十為蓋不第三百賢得一人
而德行具體業二三子岐斗筭而之他者又不可算
是故為莊周為短喪干祿為附欽旅秦伐吏夫非殊
泗之徒與孔子傷之曰非吾徒也蓋至畎而聖人亦
莫如之何已今學士志孔者聞風耳非若諸親炙者
深也賢何從懲何為以與曠世諸英共由于明哲之
途而不說聖軌茲非造端他乎是故入必為股肱心
腹出必為干城甘棠學之為明德親民人必為頌

思孟令天下後世仰之如華岳北斗夫然後無愧于
三萬六千一丈夫哉大夫曰顏石先生言以告多士
于不朽大夫名先畿內新安人京國進士高才勁猷
真心美政有祖西華尚書風趙簿名忤河東岳陽人
鴻臚邑流曲望人官序班名盡心總工者邑庠生李
君燾他百執事載在碑陰中若史大夫則先有堅也
黔寧昭靖王廟記 張 統
洪武貳拾五年十月己未有 制追封故西平侯沐
公為黔寧王謚昭靖 命下雲南之著秀暨文武
賈合辭上請蓋曰西南雜夷習于聞恨節制非其人
則不能胥匡以生王鎮綏茲土十有一年持大體有
威信因物制宜陽舒而陰錮之伴汚者得以湔其滌
槁者得以發其析感在人心不意一朝棄去頗有妥
靈之所以繫群望且無忘厥德事 聞獲報 可有
司圖成規以示經始於申戌之秋土以工計者若工
木以工計者若干陶治斲輪之工繕是凡幾閱月而
功乃竣先是嗣子春安厝僅畢 勅襲先侯爵踞
寺若曰惟乃考治雲南桑懷遠人厥有功績爾往

舊服母替先志侯承

命惟謹以其年之閏月

肅政終喪又幾月祠亦落成問以王之實錄見授且
曰不肖孤恭紹遺緒不獲掃除墓道茲幸有原祠在
庶朝夕仰止像容以希餘烈異免愆愆顧願牲有石
子盍有以紀之就謝不獲已乃脩辭以對曰以勞定
國禮有常祀欽惟 聖朝在上崇德報功一漢

典而功臣輔運精忠之至通於神明者亦當不忘且

于藩于宣作之於前守而勿失迷之於後父子君臣
之道人鬼之義交見於此是則政之大者是則教之

大者統敢不盡愚謹按天兵下雲南寔 皇明建

國之十有四年辛酉也是時天下底定惟西南夷為
梗 皇上命都督府料簡內外兵三十萬拜征南

三將軍率以征之王為右副九月出羅鬼蠻僚望風

降附十月至曲靖元之遺孽梁主栢匪刺瓦爾密遣

其傳平章達理麻駐兵白石江以拒我既遇奇兵撓

其左陣動前鋒過水仰斯岸上軍間有登者人百其

勇彼衆奪氣師畢濟主繼鐵騎擣其中堅生擒達理

麻俘獲以萬計潰卒棄器中斷馬尾晝夜走遠近震

懼乘勝直趨雲南薩王走苑下令撫集人大悅明年

正月分遣將士南北出所在都邑皆下貳月進攻大

理大理左洱水右點蒼山海之交結於子午曰上下

關土酋段氏以衆五萬據之王曰彼險而驕可用奇

夜分軍緣點蒼絕險繞出下關之背至則樹旗我軍

望見皆踴躍而譟王策馬亂流徑進將士隨之山上

軍亦引下段腹背受敵殺虜與曲靖等是時畧地自

格孤而西方廣萬里雖雷霆之威無不摧折然曠曠

者猶不知所以畏夏五月王回兵討東川秋七月所

在復叛楊苴等蠻相與會於西北阿陽等蠻相與會

於東南合參拾陸營進逼城下王時在烏撒聞變率

精銳五千星馳曲靖圍解遣人報雲南賊獲而詰之

曰總兵官大軍至矣遂遁時謂救稍緩則城不守矣

貳拾壹年百夷賊刀斯郎寇定遠翽其遠近陰相構

結人心大恐王毅然定等令裨將將二萬人以次啓

行三月戊子至定遠明日出輕騎挑之獲一衆殺百

許人謂其下曰吾今知所以破之者可多用火器問

以長刀已丑作三軍與賊戰左軍礮先發少却賊衆

之而前中右二將橫擊之火器盡發象着矢如帽陣
亂隨以長刀斫其足象鞍有欄楯乘者先以繩自繫
至是死傷殆盡刀斯即亦斃於象背敗卒轉相恐喝
饑溺死者過半諸夷大創不敢復起異謀遠今賴焉
王以壬戌冬奉 命留鎮其後攻襲應援追逆蕩
畧大小之戰二十有六而定邊之功最奇備器設險
恤士勸農摘奸服遠崇教勸俗事多不載而知人之
譽最著然此特以在雲南者言夫勲榮家世詳在太
史茲不盡述王之中疾也神恩罔罔中但云 上
恩未之報無一語及家事以洪武壬申六月十七日
終於雲南之寓館計聞 上輟朝哭禮官齋
御製文以祭其畧曰意在保全始終相遇之緣何天
不假年一疾長往其蒙 寵眷蓋如此嗚呼人皆
曰富貴功名而不知所以富貴功名者有義有命焉
固不可以僥求尤不可以倖處也王之誠足以明事
理才足以周經營器足以躬負荷而慮足以及久遠
然而高牙大纛千駟萬鍾自視歔然故能善於自處
迹其成就有以大異於人後之有事於雲南而歆慕

王之績者其亦效王之忠而已銘曰 天啟
皇明紹天之德又生群材列為柱石其材伊何乃文
乃武疏附先後奔奏禦侮有如主者東國之鈞恩及
父子義則君臣其在鬪亂神相其寧援自亂離育于
帝庭亦既壯只之屏之翰選以宣威通以靖亂
帝曉西南蠻夷草昧天既合付罔有內外乃集神兵
乃命我侯兼統以往克壯其猷蚩尤吐芒豐隆戒路
千麾萬旗火烈彪怒一戰於靖偽鋒消阻驚敵去巢
匪無處所再戰於理段卒盡熄先聲肆馳駭膽慄魄
曾不踰年酋豪悉定萬里同詞天子明聖即旬菁紫
女室得歸嬰變蒲縹如魚貫柳椎結花脚十百為朋
象具聯駟入貢於京 帝有明詔治以輕典嘉其
能來矜其有覲曰爾侯英宜遂守之若德與威爾具
有之侯拜稽首膝茲 龍命朝夕顧慮益脩庶政
金湯日固康庾日富去其旗幟以植黃茂 皇恩
廣被 皇威甚通昔之豺狼今為赤子王昔有言
凡此成績毫釐尺寸皆出 帝畫勅諭諄諄抄黃
具在是訓是式萬世永賴嗟王之靈與功名俱功名

不泯靈其可渝新祠翼翼倚於南阿象容南視滇海
揚波山有磐石海有重潤神氣流通為之鎮

真人行祠記

李宗樞

真人姓孫氏諱思邈京兆華原人也沒世人目為真
人故人到于今稱之云華原之東有山口五臺山有
宮曰太玄乃真人舊隱之地故俗歲二月四境群生
老稚婦孺咸祈或報率邇者踵武遐聽者風聲於是
靈輦布漢逢涌原泉湧曼羨異域遊方旁魄四塞
維朝迨夕靡不宣鑠唱喁如也富平為華原屬邑相
距伊邇邑人有李慶也者數陟神宮聲理虔慮乃嘉
靖戊戌中春之月因佛堂之廢址建真人之行祠復
割壤捐金鴻基駿制于時里人邑老鱗集相工又明
年庚子之夏厥後告竣門垣殿宇秩秩麟流輝結
彩價浮岡帶渠水面城倚廓皇皇茲上之具瞻一
念之精意咸可尚也慨夫世故凌夷民心淪喪真風
告逝大偽斯興重銖兩輕道義相夷相猶雖至親或
弗能容也孰謂輕財重義有丈夫者哉厥被風濡化
者邇陬沉潛澗濯沐熙熙丕變豈不懿與嘗觀唐

史眇觀玄風真人以聖童之稟典墳丘索博覃旁通
鏡照數理洞齡醫學觀其肥遯居貞不拜隋文之命
豫知唐運之隆應召京師不受祿秩而竟老且死可
謂卓哉茂士視世之靡好爵昧時變者天壤矣因斯
人以談靈彩煥騰神爽森逝如日麗空如水行地殆
無遠弗屆雖百世未泯也矧奉委于茲明禋明響有
不居歆者哉自夫有舉木空衣之說而徼福者生有
昆明救危之說而禱疾者作論雖相襲事頗不經余
罔敢知邑少府秋原許君嘉樂是役助龍貞珉慶也
述建置之原總經營之役以告石壘山人山人曰俞
乎余其記哉乃抽筆命辭爰紀厥績詆告來世

明蒼谷王公祠堂記

李宗樞

敬皇帝受命於穆清道化罔極傑俊挺生矧中州為
天地之樞寰宇之都自余竊得於見聞者時則有空
同大復浚川後渠柳泉蒼谷諸君子蒼谷公與諸君
子者友也於是一時並稱才子云曩余按朔北蒼谷
公自晉中貽書論文往復蓋至是余始辱公之知也
後十年而余行縣至郊而公亡矣悲夫悲夫公有子

曰同謁余曰先君子墓在蒼山之麓道阻且備弗能
日見而時祀也誠松心慟之將卜壤邑之西廓而祠
焉於是先君子有友曰廷尉龍湫王公謚曰貞孝文
子中丞可泉胡公題其石曰貞孝文子神道以詔來
流蓋大範靖節謚云余曰孝矣哉親沒而思不置
而以祠奉親諒我謚乎公之德弗泯浪已早歲余以
制齊閩中又三年而當嘉靖二十年祠成余亦既制
閩因使人自邠入閩問記追惟往詔余小子何敢讓
焉於是作祠堂記曰公諱尚綱字錦夫別號蒼谷
故人稱蒼谷公蒼谷公世德淑履有伏有志有銘有
碑詳具在諸篇中夫祠祀也為之宮室以祀之孝子
之心也曷觀諸郊鄔非有周定鼎之區耶乃今遺垣
殘碣間無存已况其下者乎是祠之有無奚足為公
輕重而公固無待於祠也公博羣籍洞窺往古攷
先王之跡探大道之原精深閑曠比跡先民為進士
為吏部主事為員外為郎中為參政為方伯植之節
操措之政事發之言論著之詞章衍之翰墨克自成
家以名當世一時學士大夫駉壇藝苑不曰李何二

類陽集

卷之二

七

王則曰崔馬云夫乘時以立功者仕子之恒情識大
而緩末者達人之偉行所趨異也公仕正德嘉靖之
間方壯齡就仕棄功名之會而歸養其親者凡十有
三年而菽水盡歡而又若將終身焉此衆人之所難
而君子能之矣奚但斐然文學已也謂之貞孝文子
非邪惜乎齋志長畢而不獲大行其道是命也夫命
也夫然清濁玄風自是以無範古祠之有無尚足
道哉余嘗觀英人貞士之里多置祠奉饗沒世儔之
而不已所以崇德示勸也公之沒十年於茲矣中丞
復齋徐公淺齋魏公猶先後檄有司樹坊以表宅里
汝倅汪子分俸助役祠用克成謂非神掄冥感而興
好德之懷使其然乎後死者遵其軌則仰其風猷將
葺祠瞻禮而俎豆之王氏世世萬子孫不得而私矣
同也先是已舉於鄉好古博文克成家學尤精於詞
翰人謂有公之風公之後其昌矣乎祠有坊有門有
重門門之內有正堂有左右厦各三間地延若干尺
袤若干尺云

類陽集

卷之二

七

劉侯均田記

孫玉揚

富平境內蓋三山三水云維北有頻維南有荆浮山則盤錯中踞總延袤計當境地什七而溫趙石河相與澎湃于群山之麓淹圯之畝無歲不報厥田固下下也比問田賦則河濱者稻木川者米峻嶒者波瀾者田而流離者亦必升斗厥賦不上上耶如是而欲田斯者忍饑溺樂與爭死乎難矣故談治之本惟均由便先是主計之臣嘗倡其說有司卒未有處也間有處者嘉靖中則崔侯舉隆慶初則王侯良策張丞志道崔法尤明毫右側目竟以謗阻百姓迄今憤之以故均田議寢垂十餘年莫之省劉侯則身任稱首務為會司農覈天下田侯毅然詢藹蒞訪利病圖耕野萬全之策恐恐然惟慮幽隱之未照乃申田里冊耕稼之數乃屈群力簡省官之才乃諭頌民開隱田之路堂奧未離言遺田者數業千八百奇狀聞矣境人欣欣望侯至無異雲霓也侯率才官二十有六官分以畛授竹丈二十有四丈稽以畝有田有賦書至書名進必魚鱗而分寸辨界必山河而起止明驗村落以紀肥瘠札水泮以稅高下冊等待地力予

稅若冊田地力浮冊等予稅從變旱澇無恐者田上上也名曰金時雨灌溉綠野平壤者銀銅之山原曠土石人墾二而當一者錫鐵之始事歲孟夏生明畢完于六月生魄得田一萬二千四百頃詭地增冊額者田蓋三千頃為侯又簡鐵者畝以塲算塲一者三其畝稅一畝有半田增而稅如故計稅五萬九千九百九十石畸矣然後里以準畝人以入稅版籍明而豪俠無所措手賦役當而貧窶得以息肩民困弊稅若錮疾切身而不可推移者頃取而均平之非侯力堅定幾何而不畏難以中廢也款親邑大平景象能耶孫玉揚曰識治之士誰不言政始經界善哉本之力行又顧如之何者富平經界議屢下矣樂畝畝而慰閭閻者則迄侯底績焉何也執度地其難在勞侯獨單車郊垌旅舍老佛日與田農野叟辨尺寸廣腹薄垂三越月訟至即理冊詭即更不心服者即復其畝紛繞至或夜敲未食也如是而奸不神明良不怙恃得耶多口朋興任難在怨侯釐弊抑強一切法繩占逃田者懲餉泰南者懲匿田等者懲狐鼠病已

任之長短銳然於群小嘵嘵之中而天命公法直信之而不回非丈夫而能若是乎見利必趨難在任人使才執事惟心感格發於都邑也載禮觴豆載誓廟庭載優騎從巡行田野也壺將侯携寢食侯供佳節侯犒不諳練者侯教道之勤事五夜者侯燭侯之慰勞之飲食之即長駕遠馭曾是過與故才官受事來畏不敢緩愛不忍欺終全邑之田未閒枉一事者侯之精神感召力也然則事豈虛就民豈虛附哉余采父老意謀章厥美而諸君子請又至敬載筆付諸執事者

雲南公廨記

張統

公廨廣三十七丈袤百又十步有奇段氏時稱東府元為行省 皇明底綏萬方以洪武壬戌戡定雲南就置布政司室宇階庭雖有成蹟較之華夏則規模差陋唯堂與寢其制頗精緻旋榮累而軒翺峻起但歲歲已久柱傾且漏者屢矣周撫之外儀以重門功緒甚畧意精者其舊貫而粗者元之改作也東墻以下西墻帶勾廨以下屬寺悉附焉就備員

以來旅拒為合之徒內訌而外叛兵既未休飢隨之日不暇給者凡五年歲丙寅始克儲材明年冬撤其堂而新之正六楹楹圍五尺棟九架而衍其前脊高辟簷簷殺脊之半以強越二年再治材且因且革門寢暨經歷司始成其外門兩廊仍未易也初令有司計木之數與巨細若戶力之盈胸差而賦之轉致不立期一從其便其與徒也較四州十一縣夫之壯者每一州縣均作參肆番每番期十日乍作乍輟不始其務不敢竭其力遷就數逾年而訖未畢功如是乎其艱且滯也何哉蓋兵民之役有征有屯有築有餉其大者如此其小者未可枚舉故不得已為是迂拙之政誠不忍更督促之也切嘗論之雲南於古為荒外不治之地山林幽阻民俗草昧各種各部如蜂蟻然無教令等威之制無宮室器用富厚之資生理既不足以繫其心又奇險足以容惡是以樂縱恣而安悖亂苟求之以法而強之以不能彼不信然相噬則缺然長往矣昔在漢晉雖嘗設官亦即其要會而領之隋唐間頗置州郡皆不過羈縻而已固未嘗

如中國閭井其人也先以四夷氣類相近因而撫之
為宜然其弗靖者猶爾也是以志烈之士非不欲草
薶而禽備之顧其勢有所不行亦喑斷久之乃已徐
而思之有如耐饑渴習霧露乘高走險殊死而不顧
者乃其所長然而性多荒情暗于事機素無節制之
可守雖則易合亦復易離智者察此則知所以制之
矢必有人焉才兼文武而道濟方域曰德曰威曰廉
曰信無此四者而事不定人不安吾不信也故當無
事則佚蕩簡易寬小過總大綱如班定遠之言或有
竊賊則乘其未滋霆衝電激指其的而中之以懲其
餘斯亦攻心伐謀之大端夫如是良怖急者可牀下
伏矣敬告來哲誠不知所以裁之

具足禪院記

張統

天地之間人類甚夥其保養輔翼之道不惟中國聖
人興教化以移風俗雖遠夷殊類其間亦有卓行異
識超出群倫能因其俗而導之者蓋五兵之慘四夷
為甚彼性若豺虎然不可以仁義喻也故佛氏以因
果之說倡於西方流於遐邇得其說而悔其過者不

為不多然而冥然無知悍然不顧者猶爾也西南諸
種曰楚曰蠻曰獠曰夷而旁孽庶醜又不可悉紀獨
楚人脩繕刹宇尋襲師宗事佛唯謹餘種皆不之信
蓋其氣習使然無足怪者洪武壬戌 天兵下雲
南予首忝藩政地僻俗殊每家無與語暇則徑詣
諸山見其宏麗整飭宛如華制輒心目洒然忘其于
旅也明年癸亥夏五月省事晉寧此州之東不踰十
里有山深秀萬松織翠無隙可窺中有勝刹亦可謂
宏麗而整飭者遂宿院之西軒與僧夜話問其興創
之由知有崇照彌蓮峯者實經始于至正之丁丑而
同志無文等相之庵本一湫有龍宅焉照公祝之曰
吾謹候于水左寺果不成當有異兆不然道場其在
此矣凡候三晝夜竟無所見於是遂致其土木之功
而名之曰盤龍寺迄今三紀照之嗣祖源克肖厥師
肯構之心有加無替凡今視之佛有殿禪有堂肅賓
有寢居僧有室高者為閣敞者為軒幽邃者為寢而
華且澤者為金碧彩黝惟其矢心之專致力之久固
其所成者如此其完且美也今思其始而推其終照

之德源之功皆吾輩之不敢忘者第恨無言以示于後為予應之曰庵之得名有是乎盖山川之跡古或異而法之在世者固自若也一錫之所或創始焉或不繼述焉隨其所願各已具足而性之本然者又豈有不具足也哉且以庵為院更其額曰具足庶不負尔續燈之志矣一日祖源來請曰晋寧經值兵燹而寺不燬源與二三子與有幸焉意者此土之蔭其遠乎是不可以無辭敢請予既憫諸夷之寡識而喜梵人之易化特為序其本末俾歸而記諸石

感通禪院記

張統

尺樓之屈龍蛇之螭觀物者胥有取焉其相感之理然也是則風雷之在天河嶽之在地明則有人幽則有鬼神其理亦猶是也得其理則能感不得其理則不能感嗚乎寂然不動感而遂通非天下之至神其孰能與于此而世之學佛者學其寂然而已及其成功則其不盡其感通之神者舉念皆慈聞聲即現有法斯普無界不沾是其能無感而感之也又豈有不通者哉洪武壬戌

天兵下雲南明年取大理大

理之為土負山而海由唐以來蒙段氏據而有之者始六百年二氏皆隸人西南夷為類雖知文教者惟隸焉其僭事佛而尚釋教之有國用僧為相或已仕而更出家故大理中佛教最盛而僧之拔萃者亦多收附初有征無戰其梵宇緇流悉獲安堵律師無極善學而有道乃拔萃之一也歲次癸亥率其徒八覲連獻嗣賦上大懌屢寵錫之暨歸命為僧官重以奎璧天章所以光賁之者甚備無極本居感通寺寺之由來尚矣而石未有記歲庚午無極特以狀

大理縣志

卷之二

寺

請曰大理山水明秀見稱前聞人於諸寺在勝槩中莊嚴富麗若所謂華嚴海者矣城西南取可十里許有蕩山寺志又名上山即感通寺也宗輩相傳謂漢摩騰竺法蘭由西天入中國至此時所建或又為李成眉賢所建至蒙氏時有僧趙波羅更葺之元末兵燹而中殿世尊火獨不及後段武威公感其異因舊址構殿而華飾有加焉中殿之後為大藏北有香積南有法堂堂乃大眾脩道之所無極居香積之北曰白雲方丈其餘芸房花塢景之奇勝不可枚舉然一

事最為靈異此寺未焚之前傳聞寺成而殿址虛位
住持者焚香默禱一夕有佛像自城中飛來奠于位
即今大雄殿未燬之佛也此事奇異願為記之予曰
寺之得名豈非以是靈而稱之乎且佛像之設可謂
寂然不動笑而一念之頃遂能致之吾不知人感佛
也何其不疾而速莫致而至而神如此故能感則土
其為神奇不能感則神奇為土其學佛者知此可使
內力精進銷五蘊之感詣真空之境惚如在給孤園
蓋不止於飛來而已神而明之者在其人焉無極名
法天受法於海印海印受法於斷崖斷崖受法於高
峯今文瑞文燾文齊文彥又無極之惟肖者也所奉
御製悉刻諸石然則此玉荷 國洪應永開
無碍之門宜諸夷瞻禮而嚮化也

靈壽寺記

孫丕揚

有為佛祖之言者翠峯來之浮山之下居焉憫憫若
棟宇之日圯慨禪堂花木之歲深思青構之以張大
其佛燈乃北募陵官南緣澤水一時諸大夫信其說
著若福將咫尺可得然于群心傾群材集群舍煥然

若佛氏在也夫今之信佛者有三福田利海不曰天
之培也曰佛救苦濟難不曰天之篤也曰佛輪迴生
死不曰行法俟命曰佛而其徒又相與鼓扇之冀其
言之信于天下後世是故驅子弟以為佛徒舍屋宇
以為佛舍彼其心誠有所願歛耳願佛氏見豈果
好趨向而已耶載藉榜嚴以真空為西方教準極廣
錄以慧定為西方教次序起信論以真如門生滅門
為西方教頭腦則佛心得為西方淨土佛名得為西
方聖人庸詎以福禍輪迴恐人慕人與李之何學佛
者遂離宗旨若此遠為為也夫佛本西方士也不安
于夷而之中夏其心必將曰中國有聖人出焉吾可
印吾心矣使孔子生其時人其人語其語則真如生
滅將近于克已復禮慧定將近于誠明真空將近于
未發佛且于七十子爭淺深而孔子之道得佛益昭
如日星即使不得孔子以為依歸人之向佛者皆以
佛之心為心讀廣錄也可不妄迎于利浪讀起信也
可以靜定于心讀楞嚴也可以兩忘于較計寧不為
無然畔援無然欣羨一良民哉乃舍心不師而取其

利已之迹師之惑矣故向佛之迹若背佛之心者也
翠峯效法佛宗者也今且為佛氏成室宇舍矣顧其
心將取佛氏心而師與抑取佛氏迹而師與將取佛
物祖東來心而由是以漸進聖域與此鄙人所不忍
舍于高僧氏者故因其記而欲解志于早且推佛之
以告天下後世之談佛者正殿計五楹始工于嘉
初丙寅落成于隆慶丁卯若翠峯則為邑人呂勤子
愚山僧也

再葺上谷察院記

李宗樞

類陽集

卷之三

七

七

嘉靖己丑秋八月上谷察院寢序災冬十有二月御
史李宗樞來按次於外庚寅春三月御史大夫劉公
及李子會於院謀役焉李子曰公其已夫公曰具矣
而曰然吾懼其勞且費也曰四郊弗壘力有餘茂迭
進而時役之又焉勞遷其業且暨其遺舉而植之又
焉費而曰然吾懼其靡也曰吾惟治而寢葺而序以
寧而居且而能崇約以弗居也政與能無聽乎夏四
月乙丑使指揮劉輔黃鳳儀監之秋八月戊午成越
三日舍焉李子遂言曰止其居弗脩其任則失覲斯

居也者待謂之何吾聞之也君子履道而行宅性而
處故其行裕如也其處廓如也夫仕學一而已矣樞
魯人也敢不夙夜祗懼對揚以承 辟之大命而
慙昭公辱小子識之

處困記

楊爵

類陽集

卷之三

七

七

嘉靖二十年二月初四日余以河南道監察御史上
封事有罪次日下錦衣衛鎮撫司十三日夜蒙管十
七日復蒙管訊鞠血肉淋漓喘息奄奄而所以困苦
之者則又日夜戒嚴未少踰焉斯時也余自謂死在
旦暮且以得速死即幸矣既數日刑瘡之潰裂者雖
少完復然殘傷跌敗之餘形狀樂樂動輒顛躓亦未
敢以萬一獲生之意自望也忽一人謂余曰子之險
難其將免矣有一賢者焉以救子為事疏之上已數
日矣余問為誰其人不以姓名告但曰俟一二日當
自知之已而戶部廣東司主事周公天佐下獄中余
未始一識周也時獄成甚嚴又未獲一相面語惟聞
衆驚愕囂囂語及疾趨往來踟躕聲周苦之既重其
困苦之者視余則又甚焉余慮其弗能堪也呼一人

即膝上手畫困卦二字使以潛慰之乃示以困亨貞
大人吉無咎之義也聞周首之且微有笑答次日余
詢公之起居於同逮麻知州時公已逝矣麻不待以
驚悸告但紹之曰必無事今日飲食稍能進矣甘辛
為五月初八日未時也數日驗由其死天震雷發
出雷已予哭之以詩有天上烈星墜人間草木悲
腔都是淚只向暗中流之句周以忠義英烈有後
下獄未三日即死人情慘阻聚語洶洶皆為余俱炎
氣蒸獄地蒸濕但暑派火之際余所著者尚為冬
月之袍重以嚴禁力弗能堪惟思古訓格言可益身
心如孔顏問答之類者潛玩其精蘊與其氣象以自寬
自解覺有得焉忽不知枉桎在躬而忘其身世為罔
圖中之一羸億囚徒也繫及冬初刑部員外郎錢子
洪甫以事下獄錢子余同志舊友也相見甚歡數相
語皆崇德切要工夫未嘗以困苦繫中告蓋恐為有
道者笑也居旬餘日錢子送御史臺擬罪余頗有以
為別錢子曰靜中收攝精神勿使遊放則心體湛一
高明廣大可馴致矣古人作聖之功其在此乎則亦

父錢子復以前事來獄中時御史補公鉉自巡
陝西處上疏救余械繫來京十二月二十四日下北
司獄中別處一室眾皆洶懼莫敢窺伺惟錢子往候
之為守浦者遮拒未獲與言除日晨旦浦公蒙苔移
就予室同加嚴禁公既傷重弗能語惟聞有呻吟聲
眾包之以衾共以手舉寘之余傍居移時始甦余
以老兄謂之曰老兄固不自愛矣如時政何公毅然
應之曰今日之舉吾巡按陝西之責之一事也於子
誠無所與子勿復言既而告余以關中人才風俗之
大畧及所著全陝政要集繫過華陰有題華山詩出
境上別秦中父老詩皆能為余誦之有以公事來者
遇公甚厚公感其誠意口占七言律以謝之余從容
謂公曰吾兩人者地分秦魯相去數千餘里絕跡仕
進甘老林泉同一志也往幸 詔起廢官復御史
職者惟吾兩人而已未幾皆以言獲罪今日同一桎
鎖者則又吾兩人焉事至于此豈偶然耶吾人處世
榮樂則心存於榮樂患難則心存患難於今日之憂
困而安順之亦百年中所作之一事也時錢子亦以

華處憂患為吾兩人慰余既日夜在側執弟遜禮甚恭遇守者或失之粗厲公戒之曰內文明而外柔順處患難之道也忽一日公自覺寒熱交攻坐引弗寧余知其刑毒將潰凶之徵也即夜破一磁盞刺其傷處血流弗止公自謂覺必寧息但神益昏潰飲食以進食即嘔出公既危甚守者見余情狀迫切慮自殺防之甚急是夜以鐵索縛余臂聚而守之已而公不語矣余執其手哭之甚慟良久公復少蘇問哭者誰也左右以余對公曰子無過慟吾死於此命也語畢卒時漏下三鼓為正月初六日子時也余枕屍慟哭徹旦未已迄今語及未嘗不流涕也錢子以浦周二子之死也其死以浦周二子之事也謂予之慟似可以少已焉夫固然矣古之君子得志則道可行於天下不得志或亦有以善一方德厚者動而為世道之益否則無往而不損焉今日賢人君子之過雖非我所敢致亦由我而有之矣夫非積未誠而動未甯與吾豈怵中懷危蘇蘇焉而為沈若者耶即憂困中省愆思咎之心誠未已也故述吾獲罪之顛末以自責

而自勵焉

續處囚記

楊爵

予下獄蒙管後司官絕余供食日給因飯予以事非君命特過於奉承者一時不以生道處予故義不忍食時繫獄同屋居有張清者頗尚義氣予得資與共食為既而錢洪甫下獄得自通飲食家人附供食物書予姓氏者不聽進乃約以再字別之凡書再某物者知其為寄予物也踰年洪甫出工部貢外即劉子煥吾下獄亦如洪甫為予處之又踰年吏科給事中周子順之下獄亦絕其飲食於是予與順之皆依與煥吾同飲食乙巳年八月十二日子三人俱蒙恩放歸田里取道於通州張家灣同舟南下至臨清州子由陸踰西去九月十一日 上密諭東廠使復拘予三人是月二十八日使者至予家時予抵家甫十日即刻起程十月二十四日至東廠次日蒙旨下鎮撫司照舊監禁不許急縱始予以罪下獄時戶部主事周公天佐及監察御史浦公鏞相繼救予皆以重笞死獄中旗士蘇宣以東廠使具予言動及

囚繫狀積五日一上奏宣以厚余為子遭請下獄
幾死子皆別有傳以載其事至是治厥事大監徐府
以拘子事係密傳拘至不冝題本答八十降南京小
火者於是人情悚懼皆慮禍及於已既下獄即絕子
飲食九子所具毡履以禦寒者悉奪寔庫中惟慮因
苦子者或末極也獄中繫逮者百餘人見子皆遙
或偶以一言接者則縮頭斂足左右顧瞻如於境外
異人相通而恐禍出不測也章生句浙會稽人壬寅
年以事逮獄與子同屋講周易司官以講讀事不冝
外聞於人乃寘生於別屋戒不得與子見子出獄時
過生門呼以相別至是生為子具飲食使卜校者以
布裹沙鍋藏衣襟下朝暮供之獄卒多以患害忌生
者生不為動則應之曰以此得罪死不恨子與論生
勿發危言當以貞艱晦默相濟處初子繫過孟津縣
謁夷齊祠度以罪當復繫非君命而禁子自供食者
當餓死故題詩壁上有頌借首陽方丈處藏吾天地
一殘軀之句比入獄嘗盡日不食司官使告子俟剗
周二子來處當如舊十一月初二日順之至厥蓋順

之得抵家拜其母次日即行煥吾未抵家七十里聞
使者先至其家繫其弟以行即趨應時者順之至厥
十一日同下錦衣衛南監即轉鎮撫司是日夜漏將
一鼓子因於柵鎖見獄戶未闔守者燃燈若有所待
子度必二子將至須臾聞步過外有鐵鍊聲既又獄
卒繫柵木群出力叫吼聲響聞數十步索鐵鍊以縛
二子呼聲震動守者一人坐予謗訝之曰何為其然
補得虎來耶忽一校者走門內告予以二子使問候
予笑曰因縛中不忘教寒溫意可以見二公曾次矣
煥吾順之各居一屋皆在子屋後左右南向廁門在
子屋前右東向次日天明順之登廁過子屋戶板扇
外有柵向內掩畫常鎖之子不得出乃隔柵與順之
相勞苦子問順之至家得見其母夫人納福順之惻
然悲傷始予不食因飯嘗於暗室中誦孟子一簞食
豆羹章以自誣畜至是順之亦不食謂予曰囚飯之
食呼蹴之食之類也乞人尚不屑而戒乃屑之乎予
笑以為然因謂順之曰寧以壁碎石上作群玉屑安
能甘此侮污為全瓦礫耶或以順之與予共約不食

蓋不見見同實未嘗相約也。與吾曰：朝廷既待我，以不死，吾豈忍以不食而死乎？順之曰：伯夷、伊尹、柳下惠，不同道而同歸於仁。今日之事，各行所志可也。司官聞予二人不食，許以煥吾名通飲食。既數日，復使告謂冬久旱，上祈雪未應，心甚急，恐加怒於三人。而許通飲食則事屬急，縱以餘罪相累耳。明日當復阻之。予應之曰：必吾三人者，餓死矣。兩雪乎？一校者繁髯，方面從傍聞之，怒罵曰：此非人所言，乃食草者之云也。順之顧謂予曰：此言皆可紀也。次日食果不進，各鎖予三人於冷屋中，戒無一人敢相見。門外饘食往來紛然。予三人四壁寂靜，兀然獨坐，勺水粒米日不及門。章生餽食弗能達，生亦奮然不食。間以乾饘使隔柵潛通之。百戶雷聰居近，偶得薄粥食予三人。獄卒赫然罵之，以即欲以匣鎖困苦。聰再四謝罪，始獲免。時東廠月以六人日來相視，楊棟、國用者孝子也，其母病，棟嘗割股見予三人。夜轉阻，詎漢曰：豈可使懷忠義者困迫若此？乃往見司官，謂生上仁，聖於三人者，欲其生不欲其死，恐未可。

以非道相加而使飢以死也。於是司官使許點、曹自供米物類。君恩浩蕩，終不加怒。予三人得與饘糊口，相與痛省愆咎以荅。上王成之至仁，而延此憂患之歲月耳。自予下獄，身負重譴，凡士大夫以罪繫獄，拂上意者，司官必以予例處之。如兵部侍郎張漢都給事中尹相林廷選、張堯年御史何世栢、桂榮一時下獄者，皆絕其食，時煥吾在獄，故諸人皆淨托以自致，而忘其為剝膚災也。及予三人復下獄，始知凶禍切骨，而口所獲者皆窮絕之地。至是則有致命遂志而已矣。予所居屋前有左右二屋，皆南向，屋中不設樞木。往時士大夫下獄者，皆居之。未有居深室囚木者，而予始之。自予始，亦未有絕飲食給囚米者而絕之。亦自予始。竊思復有觸忤權倖而下獄者，必藉口於予。今日則枵腹待斃者，豈有之？使蒙傑解體而時事不可救藥，安知其不基於此乎？見予以一時狂妄之罪而貽國家無窮之禍也，煥吾順之。嘗曰：已身不足惜，而俱以罪累。竊廷耳故。此

麟縣縣序

張一統

麟縣鄭氏為東南著姓寓於行義海內稱之潛武兩
乎統自雲南入 親甥左庶子濟於朝行見其循
循雅飭不類乎外詩所謂其儀不試者庶子有焉
聖人簡出群倫實在左右俾羽翼 東朝矜式天
下其於化民成俗之意吁其至矣麟字字仲韓義門
之八世孫嘗請余曰有家以來既多歷年所朝賢鄉
彥所以彌遠而光貴之者代不乏人前此固已會萃成
集矣洪惟 執德仰天人材輩出後之作耒艾
也隋珠和璧胥歸寶藏謹續成一篇于以宣揚德化
修 上之恩而先業遺緒亦藉以無忝幸為序統
謝再三乃備辭以對曰嗟乎分形連氣同具是理而
不能不壞於人欲何鄭氏之愈遠而愈盛也何鄭氏
之能通其變而制其宜也竊求其故莫不由周禮本
俗之道族墳墓聯兄弟無所不用其極本支相保當
薄而愈厚也世有鄭氏猶景星叢空鳳鳴朝陽真曠
世之祥也雖然經言百世而後其共贊之文聖不非
不欲之蓋亦難為之制耳今擬以一生二為法自二

而下倍而數之寔於千世為子孫者千二十有四
繼嗣之宗將居其半惟太宗嘗祭於廟餘皆室祭室
祭無所君子之所隱也且子事父母鵲鳴而起問安
視膳各欲盡其私情若千人聚居一有不愜勢必有
向隅而泣者於斯二者處之時難是故通其變使人
不倦時而措之與之宜之乃君子之微權也聖人慮
世雖遠又安得以權為制哉所謂權者無私恩則不
足以親親無公義則不足以尊祖私勝則義為恩掩
公勝則恩為義屈節其親疎量其恩義執兩端而用
其中上不忘一本之澤下不失群從之懿自非權度
精切何以與此竊嘗曰父子異宮之說而思之大畧
做古者諸侯廟制五世一宅各有祠而惣為墻宇以
廊其外庶幾事親奉祭各得其所庶子可與言者率
尔及此以終序述之意或亦處家之一道云

杏園春試序

李宗樞

惟吁昭北麓玻璃泉出焉環泉多杏時厓蔽壑非茲
山之勝觀耶山名杏花巖者此爾嘉靖甲午又中春
朔皆始華繁英照爛映碧流丹雖上林五色無能擬

也柱史蘆岡張公嘗置甌山書院選泗野岸士齋以
歲之廩以食之師以主之正業以教之居學以安之
惟是公將行矣廼率庶士止于泉側對時發興即景
賦詩薄言春試考厥成也公倚石凝思飛毫成賦衆
亦興感奮揚陳詞吐氣點筆宣懷聲格異章須臾並
就文光絢彩儼如煥如華萼輪妍而山泉動價矣公
廼命從吏鋪筵揚解穀穀惟儉禮儀卒度乃命童子
歌鹿鳴之章酌玻璃之水以饗以游躡蹬攀藤穿林
度嶽歷幽谷俯層城睇龜岑眺鳳甸近眇淮源遠瞻
海曲訪瑞巖之觀弔貞女之祠景光交會逸興遄飛
物意咸熙性天畢闡物耶我耶殆相忘耶遂濟河而
還惟時廬陽刺史東庄高子輩咸公遊至泗獲與從
焉分詠互賡繪圖叙帙紀勝以貽永也李宗樞曰唐
進士宴曲江遊杏園嗣是未之前聞茲試也其諸論
志之訓也夫蓋選舉者制也超于物表者志也
制可從不可利志可廣不可溺豫期善誘君子庸能
已乎試于斯者期其志也必于斯者大其志也是故
學莫先于辨志古之學者一年視之今之人有終身

學焉而不知者亦惑矣二三子其祇服相觀無忘公
之明訓夫夙著上之化也士者民之先也非公重先
務而多暇政而有是乎繁可以覘公志已誦其賦思
其跡仰窺其志身在仕而脫然于宇宙之外久矣嗟
嗟宦籍吾與爾縻匪觀之子吾誰與歸是歲春暮廿
日啟題

南巡詩錄後序

李宗樞

昔者先王之巡守也命大師陳詩以觀民風巡守之
有詩自此始也世變教衰民風日靡而閭閻之詩亡
矣侍御蘆岡先生祇受大命代巡守于江北周
歷咨詢歲且更始自鳳廬至于海曲千里而還慨詩
之莫可采也每適於其境察於其風交於其物動於
其志形而為古詩變而為律約而為絕托詞為以紀
其美惡是故其風美者其詞康以樂其風惡者其詞
憂以思而庶郡之風其如視諸掌乎夫亦猶倣古之
道也外是有作一皆本之性情達之倫理該之物則
去夫獵怪搜奇資為聲光者遠矣先王之治詩以觀
風而美惡見焉風以稽政而得失彰焉政以出治而

黜陟行焉則先王考得失之政別賢不肖之實著勸懲之章舉激揚之典者不在茲耶太史氏行有采焉被之金石越於聲音以象我聖主中興之感尚亦可俟也已由是觀之詩學也而治道備焉則治學也者夫道一而已矣君子曰是錄也可以學可以觀可以適治

再刻從古正文序

李宗樞

夫書一而已矣二之者後世之失也是故古書之文一一斯正俗華之文二二斯偽俗文尚則古文晦古文晦則大義謬矣是故君子正之正之者從古以後正也彼習之不察者或異焉亦惑矣嗚乎五帝之後改異殊體六國之世文字異形先王之教化浸微六藝均之失傳矣豈惟書哉嗚呼孔孟既遠群議日興畔聖人大中至正之道而為同易之辯者曠如也豈惟藝哉昔余之適汶得是書於高大夫蘇門氏乃吾鄉前學士蘭坡公之作之者嘉樂敷求刻也已矣是故再刻以存之君子察於此蓋亦審所從也夫

贈御史中丞可泉胡公撫山東序 李宗樞

后王命冢宰以反藩左丞胡公為御史中丞撫山東公曰吾惡乎撫諸對揚我后之勤大命樞曰化之弗成也政之弗良也體之弗審也是故君子究體以達政備政以善化而治道具矣吾聞之也古者天子使其大夫為三監監于方伯之國國三人今憲臣出撫亦猶因古之道也乎夫都御史憲臣也以法為秩者也內曰秩以言乎法也在外益之曰撫以言乎安也徒法也乎我是故糾正詰察之謂法懃懃保恤之謂安法以行義而教立焉安以敷仁而愛立焉蒙以教之仁以愛之此先王之所以康天下也古人有言曰撫我則后虐我則讐撫重異馭而庶心向悖從之是故長民者不可不慎也昔康王命畢公保釐東郊曰道有升降政由俗革蓋又斯降降斯升升斯降矣窮斯變變斯革革斯順矣山東齊魯故域其周公太公之封國乎其鄒魯之鄉乎自夫繁賦迭昌征斂無名之餘而民疲矣巨寇嗣作戕攘無遺之餘而民困矣世教寢衰渙散無紀之餘而民頑矣民風益靡寧詐無恒之餘而民偷矣二公之政其熄乎鄒魯之

教其微乎輯綏風動之化其有待于公乎公以懋德
風望宏才積學為吾鄉先覺根之身心發之為文詞
排之為德教植之為節義措之為事業自翰苑以迄
于今鄉邦則之縉紳稱之海內慕之鳥鼠有集木蘭
有集辛巳有集皖郡有志秦邑有志纓纓乎泯泯乎
其

昭代之文乎自上忤權貴左遷以迄于今守
潼川守安慶守蘇州為叅知為左右丞澤于蜀德于
皖惠于吳閩廣被于齊魯晉梁之區廓乎洲乎油油
乎其古之遺愛乎公茲往也以其政正之復周公太

東陽集

卷之二

三

公之故斯已矣以其教教之復鄒魯之故斯已矣孔
子曰齊一變至於魯魯一變至於道今齊魯一也丕
變之餘同歸于道斯已矣矧公惠政肯被于海右雖
共期伊邇民之懷之未已也彼懷之此應之而化理
之施其達也如嚮殆同心之感豫孚之誠使其然乎
公曰嗚呼念之哉往哉撫我右丞姚公暨諸大夫聞
之曰東土其有慶乎是可以贈公也已小子識之

送石谿陸公推廣西按察使序

李宗樞

十六年冬十一月廣西按察使闕吏部上河南叅政

鈐廣東奏疏

上可其一為石谿陸公先是

部以湖廣叅為按察使

上眷重憲臣謂吏部曰

自今按察使其以先為刑官者補之至是公被

命聞者咸稱得人天下益知重憲臣矣李宗樞曰昔

者聖人有見夫人肖天地之貌懷五常之性有欲而

無統立綱陳紀以承天道以治人情故國之有紀綱

也如壙之有楨也如服之有領也禮云紀綱既正天

下大定高皇帝既定天下畫十三省惟紀綱之

大內總之以都察院院有都御史外總之以按察司

東陽集

卷之二

中

司有按察使以定國經以貞彛度以敦化本以正官

邪以察民瘼以平獄訟是故隆其選畀其權專其職

殊其章服列其表著寄紀綱之重以法為秩者也嘗

觀近世執法之吏把持不渝名譽赫赫終身顯達不

替或秉德之士持重不撓貞樸自守乃聲聞閭閻然

而不顯于時余甚惑焉所謂善治者德耶法耶蓋德

也者仁也法也者義也譬諸造化仁也者陽也義也

者陰也陽以舒之陰以翕之而民物育矣仁以經之

義以緯之而化育成矣是故君子之為政寧其

善俾敘述明德作此序辭

薛西原集序

李宗樞

昔我 武宗皇帝庚辰之歲余嘗從瑞泉先生遊于京師獲西原薛先生詞賦數快尚則玄風聿法末習激群籍之芳潤擷百氏之英粵藻思鴻才卓哉有斐一時騷壇詞國操觚灑翰之徒邈焉實傳先生方綰章綬署欲晉烏請益未之敢也今 上御極之癸未余舉進士先生同考之未幾振衣南州余亦分符北海思覲睟顏聆玄論未之能也乃歲壬辰余官中土分按南畿既見先生乃舍彼舊學棲跡丘園將心理域德音秩秩昭然矚矚不我詎已乃知大道靡窮達人無我瞻彼群什道中一藝云爾雖然尼父定剛風雅並述將以性情所感斯道攸存詩以理之熟云徒條統之暢淫鬱之思達神明之德通萬物之情格兩間之妙詩之為用大矣我夫道不遠人詩非離道一以貫之存乎其人追念還思愛請舊佐以貽同志並序厥學庶有所稽焉

中部縣志序

李宗樞

李宗樞曰余登江山縣同官至于中部睹山川之腴土田之瘠賦役之煩重風俗之靡而知其漸漬于失教被服于成習未嘗不喟然而發嘆也會縣令董君以前司冠郎鄰南劉山人撰次志帙謁序余讀之得為治之要重慰夫余懷之感焉作中部縣志序曰郡縣之有志尚矣自東漢南陽撰作風俗以前靡得而稽云余嘗閱往志其詳頗莫可悉已厥簡者逸其義煩者駁其辭或不核其事行曷以宣化理示軌度蓋其失也君子奚取焉夫志也者其史之遺邪章敝以微政存往以貽則乃茂士鑒之寔其微思易其偏跡其徃思淑其後而治道備矣否則牽於所聞見仁義諱挹頓具懷之義猶舉而與之此與以耳食無異嗟乎嗟乎若此者尚何志哉今觀山人之志因邑之舊編約其辭文去其煩重述往事思來者以制義法于是志地里而見通亡之衆財力之縮風俗之益偷志建置而見人文之盛衰道里之衝僻志祠祀而見秩典名區之繫志田賦而見閭閻因敝姦詭貪穢之端志官師則賢者載之否者畧之勸懲見矣志人物志

選舉則文獻有徵憲章見矣不遺不濫不倨不華允
時古之良史斯可以言志也已後有君子一覽觀焉
必惕息于中而有不能已已者錄是舉而措之因其
敝以達其偏則古昔酌因革變焉通焉與時宜焉以
升于至治豈惟境內烝人之幸而夫夫為亦獲附諸
往芳之傳豈不照耀茲編也哉然則山人之為志亦
或意在斯乎意在斯乎志起地望迄選舉凡三卷爰
著大却于端匪敢關諸畜德庶長民者得以自鏡云

爾

頤陽集卷之二終

頤陽集卷之三

新安景澤甫

米脂子謙甫

耶縣宗伊甫

送副都御史南溪張公撫延綏序 李宗樞

嘉靖壬寅秋虜入鴈門攻太原至榆次踰月遁去

上乃頤任撫臣選士厲兵簡練禁倭先事豫防是時

延綏撫臣開銓部以河南左丞南溪張公請于

上以公為右副都御史往撫其地於是一時大夫卿

士咸曰邊鎮得賢云余聞之曰 天子其無西顧

之憂也乎我 國家之御戎也西北為要監以憲

臣宿以重兵虎視鯨吞屹不可犯歸義款塞百有餘

年而邊陲晏然夫安久則怠怠久則弛考土疎而器

械無犀利之用校人懈而驅馳無膚幹之資度支玩

而廩靡無轉輸之積重之以饑饉荐臻疫癘駢作是

以攻守靡利藩籬漸疎醜虜深入職岌之由夫延綏

五路之襟喉三秦之要區孤懸絕漠控制諸邊左提

右擁胃足扼吭固今之雄鎮也公以宏才膽智令德

宿望弘而毅沉靜而多謀威而不猛又嘗懸三曹作
權實謫百粵遷越郡振藩臬明刑中土敷教湖南氣
節文章弘烈茂績照耀寰區其在關中也為愈憲為
參政決議贊政尤積有歲年泝洪河躡華嶽就弘化
闕靈武陟賀蘭攬朝那登降于北地上郡之關今皆
密邇節鉞之地壯猶多算玄鑑洞窺變化翕聞于胸
中久矣夫弘毅者任重之器也沉靜而多思者理事
之才也威而不猛者御衆之道也惟公鎮之以器則
不震不動運之以才則不難不疎而董之以威綏之
以仁而又紆豫定之策樹不朽之勲弊剝露除億興
困蘇工勵而器械精圉勅而驅馳備廩靡程而轉輸
充動佐協變通制備垂永久破膽之謠此中故事非
公其疇嗣之夫中夏有威衰夷狄有強弱事機有利
害措置有安危故無必安之規亦無長勝之法蓋中
夏之威衰異勢夷狄之強弱異時事機之利害異情
措置之安危異便因其勢審其時酌其情而察其便
愈蕃醜之暴掠懲邊鎮之空虛耀德佐威庇人保境

賁江而揚威聲海內咸稱望焉余固知 天子

無西顧之憂也簡書既降戒行有期諸大夫咸歌詠
以頌公矣夫賦政爰發清風慰心今古同情存天下
先憂後樂公之風志矧公德望久矣簡在 帝心
行將升鼎鉉秉鈞軸受鴻名而均海宇凡制禦之遠
圖莫攘之大計定之廟堂而施之邊鎮豈惟茲鎮之
永持至安已也是烏能久居公哉右丞豐山孫公暨
諸大夫謂余關中人也侍公教且久俾敘述明德作
此序辭是歲冬十月十有一日

送淺齋魏公徙鎮南畿詩序

李宗樞

夫章志紆思者情之所遇也頌休祈遠者心之所好
也故白駒之章託之維繫清風之誦賦改過歸善情
有所激則聲隨以宣心有所孚則願因以暢是以惜
別懷人贈言悵念學士每稱於世云淺齋魏公撫豫
之明年而當嘉靖壬寅道化汪濊群姓莫居熙熙然
治矣乃秋七月且虜人鴈門攻太原密邇境上公乃
繕治城垣簡練士馬輸輓芻糧偵禦要害翕關弛張
屹然有不可犯之勢三河之衆恃以無震者公之烈
也此所謂國之干城者乎是歲冬十二月南京督

御史中丞關僉謂國之大計兵食維均茲非公不可
銓部疏名以請 上可之夫東南財賦之區而留
都又根本之地天下之仰資倚重焉者也矧今戎務
方殷邊儲告匱秩址臺而計南服而又援之以重柄
畀之以專寄則所以望公者不淺矣 簡書既承
行將去豫藩臬諸大夫侍公之政教既深且久結諸
心而形諸情也不能已已於是抽筆命詞褒然充卷
匪日侈富庸杆衷素云耳秦李宗樞曰余讀斯卷而
嘆德之動物也如是哉觀於諸大夫之詠而氏之謳
歌載野又可知矣豈非漸被之久懿德之好使其然
乎宗樞為公下吏茲復受公之成僭疏短引慙可已
也又明年癸卯春正月十日敬題

渭南縣志序

李宗樞

瑞泉先生既屏居于渭卜築酒西別宇日偕邑子之
屬覃析大道著述玄言慨邑有故志訛謬亡紀文獻
曷徵乃博輟籍傳洞窺今昔錯綜彙括作渭南縣志
云志有圖有表有考有傳其悉在諸卷端圖二卷表
四卷攷五卷傳七卷凡一十八卷志成嘉靖二十年

歲在辛丑之秋時宗樞以先恭人之喪未除不獲
官場侍鉛槧帳為有懷比既禫適渭見先生示宗樞
得縱觀為先生曰適其序諸宗樞固遜弗獲乃奉卷
作叙叙曰夫志宜隱闡微藉物垂軌以貽永者則也
而詳畧適其分者體也是故州縣之志貴悉而理其
體詳省府之志貴統而要其體畧猶之建官敷政為
省府之長其秩崇其政閑否則濫而弗勝偏下之弊
生為州縣之牧其秩殺其政細否則踈而弗舉僭上
之弊生為是故君子觀程以審則立義以審體而後
可以言志矣粵自東漢南陽撰作風俗郡縣始各為
志嗣是有作遞裁末由考已今之志者或失則煩或
失則簡鑑為者亦弗究其體而槩為與之均之弗思
為爾矣茲編也圖以宣隱表以闡微考以稽物傳以
垂軌不侈而悉不迂而理故君子外之以治人則慎
而平內之以持已則敬而脩近之以博識則倫而備
遠之以徵往則諛而不遺裴鋼稱司馬氏之史其文
直其事核不虛美不隱惡謂之實錄劉向楊雄謂其
有良史之才先生兼有之夫古之哲人貞士格于時

而道不能用恒託詞為以詔天下後世則志之作也
可知已先生其著述履歷世亮有精鑒嘉樂而傳
之者茲不載祇復明訓且有感于斯志也敬綴燕詞
庸著大較云

約言序

李宗樞

夫約言何為者也毫郡薛西原先生所作也何作乎
約言正學也李宗樞曰約言之作也其有感耶至矣
哉聖人之學乎學諸心而已矣心則約矣聖遠言湮
心學亡傳異端橫議是故願隱相求邪正不相析理
歎相勝而學或幾乎息矣是以君子有以見夫吾心
之禮散見諸萬物有以見夫天下之文會于其心同
歸而殊塗一致而百慮至博而無外也至約而無餘
也是故先生有感焉約夫言以正學也為天道為性
情為潛龍為時習為君道為學問為君子為立言為
春秋其為篇也九其為敘也一其旨宏其義正其該
物也廣而不遺其究理也實而不迂言約而天下之
理備矣天下之理備而聖人之學聞矣正矣上焉孔
氏罕言之鈔無言之蓋蓋亦具乎其中矣非天下之

至約其孰能與于以夫君子之言道也獨則相發
則相因相發者其言約以明相因者其言煩以襲是
書之作無物說無贅辭無索隱約言為以正學以發
明斯道其諸聖人之徒夫

河南鄉試錄序

李宗樞

夫河南天地之中在昔王者所更居也故聞人陵上
代有其人論者恒曰中土多才云 今上即位之
二十二年而當嘉靖癸卯會鄉試之期是歲巡按御
史楊勉學被 命來按茲土寔監臨之中布令規
祇敬以飭先期聘節等典司考試比至校易則教授
李應需教諭曲履繩校書則教諭張偉魏濂校計則
教諭李昂陳繼文春秋則教諭劉寵禮記則學正楊
道南而節與教諭莫倖謬總校事於是以左叅政馮
亮右叅政李充濁為提調以按察使維昂副使李仁
為監試下訖諸執事悉簡賢而任之蓋重求賢之
盛典而思得真才以獻之 當宁之上者也沙者
士其念哉夫自河洛祥隲社圖書並出示象之文
著而含章之義宣文不在茲乎 國家以文取士

蓋因文以見士而士則以文自見苟不本于心則
末技託空言有道者之明忌而深黜焉者也亦奚取
於文哉君子之學學諸心而已矣道德積于中而文
自著見於其外故文者道之顯德之華也古之人湛
道德淳英華發而為文措之為大業孔子所稱躬行
君子者耶柰何綴文之士絺句繪章炳若緇繡外維
雕琢曼辭以自飭夷考其中則泯然無足稱者而猶
自列於君子之林遠足以自黜耳此所謂漸漬於失
教而被服於成習者乎 明興百有七十餘年道

卷之三

化汪濊漸被宇內至弘治間文體渾厚宏博爾雅莊
正一時公卿大夫士吏斌斌多文學之士斯其盛矣
正德以來文極盛而詞益工肯綮之而彌遠思按之
而逾深視昔少異焉迨我 皇上紹三五之統昭
至德配天地崇化厲賢勸學制禮 宸章聖藻煥
乎有文天下之學士靡然鄉風矣士之生斯時者身
被 聖人之化而親覩 中興之盛豈非幸哉
余聞之夏之靡商之伊陟傳說周之中伯甫侯仲山
甫皆茲土之產中興之名輔也其在當時翊運在民

各相其主成一代穆清之烈而文彩表後世布在方
策今皆可得而稽云汝多士生同其地而履際此
貞期行將脫巾筮仕誠能錯事展采奮庸熙載款
款之忠以進結於 明主以輔 今日中興之
治與數君子者比跡後先斯舉也亦將與有榮耀矣
乎否則據傲乘邪以求一日之富貴重為天下輕笑
余甚懼焉汝多士其念哉是時巡撫右僉都御史李
宗樞作率庶士文教以興總督軍務右侍郎 鵬
經陳微內地晏然而士皆安業總理河道尚書周用
撫治即陽右僉都御史王守監察御史巡鹽裴紳曹
邦輔印馬項廷吉夙重文學崇尚賓興署員外郎劉
永行人張珥溫新奉使於茲樂觀厥成左右布政使孫
存右叅政蕭一中左叅議龔良傳張舜元右叅議王
崇副使喬瑞狀儒黃潤吳惺僉事翟鎬劉澍呂懷健
余承業顧鼎王三聘都指揮僉事沈一元景紹宗王
執敬則皆先後贊襄協厥衷焉茲試也提學副使葛
守禮選士一千八百七十五人遵 制三試之中
武者八十人錄文凡二十篇

清江釣叟卷序

李宗樞

清江釣叟者何文人致贈乎劉叟也劉叟者何文南之逸民也焉用贈賢劉叟也何賢乎劉叟嘉志也其嘉志奈何曰人也弱而文溫而直惠而能散肆力典于學故所學卒有充也充學者弘其體也弘體將以事仕也體弘矣而叟終不仕何以不仕知不足也知不足無不足也曷為乎無不足大乃見而恭乃心也叟也其夫是也遂事釣于文之南江以終身焉其事釣以終身者何也曰見諸釣者叟之迹也倣諸釣者叟之志也曷為志榮辱之伏也進退之階也顯晦之基也不榮不辱不進不退不顯不晦重我而輕物樂中而忘外是叟之志也釣所以寄其志也徒釣也乎哉贈以號又重以詩何也詩言其志也非語其迹也是故致贈乎劉叟善善之道也君子于是以學充為以見高為知以守堅為勇予之也易辨遜之時義大矣哉又口不事王侯高尚其志若劉叟者可謂能蹈是而克有終矣是以君子貴之

獄中詩集序

楊

去年春予以罪下北司獄既而緒山錢子白樓趙子皆以事相繼來繫既絏冬共慨時光云邁舊學易荒咸頗以文相會輔於是錢子讀春秋趙子讀易子以困病弗能自強亦問佔俾於禮經庸學語孟諸子百家數相論難情興感觸發為詩歌古風近體各有所得歲月既久總成一帙錄藏巾笥意不在詩與文而在無忘今日患難相與之心也故吾三人每相聚未嘗不嘆相遇之奇而幸其相處之益也古者大聖賢之心學淵源相與神交默會故有誕先登岸不倣於困窮鬱抑而後成然以動心忍性熟其所存精其所履而優入於神化之境者自上智而下恒多有之吾觀錢趙二子景希先哲探討幽秘靈臺不厭他日行所學以福斯世而成可久可大之事業其與祿養家塾而措諸廊廟者何異耶顧予庸疎多罪劣於振拔幸得竊其影嚮補愆省咎而僅比於折肱知醫之萬一焉夫以多患多懼之區而為進脩之地者亦在乎心之存不存何如耳

周易辨錄序

楊

予父蒙難自以負罪深重憂患警惕之念即夙夜而恒存也因病中日讀周易以自排遣愚蒙管窺或有所得則隨筆之以備遺忘歲月既久六十四卦之說畧具矣因名曰周易辨錄繫辭曰困德之辨也吾以驗吾心之所安力之所勝何如耳若以為實有所見而求法於古人為則吾死之餘萬萬所不敢也

慎刑錄序

李宗樞

蘆岡先生監茲旬服巡于廬鳳達于淮至于揚州反于泗甯肅雍雍秩秩如也既敷奏恤刑入告于我

新陽集

卷三

七

后以洽好生之德至則命有司審斷決獄訟必端平毋或枉撓訊讞聽斷勿勿乎其悉也洞洞乎屬屬乎其如其失之也而卑明之政達于江之北矣泗守李夫倫氏仰而則之思以自淑也建茲夫奏言會夫散牘為辯問為矜疑為其犯為批駁為慎刑錄云李宗樞自穎達知守錄成告且問序焉李遂書曰錄刑也可以觀德矣遏惡揚善天地之道也而夫德曰生其命于人也曰仁存焉者寬矣聖人者本于天散于而象以典刑以順命也刑也者所以同民心而出

治道者也故君子慎之是故具體以成之非我也順命以得之非外也以言乎刑則中矣以言乎仁則存矣是故其刑僭者其仁亡其仁亡者其德也蔽今之失也弗慎爾矣書云惟克天德其此之由乎

刻循吏私錄序

李宗樞

天子使樞監于朔北蒞而土而吏瘡而武弛而俗如也比御夫有政要之弗領也惴惴焉爾矣俵俵焉爾矣鍾會司會李子貢鄉氏于上谷李子遺循吏私錄也者而語之曰斯編也御史大夫漁石唐公嘗監諸洪都者可以觀政矣樞乃祇受誦之既循吏曰休哉不亦乎休理之妙也廉而節惠而和直而不回明而不闇肅而不替夙願習者其是夫乎既附錄曰廣我愛沒遺思以去永政教之教也既特錄曰烈貞而不屈其忠蒙之華乎夫忠以察倫義以止善而後可以為人臣矣稽古節士未或能之先也曰卓哉孝矣清矣其賢不可尚也作李慶士有君子之懿德焉錄既曰循吏錄矣忠義昭矣士行與矣至矣哉正而不比則而不濫勅而不倚喻而不煩即而不窒久而

不竭是惟我師也已矣循吏錄而吏由之弗瘠矣忠義昭而武由之弗弛矣士行興而俗由之弗媮矣此斯術也而有弗利者乎吾聞之也有虞氏未施信於民而民信之夏后氏未施教於民而民敬之是故先王之政慎其所感者而已公監于滇聞吾里鸚鵡庵君子之政而俎豆之撫于淮申誠令以正群吏道惠政以庇庶民而吏習循焉監于洪都錄群忠以表微呈十疏以信義而忠義昭焉敦教于秦躬訓迪以羣化一道德以惠疇士行無弗興焉厥繁有攸本也史氏行有錄焉其是也夫君子明于是舉而措之其諸治國家之道乎李子曰然請公諸司政者

刻漢隸分韻後序

李宗樞

書之有隸自秦始也有漢君子則之詹乎其極也是以後世宗焉漢隸分韻刻矣而傳弗廣廣之斯刻之矣李宗樞曰書藝也藝道之文也文體之著也是故君子之學藝以究文文以止禮而道幾焉惟藝也乎我夫是可以志學已

贈光祿監劉子世威受封序

李宗樞

光祿監劉子世威三載獻績 天王既報之遂褒之以寵錫之以恩劉子既拜受以歸諸大人發焉吾鄉有王君勝陽者乃以其事語諸樞樞曰賢哉劉子之事君以自頸也樞聞之昔者先王之治天下賞不濫而慶賜不繆當考課則命小宰以六計弊群吏宰夫以八職掌官府又有司會總受其計書大宰詳第其廢置夫然後別其賢否辨其上下而進退之故褒之爵以昭其賢榮之祿以彰其能立之朝以表其異隆之恩以示其勸賢者昭則蘊無不揔矣能者章則才無不試矣典諸朝則禮無不報矣勸諸恩則位無不共矣夫然後進之以階慶之以禮賜之以服命之以勅夫進之以階所以報功也慶之以禮所以昭好也賜之以服所以華躬也命之以勅所以著績也故人皆竭忠以勤官脩德以畏義一政行而百職舉矣今劉子以刀筆吏者之英荷天之寵身以及妻若此則最乃贊佐慎乃脩持徒可知矣由此而進位以立功苟利國家雖今之儒者何可讓也王君既聞此言也曰是可以贈劉子矣乃往

贈韓子汝蓋西歸序

韓子將去燕衆餞諸郊酒三行韓子曰吾聞之也昔者子路去魯謂顏淵曰何以贈我故淵與子路皆有言諸君子忍獨已于言序吳子曰志之合也唯久之艱同之久也唯別之艱吾與子遊踰年矣信以與之義以質之仁以輔之道以規之夫惟與之以信則行不失質之以義則交不虧輔之以仁則德不損規之以道則過不貳吾子將離群以索居吾懼其又瘠也久要之道子容弗敦也哉雷子曰惟國家之養士也育于鄉庠以成其德升于國學以收其功歷于諸司以達其政夫成其德所以立體也收其功所以著賢也達其政而以用用也子少遊于鄉庠德斯成矣壯遊于國學功斯收矣既遊于兵曹政斯達矣始終之懿子容弗慎也哉張子曰建功之路不一而立德之基有常故不私其器不能任重重莫如治器莫如德是以古之人恒以德顯庸為國華也子其益崇乃德脩乃躬飭乃踐履罔越于度用是他日受爵以殿夫邦何往弗利脩省之力子容弗懋也哉韓子既聞此

言也迺拜曰惠我以酒矣命我以德矣驥駒在道可以別矣遂行

奉贈素齋于公歸養序

李宜樞

右副都御史素齋于公上書曰臣有母也老行年今九十矣憲兄弟以養也懇乞歸臣迫切觸死忌諱上弗允嗣又上弗允又嗣上上感其言下銓部可其奏一時百辟卿士咸嘉樂感歎願策稱慕云君子曰于公之歸也天下知孝焉可以規公之見矣昔陽子有言事父母自知不足者其舜乎下可得而久言事親之謂也夫天下大位也舜之心恒以不得乎親為不足而草芥之况位非天下者乎此非之孝所以為至與大矣哉孝之道乎置之而塞乎不濟濟之而橫乎四海施諸後世而無朝夕推而放諸四海而皆準者也嘗觀世之君子乘時行義以赴功名之會孰不曰親老矣吾且歸矣然不恒見者豈以是非其所願耶蓋有所見所未見爾是故或率于內顧泥文禁懾啓吝擬議靡有定適甚至廢可進取而姑為緩詞以自解焉者斯蔽之之病也昔秦人逢氏有子

少而惠及壯有迷罔之疾其父聞魯之君子多術藝
能已為將之魯過陳遇老聃告之子證老聃曰汝庸
知汝子之迷乎今天下盡迷而魯之君子迷之鄉
焉能解人之迷哉榮汝之糧不若還歸也嗚呼世之
弗病者鮮矣惟君子涵靈明以洞群情抱貞一以定
天下之動在我者重凡非我者輕見其大則小昔冀
之奪是故有以見夫天下之至順而莫能遏也有以
執夫天下之至難而莫能撓也何也鷄鳴鶴鶴之見
不出於蒿萊鳳凰則翔覽于千仞之下此公之見庶
幾夫人勃勃乎不可及已今夫命世之才拔偕之士
不待文王之豪傑世不盡然中才凡民必風動而鼓
舞之則振發觀感各親其親而天下可平矣人有恒
言物之繫者決于雷斯言雖小可以喻大故曰公之
歸也天下知孝焉可以覩公之見矣是時上方以仁
孝理天下成物錫類又惟我 后之至德子云是
惟良頭我以此之謂也夫迷虛空者黎藿桂乎鼯鼯之
逐聞人是音覺然而喜公以大臣而俯瞻與天下有
不訴訴焉而喜者乎傳曰求忠臣于孝子之門他日

類陽集

卷之三

八

昭光洪業休德以忠于社稷者可豫知已公名漢字
瑩中號素齋以進士歷陟今秩總理河道太夫人
聖善令淑觀公益有徵云秦人李宗樞聞而叙之乃
賦 之章並為太夫人歌以壽焉

雪夜吟集序

楊爵

余與錢子洪甫同獄中得其父心漁翁所著有雪夜
吟集而相與序述發揚顯心漁翁之心與行而可與
傳後者多海內之名士余讀之不能不有所感于心
也天賦人以如此之明識乃復阨之使弗得以究其
用心漁翁之曾次其過於人者亦多矣詩歌琴簫之
類且不過玩此一種之樂趣以養其悠然自得之性
情而忠孝大節乃其平生之懷抱今詩歌中往往見
之而猶自焚之理以任乾坤之句幾於樂天知命者
矣夫有大抑鬱必有大亨通固理數然也吾觀心漁
翁之子孫濟濟多英才而長子洪甫進士方任刑部
員外即以學行知名於世天其有以慰心漁翁之心
乎

類陽集

卷之三

九

贈汪兵備父母壽序

楊爵

嘉靖乙丑年封君之子廷德與爵同舉進士

司行人交與日深廷德不以爵不肖取為同年友

辰年爵以御史謝病歸廷德以年不與科道舉歷部

即補兗州府知府庚子歲爵復承乏前職廷德入

覲京師復會于燕山客舍中叩其所造淵乎未可喻

也次年辛丑春爵以罪下獄踰五年為乙巳秋蒙

恩宥為編民廷德以吾陝兵備守潼關遇於塗次

幾爵復以罪逮北行事出不測速近震駭廷德送傳

舍握手以別丁未冬爵復蒙恩歸田里時廷德

輿陽集

卷五

五

移守慶陽致書林下謂其父母年高凡吾同好者當

有言以壽之夫子之善父母之善也廷德明識器宇

自其弱冠時已若素定然歷官所至仁澤義聲聞于

海內爵實於陝民同在漸被中孰非封君暨太夫人

德善所及乎爵願祝封君太夫人曰公有賢子行道

濟時惟天眷德自古若茲公之夫婦耄期稱道公之

夫婦耄考無期耄期稱道壽喻百齡子子孫孫承于

無窮爵頓首再拜祝

賀浮岩八十序

楊爵

御史龍谿曾子學父浮岩公壽登八十親友以公賢

德享壽子孫克肖咸願往賀子為先之以言孔子曰

仁者壽解之者曰靜而有常故壽浮岩公常侍父病

致憂三年心不少懈父歿值歲歉未克舉葬哀經不

去身者八年餘致哀於父致養於母兄弟翁好同飲

食者五十年以其心與行豈易及哉蓋崇本篤內為

閭閻以備之賢者也蚤事詩書臺臺不厭開論後學

多所成就即子學為閭輔名士可知矣周人之急不

吝所有稱人之善忘其所短謀人之咨不踰於道有

輿陽集

卷五

五

司知其賢俾以冕服與鄉飲酒禮大抵虛中循理莊

重凝靜固所以致長年按公素履其完復天則培固

真原而周旋矩度者率由此道今其耳目聰明動履

強健則又壽躋未艾之徵也詩曰如月之恒如日之

升如南山之壽不騫不崩如松柏之茂無不爾或承

請以是為浮岩公壽

富平縣志叙

孫玉揚

今富平山河大地由

明興遡義皇初何一朝夕

不此景象若我是尚為能用其志也乎願天下之

一否一泰斯天下之治有因有革富平視世道
上多耳目與世以升降者也產斯官斯者出乎其間
以教政教以阜民物以奠山川上下數千百載如夢
幻泡博物君子含志奚適焉富平故無志李公近稿
則出於宦業未造之手故其辭皆勦州志而主于揚
已非以福富平也新安劉大夫思以易其說乃造
頗陽人而問志焉頗陽人瞠然口與我處設詠之
納納然言不出口視鄉人肥瘠若秦人視越人然豈
若筆茲民隱使柱石郡國者得照覆盆哉又豈若鏡
此率師使見賢思齊不賢自省以永賴此三山四水
哉乃羣庠博鄉士合諸父老而乞言冀以起予爰攷
經史博百家語首考茲縣以郡以縣乃割乃合次稽
茲縣名世之英鄉國諸達又次茲縣戶口強弱布縵
粟米刀役諸民瘼狀則博士杜本益程希洛舉人張
正化張執庠李燾李玉李旗田潛由大任李可學
孟師曾孫丕振其人焉又歷山川之起訖為條為訂
則通判孟國詔暨經術任書庠庠韓汝韓希賢其
焉得而詳各出一得則庠庠宋一變也

光範其人焉夫然得有所據率斯師斯者錄其善政
善教伏節委身經世理民官有崇岸顯晦行有偏全
皆人傑也錄其官蹟附麗茲縣舊說中非其有者
入不必書者間載歷境內者遺忘並削筆為議集辭
言自知萬莖管窺事出草創敢謂魯魚傳信始於
宋六月落成甲申正月章句粗就總為十卷不可無
言以俟後之君子曰若稽古六經以志皇王二十一
史以志漢宋載筆之書由來遠矣後世百縣之志其
祖經史遺意而為于一隅者乎夫經降而史史降而
志志者世道也不可強也志一變至于史史一變至于
經不存乎其人哉由漢而來郡邑人中宦業學術上
古如五臣中古如七十子者幾誠有之何嘗不為義
皇人哉此猶海隅大較耳非語一邑也迹其近小則
有卓魯者蘇胡者亦能以其政教名世問其人一吏
治一師席耳乃天下後世並仰之如景星慶雲者何
哉今兩都十三會郡縣之書不少矣孰文秦漢孰文
蘇歐豈不燦然棋布比考率師照耀簡冊即如漢宋
者亦數不屈指則又何哉夫士善鄉鄉仰之士善國

因仰之士善天下天下仰之總之在自桐耳未有此
心此身不自立于義皇卓魯蘇胡以上而能令天下
後世義皇卓魯蘇胡也諺曰言尺不如行寸
余不穀願與邑大夫卿大夫共力行之以不枉遇此
一生將自有經我史我者出又為用志為也大夫曰
此可以冠篇矣

吊國使王翰林文有序

張統

皇明建源之五年洪武壬子群雄著定光徽混合廼
勝西南獨阻漸被詔翰林待制臣禕為正使往
諭之時雲南元之庶孽梁王與漢土連主聲勢相傳
既開依違不決越明年冬有使自漢北來待制公適
遇害又八年辛酉天兵南下踰年壬戌雲南平
平之日統備員政間至則訪公之遺事知梁王禮貌
公既沒後棺斂言與喻的斤合且知梁王之柄臣達
理麻特加愛重距難前兩月匿公於春登楊氏庇之
盡力繼止使劫以危言始不克救及蓋棺時土人用
浮圖法與置地蔽寺北漏澤園或曰小南門外祝之
以火舊謂瘞大佛寺後者非是今再閱十有五年為

歲之丙子第二子仲仲縉來訪公殯思欲徵諸夢寐
驗以血肉而陵谷已非踪跡無餘無以致其情懷廼
設主就盡之所撫地長號載其諱字位望以歸統吊
於次仲縉泣且言曰紳在櫛櫛先子已去家後有書
自普定來以續大事紀為囑乃此行絕筆悄悄在心
竟不得接其影響痛哉天乎夫何不孝至於此極也
統謹以禮慰之曰先王之制即遠而至於墓送終之
事盡矣故致孝者不於其體魄而享於廟廟之有主
神之宅也今子迎神以返於家為得况春氣奮發冥
凌決行公之魂魄必有已散而未盡者及此時而招
之宜其感而遂通不遠伊邇子又何恨仲縉因以公
之家乘見示且請更有所言竊惟公以文章擅名海
內早歲薄遊迄無所遇此非才之不足也顧其內介
而外方者有以齟齬焉其道難進其節不苟非養之
有素者豈能如此是以一旦涉異境蹈危機奮不顧
身歟命即行與顧婢子語不能休者異矣當其
鑒空而往跋涉畏途猶拳拳焉以續大事記為念天
大事記乃尚論告人賢否得失之書也書法精審炳

炳如舟然則公之自處又豈有不審者哉故或人雖
加蔽匿而義不苟免卒慷慨就死蓋公之致命委命
不在于臨難之時而其平日已判然於胸中矣嗟乎
事之不偶延期運之未至或幾會之難合君子固有
幸不幸焉若遽以成敗為優劣則蘇屬國有愧於陸
賈顏魯公與終軍不可同年而語矣其可執統即吊
祭遂申之以文曰訪前脩之遺烈兮其在西南之天
涯路漫漫其脩阻兮魂杳杳其另追羅蕙殺與桂醕
兮集衆美以為儀藉芳馨以比德兮庶英爽之在茲
類陽集 卷之三 主
公之貞潔世所信兮琢白璧以肺腑濯江漢而暴秋
陽兮肯自浼乎塵土製雲霞以為錦兮又重之以黼
黻孽星辰以曜芒兮宇宙軒豁其在手顧食焉而弗
避兮斯大篆之所有載使節以騁馳兮性振策乎南
雲嗟期運之未至今遇豺虎之信信彼徒知爪牙之
可以逞惡兮又安知天命之維新八固有一死兮死
固各以其仁惜芝蘭之見艾兮終腐朽于荆榛委蟬
蛻而不顧兮挾浮雲而上征駕雷車以飄忽兮引翁
赫之霓旌逐飛塵而東驚兮悲倒影以憑陵過蒼梧

之曠莽兮謁重華而足征愛傳說之有託兮余亦徘徊
於箕尾望故鄉而淹涕兮予豈能獨昵夫山鬼吁
嗟歸來兮公不可以久留悵悵吟與鶴飛兮兩浩蕩
而難傳將速返于故居兮寧爾宇之深幽有子有孫
善繼而善述兮長致享於春秋

南樓銅漏銘有序

雲南古西南夷也地勢既偏晷度必差故觀天之器
當極精緻則民事早晚可開始免疑滯更醺銅漏先
總兵官黔寧昭靖王沐英屢嘗致意而工不稱事于
春嗣戾襲總方面既得良治遂繼先志克成茲漏銘
曰羲和授時以象觀天天有二曜與天週旋太陽主
晝大陰主夜盈縮永短寒暑代謝何以則之置以嘉
量水注箭浮時乃無妄勿輕秋未歲功所起差之毫
釐譯以千里支干縱橫陰陽消息天人協合視此焉
則四民之業各守程矩利爾出往安爾寢處東作西
成不愆不忘庶績咸熙家用平康藩臣施鼓能知其
要九功斯勸茲器之妙

讀易銘有序

陽 辭

余既久在罪難中自念君子存仁造次顛沛未嘗少
懈歲月云邁百年易失頃刻光陰未可以若醉若夢
而玩處之也即卧側障之以簾盥手焚香凝神清慮
讀易於其間密有謂予者曰其名此為安樂窩可乎
余應之曰不然也余之罪多矣奚以安樂為哉人之
處世非安樂則困辱二者而已世之人或以富貴為
安樂以患難為困辱此固未然而謂吾之處因為安
樂亦非也夫其所為憚于心而合乎義理之中正則
雖日在患難此心未嘗不安樂也夫其所為愧于心而
戾乎義理之中正則雖日處富貴此心未嘗不因辱
也吾之所為實於古人之作用為何如其愧於四聖
亦多矣然則名吾所處為困辱窩可也又奚以安樂
為哉況易之為書廣大悉備天地萬物之理具於此
損益困節中孚習坎則切於處憂患之道也因銘以
自警銘曰安樂安樂由心之作展轉困辱惟吾所速
四聖垂訓炳炳蘭編謙之而後動擬之而後言或可
以觀象玩辭而補吾之愆

清明歌有序

楊爵

清明節人以柳絮一枝贈予予即謝之以詩有知君
憐我園中久故送乾坤生意來之句既而觀之不覺
心曠神怡動靜坦然辭抑百結之愁腸忽變而為廓
然無涯之清次矣於是喟然嘆曰天地不已生生之
理仁者渾然同物之心即此可以默識而旁通之矣
吾意此時風景清和百彙爭通芳隄曲岸之間賢人
君子携酒賦詩相與更唱迭和而賞此柳者或有之
賢人君子蓋賞物之得其所以人物得所豈易言哉
予乃持以歌之歌曰春遲遲兮日融融飽雨霽兮
東風感物類兮動吾中動吾中兮憂叩叩
送到候入 觀序 孫丕揚
國制縣令得專百里地而君長之國古諸侯國也是
故勞怨歆庸與華歆力應繁歆誠能若是乃
天子所以遣縣令者意也縣令者不急民事徒飭
僕馬豐饌廩羞好樂以取當路意其賢哉即卓魯
之績盈疏閭閭之怨徧四野矣如是而為用述職焉
耶天下猶一家也大君其嚴父也縣令其庶子也嚴
父克家庶子者相與飭勉以欺之此其父也家計索

父悖勢必責善當其責善時家之元氣業已病矣
徒貽厥父難耳為子而難其父與為臣而欺其君若
何以異今海內萬姓縣然趙者困馬政縣吳越晉因
糧稅縣齊魯者困荒蕪縣江淮者困水旱縣秦晉
困軍餉以人人能屈指也異徵之尹觀其民不祗
于下令之縣此亦人人能屈指也乃其故則以善
者以其巧而售其短耳茲為身計誠奇矣其若蒼生
之待命何耶夫天下親民專依縣令一令賢則一邑
唐虞一令不賢則一邑幽厲故縣令者所由適于大
平之具而代

天子以綏兆民者也此豈眇小故耶計吏者柰之何
不責實也余歷觀縣令獨鍾所劉公實耳其氣慷慨
足以勝大難其心忠信足以決大計迹其良猷平城
田故不均公矢神宿野三月告成垂三十年尹不決
之難若遊刃然而勞怨罔避平城學故不與公勸千
金甫期月堂奧底績壯艱甲環縣焉君子以為興廢
平城俗故負氣小不平即搆訟訟已即悔即苦贖公
肯懲虛者邑訟頓減聽理者又率不問常贖故業無

餘蓄藏無私金為甚者賓旅至無以應則令其舍人
有難勝造醴醕以代閭里其若父母之惜子弟貧者
於乎難矣哉余嘗譬公為良醫矣見病手足必療見
病頭目必療見病心腹必療非其好輸餉也固職所
實在心所實有也今且入

觀矣觀則當述縣三年職守以聽裁于

天子以若所為即書屏增秩奚愧焉顧世之令也多
虛公以實世之令也多曲公以直世之令也多取公
以與總群吏而計別之孰虛孰曲孰取即日舉者必
殿孰實孰直孰與即獨立者必最持此以立良令赤
幟令群縣令曉然趨此而去彼則太平之景象也此
又漁樵野人口望于
明明天子者

題太極圖白鹿洞規碑後

有天地不能無萬物有人物不能無萬事天人
事物紛紜不有聖人以定之而世之為世吾不得
知也故理必有本道必有要邇流求源唯知其所以
則自源徂流斯知所以治矣夫太極者其性命之
源乎而人有志於斯世者此其準的也 皇明御

運天下文明神化所漸風氣丕變蓋必有自然之効
存乎其中而非尋常見聞之所可企及也瞻茲西南
俗龐而無故乃洪武壬戌始附版圖又十有一年壬
申西平侯沐公鎮綏之暇取周子太極圖命刻諸石

實之學館仍取晦菴朱先生白鹿洞規載在碑陰嗚
呼圖不盡意而立世之本盡在是為規不盡言而淑
世之要盡在是為所謂範圍天地而不過曲成萬物
而不遺舉天下之能事蓋無有出乎此者今表而出
之開先斯人俾知務本而守要猶是以火焚而泉達
吾知推譬之鄙敲刀之習可以漸革而天理民彝煥
乎日著施愈博而澤愈遠茲有關於氣運之盛天然
有之固非片善必錄而附錄者可得而比也昔菴

仲然謂古之冀土未必荒落如後世亦猶閩浙之
舊為夷裔而今乃庶富繁衍最於他邦土地興廢難
以一時驟舉然則九夷何陋雲南何遠周公孔子之
道不獨在于中國後有省方者尚論風教之自其將
以此石為左券而侯之用心庸有既乎

讀忠義實紀跋

李宗樞

李宗樞曰重金喪以畔倫者道家之明忌臨患難而
苟免者士子之恒情統之方軌易因險塗難御故昔
人每謂判利器于鑿錯識誠臣于板蕩也慨夫逆濠
不恭城中震懾于時江西諸郡邑長吏竄奔姦雄景
附劉李協謀王綸潘鵬之徒北面而服役之萬世尋
道淪歟殆盡而東園劉公以進賢一宰之力尺地郡
生門庭虎穴廼首倡忠義誓眾守土不有其躬以還
方張之勢載諸實紀者可懲也一時豐城餘干列邑
相觀而起廼俾有衆喻夫忠義以達性命之原以率
經常之則尋道賴以復明不墜于地殆夫豫乎誠感
使其然乎濠乃不敢飛麾東響順流而北厄于安慶
卒之義旅宣力江上側戈光祿有夏戡戡眾兆民伊

誰凡之鍾詩書所稱又何憚也衛道之功于斯為甚
彼以勞定國觀公者淺矣景風之賞藝鼎之銘後世
何貶焉語者或以專殺訾公詎非逆徒殆失夫恒性
而不知有忠義者也

對湯溪王問

李宗

毅菴孫大夫晉戶京兆將去汲湯溪王與客遊下鳴
泉之上顧客而問曰孫大夫之行也諸大夫發之應
士德之衆凡民懷之若弗忍釋何感人爾也客曰聞
之大夫越人也昔在我武皇之初擢為司諫

題

卷之三

四

宸蹕巡遊紹瑞恐借民困時蓋官邪日昌重以奸彬
之黨逆濠之變于時默者苟全負刺言者召累蒙殃
大夫匪躬抗疏諤諤琅琅今載在南垣奏疏可考者
疏凡四十三上纓綬之士孰不飲其忠而與其良也
王曰直哉嗣歷藩臬風裁克持權勢中忤其錦是罹
逐左遷焉應郡邑閭閻變更彼日以有常物之
人情大夫弗諂弗諛弗尤弗驚行中則清履易
險而一之也王曰正哉今為左丞掌臬政肅毅我士
女實我嘉辭以公以慎以宣其自愛也則泊焉

素焉若將終身焉王曰節哉儉哉客曰王知其善未
如其自直者德之健正者德之貞節儉者德之約是
皆天命之性人心之義內之則一外之則二率之則
存舍之則離大夫之感人也由其有是德也德修而
政善政善而物感矣其在詩曰羔羊之皮素絲五紵
又曰好是正直大夫之謂也王不觀諸泉乎蒙之象
曰山下出泉夫泉在地中淵乎巨測浩乎巨窮出而
遇險始也消消爾逝也滔滔爾終也洋洋爾渾渾爾
委而為河聲星宿潛崑崙包砥柱冒石門配靈漢於
顛陽集 卷之三 五
穹昊體委燮於厚坤衍而為江總括漢泗兼包淮湘
並吞沅澧汲引沮漳源二分于嵒岷流九派乎潯陽
會而為海往來二曜嘯吸百川洪潯浴日巨浪浮天
望之杳而綿莫測之廣而靜淵有本者固如是夫今
夫京師者四方之極京兆者群有司之表昔廣漢用
而奸發樂廣處而恠散敵諫而待詔止綰相而減駟
見大夫行矣以若凡化若枉以若正化若邪以若節
儉化若奢靡彼都人士之感也猶是也越是而登台
衡并昂欽均平四海表正百官舉直而枉者遠矣儉

王而郡守是犬崇節德而奢靡者屏天下之感之
也清使也惟及也與我王釋然悟勃然興油然而
且嘉也乃命童子乃肆研几乃親繪別圖并書客
對以貽大夫云

與司官書

楊爵

竊惟執事名臣後裔儒林節行自理北司事以來獄
中人感德之贊青天之謠走二人得于耳聞者亦久
熟矣往年曾寺丞子如獄中具道二執事於爵其
忠念曲全之心甚為切至以二人事喻東人云幹國
之臣當為調解此皆二執事痛隱時政懇切國民而
為世道深長之慮之心也豈特區區為二人惜哉在
二人未嘗不銘刻肺腑感激思奮益自砥礪而求不
負賢人君子之許可為屢欲備書啟謝以罪難中多
所不便而止其敢忘此厚德而恐下自薄也十月初
爵以事出窮迫以死自誓之不款苟耳祇沒使死無
聞為思欲具書以獻 主上以肅飛殄忠藎之誠
其書始終千餘言大抵援古証今剖析於義利邪正
之端懇切於安危存亡之戒欲 主上納諫容直

以成君德以廣君道與唐虞三代兼美比隆中間有
云臣以罪處獄中四十五月有餘矣延此一息尚未
死誠此實 陛下好生之德覆載之恩之所及而
陶某等於臣飲食一節曲為區處不欲置臣於死使
朝廷有殺諫臣之名其心未必不為忠於 陛下
者也此數語者實以古人之作用望為執事之能事
焉諺云以所重加於所好爵以人臣以道事君者而
望二執事是以天下古今所同重之道而加之矣其
待之可謂至厚期之可謂至遠矣時以楮筆不便未
能稿具君門萬里亦無由為 九重獻而徒能以
口誦耳故嘗教語邇者云我有心事願告 朝廷
汝為我達之所以為此言者以冀 主上明賜紙
筆則頃刻可成稽首以上雖死不恨大幸 聖衷
萬一感悟不惟於國家大政有所裨益而二執事之
高義美名亦因得以示天下傳后世矣近日獄中嚴
戒之故走二人亦頗聞其詳矣顧事繫于此莫非天
命上則 朝廷之法下則人臣之罪在二人敢不
備身以俟而順受之乎但身居言路誠任諫諍中丞

感激不無觸犯而雷霆赫然之下既以微示戒告而
全此生矣以一時言語文字之狂妄而數年坎壈禁
錮之凶危則所犯之罪與所服之法亦足以相稱矣
今復困以桎鎖加之以非常之法而置之於必死之
地烏在二人一時之存亡雖甚微而關於天下國家
者為甚大故憂憤感悲盡成號呼而慨吾遭際之不
淑此心此情實不能自已矣每夜初上鎖腰絡曰群
網曰生根一人立而唱之數人縛而為之以此治元
惡冠盜之峻法舉而加之於出百死為 宗廟社
稷陽集 卷之三 李人 宗廟社
稷慮之諫官焉則時至此真可為痛哭流涕者矣况
二人家貧路遠官淺罪深窮乏已極於守獄校卒無
毫末德意推以相及則舉手之際有何情分非有二
執事在上將誰倚以存此生乎即今出室為香門扉
盡鎖漫漫然與長夜無以異下地冷水之上肌膚凜
烈一苦一席之籍皆事屬觸法而屏為人所徹去坐
卧起立展轉闕禁一飲一啄率至窮詰其萬辛萬苦
萬窘萬迫之情狀視獄中諸犯其嚴急之過不啻十
倍也其言語察其意向似欲二人速死以早事焉耳

竊以為凡此毒苦之甚二執事或未能以盡知焉若
曰知之則往年仁愛所及固切切焉歎全此殘生矣
而今復不以生處之豈肯以數年至厚之德轉而為
一日之甚薄乎故二人直慮以為二執事決不知其
如此之甚也或者以一介謹慎分付而下之人奉承
之者過於十分焉此則事勢至此容或有之今日切
近災禍二人已身久罹天地鬼神照此哀曲而志窮
慮極亦已甚矣故不恤冒瀆之罪敢以迫切惻素仰
告而無所匿欲望此等要罰仍賜寬恕但不時預備
若事出不測則倉卒即可處辦決不敢以餘罪有累
於二執事焉如此則情法庶幾兩盡因繫頓危之歲
月或可以再延矣雖東人親視日在於此而彼皆二
執事焉下舊人天理之在人者未嘗亡而見其知
好惡曉事理者十常八九更煩以一言款喻則若輩
未有不信從者美若二執事不為顧念而一聽下人
之所為則寒風凜烈之際瀟瀟弱屏之痛實難堪堪
而二公相繼死者有日矣天地間無不死之人無不
之物誠使二人一旦命先朝露倏忽殞滅為死於

諫職之下求仁得仁志固未嘗不自憊矣豈以一死
為惜哉但念 天王聖明堂堂天下不能容此致
身報 主之直臣使竟死獄中於二執事數年保全
之德愛亦未得終始領之人臣之禍朝政之損
主上盛德之累為天地間留一無窮之悲恨矣故昨
嘗有詩云九天風色夜蕭蕭此日君門萬里遙不是
諫臣憂一死殺身恐累 聖明朝此實二人惻怛
悲感惓惓不已之心也古人顧為良臣不顧為忠臣
二人今日之事其是非得失固不容以自喙矣但慮
天下後世有志士為其慷慨殺身而存視死如歸之
節者實有鑒于此焉天下後世有仁人為其見幾而
作得明哲保身之宜者亦實有鑒于此焉所見不同
而好尚斯異一時心事固為人之所取而亦為人之
所戒焉若二執事身當今日之事上不使 朝廷
有殺諫臣之名下不使忠臣義士吞泣飲恨鬱抑於
九地之下則經權迭用有善處之道存焉耳有祁大
夫則叔向得以不死黨錮之禍非謂不能遽解而
郭解之語范滂事雖未就而高名千古不朽也二執

事有賢者之節介有能者之作為故二人敢以古
傑之事業望之而欲其成廟社之遠圖為富貴福澤
一日之榮寵名節道德萬世之瞻仰於事變難處之
際而綽有處之之道非吾二執事之高出俗

望焉

頗陽集卷之三終

頻陽集卷之四

新安景澤甫

朱脂子謙甫杜本益輯

耶縣宗伊甫程希洛校

獄中諫書

楊爵

臣聞明王之治天下也上畏昊天之神臨下畏臣民之瞻仰維德勝功高而其惟日不足之心未嘗不求賢納諫以盡事天撫民之誠而致治於未亂保邦於未危焉忠臣之事君也雖道化熙洽之時猶不忘訓誥保惠之勤而防微杜漸之惟謹惟恐一念一事之差謬而貽生民無窮之害也古今稱舜者孰不以爲天下之大聖乎其聰明睿智出於天性若無賴於臣下之匡輔取善以自益矣然舜命禹曰子違汝弼汝無面從退有復言又曰臣作朕股肱耳目不以已德爲已至而從事於咨諏察納之無遺蓋知一念之趨向則聖狂治亂所由分而不可以不慎焉是聖人不自滿足終日乾乾之心也禹戒舜曰無若丹朱傲惟慢遊是好傲是作蓋戒舜曰罔違道以干百姓之

譽罔拂百姓以從已之欲夫舜豈至達道干譽拂從已者哉又豈至好慢遊作傲是如丹朱者哉禹益不以其君道隆德盛而忘儆戒勸勉如此是人臣保治無窮之心而爲尊君敬君之至也虞廷君臣都俞吁咈之相與如手足腹心之一體而成文明熙皞之治後有作者弗能及也伊尹告太甲曰有言逆於汝心必求諸道有言遜於汝志必求諸非道召公告武王曰志以道寧言以道接周公訓成王亦曰小人怨汝讟汝則皇自敬德厥德曰朕之德允若時不啻不敢含怒古聖哲之臣所以輔養君德而成功業之盛者孰不切切焉欲其君以聽言納諫爲心乎漢武帝之臣有汲黯者自言有狗馬之忠願出入禁闥以補過拾遺又曰天子置公卿輔弼之臣寧令阿諛順從以陷主上於不義乎且已在其位縱不言奈辱朝廷何魏徵踞唐太宗漸不克終十事以諫諍爲已任君不及堯舜其心未肯以自已也故汲黯魏徵稱稱古之遺直而太宗貞觀之治幾於三代者有由然也歷代聖賢之君莫不樂聞規諫以來天下之善以防壅

蔽之奸至秦始皇父子惡聞過失忠諫者謂之誹謗
深計者謂之妖言遂至上下判隔遠近乖離匹夫一
呼天下土崩不二世而國不守矣我朝 孝宗皇
帝時主事李夢陽以言事下獄中鎮撫司本上
孝宗皇帝問左右當何如批行左右對曰此人狂妄
當笞之以示懲戒 孝宗皇帝特批釋放因語輔
臣曰李夢陽本內事干戚朕不得已下之獄左右
欲朕笞之者朕知左右之意矣蓋既得旨必密諭重
笞置之死地以快中官之心而使朕有殺直臣之名
左右之不忠一至于此輔臣對曰陛下此心即堯舜
之仁也是故遠而虞夏旁周之聖君及漢唐以來之
賢主近而 孝宗皇帝皆 陛下所當取以為
法而秦以誹謗二字籍天下之口以自取覆亡之禍
者又萬世所當深戒也以任諫而興以拒諫而亡臣
往年疏中亦嘗為 陛下言之矣不知 聖明
亦曾垂覽否乎天下猶人之一身為人之血氣不周
流者必死天下之勢上下之情不相同而不亡者未
之有也諫者使下情得以通上情得以下達而免

於覆亡之禍焉昔人以為功多於汗馬之勞者謂能
消禍於未萌也孔子曰臣之事上也進思進退思
補過將順其美匡救其惡又曰天子有諍臣七人
無道不失其天下諸侯有諍臣五人雖無道不失其
國大夫有諍臣三人雖無道不失其家當不義則臣
不可以弗諍於君子不可以弗諍於父孟子曰責難
於君謂之恭陳善閉邪謂之敬吾君不能謂之賊其
語齊臣曰齊人無以仁義語王言者豈以仁義為不
美也其心曰是何足與言仁義也云爾則不教莫大
乎是我非堯舜之道不敢陳於王前故齊人莫如我
敬王也大哉孔孟之言真萬世致治之道也伏願
聖明留心焉臣自嘉靖十一年以病告田里者八年
餘量體度分安自退處已絕無用世之心矣 朝廷
起臣於缺畝之中而授之職既又以罪下獄臣一時
所著衣服非度 聖明不即誅死而惟笞以戒之
此猶天地之於萬物一於長養生成而已哉培傾覆
之殊用天無私喜怒於其間也風雨霜露無非上
帝之教笞以戒臣而全臣之生孰非 陛下之仁

乎 陛下於臣已廢而復起之當死而又生之其
浩蕩無涯之恩始終於臣者可謂至矣此臣於垂死
之餘猶哀鳴之而歎 陛下納諫容直以成君德
以廣君道與唐虞三代兼美比隆歎竊倣古人屍諫
之忠而盡臣愚大馬之報於萬一也伏願 聖明
留心焉臣又尚記東廠使記臣衣服然其來者二人
焉臣未知其姓氏自此以後或一二人或三四人更
迭往來未嘗不日在臣之左右凡為臣所經過者將
百人焉臣心知其為東廠使以覘臣者而口未敢言
臣又察其意向似有記臣言語動作以傳聞于
天聽之下之意焉不知果有此事否乎若誠有之臣
不勝惻怛悲感之切至而顛味死以有言此非
陛下盛德所宜為也古人有言君道貴明不貴察
陛下以睿智居尊中天下而立定四海之民當以正
大光明之道化成天下平平蕩蕩無意無必無固無
我股肱耳目托諸臣佐生殺予奪付之公論不宜偏
有視聽作為之私小而使羣下得以窺 聖衷之
淺深也況今夷狄侵侮兵政廢弛工役浩繁財用匱

竭暑雨祈寒生民嗷嗷君子小人孰為當進孰為
退朝政敷理孰為當廢孰為當興一日二日有萬幾
之繁孰非 陛下所當深察而遠覽者乎釋此不
慮而注意一狂言獲罪之囚犯此何心哉若 陛
下以此察臣之心移之於兵政之廢弛財用之匱竭
生民之嗷嗷君子小人之當進當退朝政敷理之當
廢當興念茲在茲與公卿賢士日講論之而圖處之
心常如此實為 宗廟社稷之福萬方生靈之慶
也况臣當日所言雖出臣愚昧之見而一時芹曝之
誠亦未必無可採擇而施行者若 聖明留意而
臣言有補於 聖政萬一雜誅死即不朽矣泰山不讓
土壤故能成其高河海不擇細流故能就其深王者
不棄蕩蕩故能極其聖伏願 聖明留心焉又臣
竊下獄時鎮撫官倪民孫綱以 聖怒赫然之下
臣罪深重一時不令臣自通飲食惟日給臣以官米
臣又不便所食又病幾死後陶某等許臣家人自送
淡粥麪湯日得二餐今四十五月有餘矣延此一息
尚未死滅此實 陛下好生之德覆載之恩之所

然而諸臣不款置臣於死使朝廷有殺諫臣之

名其心未必不為忠於陛下者也近東廠復三

四入來獄中鎮撫司自官吏以至守獄校卒皆戰慄

微懼日夜戒嚴復絕臣飲食似有欲臣速死之意臣

今一死雖無所惜誠無所難但臣愚慮謬絕飲食以

置臣於死決非聖心所欲為竊恐有請張為幻

者過為訛言恐動衆心使至于此則事未可知伏望

皇上洞開日月之明照此幽隱之地若臣罪當誅即

明正典刑肆諸市朝以為人臣事君不忠者之戒若

察臣忠悃惻臣狂愚罪從末減或遠謫邊戎放歸田

里此又聖主宥罪赦過之洪恩非臣負罪深重

者所敢望也惟聖明早賜裁處臣不勝兢惕懇

切之至

香灰解

楊爵

予復下獄半載為丙午年三月初七日晨旦東廠使

邏者來視即予卧側以殘輓藉四板上相與偶坐者

久之獄中穢氣鬱蒸久在內者習不自知從外乍進

則臭不可堪乃以捧香一莖挿坐前執縫中焚之頃

更盡灰不散宛如一完香焉予取而摩諸壁上至

第五日猶未散因思其故為佐解以散之夫是物也

其將中抱憾積憤凝滯於此而有不釋然者耶焚猶

未焚而托以為永久耶二者雖有間焉而其精誠感

致則一也遭世乖變人定勝天即一物之微其用

之所措固有幸不幸焉耳蓋寶筵廣設錦幃羅

翟薦德格舉殊儀上肅環冕下列笙歌君臣交慶

佩鳴珂旅語之際嘉謀孔多聞善即聽若決江河

猷下降枯槁滂沱維容捐進永息干戈上安下順

內冲和則唐虞三代之境界也燒異薰以昭明德固

已有之舍彼其處而來焚吾獄中為此何等氣象也

瑾櫳掩戶日影不通塵留鼠隙引汚風一息淹淹

百慮忡忡其與吾環列而偕坐者不過三五囚徒東

西南北偶此相逢或十三四齡口尚乳臭之豎子或

八九十歲鬚眉皓然之老翁身披帶索背負飛蓬額

塵氣喪肌削腸空縱蓄百金一動即窮荷校滅耳罪

彼不聰手拮足械濃白血紅俯就坎窞仰呌穹隆使

聞之者皺眉見之者戚惻甚至於不能為心則閉目

掩耳作爲聲聲爾來焚此可謂擇地擇人之未審忽於所入而謬于所從者矣久而不化疑有神明類彼志士之死不瞑嗚呼其劉忠愍耶抑周蹟山浦竹塘耶不死正寢死此福堂名垂不朽同彼霄壤與我國家爲龍爲光雖然陵谷有時而變遷金石亦至于消泐故凡合氣成質寓形宇內而爲人爲物者終歸於盡天地如此其大也古今如此其遠也其孰不蕩爲灰塵而揚爲飄風乎爾其歎外消息盈虛之常道觀及復無窮之世變以後天而終乎是故無以理也吾爲爾摩散之再拜而祝之曰匪人焚爾惟爾自焚爾不馨香與物常存燬以烈火騰爲烟氤上而不下而不分直衝霄漢變爲奇雲餘香不斷苾苾芬芬達比干相與爲群爾宜自憚胡爲云云理無二致吾以喻人事苟可死何憚殺身爾速化歸彼蒼昊樂天委運還爾之真拜起悽愴淚盈襟嗚呼易化者一時之形難化者萬世之心形化而心終不化吾其何時焉與爾乎得一相尋也

張先生墓碑

楊

君子所獲明乎立人之道篤于綱常之義則功業之達可以彌綸表發餘風所及可以靡頹立懦而天下之能事盡于此矣余少時考求鄉之先生即慕吾鄉蒼張先生之賢嘉靖丙申先生五世孫元祐以湖廣辰州府通判謝事歸歿堅石表先生墓謂余叙其厝履始終顧余小子晚學陋識誠不足發揚先生之善美乃據簡籍所載與父老所傳者以識之蓋僅十之二三焉先生諱統字昭季弼鵠蒼博通經傳爲文浩大簡直自成一蒙武間舉明經授京兆府教授歷東宮侍正通政司通政陞雲南左布政使時雲南甫平兵火之餘聲教未通人情未定兼以諸夷難未易懷撫先生相時有爲用夏變夷凡其土地貢賦法令條格祀神壇祠公署廨宇上下典儀公用制度皆以時裁定夷民心服遠近莫安洪武三十年三月內入覲改考天下第一深蒙獎諭並命禮官傳播以風天下三十一年陞吏部尚書能量才任官黜陟平允嘗被旨試翰林任編纂者得楊文貞公策謂其明達時務有用之才不但文詞之工文貞由此知

名後果大用及靖難走師至先生與禮部尚書陳迪
大常寺卿黃子澄等請設法防禦不克即不復飲食
死于部之寢堂時壬午年夏六月也先生以聖賢之
學經濟之才提出草昧之初為人士之傑然者其治
雲南能使商夷鄙陋之俗一變而為中國禮儀之美
雲南之有文教實自先生啟之其教化之在人心者
歷百餘年猶未泯則當時感慕後可知矣至于臨難
不免殺身成仁而處之不亂則凜凜乎歲寒之松栢
備見于少保尹直之贊矣要其所歷庶幾乎天下之
能事盡于此矣非明于立人之道篤于綱常之義者
能若是乎據元祐狀先生世為吾富平縣頻陽里人
曾祖諱得霖隱居不仕以醫術為鄉里所推重祖椿
嘗至奉訓大夫秘書監丞飛騎尉父敏顯月山以文
行知名登元大定四年進士官至左司郎中先生
兄弟三人長曰紱次曰緹緹曉天文官至欽天監丞
子敬以 恩賜監生官至四川按察司經歷蓋嘗
論之死生之際君子所甚重也孔子言殺身成仁孟
子言舍生取義所謂仁所謂義惟其是而已苟生而

有愧于吾心雖生為何所貴苟死而有裨于世教雖
死為何所恤夫自先生之死而國家教化之功愈益
著士君子禮義之心淳以興天理民彝將百世其不
泯扶持宇宙建立綱維生人類于無窮是可為死不
徒死而有裨于世教者矣先生嘗弔王內翰死難之
文曰致身委命不在臨難死節之時而其平日之育
中已素定矣嗚呼斯言也今乃身自蹈之矣使先生
不死而相 文皇後雖有伊傅事功不足道也惟
先生死之則清忠與夷齊爭光而事業與天壤俱存
矣銘曰臨政有為謂之曰才臨危授命謂之曰節才
節兼全謂之君子於惟先生而無愧于此

祭后土神文 李宗樞

維我李氏始姓為古肇自有金遷于中土諺曰速可
茲惟鼻祖仕于華原厥終罔親迨及元季族姓蕃騰
厥後厥先乃文乃武我 明肇興受命自天維時我
祖易姓而遷卜茲流曲沃壤大川是居是宅是守是
田歲時屢改世及相沿譜牒散逸世系莫傳矧茲川
壤適彼北山洪潦時行如澤如淵積泥增壤年以嗣

年遂令塋兆覆于深泉翁仲碑碣靈沒荒阡俾我後人莫知其端望墟展拜隕涕潸然嗚呼噫嘻滄海桑田山川陵谷茲物理之變遷固氣數之反復何獨不仁湮我先域茲偕宗人敬求涯涘荒草茫茫于彼于此神之相之示我攸止

祭宇文孺人文

李宗樞

維嘉靖八年五月二十六日御史石村鄭子之內宇文孺人卒于京師瑤簪掩彩蓀壁沉烟石村悼天淖之游魄痛壞末之冲年撫靈衣以悵悵步旅櫛而盤

類稿集

卷之四

七

祭宇文孺人文

旋舉六月二十日石村之友主事閻溥給事中王準御史李宗樞蕙肴陳案桂酒列筵乃奠于孺人之靈曰惟靈景甯毓秀玄丘發祥揚波洞浦渫兩高唐清揚玉度天啟金相實佐君子爰有一德婉孌淑慎門內是則君子行役仕此王國汎汎方舟亦嗣有行克見君子暨通膏肓夙旋蘭馭永訣葯房瑤臺偃蹇星婺微茫少女靡恃故宮遠望昧昧與善對對餘慶嗚呼哀哉鶴庭露下鳳帳雲深轉回夜月旒轉秋陰三旬弗永百代斯欽神之聽之於昭降臨嗚呼哀哉

祭張令文

李宗樞

誕聞在昔厥德孔明顯顯不已日聞四方適駿厥門南服之望誕在弱冠爰薦于鄉于鄉于雍造士是宗七試數奇終焉靡從干祿孝養令此魯疆惟此魯疆豈第君子于以親之俾咸有止蒸民孔懷曰子父母道亨靡常具錦是惟是惟是成左屯是移重脩厥德戎績故宜厥問不隕惟哲人之猷赫赫奕奕升聞于天自天有命華亭載遷懷保孔仁于襄孔安哲人炳幾駕言徂東潁水維清黃嶺維崇槃阿旆旆陟陟臨壽考令終克正厥美世德發祥延于孫子伯也克賢篤生彥士駟馬驚服自天子所光于邦家顯于閭里有牢既馨有酒既旨廼肆廼壘廼享廼祀惟予小子匪今是欽夙瞻明德在華之岑載入其鄉載詢德音敬奠中筵於昭是歆

代祭三峯蒲中丞文

李宗樞

歲在丙申月維孟秋旬日聞故右副御史三峯蒲公卒于中京感平生之游處悲長逝之深茫矚天河而悵悵踐壤末以傍徨敬陳蕙肴載奠椒漿嗚呼哀哉

其維公棲神豹藪刷羽鳳岡霧霽夙變神囿遙翔
海驚濤綴珠鱗而流彩文泉湧潤織玉漱以浮光
是九萬圖南望堯雲而矯翰三千運北騰辟海以游
揚利見大人飛龍成象觀光上國鳴鳳朝陽春殿沉
沉試彈冠於僊籍亨衢蕩蕩菴補袞於雲房花發繡
衣風行越甸冠施鐵樹霜皦秦疆垂駘轡於晉關大
羊卻部按駿圖于遼海雲錦成章鶴唳霜臯縱聞天
之逸響鴻飛海浦振漸陸之幽芳帝心簡在皇
覽孔明念北門之鎖鑰命南仲於朔方時則漢池作
變紫塞蒙殃戕我士馬驚戎冠裳毀我室宇據戎垣
隍公乃憤茲顛紀殲彼跳梁舒徐隱忍默運區防在
微衷之叵識殆哲士之深藏慨群言之靡定勞六師
之啟行封豕挺妖逞九頭而流毒湯禽觸網普三面
以弘張皇天震怒赤子來降公乃瞻虞庭而懼怵旋
洛野以徜徉如何不淑遽爾云亡昊天不憖惜公才
之靡究哲人既萎耿余懷之孔傷情岳于霄仰嵩峯
而並峙心波湛漢俯河水以齊長

祭瑞泉先生文

李宗樞

嘉靖二十一年三月十日嘉議大夫河南按察司按
察使富平門人李宗樞謹以庶羞清醴敬脩奠事于
我先師瑞泉先生之柩而哭之曰嗚呼夫子洪河之
秀華嶽之精崛起關西授學陽明秩不稱德輿論不
平是惟外物奚足重輕已而解綬言旋講明聖學
我後人卓彼先覺從游雲集昭然發蒙吾道既西
文是宗粵自孔殂孟逝聖遠言湮大道幾晦邪說亂
真楊墨誣惑訓古支離橫渠之後文不在茲天生夫
子其或意在斯乎伊昔賢哲德必永年云何夫子而
獨不然嗚呼痛哉天寔為之既喪斯文三峯奕奕九
曲沍沍浩然元氣終古同存嗚呼痛哉嗟余小子宮
牆早陟奉德瞻思寔同罔極懃懃薄何以報之無
忝師訓終身是期日月不居歲且更始奉綬斯丘千
秋萬祀隕涕陳詞含哀曷已嗚呼痛哉

祭原方畦先生文

楊爵

先生早棄軒冕樂道力田視不義之富貴如浮雲之
漠然惟歆窮討古今之典籍以擴充其未盡之天賦
履方正宵次高遠其超乎塵外也如鳳凰之高逝必

千仞而翔其確乎不拔也如松栢之挺翠貫四運以
獨芳慨君子之存歿為人世之否臧何皇天之慈遺
俾遠通其感傷爾忝為知友聞訃奔走心懷永悼匪
言可盡敬陳薄奠先生享之

登太華寺

張統

太華崖栽一望遙到門猶疑過溪橋慈雲長見塔前
起華火都來海上消屋近樹陰晴亦暗硯涵竹露夜
還潮從今刺買遊山屐野客無妨屢見招
連日登山意未闌今宵又宿白雲間簾幃寂寂心初

歇星斗樂樂手可攀竹葉羹湯消夜渴杏花留雨作
春寒碧鷄且莫啼清曉一枕華胥睡正安

珎重山僧不厭來青鞋信意踏蒼苔千年老鶴逢人
語一朶幽花為我開雲外衣裳留夜氣海門風雨過
春雷聖觀枝上垂垂露願酒餘甘到九垓

千章佳水翠烟流鷺嶺飛來海上頭松火微茫僧夜
過蘭舟蕩漾客春遊抵期晚歲依秦樹誰叫今生作
益州應為此山緣未了詩成寫向竹軒留

回首烟城入望餘青山得意已忘家偶後焦徑尋松

誰更過僧房看菊花碧樹沉沉秋意早滄波渺渺夕
陽斜寶方重到人將老可嘆吾生信有涯

遊感通寺

石頭路上白雲踪有客相過為感通古佛飛來蓮座
穩老僧入定竹窗空香樟布地存靈跡慈石生雲護
祖風愧我身沉塵事裏可能長到翠微中

古塔參差映寶曇令人偶悟一生三佛光忽作長虹
起世味寧如瑞露甘把茗對山雲戀戀傍花看履雨
靴靴唐家舊跡今無幾禪精興亡可盡談

登五華寺

五華山高幾千尺尖閣凌空近奎壁朱欄倒映巖壑
間露迥嵐光翠堪挹

遊太華寺

行過松溪與世令華亭樓閣映青雲何當海闊天高
處長倚裊裊林作隱君

遊節竹寺

訪古遊節竹山寒翠更深危軒瞰初日幽谷涵春陰
看盡驚殊俗登雲契夙心庭前花樹老唯爾是知音

新月 七言律詩

李宗樞

碧霧宵沉銀漢迥青霞寒繞玉鈎新海門忽湧潮初
上桂殿微茫影未勻樹隱嵯峨天共遠雲晴鵲鵲望
偏真倚樓漫奏如恒賦咫尺清輝萬里身

登北嶽

石磴龍從紫霧重金宮窈窕碧蘿封雄嶺朔土中原
鰲俯控胡天北嶠宗千古洞巖樓暮景有時仙麓落
長松奕臺石窟空豐草欲向青天問改蹤

靈丘道中

碧嶺輶軒御景風紫霄仙嶂峙霞空雲開樹色疑天
上巖溜花光落鏡中鳥道萬盤胡徹切龍關層繞薊
門雄何人談笑青油幕西海烽煙日暮紅

春日登鎮虜臺

瑤臺曠漢倚丹暉繡斧通登歷翠微百道晴流浮野
塞千巖宿靄上春衣雲間 宮樹天猶隔花外邊
塵晝不飛更羨令公開壯蹟朔方長此具瞻依

中秋夜東園小亭率爾成句

危軒凝立夜光闌醉倚西風白露寒素月低沉花塢

亂彩霞晴落桂楹殘天涯物候悲遊子塞外煙氛愧
法冠紫宿青冥天萬里飄憐愁思共漣漣

懷米道中次韻

攬轡郊坰野望同風塵漂泊任西東卿心落日孤雲
外 宮樹遙天返照中槐黃沙千里合羽書青
海隔年空只今貌虎諸邊將誰是麒麟第一功

挽吳母東大夫人

紫霄靈竅北堂沉悲吊誰為楚父吟瑞日金書虛索
淚秋風瑤珮想徽音旌飛碧甸霜空杳帆拂滄江血
淚深明月鳳城窺曉樹獨憐遊子哭天濤

秋日讌蕭氏庄

靈嶠千盤爛彩霞秋城十里暗飛沙風林雜和幽峯
鳥水閣寒搖曲塢花並度石梁移野酌更尋銀漢問
仙槎酣歌遽喜煩塵隔逸興翻驚夕照斜

送趙南濱侍御改推兗州

綺筵仙駕耿河洲欲行不行煙水流青豸暫違丹鳳
宇玄空遙放白雲舟燕臺抗跡歸時論郡里升堂屬
壯遊 堯舜哀衣垂北極未應楚子抱離憂

西亭先生別業留識

皇家帝子愛文章別業遙開天漢傍下榻衣裳流日
氣當遙詞賦爛雲光竹邊玉檻千盤曲花裏金罍五
色香月宇醉臨仙鳳苑星槎真犯斗牛鄉

別楊廣文

自憐千里身為客又送天涯客遠歸遙見旌旄橫壁
色愁看花柳對春暉燕山日暮雲空合易水風高鴈
獨飛為報老親須自慰此身今已似儒衣

送谷剛興令丹陽

細雨煙沙別漢京一帆秋水下江城仙島遙落宮雲
影花鶴空回苑露聲曾望由來歸必子壽堂何處問
蘇生登臨暇日還詞賦練水嘉山萬古情

別張子以施還代州

易水燕山空復秋西風千里下并州論交自愧黃生
識張別翻增鮑叔愁木落鴈門寒露集雲飛狼嶺晚
山稠看君綵服還歸去慚我青袍尚繫留

送郡守溫中谷擢二襄陽

絳旌青蓋列春城渭北湖南萬里情山下野棠遺樹

合雲間仙騎繞花行千重柳色留征珮百轉河流難
頌聲更道子雲能佐賦甘泉早晚獻承明

咏蓮貽張山人

高人舊隱長安市自種瑤盆十丈花翠蓋倚空栖檻
露絳英含日散庭霞地臨上苑開偏早香撲芳亭動
更嘉況是壽筵歌舞日折筒獻祝醉年華

壽高意翁

高風妙躅世稱賢長謝金門二十年九葉滄江新歲
月兩朝烏府舊神仙旦綬初度開冬朔尊傍南溟獻

壽趙漢署仙郎承

帝眷即看重下紫泥篇

賦河泗仙槎卷贈豐山右丞奉使中都

芳洲晴日靄丹暉有客乘槎下紫薇蕭鼓暗隨巖溜
轉錦帆低拂鴈行飛千重樹色迎仙幃萬曲河流繞
帝畿共道甘棠思召伯莫尋銀漢問支機

賦河洛澄清送蒙泉侍御還朝

朝

烏府仙人返鳳池玄冬使節轉清遼玉驄夜度玉程
月繡芳花盤帝苑枝九曲晴光搖斧鉞千巖秀

旌旗登絨民瘼披丹宸即聽皇仁下赤墀

再遊善慶寺

四海風塵多宦跡十年夢寐此禪關
共驚溪上晚先化翻訝遼東鶴再還
繞檻細尋曾倚栢披簾遙對舊
看山是公好客今猶昔白酒青燈漫解顏

桃林山中有感

山風大急何大寒山行吹我征衣單
白草離離曉霜滑黃沙漠漠陰雲慘
三年奔走狀如役百里荒蕪慙
此官東望蓬萊隔滄海安得乘桴浮碧湍

贈恭和劉洗心秀才

楊爵

陳希真

卷之四

五

諫草傳來自可驚倉皇策馬上燕京
一腔忠盡君臣義萬里風霜兄弟情
日邁已能扶世道月征真不愧
天明江南韓韓看棠棣春雨春花已滿庭

春日

誰家煙色鎖樓臺隱隱桃花將半開
雲際點空鴻鴈去園堦掃地谷風來
天機消息由人尚物運盈虛與
化推心目洒然塵世外誤看園園作蓬萊

奉和春興

十年佳趣在青山滿酒襟懷出世間
心上一真原來

泯眼前萬類總相關細懷周道今何事
舊跡哲人厚顏歸去再尋千古上耕莘
老叟與同班

奉和初夏韻二首

不教閒慮在胸中便與長天一樣空
信步躋來皆樂地閒襟滿抱是薰風
庭前柏色拂雲綠牆角葵心向日紅
更有一般好景象應時黃鳥轉幽業

日上園牆景寂寂老因於此尚安眠
好懷還有四時世故全無一念牽
糲米煮從沙釜裏詩書堆在枕
茶邊何用若辭吾真樂日食何須破萬錢

次緒山韻二首

眼底紛紛變態多誰憐世道日頽波
百年事業真難措半隙光陰亦易過
川上月臨懸細餌墻頭雨倒整
煙篆樂遊却恐歸豪放渣滓湏先向此磨

此心常要擬虛舟虛得能將萬物收
後樂不妨隨地樂先憂豈但為身憂也
知步履須臾用却笑踈狂真
妄投齟齬方圓成感慨徒懷擊楫在中流

遣懷用杜工部韻

數片殘磚閣曉風頗危知是舊周行
時嚴辭詬兩條

路日誦義文一炷香心健自能忘困述榻閑猶可擁
衾雲懷還有滿繁處每向南風歌興長

送同鄉王大尹出獄

難相逢此月秋不堪君去我還留丹心廊廟千年
廣白首江湖一念憂憲隙為增薄棠冷析聲偏動
囚愁有時 聖主洪恩詔渭水相將理釣鈞

有感

夜初獨坐擁衾裳耿耿丹懷空自傷斜月淡光穿
戶晚風微冷透情窓一心知有 君恩厚九
回忠義腸漏下旅囚愁不寐數聲寒鴈送淒涼

謝人

勞人兩遇北風侵白日豈堪鐵戶深天下自無鬼神
謬人間誰是丈夫心顛危每抱忠和義慷慨常思古
與今焉此新詩傾至意多君別淚滴衣襟

述懷

禁裏東風覺漸和背陰殘雪果無多眼前楚楚蜂游
羽心上悠悠擊壤歌道義無窮須共勉時光有限
蹉跎遙將佳趣問良友焉過長空與否何

述懷

常編自伴倚幽窓世故年來頗會忘百代人豪空宇
宙半丘荒草照斜陽孤懷耿耿幾長夜蓬髮滿滿一
老狂曳杖庭階徒想象路迷無處問滄浪

有感

天涯風景又將秋想像西周已古丘萬里鄉關驚旅
夢百年身世嘆幽囚披懷有慮成虛迹觸眼無窮是
隱憂解得古人行邁意知吾於此更何求

雜詠

閑步幽階伴夕陽成以眺望總無擾風吹古柏棲鴈
亂雪掩寒山皎光蔽半世生涯真類夢幾年毛髮已
成霜憑誰再取新春酒日放長歌任老狂

送李明甫

去年車轍過蘆溝見爾卜居蘆岸頭山秀堪宜連屋
峙水清恰好繞門流四時家有鏡中粟一卷心無意
外憂公事了尋遊愁處幾裝番未淡雲浮

遣僮男歸秦

聞汝臨歸血淚流苦情都入我心頭本為世道千年

慮道道家門百口憂幽地北風留父久遠山寒雨重

兒愁 聖朝不易朱雲檻終許殘生遂首丘

哭李石壘

傳來凶訃自中州此地哭君欲白頭風雨幾番入夢
寐功名半世屬荒丘五年離別心猶在一代英豪事
已休空墮兩行憂國淚極前一酒意無由

送人

共處憂虞冬復冬而今君去我誰宗風寒谷岸松猶
翠日淡城頭雪未溶杳杳鄉關幾萬里茫茫天地一

孤蹤安能將此別離淚一洒淋漓到 九重

次羅慙庵老先生韻

嘉遯曾懷自浩然高風宇宙久相傳難兄難弟心同
好時止時行道未偏 明主歲勤優老意蒼生日
望濟時權正看霖雨蘇天下無柰丘園一念堅

次緒山懷友韻

二年得與子相親不意知為困裏身心在熱仁狂任
聖事求精義道通神化成品彙千山雨消盡寒陰一
氣春白髮從今還努力肯孤良友教誨諄

送紀中夫歸秦

與子同心二十年僧堂香火半爐煙正防步履三
險却笑功名一線牽因擊艱危懷後進衰殘寤寐仰
前賢歸來共了平生事就此先期立志堅

晚晴有感五言

孫不揚

南山當戶出落日帶簾鉤雲白天邊影草青江岸頭
宦情桓典馬鄉思華陽樓久被浮名擊憐無報

國壽

泉邊

源頭尋幽意散步淡雲生坐看雙鶴舞閒聽百鳥聲
藤陰覆砌冷蓮葉照心明白日渾無事躁心萬里空

七夕河決

牛女今宵渡天涯復早秋浮萍憐宦海登岸愧虛舟
瞻彼問津意動予觀水愁人間乞巧者若箇砥中流

西臺晚坐

斜日河山麗西園對景開青如蓮蕊馥紅見剪絨裁
竟日鳩相和摩霄鶴數回開來探幽興疑是到仙臺

送張在川相

秦

萬里關山月別君衣錦旋孤燈落晚照把酒話離筵
人向 王庭去心從 帝關懸徘徊松院裏欲
寐未成眠

箭嶺初霽聞部都臺閣邊 七言

何處層峯到碧霄峯頭松樹片雲懸當年驄馬乾坤
壯此日熊車山水遙萬古金湯入地利三關虎豹回
天驕漁樵愧未學軍旅喜際華夷戴 帝堯

同汪司馬登大寧寺閣臺

天險百盤山徑幽偕君萬里定邊籌蜚狐厚壓狼烟
斷拒馬清翻塞月流豈有甲兵堪鎖鑰漫勞文武
網繆閑來寄跡真如境不是參禪上上頭

送暴侍御還 朝

仙郎抗疏承明殿攬轡歸來此壯遊南國霜威回鐵
面春城風采動池頭恒山蔚合甘棠樹玉水波澄碧
月鉤海內虞唐當 主聖中臺虛席太平籌

送李先生訓靈寶

和風幾度青牛隈中有文星天上來河岳一鄉開國
盡營壘數仞接關臺林邊桃李春如錦砥下蛟龍怒

欲雷又道傳經逢柱史棟梁宿處好栽培

城塞傳將軍進階一品

功高紫塞如君少 簡在綵綸此日須千羽千年
來 帝德金湯萬仞數雄關天驕月滿徧秋淨馬
水河深伴壘閑總是丹心扶 社稷勦勦還上燕
然山

濠梁三週行

李宗樞

濠梁煙樹

帝城隈瑞彩靈光爛上台芙蓉仙嶂

斜紫漢翡翠驚濤曲抱臺玉輦金輿隨日轉丹樓紫

閣倚雲開鴈飛銀海風霆護龍起金陵日月迴日月

風霆壯淮甸雍川野夫驚載見司馬鸞鑣夜旆驍司

徒金署秋張宴謫薄深慙鮑村知風塵復觀荊州而

勝會由來詎易逢勝壤同遊亦堪羨司徒卓犖萬人

英大復門墻夙著名白雪丹敷凌漢閣金情玉思照

秋晴鵬章搖曳尚書省麟節淹留 帝子城帝子

城邊秋日流却憶相逢夏木稠回首並瞻雙鳳閣論

心更上五雲樓五雲樓閣雲中起雙鳳低翔雙閣遊

皎皎青萍為君解雙雙白璧為君投白璧青萍期永

好睽違朱夏復清秋昆陵司馬更少年醉宴金門第

一仙朝天曾馭飛龍馬圖畫曾傳月露篇相憶遙天

春草歇相逢野水暮雲前却知却訝相逢晚相見翻

為相憶憐鼓我錦綺琴贈君華編宵中星斗寒仍

避水底鰐龍驚不眠余向蒼波飛桂楫君騎紫馬

瓊鞭挂珊瑚鞭紵未定秋風吹雨江空暝江空夜渡

朱辭艱山陰遙訪真乘興那知驪珠去復歸那知龍

劍合還離一去一來堪自笑一離一合使人悲去來

離合少人知把酒勸君君莫辭誰家大藥駐朱顏誰

家長繩繫白日朱顏去莫留何況相違與相失燕塞

遙聞白玉京淮雲虛衛紫金城北極連雲羅別苑中

都零露下飛覺膺揚舊戍三千士豕突多歸十二營

陵卒清宵虛舍月王孫白首散垣情村市幾家通歲

賦營屯千畝罷耨耕龍興寺裏璇題燬左甲門前碧

草盈天時人事增悽惋滄海桑田本變更萍浮蓬轉

漫同嗟酌桂燃藜意轉賒鳳凰簫裡吹明月鸚鵡杯

中泛彩霞彩霞明月情無極銀漢低回北斗斜三生

此日欣三遇相思何地更相聚吳苑仙旗那可留楚

宮使節君猶駐明朝余亦理扁舟凌風西向長淮渡

長淮之水長東奔東奔赴海何曾反相看隨時愛光

景矢心努力同飛鸞龍尾三分真竊忝鳳翼萬仞期

高騫但令百歲如今日南北東西未足論

金馬篇奉別侍御陳尊德

君不見漢國城東金馬山萬蟠飛磴不可攀祝融呵

護何峻極共工怒觸應苦郭永奠斗天南五嶽擬相
恭俯瞰滇池上娟娟鉢蓮長斜對穀昌城蕙煙草
平中有仙居翠微裏琪花照耀多仙子翕日食霞只
自怡瑤室璚房相對起東指赤霞城南望滄溟水玄
都五府浪相傳碧海三山竟何以別有仙即稱草池
金相玉質非凡姿降神通啟衡山嶠發秀元鍾湘水
眉纖成雲錦心良苦煉就金丹人詎知一朝謁

帝明光殿九霄曾醉仙莊宴更從勾漏覓丹砂遠向
方壺收赤箭滿城花落樓花開雙鳥飛去復飛來此

頻陽集

卷之四

李三

時歆蓋虛八柱此時捧檄還中臺蒼龍閣下朝朝待
丹鳳池邊日日回鳳池龍闕何清穆復下天閭巡甸
服避馬高臺星月懸棲鳥憲府冰霜肅可憐下界風
塵惡可憐西楚炎蒸雲西楚炎蒸不可留對此深衷
忽不樂霜簡還封上紫宸天書暫許還丹壑醜醜三
鳥報山靈冉冉雙童迎碧落妙矚長留此極欽蒼生
日望東山作余家亦在華峯邊舊傍松雲石上眠誰
知杳杳羈千里誰分悠悠邁十年金馬山中君早去
玉女峯頭我欲還贈君王壺酒聽我金馬爲春風回

首曲江前非沉顛晦俱茫然浮雲富貴何有焉西飛
白日奔高天他日青冥跨玄鶴訪君遥度紫峯煙

北海行贈李時盛丞古亭

李宗樞

君不見北海頭澄波倒浸青天流嶺巒萬疊日月森
樓臺五色螭龍遊仙山咫尺碧天東中有不死之仙
翁餐霞吸露不可見冥冥紫氣回青空磧岸迤邐臨
大路古亭鄉舍迷烟霞晴沙落日耀黃金豐草平原
飈翠羽灝氣遙通岱岳烟曠漠斜窺穆陵樹離水東
流去不歸齊王城下暮鴉飛豪華千古俱寥落卻金
伯起猶光輝憶昔乘槎遠相訪狂歌醉酒時齒賞別
來幾載各天涯羨爾銜恩今獨徃個儻高懷真壯
遊登臨吊古湯尋幽崇卑豈限丈夫志人生何必皆
封侯功名富貴不可求仕櫟行樂安所愛聞爾風齡
更好道皇華庭靜鄰三島披雲倘遇王子喬殷勤寄
我金光草

夢遊山賦

楊爵

時和煦以轉泰芳歲惟丁夫壬寅余彷彿於夢中兮
夢歸遊于咸秦歷韓魏之故疆兮泛栢舟於渭濱浮

颺颺以遠覽兮暫憩夫山之危岑乃吳嶽之崔嵬而
秀麗兮古謂曰西雍之鎮峯突岬以峻出兮赫若連
乎霄辰石巉巖以峻峭兮百壑研其嶙峋風習習以
清和兮迹迥脫于世塵草與木森森而天喬兮秀雲
遶其蒼葦鳥與獸蹒跚而頽頽兮若解意以相馴予
乃采芝蘭以聊茹兮氣和煦而芬芳把清泉以時酌
兮蕩吾夙昔之塵襟忽回顧以寥廓兮百峯羅翼其
其臨俯仰于長嘯而朗吟兮高曾次以樂真山有廟
焉迺遷其麓之東南兮以時妥侑乎嶽神棟宇苞輦
其壯固兮丹青煥乎其惟新背巉巖而面涇渭兮延
廣衾其幽沉古取夫萃與渙之大義兮儼嶽像以獨
尊予乃肅容儀以瞻拜兮心慄祗其快覩復長嘏而
祝之曰惟明神其監觀于下土以大義而降禎祥與
妖孽兮斯固無幽而不燭夫何世事之紛紛乃有稽
典訓而不類兮固予中心其眩貿予敢葢游衍而不
予隱兮願得夫子奪之微故惟予小子之有生兮何
不辰而遭世風波洒憂時之血忱而貞志於乎先兮
固之難於甯何時省愆而思咎兮求不忝于屋漏於

歲月之陽春兮今已兩過念予總角而志學兮
心以克邁嚴步履以出戶兮敢斯頌而或怠景
以周旋而與歸兮忽凶害為其顯崇固予小子反
思之而莫知其謂也語畢懷慄流淚潸然偃僕伏
聽神所言惟神轡爾而有聲兮復謂然其長嘆曰嗚
呼來汝小子兮是爾之愆爾不聞曲其躬而固其行
兮取封侯以相先或有貞直方而未以回兮死因不
免於道遑當行而吾行之兮當止而即止斯先達之
明訓而可敬服兮胡不珍身而量處道固不能無消
息兮應斯有常而有不為相幾而或失矣兮夫孰非
以災而自取惟明哲之見高一世兮動自遠於坎
壈隱機而尚肥遯兮泛長江之一舸乃有迷楫括而
未詰兮拂潛晦以自順衛崑山之良璧兮人共惜夫
特不疑大閑而不苟措兮固自謂世所尚也當柄鑿
之八類而欲強置兮孰不指身心以為訛嗚呼小子
而今後其尚疊疊焉以克勵未可以一變而遽挫思
福堂之玉汝於成兮方一念之偏頗惟古良士之
志于忠難兮日尚友以切磋寧惟介之耿於羅網

勿狡兔其愛愛寧松栢挺挺於歲寒兮勿桃李其
灼何所往而非吾可安之地兮慎無林中而懷憂彼
皇矣之全賦於有生之初兮惟反身而是求聽吾誨
爾之諄諄兮尚不忝於前脩兮迷途其終不悟兮乃
脂韋以自羞予乃再拜稽首而起應嚙嚙其未已將
周旋以出戶忽驚愕以覺悟時東方之既晨愧絲粟
於枕衾嗚呼天耶神耶救戒懼切誠可信而可遵大
道坦坦而無曲兮固不越乎吾之心

惻惻行送王太尹出獄

楊爵

惻惻送君幽繫裏天涯回音如千里此歸何以佑斯
民直須德化平如水最憐愚昧與饑寒古今失所皆
由此受托宜思君父恩同類孰非吾赤子君不見蒲
鞭一段好生心天地萬物真同體

書白樓詩卷

楊爵

將軍之居近白樓將軍之才冠帝州青中自有兵百
萬曾出將府舒國憂而今久佐園中客邊塞孰為胡
兒愁一到固園八九月手執周易誦不輟將軍本是
儒者流於此可以觀志節雲鳥往時成八陣常編此

地慕三絕每向憂中尋樂處魯史周文日謂說談立
論武擬虛舟戒識將軍豪興優身雖凝坐一室問心
在義皇境上遊嗟予真機久未開狂惑速禍自天來
還幸此自成良晤彷彿樂趣散愁懷世上紛紛苦
滯困亨誰解昔人意幾時各得歸山林毋忘爾我
相遇

焚陽集

卷之四

七

附錄

張鶴庵祠堂記

陝西提學蘭維鵬

先生統字昭季號鵬菴富平人也平生積學砥行
於大義著為文章錯綜經典揚摧故實勸成一家
言洪武初舉明經教授京兆恩陞雲南布政司布
政使時 皇師甫戢聲教未融制度闕亡典章沉
爵先生至闢庠序度上田制兵賦脩城保建壇壝之
法令陳像軌布條格法若畫一民若安堵治行推為
天下第一 屢書褒美特進吏部尚書并命禮官

傳布以風天下迨靖難之師次于金陵先生酌飲不
大口自經于吏部之寢堂夫人暨其子收其屍殮之
載而葬于鄉里後長子款以懷才舉得從縉紳遊昔
武王陳師牧野夷齊叩馬而諫左右欲兵之武王乃
義而釋之餓于首陽鯁鯁以死夫自有夷齊然後人
臣之節顯是故包胥哭于秦庭王蠋經于畫邑忠臣
節士泐風乎而起焉自有武王然後人君之度彰是
故齊桓釋射鉤之憤晉文忘斬袞之讐而五霸亦無
忌之事矣先生信以持義義以成信是故生則守

官危則受命死不離次非今之夷齊乎

文皇帝

包荒含垢以體天道俾得反葬其骨曲全其家顯榮
其子非今之武王乎夫先生死且百餘年于斯耿光
尚湮君子憫之既嘉靖紀元 詔天下甄錄遺遺
用廣褒勸陝西路乃參政潘君墳蒞其事學官王道
衷然舉先生以告焉潘君曰臣以守死為難國以顯
忠為大先生死不泯泯而今乃泯泯乎遂列牘請于
巡撫都御史王公珣巡按御史喻公茂堅並欽休烈
即其邑建祠秩祀猶未備焉既巡按御史王公鼎行
縣爰檄邑令胡山增飭之厥觀美矣龍執簡賜言曰
節亮者動光德樹者風遠而是舉也豈惟發潛聞幽
不遺先生之典刑而已抑所以仰昭 聖度如天
之無不博地之無不載乎至於植龔訓補國遺其庸
殆又多焉呼至矣

楊斛山祠堂記

尚寶司卿汪陽維道

楊公諱爵號斛山閬西富平人起家進士行人授江
南監察御史世廟時好直言極諫瀕危數四不
少挫折時則有若太僕楊射洪最重駕楊容城繼盛
皆以直聲動天下八號嘉靖間三楊云隆慶改
元錄卹往忠射洪贈右都御史謚忠節容城贈太常
少卿謚忠愍各祀於鄉公贈光祿少卿崇祀無宇巡
撫董公世彥巡按劉公光國檄縣相基鳩工創祠為
堂者三楹左右廊各三楹衛以峻垣重門翼張徭編
門役日供掃除焚帛香火有司春秋饗祀布在公今
公廕孫詹事主簿伯問記於邊蓋記祠堂肇緒歲時
云祠堂告成事萬曆六年其月也往遵愬角時知墓
公名高計是謁門牆觀其丰采至今有遐想焉公忠
讜封草備錄石室直節正氣服在當時信於後
世談者不偉其難即高其標豈知公見道分明學識
貞大危言若夷元志若抑分義在我自盡而已曾少
謂奇且難耶初公從遊苑洛韓先生邦奇與容城為
同門友師友淵源夙契道真且富平習重氣曠吏郭

尚書張鷟蒼統以伏節祀公以獻忠祀天植其性益

多於習人文世傑不愈靈其地邪嗚呼觀羨墻於廟

貌恩景行於高山其抑風世也與西安郡守羅公惟

垣雅崇先烈捐俸伐石勒碑董工乃屬新尹劉君允

李石疊墓誌銘

光祿寺卿馬理

皇明富平邑鍾三賢有太宰鸞張公爲
文質彬彬求仁得仁人也有御史斛山楊子爲匪躬
蹇蹇忠誠感神節不可奪人也有僉都御史石疊李
君爲識達時務隨遇攸宜才兼文武人也嗚呼富平
亦光矣哉君諱宗樞字子西號石疊其光遼烏古論
人金未有諱速可者爲將軍鎮耀州元初棄爵徙富
平今居流曲里焉速可後有惟忠惟忠生讓讓生文
政贈奉政大夫成都府同知生恕字道夫號松軒登
弘治丙辰進士歷官德平尹至貴州布政司左叅議
配宋氏封太宜人人生三子孟宗橋仲宗桂季君太宜
人先寓德平時夢紅日如輪墮懷中驚覺有娠生君
十六補縣學生受學于渭南瑞泉南子瑞泉令與弟
姜泉麗澤久之辭艱而陽登正德丙子鄉舉不第瑞
泉授以遷史文久之駸駸乎史矣間令執業就子子
語以洙泗及濂洛之純久之駸駸乎純矣由是登嘉
靖癸未進士觀政工部授諸城令諸城多將官巨室
率侵奪民田民失業靡餘計多流亡君至懲奪田尤

者一人諸巨室悉歸田民咸復業邑濱海盜警歲然
取盜飲巢穴于海官末之能禁也君蒞政三年盜屏
跡戊子撫按交薦徵授監察御史之任監脩
靈后陵完會虜犯宣大 勅巡邊至陳急務十策
司馬覆奏 上依擬是歲虜知備弗森時都御史
銓不法致其罪而劾之京師傳其疏而稱快焉銓危
懼而衛君又論兵部侍郎副都御史皆罷去明年銓
陟冢宰出君爲潁州兵備僉事類言南北衝訟繁多
盜蓋欲中傷之也君徃期年訟簡而盜息先後薦者
十有三疏銓竟無能害焉乙未冢宰代遷河南左叅
議值賊龍捷郭帥師平之獲金幣資焉戊戌陞副使
已亥 上請 天陵二月丁卯駐蹕衛輝夜行
宮災 上驚明日罪扈從諸臣特陞君左叅政
陞按察使令扈從三陞皆河南衛先是中官數千人
所至鞭撻有司奉衣馬故撫臣以下每朝早即避匿
以故夜火莫能遽集至是君同撫按奏 聞獲虜
禁而諸臣始展云云君徃返扈從 上安是歲七
月朔太宜人卒 勅訃奔歸是後虜數犯塞深入太原

潞安諸城邊鎮文武臣多罷去

詔舉才堪禦屬

重臣于是冢宰及科道交以君應

詔疏入達服

闕補先職時邊烽未熄遂擢右僉都御史保瓊中土被命察民猶憇愬震驚乃散守城之旅撤菜男

之旌靡挽弱之後以鎮靜莫之復於吾見峪羅家如

築堡據險設伏以待是故虜連歲不入民亦不知

為大業習俗故奢僭復有謫詐奸盜大為民害前撫

按屢禁之弗能革也君察知密捕諸首惡箠而殺之

其類悉逃去境清復罪諸服用踰常分者俗以變為

又察會城居民多加差終歲勤苦悉釐革之仍救災

恤患薄歛省刑于是民始息肩樂生而歌詠興矣又

嘗檄諸郡邑俾條具民間利害將一切興革比至將

裁行間乃疾革不可為矣惜也以故卒之日梁人聞

者咸流涕焉君子曰異哉子西之學與仕也始七歲

而知詩十歲而日誦古文數千言乃二十而舉然樸

實訥吃未幾益征邁深造思齊時賢尚友古人淵乎

遽便乎辨矣始亦固執未幾莊事接物左右攸宜

世之吉人孝士樂與朋簪而在位離寧之上亦予其

賢能不妬忌為嗚呼君善學而才美過人異如是耶

富平溫公楊生曰石疊憲副時迎養大宜人大宜人

每飯必令其內子躬操井臼手炊始食或稍有微過

輒怒卧弗食石疊聞必走跪膝下負荆請罪悅且食

命之興然後敢興至為憲長時亦然大宜人嚴訓君

承顏類如此君接上克恭臨下克簡子常與會粹瑞

泉在途經二日行必推先每却顧未之行也比至次

必先左僕馬終弗見其妙應如此與論政論文則與

子晚年所見寔合予歎服焉君配王氏封恭人生男

四長然生員娶三原穆御史伯寅女次蒸舉人娶耀

州戶部張員外子開女次蒸生員娶南氏即姜泉憲

副元貞女次蒸生員娶劉典膳乙卿女女二長遠耀

州進士左熙次遠熙叔通判少臣男生負煦孫男六

延齡夢齡松齡栢齡坤齡培齡孫女六俱尚幼君生

于弘治丁巳十二月二十四日卒于嘉靖甲辰六月

三日享年僅四十有八然等卜以嘉靖壬戌九月九

日厝于所居長隅明月山陽祖塋之次君為詩取初

唐所賦如之文宗泰漢書法章早入胄品其卒也周

頤國中尉西亭先生素以斯文交君收其遺藁得讀
章詩文凡四卷叙而刊之傳世又狀其行理述而志
銘銘曰哉 皇明弘嘉間有賢誕于富平乎而學
能變化氣質乃純清乎而業能懋脩底于粹精乎而
仕于中外人無不宜道無不伸乎而嗚呼世謂天下
有難處之事有難接之人自賢視之其無難處之事
亦無難接之人乎而身後有文君子叙以傳世其終
古不泯乎而

頤陽集卷之四終

明都察院右僉都御史石壘李公墓

賜進士出身中憲大夫四川按察司副使前吏部

選郎中翰林院庶吉士渭上南軒張

食都御史石壘李公之墓也當

肅皇帝壬戌九月中文行功烈銘田馬先生為之志

墓銘

帝元年會余於蜀泉道滑上其子然輩謁余表

其志余聞武功原大夫常孫馬先生信人也其言

自當傳余易能替一詞節余以奉世好後又嘗與

儀刑賡至論碩安可照照已邪乃擬其事于大者

表曰公諱宗樞字子西別號石壘富平流里人

舉正德丙子鄉試登嘉靖癸未進士其先世休聲

詳在馬先生志中余觀志稱

皇明富平有三賢蓋書張然與仰止之思云碩其中

不能無遺論也何以故其稱鵠蒼張太宰曰求仁

得仁斛山楊柱史曰節不可奪誠名言矣第謂公

為才兼文武人也乃竊疑之聞之大夫立身經世

氣節為本才能補之斯文武隨用咸宜即其身係

安危號稱康濟真才非浮也自夫空談勝而實意
微平居率飾文具一遇利害紛還輒嬰規避莫
能屹然建明以裨公家事吾不知其氣節何如也
而可語才邪觀公今諸城即歸巨室侵田擢御史
即劾大中丞不法為扈從又獨

奏治中貴橫索罪往見長老兄生談及周弗憊然起
救焉此其勁節直氣非可與子輿所稱大丈夫者
等評幾顧并其按邊條上十策于汝南擊平賊寵
及祿璽中士築堡禦戎數事品曰才兼文武夫文

類陽集

卷四

中

七

武固才矣假令學無定力氣餒節挫其充隨用輒
效若是否也仲尼稱才節兼全為君子乃今獨非
若人謂邪嗟乎張楊二賢事昭揭海內與日月爭
光固誠巍巍不可及公才猷氣節亦足凌跨時豪
顧今未盡暴著於世無亦所遭者有不同邪昔有
三人鬻玉於市其二與賈爭值不合觸之碎則行
人呀然環視憐而嘆異者久之其一遇良工捐重
貲持去寶而置諸肆人顧未之知也即此可以觀
公矣公平生自負期與汾陽萊公相從先乃其辛

也年僅四十有八助庸未究齋志以終嗟乎天

為

國家生此名賢顧又不憊遺之俾長壽我蒼生和武
曰三賢所造不同然皆天地正氣非凡人埒其卒
也英魂所萃當必為明神或沛為霖雨以蘇困窮
或震為雷霆必龍奸賊其贊化輔世赫赫如存宜
從崇報非可慢也此其言雖近幻然亦足以徵功
德在人而人心之欽仰自永永無斁云公言行之
跡暨厥配之賢子孫繁衍之盛詳在余所撰合葬
志中茲特論著其人品俾後之觀者知當平有石
疊公無忝於鵷鵠峒山斯可矣嗟乎宿草在堂拜
而勒石緬懷懿範今不可見矣余於是又不能無
歎歎慨嘆云

類陽集

卷四

七

類陽集卷之四終

頻陽四先生集四卷 陝西巡撫
孫進本

明劉兌編兌始末未詳其編此書則官富平縣知
縣時也所錄爲張統李宗樞楊爵孫丕揚四人詩
文統有雲南機務抄黃爵有周易辨錄丕揚有論
學篇均已著錄宗樞字子西號石疊嘉靖癸未進
士官至右僉都御史巡撫河南四人皆富平人富
平古頻陽地故稱頻陽四先生是集之編在萬曆
甲申於時丕揚方以右副都御史家居兌以丕揚
所作爲四家之一殊乖古人蓋棺論定之義明季
標榜之習大率如斯矣



ZW

21101000584767